

M

136

1

T. 5

M 136
1

810-83
68-6

ПОЛНОЕ СОБРАНИЕ

РУССКИХЪ ЛѢТОПИСЕЙ,

ИЗДАННОЕ

ПО ВЫСОЧАЙШЕМУ ПОВЕЛѢНІЮ

АРХЕОГРАФИЧЕСКОЮ КОММИССІЕЮ.

==

ТОМЪ ПЯТЫЙ.

У. VI. ПСКОВСКІЯ И СОФІЙСКІЯ ЛѢТОПИСИ.

Санктпетербургъ.

—
ВЪ ТИПОГРАФІИ ЭДУАРДА ПРАЦА.

=
1851.

ПОЧНОЕ СОРВАНІЕ

РАССКАЗЪ А. П. ТОПОНСКІЙ

ИСТИННОЕ

НО ВЪСОДАНІИХЪ ПОРВАНІИ

А. П. ТОПОНСКІЙ

ПЕРВОЕ СТОЛЪ

ТОМЪ ПЕРВЫЙ

ВЪ М. ПЕТЕРБУРГѢ И САНКТЪ-ПЕТЕРБУРГѢ



САНКТЪ-ПЕТЕРБУРГЪ

ВЪ М. ПЕТЕРБУРГѢ И САНКТЪ-ПЕТЕРБУРГѢ

1881



ПСКОВСКАЯ ВТОРАЯ ЛѢТОПИСЬ.

Псковская вторая Лѣтопись извлечена изъ Синодальной рукописи въ листъ, писанной въ двѣ колонны полууставомъ, въ концѣ XV или въ началѣ XVI вѣка, на 302 л., изъ которыхъ первыхъ одного или двухъ недостаетъ. Эта рукопись, какъ видно изъ подписи на приклеенномъ къ переплету листъ и изъ помѣты внизу страницъ, принадлежала Кирилло-Бѣлозерскому монастырю. Въ ней заключаются: а) Выписки изъ Хронографовъ; б) л. 32 об. Новгородскій Лѣтописецъ (въ сокращеніи); в) л. 154. Псковская вторая Лѣтопись, безъ окончателныхъ листовъ, которыхъ въ переплетъ рукописи не находится; г) л. 225. Росписи (безъ начала) Русскихъ владѣтельныхъ князей, митрополитовъ и Новгородскихъ владыкъ, и д) л. 234. Повѣсть о храбрости Александра царя Макидонскаго . . . створивый есть Аріанъ, ученикъ Епиктита философа.

Въ началѣ Псковская вторая Лѣтопись, по содержанію своему, сходствуетъ съ Псковскою первою Лѣтописью, но съ XV столѣтія содержитъ въ себѣ извѣстія, которыя пропущены или изложены въ послѣдней не столь обстоятельно. Она изображаетъ дѣла Псковской Церкви, сношенія Псковитянъ съ Московскими великими князьями, Новгородомъ и Литвою, розмирія и битвы съ Ливонскими Рыцарями, строеніе церквей въ Псковѣ и пригородовъ въ принадлежавшей ему области, способы и цѣнность народнаго продовольствія, моровыя язвы, пожары и голодъ, свирѣпствовавшіе по временамъ въ Псковѣ, и проч. Эта Лѣтопись сохранилась въ одномъ Синодальномъ спискѣ, и по недостатку листовъ, прерывается незаконченною лѣтописною статьею подъ 1486 годомъ; а какъ предшествующія ей статьи (съ 1178 года) отличаются подробностію и содержатъ въ себѣ извѣстія, о которыхъ упоминается только въ означенной Лѣтописи, то недостатокъ ея окончанія можно почесть важною утратою для Исторіи Пскова, до присоединенія его къ Московскому государству.

Въ «Прибавленіяхъ къ Псковскимъ Лѣтописямъ» помѣщены слѣдующія Повѣсти: а) Объ осадѣ Пскова Шведскимъ королемъ Густавомъ Адольфомъ и о военныхъ дѣйствіяхъ Шведовъ въ Псковской области, въ 1615 году, о Московскихъ событіяхъ во время Смутнаго періода и о восшествіи на престолъ царя Михаила Феодоровича, и б) Объ отступленіи Пскова отъ Московскаго государства въ эпоху междоцарствія, и о послѣдовавшихъ оттого безначаліи и народныхъ бѣдствіяхъ. Къ сему присоединена лѣтописная статья о крещеніи Чуди и Лопарей и разореніи языческихъ мольбищъ шюкомъ Илією, по благословенію Новгородскаго митрополита Макарія, въ 1534 году. Эти сказанія заимствованы изъ рукописей, Архивской XXV, князя Оболенскаго и г. Сивгирева: см. особое Предисловіе къ Прибавленіямъ, стр. 49.

Исторіографу Карамзину Псковская вторая Лѣтопись была извѣстна подъ именемъ Псковской Синодальной Лѣтописи: см. Исторію Государства Россійскаго, т. I, примѣч. 71.

Тсковская Вторая Летопись.

Изъ Синодальной рукописи, in f.º № 154, листъ 154.

**НАЖИТ ПОСЛУЖИ
НАША ЦАБЛЪ**

аще хощеши и зъ ѿ
брѣсти, ѿначала
ѿ твореніи земли
ѿ перваго вѣка ство
ренаго члвкъ а дама.
до потопа вса роды.
ѿ потопа до авра
ма. ѿ аврама до хъ,
ѿ хъ да жь и до влоче
сти в апоцѣра миха
ла. и црпѣа. и пррки
и проповѣди. и на
ѣ вса пѣвнѣа и зъ ѿ
брашеши. ^{по ктмо} начниче
сти книгѣ сию ѿ до
ски. и тако порадо
доидеши до начала
роускыя земли. а
начала рускыя земли
бысть сице +

В лѣ. 2. п. 3в. бѣаху
прѣвраты, едино

мвима. кыи, в поро
моушекъ. а претіе
моу, хуривъ. а сестра
оунихъ вѣименей.
лыбедь. и постави
ша гра на горѣ. и на
рекошаниа градоу
помѣ, вѣимавра
та своѣ старѣиша
кыевъ. и нача ша
владѣти. и жива
хоукои жь родомъ
своимъ. бѣахоу бо
мѣжи мѣри. и смы
слени. ѿ ни же соу
кыѣа не полане. и до
сего дни. бѣаху же
не вѣрни. и мноѣ ца
ни еи моушекъ и до
лѣ. **В** та же время
на бы въ грѣко црѣ.
михалъ, и мѣне
ирма, посе мѣ прѣи
доша до аварага. и
на реко стасе вѣи си

V.

ПСКОВСКІЯ ЛѢТОПИСИ.

II. ПСКОВСКАЯ ВТОРАЯ ЛѢТОПИСЬ.

Слп. I.

=

Начало лѣтописца Псковскаго. Аще хоцещи изъобрѣсти отъ начала о твореніи міра, отъ перваго Богомъ створенаго человѣка Адама до потопа, вся роды, отъ потопа до Авраама, отъ Авраама до Христа, отъ Христа даждь и до благочестиваго царя Михаила, и царствія, и пророки, и проповѣди, и иная вся подобнаа изъобрящещи, токмо начни чести книгу сію отъ доски, и тако по ряду доидеши до начяла Рускыя земля; а начало Рускыя земли бысть сиче:

Въ лѣто 6362. Бѣаху три браты, единому имя Кый, второму Щекъ, а третіему Хоривъ, 854
а сестра у нихъ бѣ именемъ Лыбедь. И поставиша градъ на горѣ, и нарекоша имя граду тому, въ имя брата своего старѣйшаго, Кыевъ, и начяша владѣти, и живяху кождо родомъ своимъ; бѣаху бо мужи мудри и смыслени, отъ нихъ же суть Кыяне Поляне и до сего дни; бѣаху же невѣрни, и много тщаніе имуще къ идоломъ. Въ та же времяна бысть въ Грекохъ царь Михайль и мати его Ирина. Посемъ же придоша два Варяга, и нарекоста себе князи, и бѣ имя единому Скальдъ, а второму Диръ; и бѣста князяще въ Кыевъ, рать имуще съ Древяны. Въ времена же Кыева и Щека и Хорива, Новгородстїи людїе, и Кривичи, и Меръ, Новгородци свою власть имѣаху, а Кривичи свою, а Меръ свою, а Чюдь своими владѣху, и дань даваху Варягомъ; а иже живяху у коихъ Варязи, или даньщики тѣхъ, тїи насилїа велика дѣяху Новгородцемъ, и Кривичемъ, и Меряномъ, и Чюди. Вѣсташа же Новгородци, и Кривичи, и Меря, и Чюдь на Варягы, и изгнаша ихъ за море, и начаша владѣти сами себѣ и города ставити; и бысть межю ими рать, градъ на градъ, и не бяше правды. И рекоша къ себѣ: «поищемъ себѣ князя, иже бы рядилъ по праву и владѣлъ нами.» И идоша за море къ Варягомъ, и рекоша къ нимъ: «земля наша велика есть, и умножися людей, и нѣсть кто бы владѣлъ нами и по праву рядилъ;» и просиша въ нихъ князей. И влашя имъ 3 князи, брата себѣ, съ роды своими ихъ, и привелоша къ Новугороду; и сѣде старѣйшїи въ Новѣ-

городѣ, а имя ему Рюрикъ, а Синеусъ сѣде на Бѣлѣозерѣ, а Трувольтъ сѣде въ Изборьскѣ. И по двою лѣтѣхъ умре Синеусъ и братъ его князь Изборскій Трувольтъ, оба умроша не сѣтворше сѣмени; а Рюрикъ на Новѣгородѣ оживѣ. И роди сына Игоря, мужа Олгина, а Олга отъ Игоря роди Святослава, а Святославъ роди Ярополка и Олга, а Володимиръ родися отъ ключницы Олжины отъ Малуши. И по Святославѣ Ярополкъ сѣде въ Киевѣ, а Олегъ въ Древлѣхъ, а Володимиръ въ Новѣгородѣ; и уби Ярополкъ Олга брата своего, а Володимиръ убоявся Ярополка, и бѣжа изъ Новагорода за море. И бѣ Ярополкъ владѣя единъ въ Руси.

Вѣдомо и о семь да будетъ: яко отъ начала, отнелъ же расплодишяся Руская земля, и до крещенія, то имать 135 лѣтъ. А князи въ та лѣта бяху на Руской земли: отъ Варяговъ 5 князей, первому имя Скалдъ, а другому Диръ, а третіему Рюрикъ, а четвертому Синеусъ, а пятому Трувольтъ, а шестому Олегъ, а седмому Игорьъ, а осмому Святославъ, а 9-му Ярополкъ, а десятому Олегъ, 11 Володимиръ, иже крести всю Рускую землю.

980. Начало княженія Володимирова. Въ лѣто 6488. Прииде Володимиръ изъ заморья къ Новугороду, и приведе съ собою множество Варягъ, и изгна изъ Новагорода намѣстники Ярополковы; и посла вѣстники къ Ровголоду въ Полтескъ, ркуци: «хощю поняти дщерь твою собѣ женѣ.» Оного же дщи не хотѣ, рекуци: «не хощю изути робичища, а Ярополка хощю.» Володимиръ же възъярився иде ратью къ Полтеску, и уби Ровголода и два сына его, а дщерь его Рогнѣду поя собѣ женѣ. И поиде на Ярополка къ Киеву съ множествомъ вой и съ Варягы. Ярополкъ же рассмотривъ несилу свою и послушавъ Блуда, велможка своего, бѣжа изъ Киева и затворися въ иномъ градѣ. Володимиръ же сѣде на великомъ княженіи въ Киевѣ, а Ярополка погуби лестию, и поя жену брата своего. Она же бѣ тогда непрадна, Грекыни ей сущи, отъ нея же родися Святополкъ, бѣ бо прежде черницею; тѣмже и отецъ его не любляше, иже отъ грѣховнаго корене золь плодъ бываетъ, бѣ бо отъ двою отцю и брату, отъ Ярополка и отъ Володимира. И посади Володимиръ Добрыню уя своего въ Новѣгородѣ, а самъ сѣде въ Киевѣ. И бѣ у Володимира 12 сына, не отъ единой княгъни, но отъ разныхъ: 1 Вышеславъ, 2 Изяславъ, 3 Святополкъ проклятый, а отъ Рогнѣды 4 Ижославъ, 5 Мьстиславъ, 6 Ярославъ, 7 Всеволодъ, а отъ иноя 8 Святославъ, 9 Мьстиславъ, а отъ Болгарыня 10 Борисъ, 11 Глѣбъ, 12 Позвиздъ; а у Ярослава 3 сыны, Изяславъ, Святославъ, Всеволодъ. А отъ тѣхъ даже и донынѣ велиции князи влекутся, и прочіи князи; вси ти князи отъ единого Варяга отъ Рюрика, и отъ сына его Игоря, и отъ княгъни Олгы Псковкы расплодишяся.

Повѣсти о жити и о храбрости благовѣрнаго и великаго князя Александра. О Господѣ нашемъ Исусѣ Христѣ Сынѣ Божіи, азъ худый и многогрѣшный, мало съмысля, покушаюся писати житіе святаго князя Александра, сына Ярослава, а внука Всеволожа. Понеже слышахъ отъ отецъ своихъ, и самовидѣцъ есмь възраста его, радъ быхъ исповѣдалъ святое и честное и славное житіе его; но якоже Приточникъ рече: въ злохытру душу не видеть премудрость; на вышнихъ бо краихъ есть, посреди стезь стояше, при вратѣхъ же сильныхъ присѣдять. Аще и грубъ есмь умою, но молитвою свята Богородица и поспѣшеніемъ святаго князя Александра начатокъ положю. Сѣи бѣ князь Александръ родися отъ отца милостилюбца и мужелюбца, паче же и кротка, князя великаго Ярослава и отъ матере Θεодосіи. Якоже рече Исаія пророкъ: тако глаголетъ Господь: князя азъ учиняю, священни бо суть; и азъ воюю ѧ. Во истинну бо безъ Божія повелѣнія не бѣ княженіе его, но и взоръ его паче инѣхъ чловѣкъ, и гласъ его акы труба въ народѣ, лице же его акы лице Юсифа, иже бѣ поставилъ его Египетскій царь втораго царя въ Египтѣ, сила же бѣ его часть отъ силы Самсона, и далъ бѣ ему Богъ премудрость Соломоню, храборство же его акы царя Римскаго Еуспесіана, иже бѣ плѣнилъ всю землю Иудейскую; и нѣгдѣ исполчися

къ граду Асафату приступити, и ишедше гражане побѣдиша плѣкъ его, и остана единъ и възврати къ граду силу ихъ къ вратомъ граднымъ, и посмѣлся дружинѣ своей и укори я, рекъ: остависте мя единого. Также и князь Александръ побѣжая, а не побѣдимъ. И сего ради нѣкто силенъ отъ Западныя страны, иже нарицаются слугы Божія, отъ тѣхъ прииде, хотя видѣти дивный возрастъ его. Якоже древле царица Южичьская приходи къ Соломону, хотяши слышати премудрость его; тако и сей, именемъ Андрѣяшъ, видѣвъ князя Александра и възвратився къ своимъ, рече: «прошедъ страны языкъ, не видѣхъ такового ни въ царѣхъ царя, ни въ князѣхъ князя.» Се же слышавъ король части Римскыя, отъ полунощныя страны, таковое мужество князя Александра, и помысли въ собѣ: «пойду и плѣню землю Александрову.» И събра силу велику, и наполни корабля многы полковъ своихъ, подвижеса въ силѣ тяжцѣ, пыхая духомъ ратнымъ, и прииде въ Неву, шатаяся безуміемъ; и посла слы своя, загордѣвъся, въ Новгородъ къ князю Александру, глаголя: «аще можеша противитися мнѣ, то се есмь уже здѣ, плѣняя землю твою.» Александръ же слышавъ словеса си, разгорѣся сердцемъ, и вниде въ церковь святыя Софія, и падъ на колѣну предъ олтаремъ, нача молитися съ слезами: «Боже хвалный, праведный, Боже великий, крѣпкій, Боже превѣчный, основавый землю и положивы предѣлы языкомъ, повелѣ жити не преступающе въ чужую часть;» възпріимъ же пророческую пѣснь, рече: «суди, Господи, обидящимъ мя и возбрани борющимся со мною; приими оружіе и щитъ, стани въ помощь мнѣ.» И скончавъ молитву, възставъ поклонися архіепископу; епископъ же бѣ тогда Спиридонъ, благослови его и отпусти. Онъ же ишедъ изъ церкви, утеръ слезы, нача крѣпити дружину свою, глаголя: «не въ силахъ Богъ, но въ правдѣ; помянемъ Пѣснотворца, иже рече: си въ оружїи, а си на конѣхъ, мы же во имя Господа Бога нашего призовемъ; ти спяти быша и падоша, мы же стахомъ и прости быхомъ.» Си рекъ, поиде на нихъ въ малѣ дружинѣ, не създався съ многою силою своею, но уповая на святую Троицу. Жалостно же бѣ слышати, яко отецъ его князь великий Ярославъ не бѣ вѣдалъ такового възстанія на сына своего милаго Александра, ни оному бысть когда послати вѣсть къ отцу своему, уже бо ратнии приближишася; тѣмже и мнози Новгородци не совокупилися бѣши, понеже ускори князь поити. И поиде на ня въ день Въскресенія, іуля въ 15, имѣяше же вѣру велику къ святому мученикома Борису и Глѣбу. И бѣ нѣкто мужъ старѣйшина въ земли Ижерстѣй, именемъ Пелугій, поручено же бысть ему стража ношная морская; възпрія же святое крещеніе, и живяше посреди рода своего погана суца, наречено же бысть имя его въ святѣмъ крещенїи Филипъ, и живяше богоугодно, въ среду и въ пятокъ пребываше въ алчбѣ; тѣмже сподоби его Богъ видѣти видѣніе страшно въ тѣ день, скажемъ вкратцѣ. Увѣдавъ силу ратныхъ, иде противу князя Александра, да скажетъ ему станы. Стоящу же ему при край моря, и стрежаше обою пути, и пребысть всю ночь въ бдѣнїи, и якоже нача възходити солнце, слыша шумъ страшень по морю, и видѣ насадъ единъ гребущъ по морю; и посреди насада стояща святая мученика Бориса и Глѣбъ въ одеждахъ чрѣвленныхъ, и бѣста руки дръжаща на рамѣхъ, гребци же сѣдяху акы мглюю одѣани; рече Борисъ: «брате Глѣбе! вели грести, да поможемъ сроднику своему князю Александру.» Видѣвъ же таковое видѣніе и слышавъ таковыи гласъ отъ мученику, стояше трепетень, дондеже насадъ отъиде отъ очю его; потомъ скоро поѣде Александръ^а, и радостныма очима исповѣда ему единому видѣніе; князь же рече ему: «сего не рци никомуже.» Оттолѣ потщався наѣха на ня, въ 6 день, и бысть сѣча велика надъ Римляны, и изби ихъ множество безчислено, и самому королю възложи печать на лице острымъ своимъ копіемъ; останаокъ же ихъ побѣже, и трупїа мертвыхъ своихъ наметаша

а) александръ; должно чит. къ александру.

корабля^а, и потопиша въ мори. Князь же Александръ возвратися съ побѣдою, хваля и слава имя своего Творца. Во второе же лѣто, по возвращеніи съ побѣды князя Александра, придоша пакы отъ Западныхъ страны, и возградиша градъ въ отечествѣ Александровѣ; князь же Александръ воскорѣ иде и изверже градъ ихъ изъ основанія, а самыхъ извѣша, и овѣхъ съ собою поведе, а инѣхъ помиловавъ отпусти, бѣ бо милостивъ паче мѣры. По побѣдѣ же Александровѣ, якоже побѣди корабля, въ третій годъ, въ зимнее время, поиде на землю Нѣмецкую въ велицѣ силѣ, да не похвалятся ркуще: «укоримъ Словенскій языкъ ниже себе;» уже бо бяше градъ Псковъ взятъ, и намѣстники отъ Нѣмцевъ посажени. Онъ же въскорѣ градъ Псковъ изгна и Нѣмецъ изсѣче, а инѣхъ повяза, и градъ свободи отъ безбожныхъ Нѣмцевъ, а землю ихъ повоева и пожже и полона взя безъ числа, а овѣхъ изсѣче. Они же гордіи совокупишася и рекоша: «поидемъ и побѣдимъ Александра, и имемъ его руками;» егда же приближишася, и очютиша я стражіе, князь же Александръ оплѣчися, и поидоша противу себе и покриша озеро Чюдское обои отъ множества вой. Отецъ же его Ярославъ прислалъ бѣ ему брата меньшаго Андрѣя, на помощь, въ множествѣ дружинѣ. Также и у князя Александра множество храбрыхъ, якоже древлѣ у Давыда царя силни, крѣпци, тако и мужи Александровы исполнишася духомъ ратнымъ; бяху бо сердца ихъ акы сердца лвомъ, и рѣша: «о княже нашъ честный! нынѣ приспѣ время намъ положити главы своя за тя.» Князь же Александръ воздѣвъ руцѣ на небо, и рече: «суди ми, Боже, и разсуди прю мою отъ языка непреподобна; и помози ми, Господи, якоже древлѣ Моисію на Амалика и правдѣду нашему Ярославу на окааннаго Святополка.» Бѣ же тогда субота, всходящую солнцю, и съступишася обои: и бысть сѣча зла и трусь отъ копій ломленія и звукъ отъ сѣченія мечнаго, якоже и езеру померзѣшно двинутися, и не бѣ видѣти леду, покры бо ся кровію. Се же слышахъ отъ самовидца, иже рече ми: яко видѣхъ полкъ Божій на въздусѣ, пришедши на помощь Александрови. И тако побѣди я помощію Божіею, и даша плеща своя, и сѣчухуть я гоняще акы по аеру, и не бѣ камо утещи. Здѣ же прослави Богъ Александра предъ всѣми полкы, якоже Исуса Наввина у Ерехопа; а иже рече: «имемъ Александра руками», сего дастъ ему Богъ въ руцѣ его, и не обрѣтется противникъ ему въ брани никогдаже. И возвратися князь Александръ съ побѣдою славною, и бяше множество полоненыхъ въ полку его, и ведяхуть босы подлѣ коній, иже именуютъ себе Божіи ритори, и якоже приближися князь къ граду Пскову, игумени же и попове и весь народъ срѣтоша ѿ предъ градомъ съ кресты, подающе хвалу Богу и славу господину князю Александру, поюще пѣснь: пособивый, Господи, кроткому Давыду побѣдити иноплеменикы, и вѣрному князю нашему, оружіемъ крестнымъ, и свободи градъ Псковъ отъ иноязычникъ рукою Александровою. И рече Александръ: «о невѣгласи Псковичи! аще сего забудете и до правнучатъ Александровыхъ, и уподобитесь Жидомъ, ихже препита Господь въ пустыни манною и крастелми печеными, и сихъ всѣхъ забыша и Бога своего, изведшаго я отъ работы изъ Египта.» И нача слыти имя его по всѣмъ странамъ, и до моря Хонужьскаго^б, и до горъ Араратскихъ, и обѣ ону страну моря Варяжскаго, и до великаго Риму. Въ то же время умножися языка Литовьскаго, и начаша пакостити волости Александровѣ; онъ же выѣзда и избиваше я. Единою ключися ему выѣхати, и побѣди 7 ратій единѣмъ выѣздомъ, и множество князей ихъ изби, а овѣхъ рукама изыма; слугы же его ругающесе вязахуть ихъ къ хвостомъ коней своихъ, и начаша оттолѣ блюстися имени его. Въ то же время бѣ царь силенъ на Вѣсточнѣй странѣ, иже бѣ

а) корабля»: въ друиыхъ спискахъ сей Повѣсти читается: 3 корабли. б) хонужьскаго»: въ друиыхъ Летописяхъ: хупожьскаго.

ему Богъ покорилъ языки многы, отъ вѣстока даже и до запада; тѣи же царь слышавъ Александра тако славна и храбра, посла къ нему послы и рече: «Александрѣ! вѣси ли, яко Богъ покори ми многы языки: ты ли единъ не хочещи покорити ми ся? но аще хочещи съблюсти землю свою, то приѣди скоро къ мнѣ, и видиши честь царства моего.» Князь же Александръ прииде въ Володимерь, по умертвіи отца своего, въ силѣ велицѣ, и бысть грозень приѣздъ его, и промчеса вѣсть его и до устья Волгы; и начаша жены Моавитскыя полошати дѣти своя, ркуще: «Александръ ѣдетъ.» Съдумавъ же князь Александръ, и благослови его епископъ Кирилъ, и поиде къ цареву въ орду. И видѣвъ его царь Батый, и подивися, и рече велможамъ своимъ: «истину ми скажете, яко нѣсть подобна сему князю;» почтливъ же ѿ честно, отпусти ѿ. Посемъ же разгнѣвася царь Батый на брата его меншаго Андрѣя, и посла воеводу своего Неврюня повоевати землю Суждальскую; по плѣненіи же Неврюневъ князь великій Александръ церкви въздвигну, грады исполни, люди распуженыя събра въ дома своя. О таковыхъ бо рече Исаіа пророкъ: князь благъ въ странахъ, тихъ, увѣтливъ, кротокъ, съмѣренъ, по образу Божию есть, не внимаа богатства и не презря кровь праведничю, сиротѣ и вдовици въ правду судай, милостилюбець, благъ домочадцемъ своимъ, и виѣшнимъ отъ странъ приходящимъ кормитель; на таковыя Богъ призираетъ, Богъ бо не ангеломъ любитъ, но человекомъ си щедра ущедряетъ, и показатъ на мѣрѣ милость свою. Распространи же Богъ землю его богатствомъ и славою, и удожи Богъ лѣтъ ему. Нѣкогда же приидоша къ нему послы отъ папы, изъ великого Рима, ркуще: «папа нашъ тако глаголетъ: слышахомъ ты князя честна и дивна, и земля твоя велика, сего ради прислахомъ къ тобѣ отъ двоюнадесять кординалу два хытрѣйша^а, Галлада^б и Гемонта, да послушаеши ученія ихъ о законѣ Божіи.» Князь же Александръ сдумавъ съ мудреци своими, въсписа къ нему и рече: «отъ Адама до потопа, отъ потопа до раздѣленія языкъ, отъ размѣшенія языкъ до начяла Авраамля, отъ Авраама до проитія Израіля сквозъ море, отъ исхода сыновъ Израілевъ до умертвія Давыда царя, отъ начяла царства Соломона до Августа и до Христова рождества, отъ рождества Христова до страсти и воскресенія, отъ въскресенія же его и на небеса възшествія и до царства Константинова, отъ начяла царства Костянтинова до перваго сбора и седмаго, си вся добрѣ съвѣдаемъ, а отъ васъ ученія не приѣмлемъ.» Они же възвратишя въсвояси. И умножишя дни живота его, въ велицѣ славѣ. Бѣ бо іереелюбець и мнихолубець, и нищя любя, митрополита же и епископы чтыше и послушааше ихъ, аки самого Христа. Бѣ же тогда нужда велика отъ иноплеменникъ, и гоняхуть христіанъ веляще съ собою воинствовати; князь же великій Александръ поиде къ цареву, дабы отмолити людій отъ бѣды тоя. А сына своего Дмитрія посла на западныя страны, и вся полкы своя посла съ нимъ и ближнихъ своихъ домочадець, рекши къ нимъ: «служите сынови моему, акы самому мнѣ, всемъ животомъ своимъ.» Поиде князь Димитрій въ силѣ велицѣ, и плѣни землю Нѣмецкую и взя градъ Юрьевъ, и възвратися къ Новугороду съ многымъ полопомъ и съ великою корыстію. Отець же его князь великій Александръ възвратися изъ орды отъ царя, и доиде Новагорода Нижняго, и ту пребывъ мало здравъ, и дошедъ Городца разболѣся. О горе тобѣ, бѣднѣй человекъ! како можеши написати кончину господина своего? како не упадетъ ти зѣници вкупѣ съ слезами? како же не урвется сердце твое отъ коренія? отца бо оставити человекъ можетъ, а добра господина не мощно оставити, аще бы лѣзъ и въ гробъ бы лѣзлъ съ нимъ. Пострада же Богови крѣпко, остави же земное царство и бысть мнихъ;

а) хытрѣйша; см. Карамз. IV, прим. 85; въ С. хытреша. б) галлада — такъ въ другихъ Лѣтописяхъ; агаллада С.

бѣ бо желаніе его паче мѣры ангельскаго образа, сподоби же его Богъ и болшій чинъ пріати, скиму. И тако Богови духъ свой предасть съ миромъ, мѣсяца ноября въ 14 день, на память святаго апостола Филиппа. Митрополитъ же Кирилъ глаголаше: «чада моя! разумѣйте, яко уже зайде солнце Суздальской земли^а;» іереи, и діакони, черноризци, нищии и богатіи, и вси людие глаголааху: «уже погыбаемъ.» Святое же тѣло его понесоша къ граду Володимерю; митрополитъ же, князи и бояре, и весь народъ, маліи и величии, срѣтоша ѿ въ Боголюбивѣмъ съ свѣщами и съ кандилы; народи же съгнатахутся, хотяще прикоснутися на честнѣмъ^б одрѣ святаго тѣла его, бысть же вопль и кричаніе и туга, яка же нѣсть была, яко и земли потрястися. Положено же бысть тѣло его въ Рождествѣ святаго Богородица, въ архимандриты величій, мѣсяца ноябріа въ 24, на память святаго отца Амфилохія. Бысть же тогда чудо дивно и памяти достойно: егда убо положено бысть святое тѣло его въ раку, тогда Савастіанъ икономъ и Кирилъ митрополитъ хотя розъяти ему руку, да вложатъ ему грамоту душевную, онъ же акы живъ суци, распростеръ руку свою и взялъ грамоту отъ руки митрополита; и пріять же я ужастъ, и одва отступиша отъ раки его. Се же бысть слышано всѣмъ отъ господина митрополита и отъ иконома его Савастіана. Кто не удивится о семъ, яко тѣлу бездушну суцию и везому отъ далнихъ градъ въ зимное время? и тако прослави Богъ угодника своего.

Сказаніе о благовѣрнѣмъ князи Домонтѣ и о хѣабрости его. Въ лѣто 6773. Заратишя Литва межю собою, якоже и всегда бываетъ княземъ межю ими брани многы и кровопротія о суетнѣмъ царствіи свѣта сего: и взя Вѣшегль землю Литовскую. Тогда блаженный князь Домонтъ съ дружиною своею и съ всѣмъ домомъ своимъ оставль отечество свое, землю Литовскую, и прибѣже въ Псковъ. Сіи же князь Домонтъ отъ племени Литовскаго, первіе имѣя къ идоломъ служеніе, по отцю преданію; егда же Богъ въсхотѣ избрати собѣ люди новы, и вдохну во нь благодать святаго Духа, и възбу яко отъ сна отъ идольскаго служенія. И крещенъ бысть во имя Отца и Сына и святаго Духа въ церкви святѣй Троицы, и наречено бысть имя ему въ святѣмъ крещеніи Тимоѣей; и бысть радость велика въ Псковѣ, и посадиша его на княженіи въ градѣ Псковѣ. И нѣпоколицѣхъ днехъ поимъ съ собою Псковичъ ратныхъ мужъ, три девяноста, иде въ землю Литовскую и отечество свое повоева, и княгиню Ерденевую полони тетку свою Еупраксію и дѣти ея, и вся имѣнія ихъ, и возвратися со множествомъ полона. И перебродившеся Двину, отѣха за 5 верстъ, и сташи шатры на бору чистѣ, а стражи поставя на рѣцѣ на Двинѣ, Давыда Якуновича съ Лувою Литвиномъ; двѣ же девяностѣ мужъ отпусти съ полономъ, а въ единомъ девяностѣ самъ ся оста, ждя по собѣ погони. Герденю же съ своими князми дома не бывшю, и пріѣхаша въ дома своя, оже домове ихъ и вся земля ихъ плѣнена; и опльчися Герденій, и Гортунтъ, и Люмбій, и Люгаило и прочіи князи, въ 7-михъ стахъ рати, и погнаша въ слѣдъ Домонта, хотяще ѿ руками яти и лютой смерти предати, а мужіи его Псковичъ мечи изсѣчи. И перебродившеся Двину рѣку, сташи на брезѣ; стражіе же видѣвше рать велику, пригнавше повѣдаша Домонту, что рать перебродилася Двину. Домонтъ же рече Давыду и Лувѣ: «помози вама Богъ святаа Троица на стражи вашей;» и пакы рече: «братіе мужи Псковичи, кто старъ то отецъ, а кто младъ то ми братъ! слышалъ есми мужество ваше въ всѣхъ странахъ; се же вамъ предлежитъ животъ и смерть; братіе моя, потягнѣте за домъ святаго Троица и за святаго церкви, за свое отечество.» Тогда же бѣ приспѣлъ день великаго и славнаго воеводы

а) сузд. земли; такъ должно читать; въ С. пропущено: земли. б) на честнѣмъ; въ С. безъ предлога: честнѣмъ.

мученика Христова Леонтіа; и помолися глаголя: «святая Живоначалнаа Троица, и святыи великий воевода Леонте, и благовѣрный княже Всеволоде! помозите^а намъ въ часъ сій на спротивныя врагы.» И сіа рекши двинушася, и тако Божією помощію единѣмъ девяностомъ 700 ратныхъ побѣди. Тогда убіенъ бысть князь великий Литовскій Гоитортъ, и инѣхъ князей много избиша, а иная Литва въ Двинѣ истопоша, а инѣхъ Двина изверже 70 на островъ Гойдовъ, а инѣхъ на прочая острова, а иніи внизъ по Двинѣ отплыша. Тогда же убіенъ бысть единъ Псковитинъ Антоній, сынъ Лочковъ, братъ Смолиговъ, а иніи вси безъ вреда съхранени быша, помощію святыя Троица и молитвою и воеводствомъ святого Леонтіа и благовѣрнаго князя Всеволода; и возвратишася съ радостию къ городу Пскову и съ многою корыстію. И потомъ благовѣрный князь Домонтъ испроси за себе у великаго князя Димитрія Александровича дщерь, княгиню Марью^б. Паки же, на другій годъ, князь Домонтъ съ мужи своими Псковичи иде въ пособіе тестю своему великому князю Димитрію на Нѣмецъ: и бишася на Раковорѣ, и одолѣша. Потомъ по нѣколицихъ днехъ останокъ събравшеся поганое Латины, и пришедше тайно взяша украины нѣколико Псковскихъ селъ, и възвратишася вскорѣ. Боголюбивый же князь Домонтъ не стерпѣ обидимъ быти отъ нападанія поганыхъ Нѣмецъ, выѣха въ погоню въ пятихъ насадѣхъ съ 60-ю мужъ Псковичъ: и тако Божіимъ пособіемъ 8 сотъ побѣди Нѣмецъ, на рѣцѣ на Мироповнѣ, овыхъ изсѣче, а иніи истопоша въ водѣ, а двѣ насадѣ бѣжаша въ инія острова. Князь же Домонтъ ѣхавъ повелѣ зажещи островъ, и егда начаша поганіи бѣгати, палимѣ травѣ, въсполѣша огнемъ и власи на нихъ и порты; и тако побѣди ихъ априля 23, на память святого великомученика Георгія, помощію и молитвою его. Слышавъ же мѣстеръ земля Ризьскыя мужество князя Домонта, съвокупи много вой своихъ, и ополчився въ силѣ тяжцѣ безъ Бога и приде ко Пскову, ови на конѣхъ, а иніи въ кораблѣхъ и въ лодіяхъ и съ пороки, хотяще плѣнити домъ святыя Троица, а князя Домонта руками яти, а мужей Псковичъ мечи изсѣчи, а не противный народъ жены и дѣти плѣнивше въ работу вести. Слышавъ же то Домонтъ, оплѣчающаяся люди безъ ума въ множествѣ силы безъ Бога, и вниде въ церковь святыя Троица, и положивъ мечъ свой предъ олтаремъ Господнимъ, падъ моляшеся много съ плачемъ, сице глаголя: «Господи Боже силъ! мы людіе твои, овца пажити твоя, имя твое призываемъ; призри на кроткыя люди своя, и смиренныя възвыши, и гордыхъ высокыя мысли низложи, да не опустѣтъ^в пажить овецъ твоихъ.» Игуменъ же Сидоръ и весь іерейскій чинъ, взявше мечъ и препоясавше, благословиша ѱ. Домонтъ же въ множествѣ ярости мужества своего, не дождавъ полковъ Новгородскихъ, съ малою дружиною съ мужи Псковичи выѣхавъ, изби полкы ихъ, и самого мѣстера раниша по лицу; они же трупіа своя многы учаны накладше, отвезоша въ землю свою, а прочій останокъ ихъ устремишася на бѣгъ, мѣсяца іюня въ 8^г день, на память Пренесенію мощей святого мученика Феодора. По прехоженіи же нѣколика времени начаша Латины насиліе Псковичемъ дѣяти, нападаніемъ и грабленіемъ; боголюбивый же князь Тимоѳей не стерпѣ обидимъ быти отъ поганыя Латины, ѣха съ мужи своими Псковичи и плѣни землю ихъ, и села Чюдская пожже, и полона много приведоша въ землю свою. И паки въ 30-третее лѣто княженія Домонтова, отнелѣ же во Псковѣ бысть, изгониша Нѣмци безвѣстно ратью посадъ у Пскова, марта въ 4 день, и тогда убиша Василиа игумена святого Спаса, Іасафа игумена^д Сиѣтныя горы, и черноризецъ много избиша и женъ и дѣтей, а мужей Богъ

а) помозите»; *въ С. неправильно: помозита.* б) марью»; *въ С. было написано: анну, но помарано и написано на поля какъ въ текстъ.* в) да не опустѣтъ»; *въ С. ошибк. да опустѣтъ.* г) іюня въ 8»; *въ С. ошибк. іюня въ 18.* д) іас. игумена» іасафъ игуменъ такъ въ С.

1065 ублюде. Въ утрѣи же день поганіи Нѣмци оступиша градъ; князь же Домонтъ не стерпѣ до-
 1138 ждати мужь своихъ большая рати, выѣха съ малою дружиною, противу имъ ополчился, съ
 Иваномъ Дорогомиловичемъ. И помощію святыя Троица побѣди я у святою Петра и Павла
 на брезѣ, овѣхъ избѣиша и овыхъ раниша, а иніи метяхуся съ брега въ кручю, а самого ку-
 мендера раниша по главѣ; а Велневиць руками нѣколько ихъ имше, послаша къ великому
 князю Андрѣви, а прочіи воскорѣ повергъше оружія устремилися на бѣгъ, страхомъ грозы
 мужества Домантова и мужей Псковичь. И бѣше тогда въ Псковѣ моръ вельми золь; тогда
 и благовѣрный князь Тимоѣей, мало поболѣвъ, преставися къ Богу въ вѣчную жизнь, мѣсяца
 маіа въ 20 день, на память святаго мученика Фалелѣя. Бѣше бо милостивъ паче мѣры, свя-
 щенники любя, церкви украшая, нищая милуя, и вся празднигы честно проводя, сироты и
 вдовица заступая и обидимыя изимая. И проводиша его священноиноки, и священники и діа-
 кони, мнѣхи и черноризици, и все множество людій; и тако святое и честное его тѣло по-
 положиша въ церкви святыя Троици, съ похвалами и пѣсньми духовными. Бысть же печаль и
 жалость велика тогда Псковичемъ.

Въ лѣто 6573. Князь Полотскый Всеславъ, събравъ силы своя многыя, прииде ко
 Пскову, и много тружався съ многими замыслени и пороками шибавъ, отъиде ничтоже
 успѣвъ.

Въ лѣто 6574. Князь Всеславъ Полотскый, пришедъ ратью, взя Новгородъ и пожже; а
 потомъ на 3-ее лѣто побѣдиша Новгородци Всеслава на Кзенѣ.

Полн. Собр. Лѣт. IV. 176.

Въ лѣто 6624. Иде Мстиславъ съ Новгородци и съ Псковичи, и взяша Медвѣжью
 Голову.

Тамъ же III. 4 и IV. 76.

Въ лѣто 6643. Князь Всеволодъ Мстиславичъ ходи съ Новгородци къ Суздаю, и изшедше
 Суздалици побѣдиша Новгородцовъ; и възвратнишыя посрамлени.

Тамъ же IV. 76.

Въ лѣто 6646. Выгнаша Новгородци Всеволода Мстиславича, князя своего, изъ Нова-
 города, а Святослава Ольговича приведоша къ собѣ княжить; Всеволодъ же иде къ Кіеву къ
 стрывеви своему Ярополку, Ярополкъ же посади ѣ въ Вышегородѣ. Тогда Псковичи ѣхавше
 къ нему биша чоломъ, и пояша Всеволода княжить къ собѣ; и проводи Всеволода Ярополкъ.
 А Василко Полотскый князь, Всеволоду идуцю мимо Полтескъ, самъ противу выѣха къ
 нему и проводи его съ честію, забывъ заповѣди ради Божіа злобу отца его, что бѣшетъ сътво-
 рилъ всему роду его: вшедшю ему въ руцѣ его къ нему, и ничтоже о немъ лукавно помысли,
 якоже подобаше по челоувѣчеству, но и крестъ межю собою цѣловаста, яко не поминати, что
 ся удѣяло первое, и на всеі правдѣ. И егда приѣха ко Пскову, священноиноки и священники
 и все множество народа срѣтоша его честно, съ кресты, и многолѣтствовавше посадиша его
 на столѣ. И мало нѣколько время пребывъ, того же лѣта и преставися благовѣрный князь
 Всеволодъ, нареченый въ святѣмъ крещеніи Гавріиль, мѣсяца февраля въ 11 день, въ четвергъ
 масленыя недѣли, а въ недѣлю масленую положенъ бысть въ церкви святыя Троица, юже
 бѣаше самъ создатъ.

Полн. Собр. Лѣт. IV. 176 — 177.

а) Предъ симъ въ видѣ заглавія киноварью: о князи всеволодѣ.

^а Въ лѣто 6677. Сътворися знаменіе преславно въ Великомъ Новѣгородѣ сиче : Живущимъ 1169 Новгородцемъ, и владѣяху своею областію, якоже имъ Богъ поручилъ, а князя дрѣжаху по своей воли; бѣ же тогда у нихъ князь Романъ Мстиславичъ, внукъ Изяславль. Въ то же время Двиняни не хотяху дани давати Новугороду, но вдашяся князю Андрѣю Суздальскому; Новгородци же послаша на Двину даньника Даньслава Лазутиничча, а съ нимъ изъ конца по 100 мужъ. И то слышавъ князь Андрѣй, посла на нихъ полкъ свой 1000 и 500 рати, они же начаша переимати на Бѣлѣозерѣ, и начаша ся бити; и пособи Богъ Новгородцемъ, убиша отъ полку Андрѣова 800 мужъ, а прочіи отбѣгоша, а Новгородцовъ паде 15 мужъ. И оттолѣ Андрѣй разгнѣвася на Новгородцовъ, нача копити рать, силу велику зѣло, самъ же тогда разболѣся; и посла сына своего Романа къ Новугороду съ всеми силами, и съ ними князь Мьстиславъ съ Смоленяны, и Рязанци съ своими князи, и Муромци, и Полочане, и Торопчане^б, и Переяславци, и Ростовци, и вся земля Руская, и бысть всѣхъ князей 72. Новгородци же слышавше ту силу велику, грядущу на ня, бышя въ скорби величѣй и въ сѣтованіи мнозѣ, моляхуся милостивому Спасу и пречистой его Матери Богородици Приснодѣвѣ Маріи, и поставиша острогъ около всего Новагорода; и придоша Суздальци къ Новугороду на Сборъ, и стояша подъ Новымъгородомъ 3 дни, а Новгородци бяху за острогомъ. Въ третью же ночь святому архіепископу Іоанну стоящу ему и молящюся честному образу Господа нашего Ісуса Христа о спасеніи града, и бывшу ему въ ужасті, и слыша гласъ глаголющъ сиче : «иди въ церковь святаго Спаса, и возми икону святаыя Богородица, и вынеси на острогъ, постави противу супостатъ.» Архіепископъ же Іоаннъ, то слышавъ, пребысть безъ сна всю ночь, моляся святѣй Богородици Матери Божіи, бывшу же утру, повелѣ быти собору и исповѣда видѣніе то предъ всеми; они же слышавше, и прославишя Бога. Архіепископъ же посла діакона своего съ крилошаны, и повелѣ икону принести на сборъ; діаконъ же вшедъ въ церковь, и поклонися предъ иконою святаыя Богородица, хотя взяти ю, и не движесе икона съ мѣста своего, діаконъ же възвратився повѣда архіепископу бывшее. Се же слышавъ преподобный епископъ отъ діакона своего, вѣста вскорѣ отъ мѣста своего и поиде съ всемъ съборомъ, и вшедъ въ церковь святаго Спаса и припадъ на колѣну предъ иконою, моляшеса глаголя : «о премилостивая еси Госпоже Дѣво Богородице Владычице, пречистаа Дѣвице! ты бо еси упованіе и надежда и заступленіе граду нашему, стѣна и покровъ и прибѣжище всемъ христіаномъ, на тебе надѣмся и мы грѣшніи; молися, Госпоже, Сыну своему и Богу нашему за градъ нашъ, и не предаждь насъ врагомъ нашимъ грѣхъ ради нашихъ; услыши, Госпоже, плачь людій сихъ и приими молитву рабъ твоихъ, избави, Госпоже, градъ нашъ отъ всякого зла и супостатъ нашихъ.» Сиче же ему молящюся, и начаша пѣти канонъ молебень святѣй Богородици, и по 6 пѣсни кондакъ : «Заступнице христіаномъ», въ то время подвижесе икона сама о собѣ; народи же видѣвши се, съ слезами вси зваху : Господи помилуй. И архіепископъ Іоаннъ приимъ икону своима рукама, дасть ю двѣма діаконима и повелѣ нести предъ собою, а самъ идыше въ слѣдъ, и вынесоша икону на острогъ, идѣже нынѣ манастырь естъ святаыя Богородица на Десятинѣ. А Новгородци вси бяху за острогомъ, не можаху бо противу ихъ стати, но токмо плакахуся каждо себѣ, видяще свою погыбель, понеже бо Суздальци и улици подѣлиша на своя грады. Бывшю же часу 6-му дне, начаша приступати къ граду вся полкы Рускыя, и попустиша стрѣлы яко дождь умноженъ. Тогда же, Божіимъ промысломъ, обратися икона лицемъ на градъ, и видѣ архіепископъ текуща слезы отъ честныа

а) Въ видѣ заглавія : о знаменіи иже на острогу отъ иконы святаыя богородица, и о суздальцехъ. б) и торопчане и полочане повторено въ С.

1169 иконы, и пріять я въ felonъ свой. О великое и страшное чудо! како се можаше быти отъ
 1293 суха древа? не суть бо се слезы, но являютъ знаменіе милости своея, симъ бо образомъ мо-
 лится святая Богородица Сыну своему и Богу нашему за градъ нашъ и за вся ту суцая люди
 своя въ немъ, не дати въ поруганіе спротивнымъ врагомъ ихъ. Тогда Господь Богъ нашъ
 умилосердися на ны, молитвами святыя Богородица, и пусти гнѣвъ свой на вся полкы Ру-
 скыя, и покры ихъ тма; якоже бысть при Моисѣи, егда проведе Богъ Жиды сквозѣ Чермное
 море, а Фараона погрузи, тако и на сихъ нападе страхъ и ужасъ, и ослѣпоша вси, и смя-
 тошяся и начаша ся бити между собою. Се же видѣвше Новгородци, изыдоша на поле, овы
 избиша, а другыя руками яша, а прочіи побѣгоша, ничтоже взявше, ни полонивше, толко
 взяша земли копытомъ. И оттолѣ отъяся слава и честь Суздальская, Новъ же градъ избавленъ
 бысть молитвами святыя Богородица. Преподобный же архіепископъ Іоанъ сътвори праздникъ
 свѣтель, и начаша праздновати всѣмъ Новымъградомъ честному и милостивому Знаменію свя-
 тыя Богородица, ея же молитвами, Христе Боже нашъ, и насъ избави отъ всякыя печали и
 бѣды и напасти, здѣ нынѣ въ сій вѣкъ, и въ будущій вѣчныя муки, аминь. И продаяху
 Новгородци Суздамца по двѣ ногатѣ.

Въ лѣто 6694. Приходилъ царь Греческый Алексіи въ Новгородъ.

Годъ 6732 см. въ Псков. первой Лѣт., стр. 177. Слова: Бишася . . . маія 31.

Въ лѣто 6738. Мразъ силенъ побилъ жита всюду, и бысть гладъ золь по всей земли, яко-
 же не бывалъ николиже.

Въ лѣто 6746. Псковичи избиша Литву на Камнѣ, засадою, октября 25.

Въ лѣто 6747, октября въ 16, избиша Нѣмци подъ Изборскомъ Псковичъ 600 мужъ, и
 тако пришедше взяша Псковъ; и сѣдоша Нѣмци въ Псковъ 3 лѣта.

Въ лѣто 6750. Князь Александръ, помощію святыя Троица, изби Нѣмецъ во Псковѣ, и
 тако избави градъ Псковъ отъ иноплеменныхъ Нѣмецъ; и биша съ ними на леду и одолѣ,
 мѣсяца априля 1, овы изби, овы извязавъ поведе босы по леду. И тако клятвою извѣща
 Псковичемъ, глаголя: «аще кто и напоследѣ моихъ племенникъ прибѣжитъ кто въ печали,
 или такъ пріѣдетъ къ вамъ пожити, а не примете, ни почтете его акы князя: то будете
 окаанни и наречетася вторая Жидова, распеншеи Христа.»

Полн. Собр. Лѣт. IV. 180.

Въ лѣто 6755. Избиша Литва Псковичъ на Кудепи, мѣсяца іуля 3.

Тамъ же IV. 180.

Въ лѣто 6773. Князь Домонтъ прибѣже во Псковъ, и крестися.

Въ лѣто 6775. Князь Домонтъ съ мужи своими Псковичи иде къ Раковору, и бишася съ
 Нѣмци, и одолѣша. Того же лѣта, мѣсяца априля 23, князь Домонтъ изби Нѣмецъ 8 сотъ,
 на рѣцѣ на Мироповнѣ. И потомъ пакы, того же лѣта, князь местерь совокупи воя многы
 и приде ко Пскову, и князь Домонтъ побѣди я, и тако побѣгоша посрамлени, мѣсяца іюня
 8^а, на память святаго мученика Θεодора Стратилата.

Въ лѣто 6792, генваря 2, избиша Нѣмци Псковскыхъ данщикомъ 40 мужъ у Вольсту.

Тамъ же IV. 185.

Въ лѣто 6801. Князь великій Дмитрій Александровичъ прибѣже въ Псковъ; и пріиша и
 честно.

Тамъ же IV. 185.

а) іюня 8. іюня 18 *ошибк. въ С.*

Въ лѣто 6807, мѣсяца марта въ 4, изгониша Нѣмци посадъ у Пскова; и князь Домонтъ ¹²⁹⁹ съ малою дружиною выѣхавъ, побѣди я на брезѣ у святыхъ Апостолъ Петра и Павла. Того же лѣта преставися благовѣрный князь Домонтъ, мѣсяца маіа въ 20. Того же лѣта бысть моръ золь на людехъ во Псковѣ. ¹³²³

Въ лѣто 6811. Бысть зима тепла безъ снѣга, и на лѣто бысть хлѣбъ дорогъ велми.

Въ лѣто 6817. Борисъ посадникъ и весь Псковъ заложиша стѣну камену отъ святаго Петра и Павла къ Великой рѣцѣ. 30

Полн. Собр. Лѣт. IV. 184.

Въ лѣто 6819. Свершена бысть церковь камена святаа Богородица на Снѣтной Горѣ, при игуменѣ Іевѣ.

Въ лѣто 6820. Преставися Борисъ посадникъ, іуна 1.

Въ лѣто 6822. Изби мразъ всяко жито, и бысть драгость люта, по 5 гривенъ зобница; бѣше же та драгость на много время.

Тамъ же IV. 184.

Въ лѣто 6828. Загорѣся отъ церкви святаго Георгіа, и погорѣ все Застѣніе во Псковѣ, только *ввижю*^а дѣтинца Богъ ублюде.

Въ лѣто 6831. Князь великій Юрьи пріѣде съ Низу въ Псковъ, и Псковичи пріяша его честно. Тоя же осени избиша Нѣмци Псковичъ гостей въ озерѣ, и ловцовъ на Норовѣ, и въ берегѣ Череместъ взяша, а на миру и на хрестномъ цѣлованіи; и послаша Псковичи къ Давыду князю въ Литву, и пріѣха князь Давыдъ въ четвергъ сыропустной недѣли, а князь Юрьи еще бѣше во Псковѣ, и тако князь Давыдъ со Псковичи ѣхаша за Норову и плѣниша землю ихъ до Кольвана, а князь великій Юрьи поѣха изо Пскова къ Новгороду. Тое же весны, марта въ 13, придоша Нѣмци ратью къ Пскову, и стоявше у города 3 дни, и отбѣдоша съ срамомъ. Тоя же весны, мѣсяца маіа въ 11, пакы придоша Нѣмци къ Пскову, ови на конехъ, а иніи въ кораблехъ и въ лодіахъ, гордящеся, въ силѣ тяжкѣ, съ пороки и съ городы и со инѣми многыми замысленіи, хотяще плѣнити домъ святыя Троица; тогда же убиша посадника Селила Олексинича; и стояша у города 18 дній, пороки біючи, городы своя придвигающе, залѣсами лѣзуще, и лѣствица исчиниша, хотяще черезъ стѣну лѣзти, и иная замышленія ихъ многа бѣшеть. И бѣше тогда притужно велми Пскову, и мнози гонци посылаху Псковичи въ Новгородъ къ князю Юрью и къ Новгородцемъ, съ многою печалію и тугою, абы помогли: и не помогаша. А Нѣмци стояху около всего Пскова, ови на Запсковьи, а друзіи на Полонищи, а иніи на Завеличьи, и что гдѣ полонивше, мужа или жену или дѣти, или скотъ, то все провадаху за Великую рѣку. Тогда Остафійи князь Изборскій подбѣмъ Изборянь, конниковъ и пѣшець, и подѣхавше озрѣша Нѣмецъ за Великою рѣкою и удариша на нихъ, и овѣхъ избиша, а иніи въ рѣцѣ истопоша; и тако полонъ весь отѣяша. Потомъ же, Богови тако устроившю, приспѣ князь Давыдъ изъ Литвы съ мужи своими: и помощію святыя Троица и молитвами благовѣрныхъ князей Гавріила и Тимофея, оплѣчився съ мужи Псковичи, прогна ихъ за Великую рѣку, а пороки и вся замышленія ихъ пожгоша, и отбѣгоша Нѣмци съ многымъ студомъ и срамомъ. И потомъ пріѣхаша силніи послове отъ всея земля Нѣмецкыя во Псковъ, и докончаша миръ по всей Псковской воли.

Тамъ же IV. 184 — 185.

а) ввижю»; *слич. то же мѣсто въ Псковской первой Лѣтописи (т. IV, стр. 184).*

1327 Въ лѣто 6835. Князь великій Александръ Михайловичъ Тферскій изби Татаръ въ Тфери,
 —⁴¹ Шевкала князя бесерменскаго и дружину его, а самъ съ малою дружиною приѣже въ Псковъ; и Псковичи пріаша его честно и крестъ къ нему цѣловаша, что его не выдати княземъ Рускымъ.

Въ лѣто 6838. Князь Александръ сложа крестное цѣлованіе, отъиде въ Литву, а княгиню свою ту оставивъ. Тогда бяше въ Псковѣ туга и печаль и мѣтва многа въ людехъ, по боголюбивѣмъ князи Александрѣ, занеже бяше добротою и любовію по сердцю Псковичемъ. И послаша Псковичи къ князю Ивану Сологу посадника, аже онъ стоитъ у городка у Опоки, а хоженіе его отъ Новагорода до Опоки 3 недѣли, не хотя разгнѣвити Псковичь. И посадникъ Солога князю великому Ивану отъ Пскова биша чоломъ, и повѣда о князи Александрѣ, что отѣха въ Литву; и князь великій отдаде Псковичемъ вины, а митрополитъ Теогнасть и владыка Моисій благословиша посадника Сологу и весь Псковъ. Того же лѣта, еще при князи Александрѣ, Шолога посадникъ съ Псковичами и съ Изборяны поставиша градъ Изборскъ, на горѣ на Жорави.

Въ лѣто 6840. Князь Александръ бывши въ Литвѣ полтора года, и пакы приѣха въ Псковъ, и Псковичи пріаша его честно.

Въ лѣто 6844, септеврѣ въ 7, бысть пожаръ великъ въ Псковѣ, а загорѣлося въ ноцъ отъ Воронца отъ городца^a, и погорѣ Застѣніе все, а дѣтинца Богъ ублюде.

Полн. Собр. Лѣт. IV. 186.

Въ лѣто 6845. Князь Александръ поѣха изъ Пскова въ орду, а жить Александръ во Псковѣ 10 лѣтъ. Того же лѣта придѣлаша персіи у дѣтинца, и путь простороннѣйши створиша къ святѣй Троици на городъ. Того же лѣта преставися Шолога посадникъ, мѣсяца септеврѣ въ 7.

Тамъ же IV. 186.

Въ лѣто 6847. Убиша въ ордѣ князя Александра и сына его Θεодора, различною мукою, септеврѣ въ 28 день. Того же лѣта заложена бысть дѣлати церковь камена святаго Архангела Михаила и Гавріила, въ Городци.

Въ лѣто 6849. Убиша Нѣмци въ Лотыголѣ, на селѣ на Опочнѣ, Псковскихъ пословъ 5 мужъ, Михаила Любиновича и дружину его, а на миру; и Псковичи, ѣхавше, повоеваша Лотыгоду о князи Александрѣ Всеволодичи. И князь Александръ учинивъ розгатіе съ Нѣмци, и разгнѣвався на Псковичь и поѣха къ Новгороду; Псковичи же много биша ему чоломъ, онъ же не послуша, и послаша послове по немъ съ чолобитіемъ и до Новагорода, и не возвратися; и Псковичи много биша чоломъ Новгородцемъ, а быша дали намѣстника и помощь, и не вдаша и не помогоша. А Нѣмци тое зимы, приѣхавше, поставиша Новый городокъ на рѣцѣ на Пивжи, на Псковской земли; а Псковичи въ то же время, коли Нѣмци городокъ ставили, ѣхавше за Норову въ малѣ дружинѣ, и взяша у Ругодива посадъ. И потомъ Псковичи думавше много, послаша пословъ своихъ въ Витебско къ князю Олгерду, глаголюще: «братіа наша Новгородци не помогаютъ намъ, и зли быша на ны; помози намъ, господине, въ сіе время.» Князь же Олгердъ съжаливъси и не остави мольбы и чолобитіа Псковскаго, но въскорѣ посла воеводу своего князя Юрья Витовтовича; а самъ князь Олгердъ подымъ брата своего Кестутіа и мужъ своихъ, Литовниковъ и Видѣблянъ, и приѣха въ Псковъ іуля

a) отъ городца; въ С. эта рѣчь написана: вгородца.

въ 20, на память святаго пророка Иліи, и приведе сына своего Андрѣя, а еще бѣ не кре-¹³⁴¹
щенъ. И тогда посла Юрья Витовтовича къ Новому городку языка добывати, онъ же под-^{—43}
ня съ собою охвочихъ людей, Псковичъ и Изборянъ, и поѣхаша на сумежье; и срътошася
съ великою Нѣмецкою ратью на Мекузицкомъ поли, оже они ѣдутъ на стояніе къ Изборску,
и убиша Псковичъ и Изборянъ 60 мужъ, августа 2, а самъ Юрьи прибѣже въ Изборскъ въ
малѣ дружинѣ. А назаутріе Нѣмци придоша къ Изборску съ пороки и съ городы и со мно-
гымъ замышленіемъ, и оступиша градъ. А въ то время Олгердъ и Кестутій повелѣша своимъ
Литовникомъ и Псковичемъ бродитися за Великую рѣку, а не вѣдаючи подъ Изборскомъ
рати; и они пребродившеся, сташа станми на Камнѣ. А князь Олгердъ посла своихъ людій
въ сторожю предъ полкомъ, и они ѣхавше языкъ яша за Халахалномъ, и повѣдаша силу
велику Нѣмецкое рати подъ Изборскомъ. Олгердъ же и Кестутій повелѣша своимъ Литовни-
комъ возвратитися въ Псковъ; такоже и Псковичи возвратишася съ ними, блюдуще своихъ
домовъ, женъ и дѣтей отъ Литвы. А князь Олгердъ и Кестутій осташася взади, и Псковичи
въ малѣ дружинѣ, и поѣхаша въ Грамское болото, и начаша перепытавати Нѣмецкыя рати.
И Любко князь самъдругъ отѣха отъ Олгерда, и вѣхъ въ сторожовый полкъ Нѣмецкый,
не вѣдающе ему, и тако его убиша самогдруга; и бысть Олгерду и княземъ его скорбь и
печаль по Любцѣ князи. А въ то время притужно бяше велми Изборяномъ, и прислаша го-
нецъ въ Псковъ съ многою тугою и печалью; Олгердъ же князь и Кестутій отрекошася поити
противу Нѣмецкой силѣ, Псковичемъ же единѣмъ не мощно бяше помоща Изборяномъ. И
стояша Нѣмци подъ Изборскомъ 10 дней, и воду отъяша, и помощю и заступленіемъ святаго
Николы отъидоша прочь, пожегше пороки и городи и весь запасъ свой, а не вѣдуще, что
въ Изборскѣ воды нѣтъ; но Богъ храняше градъ и люди ту суцая въ немъ, а поганымъ
вложи страхъ въ сердца ихъ и обрати я на бѣгъ. Тогда Псковичи много томишася, біюще
чоломъ князю Олгерду, хотяще его крестити и на княженіе посадити въ Псковѣ, онъ же не
въсхотѣ, но крести сына своего Андрѣя, и посадиша его Псковичи на княженіи, надѣющися
помощи отъ Олгерда; а Олгердъ и братъ его Кестутій съ своими Литовники поѣхаша прочь,
а Псковичемъ не учинивше помощи никоеяже. Того же лѣта бысть моръ золь на людехъ въ
Псковѣ и въ Изборскѣ: мряху бо мужи и жены и малыя дѣти, и не бѣ гдѣ погребати, вся
бо моголіа всконана бяху по всемъ церквамъ, гдѣ выкоплютъ единому мужю яму, то вло-
жить съ нимъ малыхъ дѣтокъ 7 али 8 въ одинъ гробъ. А еще и иного много быхъ писалъ,
бывшіа въ тое розратіе печали и екорби, но за умноженіе словесъ и не писано оставимъ.
Тогда князь Андрѣй Олгердовичъ поѣха изо Пскова, въ Литву, къ отцю своему.

Полн. Собр. Лѣт. 186 — 189.

Въ лѣто 6851, мѣсяца маія въ 26, Псковичи подѣмше всю свою область, и поѣхаша
воевати земля Нѣмецкыя о князи Иванѣ, и о князи Остафѣ, и о посадницѣ Володцѣ, и вое-
ваша около Медвѣжьи Головы 5 дней и 5 ноцей, не слазяще съ коней, гдѣ преже того не
бывали ни отци ихъ. И бысть егда възвратишася съ полономъ, и мало не доѣхавшимъ
Нового городка со двѣ версты, напалоша на нихъ погоня Нѣмецкая, множество, на Малѣ
Борку, на тѣспѣ. И сташа Псковичи ополчившеся, и помолившеся святѣй Троици и проще-
ніе взявше другъ съ другомъ, съступишася съ Нѣмци, на самый Троичинъ день: и на пер-
вомъ сступѣ убиша Кормана посадника, и Кюра Костинича, и Онтона сына Ильина, и инѣхъ
Псковичъ, 17 человекъ всѣхъ, и помощю святыя Троици одолѣша Нѣмцомъ, овѣхъ изсѣкоша,
а иніи ранени побѣгоша посрамлени. А въ то время нѣкто Руда, пошъ Борисоглѣбскый, повергъ
вся оружія, побѣже съ побоища, и прибѣжа къ Изборску и повѣда глаголя: «нашихъ Нѣмци
всѣхъ побили», такоже и во Псковѣ повѣда; и бысть плачь и рыданіе и вопль великъ. И

1343
—60 отрядиша гонцемъ въ Новгородъ Оому попа повѣдати, что Псковичи вси побиты : «и вы бы есте, братья наша, въскорѣ загнали Псковъ преже Нѣмецъ.» И еще не отпустя гонца своего, послаша перепытати къ Изборску : оже Псковичи подъ Изборскомъ стоятъ опочивающе , и потомъ прѣѣхаша въ Псковъ вси здрави.

Полн. Собр. Лѣт. IV. 189.

Въ лѣто 6856, мѣсяца іюня въ 24, на Иванъ день, посадникъ Псковскій Илья со Псковичами отѣѣхаша къ Орѣшку городку, въ помощь Новгородцемъ , противу Свейского короля Магнуша. А въ то время Нѣмци развергоша миръ съ Псковичи , и переѣхавше Норову повоеваша села Псковская ; и пакы потомъ съ инья украины пришедше воеваша Островскую волость и Изборскую, и прѣѣхавше подо Псковъ пожгоша Завеличье, и много зла починивше и пожегше волости Изборскыя отѣидоша ; а Псковичи тогда бяху у Орѣшка.

Тамъ же IV. 189 — 190.

Въ лѣто 6857, априля въ 13, въ понедѣльникъ святыя недѣли, князь Юрьи Витовтовичъ возмъ съ собою попы святыя Троица, и ѣхавше въ Изборско освящаша престолъ святаго Спаса у святаго Николы на полатѣхъ, априля въ 15 день. И внезапно пригнаша Нѣмци о полудни, и князь Юрьи выѣха противу имъ, такоже и Псковичи и Изборяни выидоша пѣши : и на первомъ съступѣ убиша князя Юрья Витовтовича, и Юрья Омакина брата, и инѣхъ Изборянь, добрыхъ людей ; и проводиша князя Юрья вси священноиноки и священники и діакони, и положиша въ святѣй Троици честно и великолѣпно. Того же лѣта Нѣмци поставиша городокъ надъ Норовою, противу исада Псковского ; Псковичи же отрядиша Ивана посадника и съ нимъ множество Псковичъ, они же ѣхавше зажгоша приметомъ, а Нѣмци и Чюдъ изгорѣша, а инѣхъ изсѣкоша. Того же лѣта княгыня Юрьева съ дѣтми своими поѣха изъ Пскова въ Литву. Того же лѣта Псковичи отрекошася князю Андрѣю Олгердовичю, глаголюще тако : «тобѣ было, княже, на Псковѣ самому сѣдѣти, а намѣстники Пскова не держати ; а нынѣче отрекаемъ тебе, и намѣстниковъ твоихъ не хотимъ ;» и про то разгнѣвася велми на Псковичъ. А отецъ его Олгердъ преже того егда воеваше Новгородскую волость Лугу, и возвратився оттолѣ идяше чрезъ Псковскую волость и жаляшеся на Псковичъ, глаголя : «много, рече, моихъ людей и коней погыбло въ вашей волости,» и оттолѣ много враждоваше ; посемъ же гостей Псковскихъ поруби, а товаръ огня, а на самыхъ окупъ поймавъ отпусти.

Тамъ же IV. 190.

Въ лѣто 6858. Князь Андрѣй Олгердовичъ съ Полочаны отъ своая украины пригнавшѣ безъ вѣсти, и повоеваша нѣколко Вороначькоя волости ; и се первое нача войну.

Тамъ же IV. 190.

Въ лѣто 6860. Бысть моръ золь въ Псковѣ, и по селомъ и по всей волости, хракотный ; о семъ пространнѣ обрящени написано въ Рускомъ лѣтописци.

Въ лѣто 6865. Купци Псковскіи поставиша церковь деревяную, въ имя святыя Софія, и вторый съборъ священники учинивше, начаша держати вседенную службу.

Въ лѣто 6866. Псковичи съ княземъ Остафемъ ходиша къ городу Полотъску, и повоеваша волости ихъ.

Въ лѣто 6868. Бысть во Псковѣ другый моръ лють зѣло ; баше бо тогда се знаменіе : егда кому гдѣ выложится жолоза, то въскорѣ умираше ; мнози же умираху тою болѣзнію, и

много время той смерти належащи на людехъ. Тогда же и Остафій князь преставися, и два сына его Карпъ и Алексій.

Полн. Собр. Лѣт. IV. 191.

Въ лѣто 6870. Пригнавшѣ Нѣмци избиша на Лидвѣ нѣколько головъ Псковскихъ, а на миру; и Псковичи пріяша гостей Нѣмецкихъ, и много на нихъ серебра поймавшѣ, отпустиша на другое лѣто.

Тамъ же IV. 191.

Въ лѣто 6871. Упаде верхъ церкви святыа Троица, на третій день Петрова дни; и приставиша засаду Изборскую, и выносиша камень и звукъ.

Тамъ же IV. 191 — 192.

Въ лѣто 6872. Псковичи даша наймитомъ 5 рублей, они же истребиша разбивше стѣны церкви святыа Троици, и звукъ выносиша въ Великую рѣку. Того же лѣта поставиша двѣ варници на Рухѣ, и начаша соль варити; и то не сбыется, и повергоша.

Тамъ же IV. 192.

Въ лѣто 6873. Псковичи наяша мастеровъ, и даша дѣлу мзды 400 рублей; они же заложиша церковь святыа Троица, по старой основѣ.

Въ лѣто 6875. Свершена бысть церковь святыа Троица. Того же лѣта поставлена бысть церковь камена, Богословъ Юанъ, на Снѣтогорскомъ дворѣ.

Въ лѣто 6876. Приѣха посолъ отъ князя великого Дмитрія Никита, тако нарицаемый, и бывъ въ Юрьевѣ многы дни, и не учини нимало на добро ничтоже, приѣха въ Псковъ; а за нимъ наборзѣ рать Нѣмецкая прииде къ Пскову, мѣсяца септеврія въ 24, и пожгоша Запсковіе и Полонище, и едину ночь стоявшѣ, и тоя же ноцы до свѣта отбѣгоша, а на миру и крестномъ цѣлованіи; но вся сіа быша по грѣхомъ нашимъ, тогда бо не бысть въ градѣ князя Александра, ни посадниковъ, но по селомъ въ розбѣздѣ. Въ то же время иная рать Нѣмецкая ходиша торономъ около Велья и по Залѣсю, и нѣколько мужей совокупившеся гнашяся вѣслѣдъ ихъ, и тамо побиха многыхъ добрыхъ людій. И потомъ Псковичи совокупившеся съ княземъ Александромъ, идоша къ Новому городку Нѣмецкому, и сташа подъ городкомъ; а Селило Щертовскій съ дружиною своею отбѣхаша торономъ къ Кирьепигѣ, и внезапу удари на нихъ рать Нѣмецкая, и ту убиша Селила и инѣхъ нѣколько мужъ, а иныхъ раниша, а иніи разбѣгошяся по лѣсу; и Псковичи видяще немощъ свою, похранившѣ битыа возвратишася.

Тамъ же IV. 192.

Въ лѣто 6877. Придоша Нѣмци къ Изборску въ велицѣ силѣ, съ многыми замышленіи, съ пороки, со възграды, съ бораны, хотяще разорити градъ и домъ святаго Николы; и стояша 18 дній, пороки шибайуще, възграды привлачюще и тлѣкуще въ стѣну, и много безумніи трудившеся не успѣша ничтоже, Богъ бо храняше градъ. Тогда же приспѣша Новгородци съ помощью Пскову, Нѣмци же то слышавше, и повергше вся замышленія въскорѣ побѣгоша прочь.

Тамъ же IV. 192.

Въ лѣто 6878. Придоша Нѣмци ко Пскову и стояша 3 дни, и убиша нѣколько мужъ на Запсковьи, Акима Троицкова, Артемія Діанова брата, а Луку живого емше сведоша и

1370 тамо замучиша ; и не учинивше Пскову ничтоже, отъидоша прочь отъ града. Того же лѣта,
 —87 на зиму, Псковичи подъемше Новгородцовъ и собравше всю свою область, и идоша въ землю
 Нѣмецкую къ Новому городку ; Новгородци же стоявше 3 дни отъидоша взадъ, а въ землю
 Нѣмецкую далѣ ити не восхотѣша. Псковичи же тогда шедше къ Кирыпигѣ, загониша по-
 садъ и зажгоша, а Нѣмецъ избиша, а инии въ погребехъ подхосяся ; и тако възвратишася
 съ множествомъ полона. Бысть же сіе розратіе Псковичемъ съ Нѣмци по 5 лѣтъ, про обид-
 ное мѣсто про Жалачко ; много же бѣдъ въ та лѣта претрѣпѣша, болѣзными и моромъ и
 ратми, и всѣхъ настоящихъ золь на ны за грѣхы наша ; тогда же и миръ взяша съ Нѣмци.
 Того же лѣта свершиша камену церковъ святаго Георгія, на Болотѣ.

Полн. Собр. Лѣт. IV. 192 — 195.

Въ лѣто 6879. Поставлена бысть церковъ камена святаго Николы, на Всосѣ.

Въ лѣто 6881. Поставиша камену церковъ, на другомъ мѣстѣ, святыхъ Апостолъ Петра
 и Павла ; и освяща ю самъ Алексій архіепископъ, въ свой пріѣздъ. Того же лѣта поставлена
 бысть церковъ камена святаго Власія, на другомъ мѣстѣ.

Тамъ же IV. 195.

Въ лѣто 6882. Мастеръ церковный Кирилъ постави церковъ камену, въ свое имя, свя-
 таго Кирила архіепископа Іерусалимскаго. Того же лѣта поставлена бысть церковъ камена
 святаго Тимоѣя.

Тамъ же IV. 195.

Въ лѣто 6883. Въ лѣта великаго князя Дмитрія, и Псковскаго князя Матѣя, и посад-
 ника Григорія Остафѣинича, Псковичи заложиха 4-ю стѣну камену отъ Псковы до Велика
 рѣкы, по старой стѣнѣ ; понеже была старая стѣнка сдѣлана съ дубомъ, мало узвышь мужа,
 около всего посада.

Тамъ же IV. 195.

Въ лѣто 6888. Князь великій Дмитрій и вси князи Рускыя бишася съ Тотары за До-
 номъ. Того же лѣта въ озерѣ Чюдскомъ истопоша 24 людей Псковскыхъ.

Въ лѣто 6890. Взята бысть Москва отъ царя Тартаныша. Того же лѣта князь местеръ
 съ силами своими и князь Скиригайло съ Литвою придоша къ Полочку, и стоявше 13 не-
 дѣли, отъидоша не взявше.

Въ лѣто 6891. Поставиша три церкви камены : на Гримячей горѣ святой Кузма и Да-
 мианъ, и святаго Николы, и Духъ святой за Стѣною. Того же лѣта князя Литовскаго Ке-
 стутя и сына его Витовта въ темницу ввергоша ; и Кестутій умре, а сынъ Витовтъ убѣжа.

Въ лѣто 6892. Поставиша двѣ церкви камены, святой Спасъ у старого костра и Въздви-
 женіе честнаго креста на княжи дворѣ.

Тамъ же IV. 195.

Въ лѣто 6893. Поставлена бысть церковъ святы Феодоръ.

Въ лѣто 6894. Погорѣ весь Псковъ и посади около города, мало Богъ дѣтинца ублюде ;
 а загорѣлося маіа въ 8, въ 6 часъ дни, а до 9-го часа весь градъ погорѣ. Того же лѣта и
 Новгородъ погорѣ.

Тамъ же IV. 195.

Въ лѣто 6895. Поставиша 3 костры камены у новыя стѣны на приступѣ. Того же лѣта

князя Андрѣя Олгердовича князь Скиригайло, братъ его, пойма перелестію въ Полотскѣ. 1387
Того же лѣта заложилъ камену церковь святаго Георгія. —98

Полн. Собр. Лѣт. IV. 195.

Въ лѣто 6896. Заложилъ церковь каменую Рожество Христово, въ Домантовѣ стѣнѣ.

Въ лѣто 6897. Преставился на Москвѣ князь великій Дмитрій.

Въ лѣто 6898. Бысть моръ въ Псковѣ, якоже не бывалъ таковъ: гдѣ бо единому выкопали, ту и пятеро и десятеро положиша.

Тамъ же IV. 194.

Въ лѣто 6899. Бысть рагоза Новгородцемъ со Псковичами, и поидоша Новгородци къ Пскову ратью, и Псковичи послаша послы своя, Лавра, и Михаила и попа Власьевскаго, и Ермолу игумена Николинскаго; и срътоша Новгородскую рать у Солци, и взяша миръ, и тако возвратишася Новгородци отъ Солци. Того же лѣта бысть моръ великъ въ Новгородѣ.

Тамъ же IV. 194.

Въ лѣто 6900. Въ Псковѣ поставиша 6 пороковъ. Того же лѣта Новгородци взяша миръ съ Нѣмци, а Псковичъ вымириша; и Псковичи взяша особый миръ съ Нѣмци.

Тамъ же IV. 194.

Въ лѣто 6901. Заложилъ Псковичи перси у Крома, стѣну камену; тогда же и колоколницу поставиша. Того же лѣта князь Андрѣй Олгердовичъ пріѣхъ изъ Литвы, убѣжавъ отъ братьи изъ нятя, мѣсяца іюля въ 18. Того же лѣта, мѣсяца августа въ 1, придоша Новгородци ко Пскову ратью въ силѣ велицѣ, и стояша у Пскова 8 дней, и дождавше ноци побѣгоша прочь посрамлени, пометавше многая своя замысленія, пороки и пускичи; и тогда убиша Конорскаго Іоана подъ Олгиною горою, а инѣхъ многихъ избиша на Выбутѣ, а инѣхъ руками яша, при владыцѣ Іоанѣ, и посадницѣ Ескѣ, и тысяцкомъ Никитѣ.

Тамъ же IV. 194.

Въ лѣто 6903. Поставиша церковь камену въ Домантовѣ стѣнѣ святое Воскресеніе, а другую церковь постави Захарія посадникъ святаго Николу на Волку. Того же лѣта князь Витовтъ Кестутевичъ взя градъ Смоленскъ прелестію, и своя намѣстники посади.

Тамъ же IV. 194.

Въ лѣто 6904. Бысть знаменіе въ церкви святаго Бориса и Глѣба: двѣ иконы, святая Троица и Богородица, снідоша съ верхняго тѣбла и легоша на востокъ образомъ. Того же лѣта быша два знаменія: у дальняго Пантелеймона отъ иконы святаго Богородица слезы, а другое въ Домантовѣ стѣнѣ у церкви святаго Тимоѣя отъ иконы святаго Богородица слезы изъ обою оку, мѣсяца августа въ 18 день.

Тамъ же IV. 194.

Годъ 6905 см. въ Псков. первой Лѣт., стр. 194. Слова: посадникъ . . . горкѣ.

Въ лѣто 6906. Князь Иванъ Андрѣевичъ, и князь Григорій Остафьевичъ, и Захарія посадникъ Костроминичъ, и Псковичи поставиша 3 костры на приступной стѣнѣ, единъ на углѣ съ Великыя рѣки, а другой на Лужици, а третій отъ Пскова на углѣ. Того же лѣта послаша Псковичи князя Григорія, и посадника Сысою, и Романа посадника, и инѣхъ бояръ

1398 въ Новгородъ ; они же ѣхавше взяша миръ вѣчный съ Новымъгородомъ. Того же лѣта по-
 1404 ставлена бысть церковь камена святое Богоявление.

Полн. Собр. Лѣт. IV. 194 — 195.

Въ лѣто 6907. Поставлены быша двѣ церкви камены, Покровъ святыя Богородица въ Домонтовѣ стѣнѣ, и Михаилъ святыи на Поли въ женскомъ монастыри; а поставилъ Захаріа Ооминичъ.

Тамъ же IV. 195.

Въ лѣто 6908. Князь Григорей Остафѣевичъ, и Захаріа посадникъ, и весь Псковъ заложивше сдѣлаша новую стѣну къ старой стѣнѣ на приступѣ, отъ Великой рѣцѣ до Псковѣ, тлъще и выше; и поставиша 3 костры: 1 на Незнановѣ горкѣ, 2 въ Лужскихъ воротъ, 3 у Куминыхъ. Тоя же весны выѣха изъ Пскова князь Иванъ Андрѣевичъ, внукъ Олгердовъ, и цѣлованіе сложивъ. А князь Литовскый Витовтъ Кестутьевичъ тогда разверже миръ съ великимъ княземъ Васильемъ, зятемъ своимъ, и съ Новымъгородомъ и со Псковомъ; и Псковичи послаша Луку Совкинича къ великому князю Василью Дмитріевичю, и испросивше приводоша къ себѣ князя Ивана, сына Всеволожа, внука Александра Тферского, и пребывъ во Псковѣ 4 мѣсяца, выѣха изъ Пскова. Того же лѣта бысть побоище силно князю Литовскому Витовту и многимъ его княземъ и пановомъ съ Тотары, за Псломъ рѣкою, въ Поли, за 500 верстѣ^а за Киевомъ; и одолѣша Тотарове, и побиша множество Литовскихъ князей и пановъ, мѣсяца августа въ 6 день.

Тамъ же IV. 195.

Въ лѣто 6909. Приѣха въ Псковъ пресвященныи архіепископъ Іоанъ, и благослови дѣтей своихъ весь Псковъ, и владе нѣколько серебра^б, и сдѣлаша его серебромъ на Радчинѣ всходѣ костерь, а другій костерь въ куту города. Того же лѣта князь Григорій Остафѣевичъ, и Захаріа посадникъ, и весь Псковъ заложиха къ старой стѣнѣ новую, тлъще и выше, возлѣ Великую рѣку, отъ Бурковыхъ воротъ отъ костра и до Кромю. Того же лѣта бысть буря велика, и шибе крестъ съ церкви святыя Троицы, и разбися весь. Тоя же зимы послаша Псковичи къ князю Витовту Григоріа Ѳедосовича и Гаврила намѣстника, и взяша миръ вѣчный. Тоя же зимы преставися посадникъ Псковскый Захаріа Костроминичъ; и положиша мощи его въ церкви святаго Рождества, мѣсяца марта въ 20 день, за 2 недѣли до Велика дни.

Въ лѣто 6911. Явися звѣзда хвостатаа, на западной странѣ, и въсхожаше съ прочими звѣздами отъ свадебъ до вербной субботы; и тако погыбе.

Въ лѣто 6912. Князь Даниль Александровичъ, и князь Григорій Остафѣевичъ, и посадникъ Романъ, и Ефремъ, и Елентѣй, и Панкратъ, и весь Псковъ заложиха стѣну каменую возлѣ старую стѣну, тлъще и выше, отъ Псковы рѣкы отъ Кромю и до Бродъ. Того же лѣта бысть моръ во Псковѣ: съ Спасова дни начаша преже мрети малыя дѣтки, и потомъ старыя и малыя мужи и жены; аще кому гдѣ явится знатба, то на другій день или на 3 умираше; а пришлоъ тотъ моръ изъ Юрѣва отъ Нѣмецъ. Того же лѣта князь Григорій пострижеса въ Великихъ Пустыняхъ.

Тамъ же IV. 196.

а) верстѣ — верстѣ такъ и въ другихъ мѣстахъ въ С: б) серебра — серебра такъ почти вездѣ въ С.

Въ лѣто 6913. Постави церковь камену Карпе священноинокъ святаго Стефана, въ ма-¹⁴⁰⁵
настыри святаго Спаеса; а другая церковь поставлена бысть святой Никола на Узвозѣ. Того ¹⁴⁰⁷
же лѣта, въ Петрово говѣніе, наиде дождь и иде даже и до Ильина дни, и наплънишися
источници и рѣкы и езера, акы веснѣ.

Въ лѣто 6914. Приде поганый отступникъ правья вѣры христіанскыя и отметникъ
Божій, сынъ діаволь, невѣрникъ правдѣ ни крестному цѣлованію, князь Литовскій Витовтъ,
съ множествомъ ратныхъ, а миру не отказавъ, ни крестного цѣлованія сложивъ, а розметную
грамоту Псковскую отсла къ Новгороду, а самъ изгономъ пришедъ градъ Коложе взя, а
люди суцая въ градѣ и по волостемъ овѣхъ изсѣче, а во плѣнъ сведе всѣхъ душъ 11 ты-
сящъ, мѣсяца февраля въ 5 день, на Черыкисовѣ недѣли въ пятокъ; и много зла учинивше,
отъидоша прочь. И не по мнозѣ времени, того же мѣсяца февраля въ 28, Юрьи посадникъ
Козачковичъ пойма съ собою мало дружины, охвочихъ людій, Псковичъ, Изборянъ, Остро-
вичъ, Вороначанъ, Вельянъ, и шедше повоеваша Ржову и Луки, а на Лукахъ на Великихъ
и стягъ Коложскій взяша; и възвратишися со множествомъ полона. А къ Новгородцемъ
тогда послаша Псковичи послы своя и биша чоломъ, чтобы пособили противу Литвѣ, они
же прислаша нѣколко мужей своєю силы, а съ лукавствомъ глаголюще: «намъ Великій
Новгородъ не указалъ, ни владыка благословилъ ити на Литву; идемъ съ вами на Нѣмци;»
и Псковичи отрекоша имъ по лукавству сердца ихъ, они же возвратишися. Того же лѣта,
мѣсяца маіа въ 31 день, всь Псковъ погорѣлъ, въ самый Духовъ день, а при послѣ князя
великого Микита Неѣловъ; а загорѣлося отъ Оксентіа отъ Байбородѣ, какъ обѣдную почи-
нають пѣти. Того же лѣта князь Псковскій Данилей Олександровичъ, и посадникъ Ларіонтъ
Доиниковичъ, и всь Псковъ подъемше свою всю область идоша къ Полотску, мѣсяца іюля
въ 30, и стояша подъ Полотскомъ 3 дни и 3 ноци; и пакы возвратишися вси здрави. Того
же лѣта, мѣсяца августа въ 22, князь местерь събравъ силы своєю множество ратныхъ вои,
приде къ Изборску, и ходиша 2 недѣли плѣняюще и жгуще волости Псковскыя около Острова
и около Котелна, и подъ Островомъ и подъ Котелномъ стояша, а подо Псковомъ не быша;
и много зла волостемъ учинивше, отъидоша въсвоєю. Тоя же осени бысть моръ великъ въ
Псковѣ, и по пригородомъ, и по волостемъ; а мряху желѣзою. Тоя же осени бысть дожда
много.

Полн. Собр. Лѣт. IV. 196 — 197.

Въ лѣто 6915. Князь Данилей Александровичъ и посадникъ Юрьи Филиповичъ подъемше
всю свою Псковскую область, поидоша въ Нѣмецкую землю, октября 7, и поимаша на ру-
бежи на Сѣрици 7 Нѣмчиновъ; и егда быша за рубежомъ, усрѣтоша ихъ Нѣмецкая рать за
15 верстѣ отъ Кирьяпигѣ, и Псковичи ударишися на нихъ, а Нѣмци побѣгоша, и гнашися
по нихъ сѣкуще и бьюще; и вбѣгоша въ градъ свой въ Кирьяпигу, пометавше кони и ору-
жія своя, и затворишися; и Псковичи стоявшѣ ноцъ едину, возвратишася со множествомъ
полона. И потомъ Псковичи послаша послы своя въ Великій Новгородъ и биша чоломъ, абы
помогли на Нѣмецъ; и не помогаша. И потомъ биша чоломъ князю великому Василію Дми-
тріевичю, абы помоглъ бѣднымъ Псковичемъ въ тошна времени: и князь великій разверже
миръ съ своимъ тестемъ, съ княземъ Витовтомъ, Псковскыя ради обиды. И бяше тогда во
Псковѣ моръ непрестаненъ; и выпровадиша князя Данила Александровича, глаголюще: «тебе
ради моръ сій есть въ насъ», и поѣха изо Пскова въ Новгородъ, въ самый Николинъ день,
во осень. И послаша Псковичи послы своя къ великому князю Василію Дмитріевичю, и испро-
сиша собѣ князя брата князя великого меньшаго Костянтина; и приѣха князь Костянтинъ въ
Псковъ, въ вторникъ на вербной недѣли. И князь Костянтинъ съ Псковичами смысливше и

1407 помолившеся Богу, създаша церковь въ имя святаго отца Аѳанасіа, въ единъ день, въ недѣлю,
 1408 и освящаша и службу свершиша, мѣсяца марта въ 29 день. И потомъ, по малъ времени, князь великій Костянтинъ посла князя своего Костянтина Дубровского, а Псковичи послаша съ нимъ Іоана посадника Сидоровича, къ Новугороду помощи прошать, и повѣствоваша отъ князя Костянтина, а отъ Пскова посадникъ много бише чоломъ, абы помогли противу поганыхъ Нѣмецъ; они же отрекошася и не помогоша. Того же лѣта князь великій Костянтинъ и посадникъ Псковскій Романъ Сидоровичъ, совокупивше вся своя волости и пригороды, множество ратныхъ, поидоша въ Нѣмецкую землю за рѣку за Норову, ови въ лодіяхъ, ови на конехъ; и перевезошася Норову назаутріе Петрова дни, и поидоша къ Порху, и многи волости повоеваша и пожгоша, и многи плѣнивше возвратишася въ землю свою съ множествомъ плена. И преста во Псковѣ моръ. И потомъ за мало дній, мѣсяца іюля въ 20 день, на память святаго пророка Ильи, князь великій Костянтинъ поѣха изъ Пскова на Москву. А Новгородци въ то время приведоша собѣ изъ Литвы князя Лугвеня, а все то Псковичемъ не на добро, но на большее зло и на погубленіе, хотя искоренити отъ основанія градъ Псковъ: вложи бо діаволь въ сердца ихъ, любовь дрѣжаху съ Литвою и съ Нѣмци, а на Псковичъ велику ненависть дрѣжаху; а Псковичи упованіе възложиша на святую Троицю и на князя великого Василья Дмитріевича. ^аТого же лѣта князь местеръ събравъ силы многыя, и Задвиньскую силу Курскую подъемъ, прииде отъ Бѣлого Камени въ землю Псковскую, мѣсяца августа въ 18 день; а Псковичи безъ пригородовъ поидоша противу имъ, токмо совокупивше волости своя, и усрѣтоша ихъ на броду у Выбута, а броды вси бяху заворены вѣрами; и стояша поганіи ту 4 дни, и многожды хотяху пребрести рѣку, и не возмогоша, Псковичемъ бѣошемся съ ними, и поидоша прочь, а не учинивше ничтоже; и Псковичи идоша въ слѣдъ ихъ, и постигоша ихъ за Камномъ на Логовицкомъ поли, а Нѣмци станы сташа, въ недѣлю о вечернемъ годѣ, августа въ 21 день, на память святаго апостола Фаддея и святыя мученици Вассы; и Нѣмци воскорѣ исполчишася, и тако Псковичи удариша на нихъ, и много бившеся одолѣша Нѣмци, а Псковичи побѣгоша, и убиша на сестуѣ Елентіа посадника, и Картача посадника, и Панкрата посадника, и бояръ много, а всѣхъ людей избиша 700 человекъ, и паде тогда и Нѣмецъ много. А въ то время иная рать Псковская ѣздиша въ лодыяхъ и въ насадехъ за Норову, и егда быша на Псковскомъ озерѣ въ Осатиѣ, и Нѣмци въ шнекахъ постигше ихъ ударишася на нихъ; и Псковичи пометавше 7 насадовъ и прочіи посуду, и побѣгоша, и приѣгоша ко Пскову пѣшь. И бысть Псковичемъ тогда многыя скорби и бѣды, ово отъ Литвы, а иное отъ Нѣмецъ и отъ своея братья отъ Новагорода, ово смерти належащи, а все то Богу попустившю грѣхъ ради нашихъ. И егда коли баше князь Костянтинъ въ Псковѣ, тогда баше овсяная зобница по гривнѣ, а ржи по 3 мѣрѣ за полтыну, а соль по гривнѣ да по осми мордокъ пудъ, а полтына серебра по 15 гривенъ.

Полн. Собр. Лѣт. 197 — 199.

Въ лѣто 6916, на Черкисовѣ недѣли въ субботу, на память святаго священномученика Власіа, поганый князь местеръ събравъ силы многы и Литву подъемъ, прииде въ землю Псковскую, и самъ станомъ стояше на Демяници 3 дни и 3 ноци, и распусти многыя вой по волостемъ; а иная рать пришедше подъ Велье, стояша 4 дни и 4 ноци, и много всеу тружавшеся и не учиниша граду ничтоже, отъидоша, Богъ бо храняше градъ; а подъ Вороначь приѣхаша Литва, и Вороначани выѣхавше избиша Литвы 100 мужъ, а ихъхъ руками

а) *Предъ симъ въ видѣ заглавія киловарю: о каменскомъ побоици.*

яшя ; и воеваша Нѣмци всю Залѣскую страну и до Черехѣ, и прешедше за рубежъ воеваша 1408 въ Леженицахѣ, и на Болотахѣ, и на Дубскѣ, и на Гостени, и подѣ Кошкинымъ городкомъ, —11 и много забѣглыхъ Псковичъ и Новгородцовъ овѣхъ изсѣкоша и овѣхъ плѣниша и пожгоша. А Псковичи въ то время посла своего слаша въ Новгородъ, и биша чоломъ со слезами, абы отместили нетокмо Псковскимъ кровемъ, но и своихъ ради плѣненныхъ и изсѣченныхъ ; а они о всемъ томъ не брегаша, но и съ укоризнами Псковичемъ отрекоша не помощі, и посла своего тогда послаша въ войско къ местеру, а Псковичемъ на зло. Тогда выѣха изо Пскова князь Костянтинъ Бѣлоозерскій, а Псковичемъ не учинивъ помощи никоеяже. А князь местеръ двѣ недѣли ходиша по волостемъ Псковскимъ и по Новгородскимъ, сѣкуще и плѣняюще и жгуще, и много зла створше отъидоша. И потомъ Псковичи привелоша собѣ князя Данила Александровича изъ Порхова, на Усрѣтеніе Господа нашего Исуса Христа, и пріяша его честно. Тоя же зимы пріѣха въ Новгородъ братъ меншіи князя великого князь Костянтинъ, а другой князь Литовскій пріѣха Лугвень ; а Новгородци обою князей пріяша. Того же лѣта, на весну, мѣсяца маіа въ 6 день, пригнавші поганіи Нѣмци къ Велью и поймавші мужъ и женъ и дѣтей 40 головъ, и побѣгоша прочь, и Вельяни погнашася въ слѣдъ ихъ ; они же поганіи подсадою удариша на нихъ, и убиша Вельянь 60 мужъ. И паки, того же дни къ вечеру, приспѣша Вороначани и сугнаша ихъ уже на рубежи, и ударишася на нихъ ; и видѣвші поганіи, яко не успѣша ничтоже, они же плѣненныя посѣкше, а сами побѣгоша, и убиша Нѣмецъ 30 мужъ, а иніи разбѣгошася. Того же мѣсяца маіа Изборяни ходиша въ Нѣмецкую землю, и ударишася Нѣмци на нихъ, и убиша ихъ 11 мужъ. И паки потомъ, въ осень, Псковичи взяша съ Нѣмци перемирье до Усрѣтенія Господа нашего Исуса Христа.

Полн. Собр. Лѣт. IV. 199 — 200.

Въ лѣто 6917. Князь великій Василій Дмитріевичъ събравъ силы многы, всю свою область, иде на князя Литовского тестя своего Витовта, а князь Витовтъ подоймя своихъ Литовниковъ, и усрѣтошася на Угрѣ, и взяша миръ. Тоя же зимы Нѣмци, препустивъ по перемирьи на третей день, мѣсяца февраля 5 день, поганій князь местеръ събравъ силы своя многыя и Литву, прииде на землю Псковскую и повоева многы волости Псковскыя и Новгородскыя, а Новгородци всего того не брегаша, а на перечину Псковичемъ ; и Нѣмци ходивше по Псковскимъ волостемъ недѣлю, и остаточныхъ волостей плѣнивше и пожегше, отъидоша. Тоя же зимѣ въ Псковѣ отложиша кунами торговати, и начаша плѣнзми торговати ; и бѣше тогда соли Русѣ на полтыну полпятѣ зобницъ, а ржи на полтыну 6 зобницъ.

Тамъ же IV. 200.

Въ лѣто 6918. Послаша Псковичи Ѳедоса посадника и Юрья Винкова Тимоѳеевича бити чоломъ князю великому Василію Дмитріевичу и просити собѣ князя, и дастъ имъ князя Александра Ѳедоровича Ростовского ; и пріѣха во Псковъ мѣсяца септеврія въ 26 день, и Псковичи пріяша его честно. Тоя же зимы, въ великое говѣніе, апрѣля въ 4, преставися князь Псковскій Данилей Александровичъ, и положиша мощи его въ святѣй Троици. Того же лѣта, мѣсяца іюля 28, посадникъ Псковскій Ларіонъ, и посадникъ Иванъ и Микула, и иныхъ бояръ много ѣздиша подѣ Кирьяпигу, и взяша миръ съ княземъ местеромъ и со всѣми Нѣмцами, а опроче Новагорода. А въ Литву къ князю Витовту послаша Псковичи Якима посадника, и Терентіа Ѳоминича, и Сидора Дѣдькова, и взяша миръ съ княземъ Витовтомъ, а опроче Новагорода.

Въ лѣто 6919. Псковичи выпровадиша князя Александра Ростовского, и послаша къ князю великому посадника Ивана Сидоровича и Ѳедора Шибалкинича, и испросиша собѣ

1411 князя Костянтина Дмитріевича, меншаго брата великому князю Василью. Того же лѣта Пско-
—18 вичи сожгоша 12 жонке вѣщихъ.

Въ лѣто 6920. Пріѣха въ Псковъ князь великій Костянтинъ Дмитріевичъ, ноября въ 11, и Псковичи пріяша его честно. Того же лѣта и миръ взяша съ Новгородцами по старинѣ.

Въ лѣто 6921. Поставлена бысть церковъ камена святый Василей на Горкѣ. Того же лѣта въ Псковѣ былъ владыка Иванъ 2 недѣли, и своихъ дѣтей Псковичъ благословивъ, отѣха мѣсяца августа въ 6. Того же лѣта князь Костянтинъ отѣха въ Новгородъ, и тамо пребысть годъ, и паки пріѣха во Псковъ.

Въ лѣто 6922. Псковичи поставиша градъ Коложе на новомъ мѣстѣ на Опочкѣ, а сдѣлаша весь у двѣ недѣли въ осень по Покровѣ. Того же лѣта князь Костянтинъ поѣха изъ Пскова на Москву, въ Петрово говѣніе. Того же лѣта Псковичи потроша жито подъ Новымъ городкомъ и скотъ отгнаша; и потомъ Юрьевци прислаша во Псковъ послы, а Псковичи послаша 2 человекъ въ Новей городокъ, они же погани единого изсѣкоша, а другаго въ погробъ ввергоша, и Псковичи противу того посоль ихъ пріяша.

Въ лѣто 6923, на Воздвиженіе Господне, Нѣмци пріяша гостя Псковского, а Псковичи Нѣмецкій гость пріяша, и сдѣлаша обоиму и лѣто все, и потомъ Юрьевци прислаша пословъ своихъ и цѣловаша крестъ по старинѣ, и Псковичи отпустиша гостей и посла, а единого посѣкоша противу своего человекъ, а Нѣмци такоже отпустиша гостей Псковскихъ, іуля 27 день. Того же лѣта купци Псковскыя разбиша старую церковъ святую Софію, и начаша новую дѣлати. Того же лѣта, на весну, марта въ 19, пріѣха во Псковъ князь Андрѣй Александровичъ Ростовскый, и Псковичи пріяша его честно; и цѣлова крестъ къ Псковичемъ. Того же лѣта мастеръ Еремѣй съверши церковъ камену святыхъ мученицъ Вѣры, Любве, Надежи и матере ихъ Софіи, мѣсяца іуля въ 18, на память святаго мученика Леонтіа, благословеніемъ служителя святыхъ мученицъ Ивана священника Хахиловича и повелѣніемъ купецкихъ старость, Андрѣя Тимоѣевича и Осея, и всѣхъ купцовъ.

Въ лѣто 6925. Псковскіи посадники, Θεодосъ и Селивестръ, и весь Псковъ нашла мастеровъ, и сдѣлаша стѣну отъ костра Незнановъ^а горкѣ и до Сысоевыхъ воротъ, а другихъ наймитовъ нашла, и поставиша костеръ на Кромѣ отъ Псковъ, въ Петрово говѣніе кончаша, а въ Богородично говѣніе паде о полудни; а поимаша тое серебро на корчмитѣхъ. Того же лѣта Псковичи выгнаша князя Андрѣя Александровича, іуля 17 день. Того же лѣта попове невкусный собравшеся биша чоломъ Пскову, и устроиша третій соборъ у святаго Николы надъ греблею. Того же лѣта преставися князь Григорій, на Снѣтной горѣ постригся, и положенъ бысть въ притворѣ на десной сторонѣ. Того же лѣта Псковичи быша рагозни съ Новгородцами, и послаша Ивана посадника Сидоровича, и Ларіона, и Акима, и Юрья Винкова, и иныхъ бояръ, и много биша чоломъ, просяще мира по старому крестному цолованію; и Новгородци чолобитья Псковского не пріяша, а миру не взяша. Того же лѣта Псковичи послаша къ великому князю Василію Дмитріевичю посадника Селивестра Левонтеевича и Терентіа Ооминича, и испросиша собѣ князя Θεодора Александровича; и пріѣха въ Псковъ за двѣ недѣли до Рожества Христова, и Псковичи пріяша его честно.

Въ лѣто 6926. Князь Θεодоръ Александровичъ и весь Псковъ послаша въ Новгородъ Микулу посадника Павловича, и Андрѣя Ларивоновича, и Данила Филтяева, и взяша миръ по старинѣ, мѣсяца августа въ 28 день.

а) незнановѣ; должно чит. отъ незнановѣ или на незнановѣ.

Въ лѣто 6927. Владыка Семеонъ пріѣха въ Псковъ, октября въ 16, и пребывъ во Псковѣ 1419
3 недѣли, отъѣха не сборовавъ, а Псковичъ дѣтей своихъ всѣхъ благословивъ. Тогда при —22
владыцѣ преставися Романъ посадникъ, а на зиму въ субботу мясопустную преставися Ларіонъ
посадникъ. Того же лѣта поставлена бысть церковь камена святой Никола въ Пескахъ. Того
же лѣта поставиша костеръ на Крому отъ Псковъ падшійся.

Въ лѣто 6928. Псковичи напаша мастеровъ Ѳедора и дружину его побивати церковь свя-
таа Троица свинцомъ, новыми досками, и не обрѣтоша Псковичи такова мастера въ Псковѣ,
ни въ Новѣгородѣ, кому лити свинчатый доски, а къ Нѣмцомъ слаша въ Юрьевъ, и поганіи
не даша мастера; и пріѣха мастеръ съ Москвы отъ Ѳотѣя митрополита и научи Ѳедора ма-
стера святыя Троицы, а самъ отъѣха на Москву; и тако до году побита бысть церковь святая
Троица, мѣсяца августа въ 2, и даша мастеромъ 40 и 4 рубли. Того же лѣта бысть знаменіе
веліе въ Чирскахъ отъ иконы; нѣсть кому мощно еже не удивитися о семъ чудеси: отъ
суха древа отъ образа святыя Богородица изъ обою оку идяху слезы, яко мнозѣмъ каплемъ
капати; и священники послаша попы и діаконы, а отъ Пскова послаша Ѳедора Шибалкина
и иныхъ бояръ, они же шедше взяша, съ кандилы и похвалами и пѣснями принесоша въ
Псковъ, а священноиноки и священники и діаконы, и весь Псковъ, выдоша съ кресты и
усрѣтоша икону Матере Господня за Старымъ Възнесеніемъ, идѣже и нынѣ крестъ въ тыну;
и потомъ поставиша церковь въ женскомъ монастыри, и оттолѣ начаша праздновати знаменіе
святѣй Богородицы мѣсяца іуля въ 16, на память святаго священномученика Анфиногена. И
потомъ, не на длѣзѣ времени отъ Спасова дни, начаша въ Псковѣ и по всѣмъ волостемъ
мрети малыя дѣтки, и потомъ юноша и дѣвы и мужи и жены, и старыя мряху, но мало; и
бысть моръ великъ зѣло, и мнози тогда мужи и жены пріяша ангелскій образъ мнишьскій.
Тогда пострижесе въ болѣзни князь Ѳеодоръ Александровичъ, и отъѣха на Москву. Тогда
посадники Псковскыя и весь Псковъ начаша искати священного мѣста, гдѣ была первая цер-
ковь святой Власей, а на томъ мѣстѣ стояше дворъ Артемьевъ, воротове, и Псковичи давше
ему серебро и спрятавше дворъ, обрѣтоша престолъ; и на томъ мѣстѣ въ единъ день поста-
виша церковь во имя святаго Всемиловитоваго Спаса, и освящаша и литургію свершиша, мѣ-
сяца септеврія 14, на Въздвиженіе честнаго креста. И мряху тогда жолозою отъ Спасова дни
и до Крещенія Господня, и тако милостию Божіею преста моръ; а пришло отъ Нѣмцевъ изъ
Юрьева.

Въ лѣто 6929. Зима бысть снѣжна велми, и потомъ на весну бысть вода велика зѣло,
и наплънишася рѣки и источници и езера; а въ Новѣгородѣ много пакости учинися отъ воды.
Тоя же весны, въ Петрово говѣніе, мая 25, бысть въ Новѣгородѣ въ ночь найде туча дож-
девая страшна зѣло, и падаше съ дождемъ каменіе акы яблока, а иное акы яица, а въ Псковѣ
въ ту же ночь видѣша облака огненная; и бысть все лѣто дождево, и вода велика. Того же
лѣта Перхурей чернецъ Сонешка даде мѣсто земли, и поставиша церковь святое Благовѣще-
ніе, и устроиша монастырь женскій въ Пескахъ. Того же лѣта свершиша церковь камену
святую Варвару, возлѣ святаго Николы, въ Опоцкомъ конци. Того же лѣта князь Литовскій
Витовтъ присла въ Псковъ своихъ людей, и веляше развергнути миръ съ Нѣмци; и Пско-
вичи дрѣжащесе крестного цѣлованія, того не восхотѣша, и послаша Селивестра посадника и
иныхъ бояръ къ князю Витовту и биша чоломъ, глаголюще: «како намъ, княже, по тобѣ
пособити? а на томъ есме крестъ цѣловали, что намъ съ Нѣмци миръ держати, а по тобѣ
не помагати;» и Витовтъ оттолѣ начя гнѣвъ великъ дрѣжати на Псковичъ. Того же лѣта
Псковичи послаша къ князю великому Василю Дмитріевичю Микулу посадника и иныхъ
бояръ, и испросиша собѣ князя Александра Ѳеодоровича.

Въ лѣто 6930. За умноженіе грѣхъ нашихъ, Богу попустившю, на всю Рускую землю

¹⁴²² бысть гладъ великъ по 3 годы : и преже въ Новѣгородѣ и по всеѣмъ ихъ волостемъ, и на
^{—25} Москвѣ, и по всей Московской и по всей Тферской землѣ^а; и толми бысть тамо дорогъ хлѣбъ,
 яко на единомъ ковризѣ дати полтына, али каково портище, а ржи наша четверетка, чего кто
 запросилъ, а инѣи съ усердіемъ даваху, а еже бы гдѣ зобница купити ржи или овса, тако-
 выхъ мало обрѣтаху, и мнози съ глада мряху. А въ Псковѣ тогда бѣше старыхъ лѣтъ клѣти
 всякого обилія изнасыпани на Кромѣ : и поидоша ко Пскову Новгородци, Корѣла, Чюдь,
 Вожани и Тферичи и Москвичи, и просто рещи съ всей Руской земли, и бысть нахоженіе
 ихъ во Псковѣ много множество; и начаша по волостемъ и по пригородомъ и въ Псковѣ
 купяще рожь возити за рубежъ, и въ Псковѣ тогда бѣше зобница ржи по 70 ногать, а жита
 зобница по 50 ногать, а овса по 30 ногать, а на полтыну ржи полттрети зобница; и оттолѣ
 Псковичи заповѣдаша не продавати за рубежъ ржи и никакова обилія. А нахожихъ людіи
 начаша изо Пскова провадити и изо всеѣхъ волостей, и тако мнози разыдошася; а которіи
 остались во Псковѣ и по волости, мужи и жены и маліи дѣти, тѣхъ множество изомроша, и
 накладоша тѣхъ пустотныхъ въ Псковѣ 4 скуделници, а по пригородомъ и по волостемъ или
 по могылемъ въ гробѣхъ покопано, то тѣмъ и числа нѣтъ. И бѣ тотъ гладъ по 3 года. Того
 же лѣта князь Александръ Ѡеодоровичъ Ростовскій прѣѣха въ Псковъ, мѣсяца априля въ 1
 день, и Псковичи прѣаша его честно. Того же лѣта князь Литовскій Витовтъ събравъ силы
 многы, нетокмо Литву, но Москвичъ и Тферичъ и иныхъ многихъ подъемъ, и иде на Прусы,
 и взя градъ Голубъ и воева землю ихъ 3 мѣсяци, и возвратися миру не возьмъ; и мнози рат-
 ниіи его тогда гладомъ изомроша.

Въ лѣто 6931. Псковичи послаша къ князю великому Василю Дмитріевичю два посад-
 ника, Юрья Вишкова и Ѡеодора Шибалкина, и биша чоломъ, чтобы своему тестю князю Ви-
 товту за Псковичъ доброе слово послалъ, абы гнѣва не дрѣжалъ и вины отдалъ; и князь
 великій не учини на добро ничегоже. Того же лѣта князь Витовтъ съ Нѣмцами взя миръ,
 но не крѣпкій. Того же лѣта князь Александръ Ростовскій выѣха изо Пскова и съ че-
 лядю.

Въ лѣто 6932. Псковичи послаша къ князю великому Василю Дмитріевичю Ѡеодосіа
 посадника и боярѣ князя просити на Псковъ, и биша чоломъ, абы печаловался о Псковѣ и
 избавилъ бы отъ гнѣва князя Витовта; и князь великій о томъ не учини на добро ничегоже,
 и дасть на Псковъ князя Ѡеодора Патрикѣевича. Того же лѣта кончана бысть стѣна камена,
 перси кромскыа, а дѣлаша полчетверта года 200 мужъ, а найма взяша 1000 и 200 рубловъ;
 и потомъ поставиша на персѣхъ колоколницу, и колоколи повѣсиша, и 3 года стоявше рас-
 падошася перси. Того же лѣта прѣѣха въ Псковъ князь Ѡеодоръ Патрикѣевичъ, іуныя 11, и
 прѣаша его честно. Того же лѣта Псковичи отложиша пѣнызми артугы торговати, и приста-
 виша мастеровъ денги ковати въ чистомъ сребрѣ. Того же лѣта Псковичи съ княземъ мeste-
 ромъ миръ утвердиша на 3 лѣта, и крестъ съ обѣю сторонѣ цѣловаша. Того же лѣта послаша
 Псковичи въ Литву къ князю Витовту Селивестра посадника, и съ нимъ боярѣ; они же
 ѣхавше не обрѣтоша его въ Литовской земли, и ѣхаша за Кыевъ въ Луческъ Великій, и
 наѣхаша его за Лучьскомъ 500 верстѣ въ градѣ Кременци, и биша чоломъ, абы вины отдалъ
 и гнѣва на Псковъ не дрѣжалъ; онъ же съ яростію гнѣва наполнился, отвѣтъ даде по ста-
 рому цѣлованію; они же возвратишася, не учинивше на добро ничтоже.

Въ лѣто 6933. Бысть въ Псковѣ хлѣбъ подешевле, по 5 зобницѣ на полтыну ржи; а въ
 Новѣгородѣ бысть моръ великъ велими. Тоя же зимы Псковичи послаша къ князю великому

а) землѣ; * сіе слово, пропуценное въ С., прибавлено Издателемъ.

Василью Дмитріевичю посадника Микулу Павловича, и бише челомъ, чтобы избавилъ Псковъ¹¹²⁵ отъ гнѣва Витовтова; и не учини ничтоже. И паки тоя же зимы и преставися князь великій^{—26} Василій Дмитріевичъ, февраля 28. Тогда Псковичи биша чоломъ Новгородцемъ, и они отрядиша послы отъ себе въ Литву къ князю Витовту, а Псковичи послаша съ ними Ѳедора посадника, и Андрѣя Ларіоновича, и Ивана Ларьяновича, и инѣхъ бояръ; они же ѣхавше много биша чоломъ, и не учиниша ничтоже. Того же лѣта съ Ильина дни бысть моръ въ Псковѣ, и по пригородомъ и по всей волости Псковской, и въ Новгородѣ и по всей волости ихъ, а вси мряху единою болѣзнію, жолозою, и мряху отъ Ильина дни и до Крещенія Господня; и тако преста моръ. А князь Ѳедоръ Патрикѣевичъ того мору убоявся, поѣха изъ Пскова со всею челядью своею на Москву, августа въ 22, а былъ во Псковѣ годъ и 2 мѣсяца; обаче и тамо смерти не убѣжа, не по мнозѣ времени умре на Москвѣ.

Въ лѣто 6934. За старымъ Коложемъ, на Каменѣ озерѣ, бысть знаменіе: отъ иконы святыа Богородица идыше кровь, мѣсяца септевріа въ 16 день; сіе убо знаменіе прояви нахоженіе поганого князя Витовта, и многое пролитіе христіаньскихъ кровей.^a Того же лѣта, мѣсяца іюня въ 29, на самъ Петровъ день, поганый князь Литовскій, отступникъ христіаньскыя вѣры, Витовтъ разверже миръ съ Псковичами, и Псковичи послаша въ Новгородъ бити чоломъ, абы помогли; и не помогоша, но еще и послаша Александра Игнатъевича къ Витовту на Псковское зло. И егда мимоиде 4 недѣли и 4 днѣ, и онъ грьдый князь Витовтъ, собравъ силы своя многыя и Татаръ множество, прииде преже къ Опочкѣ, мѣсяца августа въ 1 день, и начаша прилѣжно къ городу лѣзти, а Опочани бяхуть ихъ ово камнемъ, ово колодемъ, отъ заборолъ отѣкая, и множество ихъ побиха; и много поганіи всеу трудившеса, два дни и 2 ноци стояше отъидоша, не учинивше граду ничтоже, Богъ бо святый Спасъ блюдыше градъ. И тако възъярився прииде къ Вороначу, августа въ 5, въ понедѣльникъ: и исчинивше пороки, шибяху на градъ каменіе великое. И бѣ Вороначаномъ притужно велми, и послаша гонца ко Пскову, чтобы печаловалися о нихъ, и Псковичи послаша къ Витовту посадника Ѳедора Шибалкина, а съ нимъ бояръ, и биша много чоломъ; онъ же чолобитъ не приатъ. И тако начаша прилѣжниѣ къ городу лѣзти, пушками шибая и пороками. И приспѣвши ноци, и бысть чюдо страшно: внезапно найде туча страшна и грозна, и дождь силенъ, и громъ страшенъ, и мльніа безпрестани блистая, яко мнѣти уже всѣмъ отъ дождя потопленнымъ быти, али отъ грому каменіемъ побіенымъ быти, или отъ мльніа сожженнымъ. А Вороначани безпрестани съ слезами моляхуса Богу и святому великому мученику Христову Георгію о избавленіи града; а Псковичи видѣвше, что Витовтъ^b чолобитъ ихъ не приа, ожгоша посады своя. И Витовтъ въ велицѣхъ страсѣхъ бывъ, и призва къ собѣ Вороначанъ и оболстивъ ихъ взя съ ними перемирье, и Вороначани послаша гонца своего ко Пскову, и Псковичи послаша къ князю Витовту Якима посадника, и Ѳедоса посадника, и инѣхъ бояръ. Еще же и о семъ повѣмъ: а въ засаду къ Котелну городу тогда же послаша посадника Селивестра и посадника Ѳедора Шибалкина, и съ ними 400 мужъ, а Витовтъ слышавъ то, посла къ Котелну 7000 мужъ Литвы и Татаръ, а Псковичемъ того не вѣдущимъ; и егда быша Псковичи подъ Котелномъ, удариша на нихъ Литва и Татары и убиха Псковичъ 17 мужъ, а руками яша 13 мужъ, а Псковичи съ ними бишяся побѣгая къ городку, и побиха Литвы много, и тако вбѣгше въ Котелно и затворишяся. А Островичи тогда ходиша торономъ къ Велью, и наѣхаша на ночлезѣ Татаръ и убиха отъ нихъ 40 мужъ Татаръ, а мало ихъ убѣжа, а инѣхъ подо Вревомъ Вревичи побиха. Мы же сіа оставльше

а) Предъ сею статьею въ видѣ заглавія: о витовщинѣ подъ вороначемъ. б) витовтъ» витовти такъ по мѣстамъ въ С.

1426 на предняя возвратимся. И приѣхавше Якимъ посадникъ и Θεодосій биша много чоломъ и
 —31 срядишася дати 1000 рублевъ, и взяша миръ съ княземъ Витовтомъ августа 25, а полоненыхъ
 владе на поруку посадникомъ; а срокъ положиша привезти серебро 1000 рублей и полоненыхъ
 всѣхъ въ Вилни поставити предъ княземъ Витовтомъ на Крещеніе Господне, и отыдоша.

Въ лѣто 6935, мѣсяца септевіа въ 5 день, бысть знаменіе въ солнци: около солнца б
 явился круговъ, а кругъ за кругъ связался, и различни бѣаху цвѣтами, овъ чермень, овъ
 зеленъ, а иный жолтъ. Того же лѣта Псковичи послаша къ великому князю Василью
 Васильевичю Юрья посадника Тимоѣевича, а съ нимъ бояръ, и биша чоломъ, чтобы послалъ
 своихъ бояръ къ дѣду своему князю Витовту, и вдарили бы чоломъ за Псковичь; и быше
 ему тогда брань велика съ княземъ Юрьемъ, стриемъ своимъ, о великомъ княженіи, иъ
 обаче о всемъ томъ не брегъ, вресея. И на зиму присла князь великій своихъ бояръ въ
 Псковъ, и Псковичи послаша съ ними посадника Якима Павловича, и посадника Ивана
 Сидоровича, и ииѣхъ бояръ, и даша имъ реченное Витовту серебро, и поставиша плѣнныхъ
 предъ княземъ Витовтомъ и серебро положиша 1000 рублей, и много биша чоломъ; онъ же
 поганый немилостиво имѣа сердце, серебро взя, а плѣнныхъ на крѣпости посади. Того лѣта
 умножи Богъ всякого обилья, хлѣба въ Псковѣ по 7 зобницъ ржи на полтыну, а говядь 3 яло-
 вичи на полтыну. Тоя же весны, въ великое говѣніе, преставися посадникъ Псковскій Микула
 Павловичъ, априля въ 9. Тогда, за 3 недѣли до Велика дни, Псковичи послаша въ Литву къ
 князю Витовту посадника Селивестра Левонтеевича и намѣстника владычя Парфея; они же
 ѣхавше и много бивше чоломъ, докончаша за полоненыхъ полъпятста рублевъ, а серебро
 дати на Покровъ святѣй Богородици.

Въ лѣто 6936. Псковичи послаша къ великому князю Василью Васильевичю посадника
 Θεодора Шибалкинича, и испросиша собѣ князя Александра Θεодоровича Ростовского; онъ
 же присла преже себе сына своего Дмитрія, Дмитрій же пребысть во Псковѣ и до полу-
 зимъ, а ждя отца своего, и не дождавъ его отѣха на Москву. Тоя же зимы преставися
 посадникъ Псковскій Θεодоръ Шибалкинчъ, генваря въ 10 день. Тоя же зимы, въ великое
 говѣніе, февраля 29, Котелно городокъ^а выгорѣлъ весь; а загорѣлося отъ церкви святаго
 Николы. Того же лѣта князь Литовскій Витовтъ разверже миръ съ Новгородци, они же
 прислаша ко Пскову помощи просити противу Витовта, и Псковичи отрекоша: «какъ вы
 намъ не помогосте, тако и мы вамъ не поможемъ; а еще межю нами крестное цѣлованіе съ
 Витовтомъ, что намъ по васъ не пособляти;» а князь великій тогда Василій Васильевичъ къ
 дѣду своему князю Витовту и крестъ поцѣлова, что ему не помогати по Новѣгородѣ, ни по Псковѣ.
 А князь Витовтъ събравъ силы многы, прииде преже къ Вышегороду, іюля 18 день, и потомъ
 къ Порхову, и Новгородци съ владыкою Еуѡиміемъ привезше дары многы, и добиша чоломъ
 пятнадцатъ тысячъ рублей; и стоявъ подъ Порховомъ недѣлю, и отыде іюля въ 28 день.

Въ лѣто 6937. Псковичи послаша Микифора Совкина, Карпа Зобанова и Аѡанасіа Терент-
 ѣевича къ князю великому Василью Васильевичю, они же ѣхавше испросиша собѣ князя
 Александра Θεодоровича; и приѣха въ Псковъ и съ сыномъ своимъ княземъ Дмитріемъ, февраля
 въ 20, и Псковичи пріяша его честно; се же буди вѣдомо, яко сій князь Александръ уже
 третіе приѣха въ Псковъ княземъ. А тогда быше ржи на полтыну 9 зобницъ.

Въ лѣто 6939. Князь Псковскій Александръ и посадникъ Селивестръ заложиха новыи го-
 родокъ на новомъ мѣстѣ, на рѣкѣ надъ Ругодивомъ, въ Залѣси, Выборъ, и начаша дѣлати на
 Воздвиженіе честнаго креста, и до зимы сдѣлаша. Тоя же осени умре поганый князь Литовскій

а) городокъ — городке такъ въ С.

Витовтъ, и сѣде на столѣ его князь Свитригайло Олгердовичъ. Тогда Псковичемъ съ Нов-¹⁴³¹
городци не бѣше миру, ни рати. Того же лѣта, на весну, князь Псковскій Александръ^{—34}
Ростовскій, и посадникъ Якимъ Павловичъ, и Феодосій Феофиловичъ, и Стефанъ наѣша 300
человѣкъ и заложиха городъ на берегѣ на рѣкѣ на Гловѣ, на 5 недѣли по Великѣ дни; а
на Гловскихъ земляхъ, въ кого тамо отчина, взяша 300 рублей въ камену стѣну. Того же
лѣта послаша Псковичи въ Новгородъ Ивана посадника Сидоровича, и Селивестра посадника, и
иныхъ бояръ, и много биша чоломъ владыцѣ Еуѣимію и всему Новгороду о миру; они же
миру не даша, а рати не учиниша. Того же лѣта преставися святѣйшій митрополитъ всеа Руси
Фотій, іюля 1.

Въ лѣто 6940. Послаша Псковичи къ князю Литовскому Свитригайлу Якима посадника,
и Алексѣя Ефремовича, и иныхъ бояръ, и биша чоломъ о миру: и Свитригайло дасть миръ
и рубежъ земли и водѣ, по старинѣ, по крестному цѣлованію князя Витовта; и утвердивше
миръ, цѣловаша на томъ крестѣ. Того же лѣта, мѣсяца мая въ 3, бысть туча темна и грозна, и
дождь силенъ, и громъ страшень, и мльнія блисташе безпрестани; а на Снѣтной горѣ въ
манастыри въ тѣи часъ пояху старци вечернюю, и отъ блистанія мльніа исполнися церковъ
пламени, и чернцы вси падоша ниць отъ страха пламени того, и не ополѣ ни единъ, а
иконы позлащеныа вси потемнѣша. Того же лѣта послаша Псковичи къ Новгороду 3
посадника, Юрья, и Селивестра, и Якима, и много биша чоломъ о миру; и Новгородци чо-
лобитѣя не пріаша, а миру не даша, а рати не учиниша.

Въ лѣто 6941. Смоленскій владыка Герасимъ иде къ Царюграду, и патріархъ постави
его митрополитомъ. Того же лѣта княземъ Литовскимъ бысть брань велія между собою,
князю Жидимонту съ княземъ Свитригайломъ, о великомъ княженіи: и собравше силы многыя
другъ на друга, и съступишася на бой декабря 8, и падоша мнози съ обою сторонѣ, и одолѣ
Жидимонтъ, а Свитригайло побѣже къ Полотску. Тоя же зимы бысть знаменіе въ лунѣ,
генваря въ 6, въ 7 часъ ноци; а мѣсяца іюня въ 14 отъ грома и отъ молніа много людей
и коней поби, и за рѣкою противу Снѣтной горѣ дворъ сожже, а другій дворъ противу Старого
Вознесенія сожже; а того же мѣсяца іюня въ 17 бысть знаменіе въ солнци, а въ 29, въ
Петровъ день, бысть знаменіе въ лунѣ. Тогда Нѣмецкей городке Кольванъ выгорѣ весь отъ
молніа. А мѣсяца іюля въ 3 день, въ пятокъ, отъ молніа загорѣся два костра на Кромѣ,
кутней да на персѣхъ, отъ Великой рѣки, а въ церкви у святой Троицы поа ожже, въ часъ
егда обѣдню пѣлъ, и бысть страхъ на всѣхъ, и потекоша множество людей на Кромѣ, и
едва угасиша; а за рѣкою въ манастыри святаго Іоана отъ мльніа наполнися церковъ пла-
мени, и потемнѣша иконы позлащеныа; и того ради священники начаша, по граду съ кресты
ходяще, Богу молитися. Того же лѣта князь Юрьи Дмитріевичъ сѣде на Москвѣ на великомъ
княженіи, а Василій Васильевичъ братанъ его побѣже на Тферь; а Юрьи того же лѣта и
умре. Того же лѣта Петровскіи сусѣди разбиша костерь старый у святаго Петра и Павла,
и въ томъ камени създаша церковъ святаго Бориса и Глѣба; и оттолѣ начаша разбивати
всю стѣну старую къ Великой рѣкѣ.

Въ лѣто 6942. Псковичи послаша къ Новгороду Ивана посадника Сидоровича, и Якима по-
садника Павловича, и иныхъ бояръ, и много бивше чоломъ, а миру не взяша. Тоя же зимы князь
Александръ поѣха изо Пскова съ всею челядью своею на Москву, февраля 28; а былъ тотъ князь
во Псковѣ трижды, а житія его всего въ Псковѣ 12 годъ. А въ тотъ же день пріѣха изъ Литвы
во Псковъ зять его князь Володимиръ Данильевичъ, а былъ въ Литвѣ 10 лѣтъ; и Псковичи пріа-
ша его честно. Тоя осени Герасимъ владыка пріѣха изъ Царяграда въ Смоленско, отъ патріарха
поставленъ митрополитомъ на Рускую землю, а на Москву того ради не поѣха, князи великіи
заратишася между собою. Тоя же зимы князь великій Василій Васильевичъ събравъ силу

1434 велику, и поиде ратью на князя Юрья, стрья своего, а забывъ руки и праваго слова, и
 —36 шедъ взя градъ Галичь, и повоева и пожже волости, а князя Юрья ту не бысть; и прииде
 въ Переяславль, и многое зло створися тогда. А князь Юрьи, съ двѣма сыны своими, сово-
 купивъ силу о себѣ велику, и прииде къ Переяславлю и сступишася на бой; и бысть сѣча
 страшна мѣсяца марта въ 16^а, и одолѣ князь Юрьи, а князь Василей побѣже, и прибѣже
 въ Новгородъ марта 31, на святой недѣли въ среду, и Новгородци пріяша его честно. А
 князь Юрьи, гоня по немъ ратью, прииде къ Москвѣ въ четвергъ великій и стоя подъ горо-
 домъ недѣлю, и отвориша ему градъ въ четвергъ святыхъ недѣли; и пограби казну князя
 Василья, и княгиню Марью и сноху ея поима, и сѣде на княженіи. А князь Василій въ
 Новгородѣ пребывъ 3 недѣли и два дни, отѣха на Тферь. Того же лѣта бысть хлѣбъ
 дорогъ вельми въ Нѣмецкой земли, а во Псковѣ ржи на полтыну 13 зобници. Того же лѣта
 поставлена бысть церковь камена Спасъ Милостивый, на Торгу. Того же лѣта преставися на
 Москвѣ князь великій Юрьи Дмитриевичъ; и князь Василій, сынъ его, побравъ злато и
 сребро, казну отца своего, и градскій запасъ весь и пускичи, и подоймя съ собою князя
 Романа Переяславского, побѣже къ Новгороду; а князь Василій Васильевичъ, услышавъ то,
 вскорѣ со Тфери прииде на Москву и взя миръ съ дѣтми князя великого Юрья, съ Дми-
 триемъ и съ другимъ Дмитриемъ братомъ его, а самъ сѣде на великомъ княженіи. И егда
 прибѣже въ Новгородъ князь Василій Юрьевичъ, а князь Романъ побѣже отъ него, онъ же
 поймавъ его повелѣ отсѣщи руку и ногу, и умре; а самъ князь Василій Юрьевичъ въ Нов-
 городѣ на Городищи поживъ 8 недѣль, поѣха на Заволочье, и оттолѣ взя миръ съ великимъ
 княземъ. Того же лѣта Псковичи послаша къ Новгороду Селивестра посадника, и Стефана
 Родивоновича, и инѣхъ бояръ, и взяша миръ и цѣловаша крестъ съ обою сторонъ.

Въ лѣто 6943. Приѣха во Псковъ архієпископъ Новгородскій Евѡимій, генваря 13, а не
 въ свое лѣто реченое, и хотѣ своего Новгородца намѣстника и печатника посадити, а не
 якоже первіи владыки, его братіа, оставиша; и Псковичи не даша ему тоя воли; онъ же
 разгнѣвався поѣха изо Пскова, и князь Володимиръ и посадникъ Селивестръ и Оедось до-
 бивше чоломъ, възвратиша ѱ, и даша ему судъ и на поѣхъ подѣздъ; и посадники^б повѣ-
 лѣша ему сборовати въ святѣй Троици, онъ же разгнѣвався и не сборовавъ поѣха изо Пскова,
 генваря 30. Того лѣта морозъ^в побилъ рожь. Того же лѣта князь Литовскій Свитригаило
 поима митрополита Герасима въ городъ Смоленскѣ, и окова твердо желѣзы, испровади
 въ Видбескъ и державъ на крѣпости 4 мѣсяци, сожже огнемъ іюля 26 за толику вину, что
 перевѣтъ на него дрѣжалъ къ князю Жидимонту. И потомъ князь Свитригаило собравъ силы
 многыя, Смольняны, и Видбляны, и Кіаны, и Полочаны, и князя местера Ризского съ силами
 его и заморцовъ, поиде на князя Жидимонта; а Жидимонтъ събравъ Литву, и Ляхи, и Жи-
 монты, поиде на Свитригаила: и сступишася въ Жимоитской земли мѣсяца септеврѣа 1, и
 бысть бой великъ и сѣча страшна, и побѣдиша множество князей и пановъ Свитригаиловыхъ,
 и одолѣ Жидимонтъ; а Свитригаило побѣже въ малѣ дружинѣ, и прибѣже въ Полотъско, а
 съ нимъ 30 мужъ толко прибѣгоша.

Въ лѣто 6944. Приѣха въ Псковъ изъ Ригѣ отъ местера князь Литовскій Иванъ Баба,
 а въ своемъ безвременіи; и пребывши въ Псковѣ до полузимы, поѣха на Москву къ вели-
 кому князю. Тоя же зимы приѣха во Псковъ князь Борисъ, и Псковичи пріяша его, чаяхуть
 его приѣхавша отъ князя великого намѣстникомъ; и Псковичи послаша къ великому князю
 Ивана Ларіанова и Тимоѣя Поткина, и съ ними князя Володимира, они же ѣхавше биша

а) марта въ 16^а марта въ 26 такъ въ С.; но должно читать какъ въ текстъ: см. Псков. первую Лѣт.
 (т. IV, стр. 208). б) и посадники и посадки ош. С. в) морозъ морозе С.

чоломъ князю великому Василью Васильевичю, и дастъ имъ отъ себе намѣстникомъ князя Володимира Данильевича, а князя Бориса выпровадиша изо Пскова, а онъ пролгался. Тоя же зимы Новгородци воеваша Луки Великіи и Ржову, а они не хотѣша дани давати. Тоя же весны, по Велицѣ дни, пріѣха во Псковъ изъ Литвы князь Иванъ Андрѣевичъ, внукъ Олгердовъ, а въ своемъ безвереміи, и Псковичи даша ему 100 зобницъ ржи, да 100 зобницъ овса, да 10 рублевъ на кормлю; и пребысть во Псковѣ до Рожества Христова.

Поли. Собр. Лѣт. IV. 210.

Въ лѣто 6945. Князь великій Василій Васильевичъ ослѣпи князя Василья Юрьевича. Тоя осени бысть вода велика зѣло.

Въ лѣто 6946. Пріѣха въ Псковъ Сидоръ митрополитъ Рускій, декабра въ 6, и въ святѣй Троици литургію сверши, и пребысть въ Псковѣ 7 недѣль; и отъя судъ и печать, и воды и землю, и вси прищлины владычни, и на тѣхъ оброцѣхъ посади намѣстника своего Геласія архимандрита, а самъ поѣха на осмый сборъ. Того же лѣта поставлена бысть церковь каменная святый Аванасій, въ Домантовѣ стѣнѣ; а другая церковь поставлена бысть камена святый Спасъ, у Старого костра.

Тамъ же IV. 210 — 211.

Въ лѣто 6947. Пріѣха въ Псковъ князь Александръ Ивановичъ, а правнукъ Олгердовъ, съ Тфери; и Псковичи пріаша его честно и посадиша на княженіи, а князя Володимира Данильевича выгнаша изо Пскова.

Тамъ же IV. 211.

Въ лѣто 6948. Убиша въ Литвѣ князя великого Жидимонта князи Черторизскыи, въ Лазареву субботу; и сѣде на великомъ княженіи Казимиръ королевичъ. Того же лѣта Полотско городъ^а выгорѣ весь. Того же лѣта въ Вороначи бысть знаменіе, августа въ 7 день: отъ иконы святого Николы изъ суха древа истече кровь, изъ лѣваго уха; и священники пославше привезоша икону въ Псковъ, а Геласій архимандритъ и вси священники срътоша съ кресты, и множество народа удивися о преславномъ чудеси.

Тамъ же IV. 211.

Въ лѣто 6949. Городокъ^б Опочка выгорѣлъ весь, септевріа 5, а загорѣся отъ церкви святого Спаса; и тоя осени поставиша новыи. Тоя же осени, на Покровъ святѣй Богородици, пріѣха въ Литву митрополитъ Сидоръ отъ Римскаго папы Евгениа, съ осмаго сбора Флоренскаго, и присла въ Псковъ своя грамоты и благословеніе; и своего намѣстника архимандрита Геласія сведе, и потомъ присла архимандрита Григорія, мѣсяца генваря въ 18. Тоя же зимы князь великій Василей Васильевичъ присла своего посла, веля Псковичемъ развергнути миръ съ Новгородци, а самъ въ то время стоялъ съ всѣми силами въ Торжку; и Псковичи, не хотяще ослушатися своего осподаря, отслаша Великому Новгороду мирную грамоту и цѣлованіе отказаша, и совокупивше вся своя силы, идоша къ Порхову и стояша у Порхова 3 дни, и повоеваша Новгородскую волость отъ Литовского рубежа и до Нѣмецкого, а поперокъ на 50 верстѣ. А князь великій стоялъ подъ Деменомъ, и Новгородци послаша владыку Еуфиміа и съ нимъ посадниковъ и бояръ; они же ѣхавше и добиша чоломъ, и даша 8000 рублей за

а) городъ • городъ такъ въ С. б) городокъ • городке С.

1441 свою вину, а оброки и пошлины по старинѣ; и князь великій съ Новгородци конча миръ какъ
 —47 за себе, тако и за Псковичь. Тоя же весны прѣѣха изъ Литвы на Москву митрополитъ Сидорь, на вербной недѣли, и начатъ поминати въ молитвахъ Евгеніа папу Римскаго; и князь великій сведе его съ митрополи, и за приставы посади его.

Полн. Собр. Лѣт. IV. 211 — 212.

Въ лѣто 6950. Убѣжа съ Москвы на Тферь митрополитъ Сидорь, и князь Тферскій Борисъ примъ его за приставы посади, и потомъ отпусти въ великій постъ на средокрестной недѣли; и поѣха въ Литву къ князю Казимиру въ Новый городецъ. Тоя же зимы въ Псковѣ бысть моръ великъ зѣло: мнози тогда мряху мужи и жены и младыя дѣти, и аще кому явится железа, то наскорѣ умираше; а почало мерети канунъ Микулина дни зимняго, а почало изъ заулка изъ Пустынкя отъ каменной церкви^а Христовѣ, и мряху все лѣто; и князь Александръ Ивановичъ, и посадники, и весь Псковъ поставиша церковь въ единъ день на Романихѣ Похвалу святѣй Богородици, въ тѣи день и литургию свершиша священники. Тогда поставиша другую церковь святаго Саву въ Микитьевѣ монастыри.

Тамъ же IV. 212.

Въ лѣто 6951. Преста моръ въ Псковѣ на Дмитріевъ день, а по пригородомъ и по волостемъ еще мерли и до Крещенія Господня. Того же лѣта прѣѣха во Псковъ отъ князя великаго Василья Васильевича намѣстникомъ князь Александръ Васильевичъ Черторизскій, въ недѣлю сыропустную, и Псковичи пріяша его; и потомъ, мѣсяца августа 25, прѣѣхаша послы отъ великаго князя и поручиша ему княженіе, и цѣлова крестъ къ князю великому и къ Пскову.

Тамъ же IV. 212.

Въ лѣто 6952. Псковичи послаша посадника Θεодора Патрикѣевича и Прокопью судію въ Ригу къ князю местеру, и взяша миръ съ княземъ местеромъ на 10 лѣтъ, и цѣловаша крестъ мѣсяца септевріа въ 8. Того же лѣта поставиша двѣ церкви, едину въ Бродѣхъ Богоявленіе, а другую на Завеличьи Успеніе святѣй Богородици. Тоя же осени князь Александръ Васильевичъ съ Псковичами ѣздивше подъ Новый городокъ Нѣмецкій, и потроша жито на своей земли, и поймавше 7 Чюхновъ повѣсиша. Того же лѣта князь Свейскій Выборскій съ многими Свейци прѣѣхавше на Норову, и поимаша на нашей сторонѣ посадника Максима Ларивоновича, и съ нимъ 30 человекъ безъ треи, а иныхъ изсѣкоша, а на миру; и быша въ полону годъ.

Тамъ же IV. 212.

Въ лѣто 6953. Псковичи послаша Прокопію въ Выборъ къ князю Свейскому Карлу, и взяша Максима и дружину его на окупъ, а иніи тамо изомроша; а даша окупа 120 рублей, а всей проторѣ полтора ста рублей.

Тамъ же IV. 212.

Въ лѣто 6954. Поставиша церковь камену на погребѣ въ Снѣтогорскомъ дворѣ, святаго Іоанна Богослова.

Въ лѣто 6955. Псковичи послаша въ Новгородъ посадника Зиновіа Михайловича, и Стефана Юрьевича, и Ондрона Тимофѣевича, и иныхъ бояръ, и взяша съ Новгородци миръ по

а) церкви «пропущено въ С.

старинѣ, и цѣловаша крестъ на обѣ сторонѣ. Того же лѣта князь Александръ Васильевичъ ¹⁴⁴⁷ поѣха изъ Пскова въ Новгородъ намѣстникомъ, въ Петрово говѣніе. —56

Въ лѣто 6956. Новгородци съ княземъ Александромъ Черторискимъ ходиша на Нѣмецъ, противу князя местера Ризского, и короля Прусьскаго, и короля Свейскаго, и бишяся съ Нѣмци черезъ Норову рѣку : и одолѣша Новгородци, и побиха Нѣмецъ много, овыхъ на мори въ бусахъ побиха и истопиша, а иныхъ подъ Ямою побиха, а инѣхъ живыхъ руками яша 84 и князи 4 яша. Того же лѣта пріѣха въ Псковъ князь Суздальскій Василій Васильевичъ, генваря 14, и Псковичи пріаша его честно. Того же лѣта послаша Псковичи на Норову рѣку, возлѣ Новгородцовъ, взяти миръ съ Нѣмци посадника Θεодора Патрикѣевича, и Стефана Юрьевича, Аванасіа Юрьевича, и Левонтіа Макарьинича, и Тимофѣя Власѣевича, инѣхъ бояръ много : и докончаша миръ посадники Новгородскіи и Псковскіи съ княземъ местеромъ и съ Юрьевци на 25 лѣтъ, и цѣловаша крестъ.

Въ лѣто 6957. Пріѣха во Псковъ пресвященный архіепископъ Великого Новагорода и Пскова владыка Еуѡимій, декабря 27, и съборова въ святѣй Троици, и отѣха со многою честію.

Въ лѣто 6958. Погорѣ весь Псковъ, октября 22, на память святаго отца Аверкіа ; а загорѣлося отъ Хытрѣ кожевника отъ Бурковѣ лавици отъ кутнего костра, и горѣло полторѣ ноци да день.

Въ лѣто 6960. Поставлена бысть стѣна новая на Кромѣ въ охабни, и учиниша въ ней погребѣ отъ Псковѣ межи воротъ.

Въ лѣто 6961. Пріѣха въ Псковъ пресвященный архіепископъ Великого Новагорода и Пскова владыка Еуѡимій, генваря 5 ; тогда князь Псковскій Василій Васильевичъ Суздальскій, и посадникъ Юрьи Тимоѣевичъ, и вси посадники биша чоломъ владыцѣ за своихъ богомолцовъ о 4-мъ сборѣ, и владыка Еуѡимій благослови невкупныхъ священниковъ, и повелѣ держати вседеньную службу 4 сборъ у святаго Всемилоствиваго Спаса и у святаго великаго Христова мученика Димитріа. Того же лѣта преставися мати князя великаго Василья Васильевича княгиня Софья, іюня 15. Того же лѣта преставися князь великій Дмитрій Юрьевичъ Шемяка, въ Великомъ Новѣгородѣ, іюля въ 18 день. Того лѣта мразъ многа жита побилъ.

Въ лѣто 6962. Загорѣся въ конци Боловинскомъ отъ Прокофѣи намѣстника, и погорѣ 4 части града, отъ Плоскаго вехода по старую стѣну и по Враговку переметаша къ Глухому костру ; а горѣло ноць и день, декабря 14. Того же лѣта пріѣха во Псковъ князь Иванъ Дмитріевичъ Шемячицъ изъ Новагорода, апріля 9, и Псковичи пріаша его честно и даша ему 20 рублевъ ; и пребывъ 3 недѣли, поѣха въ Литву маіа 1. Того же лѣта пріѣха во Псковъ митрополитъ Цареградскій Игнатей, іюня 1, и Псковичи чтіша и дариша его ; и пребывъ 4 недѣли, поѣха въ Новгородъ іюля 1 день.

Полн. Собр. Лнт. IV. 215 — 216.

Въ лѣто 6963. Князь Псковскій Василей Васильевичъ выѣха изъ Пскова въ Новгородъ, іюля 15 ; а Псковичи много биша чоломъ, и не послуша. Того же лѣта бысть знаменіе : отъ иконы святаго Богородици изъ праваго ока слеза изыде, въ Зряковицахъ ; и привезоша въ Псковъ августа 24.

Въ лѣто 6964. Князь великій Василій Васильевичъ разверже миръ съ Новгородцами, и собравъ силы многіа и пришедъ плѣни волости многыа, и Русу взя февраля 2. И Новгородци совокупившеся выѣхаша противу ихъ, и Москвичи удариша на нихъ, Новгородци же видѣвше непособіе свое побѣгошя, и Москвичи гнашяся въ слѣдъ ихъ біюще ихъ, и убиша посадника Іосифа Носова и инѣхъ бояръ нѣколико, а иніи разбѣгошяся ранены, а князь Василей самъ третій убѣжа, а посадника Михаила Тучю руками яша. И прислаша въ Псковъ гонца своего

1456 съ чолобитьемъ, чтобы пособили противу князя великого; и Псковичи не помянуша древняя
 —61 злобы ихъ, но правяще свое крестное цѣлованіе, отрядиша воеводами посадника Леонтіа Макаръинича и Максима, и послаша съ силами февраля 15. Тогда владыка Еуѳимій ѣхавши съ посадники и съ бояры Новгородскими и съ Псковскими^а, добиша чоломъ князю великому Василью Васильевичю на Яжолвичахъ, и даша поддевятъ тысящи рублей, и взяша миръ по старинѣ. А стоялъ князь великій въ волостехъ Новгородскихъ полъчетвертѣ недѣли; а Псковичи пребыша въ Новѣгородѣ полторѣ недѣли. Того же лѣта, мѣсяца іюня, отъ грома и отъ мльніа много людей и коней побило. Того же лѣта пріѣха изъ Новагорода въ Псковъ князь Александръ Черторизскій, а по Псковскому чолобитью, іюля 18; и пріаша его честно. Того же лѣта много велми идяше дождь, и бысть вода аки веснѣ. Того же лѣта намостиша мостъ Запсковскій, а даша мастеромъ 80 рублевъ.

Полн. Собр. Лѣт. IV. 216 — 217.

Въ лѣто 6965. Пріѣха въ Псковъ владыка Еуѳимій, генваря 4, при князи Александрѣ Черторизскомъ, и въ тѣи день и литургію сверши, и соборова у святѣй Троици, и сенениктъ чтоша; и подѣздъ возьмъ, поѣха изъ Пскова генваря 27.

Тамъ же IV. 217.

Въ лѣто 6966. Погорѣ все Запсковіе отъ церкви святаго Богоявленія и до монастыря святаго Вскресенія, и церковь святаго Козмы и Даміана сгорѣ; а загорѣлося отъ Якова отъ Желѣзова изъ Мощоной улицы. Того же лѣта преставися пресвященный архіепископъ Еуѳимій, марта 11. Того же лѣта прибавиша Псковичи зобници. Того же лѣта отъ грому сгорѣ церковь святое Вскресеніе, на Полоници, а иконы и книги выносили; тогда же и каменую церковь поставиша на томъ мѣстѣ. Того же лѣта Псковичи на Кромѣ наддѣлаша на старой стѣнѣ новую узвышь, отъ захабня до кутнего костра; а даша мастеромъ полтораста рублевъ.

Тамъ же IV. 217 — 218.

Въ лѣто 6967. Князь Александръ Черторизскій, и посадники, и Псковичи ѣхавше на землю и воду святыхъ Троица, на Озолицю и на Жолочко, и церковь поставиша во имя святаго Михаила, и сѣно покосиша, и ловцемъ своимъ повелѣша рыбы ловити по старинѣ; и Чюхновъ на Рожкинѣ повѣшали.

Въ лѣто 6968, мѣсяца генваря 22, о свадьбахъ, бысть пожаръ въ Псковѣ, а загорѣлося на Всохѣ отъ Ѳедоса отъ Гоболѣ отъ мясника; и милостию святыхъ Троица, переметаша отъ Торгу отъ святаго Спаса возлѣ Торговскій Боловинскій конецъ до церкви святаго Георгія и до Куклинѣ лавици, а отъ Куклинѣ лавици до стѣнѣ по конецъ Враговкѣ улицы; а выгорѣло три конца, Опоцкей, Горолицкей, Острой лавици, и княжей дворъ, по самъ Торгъ. Того же лѣта, въ великій постъ, Нѣмци изгонивше на Озолицы церковь, и 9 человекъ сожгли. Того же лѣта князь Александръ Васильевичъ съ посадники и со Псковичами ѣхавше въ насадахъ и въ лодьяхъ на то же мѣсто, на Озолицю, и шедше въ Нѣмецкую землю, много Чюди мужъ и жонъ пожгоша и мечь мстиша. Того же лѣта, за мало время, ѣхавше Нѣмци у снекахъ и въ лодьяхъ въ Норову рѣку, и насаду Псковскую у ловцовъ съ пушками и со всѣмъ запасомъ^б ратнымъ отняли, и дворовъ 40 и два двора выжгли; а людей Богъ ублюде.

Въ лѣто 6969. Пріѣхалъ посолъ отъ Великого Новагорода во Псковъ посадникъ Карпе и дружина его, по чолобитью Нѣмецкому и по ихъ сроку, и поѣхаша съ нимъ князь, и посад-

а) и съ псковскими»; въ С. безъ и : съ псковскими. б) запасомъ» засомъ ошибк. С.

ники, и бояри Псковскіи на Озолицю и на Жалачко, и досмотрѣли того обидного мѣста, оже ¹⁴⁶¹то земля и вода святыя Троици; а поганіи Нѣмци, узнавше свою вину, не стаха на тѣи ⁻⁶²срокъ, и князь Александръ со Псковичами много ожидавше поганыхъ, отѣхаша прочь. Тоя же зимы, въ Рождественое говѣніе, князь Александръ со Псковичами ѣхавше воеваша Нѣмецкую землю на 70 верстѣ, и 3 ноци въ земли ихъ бывше, пріѣхаша вси здрави и приведоша съ собою много полоненыхъ головъ, и скота и животу много, и отместиша мечь Норовскую. Того же лѣта, зимѣ, мѣсяца генваря 20, пріѣха князь великій Василій Васильевичъ въ Великій Новгородъ и съ своими сынами, съ княземъ Юрьемъ и Андрѣемъ; и Псковичи послаша къ нему посадника Юрья Тимоѣевича и Максима Ларивоновича, и съ ними бояръ, и даша въ дары 50 рублевъ, и биша чоломъ, «чтобы ты, господарь, поборонилъ свою отчину Псковичь отъ поганыхъ Нѣмцевъ, понеже пріобижени есме много и водою и землею и головами, и дома Божіа пожжени, а на миру и крестномъ цѣлованіи; и о князи Александрѣ Черторизскомъ, чтобы ему быти во Псковѣ отъ тебе намѣстникомъ.» И отвѣща: «радъ есми васъ боронити, какъ и прежніи прародители наши князи великіи; и жалую васъ княземъ Александромъ, оже поцѣлуеть ко мнѣ и къ моимъ сыномъ крестъ на томъ, что ему не мыслити зла никакова на мене и на моихъ дѣтей.» И князь Александръ не вѣсхотѣ цѣловати, и убоаяся князя великого, и побѣже въ Литву февраля въ 10 день. И князь великій слышавъ, что князя Александра въ Псковѣ нѣтъ, посла сына своего князя Юрья съ бояры въ Псковъ, а посадники Псковскіи и бояре срътоша его за рубежемъ, на Дубровиѣ, а игумены и священники и діаконы срътоша его со кресты противу Стараго Възнесенія; и вшедшу ему въ храмъ святыя Троица, пѣша «многа лѣтъ» и знаменавше честнымъ крестомъ, посадиша его на столѣ отца его великого князя, а посадники и весь Псковъ пріяша его честно, февраля 23. И пріѣхаша послове Нѣмецкіи въ Псковъ отъ князя местера, и биша чоломъ князю Юрью Васильевичю за Юрьевчевъ о перемирьи; и князь Юрьи далъ имъ срокъ до Рождства Христова, а съѣзду быти на Успеніе святыя Богородица, а на томъ послове Нѣмецкіи поцѣловаша крестъ. И потомъ посадники Псковскіи и весь Псковъ биша чоломъ и просиша княземъ на Псковъ, а отъ князей великихъ намѣстникомъ, князя Ивана Васильевича; и пожалова по ихъ чолобитью князь Юрьи, по повелѣнію отца своего, дастъ имъ князя Ивана Васильевича Стригу. А князь великій Василій Васильевичъ былъ въ Великомъ Новгородѣ 6 недѣль безъ дни, и поѣхалъ на Москву марта 1 день. А князь Юрьи Васильевичъ былъ въ Псковѣ 3 недѣли и 2 дни, а посадники и весь Псковъ честиша и дариша его, и даша ему 100 рублевъ; и поѣхалъ изо Пскова марта 18, а посадники и бояре проводиша его съ честью и за рубежъ 20 верстѣ.

Полн. Собр. Лѣт. IV. 218 — 220.

Въ лѣто 6970. Пріѣхаша послове отъ архіепискупа Ризского, и отъ пискупа Юрьевского, и отъ всей Нѣмецкой земли судія, въ Великій Новгородъ, къ владыкѣ Іонѣ и къ посадникомъ и всему Новгороду, бити чоломъ послу великого князя и Новгородцомъ, такоже и Псковскому послу посаднику Зиновію Михайловичю, о перемирьи; и учиниша перемирье Псковичемъ съ Нѣмци на 5 лѣтъ, и цѣловаша крестъ. Того же лѣта выѣха изо Пскова князь Иванъ Стрига на Москву къ великому князю, а Псковичи тогда послаша съ княземъ Иваномъ послы своя, посадника Максима Ларивоновича и иныхъ бояръ, чтобы печаловался князь великій своею отчиною и далъ бы князя, и даша дару 50 рублевъ; и князь великій вреклся стояти и боронити домъ святыя Троици и мужей Псковичь. И потомъ князь великій Василей Васильевичъ присла отъ себе намѣстника въ Псковъ княземъ, князя Володимира Андрѣевича; и Псковичи пріяша его съ честью. Того же лѣта поставиша церковь камену, на Мелотовѣ, Успеніе

1463 святыа Богородици. Того же лѣта Псковичи поставиша новыи городокъ, и нарекоша его
 —63 Кобылою. Того же лѣта преставися князь великій Василей Васильевичъ, и сѣде на великомъ
 княженіи на Москвѣ сынъ его Иванъ. Того же лѣта попове невкупнии биша чоломъ Пскову,
 чтобы пятому сбору быти; они же повелѣша пятому сбору быти у Похвалѣ святыа Богоро-
 дици, да у Покрова, да у Святаго Духа. Того же лѣта Псковичи поставиша городокъ, на Волод-
 чинѣ горѣ, Володимерець. Того же лѣта задѣлаша прясло стѣны на Кромѣ, и старой стѣнѣ
 наддѣлаша узвышь, отъ Великіа рѣкы отъ костра до Домантовѣ стѣнѣ.

Полн. Собр. Лѣт. IV. 220 — 222.

Въ лѣто 6971. Выгнаша Псковичи князя Володимира Ондрѣевича изо Пскова, а иныя
 люди на вѣчи съ степени съпхнули его; и онъ поѣхалъ на Москву съ безчестіемъ къ вели-
 кому князю Ивану Васильевичу жаловатися на Псковъ. И потомъ на зиму послаша Псковичи
 послы своя, Тимоѣя посадника Власевича, и Якова Кротова, и Стефана Аѳанасевича, и
 Матуту и иныхъ бояръ, къ князю великому Ивану Васильевичю просити собѣ въ Псковъ
 князя, и не пусти ихъ къ собѣ на очи 3 дни, гнѣвъ держа про своего намѣстника князя Во-
 лодимира; и потомъ много трудившеся добиша чоломъ, и князь великій чолобитѣ ихъ при-
 нялъ и далъ имъ князя по Псковскому изволеню, Ивана Звенигородского Александровича.
 Тога же зимы, въ великое говѣнье, марта въ 21, придоша Нѣмци изгономъ ратью къ Новому
 городку съ многымъ замышленіемъ, хотяще плѣнити градъ и домъ святаго Архистратига Божіа
 Михаила, а иная сила Нѣмецкая поплѣниша и пожгоша исады Псковскыа. И въ то время
 бѣше въ городкѣ князь Иванъ, и сквозѣ рать съ городка присла своего челоуѣка гонцомъ къ
 Пскову; и посадникъ Ѳедоръ Никифоровичъ, и Тимоѣй, и бояри, и Псковичъ немного того
 же дни совокупившеся, и приѣхаша къ городку назаутріе, а Нѣмци услышавше Псковскую
 силу отбѣгоша, и запасы своя пометавше; и быша Псковская сила на городкѣ недѣлю. И по-
 томъ пакы пришедше Нѣмци, пожгоша Островци и Подъольшіе, и многихъ христіанъ при-
 сѣкли и въ полонъ свели, а съ городка Псковичи не смѣли вдаритися на нихъ, боящеся
 болшей силѣ Нѣмецкой, и послаша ко Пскову гонца; и Псковичи слышавше то, отрядиша
 воеводами Максима посадника, и Олексіа, и Игнатѣя, и совокупившеся и съ пригорожаны
 приѣхаша къ городку, и не обрѣтоша Нѣмецъ. И прииде изъ зарубежіа доброхотъ Чюдинъ и
 повѣда Псковичемъ, что сила Нѣмецкая готова и хотять ударитися на сію пощъ на Калпиное;
 и Псковичи въ тѣя часы поидоша тамо, и придоша въ Калпиное порану и узрѣша, что Нѣ-
 мецкая сила жгутъ исады и церковь Калпиньскую зажгли; и тако помолившеся Богу уда-
 рившеся на нихъ, а Нѣмци убоявшеся и побѣгоша, а Псковичи биша ихъ въ погоню на 15
 верстѣ до Коховѣ рѣкѣ, и много множество Чюди паде и Нѣмецъ, а Псковичъ Богъ ублюде;
 се же бысть мѣсяца марта 31. А въ то время Ивашко діакъ скопи около себе перубленыхъ
 людей, охвочихъ, и ходиша за Изборско въ слободу въ Нѣмецкую землю, и приведоша мно-
 жество безчислено полона и живота. Тога же весны, на Великъ день, приѣха отъ князя ве-
 ликого Ивана Васильевича князь Иванъ Александровичъ Звенигородскый въ Псковъ на кня-
 женіе. Того же лѣта сдѣлаша перси, и колоколы повѣсиша. Того же лѣта свершена бысть
 церковь камена святыхъ чудотворецъ Козмы и Даміана. Того же лѣта помостиша мостъ пла-
 вушій чрезъ Великую рѣку. Того же лѣта, по чолобитю Псковскому, присла князь великій
 Иванъ Васильевичъ воеводу своего князя Ѳедора Юрьевича съ силою Московскою, и Пско-

а) *Предъ симъ киноварью въ видѣ заглавія: о калпиньскомъ побоищи.*

вичи поидоша съ нимъ въ Нѣмецкую землю къ Новому городку, и волости повоеваша и по-¹⁴⁶³
жгоша; и стояша подъ городкомъ 4 дни, и отъидоша не взявше, крѣпокъ бо бѣ градъ. И по-^{—71}
томъ Нѣмци ѣхавше въ Норову, Норолянѣ Псковскыя ловцовъ руками поймаша 9 человекъ,
а судью Сидора Оданя мечи изеѣкоша. Того же лѣта князь Ризскій местерь присла своего
князя и инѣхъ добрыхъ Нѣмецъ, и добиша чоломъ за Юрьевцовъ воеводѣ князя великого и
князю Псковскому и Псковичемъ, и взяша миръ на 9 лѣтъ; а на Жолоцкѣ воду и землю
отняша Псковичи, а Нѣмци отступишася.

Въ лѣто 6972. Послаша Псковичи послы своя, посадника Максима Ларивоновича, и
Ивана Гахоновича, и Микиту Плотичю, къ великому князю Ивану Васильевичю бити чоломъ
на жалованьи, что послалъ своихъ людей въ помощь Псковичемъ на Нѣмецъ, и даша дару
30 рублевъ, и просиша владыкы на Псковъ. И отвѣчалъ князь великій о владыкѣ: «се язъ
шлю бояръ въ Великій Новгородъ и къ вамъ, ино за ними все будетъ вамъ указано; а радъ
есми печаловатися вами съ своимъ отцемъ съ митрополитомъ съ Θεодосіемъ;» и даде Максиму
посаднику въ даръ верблуда.

Въ лѣто 6973. Псковичи обложиша стѣну древяну около Полоница и около Запсковія, а
блюдушися ратной силѣ Великого Новагорода.

Въ лѣто 6974. Богу попустившю грѣхъ ради нашихъ, погорѣ весь Псковъ, а загорѣлося
вълягоми октября 18, на Лукинъ день; а тогда въ Псковѣ былъ владыка Юна, и въ пожаръ
выѣхалъ на Снѣтную гору. Того же лѣта, въ Петрово говѣніе, погорѣ Полонице, а загорѣ-
лося въ Кузнецкой уличы, и погорѣ отъ Лузскыхъ воротъ и до Рожества святаго на Поли;
а горѣло ночь да полднѣ. Того же лѣта бысть моръ въ Псковѣ и по всемъ волостемъ; и
помолившеся Богу поставиша въ единъ день церковь завѣтную, во имя преподобнаго отца
Варлама, и въ тѣи день и литургію свершиша священники. Того же лѣта хмель дорогъ бяше,
по 100 и по 20 денегъ зобница.

Въ лѣто 6975. Свершена бысть церковь камена Похвала святѣй Богородици, на Романихѣ.

Въ лѣто 6976. Свершена бысть церковь камена святаго великомученика Пантелеймона,
на Красномъ дворѣ. Того же лѣта Псковичи отлучиша отъ службы вдовствующихъ поповъ и
діаконовъ по всей Псковской волости, а не обослався ни спросившися съ митрополитомъ, ни
съ архіепископомъ; и хотѣ архіепископъ Юна наложить на Псковичъ неблагословеніе, и митро-
политъ Θεодосій о томъ ему възбранилъ.

Въ лѣто 6977. Прибавиша и сдѣлаша новыи ворота Запсковскіи, болши старыхъ, и даша
мастеромъ 30 рублевъ. Того же лѣта, въ самыя свадебници, пріѣде въ Псковъ пресвящен-
ный архіепископъ Юна, и съборова у святѣй Троицы, и подъѣздъ свой на попахъ побра, и
отѣха; а посадники много честиша и дариша его; а вдовымъ попамъ подавалъ грамоты своя
благословенныя, и повелѣ имъ пѣти, и благослови ихъ.

Въ лѣто 6978. Преставися пресвященный архіепископъ Великого Новагорода и Пскова
владыка Юна; и тогда възведоша въ него мѣсто на святительство Θεофила.

Въ лѣто 6979. Князь великій Иванъ Васильевичъ разверже миръ съ Великимъ Новымъ-
городомъ, и нача искати на Новгородцѣхъ своихъ прародителейъ старинъ, земли и водѣ и всѣхъ
пошлинъ, какъ пошло отъ великого князя Ярослава Володимировича, и хотя отмстити Великому
Новгороду древняя нечести и многія грубости, бывшія отъ нихъ великимъ княземъ. О семъ
аще хоцещи увѣдати, прошедь Рускій лѣтописецъ вся си обряцещи. Мы же о немъ на-
чахомъ, сіа и скажемъ отъ велика нѣкая мала. И присла князь великій въ Псковъ своихъ
пословъ, веля Псковичемъ възсѣсти на кони на своего брата на Великій Новгородъ: «а что
вамъ съ Новымъгородомъ миръ и крестное цѣлованіе, то язъ буду предъ Богомъ въ томъ
грѣсѣ; а грамоту мирную имъ отверзите.» А въ то время Новгородци прислаша своего посла,

1471 ⁷⁶молодшого боярина, подвойского, къ своему брату Пскову не съ поклономъ, ни съ чолобятемъ, ни съ моленіемъ, но съ гордынею глаголя: «врекаетесь ли пособити намъ противу великого князя?» И Псковичи много думавше, положиша упованіе на Бога по здравію великого князя, и послаша въ Новгородъ розметную грамоту, и отрядиша воеводами посадника Стефана Ованасевича, и Якова Кротова, и Ивана Гахоновича и инѣхъ; и скопившия вся сила 10 тысящъ, и поидоша за рубежъ съ княземъ Васильемъ Оедоровичемъ, и сташа подъ Вышегородкомъ, и повоеваша волости и пожгоша около рубежа на 50 верстъ, али и болѣ. А Новгородци услышавше силу Псковскую, что воюють ихъ волости, и отрядиша воеводою Казимира, и Дмитрія сына Марѣина и инѣхъ много бояръ, а около ихъ всей Новгородской силѣ 40 тысящъ, и поидоша на Псковичъ. И наѣхаша на Шолони обонъполь рѣки силу Московскую князя Данильа, и не дошедше Мусьса и Солци вергошяся Москвици съ берега въ рѣку, и пребредше рѣку ударишася на нихъ, а Новгородци видѣвше такоу дерзость ихъ обратшася на бѣгъ; и тако побѣгоша, и биша ихъ Москвичи въ погоню отъ Солци и до Мшаги рѣкы, и овыхъ посѣкоша, овыхъ раниша, и мало ихъ къ городу прибѣгоша; и многихъ бояръ тогда живыхъ руками^a поймавше, къ великому князю приведоша и немилостивно казвивше ихъ, и сѣкирою отсѣкоша имъ главы, къ колодѣ прикладая. И потомъ посадники Новгородскіи, съ нареченымъ владыкою Оеофиломъ, приѣхаша къ великому князю на Коростыню и добиша чоломъ, и даша 18 тысящъ рублевъ, и взяша миръ съ княземъ великимъ и съ Псковичами, по старинѣ, мѣсяца іуля 28. Того же лѣта попи невкупниіи биша чоломъ Пскову, чтобъ печаловалися и били чоломъ князю великому и митрополиту, быти бы шостому сбору: и митрополитъ Филипъ благослови и повелѣ быти 6-му сбору, въ церкви Входъ въ Іерусалимъ Господа нашего Ісуса Христа.

Въ лѣто 6980. Явися на небесѣхъ звѣзда, и протяже, отъ себе испусти свѣтлы луча аки хвостъ.

Въ лѣто 6981. Приѣха изъ Рима за князя великого Ивана Васильевича царовна, и приѣха на Псковъ и на Новгородъ; а Псковичи много чтиша ю, и даша въ даръ 50 рубловъ.

Въ лѣто 6982. Бысть Псковичемъ многи обиды и брани великыя съ Нѣмци, и послаша послы своя къ великому князю Ивану Васильевичю бити чоломъ и просити помощи противу Нѣмцевъ: и пожалова свою отчину князь великій, посла князя Данильа и инѣхъ бояръ много съ силами, и приѣхаша въ Псковъ на Дмитровъ день, и сташа станы по всему Завеличію. И по смотрѣнію Божию, хотя Богъ възвратити оружіе безъ крови, обрати зимную студень на теплоту, и бысть вся зима тепла; и не лзѣ бѣше Псковичемъ поити въ Нѣмецкую землю, множества ради водъ. И князь местерь и вси Нѣмци и Юрьевци прислаша своего посла, ратмана Пантелея, иже послѣди бысть въ нихъ местеромъ, иже и подъ Псковъ приходи ратью, а съ нимъ добрыхъ людей Нѣмецъ много, и добиша чоломъ: и взяша миръ съ Рижаны на 30 лѣтъ, а съ Юрьевци на 20 лѣтъ, а пива Нѣмцомъ въ Псковъ не возити, и оттолѣ преста крѣчма Нѣмецкая. И даша Псковичи Данилью 100 рубловъ, а княземъ и бояромъ 50 рубловъ, и тако поѣхаша изъ Пскова генваря въ 28 день. Того же лѣта, на весну, Псковичи отрядиша посломъ посадника Ивана Гахоновича, и съ нимъ бояръ, бити чоломъ князю великому на его жалованіи и на помощи; и не даде имъ ни подворья, ни къ собѣ на очи не пусти, и стоявше на поли 3 дни отѣхаша безъ отвѣта.

Въ лѣто 6984. Бысть тма по всей земли, и тако смерчеся на малъ часецъ, яко стоящую

a) руками — такъ поправлено; въ С. руки.

другу отъ друга за леху не видѣти, въ самую сыропустную недѣлю до обѣда. Сицевая зна- 1476
менія проявляетъ Богъ на многыя пагубы людемъ. —78

Въ лѣто 6985^а, септевріа 5, всегда ненавидій челоувѣчьскаго добра діаволь, по пропиная многія сѣти своя, веля быти въ ненависти и во враждѣ другу на друга, свади Псковичь съ княжими людми: повезе Псковитинъ съ огорода капусту черезъ Торгъ, мимо^б княжей дворъ, и шестникъ похитивъ силою наручье тое капусты, даде княжому барану, и про то начаша Псковичи которатися съ шестниками; и они поидоша на Псковичь съ ножами, и начаша стрѣлами стрѣляти, по Торгу ходя, и самъ князь Ярославъ възложи на ся ратную приправу и нача стрѣляти, и многыхъ раниша, а дву челоувѣкъ до смерти застрѣлиша; и тако Псковичи поидоша на нихъ съ дрекольемъ и съ каменіемъ, и убиша на Торгу повара княжого Курву, и възмятеса весь градъ, и нѣкоторіи смысленіи люди едва уставиша народъ, и тако помалу уляже брань. И биша чоломъ князю великому на Ярослава, и просиша на Псковь иного князя: и даде князь великій по Псковскому чолобитью въ Псковь княземъ, а отъ себе намѣстникомъ, князя Василья Шюйского. Тоя же зимы князь Ярославъ поѣха изо Пскова на Москву, и много волостій пограби, и которіи люди и соцкіи проводили его, 13 мужій съ собою свеле; и Псковичи послаша на него бити чоломъ князю великому Ивану Васильевичю посадника Кузму Сысоевича и Василья Логиновича, и биша чоломъ, и князь великій изополѣлся на Ярослава, и онъ вся грабленая и людей со многымъ студомъ възврати.

Въ лѣто 6986. Богу попустившу грѣхъ ради нашихъ, погорѣ весь Псковъ, октября въ 10; а загорѣлося отъ Сысоевыхъ воротъ отъ Оедора Дмитрова, а загорѣлося вълягоми, и горѣ пощъ и весь день. Того же лѣта пріѣха посолъ отъ великого князя Ивана Васильевича, Иванъ Зиновьевъ и діакъ Григорій Волнинъ, поднимати Псковичь на Великій Новгородъ: и Псковичи, не хотя ослушатися своего осподаря, отслаша мирную грамоту и крестное цѣлованіе отказаша. Тоя же осени, мѣсяца ноября въ 16 день, пріѣха въ Псковъ отъ князя великого намѣстникъ, князь Василій Васильевичъ Шюйскій; и Псковичи пріяша его честно. ^вТоя же осени князь великій Иванъ Васильевичъ разгнѣвася на Великій Новгородъ, и разверже миръ съ ними; и събравъ силы многы, пріиде подъ Великій Новгородъ, мѣсяца ноября въ 21, и самъ ста за 3 вереты отъ города въ Лосиньского дворѣ, а сила сташа около всего Новагорода. А ко Пскову посла гонца своего Василья Дятлева, и князь Василей и посадники Псковскыя отрядиша воеводами 5 посадниковъ, Олексіа Васильевича, и тамо на той службѣ и преставися, и посадника Микиту Ларивоновича, и Зиновіа Сидоровича, и Василья Логиновича, и Кира Олексіевича; они же не пождавше нимала, съ всею силою Псковскою всѣдше на кони, ноября 26, пріѣхавше вдариша чоломъ князю великому; онъ же повелѣ имъ стати въ монастыри святѣй Троици на Веряжи, среди своей силѣ. Се же паки на предняя възвратимся. И распусти князь великій многыя своя силы по всѣмъ Новгородскимъ волостемъ, и плѣниша и пожгоша вся страны, отъ Заволочья отъ вѣсточныя страны и до Литовского и до Псковского рубежа, и въ Нѣмецкую землю за Порову рѣку шедше много повоеваша. И велми тогда притужно бяше Новгородской земли, паче первыя войнѣ князя великого; въ первую бо войну мнози крыяхуся въ лѣсѣхъ и за водами, а въ сію войну нѣгдѣ скрытися въ лѣсѣхъ, убо отъ мраза умираху и отъ глада, а въ домѣхъ отъ воинѣ мнози плѣнени быша, мужи и жены и дѣти, и животы и все плѣненное на Москву сведоша, а сущи въ градѣ отъ многого недостатка и стѣсненія многу скорбь имѣаху, плачь и рыданіе. И въсколебашася аки пьяни, и бяше въ нихъ

^а въ л. 6985 « въ лѣто 6975 *ошибк.* С. б) мимо « такъ кажется должно читать; въ С. вымо. в) Въ началѣ сей статьи киноварью: о взятіи великого новагорода.

1478
—80
непословича и многыя брани, мнози бо велможи и бояре перевѣтъ имѣху князю великому, и того ради не изволиша въ единомыслии быти, и вѣсташа чернь на боярь, а бояри на чернь. И бяше тогда въ градѣ съ ними князь Василей Шюйскій, и разумѣвъ сущую погубель, хотящую надъ ними быти, и отрекъ имъ крестное цѣлованіе, и тако изыде изъ града и бише чоломъ князю великому; и князь чолобитье его прія, и вину ему отдаде. А владыка Теофилъ съ многыми бояры многожды тогда пріѣздя, биша чоломъ князю великому, чтобы ихъ держалъ въ старинѣ; и онъ старинѣ ихъ ничогоже не въскотѣ, дондеже внидоша въ всю его волю. И поцѣлова крестъ владыка Теофилъ, и посадники, и тысяцкіи, и весь Великій Новгородъ, старѣйшии люди и моложышии отъ мала и до велика, на всемъ добрѣ и на всей воли князя великого: что не быти въ Великомъ Новѣгородѣ ни посаднику, ни тысяцкому, ни вѣчу не быти, и вѣчный колоколъ свезоша на Москву. И посади своя 4 намѣстники, на Купецкой сторонѣ Ивана Стригу и брата его Ярослава, а на владычни сторонѣ Василя Китаина да Ивана Зиновьева. И стояша Псковичи подъ Великимъ Новымъгородомъ 8 недѣль, а князь великій 12 недѣль; и тако отпусти Псковичь, а самъ поѣде на Москву февраля 17, поймавъ Новгородскыхъ боярь 6 человекъ, съ ними же и Марѳу, и на Москву съ собою сведе. Се же написахъ отъ многа мало бывшія пагубы Великому Новгороду, елико слышахъ и елико мнѣ постиже. Тоя же зимы, мѣсяца декабря 26, бысть тутенъ громъ и молніи блистаніе ноцію. А по войнѣ князя великого бысть моръ въ Великомъ Новѣгородѣ.

Въ лѣто 6987, мѣсяца ноября въ 13, бысть вода велика, и снесе ледъ, и много пакости учини людемъ, много стоговъ сѣнныхъ снесе и всякыя запасы и хоромы, и потомъ пакы померже, и ста рѣка; и пакы мѣсяца декабря 7 бысть тепло и вода велика, и снесе ледъ, и вѣтретійрядъ стала рѣка, и сварачало ледъ кринемъ великимъ акы хоромы и до устья рѣкы.

Въ лѣто 6988. Князь великій Иванъ Васильевичъ пріѣха въ Великій Новгородъ, съ многыми бояры, декабря 2, и Псковичи послаша 5 посадниковъ, Кузму Сысоева, Ивана и Зиновія, Якова Кротова и Кюра, и по боярину изъ конца, и везоша въ даръ 65 рубль; и пріѣхаша посадники въ Псковъ отъ князя великого въ самое Рожество Христово, и потомъ пріѣхаша послы отъ князя великого, декабря 30 день, Дмитрій Давыдовичъ да Семеонъ. И при послѣ князя великого пригнавшѣ Нѣмци, мѣсяца генваря 1, и взяша изгономъ Вышегородъ, а мужи и жены и дѣти овыхъ въ плѣнъ поведоша и овыхъ изсѣкоша, а городъ зажгоша; и никымъже гошими, развѣ Божіею силою свыше, въскорѣ отъ града побѣгоша, не своими дорогами, многая своя вещи пометавше, и тако разблудишася по лѣсомъ; и мала часть града остася, не сгорѣ, и мало людій спасошася, а Нѣмецъ въ городкѣ убиша 50 человекъ и въ доспѣсѣхъ, а иніи сгорѣша. Тоя же зимы князь великій Іоанъ Васильевичъ Великого Новгорода и Пскова владыку Теофила, акы плѣнника, съ собою на Москву сведе. Тоя же зимы, генваря въ 20 день, пріидоша Нѣмци съ многыми силами къ Гдову городу, и начаша огненныя стрѣлы на градъ пущати, и бяше велми притужно граду, и посади и волости вся пожгоша; и отъидоша прочь, а градъ Богъ ублюде, святыи великій мученикъ Димитрій. Тогда Псковичи послаша гонца своего въ Новгородъ къ великому князю, възвѣщая дрызость поганныхъ Нѣмецъ; онъ же въскорѣ посла воеводу своего князя Андрѣя Ногтя съ многыми силами, и пріѣхаша въ Псковъ февраля 11. И Псковичи, скопивши всю силу, поидоша съ ними въ Нѣмецкую землю, и пришедше въ Омовыжю костерь взяша и выжгоша весь, а Нѣмецъ плѣнивше привелоша 52 человекъ, и подъ Юрьевомъ ношь и день стоявшѣ, възвратишася съ множествомъ полона и пріидоша ко Пскову вси здрави, февраля 20. И князь Андрѣй Микитиничъ пребывъ во Псковѣ 3 дни, разгнѣвася на Псковичь и съ всею силою своею поѣха на Москву, а съ Нѣмци толко роздравъ; а Псковичи много биша ему чоломъ, и не послуша ихъ. И сія

слышавъ поганый князь местерь, въскорѣ совокунивъ силу свою, прииде къ городу Изборску, 1480 февраля 25, и поуже Изборскыя волости вся, а града Богъ ублюде и святой Никола; и тако гордяся поиде къ городу Пскову, и не дошедъ за 10 версть, сташа станы вся сила Нѣмецкаа и възъгнетиша въ ночь многыя огни, хупущеса и скрежещюще зубы на домъ святыя Троица и на градъ Псковъ. И быше тогда въ градъ Псковъ князь не войскый, грубый, токмо прилежаше многому питію и грабленію, а о градѣ не внимаше нимала, и много Пскову грубости учини. И тогда князь, и посадники, и вси Псковичи не терпяще дрѣзости поганыхъ, всѣдше скоро на коня, ови въ dospѣсѣхъ, а иніи нази, токмо въ кого что угодилося, или копіе или оружіе или щитъ, ови на конѣхъ, ови пѣши, и стяги поймавше, скоро противу имъ выидоша и сташа въ Устьяхъ, и бѣ видѣти много множество людій, ихже не мощно исчести: и видѣвше Нѣмци устрашишася, а Псковичи видѣвше Нѣмецъ убояшася, и не съступишася на бой, токмо сторожовый полкъ Нѣмецкый зашедъ пѣшцовъ^а Псковичъ побиха 300 человекъ, а dospѣшная рать на конехъ того не видѣша; и тако стояша съ поранья и до вечера. А князь местерь дождавъ ноци скоро побѣже, и ожидаше за собою погони Псковскыя; а князь Псковскый Василей Шюйскій и посадники не въсхотѣша гнатися въ слѣдъ ихъ, но възвратишася въ дома своя. Тогда поганый видѣвше, яко никтоже гоняше по нихъ, они же паче дерзновеніе примше, приидоша къ новому городку Кобылѣ, марта въ 4 день, въ вечерѣ въ четверкъ къ пятку, а освитающу пятку, и полѣзоша усрьдно къ городку, ово пушками шибая, ово же огненныя стрѣлы на градъ пуцая акы дождь, и принесше подъ градъ хвастіе съ смолою, зажгоша градъ; а людіе мнози начаша чрезъ стѣну рѣятися, они же поганіи немилостивно каменіемъ побиха, а иныхъ сулицами избодоша, а иныхъ мечи изсѣкоша, и мнози въ городкѣ огнемъ сожжени быша, и тако немилостивну и лютую подъяша смерть, марта въ 5; а Макарью посадника и инѣхъ многыхъ мужъ и женъ, ихже не мощно исчести, живыхъ поймавше съ собою сведоша, немилостивно извизавше. Тоя же весны разгнѣвашася на князя великого Ивана Васильевича, на брата своего, князь Андрѣй Горай и Борисъ, сынове князя великого, и побравше своя казны и жены и дѣти и повергъше свою отчину, поидоша прочь, а около ихъ множество бояръ и людій, яко мнѣти ми до 20,000, и отѣхавше сташа на Лукахъ на Великихъ; и кудѣ идоша, тыя волости вся положиша пусты, и грабница и плѣнница, токмо мечи не сѣкоша, а Луки безъ останка опустѣша, и бѣ видѣти многымъ плачь и рыданіе. Того же лѣта поганый князь местерь събравъ силы многы, и Заморцовъ и Задвнчанъ, имже не бѣ числа множества ради вой, и прииде прежде къ городу Изборску мѣсяца августа 18, хупущися поганіи плѣнити градъ: и начаша стрѣлы огненныя пуцати на градъ, и многая дрѣвеса приметавше къ стѣнѣ зажгоша, и бѣ притужно велми сущимъ въ градѣ; и много всеу трудяшася поганіи, Богъ бо и святой Никола храняше градъ, и стоявше два дни и двѣ ноци отъидоша прочь, а граду не успѣвше ничтоже. ^б Тогда поганый възъярився и попухнѣвъ лицемъ, прииде съ своими силами ко Пскову, августа въ 20 день, съскрежеща своими многоядными зубы на домъ святыя Троица и на мужей Псковичъ, и сташа по всему Завелицкому полю шатрами, а Псковичи въскорѣ Завеличье сами зажгоша, а по Великой рѣкѣ на Выбутѣ и въ Устьяхъ заставы поставиша; а на четвертый день Юрьевци въ многыхъ снекахъ приѣхаша ко Пскову, и привезоша множество ратного запаса, и хлѣбовъ и пива и вологи, акы на пиръ зовомы, чаяху безумніи селикъ градъ стояніемъ взяти; и начаша множествомъ пушокъ шибати и пицалми на множество людей, и не успѣша ничтоже. И потомъ нѣции отъ нихъ

а) пѣшцовъ» такъ поправлено; въ С. пѣсцовъ. б) Въ С. къ сей статьѣ относится заглавіе внизу страницы: шнекоповерженіе нѣмецкое.

1480 безумній, напившіся, заклишяся князю своему поганому местеру посады огнемъ зажещи, а
 —⁸¹ Псковъ градъ взяти; и собравше по Завеличью оставшаяся дресеса и жердье и солому, и на-
 кладоша 2 учаны акы тростья^а, и поляша таковій хвастъ смолю, и таковымъ замышле-
 ніемъ хотѣша Запсковіе зажещи, бяше бо тогда посивень вѣтръ отъ Завеличья на градъ. И
 бяху тогда Псковичи въ велицѣ скорби и печали, мняхуть бо тогда уже граду взятю быти,
 и мнози безумній отъ гражанъ побѣгоша изъ града за рубежь, отъ нихже единого помяну
 Филипа посадника Пукышова: поймаша его виѣ града, а онъ и съ жоною побѣжа за рубежь;
 и мнози гонци слаша къ великому князю и къ Новугороду, и не бѣ помощи ни отъ кого
 же; а князь Василій повелѣ своимъ и кони сѣдлати, и хотѣ бѣжати, и посадники съ Пско-
 вичами одва добиша ему чоломъ. И послаша гонци своя къ братіи князя великого, къ князю
 Андрѣю и Борису, чтобы оборонили градъ Псковъ, а тогда бо быша на Лукахъ на Великихъ;
 они же пришедше учиниша Пскову горѣе и Нѣмецъ; се же послѣди скажемъ. И о семъ до-
 стоить рещи, о бывшей тогда помощи отъ благовѣрныхъ князей, лежащихъ въ дому святыя
 Троици: яви бо ся тогда етеру мужю благовѣрній князь Домонтъ, веля ему «одѣяніе гроба
 моего вземше, и съ кресты около града грядѣте 3-щи, и молитесь Господеви, и не бойтесь
 врагъ своихъ;» онъ же скоро отъ сна вставъ, възвѣсти являшаяся ему Стефану посаднику, и
 тако, по словеси являшагося, священники и діаконы святыя Троици ноцію вземше отъ гроба
 одѣяніе благовѣрнаго князя Домонта, и съ кресты обходиша 3-щи около Кромѹ, молящеся
 Господеви и благовѣрнымъ княземъ способствовати на поганыя. И паки о немже начахомъ,
 сіа до конца да съвершимъ. И тако поганіи искрутившеся въ вся ратная одѣанія, и влѣзше
 въ шнеки по сту человекъ, али и болѣ, и попустиша ово стрѣлами, ово пушками, ово пи-
 щалми акы дождемъ или градомъ сильнымъ, и тако бьющеся преплывше рѣку, межю Святаго
 Лазаря и Святаго Спаса въ логу приставше, хотѣша на брегъ вылѣзти: и Псковичи ударишяся
 на нихъ, бьющеся ово каменіемъ, ово сѣкирами и мечми, и тако едину шнеку изыотяша, а
 Нѣмецъ избиша, а иніи сами въ рѣку вметашяся, и тако истопоша 50 Нѣмчиновъ, а иніи ви-
 дѣвше бывшую пагубу надъ своими, скоро възвратишяся къ берегу своему; и оттолѣ начаша
 скоро скручатися и дождавше ноци побѣгоша, никымже гоними, а шнеки своя пометавше. И
 тако избави Богъ градъ молитвами благовѣрныхъ князей Домонта и Всеволода, лежащихъ
 въ дому святыя Троица. А стояша 5 дней.

Въ лѣто 6989, мѣсяца септеврїа въ 3 день, прїѣхаша въ Псковъ князя великого брата,
 князь Андрѣй и Борисъ, по чолобитью Псковскому, и быша въ Псковѣ 10 дней; и много
 биша чоломъ Псковичи, абы мстили поганымъ Нѣмцомъ крове христіанскыя. Они же ркоша:
 «како намъ поити съ вами въ иновѣрныхъ землю, а наши жены и дѣти и животы повержены
 въ чюжей земли? егда убо здѣ изволите быти женамъ нашимъ, тогда ради есмо васъ боро-
 нити.» И бѣху Псковичи въ мнозѣ сѣтованіи и въ тузѣ, не домышляющеся о семъ что сѣтво-
 рити, боящеся князя великого, понеже врага царскаго аще кто хранитъ, супостатъ ему есть;
 тако и си, аще и братіа ему, но супостати ему бѣшя. И много думавше отрекоша има, гла-
 голя: «и сами, господари великїи князи, о семъ вѣсте, можетъ ли единъ рабъ двѣма госпо-
 дарема работати, по Еуангельскому словеси: ли единого възлюбитъ, а о друзѣмъ не радити
 начнетъ? тако и мы не хоцемъ двѣма работати, но хоцемъ единого осподаря держатися
 великого князя Ивана Васильевича, старѣйшаго брата вашего; а вамъ чоломъ біемъ, и сами
 о своемъ добрѣ и о нашемъ думайте, какъ бы еще нашему граду до конца не погыбнути.»
 Они же скоро, разгѣвавшеся, поѣхаша изъ града въ канонъ Въздвиженія, а помощи Пскову

а) тростья»; за сѣмъ въ С. написано: станъ поставаша (стоймя поставили?!

не учиниша ничтоже. И ѣхавше сташа на Мелотовѣ и распустиша по всѣмъ волостемъ люди своя, бѣше бо множество людѣи околоти ихъ, мною яко до десяти тысящъ; и тако много волостей повоеваша, аки невѣрнии и чолмы Божіа пограбиша, и скоту много посѣкоша, а жены и дѣвици посекверниша, и плѣнивше многихъ сведоша, а отъ скоту не оставиша ни куряти, токмо огнемъ не жгоша, ни оружіемъ не сѣкоша, не противишася бо имъ никтоже. И Псковичи много бѣвше чоломъ, даша 200 рублевъ, а околицы 15 рублевъ; и тако отъидоша въ Новгородскую землю^а съ многымъ вредомъ. Тоя же зимы послаша Псковичи посадника Филипа Пукышова къ великому князю Ивану Васильевичю бити чоломъ о помощи, абы мстилъ многымъ кровемъ христіаньскимъ и оборонилъ свою отчину отъ поганыхъ Нѣмцовъ. Онъ же въскорѣ посла къ своимъ намѣстникомъ въ Новгородъ, веля имъ быти съ всѣми силами Новгородскими въ Псковъ на Крещеніе Господне; они же пріѣхаша въ Псковъ на Поклоненіе веригамъ, Василій Оедоровичъ и Иванъ Зиновьевъ. А съ Москвы отряди воеводами князя Ярослава и князя Ивана Булгака; они же пріѣхаша во Псковъ февраля въ 11 день, съ множествомъ мужей Москвичъ. И мало опочинувше въ Псковѣ, и тако совокупившеся множество ратныхъ, поидоша въ землю Нѣмецкую, трема дорогами: и взяша градъ Тарвасть и другій градъ Вельядъ, и плѣниша и пожгоша всю землю Нѣмецкую отъ Юрьева и до Ряги, а Лотыголу и Чюхновъ, мужей и женъ и дѣтій, овыхъ изсѣкоша, овыхъ пожгоша, а сущіи въ лѣсѣхъ отъ мраза измерзше умроша, а иніи голодомъ помроша. Бѣ бо тогда мразы сильно велици, а снѣгъ челоуѣку въ пазуху, аще у кого конь свернетъ съ дорозѣ, ино двое али трое одва выволокутъ; а Нѣмецкая вся земля тогда бѣше не въ опасѣ, безъ страха и безъ боязни поганіи живяху, пива мнози варяху, ни чаяху на себе таковыя пагубы, Богу тако изволившю. И бѣвше 4 недѣли въ Нѣмецкой земли, възвратишася ко Пскову съ многою корыстью, ведуще съ собою множество полона, ово мужи и жены и дѣвици и малыя дѣти, и кони и скоты; и поможе Богъ въ всякомъ мѣстѣ воеводамъ князя великого и Псковичемъ, и отмстиша Нѣмцомъ за свое и въдвадесяторо, али и болѣ, якоже нѣщии рекоша и Псковъ сталь не бывало тако.

Въ лѣто 6990. Пріѣхаша Нѣмци въ Великій Новгородъ, и добиша чоломъ намѣстникомъ князя великого Ивана Васильевича и посадникомъ Псковскимъ, и взяша миръ въ Данильеву грамоту, на 10 лѣтъ съ обѣю сторонамъ издержати крѣпко, и поцѣловаша на томъ честный крестъ. Того же лѣта пріѣхаша Нѣмци отъ князя местера послове, и просиша пути къ Москвѣ, и ѣздиша къ великому князю не вѣмы чего дѣля, августа въ 18 день.

Въ лѣто 6991, мѣсяца септеврія въ 1 день, пришедши поганый Перекопскій царь съ множествомъ безбожныхъ своихъ Татаръ, и плѣни градъ Кыевъ и огнемъ сѣжже, а люди сущая въ немъ и по всѣмъ волостемъ, мужи и жены и дѣти, множество плѣнивше сведоша въ орду, и отъ Кыева зашедъ плѣни Рускихъ порубежныхъ городовъ 11; и много зла створивши отъидоша. Того же лѣта пріѣхаша послы отъ великого князя, и ѣздиша къ князю местеру въ Кесь не вѣмы о чемъ.

Въ лѣто 6992. Поставлена бысть церковь въ Домантовѣ стѣнѣ иже въ святыхъ отца нашего Аванасіа, а другая церковь святаго Николы на Волку, понеже обѣ распадосася, и въ тѣхъ же каменехъ новыя поставиша. Того же лѣта, предъ Филиповыми заговѣны, пріѣде съ Москвы въ Великій Новгородъ отъ великого князя Ивана Васильевича изъ него руцѣ владыка Сергій, поставленъ митрополитомъ Геронгіемъ вмѣсто Оеофила; и многы игумены и попы испродаде, и многы новыя пошлины введе. Тоя же зимы Литовскій король Андрѣй

а) землю • пропушено въ С.; см. Псков. перв. Лѣт. (т. IV. стр. 265).



1484 заставу постави въ Смоленскѣ, 10 тысящъ человекѣ ратныхъ, боящяся Московскаго великаго князя; и стояша осень и зиму и лѣто все. Тоя же зимы послаша Псковичи въ Литву къ королю многихъ исправъ просити посадника Василья Епимаховича, и Андрѣя Рублова, и инѣхъ съ ними, они же наѣхаша короля за Вилномъ въ Городнѣ; онъ же наскорѣ подаваше имъ исправу о всемъ съ кротостію, и много почествовавъ и одаривъ ихъ отпусти, и при послѣ нашемъ тогда преставися въ него сынъ. Прежде сего лѣта за два года сусѣди Запсколяне, Богоявлянскій конецъ, заложина стѣну отъ Псковы рѣкы свою треть, и сего лѣта свершена бысть на осень, и покрыша. Тоя же весны, по Велицѣ дни, сусѣди Кузмодемьянскіи заложина стѣну отъ Великой рѣкѣ, свои двѣ части, до Богоявленцовѣ стѣнѣ. Тоя же весны князь великій Іоанъ Васильевичъ присла своихъ Москвичъ много множество въ Великій Новгородъ, съ всею ратною приправою, а потомъ инѣхъ присла своихъ людей на Ржову. Того же лѣта свершена бысть церковъ камена Духъ Святый, на Завеличьи, въ Иглинѣ монастыри. Того же лѣта, въ Петрово говѣніе и по Петровѣ дни, идяше дождя много, и наполнилися рѣкы и источници и езера аки веснѣ; а рожъ тогда цвѣтяше, и превратися много ржи на метлу и на костерь, а ярового обилія тогда Богъ умножи. Тогда, егда быша мнози дождеве, бысть проявленіе нѣкоему священнику въ Велейской волости, на Плотичнѣ: ѣдущю ему путемъ, бысть тма, и по тмѣ облакъ свѣтелъ, таже гласъ невидимо глаголя: повѣжь людемъ, дабы ся обратили кождо отъ злаго безаконія и злобы, и каляся, и будетъ милостивъ Господь неправдамъ ихъ, да не погыбнете злѣ до конца. И потомъ ино проявленіе бысть на городкѣ на Володимирци, іюля 18: нѣкоторой дѣвици бысть гласъ, веляше молиться Богу и каляся о грѣсѣхъ, она же повѣда отцю своему, и тако повѣдаша попомъ, и створиша всенощное пѣніе въ недѣлю предъ Ильинымъ днемъ на городкѣ въ церкви святаго Николы; и въ ту ночь у святаго Ильи на посадѣ свѣща сама загорѣлася. Того же лѣта въ Новѣгородѣ владыцѣ Сергію многожды начаша являтися святители Новгородстии, лежащии въ дому святаго Софія^а, овогда во снѣ, овогда явѣ, обличающе явѣ безумное дръзнутіе на поставленіе святительства ему, яко презрѣвшу и поруганно оставльшу положенія каноны Святыми Отци, въ нихже глаголетъ, яко живу сущю епископу, и не яту бывшю ни обличену ересми, или инѣми вещьми подобными изверженія, и неправедно ни по правиломъ изгнану бывшю, не подобаетъ иному на престолъ его мучительскы дръзати: «престани, безумне, отъ таковаго начинанія;» и сія глаголюще, въ многыя недугы вложиша его. Онъ же не радити нача о семъ, и конечиѣ невидимою силою порази его о землю, и еле жива остави его токмо дышюща, и пребысть нѣколько не глаголя, но нѣмъ; и отъ того часа оставль епископство пострижесе въ скиму въ монастыри святаго Спаса на Хутыни, и тамо его невидимо паче перваго явленія умучи, и виѣ монастыря изверже; и тако воскорѣ отѣхъ на Москву со всеми своими дворяны, мѣсяца іюля въ 23 день. Тогда и Московская застава ратная сила отѣхаша на Москву, а стояли въ Новѣгородѣ 17 недѣль. Того же лѣта Новгородци обрѣтоша икону святаго Бориса и Глѣба на Волховѣ рѣцѣ плавающю, и не бѣ познавающаго ея, откуда бѣ не вѣмы. Того же лѣта въ Новѣгородѣ явися знаменіе: отъ иконы святаго Богородици ідаху слезы кровавыя седмю мѣсты. Того же лѣта, мѣсяца іюля въ 24, на Борисовъ и Глѣбовъ день, бысть туча страшна, и громъ съ молніею, и дождь силенъ и со градомъ, и много пакости учини ржи и яри, и много лѣса поломи, и много хоромовъ подрало; а за Опочкою на Хвостовѣ 5 дворовъ безъ останка вынесло отъ основанья.

а) св. софія»; въ С. *ошибк.* святаго софія.

Въ лѣто 6993, мѣсяца септевриа 5, бысть чудо преславно: явися на небеси 3 мѣсяца, 1485 и стояху доволенъ часъ близъ другъ друга, въ нощи къ недѣли предъ заутреніи. Сицевая знаменія проявляетъ Богъ, хотя навести казнь на согрѣшшая къ нему; якоже и бысть: предъ сими бо деньми Туркове преѣхавше море въ многихъ кораблехъ, плѣниша землю Волинскую, и взяша преже Келію градъ и потомъ Бѣлгородъ, а живущая въ нихъ мужи и жены множество посѣкоша, и овыхъ пожгоша; и не вѣмы, что срящеть ны по сихъ. Тоя же осени Псковичи поставиша новый мостъ черезо Пскову, а даша мастеромъ 60 рублей; а платиша то серебро мясники. Тоя же зимы послаша Псковичи къ князю великому Ивану Васильевичю послы своя, Григорія^а посадника Яковлича Кротова, и Григорія Хрусталова, и иныхъ бояръ съ ними, бити чоломъ, чтобъ отдалъ своея нелюбкы, что казнили смердовъ; и онъ въсполѣвся велѣлъ смердовъ отпустить, а посадниковъ откликати и животы отпечатать, а князю Ярославу добити чоломъ: «и тогда начнете ми бити чоломъ, и язъ великой князь о вашемъ добрѣ погадаю.» Они же пріѣхавше, и Псковичемъ правиша свое посольство на вѣчи, по отвѣту князя великого; и Псковичи черныи люди тому вѣры не няша. И потомъ за недѣлю до Рожества Христова послаша иныя послы, 4 посадника, посадника Якова Ивановича, и Макарыю Васильевича, и Дорооея, и 10 бояриновъ изъ концовъ, добрыхъ людій; они же ѣхавше биша чоломъ князю великому, а смердовъ не отпустя, ни посадниковъ не откликавъ, ни князю Ярославу не добивъ чоломъ; и князь великій изополѣвся на нихъ, и на 3 день повелѣ своимъ бояромъ отвѣтъ дати, какъ первымъ посломъ. И тако пріѣхавше правиша посольство на вѣчи; и черныи люди ни тѣмъ вѣры не яша, рекуще, занеже сіи съгласишася по чолобитю посадниковъ, которіи сбѣгли на Москву, и норовять имъ. И оттолѣ начатъ быти брань и мятежъ великъ межю посадникы, и бояры, и житыми людьми: понеже сіи вси въсхотѣша правити слово князя великого, смердовъ отпустить, а посадниковъ откликати, а мертвая грамота списанаа на нихъ выкинути, а князю Ярославу добити чоломъ о печалованіи, а блюдушеся отъ князя великого казни, что безъ его повелѣнія и предъ посломъ князя великого смерда казнили и посадника Гаврила убили, и о томъ восхотѣша и съ княземъ Ярославомъ бити чоломъ князю великому; а черныи люди молодіи всего того не восхотѣша, рекуще: «мы о всемъ томъ прави, и не погубить насъ о томъ князь великій, а вамъ вѣры не имемъ, а князю Ярославу не за что намъ чоломъ бити.» И о томъ много думавше, послаша отъ молодыхъ людій Перха съ Полоница^б и съ нимъ Лакомцова сына съ Запсковья къ великому князю бити чоломъ: «како намъ, осподарь, укажешь, и мы всю твою волю створимъ о смердахъ и о посадникахъ; а посемъ наши болшіи послове будутъ, посадники и бояри, бити чоломъ тобѣ осподарю своему;» и тако съ грамотою послаша ихъ въ великій постъ, въ пятокъ 3 недѣли, а все то на перечину посадникамъ и житымъ людямъ, а не исправивши ничегоже повелѣнаго князя великого слова. Тоя же зимы, о свадьбахъ, пріѣде въ Великій Новгородъ, отъ князя великого и отъ митрополита Геронтіа поставленъ, пресвященный архіепископъ владыка Генадій, преже бывшій архимандритъ у Чюда Архангела Михаила, на престолъ святыа великыа^в Софѣя паствити люди Божіа; а на масленой недѣли присла во Псковъ свою грамоту благословеную, и даде въ даръ Псковичемъ турей рогъ окованъ златомъ да икону локотницю на златѣ. Тоя же зимы князь великій Иванъ Васильевичъ разгнѣвася на князя Тферского Михаила Борисовича, что начатъ дружбу держати съ Литовекымъ королемъ Андрѣемъ, и свѣты съ нимъ творити о всемъ, и испроси въ короля за себе внуку, и того ради князь великій посла на него воеводы своя съ множествомъ вой, и плѣниша всю

а) григорія - григорію такъ и ниже въ С. б) съ полонища: въ С. было: изъ городецкого конца, потомъ помарано и приписано на поль: съ полонища. в) св. великыа - святого великого такъ въ С.

1485
—86
землю ихъ, и взяша 2 города и сожгоша; и тако владыка Тферскій съ бояры добиша чоломъ, и смиришася. Тоя же зимы, въ великое говѣніе, въ Тферской земли убиша Псковскихъ гонцовъ, Перха и Лакомцова сына и дружину ихъ, и вметаша въ рѣку розбойники. И то слышавше Псковичи, по Велицѣ дни на 4 недѣли послаша къ князю великому послы своа, посадника Ивана Агаѳоновича, и посадника Микиту Ларивоновича, и Зиновія Сидоровича, и Андреа Ивановича, и съ ними бояръ изъ концовъ, и биша чоломъ князю великому Ивану Васильевичю; и онъ съ великою опалкою отвѣщаль, рекъ: «аже моя вотчина слово мое исправить, и потомъ начнете ми бити чоломъ о моей нечести, и язъ буду васъ жаловати по пригожаю.» И потомъ Псковичи слышавше посольство ихъ и отвѣтъ князя великого, и въскорѣ отпустиша смердовъ, Стехна, и Сырня, и Лежня, и списаную грамоту мертвую на посадниковъ изъ ларя выкынуша, и животы и дворы отпечаташа. Буди же и се вѣдомо, яко сіе лѣто въ Псковской земли многымъ христіаномъ бысть велми притужно о хлѣбѣ: понеже съ осени палъ снѣгъ на талую землю, и потомъ быша мрази, а земля чрезо всю зиму бѣше тала, и по мхамъ и по болотомъ воды и грязи люты не померзли, и по удоломъ гдѣ по низкымъ мѣстомъ подъ снѣгомъ подрѣлъ корень ржаный; и егда бысть весна, по Велицѣ дни съ 3 недѣли бысть ведряно и солнечно и красно, и потомъ бысть студено и мокрослотъ съ морозомъ, и померже вшедшей ржаный корень и бысть черна земля, и потомъ не бысть дождя и до Петрова заговѣнья, а яръ сѣяна въ суху зѣмлю не начатъ усходити; и священноиноки, и священники, и діакони помолишася Богу святѣй Троици, съ множествомъ народа идоша съ кресты къ Благовѣщенію святѣй Богородици, и егда начаша пѣть мольбенъ, внезапно бысть громъ и туча веліа съ сильною бурею и съ дождемъ; и оттолѣ начаша дождеве мнози быти по мѣстомъ, а по инымъ мѣстомъ засуха велми бѣше, и гдѣ бѣша дождеве, умножи Богъ ярового всякого обилья, а рожь индѣ събраша сѣмяна ржанья, а индѣ и съ избыткомъ, а индѣ и жати нѣчего, и засѣяша старою рожью; и тогда купиша четвертку ржи по 7 и по 8 денегъ, а жита четвертка по 5 денегъ, а овса зобнича по 10 и 12 денегъ. Того же лѣта, на Москвѣ, преставися въ иночествѣ мати князя великого Ивана Васильевича княгиня великаа Марія, и наречено бысть имя ей Марѳа. Того же лѣта Волыньскій воевода Стефанъ, и Угорскій царь, и Ляцкый Литовскый князь великый король Андрѣй, съ всеми своими князми и понаймовавше множество жолнырей Нѣмецкихъ, идоша на поганого царя Турецкого и отвяша преже Бѣлгородъ и потомъ Келію градъ Волыньскый, и поидоша за Дунай сухою дорогою къ Царюграду; и не вѣмы, что будетъ по сихъ. Того же лѣта князь великый Іоанъ Васильевичъ посла своего царевича съ множествомъ Тотарь, и воеводъ своихъ Московскихъ съ множествомъ вой, они же шедше взяша Казань.

Въ лѣто 6994. Князь великый Иванъ Васильевичъ разгнѣвася паче перваго на князя Тферского Михаила Борисовича, а не вѣмы про что, то Богъ вѣдаетъ и они сами въ себѣ; токмо нѣчто мало слысахъ отъ етера мужа: яко по первой брани добивши чоломъ князю великому и въ всю волю вдався, какъ любо великому князю^а, и перевѣта не держати ему къ королю на великого князя, и о всемъ томъ крестъ поцѣловаль, и потомъ нача грамоты слати къ королю; и съ таковыми листы поймаша пословъ его люди князя великого, и увѣда вся льстивая сѣвѣтованія ихъ на себе. И увѣдавъ сіа князь Тферскый, яко не утаися леть его, и нача многы послы слати къ князю великому съ чолобитіемъ, и чрезу все лѣто; и не успѣша послове его ничтоже. И тако князь великый Іоанъ Васильевичъ посла преже сына своего Ивана, и потомъ вседе самъ на конь, съ множествомъ войскимъ прииде къ Тфери; а

а) князю • пропущено въ С.; также и далье: князя.

князь Тферскій Михайло Борисовичъ видѣвъ свою погыбель и за 5 днѣй побравъ свою казну, 1486 побѣжа изъ града въ Литву, а Тферичи отвориша градъ, и выдоша противу великого князя съ кресты и добиша чоломъ. И тако вниде въ градъ и не повреди ничегоже, и владыка Тферскій Васіанъ, и бояре и купци, и вси мужи, малъ и великъ, поцоловаша крестъ; и князь великій посадивъ намѣстники своя, сына своего князя Ивана, отъиде на Москву и възврати оружіе свое безъ крови, а княгиню Борисовую съ собою сведе. Тоя же осени владыка Генадій присла въ Псковъ боярина своего Безсона, и съ нимъ игумена Еуѡимья, иже преже былъ въ Псковѣ ларникомъ, и въ той власти много зла народу учини и смяте всѣмъ Псковомъ, и у посадниковъ и у ябедниковъ и у правыхъ людѣй того ради Есипа ларника много посѣкоша дворовъ, и самого много казнивше выведоша на посѣченіе; онъ же убѣжа и пострижеса. И мысляше того владыка Генадій вмѣстити архимандритомъ, въ себе мѣсто правителемъ Пскову, и того ради посла его съ своимъ бояриномъ, и велеше описати по всей земли Псковской церкви и монастыре, и колико престоловъ и поповъ, и всѣхъ въ число написати; и Псковичи не вдашася въ волю его. Тоя же осени, въ недѣлю предъ Въздвигеніемъ, князь Псковскій Ярославъ Васильевичъ и съ нимъ посадники Псковскыя, Иванъ Агафоновичъ, Іаковъ Аванасьевичъ, и Василей Логиновичъ, и Зиновій Сидоровичъ, и Козма Ондроновичъ, и съ ними бояръ честныхъ много, ѣхаша на Москву и биша чоломъ князю великому Ивану Васильевичю о своей проступкѣ, что били смердовъ, чрезъ повелѣніе князя великого казнили; и осподарь князь великій Іоанъ Васильевичъ всей своей нелюбкѣ Пскову отдалъ, и пожаловалъ повелѣлъ по всей старинѣ Пскову жити; и тако посадники възвратишася съ великою радостію, и повѣдаша посолство^а на само Филипово заговѣніе. А князь Ярославъ тогда остался на Москвѣ, и тамо оженися, и потомъ прѣѣха въ Псковъ и съ собою приведе княгиню; и прѣѣхаша съ нимъ посадники Левонтей, и Стефанъ, и Василей, и тако уляже брань о смердахъ. Вѣдомо же буди, яко се уже четвертїи послы на Москву, а пятое два гонца, иже убиша розбойники Тферскїи; а все то слаша Псковичи о смердахъ, и много напасти учинилося, яко до 1000 рублевъ, и о томъ вся земля мятяшеса по два года. И потомъ по малъ времени прилучиса нѣкоему попу у Норовскыхъ смердовъ чести грамоти, и найде тую грамоту, како смердамъ изъ вѣковъ вѣчныхъ князю дань даяти и Пскову, и всякіи работы урочныи по той грамотѣ имъ знати; а о той грамотѣ смердѣи всей земли смятенье бысть, что они потаивше грамоти не потягнуша на своя работы, а Псковичемъ не свѣдущемъ о нихъ, како отъ начала бысть, а они обольстиша князю великому и о томъ все покриву сказаша. И такуюю грамоту смердѣ^б исторже у пона изъ рукъ, и скры; Псковичи же посадиша того смерда на крѣпости. И оттолѣ начаша изъ пригородовъ прѣѣздя и изъ всѣхъ волостей обиднїи люди, бити чоломъ посадникомъ Псковскимъ и всему Пскову на намѣстниковъ князя Ярослава, а сущїи въ Псковѣ много обидныхъ людѣй биша чоломъ на самого князя Ярослава. Посадники же и весь Псковъ събраша многыя обиды, иже не возможно исчести за множество, и написавше грамоты многы обидныя, и отрядиша послы, посадника Микиту Ларїоновича, и посадника Андрѣя Ивановича, и боярина Андрѣя Семеновича Рублева, и иныхъ бояръ, и съ пригородовъ по два человекъ обиднїи^в люди; и ѣхавше биша чоломъ князю великому, и повѣдаша о смердѣ, что грамоту потаилъ, «и имѣемъ его и тепере на крѣпости; и какъ намъ, господарь, укажеши о томъ?» И князь великій ярымъ окомъ възрѣвъ, рече: «давно ли язъ вамъ о смердахъ вины отдахъ? а нынѣ на то же наступаете;»

а) посолство — такъ исправлено; въ С. посолству. б) смердѣ; въ С. смерде. в) обиднїи — такъ кажется должно читать; въ С. и обиднїи.

1486 и оттолѣ ниединыа жалобы на Ярослава не пріять, и отвѣтъ даль: «се язъ посылаю по васъ уже своя бояры, и прикажу имъ о всѣхъ вашихъ дѣлехъ.» Посадники же пріѣхаша въ Псковъ, мѣсяца іюля въ 8 день, и правиша посолство свое на вѣчи. Тоя же зимы, на Фарисійской недѣли въ четвергъ, генваря въ 19 день, на память преподобнаго отца Макарья, по Псковскому чолобитю пріѣха въ Псковъ пресвященный архіепископъ Великого Новаграда и Пскова владыка Генадій, и съ нимъ бояръ много; а князь Ярославъ, и посадники и бояре, и священноиноки и священники и діакони, выидоша противу его со кресты и срътоша предъ враты градными, за Старымъ Възнесеніемъ, и того дни литургию съверши въ святѣй Троици, и пришедъ на вѣче народъ благословилъ, и пребысть въ Псковѣ 3 недѣли; и на Оедоровѣ недѣли въ среду пришедъ на вѣче, народъ благослови и многа словеса учителная простеръ, вдасть грамоту и отѣхъ прочь и съ бояры. Тоя же зимы, въ великое говѣніе, въ понедѣльникъ 5 недѣли, мѣсяца марта въ 6 день, бысть



П Р И Б А В Л Е Н І Я

КЪ ПСКОВСКИМЪ ЛѢТОПИСЯМЪ.

Main body of faint, illegible text, likely bleed-through from the reverse side of the page.

LIBRARY

Lower section of faint, illegible text, continuing the bleed-through from the reverse side.

Помѣщенныя въ «Прибавленіяхъ къ Псковскимъ Лѣтописямъ» статьи (лит. А. Б. В.) содержатся въ слѣдующихъ рукописяхъ:

1) Свѣг. II. См. описаніе ея въ Предисловіи къ Псковской первой Лѣтописи (Полн. Собр. Русск. Лѣт., т. IV, стр. 171).

2) Обол. II. Рукопись въ четвертку, на 763 л., писанная скорописью XVII вѣка. На оборотѣ конечнаго листа ея подписано: «продаль сію книгу дому Тайного Совѣтника Якова Ѳедоровича Долгорукова челоувѣкъ его Михайла Микулнв . . . 1719 года. Точная копія Свѣг. II, оканчивающаяся «отдѣльными повѣстями о дѣлахъ Смутнаго періода и обѣ осадѣ Шведскимъ королемъ Густавомъ Адольфомъ Пскова» (л. 310 — 352). — Принадлежитъ князю М. А. Оболенскому.

3) Арх. XXV. Рукопись Московскаго Главнаго Архива Министерства Иностранныхъ Дѣлъ, № $\frac{447}{915}$, въ четвертку, на 146 л., писанная полууставомъ переходящимъ въ скоропись въ XVII вѣкѣ. На первомъ бѣломъ листѣ написано: книга сія о началѣ княженіи Рускія земля столника Василія Никифоровича Сабакина, труды Козины, а по листамъ: книга, лѣтописецъ перечневой, Василія Микифоровича Сабакина. Эта рукопись содержитъ въ себѣ выборку изъ Свѣг. II и Обол. II, въ которой лѣтописныя статьи перепутаны и въ текстѣ по мѣстамъ встрѣчаются неумѣстныя перестановки. Изъ ней (л. 143 — 146), кромѣ «отдѣльныхъ повѣстей» (см. выше), напечатана въ «Прибавленіяхъ» не находящаяся въ двухъ предъидущихъ рукописяхъ статья подъ лит. В. (*).

(*) Рукописи Обол. II и Арх. XXV поступили въ Археографическую Коммиссію тогда, какъ четвертый томъ Полнаго Собранія Русскихъ Лѣтописей, содержащій въ себѣ Псковскую первую Лѣтопись, почти былъ уже отпечатанъ. Разнорѣчія ихъ съ прочими списками сей Лѣтописи, по сей причинѣ, не могли быть показаны при ея изданіи.

ПРИБАВЛЕНІЯ.

А.

Снѣг. II. Обол. II. Арх. XXV.

О прежнемъ пришествіи Нѣмецкомъ и о нынѣшнемъ на Новгородскую землю, и о нашествіи богомерзкаго Свейскаго короля Густафа съ погаными Латыни на Рускую землю, и о клятвѣ ихъ. Первіе повѣмъ, откуда начаша сіи поганіи Латина преже приходити на Новгородъ и на Псковъ, и на всю сѣверную страну, на Новгородскую и Псковскую область. Пишетъ Рускій гранографъ, яко сіи поганіи Латина, Свейчи, исперва изъначала Рускія земли; земля же бѣ ихъ не славна, но не вѣдома бѣ и не слышна, понеже худа и мала бѣ земля и людіе грубы и немудри бѣху, Чюдь, якоже и донынѣ во всѣхъ ихъ западныхъ странахъ гнушаются ими. Исперва не бѣ въ нихъ короля, но князь нѣкій отъ инья земля начатъ владѣти ими, якоже и у насъ въ Руси придоша князи отъ Варягъ и начаша владѣти Рускою землею; и начатъ сій Свейскій князецъ разбоемъ кормитися и богатѣти, разбивая на мори ходящихъ кораблей, куплю творящихъ отъ различныхъ странъ. Якоже древле Темиръ Аксакъ Татарскій пріятъ начало, бысть преже старѣйшина разбойникомъ, таже князь, и потомъ наречеся царь, понеже многія царства побѣди и пріятъ: такоже и сей Свейскій король не исперва бѣ^а кралевствомъ, но егда обогатѣ отъ разбоя и чюжія грады плѣни, тогда и короля себе нарече. И изъ начала Рускія земля сіи поганіи Латина, Свейчи и Ливонскіе Нѣмцы, не слышано бысть пришествіе ихъ, коли бы пришли на Новгородскую и Псковскую землю воевати, и до Батыева плѣненія: понеже бѣ любовь и миръ во градѣхъ и во всей Руской земли межъ удѣльныхъ великихъ князей и всѣхъ людей, по заповѣдемъ Господнимъ ходили, и Господь Богъ хранилъ ихъ отъ нашествія поганыхъ Татаръ и Латинъ, и жили всѣ въ покой и благоденствѣ, тихо и смирно. Егда же бысть въ Руси, грѣхъ ради нашихъ, между князей Рускихъ зависть и нелюбовь, восташа другъ на друга и отъимаху другъ у друга имѣніе, преданное отцы ихъ, и преступиша клятвы дѣдъ своихъ и пра-дѣдъ: тогда и Господь Богъ наведе на нихъ поганыхъ со всѣхъ странъ, якоже древле на

а) Здѣсь во всѣхъ ркп. кажется пропущено слово: обладая, или другое подобное.

Иерусалимъ и на Царьградъ. Прииде отъ восточныя страны безбожный царь Батый на Русь, со тмочисленными вой, и поплѣни Рускую землю всю, и Литовскую и Угорскую, до самого Великого Новаграда токмо не доиде за сто верстъ, молитвами пречистыя Богородица и святыхъ чудотворцовъ. Бѣ же тогда въ Великомъ Новѣградѣ владѣя достохвалный, и во всѣхъ странахъ прославленный, и прехрабрый и прекроткій и прекрасный, вторый Юсифъ, благовѣрный и великій князь Александръ Ярославичъ Новгородскій и Псковскій; егоже сей безбожный царь къ собѣ призва, красоты его ради и возраста, и удивися зѣло, и многими дарми почтивъ отпусти на великое княженіе. Въ то же время егда сей пречюдный князь Александръ ходилъ въ орду къ царю на поклонъ, тогда первое приидоша сіи поганіи Свейчи на Новгородскую область съ королемъ Магнушемъ, на многихъ кораблѣхъ, со многими людьми, подъ Орѣшокомъ; хотяху пріяти Новградъ. Тогда благовѣрный князь Александръ прииде изъ орды отъ царя въ Новградъ, и слыша пришествіе поганыхъ Латинъ внезапно, и бысть печалень, понеже не бысть Рускихъ вой въ собраніи; и возложи на Господа Бога упованіе и на пречистую его Матерь, поиде не со многими вой и приедъ, Божіею помощію побѣди ихъ на рѣки на Невы, и отътого прозванъ бысть великій князь Александръ Невскій. И оттолѣ бысть страхъ велій на поганыхъ Нѣмецъ, и дастъ Магнушъ король Свейской на себя писмо и клятву, отнюдь никако не приходити на Русь войною и до скончанія вѣка, яже суть и донныѣ есть въ Великомъ Новѣгородѣ во святѣй Софѣи. Въ то же время начаша и Ливонскіе Нѣмцы приходити на Псковскую землю, и нѣкогда приедше изгономъ, и взяша Псковъ и держаша 5 лѣтъ, благовѣрный же князь Александръ приедъ изгна я; и потомъ паки собращася и поидоша на Псковскіе мѣста, благовѣрный же князь Александръ побѣди ихъ на Чюдскомъ езерѣ, помощію святыя Троица. Паки же собращася множество много, Ливонстїи и Кольванстїи и Ракоборстїи Нѣмцы, и хотѣша ити на Новгородскую и Псковскую землю; благовѣрнии же князи Дмитрей Александровичъ и Псковскій князь Тимоѣей Домонтъ, и инїи приидоша князи со множествомъ вой, и бысть имъ бой подъ Ракоборомъ, и падоша отъ обою страну людей много, послѣди же, Божіею помощію, Рустїи полцы побѣдиша Нѣмецъ на Ракоборскомъ поли, на седми верстахъ, яко трупию мертвыхъ быти по чрево коню; и бысть пречудно одолѣніе поганымъ. Свейстїи же Нѣмцы, по своей вѣрѣ и клятвѣ, отнюдь не приходиша ктому никако на Новгородскую землю. — Въ лѣто 7000^a начаша поганіи тїи Свейстїи Нѣмцы клятву свою нарушивати, и приходити на Новгородскую землю, и крестьянъ плѣнити: и присла благовѣрний великій князь Иванъ Васильевичъ всеа Русїи воеводы своя, и повелѣ поставити на рубежи близъ моря Варяжского, на устїѣ Неровы рѣки, во свое имя Иваньгородъ; и оттолѣ престаша Нѣмцы ходити на Русь, токмо Ливонстїи Нѣмцы часто приходиша на Псковскую землю. — Въ лѣто 7088, Божїимъ поущеніемъ, грѣхъ ради нашихъ, прииде Полскою и Литовскою король Степанъ Обатуръ со множествомъ вой подъ славный градъ Псковъ. Тогда и поганіи Свейстїи Нѣмцы ощутиша благополучно время, аки волцы хитающе отъ пустыня, тако и сіи приидоша отъ изъзаморїа и взяша въ Новгородской области городокъ Корѣлу; таже приедше на устїе Неровы рѣки, и взяша Иваньгородъ, и Копорїю, и Яму, и обладаша ими. — Въ лѣто 7096 благочестивый царь и великій князь Ѳедоръ Ивановичъ всеа Русїи прииде ратїю на устїе Неровы рѣки, и взяли Иваньгородъ, и Копорью, и Яму у Нѣмецъ, и хотѣ взяли ихъ славный градъ Ругодивъ, и обѣщася Нѣмцы паки по прежнему не приходити на Русь, дондеже солнце ходитъ въ небеси, и Корѣлу городокъ отдаша; и тако немного быша во своемъ обѣщанїи. Егда же завистию льяволею побѣженъ бысть царь Борисъ власто-

a) въ лѣто 7000» въ лѣто 6000 *ошибк.* О.

любіемъ, изведе и погуби царьскіи корень благочестивыхъ царей Рускихъ, и бысть смятеніе веліе въ людехъ царьского ради имени, понеже тако Богу изволившу, грѣхъ ради нашихъ: Полской и Литовской король умысли своимъ злохитрствомъ, нарекъ нѣкоего именемъ царьскимъ и посла его со множествомъ воя на Русь, на прелщеніе людемъ, и бысть раздѣленіе и междоусобіе въ людехъ его ради, овы хотяху того царемъ вора, ови же иже посаженъ; бѣ же въ то время царствуя князь Василей Шуйской. Приде же прелестникъ той подъ царствующій градъ и обсяде, и бысть во обдержаніи много лѣтъ, обстоимъ бѣ отъ Полскихъ и Литовскихъ и Рускихъ воровъ, и гладъ бѣ веліи въ царствѣ, а помощи ниоткуда нѣсть, и гради и людіе раздѣлишася. И посла царь Василей племянника своего князя Михаила за море, въ Свею, наяти Нѣмецъ, и запоручи имъ напредъ городокъ Корѣлу; они же придоша на спорученіе государству и врага лестца отгнаша отъ царствующаго града. Ненавидяи же добра врагъ діаволь воздвиже ненависть двѣмъ братомъ княземъ на племянника своего, славы ради и чести, иже народъ ему воздающе побѣды его ради, еже показа на поганыхъ Полскихъ и Литовскихъ людей; сего же не терпяку видѣти дядіа его, отравою умориша. И оттолѣ большее возгорѣся зло въ Руси: Полстїи и Литовстїи людіе, видѣвше таково зло, сотворшеся надъ оборонителемъ ихъ отъ враговъ^а, паки возвратишася на нихъ. ^б. . . Разгнѣвашася на царя Василія и братію его, предаша ихъ Полскому и Литовскому королю, и просиша собѣ у него на царство сына его. Той же злохитрый оболсти ихъ, преже посули имъ сына своего на царство, и повелѣ народъ привести къ крестному пѣлованію, и посла гетмана своего съ Полскими и Литовскими людьми къ Москвѣ; и пришедше царствомъ обладаша, и людей избиша и поплѣниша, и огнемъ попалиша и разориша все. Тїи же поганїи Нѣмцы, Свеичи, видѣвше таковое смятеніе злое въ царствѣ и междоусобіе, яко ихъ нанять того изведоша зліи дядіа, а найму своего взяти не на комъ, и пришедше подъ Великіи Новгородъ, стояще многое время, лстяще людей, просяще у нихъ найму; а инѣхъ пославше Нѣмецъ отъ себя, и призвавше изъ заморїа инѣхъ, пришедше городокъ Корѣлу моремъ на люди пустивше взяша, и пришедше сташа у Иваньгорода съ нарядомъ, и многожды Божією помощію людіе исходяще, и побиша и нарядъ поимаша; они же паки собрашася, пришедъ Копорью и Яму взяша, потомъ и Новгородъ искрадомъ взяша. Се же все бысть грѣхъ ради нашихъ: по пророчеству Святыхъ Пророкъ, какъ бысть во Іерусалимѣ и въ Царѣградѣ и по инымъ странамъ, тако и въ насъ быша гради плѣняеми и разоряеми, а оборонителя не бѣ, все Богъ отъятъ. И пришедше паки поганїи Нѣмцы подъ Иваньгородъ, и измориша голодомъ, и взяша въ немъ множество много наряду и зелей, и на бѣльшее подвигошася, восхотѣша взяти и славный градъ Псковъ: пришедше первое подо Псковской пригородъ Гдовъ съ нарядомъ, и начаша бити по стѣнѣ; и послаша изо Пскова ратныхъ на испорученіе, и Божією помощію и святаго славнаго стратотерпца Димитрія Селунского Мироточца, въ городъ невидимо придоша, и наутріе востаха и иныхъ много и изыдоша на поганыхъ Нѣмецъ, всѣхъ^в елицы быша у наряду и нарядъ поимаша; и бысть пречюдна побѣда въ той день, протчи со княземъ ихъ съ срамомъ побѣгоша. Не по мнозѣ же времени поганїи Нѣмцы паки собрашася, и придоша подо Гдовъ съ нарядомъ, и разбиша и многими частыми приступаніи изнуриша градъ; людіе же видѣвше себѣ утѣшеніе, яко уже не много ихъ остася, братися съ погаными нѣкому, избавителя ниоткуда нѣсть, и предаша градъ поганымъ, а сами изыдоша

а) надъ оборонителемъ ихъ отъ враговъ такъ, кажется, должно читать; во всѣхъ трехъ сп. надъ оборонители ихъ (и) враговъ. б) Здѣсь во всѣхъ ркп. находится пропускъ. в) всѣхъ прибавлено: изыдоша; но здѣсь кажется должно читать всѣхъ избиша.

изъ града, во Псковъ придоша. Поганый же Свейской король еще не насытился Рускимъ имѣніемъ, и вознесся гордостію якоже древній Голядь, дерзну приобрѣсти болшую себѣ славу, и сложился во едину волю съ Полскимъ и Литовскимъ королемъ, хотя пріяти славный градъ Псковъ. И въ лѣто 7123, августа въ 15 день, приде съ Нѣмцы съ пятіонадесять тысящъ подъ градъ, на самый праздникъ Успенія пречистыя Богородица, и посла подъ градъ славнаго своего и храбраго воеводу Евергорна; изыдоша же гражане изъ града, ратніи полцы Псковстїи, на брань и начаша со обою страну брань чинити. Въ той же часъ чюдо бысть преславно, милостію святыя Троица, и пречистыя Богородица, и святыхъ чудотворцовъ Псковскихъ: невидимою силою убіенъ бысть злый варваръ, храбрый ихъ воевода Евергорнь, якоже древній Голядь³; и много бысть король ихъ въ недоумѣніи и размышленіи, како бы пріяти градъ, понеже другаго градоимца не оста якоже той воинъ былъ, и много жалаще си о немъ велми, и восхотѣ ити отъ града восвоеси, и срама ради тогда не иде. И начатъ многими козными ухищряти надъ градомъ, и повелѣ изъ наряду бити по стѣнѣ, съ угла граду отъ езера, и разби стѣнѣ 40 сажень и угольную башню и около вратъ Варламскихъ отводную башню, и подкопы повелѣ во многихъ мѣстехъ копати, подъ стѣну подводити и огненныя ядра разжигая, пуцая на градъ и наметными ядры и каменіемъ, притужаше со обою странъ града; и много козньствоваше, ничтоже успѣша, Богу тако разрушающу коварства ихъ. Егда же разбиша стѣну и башни, октября въ 9 день поидоша поганіи на приступъ и возшедше на пробитое мѣсто, и побѣдѣ ихъ множество изъ оружїа и каменіемъ и каломъ обваряюще; и отыдоша посрамлени, помощію святыя Троица и преподобнаго Варлама чудотворца, и ктому не дерзнуша приступити ко граду, страхомъ обдержими бяху, и не по мнозѣ времени со студомъ восвоя возвратишася посрамлени. По лѣтѣ же единомъ паки приде король со Свейчи, и постави городокъ скородумъ на устьѣ Великія рѣки, на утѣсненіе граду Пскову и прочимъ, и немногихъ Нѣмецъ въ немъ посадиша, и восвоя отыде, дондеже самъ паки прїидеть восвояси бывъ⁶ на второе лѣто; Псковстїи же мужіе сами своими головами обѣдоша градець ихъ, гладомъ изморивше и взяша ихъ.

О нашествїи поганые Литвы и Нѣмецъ на обитель пречистыя Богородица на Печерской монастырь, во Псковской области. 119 году панъ Хоткѣвъ изъ Юрьева Ливонского прислалъ Литовскихъ и Нѣмецкихъ людей на Печерскій монастырь: и въ самое въ Сборное воскресеніе, всѣмъ сущимъ братїи и людемъ у всенощнаго пѣнія въ церкви стоящимъ, и послѣ вечерняго звону внезапно придоша поганіи и выразиша врата градная нѣкоею новою кознію премудрою, по ихъ нарицаемою пинартою, такоже и другая врата. Стражіе же не очютивше пришествїа ихъ, и не успѣша рѣшотки желѣзныя спустити; и грѣхъ ради нашихъ внидоша во градъ, и много сумнящеся стояще, бяху мятущеся во вратехъ, не вѣдуще коимъ путемъ ити по граду, или въ которую страну поити, понеже незнаема бѣ имъ обитель Печерская, не бѣ кто отъ нихъ бывалъ въ ней, ни на градъ взыти кудѣ обрѣтше, понеже тмѣ велицѣ суци, и елицѣхъ ту крестьянъ обрѣтоша мечемъ посѣкоша, и мнѣша яко градъ равень бѣ, не вѣдуще потока и боящеся спустити внизъ. Въ то же время пѣнію церковному пресѣкшуся отъ страха, и вси людіе побѣгоша отъ страха изъ града на всѣ страны чрезъ градъ и въ Изборская врата, овїи же проидоша въ тая же врата межъ поганыхъ здрави, понеже поганіи стояще бяху мятущеся и не смѣюще огня возжещи, да не побіють ихъ озрѣвше гражане; и бяху вси смятени. Архимаритъ же и вся братїя, видяще конечное свое погубленіе, вси собравшеся въ церковь, ожидающе смертнаго часа и готовящеся на то,

а) голядь — голядь такъ въ семъ мѣстѣ О. б) бывъ иптѣ въ А.

и облекшеса вси въ скимы, и плачуще исповѣдающе грѣхи своя отцемъ духовнымъ и приимающе святыхъ Христовыхъ таинъ; и егда же нача свѣтлая заря являтися дни, тогда вси конца зряще, начаша молебная пѣнія, со слезами молящеса святѣй Богородицы. Поганіи же спустишася внизъ потока до архимаричьи кельи, иніи же поидоша по другую страну по десную по горѣ къ житницамъ, иніи же ошуюю спустишася къ нижнимъ рѣшоткамъ. О неизреченное милосердіе и челоуколюбіе Божіе и пречистыя его Матере Владычица наша Богородица, еже на насъ грѣшныхъ съ милостію наказаніе! предавъ поганымъ градъ и паки возьмъ я. Пребывшимъ во градѣ пять часовъ до свѣта, якоже мракомъ связаны бывше, не вѣдуще камо ити. Егда же доидоша потока по мосту преити на ону страну къ церкви и трапезы, архимаритъ же Іоакимъ со всею братією возопивше со слезами: «о премилостивая Владычице Богородице! не предай же насъ грѣшныхъ поганымъ симъ, ниже осквернити своя Богомъ зданныя церкви, въ ней же изволи пребывати», и подьемше на руцѣ свои чудотворную икону пречистую Богородицу Одигитрія, иже и доннынѣ есть за престоломъ, и изыдоша противу поганымъ. Въ той часъ смятошася поганіи, побѣгоша изъ града, невидимою силою гоними бѣша, иніи же не обрѣтоша камо изыти изъ града, и ошася; людіе же оставшеи, мужи и жены и чада, видѣвше таковое преславное чудо, возопивше вси гонима по нихъ. И тако преславно сохрани Богородица обитель свою; и вси собравшеса паки иже разбѣгошася, и приидоша во обитель, благодарныя пѣсни веслаху къ Богородицы, яко удиви милость свою въ дому паче древнихъ чудесъ. Того же великого поста въ самую Цвѣтную недѣлю прииде самъ панъ Хоткѣвъ, со многими погаными Литовскими и Нѣмецкими людми, съ нарядомъ, подъ Печерскій монастырь; людіе же вси сущии во градѣ обѣщашася умрети за домъ пречистыя Богородица до сущихъ младенецъ: «си смертію животъ купимъ, а не изыдемъ отсюду, ниже предадимся поганымъ». Поганіи же пробивше въ дву мѣстехъ стѣну, съ третію же страну стрѣляху въ монастырь отъ Изборска, не дающе людемъ ходити по монастырю и на приступехъ битися съ ними, и много приступавше ничтоже успѣша, но много своихъ поубиша; и много козньствовавше различно, подкопъ подведоша подъ врата святаго Николы, и молитвами его подкопъ переняша. Людѣй же бѣ мало во обители тогда, и прислаша изъ Пскова тогда ратныхъ немного, и наутрѣ изыдоша на поганыхъ внезапно, и побиха ихъ множество, и нарядъ ихъ и набаты^а и знамена поимаша, молитвами святаго Богородица и святаго Николы; поганіи же съ срамомъ поидоша восвоя. По томъ же лѣтѣ паки приидоша поганіи изъ Новгородскія области^б, изъ Порхова, воеводка Карбекъ съ Нѣмцы, и хотѣша взяти внезапно Печерскую обитель, пришедше ноцію такоже, якоже и прежде взятъ бысть Печерскій монастырь отъ поганыхъ: пришедше выломиша врата желѣзная, токмо рѣшотки желѣзной не успѣша изразити вонъ. И сицева пречюдная чудеса въ дому пресвятыя Богородица! А еже рещи многое разбойническое нападеніе восьмъ лѣтъ пана Лисовского^в, и частое его нахожденіе на еѣ честную обитель днемъ и ноцію, нѣсть мощно изрещи; но отъ всѣхъ его нахожденій сохрани домъ свой, токмо пакости учини много, посадъ и дворець сожже и людѣй побѣ и плѣни много.

^г О бѣдахъ и скорбехъ и напастехъ, иже бысть въ Велицѣй Росіи Божіимъ наказаніемъ, грѣхъ ради нашихъ, напоследокъ дній осмаго вѣка, а въ началѣ второсотного лѣта, и како и откуда начашася сія злая быти,

а) и набаты» и барабаны А. б) области» волости С. в) лисовского» литовского *ошибк.* С. г) *Предъ симъ киноварью въ О. С. : предисловіе. Въ А. нижеслѣдующее мѣсто выпущено до словъ: въ л. 7096, послѣ отца своего царя ивана (см. стр. 56).*

многая кровопролитія и неповиннымъ человекомъ великимъ и малымъ горкія муки отъ царей, потомъ же и междоусобныя брани, и нашествіе поганыхъ Агарянъ и Латынъ и своихъ злыхъ и нечестивыхъ и скверныхъ ругателей и убійць Рускихъ враговъ на всю Рускую землю. Якоже сотворися древле на Востоцѣ, и во Иерусалимстѣй странѣ, и во Александріи, и во Антиохіи, потомъ же и въ царствующемъ велицѣмъ градѣ Константинѣ, заустѣніе и плѣненіе градомъ и всѣмъ сущимъ ту живущимъ отъ поганыхъ Агарянъ и междоусобныхъ браней, грѣхъ ради человѣческихъ: подобно же сему и здѣ сотворися, въ нынѣшнія времена, въ Русѣй земли. Якоже и древле Батый безбожный плѣни Рускую землю, но тогда останокъ еще и надежда Израилію оста отъ плѣненія, въ Велицѣй Росіи глава всѣмъ и начало княземъ и мати градомъ, Великій Новградъ со всею сѣвѣрною странюю; нынѣ же что реку? но токмо якоже великій пророкъ Іеремія плакася о Іудейстѣй земли, такоже и въ Руси. О горе, горе, увы, увы! земля вся Руская пуста отъ востока и до запада, отъ сѣвера и до юга, и не оста мѣсто, не токмо градъ, ни веси, но и сущіи бѣжащія въ горахъ и въ пустыняхъ и во островѣхъ не укрывшася отъ поганыхъ и злыхъ чловѣкъ, словесныхъ звѣрей, всѣ горко замучими, погублени быша; а кои гради ошася отъ плѣненія невѣрныхъ, и тѣ междоусобою другъ друга врагомъ смущаеми различными смертми погубишася, иніи же огнемъ гради попалишася, иніи же голодомъ и моромъ изомроша. И сбытся по великому апостолу и евангелисту Ивану Богослову, иже бѣ ему откровено Духомъ святымъ: ангелъ Господень возливая фіялы на землю и въ море и на всю тварь, да погибнетъ, да остане тѣ третія часть во всей твари живущихъ. Нынѣ же азъ не смѣю глаголати, не вѣмъ чюжихъ странъ, что ся тамо творить? Здѣ же въ Велицѣй Росіи вси оставшіи чловѣцы свѣдятъ, яко не оста отъ сихъ злыхъ бѣдъ и напастей ни тысячная часть^а, понеже идѣже преже 1000 или 100 живущихъ бѣ, тамо чловѣкъ въ 1000 едва единъ чловѣкъ оста, и тѣ въ скорбѣхъ и наложѣхъ и бѣдахъ, отъ сильныхъ градодержателей и лукавыхъ чловѣкъ продаеми и всяко насилвани быша. Мню же тако и во всей вселеннѣй творится нынѣ; понеже никтоже отъ страны во страну не прехожаше ни землю, ни моремъ, якоже и сами свидѣлствуютъ и пишутъ во всю вселенную, гдѣ что бысть отъ Бога за грѣхи ихъ, якоже и у насъ быша: овіи плѣнени быша, иніи же междоусобою погубишася, овіи же голодомъ и моромъ погибоша, иніи же каменіемъ отъ небеси якоже Содомъ побіени быша, овіи же трусомъ падошася, инѣхъ же море потопа грады и веси, и всѣмъ тѣмъ землямъ имена и градомъ описуютъ онѣ, кто чѣмъ погибе. И сія вся видѣвше, братіе, знаменія, скорби и бѣды, по реченному Господемъ нашимъ Іесусъ Христомъ, яко симъ всимъ подобаетъ быти и яко пришествіе его на землю уже приближися судити всѣмъ. — Въ лѣто 7096. Послѣ отца своего царя Ивана на царство сѣдшу благочестивому царю Феодору Ивановичю всеа Русіи, брату же его меньшему царевичю Дмитрію 9-ти лѣтъ суцу, на удѣлѣ во градѣ Углечѣ съ матерію живущимъ, иже тогда суцу православію въ тишинѣ и во смиреніи и въ благоденствѣ пребывающу; но врагъ діаволь не престая ратуя на родъ праведныхъ завистию и убійствомъ, власти ради, наводя злыхъ и лукавыхъ чловѣкъ отъ древнихъ лѣтъ во всей вселеннѣй, якоже и нынѣ бысть. Что же Господь сотвори има? Діаволь позавидѣ добродетелю ихъ и благочестію, якоже въ началѣ Русѣй земли праведнымъ страстотерпцемъ Борису и Глѣбу: подведе лукавую лису, нѣкоего новаго Святополка Бориса, Богу тако изволившу попустити, на отмщеніе отцу ихъ, еже той сотвори много убійство безъ правды братіи своей и дяди. И грѣхъ ради нашихъ поядаетъ волкъ Христова

а) ни тысячная часть — тысячная тысящъ С.

непорочная овчата, единого по единому, царей тѣхъ: преже беззлюбиваго яко агньца закаляетъ царевича Димитрія, егоже послѣди Господь Богъ прослави въ чудесѣхъ, потомъ же и царя благочестиваго напаяетъ злымъ землемъ и ко Господу и той отъиде съ миромъ, и прочихъ такоже владомыхъ овыхъ погуби, инѣхъ же поточи въ затоки, хотя воцаритися самъ во вѣки съ родомъ своимъ; а на Бога не упова, но на силу и на богатство упова^а. Егда же воцарися, начатъ церкви соиздати и красити, и милостыню давати монастыремъ и церквамъ и нищимъ и гладнымъ, люди же приводя на любовь къ собѣ; но ни что же успѣ, ни преодолѣ убійству и Божию суду. Зрите, что же и тому окаянному воздасть Богъ мечь, и не помяну его яже къ церквамъ Божиимъ и къ нищимъ милостыни: но убіенія ради праведныхъ воспріять тая же злая, яже самъ сотвори, со своими суетными ему, отъ мнимаго предтечи антихристова Гришки Отрепѣева, нарицающагося именемъ предиреченнаго страсготерпца царевича Димитрія. Приде бо съ поганою Литвою на Русь, воцарися же и той злый змій грѣхъ ради нашихъ, преже благъ показася и благочестивъ, потомъ же золь гонитель и разоритель христіанской вѣрѣ. Не помяну Богъ согрѣшенія людій своихъ, молитвъ ради пречистыя его Матере, заступниці христіанскія, и святыхъ великихъ чудотворцовъ Московскихъ, не предаде своей церкви и людей въ Латынство превратити, но разруши его злый совѣтъ, и самъ превращенъ бысть съ царства: воздвиже на него отъ благочестивыхъ князей Рускихъ Шуйского князя Василія и прочихъ съ нимъ, поборающихъ по благочестію, якоже древле въ Грецѣхъ на Уліана законопреступнаго великаго царя Феодосія; и убіенъ бысть сій злочестивый, злѣ животь свой сконча и онамо вовѣки въ геену огненую вселися, по своимъ злымъ дѣломъ. На царство же избранъ бысть той прежереченный князь Василей, иже зла врага сокруши, но не многими избранъ бысть грады, но единымъ Московскимъ государствомъ, а не всею землею; того ради не возлюбиша его мнози на земли Русѣй. Тому же царствующу, но не по мнозѣ паки діаволь воздвиже брань и на того царя и на все христіанство, яко искони не любя мира въ человекѣхъ: воздвиже на него инѣхъ царей, имени называющесея царь-Ивановы дѣти, многимъ ухищреніемъ Литовского короля и своихъ враговъ христіанскихъ, не хотящихъ жити въ законѣ Божіи и во блазѣй вѣрѣ и въ тишинѣ, но въ буйствѣ и во обьяденіи и во упиваніи и въ разбойничествѣ живуще, желающе чужаго имѣнія и приступльшихъ къ Литовскимъ и Нѣмецкимъ людямъ. И собрашася вси, елико яко полстїи звѣріе отъ пустыня, придоша много множество на царствующій градъ и на всю Рускую землю; царь же изыде противу имъ съ вой своими, и много брани и побѣды преже показа. И видѣ діаволь, яко не преможе одолѣти христіанству, разже царя похотию на блудъ; онъ же оставя все воинство свое, приде въ царство свое и поятъ жену, и начатъ оттолѣ ясти и пити и веселитися, а о брани не бреже. Видѣ же себе воинство отъ царя оставлены и небрегомы, и воеводъ и начальниковъ не восхотѣ слушати, и разыдошася кождо во грады и въ дома своя, а инїи отъидоша къ ложному царю, желающе чести временныя. И приде ложный царь подъ царствующій градъ Москву, и обсяде его, и бысть во обдержаніи царствующій градъ 9 лѣтъ, голодомъ томимъ. Царь же Василей своя сокровища царская раздасть во емъ, и изъядено бысть все; видя же царь, яко не облегчаетъ граду, собравъ по монастыремъ и по церквамъ сосуды златыя и сребряныя и кузни и оклады у святыхъ иконъ и честныя кресты, раскова^б все и истоци во емъ, и ничтоже успѣ. А поганые Латина разыдошася и Русь разѣяшася по лицу всея земля Рускія, грады и веси плѣняюще, ови взятіемъ взяша, инїи же сами предашася; и оттолѣ бысть раздѣленіе во всей странѣ Русѣй, другъ

а) но на силу. . . упова нѣтъ въ А. б) раскова такъ кажется должно читать; во всѣхъ сп. раскопа.

друга убивающе, братъ брата, сынъ отца, и мучаху всякими различными муками злыми и грабяще имѣнія, и бысть таково зло въ Руси, яко ни отъ начала Рускія земли не бысть таково междоусобіе. Царю же сѣдѣху въ царствѣ отъ Латынь и Поляковъ и Рускихъ враговъ своихъ и со гражданы, и терпяху гладъ и всякую нужду, братню же его сынови князю Михаилу Скопину сущу въ Великомъ Новѣградѣ князю тогда, видѣ царствующій градъ обстоимъ и изгибающъ отъ глада, а помощи ниоткуда надѣющесея, понеже вся земля раздѣлилася на многіе части: и поиде онъ въ Латыню, въ Свею, за море, и наять 12.000 людей и приде съ ними въ Великій Новградъ, и собравъ Русь приде на Тверь, и побѣ множество Полскихъ и Литовскихъ людей. И бысть страхъ и ужасъ у ложнаго царя и на всемъ его воинствѣ Литовскихъ и Рускихъ людей, и побѣже ложный царь изъ царствующаго града со всѣми вои, и приде во градъ Колугу, и ту убіенъ бысть Нагайскимъ княземъ Петромъ Урусовымъ^а; а Полстїи и Литовстїи людїе побѣгоша, и стаха у Смоленска града, стоящу бо ту королю Полскому у града, обстоя градъ, хотя взяти. И Божїею помощію, и пречистыя Богородица, и великихъ чудотворцовъ, и благовѣрнаго князя Михаила премудростію и храбрствомъ, избавленъ бысть царствующій градъ Москва отъ нашествїя Полскихъ и Литовскихъ людей и Рускихъ враговъ, всѣ разгнани быша. Но не престая врагъ діаволь смущая землю, не любяи мира въ человѣцѣхъ, но отъ начала созданїя свѣту позавидѣ братъ брату, такоже и въ началѣ Рускаго княженїя уби братъ дву братовъ, славы ради тлѣнныя: такоже и сему князю Михаилу позавидѣша три братїя, а его дядїя, его славу и чести и храбрству и мужеству, яко Саулъ Давыду пастырю сущу, и уби Голияѳа, и пояху Саулу дѣвицы въ тысящахъ побѣду, а Давыду во тмахъ. Тако и сїи вознегодоваха на него, яко побѣди поганыхъ и бысть славенъ и честенъ паче братїи своихъ, и оклеветаша его къ царю, глаголюще: «слышахомъ, царю, яко племянникъ твой и нашъ хоцетъ царемъ быти, въ тебе мѣсто;» слышаху бо тїи завистницы, дядїя его, въ народѣ глаголющихъ, «яко достоинъ сицевый князь и сильный мужъ и храбрый быти царемъ, яко избави насъ отъ нашествїя Латынь и градъ нашъ свободи отъ обстоянїя и отъ глада.» Сему же преудобреному князю ничесоже не вѣдущу, еже на нь врагъ діаволь дядїямъ его ковь шиваше и слагаше лєсть, како бы погубити храбраго мужа. Ему же стоящу тогда съ вои съ Нѣмцы и Русью во Александровѣ слободѣ, хотящу ити на безбожнаго короля Полскаго подъ Смоленскъ на испорученїе граду и всѣмъ христїаномъ, Богу же тако изволившу, всѣмъ злымъ на ны быти грѣхъ ради нашихъ, не сбытесе его мысль: царь бо Василей посылаетъ посланїе къ нему, и повелѣваетъ ему къ собѣ въ царствующій градъ Москву прїити, дара ради и чести и цѣлованїя, и возвеселитися съ нимъ вкупѣ и воздати ему побѣдительная. Онъ же беззлобивый ни во умѣ сего помысли еже о царствѣ, но токмо еже пострадати противу безбожныхъ за Божїя церкви, и за царя своего дядю, и за все православное христїанство, еже отгнати бы поганыхъ отъ Руси; и не разумѣ дядина лукавства и злыя мысли, и не хотѣ прєслушати царьскаго повелѣнїя, и приде ко царю, и срѣтоша его народи съ великою честїю, и яде со царемъ и возвеселися, и дары многи и честны отъ него прїягъ. Не по многѣ же времени сотвориша пиръ дядїя его, не яко любве ради жєлаху его, но убїїства, и призваша ѱ, ядоша^б и пиша. Послѣди же приде къ нему злаго корене злая отрасль, якоже древняя змїя лєстивая, подоиде княгиня Дмитреева Шуйскаго Христїна, Малютина дочь Скуратова, иже бысть наперстникъ и злый совѣтникъ и убїїца при великомъ цари Иванѣ и гонитель роду христїанскому, той же и преосвященнаго митрополита Филиппа затуши, ходатайствуя отъ царя, не благословив-

а) урусовымъ • урасовымъ (украсовымъ) *ошибк.* О. С. б) ядоша • яша О. С.

шаго Новградъ плѣнити; сего злаго плода и лютаго варвара злыя отрасли, новыя Иродіяды, иже бѣ сестра Борисовы жены Годуновы, иже отравою окорми праведнаго царя Феодора, сія же злая дѣволя совѣтница яко медь на языкѣ ношаше, а въ сердцы мечь скова и пронзе праведнаго и храбраго мужа^а, приде къ нему съ лестію, пося чашу меду со отравою. Онъ же незлобивый, не чая въ ней злаго совѣта по сродству, возьмъ чашу и испить ю; въ томъ часѣ начатъ сердце его терзати, взявше его свои ему принесоша ѥ въ домъ, и призвавъ отца своего духовнаго и исповѣда ему вся своя согрѣшенія, и причастився божественныхъ таинъ Христовыхъ, и предасть духъ свой Господеви. Мнози же народи, вѣрніи и невѣрніи, плакахуся его смиренія и любве и милости къ малымъ и великимъ. И оттолѣ возгорѣшася злая горши первыхъ въ Руси, ихже подробну не мощи^б изрещи, что сотворися гѣма злыма убійцама, или како разорено бысть Московское государство отъ Полскаго короля. Егда же сія слышавъ Полскій король, яко погубиша таковаго храбра мужа, и радостень бысть, воспріять бѣ большее дерзновение, паки посылаетъ гетмановъ своихъ и пановъ изъ подъ Смоленска со множествомъ вой на Московское государство, не чая уже себѣ супротивника. Царь же Василей посла своего брата князя Дмитрія и иныхъ многихъ съ ратію, и срътошася Литва съ Русью, и грѣхъ ради нашихъ побѣни быша Рустіи полцы, и побѣгоша, и многихъ по мѣстомъ обомаша и моряху гладомъ; князь же Дмитрей едва убѣжа ко царю. Съ тое же побѣды наемныя Нѣмцы раздѣлишася надвое, ихже наятъ князь Михаилъ противу Литвы, едина половина отыдоша къ Полскому королю, а другая пришедше, по Божію поущенію, за грѣхи наша, засѣдоша Великій Новградъ; видѣша бо нестроение и раздѣленіе, градомъ расхищаемомъ всѣми, и владѣша имъ 6 лѣтъ, и разориша вся свята мѣста и монастыри и церкви, и вся сосуды златыя и серебряныя и кузнь и раки святыхъ поимаша, и Софійскую страну всю пожгоша и до конца разориша, и людей пограбиша и многихъ замучиша, а иныхъ въ плѣнъ ведоша, ниже отъ начала Великому Новуграду не бѣше таково разореніе. Въ то же время взять бысть и великій славный градъ Смоленскъ отъ Полскаго короля, а Псковъ отлучися Московскаго государства, такожде междуусобіе; а въ царствующемъ градѣ Казани такожде междуусобіе и Татарское возмущеніе, хотѣша бо такожде себѣ устроить царство по прежнему, но Богу тако еще не благоволившу. Въ Московскомъ же государствѣ, егда приближалъ князь Дмитрей Шуйской съ побѣды, бысть мятежъ великъ во всѣхъ людехъ, ни откуда собѣ помощи надѣющася подвигошася на царя, глаголюще: «тебе ради кровь христіанская проливается, тебе ради еже есть земля раздѣлися, что не по избранію всея земля на царство воцарися, и множество людей погубилъ еси неповинныхъ, твоя братія своего племянника, а нашего государя оборонителя и заступника, отравою окормиша; къ кому нынѣ прибѣгнемъ? къ кому припадемъ? кто насъ избавить отъ сихъ поганыхъ, нашедшихъ на ны? нѣсть намъ нынѣ надежда и нѣсть упованія; сойди съ царства и положи посохъ царьской, да соединится земля и умирится;» но болѣе же всѣхъ возненавидѣша его отъ боярска роду, овии же восхотѣша на царство Нѣмецкаго королевича, инии же Литовскаго. О горе, о горе, увы, увы прелести! своего христіанскаго царя возненавидѣша, а отъ поганыхъ и иновѣрныхъ возлюбиша. Се же все бысть грѣхъ ради нашихъ. Нѣкогда же пришедше собращася вси людіе всѣхъ чиновъ ко Ермогену патріарху на совѣтъ, глаголюще: «не хотимъ сего царя Василія видѣти на царствѣ, и да послеши къ Полскому королю Жикгимонту, да вдасть намъ на царство сына своего Владислава.» Патріархъ же наказуя много глагола имъ, еже бѣ преже пакости много отъ нихъ Полскихъ людей, егда придоша съ Гришкою Отрепьевымъ:

а) есодора . . . мужа»; текстъ въ семъ мѣстѣ испорченъ въ А. б) не мощи» не могу С.

«а нынѣ же чего еще чаете, токмо конечного разоренія царьству и христіянству и вѣрѣ? или не возможно вамъ избрати на царство изъ князей Рускихъ?» И рѣша отъ княжеска и боярска роду патріарху, глаголюще ему: «не хотимъ своего брата слушати; ратніи людіе Рускаго царя не боятся его и не слушаютъ и не служатъ ему.» Патріархъ же совѣтованъ съ бояры и съ народомъ, посла послы къ королю Полскому, да дастъ имъ сына своего на царство, и да крестится по закону Греческому. Король же поганый умысли, лестію глаголя: «чему мнѣ вѣрити вамъ? у васъ царь сидитъ на царствѣ, а просите у меня сына моего на царство свое; аще ли приведете его съмо и съ братією его, то азъ дамъ сына моего вамъ на царство.» И придоша послы, глаголюще всѣмъ, еже реклъ король. И нѣщии собравшеся отъ боярска роду, измѣнницы и нарушители христіянству, любяще поганскія обычаи и законы, устремшася въ царскія полаты къ царю, и исторгоша отъ рукъ у него посохъ царскій, и сведоша ѣ съ царства и посадиша ѣ на своемъ дворѣ за стражи, и постригоша ѣ во иноческій образъ; и не по мнозѣ времени послаша его съ братією къ королю подъ Смоленско. Зрите же, братіе, что сотворися тѣмъ убійцамъ, дядіямъ Михаиловымъ? нетокмо царства лишены быша и своими людьми обругани, но въ чужую страну отданы быша и нужную смерть пріяша тамо, убіенія ради своего сродника, яко не восхотѣша его видѣти въ величій славѣ. Въ то же время, егда послаша царя Василия съ братією къ королю, избраша отъ всѣхъ чиновъ всякихъ людей, послаша къ королю по сына его на царство, Ростовскаго Филарета митрополита да князя Василья Голицына, и иныхъ многихъ, и дворъ царской^а, столниковъ и стряпчихъ и чашниковъ и ключниковъ и сытниковъ; и придоша къ королю подъ Смоленско, и начаша у него сына просити на царство. Онъ же безбожный преже многожды обѣщевая имъ дати, дондеже крестъ цѣловаша сыну его на Москвѣ и въ Великомъ Новѣградѣ; а протчіи гради не восхотѣша. Егда же услыша король, яко цѣловаша крестъ сыну его на Москвѣ и въ Руси, онъ же умысли поганый отвѣтъ сицевъ, глаголя посломъ Рускимъ: «что ко мнѣ прийдете, моляще мене дати ми сына моего на царство вамъ? како ми дати его? вы Рустіи людіе преже сего своего царя убисте, а нынѣ же своего царя Василия сами своими руками емше, предаша его мнѣ яко плѣнника: что же сотворите сыну моему? ни вамъ единовѣренъ, ни Русинъ родомъ, но часа того злѣйши того сотворите ему, еже сотвористе своимъ царемъ единовѣрнымъ; но аще вся Русь цѣлуютъ крестъ мнѣ королю, то дамъ имъ сына моего на царство.» И посла гетмана пана Жолтовскаго на Московское государство со многими людьми, повелѣ ему привести вся люди ко крестному цѣлованію на его королевское имя; и придоша къ Москвѣ и повѣдаша королевское повелѣніе всѣмъ людемъ, и не восхотѣша сего вси людіе, рекоша: «не цѣлуемъ креста королю Полскому.» Полскою же гетманъ Желтовскою нача умышляти со враги креста Христова, съ Рускими измѣнники съ бояры, како бы обладати такимъ великимъ государствомъ и толикимъ народнымъ множествомъ: умысли первіе, начатъ^б изъ Околнаго города древянаго и каменнаго нарядъ волоčiti въ Кремль, такоже и изъ Китая города; еще же къ сему умысли, повелѣ вся оружія собрати на торжищехъ и по домоу, да не будетъ народу чѣмъ сопротивитися, конечнѣ же повелѣ по домоу сѣкиры и ножи собрати и вѣмалѣ оставити, въ дву или въ трехъ домѣхъ сѣкиру и ножъ potrzeby ради. Како же возмогу изрещи сицевыя пагубы и ума отступленія челоукомъ? вси бо яко скоти ядыху и пяху и веселяхуся, а не разумѣюще, яко всѣмъ конецъ предлежитъ. Мали же нѣщии уразумѣвше, уклонишася, или не судъ Божій тѣхъ постиже; но Богу тако изволившу, якоже древле Іерусалиму и Царюграду кровію очиститися

а) и дворъ царской *ицѣ въ А.* б) начатъ *ицѣ въ С.*

отъ грѣхъ. Пришедши же великой Цвѣтоносной недѣли, въ оный же народъ собирающесе зрѣти святителское шествіе на ослати, умыслиша же Полстїи людіе въ той день посѣщи всѣхъ во градъ собравшагося народа; святѣйшїй же патріархъ, слышавъ сія, не восхотѣ ити на ослати ко Іерусалиму, и народомъ и священникомъ повелѣ втайнѣ повѣдати, да не входятъ люди во градъ, хотятъ бо поганїи посѣщи всѣхъ; они же тако сотвориша. Полстїи же людіе видѣвше, яко не сбытесе мысль ихъ. Пришедшимъ же душеспасительнымъ днемъ, въ оный же Христось Богъ возлеже на вечери, и умы позѣ ученикомъ своимъ, и вдасть имъ тѣла своего божественныхъ таинъ Новаго завѣта, въ самый великій четвертокъ: собравшесе Полстїи людіе въ той день, яко волцы взрыкавше, сыродцы, затворивше Кремль извнутри града, елицыхъ обрѣтоша безъ милости посѣкоша. О безумїа челоуѣческа! яко видѣвше таковая творящася злая, не уклоняхуса никаможе, но сами вдающесе на смерть, ослѣпи бо ѿ суетная свѣта сего имѣнїа и злое пїянство; послѣди но и не хотяще вся оставиша. Наутрїа же самыя Христовы страсти, иже прїятъ насъ ради грѣшныхъ, собравшуся народу множеству много на торжищихъ и на продромѣхъ, продаяху и куповаху кому что на потребу къ свѣтлому великому празднику Пасхи Воскресенїа Христова; внезапно же выскочиша изъ Кремля, яко звѣрїе дивїи, Полстїи людіе, начаша народъ сѣщи безъ милости по торжищемъ и на продромѣ, гдѣ кого обрѣтоша, и побїено бысть множество много народа, имже нѣсть числа. Паки же наутрїа изшедше изъ нутренняго града, Околнїй градъ древянїй зажгоша весь окрестъ, а инїи побиваху бѣжащихъ людей изъ града, такоже и каменный градъ пожгоша; и сице творяху всю святую недѣлю, жгуще дома и плѣняюще и людей побивающе, дондеже до конца разориша вся святыя Божїя церкви и монастыри и весь градъ. А сами сѣдоша во внутреннихъ градѣхъ, въ Китаѣ и въ Кремлѣ, и обладаша всѣми царьскими сокровищи и святительскимъ украшенїемъ, токмо Богъ соблюде домъ пречистыя своея Матере Богородица и обитель великого чудотворца Алексїа. А великого святителя патріарха, новаго исповѣдника, Ермогена умориша нужною смертію, за его крѣпкій и непоколебимый разумъ, и прїятъ отъ Бога неувядаемый вѣнецъ. И сбытесе на царствующемъ градѣ Москвѣ якоже и на Іерусалимѣ, иже плѣненъ бысть въ самый праздникъ Пасхи Антиохомъ; такоже и сему бысть. Зрите же, братїе, отъ Бога скорого отмщенїа челоуѣкомъ, иже своего царя возненавидѣша и крестное цѣлованїе и обѣщанїе къ нему преступивше, какову мечь воспрїяша? а иже дерзнуша кои возложити руцѣ на царя, и поругашася ему и предаша въ поганья руки, отъ своихъ людей побїени быша послѣди. И Божїею милостїю и пречистыя Богородица и великихъ чудотворцовъ молитвами, собравшесе нѣщїи на Низу ратнїи, слышаще, яко поганїи Латина хотяху разорити Московское государство, и поидоша на помощь христіанству, но не успѣша, Богу тако изволившу; и прїидоша подъ Москву въ третїй день по разоренїи, и осадїа градъ Китай и Кремль, но грѣхъ ради нашихъ не бѣше въ нихъ миру, понеже не имяху главы содержащей, но во своей воли вси хождяху, мучаху и грабляху своихъ единовѣрныхъ. И потомъ прїиде къ нимъ князь Дмитрей Трубецкой съ войскомъ, иже бѣ служилъ у ложного царя подъ Москвой; и стояху около града Москвы много, и ничтоже успѣша. Егда же услыша Полскїй король, яко обстоимъ бѣ градъ Москва Рускими вои, подвижесе самъ изъ Полши и прїиде на Русь подъ Волокъ Ламской, и много приступая и ничтоже успѣ, и своихъ людей много погубивъ съ срамомъ отїиде восвоя; на испорученїе же посла своимъ людемъ подъ Московское государство гетмана Хоткѣева со многими людми и съ запасы, бѣ бо гладъ великъ зѣло обдержаше ѿ, ядаху скверная и челоуѣческая мяса. И услышаша сіе нѣщїи православнїи на Низу, въ нихъ же бѣ начальникъ нѣкто отъ простыхъ людей, но теплый вѣрою поборая по христіанствѣ, именовъ Козма Мининъ: собравъ множество имѣнїа по градомъ на людехъ, и наятъ рати и вдасть ѿ князю Дмитрїю Пожарскому, и самъ съ нимъ,

и поидоша къ Московскому государству на помощь сущимъ ту Рускимъ ратнымъ людемъ ; егда же придоша, ратніи срътоша ихъ съ радостію и любовію, веселящеса, славяще Бога и пречистую Богородицу, яко собравшеса вси во едино. Егда же придоша поганіи Полстїи людіе на князя Дмитрія Пожарского и начаша гонити, и ту врагъ дїаволь возмути, возложи древнюю гордость князю Дмитрею Трубецкому, не изыде въ помощь брату своему, не любяше бо, понеже самъ себе бѣла творя : «яко азъ градъ обсѣдохъ;» той же христілюбець Козма прииде въ полкъ князь Дмитреевъ Трубецкого, и начатъ со слезами молити ратныхъ о любви, да помогутъ другъ другу, и обѣщаваше имъ великія дары. Въ той часъ воздвиженія прииде у нихъ гласъ, вси яко лвы ревуще, конные и пѣшіе ратніи поидоша на поганныхъ, со слезами молящеса Господу Богу и пречистѣй его Матери и великимъ чудотворцомъ, еже подати имъ помощь на невѣрныхъ; и въ той часъ бысть предивно одолѣніе на поганныхъ Полскихъ людей, побїено бысть безчисленно, и еже везоша во градъ людемъ своимъ въ прекормленіе, все у нихъ плѣниша, и воздаша хвалу Богу и пречистѣй Богородицы и великимъ чудотворцемъ, яко подасть имъ побѣду на враги. И оттолѣ собращася вси во едино ратніи людіе и начальницы, и стояще у града, многое промышленіе положиша и многи крови проліяша за святыя Божїя церкви и за все христіанство, и многи побѣды показаша на невѣрныхъ, и взяша царствующій градъ взятіемъ у поганныхъ Полскихъ людей 121, мѣсяца октября въ 22 день^а. Зрите, братіе, по всему подобно разореніе Московского государства и всея Рускія земля Іерусалимскому плѣненію отъ Антиоха, еже бѣ во опрѣсночній праздникъ, сїрѣчь Пасхи; въ онъ же день людіе прежде сего радовахуся и веселяхуся, въ пѣнїи ликоствоваху, вмѣсто бысть вопль и плачь и стонаніе и рыданіе веліе людемъ, и вмѣсто брашна и питія постомъ и алканіемъ изнемогоша, и изсохша уста ихъ отъ печали и туги и болѣзни сердечныя. И сія доздѣ.

О царьскомъ избраніи на Московское государство. Егда же стояще Рускіи боляре и князи съ вои подъ царствующимъ градомъ Москвою полтора лѣта, еже бы выстояти градъ и взяти у Литвы: и совѣтъ сотворше въ себѣ боляре накі по прежнему, кромѣ всей земли Рускїи совѣту, призвати Свейского королевича, Анцы Карлусова сына, меншаго брата Густавова, Филипа, и послаша въ Новгородъ къ Нѣмецкому воеводѣ Якову Понтусову^б, и Ивергорну и писарю Монши, дабы послали изъ Великого Новаграда Рускихъ людей отъ всякихъ чиновъ бити челомъ Свейскому королю Густаву Карлусову сыну, чтобъ пожаловалъ далъ меншаго брата Филипа Карлусова на царство Московское. И послаша избравше Юрьевского архимандрита Никандра, и благовѣрнаго старца Благовѣщенского игумена Антонія, и иныхъ многихъ всякихъ чиновъ людей, князей и боляръ и лутчихъ мужъ Новгородцовъ. И доѣхаша въ Свею, королю о томъ били челомъ, и король имъ отказалъ: коли де будетъ Московское государство взято у Литвы, тогда вамъ брата своего дамъ на царство.» И идущимъ тѣмъ посломъ изъ Свей чрезъ Иваньгородъ, и прииде вѣсть во Псковъ, что послы Новгородскіе идутъ изъ Свей, и шедше ратніи, полониша ихъ всѣхъ и привелоша во Псковъ со всѣмъ посолскимъ дѣломъ; и тогда наипаче во Псковѣ начаша о собѣ жити и крѣпитися, боящеса Нѣмецъ. Слышавъ же подъ Москвою князи и боляре, что первые послы не умолиша

а) 121 мѣс. окт. въ 22 день» такъ исправлено; во всѣхъ сп. невѣрно: 122 (т. е. года, что соответствуетъ въ октябрь 1613-му), мѣсяца октября въ 20. Москва очищена отъ Поляковъ 7121 (1612) года, октябрь 22: см. грамоту въ «Актахъ Арх. Эксп.» объ установленіи празднованія Казанской Богородицы, въ воспоминаніе избавленія Московскаго государства т. IV, стр. 61. б) понтусову» такъ должно читать; во всѣхъ сп. ошибкою: путцыну.

короля, еже дати брата своего на царство, и написавше крѣпость за своими руками послаша въ Новгородъ къ митрополиту и всѣмъ людемъ, чтобъ шли въ Свею съ тою ихъ крѣпостию королевича просити на Московское государство. И избраша Хутынского архимарита Кипріяна съ нарочитыми людьми, такоже по прежнему, и послаша въ Свею на томъ, чтобъ далъ король брата своего на царство, и пришедъ бы на границы крестился и пріялъ бы святую крестіанскую православную вѣру Греческаго закона. И король власть имъ брата своего на царство; и поидоша на Русь. И пришедшимъ имъ къ Выбору Нѣмецкому, и вѣсть прииде къ нимъ изъ Новгорода, что Московское государство Рускіе люди у Литвы взяли и очистили, и избрали ратные люди и всѣ православные на Московское государство царемъ отъ царскаго роду, царя Ѳеодора Ивановича племянника, Михаила Ѳеодорова сына Никитича Романовыхъ. И королевичъ слышавъ сіе и назадъ воротися; и не сбытсѣя ихъ злый боярской совѣтъ, но его же Богъ избра и восхотѣ, той и бысть. И послы приидоша въ Великій Новгородъ. И паки напредъ возвратимся. Что же по сихъ бысть? но якоже Богъ изволи прежде быти, тако и бысть. Егда же взяша Московское государство у поганыхъ Полскихъ людей, собравшесѣ оставшіи отъ разоренія людіе, всякихъ чиновъ Московскіе жилицы и иныхъ градовъ Рускихъ, и начаша глаголати: «не возможно намъ пребыти безъ царя ни единого часа; но да изберемъ собѣ царя на царство.» И восхотѣша начальницы паки себѣ царя отъ иновѣрныхъ, народи же и ратнии не восхотѣша сему быти, но въ прежереченнаго мѣсто храбраго князя Михаила Скопина, Богъ воздвиже втораго Михаила нечаемаго^а, его же и самъ избра; и испаде на него жребій, и поставиша ѣ на царство на Вознесеніе Господне. Его же отцу Ѳеодору Никитичю братъ по матери блаженныя памяти царь Ѳеодоръ Ивановичъ якоже пророчествуя и провидя, яко отъ сѣмени его воцаритися имать въ Руси на Московскомъ государствѣ и вознесетъ рогъ царства христіанскаго паки на прежнее: и вдаде ему жезлъ свой царской, видѣ бо себе единого послѣдняго сына царскаго роду скончевающасѣя, а по немъ иного не остающасѣя, ему же бы предати царство; аще и раба своего видѣ возвысѣящасѣя и воцарюющасѣя, но на время се бысть; того ради вдаде сему Ѳеодору жезлъ свой на управленіе царству своему, прозря душевными очима хотящая быти послѣди, еже и сами нынѣ зримъ сбывшееся. Того же блаженнаго царя вси вѣдѣтъ, яко убо въ житіи семъ Господь Богъ прослави смиренія ради его и теплыя вѣры еже къ Богу, и нищимъ милованія, и ко святымъ Божиимъ церквамъ строенія, вдаде ему на исходъ души даръ пророчествія, иже и сбытсѣя по пророчеству его: воздвиже Богъ паки прежде падшее его царство, и обнови въ Росіи, и посади на престолѣ царя благочестива и благородна, великаго князя Михаила Ѳеодоровича всеа Руси. Якоже древле Царьградъ очистися Михаиломъ царемъ отъ Латинъ, такоже и нынѣ въ Руси бысть: воздвиже Богъ на царство тезоименитаго Архистратига силы его Михаила, зѣло кроткаго, тихаго царя, Христова подражателя и дяди своего наслѣдника, и мати его Марѳа, пріятницы Московскаго царства, яко цвѣтъ отъ терніа израстши; и всякого веселія и радости исполнися Російское царство, и далъ Богъ благодать и въ мирѣ тишину и благоденство, и страны съ нимъ смиришасѣя, и земля прозябе благія плоды ея, своею каждою износяще плодныя дресеса, пшеницу и овозъ. Десница Господня сотвори силу, десница Господня вознесе его. Что же убо миротворецъ онъ и кроткій царь? почи^б въ мирѣ и въ покои земля его; срящеть бо милость суда. Елма же Богъ воздвиже рогъ спасенія людей своихъ мышцею своею, и всѣ православніи христіане возрадовашасѣя и Богу хвалу воздаша о семъ, что Господь Богъ воскресилъ въ Руси паки отъ своихъ Рускихъ людей и отъ царскаго роду, и обнови имъ царство. Бѣ же

а) нечаемаго « неначаемаго О. С. б) почи » такъ исправлено; во всѣхъ сп. непонятно: впочіи есть.

царь младъ, егда сѣде на царство, яко лѣтъ 18, но бѣ благъ, тихъ, кротокъ и смиренъ и благоувѣтливъ, всѣхъ любя и всѣхъ милуя и щедря, во всемъ подобенъ бѣ прежнему благоувѣрному царю и дяди своему Θεодору Ивановичю всеа Русіи; и не у бѣ ему еще толика разума, еже управлять землею, но боголюбивая его мати, инока великая старица Марѳа, правя подъ нимъ и поддерживая царство со своимъ родомъ, еще бо сущу отцу его въ плѣну у короля Польскаго. Но и сему благочестивому и праведному царю, смиренія его ради, не безъ мятежа сотвори ему державу врагъ діаволъ древній, возвыся паки владущихъ на мздоиманіе, наипаче же насиловаху православнымъ, емлюще въ работу силно собѣ. Людіе же начаша оставшаяся собиратися въ Руси по градомъ, исходя отъ плѣну отъ Литвы и Нѣмецъ, и начаша населятися; они же окаянніи, аки волцы тяжцы восхитающе^а, емляху ихъ къ собѣ, понеже страхъ Божій преобидѣша и забыша свое прежнее безвременіе и наказаніе, что надъ ними Господь за ихъ насилство сотвори, отъ своихъ рабъ разорени быша; и паки на то же подвигошася, а царя нивчтоже вмѣниша и не боящася его, понеже дѣтескъ сый. Еще же и лестію уловивше: первіе егда его на царство посадиша, и къ ротѣ привелоша, еже отъ ихъ велможска роду и боярска, аще и вина будетъ преступленію ихъ, не казнити ихъ, но разсылати въ затоки; сице окаянніи умыслиша, а въ затоцѣ коему случится быти, и онѣ другъ о другѣ ходатайствуютъ ко царю и увѣщають ѥ на милость паки обратитися. Сего ради и всю землю Рускую раздѣливше по своей воли, яко и его царская села собѣ поимаша, иже бѣ преже у царей, понеже не вѣдомо бѣ царю, яко земскія книги преписанія въ разореніе погибоша; а на царскую потребу и расходы собираху со всей земли Рускѣй оброки и дани и пятую часть имѣнія у тяглыхъ людей, а изъ протчихъ царскихъ доходовъ, ихже государь царь оброки жаловаше. И нѣкогда посылалъ государь царь подъ Смоленско своихъ государевыхъ воеводъ, князя Дмитрея Мاستрюкова да князя Ивана Троекурова, съ ратными людьми, и тѣ воеводы государевымъ дѣломъ промышляли съ радѣніемъ, и немного града не взяли: и онѣ тѣхъ воеводъ перемѣнили да иныхъ послали, и тамо ратному дѣлу не таковъ устрой бысть, и нападоша на нихъ Литва и самихъ осадили, и гладъ бысть великъ; и къ государю многожды послаху о хлѣбѣ, и онѣ тѣхъ въ крѣпости сажаху, а отъ государя^б царя таяху; и не стерпя^в гладу ратніи людіе и отъ града отошли прочь, и начаша свою землю воевати и людей мучити, гнѣвающеся на бояръ. Сицево бѣ попеченіе боярско о земли Руской! И потомъ, въ третіе лѣто царства его, приде Свѣйской король подо Псковъ со многими Нѣмецкими людьми и съ нарядомъ, и стоялъ полтретья мѣсяца подъ городомъ, много пакости учини, стѣну разби 40 сажень, и на приступъ приходилъ и много людей побилъ, и подкопы велъ, и наметными ядрами стрѣлялъ огненными и гольми ядры^г и каменіемъ; и отъ всѣхъ его козней избави святая Троица градъ свой отъ поганыхъ, молитвами пресвятыя Богородица и чюдотворцовъ Псковскихъ, и толико всенародное множество препита невидимою силою, а уже была граду велика туга и печаль отъ гладу, куповаху бо хлѣбъ кады въ полтора рубли и болѣ. И государю царю много посылаша изъ града о испорученіи: и всѣхъ тѣхъ посланниковъ бояре и царю^д не показаша, держажу въ запорѣ и государя утѣшаху отъ печали, глаголаху ему, повѣдающе поганыхъ немного, а во градѣ людей много, и людскія печали и гладу не повѣдаху ему; и отсылають гонцы назадъ съ радостію, что «тотчасъ государь посылаетъ воя на испорученіе вамъ.» Сицево бѣ попеченіе боярско о градѣ, аще не бы Господь самъ сохранилъ градъ! но того ради и Богъ призрѣ своею милостію на градъ,

а) восхитающе» восхищающе С. б) а отъ государя» а государя *такъ неправильно во всѣхъ сп.* в) и не стерпя» *пропущено въ О. С.* г) стрѣлялъ. . . ядры» *пропущено въ А.* д) бояре и царю» къ царю бояре О. С.

видѣ отъ своихъ единовѣрныхъ предаемъ; да не вмѣнитъ Господь имъ грѣхъ сей. Еще же къ сему ино нѣчто сотвориша въ то же время бояре, егда обстоимъ бѣ градъ Псковъ отъ поганыхъ Нѣмцевъ: тогда послышаша^а нѣщныи вои, въ Поморьи суще, бяху грабяще люди, яко Нѣмцы стоятъ подо Псковомъ, и рекоша къ собѣ: «что сотворимъ за свою вину, еже учинихомъ земли Русѣй напасти, и чѣмъ утолимъ гнѣвъ царевъ?» и рекоша вси: «пойдемъ ко царю и умолимъ его, да послетъ насъ на испорученіе Пскову и на Свейскую землю воевати.» И приидоша къ царствующему граду, и послаша ко царю о собѣ. Слышавъ бояре, начаша совѣтовати собѣ, какъ сія волныя люди собѣ поработити, «понеже наши рабы прежде быша, а нынѣ намъ сильны быша и не покаряхуся;» и призвавше во градъ головъ ихъ яко до треи сотъ, глаголюще: «хочетъ Богъ и государь васъ жаловати», они же внидоша во градъ; и переимаша ихъ и перевязаша, а на прочихъ ратию изыдоша, и разгромиша ихъ и многихъ переимаша, а достальныхъ 15.000 въ Литву отѣхаша. И по отшествіи Рускихъ людей отъ Смоленска, королевичъ Литовской и съ ними^б прииде ратию на Рускую землю, и много пакости учиниша, и грады поимаша и поплѣниша, и къ царствующему граду приступиша; и незамного Богъ укры своею милостию царствующій градъ, еще бо людіе во градѣ не укрѣпишася и не уселишася, и домовъ мало бѣ, понеже вновь царство строитися начатъ. И бысть тогда на всѣхъ страхъ и трепетъ и ужасъ, нашествія ради поганыхъ, и шатость бѣ велія въ людехъ, другъ друга боящеся, и чаяху измѣны; такоже и царю съ матерію велія скорбь бѣ и туга, понеже королевичъ прошашеся на царство, того ради съ нимъ миръ тогда взяша и 12 городовъ ему вдаша пограничныхъ, и изыде изъ Руси. И потомъ государь царь восхотѣ браку сочтатися законному, и обручена бысть царица Анастасія Иванова дочь Хлоповыхъ; врагъ же дьяволъ научи нѣкоторымъ сродичамъ, царевѣ матери племянникомъ, остудити царевѣ матери царицу, нѣкоторымъ чародѣйствомъ ненависть возложиша, и разлучиша ю отъ царя и послаща^в въ затокъ. Сиче же учиниша благочестивому царю, нанесоша ему печаль и скорбь велію; онъ же беззлюбивый благодарнѣ терпяше сія, и не восхотѣ иныя поняти, дондеже Литовской король отпусти отца^г его митрополита Филарета на Русь. Егда же прииде митрополитъ Филаретъ: и по Божію строенію и по царскому прошенію у Турецкого царя, прииде изъ Палестины изъ святаго града Іерусалима отъ Господня гроба святѣйшій патріархъ Теофанъ въ царствующій градъ Москву, и постави митрополита Филарета отца царева патріархомъ на Москвѣ всеа Русіи; и отпустиша патріарха Теофана съ великою честью восвояся. А святѣйшій патріархъ Филаретъ Московскій и всеа Русіи земская дѣла начатъ управляти, и начатъ глаголати сыну своему царю Михаилу о совокупленіи брака: аще хочетъ поняти королеву Литовского короля, да тѣмъ примиритъ его къ собѣ, и грады возвратитъ плѣненные и отданныя паки собѣ? Онъ же сего не восхотѣ. И паки мати его и отецъ посласта къ Датцкому королю о поиманіи дщери его за царя; король же отказа: «преже сего брата моего имали къ вамъ на Русь, при царѣ Борисѣ, а хотѣлъ за него дати дщерь свою Ксенію — и приѣхавъ къ Москвѣ часу не жилъ тутъ, отравою уморили его; такоже и дщери моей сотворите нынѣ», и отпусти пословъ. И паки отецъ и мати начаша увѣщати царя о сочтаніи брака; царь же отвѣща: «сочетался есмь бракомъ по закону Божію и по преданію Святыхъ Апостолъ и Святыхъ Отецъ, и обручена ми есть царица; кромѣ еѣ иные не хочу поняти.» И хотѣ послати по нею царевъ отецъ; и повѣдаша ему, яко царица испорчена есть, неплодна и болна, и много испытаніе бысть о семъ, кто тако сотвори надъ

а) послышаша » такъ кажется должно читать; во всѣхъ сп. послаша. б) и съ ними » нѣтъ въ С. в) и послаша » ю прибавл. О. С. г) отпусти отца » отъ отца ошибк. О.

нею? И изыскани быша таковии : тїи же окаянїи Михайловы дѣти Салтыкова, 2 брата, цареви матери племянники, Борисъ да Михайло, повинушася о семъ, «яко сего ради тако сотворихомъ, понеже намъ удаленомъ быти царева лица и сана своего лишитися»; и осудиша ихъ въ затокъ со очей царевыхъ, а смерти ихъ не осудиша царева ради родства, отцу же ихъ въ Литвѣ умершу. И потомъ послаша дохтуровъ къ царицы, да извращаютъ ей болѣзнь, они же пришедше извращеваша ю; и хотѣ патриархъ царя вѣнчати съ нею, царева же мати клятвами закла себе, еже не быти ей въ царствѣ предъ сыномъ, аще тое быти у царя царичи. Царь же презрѣ себе Бога ради, и материя любве не хотѣ презрѣти и разлучитися отъ нея, ни оскорбити ю, но самъ все терпя, человѣческое существо матере не раздражи и царицы не поятъ, аще и отъ отца своего многи укоризны прїятъ. Потомъ же увѣща мати его поняти дщерь князя Владиміра Долгорукого Марью; онъ же благочестивый царь, аще и не хотя, матере не преслушавъ, поятъ вторую царицу Марью. И зрите же Божїя . . .^а сотворшаго по насилію : престаивжесе по трехъ мѣсяцѣхъ царица, и паки царю скорбь велія бысть, такоже отцу его и матери. А все то зло сотворися отъ злыхъ чаровниковъ и звѣрообразныхъ человѣкъ, не хотящихъ видѣти христіанского покою и тишины, и гнушася своего государя и гордяхуся, не хотяще въ покоренїи и въ послушанїи пребывати и не боящесе отнюдъ, понеже милостивъ бѣ, и любяше и миловаше ихъ и вся подаваше имъ, яже они прошаху, и своеволи бѣша, якоже и преже рѣхъ; издавна бо похотѣша собѣ государя взяти отъ чуждыхъ странъ, прошиша многожды изъ Полши и изъ Свеи, а своего государя царя Василїя въ Литву отдаша и Литовского короля возлюбиша, отъ него же и разорени быша, Богъ имъ воздалъ по ихъ желанїю. Но и еще премилостивый Владыка Господь не изволи разорити вѣры христіанскїя отъ Латинъ, и вложи во умъ православнымъ избрати и посадити на царство отъ своихъ единовѣрныхъ христіанъ царя въ Русїи, а ихъ окаянный и злый совѣтъ отвергоша и не восхотѣша; аще бы и попустилъ Богъ по ихъ довелѣнїю тако быти, то не бы такъ обладали Рускою землею и насилывали христіаномъ, но и сами бы до конца погублени были отъ любимыхъ ими. И паки на подлежащее возвратимся.

Б.

О смятенїи и междуусобїи и отступленїи Псковичъ отъ Московскаго государства, и како быша послѣди бѣды и напасти на градъ Псковъ отъ нашествїя поганныхъ и плѣненїя, пожаръ, гладъ, и откуда начаша злая сія быти и въ кое время. Въ лѣто 7114^а, егда убїенъ бысть на Москвѣ ложный царь, назвавшийся Дмитрей, молитвами пречистыя Богородица и великихъ чюдотворцовъ, не попусти Богъ ему разорити христіанскїя вѣры и церкви превратити въ Латинство, якоже той окаянный умысли, но лѣто едино бысть, и вскорѣ убїенъ бысть. И потомъ сяде на царство князь

а) Точками означено непонятное во всѣхъ сп. слово : счадъ или счадї. б) въ лѣто 7114. въ лѣто 7115
ошибк. О. С.

Василей Шуйской, и отпусти царицу Маринку, воровскую Литовку, съ Литвою во свою землю, и повелѣ ихъ проводить до границы. И приидоша на Сѣверу, и присташа къ нимъ Рустіи людіе, и засѣдоша грады, и царя собѣ ложнаго устроиша паки; и царь Василей многаци посылая на нихъ рати и самъ ходи, но ничтоже успѣ, смятоша бо ся людіе и прелестишася, грѣхъ ради нашихъ, Богу попустившу, приидоша и подъ самый царствующій градъ и обѣдоша, и бысть гладъ велиій, ниоткуда же помощи надѣющеся. И посла царь племянника своего князя Михаила Скопина въ Новгородъ, и посла и за море няти Нѣмецъ въ помощь собѣ противу Литвы. Въ то же время, мѣсяца августа, явишася во Псковскихъ пригородѣхъ смутныя грамоты отъ вора изъ подъ Москвы, на прелестъ малодушнымъ, и возмутишася людіе и начаша крестъ ему цѣловати; въ то же время вскорѣ преставися епископъ Генадей отъ кручины, слышавъ такую прелестъ, такоже и во Псковѣ смятошася людіе, слышавше нѣкоего грядуща отъ ложнаго царя съ малою ратию. Воеводы же видѣвши^а толико смятеніе въ народѣ, и много укрѣпляху ихъ, и не могоша увѣщати; въ то же время народи похваташа лутчихъ людей, гостей, и пометаша я въ темницу, воеводы же послаша въ Новгородъ, дабы прислали рати въ помощь во Псковъ. Въ то же время нѣкто врагъ креста Христова вложи имъ то слово, что Нѣмцы будутъ во Псковъ, слышали бяху преже, что послалъ царь по Нѣмецъ, но не бѣ еще пришли изъ заморья въ Новгородъ; и тогда возопивше нѣцыи мятежницы въ народѣ, яко Нѣмцы пришли суть отъ Иванягорода къ мосту на Великой рѣкѣ, и въ той часъ возмутишася вси и похваташа воеводѣ^б, всадиша въ темницу, а сами послаша по воровского^в воеводу по Ѳедку Плещеева и цѣловаша крестъ вору ложно, и начаша быти въ своей воли и отложишася отъ Московского государства ложному царю, и быша въ своей воли^г возбѣснѣвши и лихоимствомъ разгорѣшася на чуждее имѣніе. Тое же осени приидоша отъ вора во Псковъ, якоже отъ сотоны бѣсове, и его полку мучители и убійцы и грабители, повѣдающе малоумнымъ державу его и власть; тии же окаянии воздаша хвалу прелестнѣй и темнѣй державѣ его, и начаша хвалитися предъ ними^д своимъ раднѣіемъ къ вору, како вождѣлѣша ему покоритися, и навадиша на онѣхъ боголюбцовъ и страдалцовъ, иже не восхотѣша колѣна поклонити Ваалови, сирѣчь предтечи антихристову, на начальниковъ градскихъ и на нарочитыхъ града мужей, иже бяху въ темницу всажени; иземше же тии зміи лютіи звѣріе тѣхъ изъ темницы, нужною смертію умориша, овыхъ на коліе поткоша, инѣмъ главы отсѣкоша, протчихъ различными муками мучиша, и имѣнія ихъ поимаша, боярина же Петра Никитича Шереметева въ темницы удавиша, и во владычнѣ дворѣ и по монастыремъ и у начальниковъ градскихъ и у гостей имѣнія поймавъ, съѣхаша подъ Москву къ своему ложному царю и тамо послѣди отъ своихъ побіени быша. И присла ложный царь во Псковъ новыхъ воеводъ своихъ, пана Андрея Тронянова Порѣцкого Бѣлорусца, да пана Побѣдинского Лютора, да діака Крика Тенкина; но тии ничтоже во градѣ не сотвориша зла, и не много быша и съѣхаша. И потомъ приѣхаша князь Александръ Жировой Засѣкинъ. При семъ учинися гнѣвъ Божій на славный градъ Псковъ въ наказаніе, дабы остались самоволія своего и междоусобія: мѣсяца маія въ 15 день, въ 6 часъ, загорѣся на Полоницѣ у в-Успенского монастыря отъ дворового варенія, и сметашася людіе и погасиша огонь, начаша расходитися по домоу; и внезапно загорѣся паки невидимо, и въ той часъ бысть буря велия, вѣтръ силенъ отъ юга, и понесе огонь къ площади, и не возмогаша утолити ничѣмъ и побѣгоша вси койждо во свой домъ; и потомъ загорѣся Печерское подворье, и внезапно загорѣся у препо-

а) воеводы же видѣвши « воевода же видѣвъ А. б) воеводѣ « воеводу А. в) по воровского « по боровского А. г) и отложишася . . . воли « *пропущено въ А.* д) предъ ними « *во всѣхъ сп.* предъ нимъ.

добнаго Варлама верхъ на Запсковѣ, и оттуду возвѣя вѣтръ силенъ сѣверъ, и загорѣся весь градъ и зеленые полаты, и зеліемъ вырвало Кремля города на обѣ стороны, и до ночи весь градъ попали и много людей каменіемъ поби и погорѣ, токмо остана 2 монастыря, Никола чудотворецъ въ Пескахъ да противъ того за рѣкою Козма и Даміянъ на Гримячой горѣ, да въ соборномъ храмѣ токмо соблюде Богъ гробницу благовѣрнаго князя Доманта, а то все погорѣ. Псковичи же народъ, чернь и стрѣлцы, ни тѣмъ Божиимъ гнѣвомъ наказаша, начаша чужая имѣнія грабити у нарочитыхъ людей и діаволомъ надхнени суще, рекоша сице: «боляре и гости городъ зажгоша», и начаша въ самой пожаръ каменіемъ гонити ихъ, они же побѣгоша изъ града; и наутрѣ собрався начаша влачити нарочитыхъ дворянъ и гостей, мучити и казнити и въ темницы сажати неповинныхъ отъ начальныхъ града и церковнаго чина, глаголюще безумніи, «яко вы градъ зажгосте и разористе, царю нашему не радя»; а все то окаянніи мятежницы и начальники Жидовской сонмицы затѣяша на добрыхъ людей, дабы имѣніе ихъ взяти, а буи народъ всеу во слѣдъ ихъ бяху послѣдующе, вопіюще и сами, и тогда мнози крови неповинной во градѣ ліющися, по вся дни мучаше окаянніи. Слышавши же въ Великомъ Новѣградѣ ратнии поущеніе Божіе на Псковъ, пожаръ, атаманъ Тимошей Шаровъ съ казаками прииде вскорѣ, и не смѣяше изгономъ приступити ко граду, а во градѣ тогда не бѣ ни наряду, ни зелія, но мало бѣ и оружія ручнаго, но коліе заостривъ выходиша изъ града; и много побиша гражданъ Новгородцы, гнавше и до града, а во градѣ не дерзнуша внити, понеже бѣ градъ великъ и людей множество въ немъ, а ихъ тогда не бѣ много, съ триста человекъ. Псковичи же, яко вторыи Жиды разъярився, имающе изъ темницы добрыхъ людей, злѣ мучаше и глаголюще: «яко вы призвасте Новгородцовъ на ны.» Новгородцы же на Завеличьи посадъ попалиша, и отыдоша. Того же лѣта, мѣсяца августа въ 18 день, враги креста Христова емше изъ темницы гостя Алексѣя Семенова сына Хозю, и много мучиша злѣ и поведоша изъ града вонъ на казнъ; въ той же часъ нѣщии христіанцы слышавше въ рядѣхъ таково суровство и кровопролитіе мятежникъ, взяше оружія своя и рекоша къ собѣ: «аще не станемъ на враговъ своихъ и мучителей нынѣ, то всѣхъ добрыхъ мужей гражданъ онѣ погубятъ», и возопивше поидоша на нихъ, и разгнавше буйхъ отъ народа и побиша начальниковъ сонмицю, иныхъ казни предаша, и стрѣлцовъ изъ града изгнаша; егда же услышаша окаянніи тѣи, иже поведоша на казнъ Алексѣя, что восташа на нихъ граждане, въ той часъ врагъ нѣкто стрѣлецъ прибѣжа, въ самыхъ градныхъ вратехъ отсѣче неповинную голову праведнаго Алексѣя; а по разганіи враговъ изведоша всѣхъ, свободиша и воздаша хвалу Богови о семъ. И во 118 году, въ масленые заговѣна^а, прислаша изъ Великого Новаграда двухъ стрѣлцовъ съ грамоты отъ царя Василя, чтобъ Псковичи обратилися паки къ Московскому государству, и соединились, и стали бы заедино на воровъ и на Литву; начальницы же града и нарочитиіи мужіе восхотѣша приклонитися къ государству и совокупитися, и хотѣша вскорѣ крестъ цѣловати, и вражнимъ навѣтомъ того часу записи прежней не обрѣтоша въ казнѣ, по чему крестъ цѣловати. И паки, того же часу, возгорѣшася злая горши первыхъ: побѣгоша по всему граду мятежницы и развратницы, прежереченніи самоначалницы, кличницы, кровопивцы мучащии безъ правды, похищающии чужая имѣнія и не хотящии подъ властми жити, и ристающе по граду, воипіюще, таковымъ же убо невѣгласомъ и смердомъ по крестцомъ по сонмищемъ стоящимъ: «яко начальницы града и лутчии людіе, дворяне и гости, чернцы и попы, и всѣ бѣлые люди хотятъ крестъ цѣловати и мстити свою обиду, еже мы имъ сотворихомъ, и крестъ цѣловали^б Московскому

а) въ масленые заговѣна - въ масленое заговѣино С. б) цѣловали - цѣловати А.

царю Василью.» Они же буїи народъ, малодушнїи и неразумнїи, воздвигошася со оружіемъ на своихъ же, и послаша за городъ за Великую рѣку въ слободу стрѣлецкую по стрѣлцовъ, и поидоша къ нимъ въ городъ: понеже стрѣлцы изъ града изгнани быша, по Алексѣевѣ убїенїи Хозина, за ихъ воровство, и во градъ ихъ не пущали до сего времени. Началницы же града, и гости и дворяне, и нѣколико отъ нарочитыхъ людей града, видѣвше смятенїе народное и злое ихъ умышленїе, уже бо вечеру сущу, елицы успѣша на конѣхъ, инїи же пѣши, заплакавше горцѣ, дома и жены и дѣти оставльше, бѣжаша вонъ изъ града на Великую рѣку къ Снятой горѣ; кои же кони имяху, поидоша къ Новгороду, а кои пѣши, тѣ пошли ко пречистѣй Богородицы въ Печерскїй монастырь, боящеся прежняго ихъ мучительства и казней злыхъ. Наутрїя же, въ самый чистый^а понедѣльникъ великого поста, въ онъ же сущїи христїяне предпочишася отъ всѣхъ злыхъ дѣлъ, они же паче звѣрей суровѣйши свирѣпо распыхася, яко лвы собрашася средѣ града и позвониша на вѣчь; и собрася буїи народъ несмысленнїи и поселяне, яко скоти безсловеснїи и сами не свѣдуще, чесо ради собрани. Началницы же сонму рекоша: «яко вчера ищущей тїи крови нашей побѣжаша; и мы ихъ оставшая совѣтники изберемъ и въ темницу заключимъ, и испытаемъ о нихъ.» И поскочиша по домоу, ищуще ловъ обрѣсти и насытитися крови человѣческїя, якоже и прежнїи мучители, или паче вторыя Жиды, ихже преже пророчествуя рекъ имъ благовѣрнїи великїи князь Александръ Ярославичъ Невскїи, по дѣломъ ихъ. И елицѣхъ обрѣгоша православныхъ неповинныхъ, влечаху ихъ въ сонмище, и мучаху ихъ злѣ, и въ полаты и погребы пустые пометаша ихъ, елицы же изъ града побѣгоша душею да тѣломъ, то женъ тѣхъ меташа въ полаты и погребы, и оттуду изимающе злѣ мучаху и смерти предаваху; и входяще въ дома ихъ, ядуще и піюще и веселящеся, и имѣнїя ихъ собѣ раздѣлиша; такоже елицы бяху въ темницы имуще что, окуповахуся мздою муки ради и смерти, елицы бяху не имуще что дати, тїи замучени быша и въ темницы помроша, жены же и дѣти осташа скитающеся. Бѣ же всѣхъ страдавшихъ въ таковой скорби мужъ и женъ болѣ дву сотъ, дондеже пришлоъ ложной царь и воръ Матюшка, свободи ихъ всѣхъ страдавшихъ и въ то мѣсто самѣхъ ихъ поточи; по Божїю строенїю все сіе такъ бысть, всѣ послѣди возмездїе прїяша противу своимъ дѣломъ. Но паки напредъ возвратимся. Царь же Василей слышавъ таковое междуособїе во Псковѣ, смердовъ самовластїе, и хотя пострашити ихъ, дабы обратилися къ Московскому государству, присла въ Великїи Новгородъ князя Владимера Долгорукого, повелѣ ему ити съ Новгородцы ратїю подо Псковъ: и прїидоша послѣ Петрова дни. И изыдоша Псковичи изъ града за три поприща противу имъ, къ Промѣшицы рѣчки, яко бѣшенїи буїи, яко на борьбу или на кулачной бой, ниже бѣ въ нихъ воеводы, ни нарядника, но тѣ же уставляюще въ нихъ полки иже сонму собиратели, тїи же поостряюще народъ, кричаще и вопїюще, и ничтоже знающе ратного дѣла; и побїша тогда многихъ Псковичъ на Промѣшицы у Спаса, и топташа до самого града. Новгородцы же сташа у Николы на Любятовѣ въ монастырѣ. И Псковичи паче всѣмъ градомъ изыдоша на нихъ, со щиты рыбницкими на возѣхъ и съ полковымъ нарядомъ, и поидоша къ монастырю святаго Николы. Бѣ же Новгородскихъ людей всѣхъ не много, яко триста человекъ, послани бѣша для устрашенїя, дабы паки соединились воедино Псковичи. Видѣвше же Новгородцы неурядное ихъ воинство, грядущихъ на нихъ множества не устрашишася, и раздѣлишася на три части въ полцѣхъ; первый полкъ Нѣмецъ напустиша на Псковичъ, Псковичи же тогда еще не знающе ратного дѣла, видѣвше Нѣмецъ побѣгоша ко граду, они же всѣми полки напустиша и гониша до града, біюще и

а) чистый • честный С.

сѣкуще, но съ милостию Русіи, токмо Нѣмцы множество посѣкоша; аще бы тогда мало постояли, и градъ бы имъ сдали. Но Богу тако изволившу, грѣхъ ради нашихъ, хотящу^а мстити и плѣнити Псковскую^б землю: якоже преже ся^в слышахомъ о Сѣверійѣ странѣ, что было тамо отъ Литвы около Московскаго государства и около Новаграда, токмо оста Псковская земля доселѣ цѣла. Но наполнися чаша горести пельнинья: приде слухъ, онъ лютей тать и разбойникъ панъ Лисовской да Иванъ Просовецкой съ Рускими мучители и грабители, и грядеть убѣгомъ въ сию страну, иже не обрѣте мѣста гонимъ отъ князя Михаила Васильевича Скопина, иже многи грады отъ него искрадомъ плѣнены и разорены бысть. Слышавше же Новгородцы идоша восвоя, да не пришедъ внезапно на Великій Новгородъ плѣнити я. Псковичи же преже сего видѣвше приходящихъ на нихъ Новгородцовъ, не имѣючи же^г помощи ниоткуда, послаша въ Ливонскую землю къ пану Хоткѣвичю Максима Карповскаго, дабы имъ помоглъ; онъ же тогда не успѣ собратися съ вои ити съ нимъ^д. Псковичи же слышавше пана Лисовскаго съ Литвою и Рускими людьми стояща въ Новгородской земли, въ Порховщинѣ, послаша къ нему бити челомъ, чтобъ онъ шолъ во Псковъ съ Рускими людьми; онъ же много плѣнивъ Новгородчину, приде во Псковъ. И пустиша ѿ во градъ, а Литву за городомъ поставиша на посадѣ и въ стрѣлецкой слободѣ. Но помалу начаша и Литва во градъ входить, и начаша многую великую казну пропивати и платьемъ одѣваться, понеже бѣ многое множество имяху злата и сребра и жемчюгу, иже грабили и плѣнили бяху славныя грады, Ростовъ и Кострому, и обители и лавры честныя, Пафнутія въ Боровскѣ и Колязинъ и многія иныя, и раки святыхъ разсѣкаху, и суды и окладу образного и полону множество, женъ и дѣвицъ и отрокъ. Егда же та вся провороваша и проиграша зернью и пропиша, начаша буетію глаголати и грозити гражаномъ: что «мы уже многія грады плѣнили и разорили, такоже будетъ отъ насъ граду сему Пскову, понеже убо животъ нашъ весь здѣ положенъ въ корчмѣ.» И не сбысться ихъ злая мысль: не человѣческимъ такъ смысломъ учинися, но Божіимъ промысломъ, еще не хотя тогда погубити, молитвъ ради пречистыя своея Матере и великихъ чудотворцовъ тогда града сего не предасть варвару сему на расхищеніе, но покаянія нашего ожидая. Слышавше же гражане у злыхъ чловѣкъ сіе злое умышленіе, и пришедъ къ варвару, начаша лстивыми словесы глаголати, чтобъ шолъ на Иваньгородъ на испорученіе, понеже тогда обстоимъ бѣ Свейскими Нѣмцы и за хребтомъ бѣ Новаграда и Пскова: «а мы де казну собравъ пришлемъ къ тебѣ.» Онъ же ни мало постоявъ о семъ, и вскорѣ изыде изъ града со всѣми и иде къ Иваньгороду; Нѣмцы же^е слышавше, бѣжаша на свою страну въ Ругодивъ. Той же окаянный варваръ послѣди уразумѣвъ собѣ, како умыслиша Псковичи о немъ оманъ, выслаша изъ града вонъ лестію, и много опечалися; паки же вторую лестъ умысли еще, дабы толикъ крѣпостию Иваньгородъ лестію взяти: «то де могу изъ того града и прочая достати.» И посла напредъ себя нѣколько ратныхъ съ хлѣбомъ во градъ ити, понеже бѣ скуденъ хлѣбомъ, они же внидоша въ острогъ и хотѣша внити во градъ и засѣсти по словеси его, и никтоже во градѣ помысли коварства сего быти, но велми возрадовашася и похвалиша я; но единъ діакъ начальникъ, именовъ Аѳонасей Андрониковъ, уразумѣ злое его коварство, и повелѣ затворити врата граду и не пусти ихъ, и повелѣ имъ въ острогъ быти. И того часу и самъ многоковарный приспѣ къ острогу, и

а) хотящу» не хотящу С. б) псковскую» рускую О. С. в) якоже преже ся» якоже пси преже ся ухомъ О. С. г) не имѣючи же» не имѣющихъ *ошибк.* С. не имущу же *тоже* А. д) съ вои. . . съ нимъ» съ ними А. е) нѣмцы же» нѣцыи же *ошибк.* А.

не пустиша и^а, и бысть посрамленъ; и вопросися у начальниковъ градскихъ пребыти во градѣ съ немногими людьми, и пустиша и и честь ему воздаша о испорученіи. Онъ же подивися великой крѣпости граду, понеже стоитъ на горѣ высоцѣ, три стѣны камены бяху и множество наряду и всякой казны; и похвали державцовъ градскихъ^б, рекъ: «яко ни въ коемъ градѣ Рускомъ не могоша узнати моего многообразнаго коварства и сѣтей, ими же прелстихъ, сего же града не уластьмися лестію взяти, понеже узнаша мою лесть,» и изыде изъ града. И начаша между собою Литва и Русь собиратися, и поидоша Русь во Псковъ, а панъ Лисовской съ Литвой да Нѣмецъ полоненныхъ на Иванъгородѣ поймавъ^в, поиде мимо Псковъ; и шедъ выше Пскова и взятъ пригороды, Вороночь и Красной и Заволочье, и начать оттуду по вся дни и нощи^г подо Псковъ, и подъ Изборско, и подъ Печоры и прочимъ, и высѣче всю Псковскую землю. И того лѣта начаша вся злая быти во Псковѣ, всякой хлѣбъ дорожати въ осадѣхъ^д, понеже осаженъ бысть отвсюду, съ дву сторонъ Нѣмцы, а съ третію Литва, не дающе никамо исходити изъ градовъ потребы ради. И бысть того гладного времени, и мору, и осадного сидѣнія отъ Литвы и отъ Рускихъ воровъ и Нѣмецъ 8 лѣтъ. Но великая милость пречистыя Богородица^е Печерскія, что токмо мимо свой домъ не затвори пути къ Литовскому рубежу въ Ливонскую землю, оттуду во вся та лѣта хлѣбъ шолъ во Псковъ, понеже миръ велій имяху мѣщане со Псковичи; аще не бы та земля подмогла хлѣбомъ, то никако бы избыли^ж поганыхъ. Но многа же злая тогда быша и на еѣ пречистые Богородицы обитель отъ Литовскихъ людей и Нѣмецкихъ нашествія; но отъ всѣхъ сихъ сохрани и соблюде пречистая Богородица домъ свой, и прославися во всѣхъ странахъ вселенныя, отъ нихъ же малая исповѣмъ послѣди; понеже не возможно вся подробну исповѣдати преславная ея чудеса, бывшая въ та времена. Тогда, грѣхъ ради нашихъ, въ Московскомъ государствѣ бысть раздоръ въ людехъ, царя Василія возненавидѣша за многое кровопролитіе, второе же братія его племянника своего возненавидѣша за храбрость его, князя Михаила Скопина, иже Нѣмецъ наятъ и отгна вора съ Литвою отъ царствующаго града, и вманивъ его къ Москвѣ отравою умориша; и сдумаша Литовского королевича собѣ на царство посадити, тако и сотвориша, возьмъ же царя Василія и отдаша Литовскому королю. Король же много жадавъ сего, како бы ни оболстити Рускихъ людей, обѣща дати на царство сына своего и посла людей своихъ къ Москвѣ; и пришедше царствомъ обладаша. Свейстїи же Нѣмцы, видѣвше неустроеніе въ государствѣ^з и кто ихъ наятъ того умерша, пришедше взяша Великій Новгородъ іюля въ 16 день, и владѣша имъ 6 лѣтъ. Того же 119 году, объ Велицѣ дни, паки явися прелестъ на Иванъгородѣ: прелестившемся Ивангородцемъ и Псковичамъ вору Тушинскому, назвася тѣмъ же именемъ роздыакошь Матюшка, прибѣжавъ съ Москвы, обрѣте собѣ благополучно время, еже смутити грады Рускія, понеже прежней воръ Тушинской въ Колугѣ убіенъ бысть Петромъ^и Урусовымъ, и будто ся тотъ ушолъ на Иванъгородъ, а не убитъ. И начаша къ нему такіе же воры и убійцы собиратися: изъ Новагорода казачья покинувъ Новгородъ Нѣмцемъ и къ нему придоша, и стрѣлцы Псковстїи къ нему собиралися; и начаша посылати грамоты во Псковъ и въ пригороды на разгласіе и смущеніе, глаголя: «царь есмь.» Псковстїи же гражане, видѣвше прелестъ

а) и не пустиша и «*пропущено въ А.* б) градскихъ» русскихъ А. в) поймавъ» и поймавъ *такъ во всѣхъ сп.* г) и нощи»; за симъ должно подразумѣвать слѣдующія слова: наѣзжати изгономъ или посылати ратныхъ. д) въ осадѣхъ» посадехъ *ошибк.* О. С. е) богородица» образа *прибавл.* А. ж) никако бы избыли» никако изгнали бы А. з) въ госуд.» въ московскомъ государствѣ А. и) петромъ» княземъ петромъ С.

бывающую и яко мнози тацы быша преже мятежницы и развратницы Рустѣй земли, называющесе царскимъ отродомъ, и не вняша сему и отселаша посланного безчестна, рекше, яко врагъ есть и разоритель христіянству и не хотящимъ его царя собѣ. Онъ же собрався съ своими воры, и прииде съ нарядомъ стѣнобитнымъ и съ наметнымъ подо Псковъ, іюля мѣсяца, гражане же крѣпко противу его сташа, и многи побѣды показаша преже; той же воръ много бивъ по домоу людскимъ и наметы^а огненными зажигаая, люди устрашая, и ничтоже успѣвъ. Слышавше же Нѣмцы въ Великомъ Новѣградѣ явльшагося вора, подо Псковомъ стояща, убояшася, да нѣкогда вселится въ Псковъ и ихъ пришедъ изгонитъ вонъ изъ Новагорода; и послаша на него нѣколико яти его. Той же окаянный, слышавъ идущихъ на себя Нѣмецъ, бѣжа изъ подо Пскова на Иваньгородъ; и догнаша его Нѣмцы за Гдовомъ на Плюсѣ рѣки, токмо успѣ онъ единъ съ нѣкими преѣхати, и многихъ посѣкоша ту. Гражане же Псковстѣи недоумѣющесе, что сотворити и куда приклонитися, ниоткуда же помощи надѣющесе, понеже Москва бѣ за Литвою, а въ Новѣградѣ Нѣмцы, яко окружени отъсюду, и положиша на томъ, еже призвати къ собѣ ложного царя. Оле безумія послѣдняго! преже заклаша себе отнюдь не послушати ложного царя, ниже предатися ему, послѣди же послаша отъ всѣхъ чиновъ людей бити челомъ ему, и повинную послаша. Той же окаянный возрадовася радостію великою о семъ, яко избавиша его отъ Нѣмецкого осаду, тамо было ему исчезнути, прииде же во Псковъ вскорѣ; и срѣтоша его съ честію, и начаша къ нему собиратися мнози, иже радовахуся крови и чюжаго имѣнія; ксему же и поганыхъ любя, Литву и Нѣмецъ, и бысть гражаномъ многое насиліе и правезъ въ кормѣхъ и во всякой дани, и многихъ умучиша. Тогда Псковичи конечнѣ увѣришася ложными лестными цари, и начаша тужити и скорбѣти отъ его налогу. Тогда бѣ Литва осажена въ Москвѣ Рускими людьми, и прислаша оттуду нѣкихъ нарочитыхъ во Псковъ дозрѣти прелести того новонарекшагося царя; они же дозирателіе бяху страхомъ одержими, боящесе смерти, не обличиша его. И не по мнозѣ времени обрѣтше получно время, егда ратныхъ посла отъ себе подъ Новгородской пригородъ подъ Порховъ, и тогда совѣтъ сотворше со гражаны, яша его и сведоша къ Москвѣ. И оттуду преста прелестъ ложныхъ царей въ Руси; но мала нѣкая остана лествъ: по убіеніи прежняго ложного царя, иже убіенъ бысть въ Колугѣ, нѣкто Ивашко Заруцкой вземъ сына его^б Ивашка и жену его, и бѣжа на Низъ по Волгѣ во Астарахань; егда же воцарися благочестивый царь Михаилъ и обновися Московское государство, тогда и тѣхъ враговъ изымавше привелоша къ Москвѣ, всѣхъ ихъ смерти предаша, и изведенъ бысть злый плевелъ прелести вражія. 121-го^в придоша Нѣмцы подъ Корѣлу, вымориша моромъ и взяша, такоже и Орѣшокъ и Ладогу; подъ Иванемъ же городомъ по три годы стояли, и много ихъ паде, и гладомъ измориша и взяша, такоже и Копорью, и Яму, и Гдовъ. И придоша Псковичи, взяша Гдовъ, и паки придоша Нѣмцы съ нарядомъ; и шедше Псковичи, и побиха ихъ 300 человекъ искрадомъ. Паки же прииде воеводка Евергорнъ съ Нѣмцы и съ нарядомъ, и разбилъ стѣны много, и много приступавъ ничтоже учини, множество же ихъ побіено бысть; гражане же видѣвше, яко нѣсть имъ ниоткуда помощи; ни испорученія, и глада ради предаша градъ поганымъ; они же отпустиша во Псковъ, и градъ пріяша. Король же егда вниде во градъ Гдовъ, тогда, Божиимъ посѣщеніемъ, въ соборнѣй церкви подняся огнемъ мѣстная икона чудотворная Великомученикъ

а) и наметы — такъ исправлено; во всѣхъ сп. и наметывая. б) его — своего С. А. в) 121-го — въ лѣто 7121-го году А.

Христовъ Димитрій Селунскій; се же все бысть грѣхъ ради нашихъ, въ показаніе, иконная же дска вся около въ угль огорѣла, и образъ и чудеса святаго; а нынѣ же потщався мужіе Гдовляне, и привезоша оную мѣстную чудотворную дску горѣлую во Псковъ, и даша паки на той же горѣлой дски написати, по прежнему, святаго Великомученика Димитрія въ дѣяніи иконописцу Аврамію Иванову, 144 году.

В.

Въ лѣто 7042 посылалъ пресвященный архіепископъ Великого Новаграда и Пскова владыка Макарій государю великому князю Ивану Васильевичю, всеа Русіи самодержцу, о томъ: слышавъ во своей архіепископьи, паствѣ Христова стада, прелестъ кумирскую около окрестныхъ градовъ Великого Новаграда, въ Вотской пятинѣ, въ Чюди и въ Ижерѣ, и около Иваняграда, Ямы града, Корѣлы града, Копоріи града, Ладоги града, Орѣшка града, и по всему поморію Варяжского моря въ Новгородской земли и по всѣмъ рѣкамъ поморскимъ отъ Нѣмецкого рубежа Ливонской земли, отъ Норовы рѣки до Невы рѣки и отъ Невы рѣки до Сестрїи рѣки, до рубежа Свейскихъ Нѣмецъ, и во всей Корѣлской земли, и до Коневыхъ водъ и за Нево езеро великое, и до Каянскихъ Нѣмецъ рубежа, и около Пелейскаго езера и до Лексы рѣки до Лопи до Дикіе, и около великаго озера Нева^а, въ длину болши 1000 верстѣ, а въ широту до Великого Новаграда за 60 верстѣ, а индѣ за 50 и за 40, въ тѣхъ мѣстехъ прелщаеми человѣцы отъ невидимаго врага діавола суще христіанъ, а обычая держажуся отъ древнихъ прародителей. Еще же и родителемъ тогда идолопоклонникомъ быти, якоже и во всей Руской земли было до крещенія, еже мы прїяхомъ отъ святаго великаго князя Владимира святое крещеніе: во всей Руской земли скверные молбища идолскіе разорены тогда, а въ Чюди, и въ Ижерѣ, и въ Корѣлѣ, и во многихъ Рускихъ мѣстехъ въ преждереченныхъ онѣхъ скверные молбища идолскіе удержажася и до царства великаго князя Василія Ивановича и сына его великаго князя Ивана Васильевича, всеа Русіи самодержцовъ, и до владычества богомолца ихъ пресвященнаго архіепископа Великого Новаграда и Пскова владыки Макарія. Суть же скверные молбища ихъ, лѣсъ и каменіе и рѣки и блата, источники и горы и холми, солнце и мѣсяць и звѣзды, и езера, и проста рещи всей твари поклоняхуся яко Богу, и чтяху и жертву приношаху кровную бѣсомъ, волы и овцы и всякъ скотъ и птицы. Слышахомъ бо, яко Нѣмцы втай дѣти своя закалаху и образы святыхъ иконъ огню предаваху, всячески діаволу угажаючи, и кудесы многи творяху, яко съ бѣсы бесѣдовати имъ, и проста человѣка у себя держажу и почитаху яко священника, егоже нарицаху арбуемъ; сей вся приносяя совершенія, по своей прелести, и дѣтемъ имена нарицаая. И государь князь великій Иванъ Васильевичъ, самодержецъ^б Рускія земли, слышавъ сія, и посла своему бого-

а) За симъ слѣдуютъ повторяющіяся ниже слова: въ тѣхъ мѣстехъ. б) самодержецъ: въ А. самодержцы и далѣе слышавше, послали, повелѣша вмѣсто слышавъ, посла, повелѣ.

молицу со умиленіемъ къ пресвященному архіепископу Макарію, пастырю Христова стада Великого Новаграда и Пскова, и повелѣ ему прелесть ону искоренити и просвѣтити божественнымъ ученіемъ; боголюбивый же архіепископъ Макарій во святѣй Софїи молебны пѣлъ и воду святилъ со веѣмъ священнымъ соборомъ, и съ тою священою водою и своею посылною грамотою послалъ своего священника съ сѣней отъ Рождества Христова, инока Илію, кумирскую прелесть заронити. Онъ же, по благословенію архіепископа Макарія ѣхавъ, обрѣте мѣста и воздавъ молитву всемилостивому Спасу и пречистѣй Богородицы и веѣмъ угодникомъ его, нача искореняти прелести кумирскіе и скверныя молбища, лѣсы сѣчи и огню предавати, каменіе же чѣе въ воду метати, и которые некрещены святымъ крещеніемъ просвѣщати; а состарѣвшіися и посредніи мужи и жены въ той прелести не смѣяше ни единъ на разореніе скверныхъ молбищъ коснуться, понеже молбища оны діаволомъ блюдомы были, аще кто ихъ преже сего касашеся^а, и діаволь ихъ сокрушалъ и смерти предавалъ, тако бо въ нихъ врагъ дѣйствоваше. И егда пришедъ священникъ и священою водою окропивъ и молитву сотворивъ, и они велми страшашеся разоряли молбища своя, и ничѣмъ же неврежени быша; и видѣвше чюдо оно, слово Божіе съ радостію пріяли и ту прелесть свою прокляша, а преже сего пакости дѣяху священнику. О чюдо! малые дѣти ихъ четырехъ лѣтъ и трехъ лѣтъ и нижайша, едва на ногахъ ходити могуще, самозванни притекаху и касяхуся на разореніе скверныхъ онѣхъ молбищъ, и велми побораху по благочестію; а иніи младенцы пророчествоваху, за три дни и за два дни и за день глаголюще: «гости къ намъ будутъ каменіе и лѣсъ жечі», едва глаголати могуще. Се же видѣвше и слышавше священникъ и родителіе ихъ, удившася. И проповѣди ради слова Божія Духъ святыи помогаше Іліи священнику, и обращенія ради ихъ и покаянія многа показа Богъ знаменія и чюдеса, яко слѣпїи мнози прозрѣша, и всякими недуги одержими исцѣленія пріяша, и бѣсы отъ человекъ отгоними бываху, священныя ради воды кропленія, за молитвъ пресвященнаго архіепископа Макарія; и отъ молбищъ онѣхъ скверныхъ бѣси, дни за три и за два и за день до священникова приѣзду, кричаще и вопіюще бѣжали, глаголюще, яко отселѣ прогнани быхомъ, идѣже надѣяхомся вѣвѣки царствовати. И того искорененія^б по волостемъ и по мѣстомъ, шествуя сѣмо и овамо, кто можетъ исчести, преводя отъ темнаго dna адава на истинный свѣтъ богоразумія^в?

а) касашеся» такъ исправлено; въ А. ошлбк. каяшеся. б) искорененія т. е. мольбищъ» такъ кажется должно читать; въ А. искореняя. в) богоразумія» и богоразумію А.

СОФІЙСКАЯ ПЕРВАЯ ЛѢТОПИСЬ.

ГОЛУБКА ПЕРВАЯ ПЕРИОДИКА

Софійская первая Лѣтопись напечатана по слѣдующимъ спискамъ :

1) Тол. П. Рукопись С. Петербургской Публичной Библиотеки, въ листѣ, 267 л., писанная въ двѣ колонны полууставомъ въ концѣ XV, или въ началѣ XVI вѣка. См. Описание ркп графа Толстаго, изд. Калайдовичемъ и Строевымъ въ Москвѣ 1825 г., отд. 1, № 36. Содержитъ въ себѣ Русскую Лѣтопись, начинающуюся Временникомъ Нестора и продолжающуюся до 1418 года. Въ подстрочныхъ выноскахъ она означена лит. Т.

2) Цар. П. Рукопись, принадлежащая почетному гражданину И. Царскому, № 231, въ листѣ, 316 л., полууставная XVI вѣка. См. Описание ркп. Царскаго, составленное Строевымъ, Москва, 1848 г., стр. 195. Эта рукопись, съ дополнительными извѣстіями, напечатанными въ VI томъ сего изданія, продолжается до 1508 года и отмѣчена въ примѣчаніяхъ лит. Ц.

3) Бал. Рукопись, приобретенная покупкою для Археографической Коммиссіи отъ г. Бальзера, въ листѣ, 345 л., писанная, кромѣ прибавочной тетради, въ двѣ колонны полууставомъ въ исходѣ XV вѣка. См. Предисловіе къ Псковской первой Лѣтописи, т. IV, стр. 171. Дополнительные статьи, заключающіяся въ означенной тетради, помѣщены въ VI томъ сего изданія, а разнорѣчія съ прочими списками показаны въ примѣчаніяхъ подъ лит. Б.

4) Кар. IV. Рукопись въ четвертку, 554 л., полууставная, исхода XV или начала XVI вѣка; послѣдніе три листа, писанные Западнорусскою скорописью, принадлежали къ особой тетради, которой окончаніе (подъ 1425 годомъ) оторвано. — Получена отъ Дѣйствительной Статской Совѣтницы Карамзиной, и отмѣчена въ вариантахъ лит. К.

5) Оболя. I. Рукопись въ четвертку, 463 л., писанная полууставнымъ почеркомъ въ XV вѣкѣ (прежде 1481 года). Точная копія предыдущей, содер-

жащая въ себя Софійскую первую Лѣтопись до 1418 года, съ тремя разноручными приписками 1481, 1505 и 1508 годовъ. См. въ примѣчаніяхъ лит. О. — Доставлена въ Археографическую Коммиссію княземъ М. А. Оболенскимъ.

6) Гор. Рукопись, принадлежащая Дѣйствительной Статской Совѣтницѣ Карамзиной, въ листъ, 239 л., писанная скорописью около половины XVIII столѣтія. Списокъ, снятый съ Бальзеровскаго (см. выше), и продолжающій его отъ 1518 по 1524 годъ. Окончаніе его, совокупно съ послѣднимъ, помѣщено въ VI томъ сего изданія. На первомъ блѣомъ листъ рукою исторіографа Карамзина написано: «Горюшкинскій Лѣтописецъ.» См. въ примѣчаніяхъ лит. Г.

7) Вор. Рукопись въ листъ, 460 л., полууставная, исхода XVI вѣка. Въ ней заключаются: а) Слова Максима Грека (безъ начальныхъ листовъ); б) л. 57. Псковская судная грамота (напечат. Мурзакевичемъ въ Одессѣ 1847 г.); в) л. 72. Краткій (изъ новыхъ) Лѣтописецъ о Русскихъ и Литовскихъ князьяхъ, и г) л. 81. Софійская первая Лѣтопись, доведенная до 1486 года. Эта рукопись до того наполнена ошибками и пробѣлами для вписанія неразобранныхъ словъ подлинника, съ котораго она снята, что приготовленіе ея должно приписать книжнику неискусному въ грамотности; она въ рѣдкихъ случаяхъ служила къ объясненію разнорѣчій прочихъ списковъ, и окончаніе ея съ 1423 года, разнящееся съ ними, оставлено безъ употребленія какъ по причинѣ неисправности означенной рукописи, такъ и потому, что всѣ заключающіяся въ ней извѣстія повторяются въ другихъ болѣе исправныхъ Лѣтописяхъ. — Принадлежитъ князю М. С. Воронцову, и отмѣчена въ примѣчаніяхъ лит. В.

Въ Предисловіи къ Полному Собранію Русскихъ Лѣтописей (т. I, стр. V) сказано, что средній текстъ Временника Нестора будетъ помѣщенъ въ пятомъ томъ сего изданія при Софійской Лѣтописи. По накопленіи манускриптовъ, поступавшихъ въ Археографическую Коммиссію послѣ составленія первоначальнаго плана изданія Лѣтописей, и по точнѣйшемъ сличеніи новыхъ списковъ, печатаніе средняго текста Временника Нестора при Софійской Лѣтописи оказалось неудобнымъ. Въ ней находятся пространныя вводныя статьи, которыхъ нѣтъ въ прочихъ спискахъ, содержащихъ въ себя средній текстъ этого Временника; и потому соединеніе съ ними Софійской Лѣтописи породило бы множество варіантовъ и запутало изложеніе посторонними вставками. Въ отвѣра-

ищеніе сего Археографическая Коммиссія положила издать въ пятомъ томъ Полнаго Собранія Лѣтописей Софійскую по спискамъ, въ которыхъ она заключается, съ изложеніемъ Временника Нестора такъ какъ онъ въ нихъ находится, средній же текстъ его напечатать при Воскресенской Лѣтописи. Принявъ сей способъ, Коммиссія измѣнила прежде начертанный планъ изданія Лѣтописей только тѣмъ, что Временникъ Нестора будетъ напечатанъ вмѣсто трехъ четыре раза, по отличію текстове, заключающихся въ Лаврентіевскомъ, Софійскомъ, Воскресенскомъ и Патріаршемъ спискахъ (*), что не только не повредитъ порядку изданія, но еще сдѣлаетъ его правильнѣе и удобнѣе къ употребленію.

Софійская первая Лѣтопись, въ слѣдъ за Временникомъ Нестора, повѣствуетъ по большой части о событіяхъ Новгородскихъ, а съ XIV вѣка изображаетъ дѣянія Московскаго и другихъ Русскихъ княжествъ. Въ ней встрѣчается нѣсколько отдѣльныхъ сочиненій, вполне и въ отрывкахъ. Таковы повѣсть о житіи великаго князя Александра Невскаго, описаніе мученической кончины двухъ Михаиловъ, Черниговскаго и Тверскаго, сказанія о подвигахъ великаго князя Димитрія Донскаго и о взятіи Тахтамышемъ Москвы, и духовное завѣщаніе св. митрополита Кипріяна. Въ Лѣтопись Нестора внесены начало Софійскаго Временника (особой Новгородской Лѣтописи: см. Предисловіе къ III тому, стр. VII), роспись епархій, подлежащихъ Константинопольскому патріаршему престолу, Русская Правда и Судебникъ Греческаго царя Константина. Событія, повѣствуемая въ Софійской первой Лѣтописи, почти все заимствованы изъ извѣстныхъ древнихъ Временниковъ, кромѣ весьма немногихъ, относящихся къ XV столѣтію, въ исходѣ котораго, какъ видно, и жилъ первый составитель этого Сборника, потому что: а) въ находящейся подъ 6395 годомъ Родословной росписи Русскихъ владѣтельныхъ князей послѣднимъ упомянутъ князь Іоаннъ, сынъ великаго князя Іоанна Васильевича (род. 1458, сконч. 1490 года), и б) все списки до начала XV вѣка заключаютъ въ себя одну и ту же Лѣтопись, но съ 1420 года значительно разнятся между собою.

(*) См. Предисловіе къ Полному Собранію Русскихъ Лѣтописей, т. I, стр. IV—V.

Софійская первая Лѣтопись напечатана Академіею Наукъ, подъ заглавіемъ: «Россійская Лѣтопись по списку Софейскому Великаго Новаграда, С. Петербургъ, 1795 г.», съ новѣйшей копіи съ грубыми ошибками (Шлецера *Russ. Annalen*, II, III). Въ 1820 году вновь издана П. М. Строевымъ по Толстовскому списку (см. выше Тол. II), подъ заглавіемъ: «Софійскій Временникъ, или Русская Лѣтопись и содержится въ первомъ томъ сего изданія до стр. 452.

Сорбійская первая Анонисио.

Изъ рукописи С. Петербургской
Публичной Библиотекки, in f. № 36,

Изъ Валозеровой рукописи, in f.
листъ 139 обр.

листъ 1.

КНЯЗЬ ВСКЫАЗ

ман . ѿвѣстїи оурагѣ

По вѣстїи, временныи лѣтѣ
пѣ . ѿкѣдоу роуускаа землѣ
сканаа землѣ, и ктпо вней
первопѣчѣкнаа жипти . и
ѿкѣдоу роуускаа землѣ .
спталаа е сптѣ .

Вѣстѣ хѣ хѣ хѣ
Оурагиса ростн славѣ
сокнѣмтѣ ѿ нѣрѣ вѣ мѣ
ѿно вѣ гора гѣ . и вы
ведоста мѣспн славѣ о
рѣ вѣ вѣноука . стѣ дѣ вѣ
што ѿмоу гора гѣ .

Изъ Карамзинской рукописи, in 4. № 602, листъ 391.

Вѣстѣ . ѿ . ѿ . ѿ . ѿ .

Пресѣпѣ вѣкназѣ афо насенѣ ратѣ вѣлн
кага кназѣ рѣ рѣ дннловнча . посѣ
гѣ савѣ чернѣцн и положншѣ ето
оустѣго спсавнѣ рѣ днчѣ рѣ .

Изъ рукописи, принадлежащей князю Оболенскому, in 4.
листъ 310.

Вѣстѣ . ѿ . ѿ . ѿ .

Пойдошановатарѣ дѣцн . на вѣлн кага кнѣ дн мѣ
трнѣ . александровнча . кѣ перѣтѣ славѣ о
а вѣлн кнѣ кнѣ пѣ ферѣскы и стѣ славѣ стѣ пѣ
рнчн . а вѣлн кнѣ кнѣ дннло александровн .

VI.

СОФІЙСКІЯ ЛѢТОПИСИ.

I. СОФІЙСКАЯ ПЕРВАЯ ЛѢТОПИСЬ.

Тол. I. Шар. II. Бал. Кар. IV. Об. I. Вор. Гор.

ЛѢТОПИСЕЦЪ РУССКІЯ ЗЕМЛЯ^а.

Повѣсти временныхъ лѣтъ, откуда пошла Русская земля, и кто въ ней первое почва княжити, и откуда Русская земля стала есть.

Се начнемъ повѣсть сію. По потопись три сынове Ноеви раздѣлиша себѣ землю, Симъ, Хамъ, Иафеть. И яся вѣстокъ Симови: Персида, Ватрь, даже и до Индикія въ долготу, и въ ширину и до Нирокурія, и якоже рещи отъ вѣстока даже и до полуденья, и Сирія, и Мидія, и Ефратъ рѣка, Вавилонъ, Куродуна, Асиряне, Месопотамія, Аравія старѣйшая, Елимаисъ^б, Индія, Аравія^в силная, Коліи, Комагини, Финикія вся^г. Хамови же яся полуденная часть: Египеть, Еоіопія, прилежащая^д ко Индомъ, и другая же Еоіопія, изъ нея же исходитъ рѣка Еоіопская Чермна, текущи на вѣстокъ, Оива, Лувія прилежащая даже и до Киринія, Мармарія, Сурити, Лувія^е другая, Нумидія, Масурія, Мавританія противу суши Гадирѣ; суши иже къ вѣстокомъ имуть Киликію, Памфилю, Писидію, Мосію, Локаонію^ж, Фругію, Камалию, Ликию, Карію, Лудію, Амасію другую, Троаду, Еолиду^з, Виоунію, старую Фругію;

а) Въ Т. Ц. прибавлено: ἐυλαγιστον (πατρι). б) елимаисъ» маисъ В. в) аравія» пропушено въ В. г) коліи. . . вся» измагини, финіи ошибк. В. д) прилежащая» прилежащія такъ и ниже Т. Ц. е) лувія» люва и Т. Ц. В. ж) лок.» ликіонію В. з) еолиду» солиду такъ во всѣхъ сп.

и острова паки имать : Сардани , Критъ , Кипръ , и рѣку Гіонъ , зовомый Ниль . Афету же яшася полунощныя страны и западныя : Мидія , Алванія , Арменія малая и великая , Кападокія , Феврагони , Галатія , Колехысъ , Вѣспіріи , Меоти , Деверіи , Сармати , Тавріани , Скуоія , Фрацы , Македонія , Далматія , Малоси , Фасолія^а , Локрія , Пеленія яже и Пелопоонисъ наречеса , Аркадія , Ипиронія , Илурикъ^б , Словене , Лухитія , Андриакія и Андрѣанская пучина ; имать же острова : Вретанія , Сицилію , Евію , Родона^в , Хіона , Лѣзовона^г , Кофирона , Закуифа , Кефалинія , Иоакину^д , Керкуру , и часть Асійскія страны , нарицаемую Онію^е , рѣку Тигръ , текущую между Миды и Вавилономъ ; до Понтъскаго моря на полунощныя страны , Дунай , Днѣстръ^ж , и Вѣкакасійскія горы , рекше Угорскія , и оттуду до Днѣпра ; и прочая рѣкы : Десна , Припеть , Двина , Волховъ , Волга , яже идетъ на вѣстокъ въ часть Симова . Въ Афетовѣ части сѣдять : Русь , Чюдъ и вси языци , Меря , Мурома , Вѣсь , Мордва , Заволочьская Чюдъ , Пермь , Печера , Ёмь , Угра , Литва , Зимгола , Корсь , Сѣтгола , Любь ; Ляхове , и Прусь , и Чюдъ присѣдять къ морю Варяжьскому ; по сему морю сѣдять Варязи сѣмо ко вѣстоку до предѣла Симова , по тому же морю къ западу сѣдять до земля Аглянскы и до Волжскы^з . Афетово бо колѣно и то : Варязи , Свеи , Нурмани , Гти , Русь , Агляне , Галичане , Ляхове , Волоси , Римляне , Нѣмци , Корлязи , Венедици , Фрязи^и и прочіи ; ти же присѣдять отъ запада къ полунощю , и сѣсѣдять съ племенемъ Хамовымъ .

Симъ же , Хамъ и Афетъ , раздѣливше землю и жребія метавше не преступати никомуже въ жребій братень , и живяху каждо въ своей части . И бѣ языкъ единъ , и умножившимся чловѣкомъ на земли , и помыслиша столпъ создати до небеси , во дни * Нектана¹ и Фалека ; и собращася на мѣстѣ Сенаръ поли сѣдзати столпъ до небеси и градъ около его Вавилонъ , и создаша столпъ той за 40 лѣтъ , и не свершенъ бысть . И призрѣ Господь видѣти градъ и столпъ , и рече Господь : се родъ единъ и языкъ единъ . И размѣси Богъ языки , и раздѣли на 70 и на два языка , и разсѣя ѿ по всей земли . И по размѣшеніи языкъ , Богъ вѣтромъ веліимъ разруши столпъ ; и есть останокъ его и донынѣ промежу Асура^к и Вавилона , и есть въ высоту саженой 5000 и 400 и 30 и 3 , толка же и въ ширину , въ лѣта многа бысть хранимъ останокъ^л . По разрушеніи же столпа и по раздѣленіи языкъ , пріяша сынове Симова вѣсточныя страны , а Хамови же сынове полуденьныя страны , Афетови же пріяша западъ и полунощныя страны . Отъ сихъ же 70 языкъ и дву^м бысть языкъ Словѣнскъ отъ племени Афетова , нарицаеміи Норици^н , еже суть Словѣне .

По мнозѣхъ же временѣхъ сѣли суть Словѣне по Дунаеви , гдѣ есть нынѣ Угорская земля и Болгарская . И отъ тѣхъ Словѣнъ розидошася по земли и прозвашася имени своими , гдѣ сѣдше на которомъ мѣстѣ : яко пришедше сѣдоша на рѣцѣ именовъ Моравя и прозвашася Моравляне^о , а друзіи нарекошася Чеси ; а си тѣ же Словѣни Хорватѣ Бѣліи , и Сербъ ,

а) фасолія » въ Лавр. фасалія . б) илурикъ » илуриикъ Т. Ц. в) евію , родона » евію съродона *ошибк.* Т. евіюсъ (евіусъ) родона Ц. В. г) лѣзовона » лѣзов(о)мая Т. Ц. В. д) иоак. » аоак. Т. Ц. В. е) асійскія . . . онію » всячьскія страны нарицаемую отъ нихъ *такъ испорчено во всѣхъ сп. ; см. древній текст Нестора въ I томъ , стр. 2.* ж) днѣстръ » днѣпръ *ошибк.* Т. з) и до волжскы » и до воложскыи В. и) вened. фрязи » *пропущено въ В.* і) нектана » нелика *ошибк.* Т. нектана Ц. ектана К. к) асура » асурія Ц. л) останокъ » останокоть Т. Ц. ост. тотъ В. м) 70 языкъ и дву » 70 языку и дву Т. Ц. 70 и двою языку К. н) норици » инородцы В. иворици К. о) и прозвашася моравляне » *пропущено во всѣхъ сп. ; см. древній текст Нестора (т. I, стр. 3).*

* Начинается Кар. IV.

и Хорутане. Волохомъ бо нашедшимъ на Дунайскыя Словѣны, и сѣдшимъ имъ въ нихъ и насилующимъ имъ, Словѣни же пришедше сѣдоша ови на Вислѣ рѣцѣ и прозвашася Ляхове, а отъ тѣхъ Ляховъ прозвашася Поляне, Ляхове друзіи Лутица^а, инии Мазовшане^б, инии Поморяне. Также и тии Словѣне пришедше и сѣдоша по Днѣпру, и нарекошася Поляне, а друзіи Древляне, зане сѣдоша въ лѣсѣхъ; а инии сѣдоша межи^в Припетію и Двиною, и нарекошася Дреговичи; а инии Полочане, рѣчки ради Полоты, яже течеть въ Двину. Словѣни же пришедше съ Дуная сѣдоша около озера Ильмеря^г, и прозвашася своимъ именемъ, и сѣдѣлаша градъ и наркоша Новъгородъ, и посадиша старѣйшину Гостомысла; а друзіи сѣдоша по Деснѣ, и по Семѣ, и по Сулѣ, и наркошася Сѣверѣ. И тако разидеся Словѣньскый языкъ; тѣмъ и грамота прозвася Словѣньска.

Поляномъ же жившимъ по горамъ, и бѣ путь изъ Варягъ въ Греки; изъ Грекъ по Днѣпру, и вверхъ Днѣпра волокъ до Ловоти^д, по Ловоти внити въ Илмерь въ озеро великое, изъ негоже течеть Волховъ и втече въ озеро великое въ Нево^е, и того озера устіе течеть въ море Варяжское, по тому морю внити до Рима, отъ Рима по тому же морю ити ко Царюграду, а отъ Царяграда пріити въ Понтъ море, въ не же течеть Днѣпръ рѣка. Днѣпръ течеть изъ Оковскаго^ж лѣса, и потечеть на полдне; а Двина изъ того же лѣса течеть, и идетъ на полунощіе, и вниде въ море Варяжское; изъ того же лѣса течеть и Волга на вѣстокъ, и втече семюдесять жерель^з въ море Хвалишьское^и. Тѣмже изъ Руси можетъ ити по Волзѣ въ Болгары и въ Хвалисы, и на вѣстокъ дойти въ жребій Симовъ; а по Двинѣ въ Варяги, а изъ Варягъ до Рима, а отъ Рима до племяни Хамова. * А Днѣпръ течеть въ Понтеское море трети жерелы; се же море словеть Русьское, по нему же училъ святой Андрѣй апостоль, братъ Петровъ.

Якоже рѣша, Андрѣю учащю ему въ Синапії, пришедшю же ему въ Корсунь, и увѣдѣ яко близъ есть устіе Днѣпрское, и въсхотѣ поити въ Римъ и вниде во устіе Днѣпрское; и поиде по Днѣпру горѣ, и по приключаяю же пріиде и ста подъ горами при брезѣ. И заутра вѣставъ и рече къ сущимъ ту ученикомъ: «видите ли горы сія? яко на сихъ горахъ восіаеятъ благодать Божія, и будетъ градъ великъ, и церкви многи Богъ въздвигнетъ.» И вшедъ на горы сія, благослови я, и постави крестъ, и помолися къ Богу, и сниде съ горы, идѣже есть и нынѣ Кіевъ, и поиде по Днѣпру горѣ. И пріиде въ Словѣны, идѣже нынѣ Новъгородъ; и видѣ люди сущая, како есть обычай имуть, и како ся мыють и хвощются, и удивися имъ. И иде въ Варягы и пріиде въ Римъ, и исповѣда, елико научи и елико видѣ, и рече имъ: «дивно видѣхъ землю Словѣньску, идуцю ми сѣмо видѣхъ бани древяны, и пережгутъ^и и румяно и идутъ въ ню, изъволкуются^к и будутъ назы, и обліются квасомъ кислымъ, и возмутъ на ся прутіе младое и біются сами^л, и того ся добіють, едва излѣзутъ лѣ^м живи, и обліются водою студеною, и тако оживутъ; и то творять вся дни не мучими никимъже, но сами ся мучать, и то творять омовеніе собѣ, а не мученіе.» И то слышавше^н Римляне удивляхуся; Андрѣви же бывшю въ Римѣ и пріиде въ Синопю.

а) лут. » и лут. Т. б) мазовшане » мазавожане Т. в) межы » собою (себѣ) прибавлено неправильно во всѣхъ сп. г) ильмеря » илмена В. д) ловоти » волоти такъ и ниже ошибк. Ц. В. е) въ нево » въ него ошибк. Т. ж) изъ оковскаго » изъ волоковскаго В. з) сем. жерель » седмюдесять жерелы В. и) хвал. » хвалиньское В. і) и пережгутъ » камень и будетъ прибавлено на полъ въ Ц. к) изъволкуются » и съвлекутся Ц. л) сами » и на камень лютъ воду прибавл. Ц. м) лѣ » поправлено въ Т. елѣ, а въ Ц. али; въ прочихъ сп. елѣ. н) и то слышавше » послушавше В.

* Начинаются Бал. и Гор.

Поляномъ же живущимъ осебѣ и владѣющимъ роды своими, яже^а и до сеѣ братіи бѣаху Поляне, и живяху кождо на своихъ мѣстехъ съ родомъ своимъ. И быша три братія, единому имя Кій, а другому Шокъ, третіему Хоривъ, а сестра ихъ Лыбедь. И живяше Кій на горѣ, гдѣ есть нынѣ увозъ Боричевъ, и бѣ съ родомъ своимъ; а братъ его^б Шекъ живяше на друзій странѣ горы, гдѣ нынѣ зовется Щековица; а Хоривъ на третіей горѣ, отъ негоже прозвася Хоривица. И тако сътвориша себѣ градокъ, во имя брата своего старѣйшаго, якоже и бысть, и нарекоша имя ему градъ Кіевъ. И бяше же около града того лѣсъ и боръ великъ, и бяху ловяще звѣрь; и бяше мужи мудри и смыслени^в, и нарицахуся Поляне, отъ нихъ же суть Поляне въ Кыевѣ и до сего дни. Бяху же тогда погани, жруще озеромъ и колодеземъ и рощеніемъ, якоже и прочіи погани. Иніи же не съвѣдуще глаголють, яко Кій есть перевозникъ былъ; у Кіева бо бяше тогда перевозъ былъ съ оной страны Днѣпра, тѣмъ глаголаху: на перевозъ на Кыевѣ^г. Аще бы Кій перевозникъ былъ, то не бы ходилъ Царюграду; но сей Кій княжаше въ родѣ^д своемъ, и приходившу убо ему ко царю, якоже сказають, яко велику честь прія отъ царя. Идуцю же ему опять, поиде къ Дунаеви, и възлюбилъ мѣсто и срубилъ городокъ малъ, и хотяше сѣсти въ немъ съ родомъ своимъ, и не даша ему ту близъ живущіи; еже и донынѣ нарицають Дунаици городище Кіевецъ. Кіеви же пришедши въ свой градъ Кіевъ, ту и животъ свой сконча; и братія его Шокъ и Хоривъ и сестра ихъ Лыбедь скончася.

И по сихъ родъ ихъ почла владѣти въ Полянехъ княженіемъ; а въ Древланехъ свое, Дреговичи свое^е, а Словѣне свое въ Новѣгородѣ, а другое на Полотѣ, оже суть Полочане. Отъ нихъ же и Кривичи, еже живутъ на верхъ Волгы, и на верхъ Двины и на верхъ Днѣпра, ихъже градъ Смолнескъ; тудѣ^ж живутъ Кривичи, таже Сѣверъ отъ нихъ. А на Бѣлѣозерѣ Весь, а на Ростовскомъ озерѣ Меря, а на Клецинѣ озерѣ Меря же; а по Оцѣ по рѣцѣ, гдѣ потече^з въ Волгу, сѣдитъ Мурома языкъ свой, Мещера свой, Мордва свой языкъ. Се бо въ Руси Словѣньскій языкъ: Поляне, Деревляне, Новгородци, Полочане, Дреговичи, Сѣверъ, Бужане, зане сѣдоша по Бугу, послѣдъ же Волыняне. А се суть иные языци, иже дань дають Руси: Чюдь, Меря, Весь, Мурома, Черемиси, Мордва, Пермь, Печера, Емь, Литва, Зимгола, Корсь, Морава^и, Либи; сии суть языкъ свой имущи, отъ колѣна Афетова, иже суть на странахъ полунощныхъ.

А Словѣньску языку, якоже рекохъ, живущю на Дунаи, и придоша отъ Скуѣ^і, рекше отъ Козаръ, рекоми Болгаре, и сѣдоша по Дунаеви, и быша населници Словѣномъ. Посемъ же придоша Угри Бѣліи, и наслѣдиша землю Словѣньску; сии бо Угри почаша быти при Иракліи цари, иже находиша на Хоздроя царя Персескаго. Въ си же времена быша и Обри, иже находиша на Ираклія^к царя^л и мало его не яша; сии же Обри^м воеваху на Словѣны и премучиша Дулѣбы, сущая Словѣны, и насиліе творяху женамъ Дулѣбскимъ: аще будетъ поѣхати Обрину, и не дадыше въпрячи коня, ни вола, но веляше бо въпрячи 3, или 4, ли 5 женъ^н въ телѣгу и повезти Обрина; и тако мучаху Дулѣбы. Быша бо Обри тѣломъ велици, а умомъ горди, и Богъ потреби я, и помроша вси, не остана ни одинъ Обринъ; и есть притча

а) яже « даждь К. б) его » *итѣ въ Т.* в) смыслени « мыслени(и) такъ вездѣ кромѣ К. г) на перевозъ на киевѣ » перевозъ на киевѣ *такъ въ прочихъ сп. кромѣ К.* д) въ родѣ » въ городѣ Т. е) дреговичи свое « пропущено въ Ц. ж) тудѣ » ту В. з) потече « истече В. и) морава »; *въ Лавр. (т. I, стр. 5) норова.* і) отъ скуѣ » отъ сѣуѣ *вездѣ ошибк. кромѣ К.* к) на ираклія « на хоздроя *ошибк. Ц.* л) царя « персескаго (перьскаго, перескаго) *прибавлено по ошибкѣ во всѣхъ сп.; см. Лавр. т. I, стр. 5.* м) обри « добръ такъ во всѣхъ сп.; см. Лавр. тамже. н) въпрячи . . . женъ » въпрячи коня 3 или 4 и 5 женъ В.

въ Руси и до сего дни: погибоша яко Обри, ихъже нѣсть ни племяни, ни наслѣдника^а. По сихъ же поидоша Печенѣзи; и паки идоша Угри Чернии мимо Кіевъ, послѣже при Олзѣ.

Поляномъ живущимъ *, якоже ркохомъ, сущимъ отъ рода Словѣньска, а Древляне отъ рода Словѣнь же, и нарекошася Деревляне; Радимичи же и Вятичи отъ Ляховъ. Бяста бо два брата въ Лясѣхъ, Радимъ, а другій Вятко; пришедше же сѣдоша, Радимъ на Ресью^б, и прозвашася Радимичи, а Вятко сѣде съ родомъ своимъ на Оцѣ, отъ негоже прозвашася Вятичи и до сего дни. И живяху въ мирѣ Поляне, Древляне, Сѣверъ, Бужане, Радимичи, Вятичи, Ховрати. Дулѣби же живяху по Бугу, гдѣ нынѣ Вольныяне, а Лутичи и Тиверичи присѣяху къ Дунаеву; и бѣ ** множество ихъ сѣяху по Днѣстру полны до моря, и суть гради ихъ и до сего дни. Да то ся зоветь отъ Грекъ Великая Скуоія.

Имяху бо обычаи свои, и законъ отъ отецъ своихъ и преданія, каждо ихъ свой правъ имяху. Поляне бо своихъ отецъ обычаи имуть кротокъ и тихъ и стыдливъ, къ родителемъ и къ племяни велико стыдѣніе, и браченныи обычаи творять. А Древляне живяху звѣринымъ образомъ, живуще скотьскы: убиваху другъ друга и ядаху все нечисто, брака у нихъ не бывааше, умыкааху ^{уводъ} ~~уводъ~~ дѣвицы жены себѣ. А Радимичи, и Вятичи, и Сѣверяне единъ обычаи имуть: живяху въ лѣсѣхъ, якоже и всякій звѣрь, ядуще все нечисто, срамословіе у нихъ предъ родители, и племени не стыдятся; браци не бываху въ нихъ, но игрища межи селы, и схожахуся на игрища и на вся бѣсовская плясанія, и ту умыкааху себѣ жены, съ нею же кто свѣщався; имяхуть же и по двѣ и по три жены. И аще кто умре^в у нихъ, и творяхуть трызну надъ нимъ, и посемъ створять кладу велику, и възложить на кладу мертвеца и сожгутъ е^г, и посемъ собравше кости и вложить въ судину малу, и поставляху на путехъ на столпѣхъ; еже творять Вятичи и до сего дни. Сей же имуть обычаи и Кривичи и прочіи поганіи, не вѣдуще закона Божія, но *** творяще сами себѣ законъ.

Глаголетъ убо Егоргіе^а въ лѣтописаніи: ибо коемуждо языку овѣмъ исписанъ законъ есть, другимъ же обычаи; зане незаконнымъ отечество мнится. А отъ нихъ же первіи^е Сиріи, живуще на конецъ земля, законъ имуть и обычаи отецъ своихъ: не любодѣяти, ни красти, ни оклеветати, ни убити, ни злодѣяти весма. Законъ же и Уктиріанъ, глаголеми Врахмане и Островници, и отъ прадѣдъ наказаніе имуть и благочестіе, мясъ не ядуще, ни вина піюще, ни блуда творяще, страха ради многа, ни злобы творяще никоея же. Ибо друзіи близъ тѣхъ суть Инди^ж инѣмъ закономъ, скверно творяще все, гнѣвливи паче естества; въ нутренѣйшей странѣ ихъ^з бяху челоуѣкы ядуще и странствующихъ убиваху, паче же ядаху аки пси. Инъ же^н законъ Халдѣемъ и Вавилономъ: матери поимати, съ братними чады блудъ творити, и убивати; и всякое безстудное дѣяніе творять. И инъ же законъ Гиліомъ^і? жены у нихъ орють, храмы созижють и вся мужеская дѣла творять, и прелюбы творять^к елико хотять, и невздержими отъ мужъ своихъ воину^л; и суть жены тѣ храбры, ловять звѣрь гораздо, и

а) ни наслѣдника» ни наслѣдокъ К. б) на ресью (ршу)» такъ во всѣхъ сп.; въ Лавр. на съжю. в) умре» умреть Ц. умря(а)ше К. О. г) е» и К. О. д) егоргіе» георгіе Ц. георгіи О. е) первіи» такъ исправлено по Амартолу: см. сего изданія т. I, стр. 241; во всѣхъ сп. перси и (перди и). ж) инди» приписано между строкъ только въ Ц. з) ихъ» см. т. I, стр. 241; во всѣхъ сп. и) инъ же» си же Т. і) гиліомъ» тиліомъ вездѣ ошибкою кромѣ Ц. к) творять» такъ въ Лавр. (т. I, стр. 6); творити еи во всѣхъ сп. л) воину» выну Ц. О.

* Отсюда въ Вор. пропускъ; см. ниже подъ 6420 г.

** Съ сего мѣста начинается Обол. I.

*** Въ Кар. IV далѣе недостаетъ листа.

мужи своими владѣють жены тѣ. А въ Вретани^а же мнози мужи съ единою женою спять, и жены съ единымъ мужемъ похотѣствуютъ, незаконный * законъ отець^б творять независтно, ни въздержанно. Амазоняне же мужа не имуть, но аки скоти безсловесни, но одиною лѣтомъ^в къ вешнимъ днемъ оземьствени будутъ, и съчтаются со окрестными^г мужи; яко нѣкое имъ торжество и велико празднство время то тѣмъ мнать. Отъ нихъ заченше^а въ чревѣ, и паки разбѣгнутея осебѣ^е вси: во время же хотящимъ родити, аще родить мужескъ полъ, то погубить^ж е; аще ли женескъ, то въздоить ю прилѣжно. Якоже и при насъ се^з, Половци^н законъ держать отецъ своихъ, кровипролитія^і, хвалящися о сихъ, ядуще мертвячину и всю нечистоту, хомякы и сусолы; и поимають мачехи и ятрови, и ины злы^к обычая творять отецъ своихъ. Мы же крестіяне, елико земль, иже вѣрують въ святую Троицу, въ едино крещеніе, въ едину вѣру, и законъ имамъ единъ, елико въ Христа крестихомся, въ Христа облекохомся.

По сихъ же лѣтѣхъ и по смерти братія сія, быша обидимы Древляны и иными околными, и наидоша я Козари сѣдящая на горахъ сихъ въ лѣсѣхъ, и рѣша имъ Козари: «дайте намъ дань.» И сдумавше Поляне, и вдаша имъ отъ дыма мечь, и несомша Козари ко князю своему и къ старѣйшинамъ^л своимъ, рѣша имъ: «налѣзохомъ дань нову.» Они же рѣша имъ: «откуда?» Си же рѣша имъ: «въ лѣсѣхъ на горахъ, надъ рѣкою Днѣпрьскою.» Они же рѣша: «что суть дали?» Си же показаша мечь. И рѣша^м старци Козарьстии: «не добра, княже, дань си; мы ся доискахомъ оружіемъ одиною страною остриемъ, рекше саблею, а сихъ оружіе обоюду остро есть, рекше мечь; си бо имуть дань имати на насъ и на иныхъ странахъ.» Се же събысться все; не отъ своя воля рекоша, но отъ Божія повелѣнія събысться се. И бысть якоже преже при Фараонѣ цари Египетьстѣмъ, егда приведоша Моисея предъ царя Фараона, и рѣша Фараону старци Египетскія: о царю! се хочеть смирити область Египетскую. Якоже и бысть; и погибоша Египтяне отъ Моисея. Такоже и си Козари владѣша^н, послѣже самими почаша владѣти; яко и бысть, владѣють бо Козары Русь и до днешняго дне.

Софійскій временникъ, еже нарицается лѣтописаніе Русьскыхъ князь, и како избра Богъ страну нашу на послѣднее время, и гради почаша бывати по мѣстомъ, преже Новгородская волость и потомъ Кіевская, и о статіи Кіева, како воимяновася Кіевъ. Яко древле царь Римъ, прозвася во имя его градъ Римъ, и паки Антиохъ, и бысть Антиохія, и паки Селевкъ, бысть Селевкія, и паки Александръ, бысть Александрія во имя его. И по многа мѣста тако прозвани быша гради ти во имяна царевъ тѣхъ и князь тѣхъ. Яко въ нашей странѣ прозванъ бысть градъ великій Кіевъ во имя Кія, егоже древле нарицають перевозника бывша, иніи же яко и ловы дѣяше около града своего. Великъ бо есть промыслъ Божій, еже яви въ послѣдняя времена! кудаже древле погани жряху бѣсомъ на горахъ, тудаже нынѣ церкви святыя стоятъ златоверхія камено-

а) а въ вретани» а въ вертани *вездѣ ошибкою*; см. сего изданія т. I, стр. 7 и 241. б) отецъ» *пропущено въ Ц. Б. Г.* в) лѣтомъ» *днемъ вездѣ ошибк. кромѣ Ц.* г) со окр.» *во всѣхъ сп. прибавлено* ибо. д) заченше» *заченшимъ О. К.* е) осебѣ» *отъ себе(ѣ) ошибк. во всѣхъ сп. кромѣ О.* ж) погубить» *погубити вездѣ кромѣ К.* з) се» *нынѣ прибавл. О. К.* и) пол.» *а половци такъ вездѣ кромѣ О. К.* і) кровипролитія» *кровь прольяти К.* к) злы» *нѣтъ въ О. К.* л) и къ старѣйшинамъ» *и къ старѣйшимъ вездѣ кромѣ К. О.* м) и рѣша» *и рѣста Т.* н) влад.» *поляны прибавлено на полъ въ Ц.*

* Продолжается Кар. IV.

зданныя, и монастыреве исполнени черноризцевъ, безпрестани славяще Бога въ молитвахъ и въ бдѣнїи, въ постѣ, въ слезахъ, ихже ради молитвъ мїръ стоитъ. Аще бо кто къ святымъ^а прибѣгнетъ церквамъ, тѣмъ велику ползу приметъ души же и тѣлу. Мы же на послѣднее възвратимся.

О началѣ Русьскыя земля и о князѣхъ, како и откуда быша. Васъ молю, стадо Христово, съ любовію, приклоните ушеса ваша разумно: како быша древнїи князи и мужи ихъ, и како отбараняху^б Русьскыя земля, и иныя страны прїимаху подъ ся. Ти бо князи не собираху многа имѣнїя, не творимыхъ вирь^в, ни продажь въскладаху на люди; но оже будяше правая вира^г, и ту возма, даяше дружинѣ на оружїе^д. А дружина его кормляхуся, воюючи иныя страны, біющися: «братїе! потягнемъ по своемъ князи и по Русьской земли.» Не жадаху^е: «мало ми есть, княже, 200 гривенъ;» не кладаху на свои жены златыхъ обручей, но хожаху жены ихъ въ серебрѣ, и расплодили были землю Русьскую. За наше несытьство навелъ Богъ на ны поганыя, а и скоти наши, и села наша, и имѣнїя за тѣми суть; а мы злыхъ своихъ не останемъ. Пишетъ бо ся: богатство неправдою собираемо, скоро извѣтается^ж. И паки: собираетъ, и не вѣсть кому собираетъ^з. И паки: лучше малое праведнику, паче богатства грѣшныхъ многа^и. Да отселѣ, братїя възлюбленая моя, останемся отъ несытьства своего; довольни будите уроки вашими. Яко и Павелъ пишетъ: ему же дань, то дань *, ему же урокъ **, то урокъ^и; никому же насилїя творяще, милостынею цвѣтуще, страннолюбїемъ въ страсѣ Божїи и правовѣрїи свое спасенїе съдѣвающе, да и здѣ добрѣ проживемъ, и тамо вѣчнѣй жизни причастници будемъ. Се же таковая. Мы же отъ начала Русьской земли до сего лѣта и вся по ряду извѣстно да скажемъ, отъ Михаила царя до Александра и Исакїя.

Въ лѣто 6360, индикта въ 15, наченшу Михаилу царьствовати, и начася прозывати Русьская земля: тѣмъ отселѣ почнемъ и числа положимъ. Яко отъ Адама до потопа лѣтъ 2242; а отъ потопа до Аврама лѣтъ 1000 и 82; а отъ Аврама до исхода Моисеова лѣтъ 500 и два; а отъ исхода до Давыда лѣтъ 601; а отъ Давыда и отъ царства Соломона до плѣненїя Иерусалимова лѣтъ 400 и 48; а отъ плѣненїя до Александра царя лѣтъ 318; а отъ Александра царя до Христова Рожества лѣтъ 333; а отъ Рожества Христова до Костянтина царя лѣтъ 318; а отъ Костянтина царя до сего Михаила царя лѣтъ 542. Мы же на преднее възвратимся и скажемъ, что ся удѣя въ лѣта сія.

Въ лѣто 6362. Начало земли Русьской.

Въ лѣто 6366. Михаилъ царь изиде съ вои своими брегомъ и моремъ на Болгарѣ; Болгарове же увѣдѣвше, и не могоша стати противу ему, и просиша креститися, и покоришася Грекомъ. Царь же крести князя ихъ и боляры вся, и миръ сътвори съ Болгары въ 7-е лѣто царства своего.

а) къ святымъ» сы прибавл. Т. О. К. б) отбараняху» отбараху Б. К. Г обараху О. в) вирь» вѣрь такъ и ниже Ц. Б. Г. г) вира» вѣра Т. д) возма . . . на оружїе» взиимае и дружинѣ на оружїе дая О. а ту взим. и дая друж. на оружїе К. е) не жадаху» такъ поправлено по печатной Соф. Лѣт., изд. Академію Наукъ, гдѣ сказано: жадаху; во всѣхъ сп. ж(ь)даху (ждаху). ж) Иова XX, 15. з) Псал. XXXVIII, 7. и) Псал. XXXVI, 16. і) Къ Римл. XIII, 7.

* Отсюда въ Гор. пропускъ; см. продолженїе подъ 6370 г.

** Въ Бал. недостаетъ листа.

859
-66 Въ лѣто 6367. Имаху дань Варязи изъ заморія на Чюди, на Словѣнехъ, на Мери и на всѣхъ Кривичехъ, отъ мужа по бѣлѣ вѣверицѣ. А Козари имаху дань на Полянехъ, и на Сѣверянехъ, и на Вятичехъ, по бѣлѣ векшицѣ отъ дыма.

А се отъ начала князей Русьскихъ начало княженія ихъ скажемъ. Въ лѣто 6370. Вѣсташа Кривичи, и Словѣне, и Чюдь, и Меря на Варягы, и изгнаша я за море и не даша имъ дани, начаша сами себѣ володѣти^а и города ставити; и не бѣ въ нихъ правды, и вѣста родъ на родъ, и бысть межи ими рать велика и усобица, и воевати начаша сами на ся. И рѣша сами къ себѣ: «поищемъ себѣ князя, иже бы володѣлъ нами, и рядилъ ны и судилъ вправду.» При сего Михаила царствѣ, послаша за море къ Варягомъ къ Руси; сиче бо звахуся Варягы Русію, яко се и друзіи зовутся Нурмане^б, Агляне, инии Кте^в; тако и си. Рѣша Чюдь, Словѣне, Кривичи Варягомъ: «вся земля наша добра есть и велика и изобилна всѣмъ, а нарядникъ въ ней нѣсть; пойдѣте къ намъ княжити и владѣти нами.» И избѣрашася отъ Нѣмецъ 3 брата съ роды своими, и пояша съ собою дружину многу; и пришедъ старѣйшій Рюрикъ сѣде въ Новѣгородѣ, а Синеусъ, братъ Рюриковъ, на Бѣлѣозерѣ, а Труворъ въ Изборьскѣ; и начаша воевати всюду. А отъ тѣхъ Варягъ находницѣхъ прозвашася Русь, и отъ тѣхъ * слово^т Русьская земля; и суть Новгородьстїи людіе и до нынѣшняго дни отъ рода Варяжьска, преже бо бѣша Словѣни. По двою же лѣту Синеусъ и братъ его Труворъ умре, и прїя всю власть въ Руси Рюрикъ обою брату, и нача владѣти единъ; и раздая грады мужемъ своимъ, овому далъ Полтескъ, иному Ростовъ, иному Бѣлоозеро и прочимъ. По тѣмъ градомъ суть первїи населници: въ Кіевѣ Варязи, въ Новѣгородѣ Словѣни, въ Полотьскѣ Кривичи, въ Ростовѣ Меря, на Бѣлѣозерѣ Весь, въ Муромѣ Муромы. Тоже тѣми всѣми обладаше Рюрикъ. И бѣста два мужа у него, Асколдъ и Диръ, не племени его, ни боярина, и испросистася та у него ити къ Царюграду съ родомъ своимъ. И пойдоста по Днѣпру, и узрѣста на горѣ градокъ малъ, и въспрошаста^г: «чїй есть градокъ сїй?» И рѣша имъ ту суцїи **: «были суть 3 брата, Кїй, да Щокъ, да Хоривъ, и тѣ же сѣдѣлаша сїй градъ^д, и изгибоша; мы же сѣдимъ платячи дань родомъ ихъ, Козаромъ» Асколдъ же и Диръ сѣдоста въ градѣ томъ, и многи Варяги совкуписта, и начаста владѣти Полянскою землею; и бѣша ратни съ Древляны и съ Угличы. Рюрику же княжащю въ Новѣгородѣ, и роди сынъ, и нарече имя ему Игорьъ. Възрастшю же Игореву, и бысть храборъ и мудръ; и бысть у него воевода, именованъ Олегъ, мужъ мудръ и храборъ.

Въ лѣто 6374. Бысть въ Грецѣхъ царь, именованъ Михаилъ, и мати его Ирина, иже проповѣдаша^е поклоненіе святымъ иконамъ, въ 1-ю недѣлю поста. О семъ бо увѣдѣхомъ^ж, яко при семъ цари приходиша Русь на Царьградъ; и якоже пишется въ лѣтописанїи Гречьстѣмъ, въ 14^з лѣто Михаила царя, приде Асколдъ и Диръ на Греки ко Царюграду. Царю же отшедшю на Агаряны воевати и дошедшю ему Черныя рѣки, вѣсть епархъ посла къ нему,

а) володѣти «володати Т.; *въ прочихъ сп. кромѣ Ц.* владѣти. б) нурмане «армане Т. О. армяне К. в) кте»
сте *ошибк.* К. О. г) и въспрошаста «и въспросиша Т. д) сїй градъ» си гради Т. е) проповѣдаша «
такъ исправлено; *во всѣхъ сп.* проповѣдаеть. ж) увѣд.» увид. *вездѣ кромѣ Б. Г.* з) въ 14. и въ
14 Т. Б. Г.

* Продолжаются Бал. и Гор.

** Въ Кар. IV вмѣсто недостающаго вставленъ одинъ листъ, писанный новѣйшимъ почеркомъ,
до словъ (см. ниже): «съ пѣснями изнесоша съ плачемъ»; выписка сдѣлана изъ печатнаго Кенигсбергскаго
Нестора, изданнаго Академіею Наукъ 1767 г.

яко Русь идетъ на Царьградъ, и воротися царь. Се же внутрь Суду вшедше, много убійство ⁸⁶⁶
крестіаномъ створиша, и оступиша Царьградъ во двою сту корабль. Царь же едва вниде въ ^{—83}
градъ; и съ патриархомъ Фотіемъ приде къ церкви^а святѣй Богородици Влахерну, и всю
нощь молитву створивъ, таже и святую ризу божественую святыя Богородица съ пѣснми
изнесше, съ плачемъ, и омочи въ рѣцѣ^б. Бѣ бо море укротилося и тихо бысть, и абіе вѣста
буря съ вѣтромъ, и волнамъ велимъ засобъ вѣставшимъ, и разби корабля, и смяте безбож-
ныхъ Русь, и къ берегу приверже^в, и изби я; мало ихъ избы отъ таковыя бѣды избѣгнути,
и въсвоися съ побѣженіемъ възвратишася. А Аскольдъ и Диръ вмалѣ придоша^г къ Киеву.

Въ лѣто 6375. Тишина бысть^д.

Въ лѣто 6376. Нача царствовати Василие^е, сынъ Михайловъ^ж, лѣтъ 18 и мѣсяць 11.
При семъ трусъ бысть въ Цариградѣ 40 дній, поченъ на святаго Полуекта.

Въ лѣто 6377. Крещена бысть земля Болгарская.

Въ лѣто 6378. Въ лѣто 6384. Михайлова царства лѣтъ 24, и скончася великій кругъ^з.

Въ лѣто 6387. Умре Рюрикъ, княживъ лѣтъ 17, и предасть княженіе свое Олгови, по-
нежѣ ему отъ рода своего суца, и вла ему сынъ свой на руцѣ Игоря малаго; бѣ бо дѣтескъ
велми. А отъ 1-го лѣта Михайлова до 1-го лѣта Олгова Русьскаго князя лѣтъ 29.

Въ лѣто 6390^и. Поиде Олегъ, поимъ Игоря, изъ Новагорода къ Киеву; и приде къ
Смоленску, и прія градъ, и посади въ немъ мужь свои. И отгуду приде внизъ по Днѣпру
къ горамъ Киевскимъ; и увѣдѣвъ Олегъ, яко Аскольдъ и Диръ княжатъ^и въ Киевѣ, Игорь
же и Олегъ, творящася мимоидуца, потаистася въ лодіяхъ, и съ малою дружиною изидоста
на брегъ. И посла Олегъ ко Асколду и Дирови, глаголя сице: «яко гость есмь Подъугор-
скый, идемъ въ Греки отъ Олга князя и отъ Игоря княжича; да прийдѣте къ намъ къ ро-
домъ своимъ.» Аскольдъ же и Диръ придоста къ нимъ; Олегъ же вземъ Игоря на руцѣ си^к,
и рече ко Асколду и Дирови: «вы нѣста князя, ни роду княжа, но азъ есмь князь, и мнѣ
достоитъ княжити; а се есть сынъ Рюриковъ Игорь княжичъ.» И выскакавшѣ изъ лодей вои
Игоревы, и убиста Асколда и Диру; и несше ихъ на гору, погребоша ихъ, еже нынѣ ся
нарицаеть Угорьское^л, идѣже есть дворъ Ольминъ^м, на той могилѣ поставиша Олма церковь
святаго Николу, а Дирова могила за святою Ириною. И сѣде Олегъ княжа въ Киевѣ, и
рече: «се буди мати всѣмъ градомъ Русьскимъ.» И обладаше всею Русьскою землею; и
бѣша у него мужи Варязи, Словѣни, и оттолѣ прозвашася и прочіи Русью. Си же Олегъ
нача города ставити, и дани устави по всей Русьстѣй земли^н, Словѣномъ, и Кривичемъ, и
Мерямъ дань даяти Варягомъ, съ Новагорода 300 гривенъ на лѣто, мира дѣля; еже и да-
ваше Варягомъ и до смерти Ярославли^о. И многи страны притяжа къ Русьской земли, и дани
выложи на ня.

Въ лѣто 6391. Иде Олегъ на Древляны и на Сѣверы, и възложи дань на нихъ по чернѣ
кунѣ:

а) къ церкви» къ сущей церкви Ц. Б. О. Г. б) въ рѣцѣ» въ морѣ *поправлено въ Ц.* в) приверже»
привержени Ц. Б. Г. г) придоша» *во всѣхъ сп.* приде. д) въ л. 6375 тиш. бысть» *нѣтъ въ Ц.*
е) василіе» *македонянинъ прибавлено на полѣ въ Ц.* ж) сынъ михайловъ» по михайлѣ *поправлено въ К.*
з) въ л. 6384 . . . кругъ»; *индикціонъ XII дѣйствительно окончился 6384 г.; но тогда царствовалъ не*
Михаил III, а Василій Македонянинъ (867—886 г.). и) *Во всѣхъ сп. въ видѣ заглавія: (наста) олгово*
княженіе. і) княжатъ» княжита К. О. к) си» свои Ц. л) угорьское» игорьское *во всѣхъ сп. кромѣ Ц.,*
но и тамъ было игорьское, а потомъ поправлено: см. Лавр. Лѣт. (т. I, стр. 10). м) ольминъ» олгинъ
и ниже олга *подчищено и поправлено въ Г.* н) по всей рус. земли» *въ Ц. слѣдуетъ за словами: и*
города ставити. о) еже. . . ярославли» еже не даютъ *вездѣ кромѣ Ц.*

884
—87
Въ лѣто 6392^а. Въ лѣто 6393^б. Въ лѣто 6394. Въ лѣто 6395. Вкупѣ же и си лѣта собираются. Отъ перваго лѣта Ольгова, поне сѣде въ Кіевѣ на княженіи, до перваго лѣта Игорева лѣтъ 31; и бысть княженія его лѣтъ 33, по Олговѣ смерти; а при Олзѣ бысть, отнюду же приведе ему жену Олегъ отъ Плескова, именовемъ Олгу, лѣтъ 10; и жи Игорь со Олгою 43 лѣта. А отъ перваго лѣта Святославля до перваго лѣта Ярополча лѣтъ 28; а княжилъ Ярополкъ лѣтъ 8, а Володимеръ 37 лѣтъ. А отъ Михаила царя до крещенія Болгарьскыя земли лѣтъ 17. А отъ крещенія до преложенія книгъ лѣтъ 29. А отъ преложенія книгъ до крещенія Русьскыя земли лѣтъ 92; бысть крещена земля въ 9-е лѣто княженія Володимерова. А отъ крещенія Русьской земли до смерти Владимировой, и до убіенія Бориса и Глѣба, и до пренесенія мощемъ ихъ лѣтъ 57; а отъ перваго до втораго пренесенія лѣто; а до взятія Кіевскаго лѣтъ 87. А отъ взятія Кіевскаго до Калковскаго бою лѣтъ 20. А Святполкъ окаянный 3 лѣта княжи, біяся съ братомъ своимъ Ярославомъ. Отъ Ярослава лѣтъ 40; отъ Володимера *Ярославича* лѣта 4.

А Володимера Манамаховы сынове: Мстиславъ, Изяславъ, Святославъ, Ярополкъ, Вячеславъ, Романъ, Юрьи. А Юрьевы дѣти Долгорукого: Ростиславъ, Андрѣй Боголюбскій, Иванъ, Михалко, Василко, Ярославъ, Святославъ, Глѣбъ, Мстиславъ, Борисъ, Всеволодъ^в. Всеволода Юрьевича сынове: Константинъ, Борисъ, Юріе, *Теодоръ*, Ярославъ, *Дмитрей, Гаврило, Василей*, Святославъ, Володимеръ. Юрія Всеволожича сынове: Всеволодъ, Володимеръ, Мстиславъ. Ярослава Всеволожича сынове: Теодоръ, Василей, Александръ, Андрѣй, *Аѳанасій*, Костянтинъ, Михайло, Ярославъ, Данило. А отъ Александра Ярославича сынове: Дмитрей, Андрѣй, Василей, Данило. Данила Александровича сынове Московскаго: Юрьи, Иванъ, Борисъ, *Семень, Андрѣй*, Александръ, Аѳанасій. Ивана Даниловича сынове: Семень, Данило, Иванъ, Андрѣй. Семена Ивановича сынове: Василей, Коньстантинъ, Данило, Михайло, Иванъ, Семень. Ивана Ивановича сынове: Дмитрей, Иванъ. Дмитрія Ивановича сынове: Данило^г, Василей, Юріе, Андрѣй, Петръ^д, Коньстантинъ^е. Василия Дмитреевича сынове: Иванъ, Василей. Василия Василевича сынове: князь Иванъ, князь Юріе, князь Андрѣй, Борисъ, Андрѣй^ж. Ивана Василевича сынъ князь Иванъ^з.

Бывшу уставу царемъ Лвомъ Премудрымъ, како имуть чинъ престолъми митрополіямъ церквамъ, подлежащія патриарху Коньстантинопольскому. Сіе митрополити: 1. Кесаріасъ, 2. Ефесъ, 3. Ираклія, 4. Анкира, 5. Кокозику, 6. Сардисъ, 7. Никомидія, 8. Никея, 9. Халкидонъ, 10. Оиди, 11. Севастія, 12. Амасія, 13. Мелетини, 14. Туана, 15. Гангра, 16. Селунъ, 17. Клавдіуполь, 18. Неокесарія, 19. Писинусъ, 20. Муры, 21. Карія, 22. Лаодикія, 23. *Лаодикія*, 24. Сунада, 25. Иконію, 26. Антиохія,

а) въ л. 6392^а иде олеѣ на сѣверяны, и возложи на нихъ дань легку, и не дастъ имъ козаромъ дань даяти *вынесено на полъ въ Ц.* б) въ л. 6393^б посла олеѣ къ рядимичемъ: кому дань даати? они же рѣша: козаромъ. и рече имъ: дайте мнѣ, и даша олгову (*чит. олгови*) по лещюгу (*чит. по щельюгу*), якоже и казаромъ дааху *прибавлено въ выноскѣ на полъ въ Ц.* в) а володимера... всеволодъ^в; *во встѣхъ сп., кромъ Ц., имена князей изчислены невѣрно*: а володимера ярославича сынове: ярославъ, ростиславъ, андрѣй боголюбскій, михалко, всеволодъ, святославъ, глѣбъ, мстиславъ, борисъ. отъ андрѣя боголюбскаго сынове: изяславъ, мстиславъ, борисъ (*въ нѣкоторыхъ сп. глѣбъ*). г) данило *только въ Ц.* д) петръ^д іоанъ *прибавл. О. К.* е) коньст.^е; *далѣе въ О. К. до конца статьи невѣрно*: а данило. князя вел. василіевы дѣти: юрій, іоанъ третій, князь вел. василей. ж) борисъ, андрѣй *нѣтъ въ Т. К. О.* з) ивана... иванъ^з а великаго князя ивана василевича сынъ князь иванъ ивановичъ Ц. Б. Г.; *далѣе въ Ц. прибавлено: князь вел. василей, юрьи, дмитрей, семень, андрѣй.*

27. Сулеонъ^а, 28. Кинѣъ, 29. Аѣины, 30. Мокисъсѣсъ^б, 31. Селевкія, 32. Калаврія, 33. Патры, 34. Трапезунта, 35. Ларисѣсъ, 36. Наупактъ, 37. Филипуполь, 38. Траинуполь, 39. Родосъ, 40. Филипъпонъ, 41. Андриянуполь, 42. Гераполь, 43. Дурахію, 44. Смерчъна, 45. Катани, 46. Амориѣсъ, 47. Камахсъ^в, 48. Котіано, 49. Святая Севарани^г, 50. Митилини, 51. Новыя Патры, 52. Евхаита, 53. Амастрисъ, 54. Ехоны, 55. Едрусъ, 56. Келесини^д, 57. Колонія, 58. Оивы, 59. Серры, 60. Помпюполь. 61. Росія, 62. Аланія, 63. Еносъ, 64. Тиверіуполь, 65. Ахаія, 66. Нерассусъ^е, 67. Наколія, 68. Германія, 69. Мадута, 70. Амапія^ж, 71. Василионъ, 72. Дристра^з, 73. Назіанъ, 74. Керкиры, 75. Аводусъ, 76. Муѣумна, 77. Христіануполь, 78. Росію^и, 79. Лакедемонія^л, 80. Наксія^к, 81. Наталія, 82. Милитъ, 83. Суливрія, 84. Апръ. Архіепискупи подъ Коньстянтинополемъ: 1. Вузїи, 2. Леонтополи, 3. Маронія, 4. Гермія, 5. Аркадіуполь, 6. Карію^м, 7. Милитъ, 8. Приконисъ, 9. Силиврія^н, 10. Кіюсъ, 11. Апросъ, 12. Киѣла^п, 13. Ники, 14. Неаполи, 15. Сегліи, 16. Херсон, 17. Месини^о, 18. Герела^п, 19. Вриси^р, 20. Деркосъ^с, 21. Каравизїи, 22. Лимносъ^т, 23. Лечкасъ, 24. Мисфія, 25. Екодре^у, 26. Сотиріуполь, 27. Пидахвонъ^ф, 28. Герми, 29. Вѣспоръ, 30. Кодратисъ, 31. Иероніе, 32. Карповѣсъ^х. А се епискупи, елицы суть въ мїрѣ семъ, въ Руси: 1. митрополія Кіевская, 2. Великаго Новагорода архіепискупія, 3. Черниговская епискупія^ц, 4. Переяславская, 5. Бѣлгородская, 6. Володимерская, 7. Галичская, 8. Юріевская, 9. Перемышльская, 10. Лучская, 11. Холмская, 12. Туровская, 13. Ростовская, 14. Полотская, 15. Смоленская, 16. Тферская, 17. Рязанская, 18. Суздальская, 19. Сарьская, 20. Коломенская, 21. Самборская, 22. Пермская.

Въ лѣто 6406. Идоша Угры мимо Кіевъ горою, еже ся зоветь Угорское, и пришедше ко Днѣпру сташа вежами; бѣша бо ходяще яко и Половци. И пришедше отъ востока, и устремшася чрезъ горы великія, иже прозвашася горы Угорскыя, и почаша воевати на живущая ту. Сѣдяху бо ту преже Словѣни, и Волъхове^ч переяша землю Вольнскую; посемъ же Угры прогнаша Волохы, и наслѣдиша землю ту и сѣдоша съ Словѣнми, покоривше я^ш подъ ся: и оттолѣ земля та^ш прозвася Угорская. И начаша воевати Угры на Греки, и полониша землю Фрязескую^ъ и Макидонскую даже^и и до Селуня; и начаша воевати и на Мораву^ь и на Чехы. Бѣ бо единъ языкъ Словенскъ: Словѣни, иже^ѣ сѣдяху по Дунаеви, ихже пріяша Угры, и Морава, и Чеси, и Ляхове, и Поляне, яже нынѣ зовомая Русь. Симъ бо первое положены книги Моравѣ, яже прозвася грамота Словѣнская; тая же грамота есть въ Руси и въ Болгарѣхъ Дунайскихъ^ъ.

а) сул. « селуонъ О. К. б) мок. « мокысьсокъ Ц. в) кам. « каламахсъ О. г) севарани « сѣверани Г. севирани К. О. д) кел. « колесини Т. е) нер. « керассусъ О. К. ж) амапія « амапія Т. О. К. з) дристра « рдиста Т. дриста Ц. Б. Г. и) росію « русію К. О. і) лак. « лакемедонія Т. Б. Ц. Г. к) наксія « ваксія Т. Б. л) карію « каріювъ Ц. Б. Г. м) сил. « силиверія Т. силимбрія О. К. н) киѣ. « кеѣла Т. о) мес. « месени О. К. п) герела « герала К. О. р) вриси « вруси К. О. с) деркосъ « дерсосъ Ц. т) лимносъ « лименосъ Т. у) екодре « еокре К. О. ф) пидахв. « пидазв. *вездь кромь* К. О. х) карповѣсъ « карфопосъ К. *Далѣе во всь сп. внесены (въ К. потомъ захерены) слѣдующія слова: и тако мало пресвященный нашъ господинъ и владыка, митрополитъ кіевскій и всея руси, имрк., и еже о немъ божественный и священный съборъ призываютъ твоя святыни на епискупство богоспасенаго града. ц) епискупія « только въ О. ч) волъхове « волохове Ц. Б. О. ш) покоривше я « покорившееся oшибк. Б. Г. щ) земля та « нтъ въ Б. О. љ) фрязескую « фрязскую Б. Г. фрячскую К. фрачскую О. ы) даже « дажде Т. дажде О. њ) мораву « мареву О. џ) словени иже « только въ Г.; въ прочихъ сп. словени же. ѡ) дунайскихъ « такъ въ Лавр. (т. I, стр. 11); во всьхъ сп. дунайска(я).*

898 Словономъ бо живущимъ крещенымъ, и княземъ^а ихъ, Ростиславъ, и Святополкъ, и Кочель послаша ко царю Михаилу, глаголюще: «земля наша крещена, и нынѣ^б нѣсть у насъ учителя, аже^в бы насъ учили и казали, и протолковали святыя книги; не разумѣемъ бо ни Гречьскому языку, ни Латиньскому: они бо ны инако учать, а друзии инако, тѣмже не разумѣемъ книжнаго разума, ни силы ихъ; да послите ны учителя, иже могутъ ны сказати книжная словеса и разумъ ихъ.» Се же^г слышавъ царь Михайль, съзва философы вся, и сказа имъ рѣчи вся Словоныскихъ князь. И ркоша философы: «есть мужъ въ Селуни, именеъ Левъ, и суть у него сынове разумиви языку Словоныску, и хитра два сына у него философа.» И се слышавъ царь, посла по ня въ Селунь ко Лвови, глаголя: «пошли къ намъ въскорѣ сына своя, Меоедія и Коньстянтина.» Се слышавъ Левъ, въскорѣ посла я, придоста въскорѣ къ цареви, и рече има царь: «се прислалася ко мнѣ Словоныская земля, прося^д учитель собѣ, иже могъ бы истолковати святыя книги; сего бо желаютъ.» И умолена быста царемъ, и послаша я въ Словоныскую землю къ Ростиславу, и Святополку, и Кочелови^е. Сима же пришедшима, начаша съставляти писмена азбуковная Словоныскы, и предложиста Апостолъ и Еуангеліе; и ради быша Словоны, яко слышаша величія Божія своимъ языкомъ; посемъ же предложиста Псалтирь и Октаикъ, и прочая книги. Нѣци же начаша хулити Словоныскыя книги, глаголюще: «яко не достоинъ некоторому же языку имѣти азбуковъ своихъ, развіе Еврей, и Грекъ, и Латины, по Пилатову писанію, еже на крестѣ написа Господни. Се же услыша папезъ Римьскый, и похули тѣхъ, иже рощуть на книги Словоныскыя, ркучи^ж: «да ся исполнить книжное слово, яко да въсхвалятъ языци вси Бога истиннаго; другое же: възглаголють вси языки различными величія Божія, якоже дасть имъ святыи Духъ отвѣщевати; да аще кто хулитъ Словоныскую грамоту, да будутъ отлучени отъ церкви, дондеже исправятся; ти бо суть волци, а не овци, яже достоинъ отъ плода познати я, и хранитися ихъ; вы же, чада Божія, послушайте ученія и не отрините наказанія церковнаго, якоже вы наказалъ Меоедіе учитель вашъ.» Коньстянтинъ же възвратився въспять, иде учити Болгарьска языка, а Меоедіи оста въ Моравѣ.

О предложениі книгъ Гречьскыхъ на Словоныскый языкъ. Посемъ же Кочель^з князь постави Меоедія епискупомъ въ Паніи, на столѣ святого апостола Андроника единого отъ 70, ученика святого апостола Павла. Меоедіи же посади^и два попа писца, и предложи вся книги исполнь отъ Гречьскаго языка въ Словоныскъ языкъ 6-ю мѣсяць, начать отъ марта мѣсяца и до двадесять и 6 день октября мѣсяца; окончавъ же^и, достойную хвалу и славу Богу въздавъ, дающему такуюю благодать епископу Меоедію, настоянику Андроникову. Тѣмже Словоныску языку учитель былъ Андроникъ апостолъ; въ Моравы бо ходилъ апостолъ^к Павелъ, ту бо бѣша Словоны первіе. Тѣмже Словоныску языку учитель есть Павелъ, отъ негоже языка и мы есмы Русь: тѣмже и намъ Руси учитель есть Павелъ апостолъ, понеже училъ есть Словоныскъ языкъ, и поставилъ епископа и намѣстника по себѣ Андроника Словоныску языку. А Словоныскъ языкъ и Русьскый единъ есть, отъ Варягъ бо придоша и прозвашася Русію, а первое бѣша Словоны; аще и Поляне звахуся, но Словоныская рѣчь бѣ^л, Поляне же прозвашася занеже въ полѣ сѣдяху, а языкъ Словоныскъ имъ^м единъ.

а) и княземъ» и князь Т. Ц. Б. Г. б) нынѣ» *нынѣ въ К. О.* в) аже» иже К. О. г) се же» *нынѣ въ К. О.* се Б. Г. д) прося» просяща Б. Г. просяще К. О. е) кочелови» *колчови Т. кочлови Ц. Б.* ж) ркучи» *рка К. О.* з) кочель» *колочъ вездѣ кромѣ Ц.* и) посади» *борзо прибавл. Ц. К. О.* і) окончавъ же» *окончав(ъ)ше Т. Ц. Б. Г.* к) апостолъ» и апостолъ К. О. л) отъ варягъ бо. . . бѣ» *пропущено въ К. О.* м) имъ» бѣ имъ *во всѣхъ сп кромѣ Т.*

Въ лѣто 6410. Леонтъ царь на Угры, иде на Болгары, Угри же нашедше всю землю^а плѣниша^б; Семеонъ же увѣдѣвъ, съ Болгары на Угры възвратися, и Угри противу стаща и побѣдиша Болгары, одва Семеонъ въ Дерестерь убѣжа.

902
907

Въ лѣто 6411. Игореву же възрастъю, но хожаше по Олгѣ и слушааше его; и приведоша ему жену отъ Плескова, именовъ Олгу.

Въ лѣто 6415. Иде Олегъ на Греки, а Игоря остави въ Кіевѣ; поя же Варягъ множество, и Словѣни, и Чюдь^в, и Кривичи, Меря, и Поляны, и Сѣверы, и Деревляны, и Радимичи, Вятичи, и Хорваты^г, Дулѣбы и Тиверици^д, иже суть *Толковины*: си звахуся отъ Грекъ Великая Скуоія. Съ сими всѣми поиде Олегъ на конѣхъ и въ кораблехъ, и бѣ числомъ корабль 2000. И придоша ко Царюграду, и Греци замкоша Судъ^е и градъ затвориша. И изиде Олегъ изъ корабля, и повелѣ корабли совреци^ж на брегъ, и повоева около града, и много убійство створи Грекомъ, и разбиша многы полаты и церкви пожгоша; еже^з имяху плѣнники, овѣхъ посѣкааху, а другія мучаху, иныя же растрѣляаху, а другія въ море вметаху, и ина многа творяху Грекомъ Русь, елико же ратьни творяху. И повелѣ Олегъ воемъ колеса издѣлати и вѣставити корабли на колеса; бывшу покосну вѣтру, въспяша^и парусы, чрезъ поля на колесѣхъ въ кораблехъ и идяху къ граду, по полю, съ силою многою. Видѣвше Греци и убояшася, выслаша ко Олгови изъ града и ркоша: «имемъ ти ся по дань, яко хочещи.» И устави Олегъ вои свои, и вынесоша ему Греци брашно и вино, и не прія его; бѣ бо устроено со отравою. И убояшася Греци и рѣша: «нѣсть се Олегъ, но святы Дмитрей посланъ на ны отъ Бога^и.» И заповѣда Олегъ дань даяти на 2000 кораблѣй, по 12 гривнѣ на человекъ, а въ корабли по 40 мужъ; и яшася Греци по се, и почаша мира просити Греци, дабы не воевалъ Гречьскыя земли. Олегъ же отступаше^к мало^л отъ града, нача миръ творити со царема Гречьскыма, съ Леономъ и со Александромъ, посла къ нимъ въ градъ Карла, Фарлофа^м, Вельмудра, Рулава^н и Стемида, глаголя имъ: «имите ми ся по дань.» И рѣша Греци: «чего хочещи дамы ти.» И заповѣда Олегъ дати воемъ на 2000 корабль, по 12 гривнѣ на ключъ; и потомъ даяти уклады^о на Русьскыя грады, на Кіевъ, таче же и на Черниговъ, и на Переяславль, и на Полтескъ, и на Ростовъ, и на Любечъ и на прочая грады: по тѣмъ бо градомъ сѣдяху князія подъ Олгомъ суще; «да приходяще слобное^п емлють, елико хотяще, а иже^р приидеть гость, да емлетъ мѣсячину на 6 мѣсяць, хлѣбы, и вино, и мясо, и рыбы, и оwoць; да творять имъ елико хотятъ; поидучи же Русь^с домовъ, да емлетъ у царя вашего на путь брашно, и якори, и ужа, и прѣ, елико надобѣ.» И яшася Греци, и рѣста царя и боярство все: «аще приидуть Русь безъ купли, да не емлють мѣсячины; да запретитъ князь людемъ своимъ, приходящимъ здѣ Руси, да не творять пакости въ селѣхъ и въ странѣ нашей; приходящей Русь^т да витають у святаго Мамы, и послеть царство наше, да испишють имена ихъ, и тогда возмутъ мѣсячное свое, первое отъ града Кіева, и паки съ Чернигова, и изъ Переяславля, и прочіи грады; да входятъ въ градъ единѣми враты, со

а) землю « болгарскую прибавл. Б. К. О. б) плѣниша » плѣневааху К. О. в) чюдь » чюди Т. г) хорваты » ховраты Ц. д) тиверици » иверци *ошибк.* О. е) судъ » сьсудъ Т. сосудъ Ц. сьсудъ Б. ссудъ К. О. ж) совреци » изьвреци О. з) еже » а еже Б. а яже К. О. и) въспяша » втяша Б. втягша Г. і) но святы . . . отъ бога » такъ было и въ Ц., но потомъ помарано и вынесено на поль: но богъ посла на ны казнь, грѣхъ ради нашихъ. к) отступаше » отступше Г. л) мало » нѣтъ въ О. м) фарлофа » фалрофа Т. валрофа Б. Г. н) рулава » лурава О. о) уклады » только въ К. О.; въ прочихъ *сп.* углады. п) слобное » слобенное О. р) а иже » аже О. с) русь » руси Б. К. О. Г. т) приходящей русь » приходящей руси и вездь *кромъ* Т.

907 царевымъ мужемъ, безъ оружія, мужъ 50, и творять куплю иже надобѣ имъ, не платячи
 —12 вины ни въ чемъ же.» Царь же Леонъ и Александръ миръ створиста со Олгомъ, имшеся по
 дань, и ротѣ заходиша межи собою, и цѣловавше сами крестъ, а Ольга и мужи его водиша
 на роту; по Русьскому закону кляшася оружіемъ своимъ, и Перуномъ богомъ своимъ^а, и
 Власіемъ скотіимъ богомъ; утвердиша миръ. И рече Олегъ^б: «исшейте парусы поволочиты
 Руси, а Словѣномъ кропинныя», и бысть тако; и повѣси щитъ свой во вратѣхъ града^в, по-
 казая побѣду, и поиде отъ Царяграда. И въспяша прѣ Русь паволочиты^г, а Словѣни кропин-
 ныя, и раздра кропинныя вѣтръ^д; и рѣша Словѣни: «имемся своимъ толстинамъ, не даны
 суть Словѣномъ прѣ^е.» И прииде Олегъ къ Кыеву и ко Игорю, несый золото и паволокы,
 овощъ, и вина, и всяко узорочіе; и прозваша Ольга вѣщій: бяху бо людіе погани и не-
 вѣгласи.

Въ лѣто 6419. Явися звѣзда велика на западѣ, копійнымъ образомъ.

Въ лѣто 6420. Посла Олегъ мужи своя^ж построити мира и положити рядъ межи Греки
 и Русію; и посла глаголя равно другаго свѣщанія, бывшаго при тѣхъ же царихъ Лва и
 Александра.

«Мы отъ рода Русьскаго, Карло, Ингелдъ, Фарлофъ, Вельмудръ, Ролавъ^з, Груды, Руалдъ,
 Карнь, Фделавъ, Рюаръ, Актеву, Труанъ, Лидолфостъ^и, Стемидъ, иже послани отъ Олга
 великаго князя Русьскаго, и отъ всѣхъ, иже суть подъ рукою его свѣтлыхъ бояръ, къ вамъ,
 Львови^і, Александру и Коньстянтину, великымъ о Бозѣ самодержцемъ, царемъ Гречьскимъ,
 на утверженіе и извѣщеніе отъ многихъ лѣтъ межи Крестіяны и Русію бывшую любовь,
 похотѣніемъ нашихъ князь и по велѣнію отъ всѣхъ, иже суть подъ рукою его сущихъ Руси.
 Наша свѣтлость болѣ иныхъ хотящи о Бозѣ удержати и извѣстити такую любовь, бывшую
 между Крестіяны и Русію, многожды правосудихомъ, точію простословесенъ, писаніемъ и
 клятвою твердою, кляшася оружіемъ своимъ такую^к любовь извѣстити, утвердити по^л вѣрѣ
 и по закону нашему. Суть, яко понеже мы ся имали о Божіи мирѣ и о любви, главы тако-
 выя: По первому убо слову да умиримся съ вами Греки, да любимъ другъ друга отъ всея
 душа и изволенія, и не владимъ, елико наше изволеніе быти отъ сущихъ подъ рукою на-
 шихъ князь свѣтлыхъ, никакому же соблазну или винѣ; но потщимся, елико по силѣ, на
 съхраненіе прочихъ и воину лѣтъ съ вами Греки исповѣданую написаніемъ и съ клятвою
 извѣщаему^м любовь непревратну и неподвижиму. Также и вы, Греци, да храните такую же
 любовь ко княземъ свѣтлымъ нашимъ Русьскимъ и ко всѣмъ, иже суть подъ рукою князя
 нашего, несоблазнену и непреложну выну и во вся лѣта. И о главахъ, аже ся случитъ^н про-
 каза, урядимся сиче: да елико явѣ будетъ показаніи явленными, да имѣемъ вѣрное о таѣхъ
 явленіи; а ему же неятіе вѣры начнуть, да егда клянется по своей^о вѣрѣ, будетъ казнъ,
 якоже явится согрѣшеніе о семъ. Аще кто убіетъ Крестіянина Русинъ, или Христіянинъ
 Русина, да умреть, идѣже аще сътворитъ убійство. Аще ли убѣжитъ створивый убійство^п,
 аще есть имовитъ, да часть его, сирѣчь иже его будетъ по закону, да возметъ ближній

а) и перуномъ. . . своимъ» прибавлено на полъ только въ Ц. б) олегеъ» леонъ К. О. в) града» нѣтъ въ К. О.
 г) паволочиты» павочиты *ошибк.* Т. О. д) вѣтръ» надвое вѣтромъ Ц. е) прѣ» въ *Лавр.* прибавлено
 кропинныя (*т. I, стр. 15*). ж) мужи своя» мужъ свои такъ въ прочихъ *сп.* кромъ К. О. з) ролавъ»
 рогавъ К. О. и) лидол.» лидул. К. О. і) львови» такъ въ *Лавр.* (*т. I, стр. 14*); во всѣхъ *сп.* отъ олгови.
 к) такую» и такую *ездъ кромъ* К. О. л) по» *пропущено во всѣхъ сп.* м) извѣщаему» извѣщаніемъ Т.
 (и) извѣщаемъ *въ прочихъ сп. кромъ* К. О. н) случитъ» ключитъ К. О. о) по своей» по всей Ц. п) аще
 и . . . убійство» *нѣтъ въ* К. О.

убіенаго, а иже на убившаго^а да имѣть толицимъ же пребудеть по закону; аще ли есть 912
 неимовитъ сѣтворивый убійство и убѣжавъ, да держится тяжи, дондеже обрящется, яко да
 умереть. Аще ударить мечемъ или бѣть кацѣмъ любо съсудомъ, за то удареніе или бѣненіе да
 вдасть литръ 5 сребра по закону Русьскому; аще ли будетъ неимовитъ тако сѣтворивый, да
 вдасть елико можетъ, да соиметь со себя^б и ты самыя порты, въ нихъже ходитъ, а опроче
 да къ ротѣ ходитъ своею вѣрою, якоже никакоже помощи ему иному, да пребываетъ тяжа
 оттолѣ не взыскаема о семь. Аще украдетъ Русинъ что любо у Крестіанина, или паки Хри-
 стіанинъ у Русина, и ятъ будетъ въ томъ часѣ тать, егда татбу створить, отъ погубившаго
 что любо, аще приготовится, татбу творяй убіень^в будетъ: да не взищется смерть его ни
 отъ Крестіанъ, ни отъ Руси; но паче убо да возьметъ свое, еже будетъ погубилъ. Аще вдасть^г
 въ руцѣ украдый да и^д ятъ будетъ тѣмъ, у негоже украдено^е, и^ж связанъ будетъ, да отдасть
 иже то сѣтворилъ или Русину Христіанинъ, или Христіанину^з Русинъ; и^н мученія образомъ
 искусь творити, насиліемъ^и явѣ возьметъ что любо дружне, да възвратитъ трижды. Аще ввер-
 жена будетъ лодія вѣтромъ на землю чюжу, и обрящется тамо иже отъ насъ Руси, да аще
 стоитъ, снабдѣти лодію съ рухломъ своимъ и отъслати^к на землю Христіаньску, да прово-
 димъ ю сквозѣ всяко страшно мѣсто; аще ли таковая лодія, или^л отъ буря или боренія^м
 земнаго боронима, не можетъ^н възбранитися^о въ своя мѣста, спотружаемся гребцемъ тоя лодія
 мы Русь, да проводимъ и съ куплею ихъ поздраву, аще ключится близь Гречьскыя земли;
 аще ли ключится такоже проказа лодіи Русьской, да проводимъ ю въ Русьскую землю, и да
 продають рухло тоя лодіи, аще что можетъ продати отъ лодіи, и лодія волочимъ имъ^п мы
 Русь, да егда ходимъ въ Грекы, или посломъ ко цареву вашему, или куплею, да пустимъ^р
 съ честію проданое рухло лодіи ихъ; аще ли лучится^с кому отъ тое лодіи кому убіену быти,
 или бѣену быти отъ насъ Руси, или взяту быти чему любо, да повинни будутъ то створшеи
 отъ тое Руси прежереченною опитимією о тѣхъ. Аще плѣнникъ обою страну держимъ есть,
 отъ Руси или отъ Грекъ, преданъ во ину страну^т, ци обрящется Русинъ или Гречинъ, да
 не купятъ и възвратятъ искупное^у лицемъ въ свою страну, и возмутъ цѣну его купящии, или
 мнитися куплю на день^ф челядиная цѣна; такоже аще отъ рати ятъ будетъ, да отъ тѣхъ
 Грекъ такоже да възвратится въ свою землю, и да отдана будетъ цѣна его, якоже речено
 есть, яко есть купля. Егда же будетъ^х на войну поити, егда потребу творите, и си хотя
 почтити царя вашего, своею волею да будутъ. Отъ Руси плѣненіи многажды, отъ коея любо
 страны^ц пришедшимъ въ Русь и продаемымъ въ Христіаны, аще же отъ Христіанъ плѣне-
 ныхъ многажды отъ коея любо страны приходящимъ въ Русь: се продаемы бывають по 20
 злата, приидуть въ Грекы. О томъ аще украденъ будетъ челядинъ Русьскій, или ускочить,
 или по нужи проданъ будетъ, и жаловатися почнуть Русь^ч, тако покажется таковое отъ че-
 лядина, да поимуть ѿ Русь; и гость аще погубитъ челядина и вжалуетъ, да ищеть^ш, обрѣтше

а) на убившаго» не убившаго Ц. б) со себя» собѣ Ц. съ себе Б. съ себе К. О. в) любо аще . . .
 убіень» пропущено въ К. О. г) власть» дастъ К. О. д) и» итъ въ Ц. е) украд.» будетъ украдено К. О.
 ж) и» да Ц. з) христ.» христіану Т. и) и» итъ въ К. О. і) насиліемъ» насиліе К. О. к) отъслати»
 паки прибавл. Ц. Г. л) или» иже Ц. м) боренія» бороненія(я) К. О. н) не можетъ» не възможе К. О.
 о) възбранитися» возвратитися Ц. боронитися К. О. п) волочимъ имъ» такъ исправлено по Лавр.
 (т. I, стр. 15); во всѣхъ сп. волочимымъ. р) да пустимъ» е прибавлено вездѣ кромѣ Т. с) лучится»
 ключится К. О. т) держимъ . . . страну» пропущено въ О. у) искупное» и се купно Ц. ф) на день»
 такъ во всѣхъ сп; въ Лавр. на дань. х) будетъ» требуетъ К. О. ц) страны» пропущено во всѣхъ сп.;
 см. Лавр., т. I, стр. 15. ч) русь» руси такъ и ниже Т. Г. ш) да ищеть» да ищють Б. К. О.

912 поимуть ѱ; аще ли кто искушенія того не дастъ створити, мѣстникъ да погубить правду свою. О работающихъ въ Грецѣхъ Руси у Христіянскаго царя, аще кто умреть не урядивъ своего имѣнія, къ милымъ ближикомъ въ Русь да възвратитъ имѣніе, аще своихъ не имать^а; аще ли створитъ обряженіе, да таковій возметъ уряженое его, кому будетъ писалъ наслѣдити имѣніе, да наслѣдитъ е^б отъ взимающихъ куплю Руси, отъ различныхъ ходящихъ въ Греки и держающихъ. Аще злодѣй възвратится въ Русь, да жалуются Крестіанскому царю, и ятъ будетъ таковы и възвращенъ не хотя въ Русь. Си же вся да творять Русь Грекомъ, идѣже аще ключится таковое. На утверженіе и подвиженіе быти межи^в Христіаны и Русію, бывшей миръ створихомъ Ивановымъ писаніемъ на двою харатію, царя вашего своею рукою, подлежащимъ честнымъ крестомъ и святою единосущною Троицею, единого истиннаго Бога нашего, извѣсти и даси нашимъ словомъ; мы же кляхомся^г царю вашему, иже отъ Бога сущее къ Божію зданію по закону, и по покону языка нашего, не преступити ни намъ ни оному отъ страны нашея, отъ уставленныхъ главъ мира и любви. Таковое написаніе дахомъ царства вашего неударжанное обоему пребывати, таковому свѣщанію, на утверженіе межи нами^д бывшаго мира, мѣсяца септемврія 2, недѣли 15, въ лѣто созданія міра сего 6420.»

Царь Леонъ послы Русьскыя почти дары, златомъ, и паволоками, и фюфудіями; и пристави къ нимъ мужи своя показати имъ церковную красоту, полаты златыя и въ нихъ сущее богатство, злато многое и паволокы и каменіе драгое, еще же и чудеса Бога своего и страсти Господни, вѣнецъ и гвоздіа и хламиду багряную, и мощи святыхъ, учаще къ вѣрѣ своей и показючи имъ истинную вѣру; и тако отпусти я въ свою землю съ честію великою. Посланіи же Олгомъ послы придоша ко Олгови и повѣдаша вся рѣчи обою царю, како створиша миръ, и урядъ положиша межи Греческою землею и Русьскою, и клятвы не преступити ни Грекомъ ни Руси. И живяше Олегъ миръ имѣя ко всемъ странамъ, княжа въ Киевѣ. И приспѣ осень, помяну Олегъ конь свой, иже бѣ поставилъ кормити и не всѣдати на нь. Бѣ бо преди въпрашалъ волхвовъ и кудесникъ: «отъ чего ми умрети?» И рече ему единъ кудесникъ: «княже! у тебе есть конь, егоже ты любиши ѣздити на немъ, то отъ того смерть тобѣ пріяти.» Олегъ же примъ въ умъ, си рече: «николиже всяду на нь, ни вижю его болѣ того;» и повелѣ кормити и не водити его къ нему^е, и пребывъ нѣколіко лѣтъ не дѣя его, дондеже и въ Греки поиде. И пришедшу ему отъ Грекъ къ Киеву, пребывшу ему 4 лѣта, на пятое лѣто помянувъ конь свой, отъ негоже ему бяхуть волсви рекли умрети, и призва старѣйшину конюховъ и рече: «гдѣ есть конь мой, егоже бѣхъ поставилъ кормити, и блюсти его, и не ѣздити на немъ, и не приводити предъ ся?» Онъ же рече: «умерлъ есть.» Олегъ же посмѣявся и укори^ж кудесника, рка: «тотъ неправо глаголють волсви, но все лжа есть; конь умерлъ, а язъ живъ.» И повелѣ осѣдлати си конь: «аъ вижю кости его.» И пріиде на мѣсто, идѣже кости того коня и лобъ голъ; и съѣде съ коня^з, посміяся рекъ: «отъ сего ли лба смерть пріидеть мнѣ?» и вступи ногою на лобъ; и выникнучи змія изо лба, и уклону ѱ въ ногу, съ того разболѣся и умре. И плакахуся людіе вси плачемъ великимъ, и несоша ѱ, и погребоша ѱ на горѣ зовомѣй Щековица; и есть могила

а) да възвратитъ. . . не имать» *приписано на полъ въ Ц., а въ прочихъ сп. пропушено; см. Давр. т. I, стр. 15.* б) наслѣдитъ е» наслѣдити е (ю) *ездѣ кромъ К.* в) межи» *вами прибавл. К. О.* г) кляхомся» *такъ въ Давр.; во всѣхъ сп. кланяхомся.* д) нами» *вами К.* е) къ нему» *къ себѣ К. О.* ж) олегъ же. . . и укори» *олегъ же рече, посмѣявся ѱ укоривъ ездѣ кромъ К. О.*

* Продолжается Вор.

та и до сего дни, словеть могила Олгова. И бысть всѣхъ лѣтъ княженія его 33*. 941

Княженіе Игореве Рюриковича. Въ лѣто 6421. Поча княжити Игорь по Олгѣ. —¹²
Въ се время нача царствовати Коньстантинъ, сынъ Леоновъ, зять Романовъ. И Древлѣны затворишася отъ Игоря по Олговѣ смерти.

Въ лѣто 6422. Иде Игорь на Древлѣны, и побѣди я, и възложи на ня дань болши Олговы. И бѣ у него воевода именемъ Свентелдъ^а, и премучи Углеци^б, и възложи на нихъ дань Игорь и власть Свентелду; и не владышется единъ градъ, именемъ Пересѣченъ, и сѣдѣ около его 3 лѣта, и едва взя ѿ. И бѣша сѣдяще Углици по Днѣпру внизъ; и посемъ приидоша *межи во Днѣстрѣ*^в, и сѣдоша тамо. И дасть же^г и дань Деревскую Свентелду, имаше же по чернѣ кунѣ отъ дыма; и рѣша дружина Игореву: «се даль еси единому мужу много.» Посемъ же скажемъ приключшихся^д лѣтѣхъ сихъ.

Въ лѣто 6423. Приидоша Печенѣзи первое на Русь; створивше миръ со Игоремъ, приидоша къ Дунаю. Въ се же время прииде Семеонъ плѣнныа Оракію^е, Греци же послаша по Печенѣги, Печенѣгомъ же пришедшимъ, хотящимъ на Семеона, и разсваришася Гречьскыя воеводы; видѣвше же Печенѣзи, яко сами на ся рать имуть, отъидоша въсвоеси, а Болгаре съ Греки съступишася, и посѣчени быша Греци. Семеонъ же прія градъ Андріянъ, иже древле Орестовъ градъ нарицашеся, сына Агамемля, иже древле въ трехъ рѣкахъ купася и недуга избы ту, сего ради^ж въ свое имя нарече; послѣже Андріянъ царь обновивы ѿ, въ свое имя нарече Андріянъ, мы же речемъ Андріанемъ градомъ.

Въ лѣто 6428. Поставленъ бысть Романъ царемъ въ Грецѣхъ, Коньстантиномъ царемъ и Николою патриархомъ. Игорь же воеваше на Печенѣги.

Въ лѣто 6429. Игорь пристрой^з вои многи и корабля безчислены.

Въ лѣто 6437. Прииде Семеонъ Болгарьскый на Царьградъ, и поплѣни и Оракію и Макидонію, и прииде ко Царюграду въ силѣ велицѣ гордяся, и створи миръ съ Романомъ царемъ, и възвратися въсвоеси.

Въ лѣто 6442. Первое приидоша Угри на Царьградъ^и и плѣняху^і всю Оракію; Романъ же створи миръ съ Угры.

Въ лѣто 6449^к. Иде Игорь на Греки; и послаша Болгаре вѣсть къ царю, яко идутъ Русь на Царьградъ, людей^л 10 тысящ^м, глаголемы отъ рода Варяжска сущимъ. Иже поидоша и прилуша іюня въ 10, и почаша воевати Виѣвиничьскыя^н страны, и плѣневаху по Понту до Ираклія и до Фафлогоньскыя земли, и всю страну Никомидійскую поплѣнише, много же и веліе зло створиша Русь, преже даиже Гречьскымъ воеводамъ не приспѣвшимъ^о; тогда и Суды вся пожгоша огнемъ. А ихже имше плѣнники, то всихъ растинаху, иныхъ же къ

а) свентелдъ « свентеадъ такъ и ниже Б. В. Г. б) углеци « угличи Б. К. О. в) и посемъ . . . днѣстръ » *сіе мѣсто во всѣхъ сп. испорчено.* г) и дасть же « игорь прибавлено на полъ въ Ц. д) прикл. « по прикл. К. О. е) оракію « вракію *вездѣ кромѣ К. О.* ж) ради « градъ (града) *во всѣхъ сп. кромѣ В.; см. т. I, стр. 18.* з) игорь пристрой « игорь и олець пристройста *такъ во всѣхъ сп. кромѣ Ц., въ которомъ слово и олець зачеркнуто киневарью.* и) на царьградъ « на градъ Т. і) плѣняху « такъ въ К. О.; *въ прочихъ сп. плѣняше (плѣня).* к) Слѣдующая статья заимствована изъ Византійскихъ Хронографовъ: *см. сего изданія т. I, стр. 18 — 19 и 243 — 246.* л) людей « людей *вездѣ кромѣ К. О.* м) 10 тысящ « 3000 К. О. н) виѣвиничьскыя « финичь(е)скыя(а) Т. Ц. Б. К. финичскія О.; *см. т. I, стр. 18 и 243.* о) не присп. « не приспѣвше Т.

* Далѣ слѣдуетъ статья о Аполлоніи Тианскомъ, заимствованная изъ Хронографа Георгія Амартола. См. сего изданія т. I, стр. 16 — 18 и 243 — 244, гдѣ этотъ отрывокъ напечатанъ по исправнѣйшимъ спискамъ.

941 земли присѣбаху, другія же яко стража поставляюще стрѣлами растрѣлаху, елико ратниі
 —44 творяху, и изламаху опако рудѣ связавше, и гвозди желѣзныя посредѣ главы вбиваху имѣ;
 много же святыхъ церквей огневи предаша, монастыреве и села пожгоша, и имѣніе немало
 взяша обою страну. Потомъ же пришедшимъ воемъ отъ вѣстока Панфирь domesticъ съ 40-тъ
 тысящами, Фока же патрекѣй^а съ Макидоны, Θεодоръ стратилать съ Ораки, съ ними же и
 сановницы боляретіи; и обыдоша Русь около. И свѣщаша Русь, изидоша въоружившеса на
 Греки, и брани межи има бѣша злѣ, одва одолѣша Греци^б; Русь же възвратишася къ дру-
 жинѣ своей къ вечеру, на ночь же влѣзоша въ лодія и отбѣгоша. Романъ же посла^в на дро-
 моны, елико бяху въ Коньстантиѣ градѣ, съ Θεофаномъ патрикіемъ на Русь. Θεофанъ же
 лодійныя воя преже урядивъ и уготовивъ, потомъ же и слезами себе утвердивъ, Руси ожи-
 давъ въ лодіяхъ, на ня хотя ити *исъкрестна* глаголемаго Фара, стражница, въ ней же огонь
 влагаемъ на просвѣщеніе въ ноци; се на устіи Понта стражу дѣя, зане ту частое разбой-
 ничьство, на страны нагнанія, ихже изби Иракліи. Ту дожда полку Русьскыхъ лодія, раз-
 руши и, устроеномъ огнемъ пожже; усрѣте бо я въ олядѣхъ со огнемъ, и пуцати нача тру-
 бами огонь на лодіи Русьскыя, и бысть видѣти страшно чюдо. Русь же видяще пламень, вме-
 тахуса въ воду морьскую, хотяще убрести, и мнози погибоша, и тако проклятіи^г възврати-
 шася на побѣгъ въсвоисі. Тѣмъ же пришедшимъ въ землю свою, повѣдаху каждо своимъ о
 бывшемъ и оляднемъ огни: «якоже молнія, рече, иже на небесѣхъ, Греци имуть у себе и
 пуцающе жгутъ насъ; и сего ради не одолѣхомъ имъ.» Игорьъ же пришедъ нача сово-
 купляти воя многи, и посла къ Варягомъ^д за море, вабя я на Греки, и пакы хотя поити на
 Греки.

Въ лѣто 6450. Семеонъ иде на Хорваты^е, и побѣженъ бысть Хорваты^ж и умре, оста-
 вивъ Петра князя Болгаромъ, своего сына^з.

Въ лѣто 6451. Паки придоша Угри на Царьградъ, и миръ створиша съ Романомъ,
 възвратишася въсвоисі.

Въ лѣто 6452. Игорьъ совкупи вой многи, Варягы, Русь, и Поляне, и Словѣны, Кривичи,
 Вятичи, Тиверци, и Печенѣгы ная и тали у нихъ поима; и поиде на Греки въ лодіяхъ и на
 конехъ, хотя мѣстити себе. Се слышавше Корсунци, послаша къ Роману царю, глаголюще:
 «се идуть Русь безъ числа кораблевъ, покрыли суть море корабли.» Также и Болгаре по-
 слаша вѣсть, глаголюще: «идуть Русь, и наили суть по себѣ^и Печенѣгы.» Се слышавъ царь,
 посла ко Игорю лучшая боляре, моля и глаголя: «не ходи, но възми дань, еже ималъ Олегъ,
 и придамъ и еще къ той дани.» Также и къ Печенѣгомъ посла паволоки и злата много.
 Игорьъ же дошелъ Дуная, созва бояры своя, нача думати, и повѣда^и имъ рѣчь цареву. Рѣша
 же бояре Игоревы: «да аще сице глаголетъ царь, то что хоцемъ болѣ того имати не бив-
 шеса, злато, и сребро, и паволокы? егда кто вѣсть кто одолѣеть, мы ли, или они? или съ
 моремъ кто свѣтенъ? се бо не по земли^к ходимъ, но по глубинѣ морьстѣй; но обща смерть

а) патрекѣй и патрекѣй Т. О. и патрикі(ѣ)и Ц. Б. В. б) *Здѣсь въ В. писецъ спутался, и вписалъ
 слѣдующее пропущенное выше мѣсто (стр. 85 — 96 въ семъ томѣ) отъ словъ: якоже ркохомъ, сущимъ
 отъ рода словѣньска до словъ посмѣявса и укори кудесника.* в) посла *пропущено во всѣхъ сп. кромъ К. О.*
 г) проклятіи *такъ въ Т. Ц., но въ послѣднемъ помарано и написано: прочіи: въ прочихъ сп. прокладіи,
 (прокладіи, проклядіи).* д) къ варягомъ *по варягы К. О.* е) хорваты *хорваты О.* ж) и побѣженъ б.
 хорваты *пропущено въ В. Г.* з) *Въ Ц. вынесено на поля другимъ почеркомъ: въ то же лѣто родиса
 святославъ у игоря.* и) по себѣ *себѣ К. О.* і) и повѣда *и повѣдая Т.* к) не по земли *не по морю
 ошибк. О.*

всѣмъ.» И послуша ихъ Игорьъ, и повелѣ Печенѣгомъ воевати Болгарскую землю; а самъ 944
вземъ у Грекъ паволокы и злато, и на вся своя воя, и възвратився вспять, и прииде къ —45
Кыеву въсвоеси.

Въ лѣто 6453. Присла царь Романъ Гречьскы, и Коньстянтинъ, и Стефанъ послы^а ко
Игореви построити мира перваго; Игорь же глагола о мирѣ съ ними. Игорь же посла бояры
своя къ Роману, Романъ же созва бояры своя и сановникы. И придоша послы Русьскыя,
и повелѣша глаголати и писати обоихъ рѣчи на харатию^б, равно другаго свѣщанія, бывшаго
при цари Романѣ и Коньстянтинѣ и Стефанѣ, христоролюбивыхъ владыкъ:

«Мы отъ рода Русьскаго послы, великаго князя Игоря именемъ Иворъ, и гостіе и общіи
послы: Вуефастъ Святославль сынъ Игоревъ, Искусевы Олгы княгини, Слуды^в Игоревъ нетій,
Улѣбъ Володиславль, Каницаръ Передславинъ, Шихъбернъ, Сфандръ^г жены Улѣблѣ^д, Пра-
стѣнъ, Турдуви^е, Либіаръ, Фастовъ^ж, Гримъ, Сфирковъ, Прастѣнъ^з, Акунъ нетій Игоревъ,
Кары, Тудковъ^и, Каршевъ, Турдовъ, Егріевлисковъ^и, Воиствоиковъ^к, Истръ, Аминдовъ^л, Пра-
стѣнъ^м, Берновъ, Ятвягъ, Гунаревъ, Шебридъ, Олданъ, Кокъклековъ^н, Стеггетоновъ, Сфирка,
Алвадъ^о, Гудовъ, Фудьри, Тулдовъ, Мутуръ, Утинъ, купецъ Адунъ^п, Адулобъ^р, Иггивладъ,
Олѣбъ^с, Фрутанъ, Гомоль, Куци, Емигъ^т, Турдибъ^у, Фурьстѣнъ, Вруды^ф, Лоардъ, Гунастръ^х,
Фрастѣнъ^н, Игелдъ^ч, Турбернъ^ш, Моны, Руалдъ, Свѣнъ^ш, Стиръ, Олданъ, Телина, Пупсаръ,
Вузлѣбъ^ь, Исинко, Боричъ, посланіи отъ Игоря великаго князя Русьскаго, и отъ всѣхъ кня-
женій, и отъ всѣхъ людій земля Русьскыя. Отъ тѣхъ заповѣдано обновити ветхый миръ, и
ненавидящаго добра и враждолюбца діавола разорити отъ многихъ лѣтъ, и утвердити лю-
бовь межи Грекы и Русію. И великій князь Игорьъ, и его бояре, и людіе вси Русьстии по-
слаша^м къ Роману, и Костянтину, и Стефану, къ великимъ царемъ Гречьскимъ, створити
любовь съ самими цари, и съ всѣмъ боярьствомъ, и съ всѣми людми Гречьскими на вся
лѣта, дондеже сіяетъ солнце и весь міръ стоитъ. Иже помыслить^ь отъ страны Русьскыя
разрушити такую любовь, елико ихъ крещеніе^ь пріяли суть, да приимуть мечь^з отъ Бога
Вседержителя, осуженіе на погибель въ сій вѣкъ и въ будущій; а елико ихъ некрещено
суть, да не имуть помощи отъ Бога, ни отъ Перуна, да не ущитятся^ю щиты своими, и да
посѣчени^н будутъ мечи своими, и отъ стрѣль и отъ нага оружія своего, и да будутъ раби
и въ си вѣкъ и въ будущій. А великій князь Русьскы и бояре его да посылають въ Грекы
къ великимъ царемъ Гречьскимъ послы и съ гостями, якоже имъ уставлено есть. Носяху
послы печати златы, а гостіе серебряны; нынѣ же увѣдѣлъ есть князь вашъ^о посылати гра-
моту^р ко царству нашему^{аа}. Иже посылаеми бывають отъ нихъ послы и гостіе, да приносятъ

а) послы « посла Ц. Б. Г. б) на хар. « на хоратія Т. на хартію В. в) слуды « слугы(и) Т. Ц. Б. В.
г) сфандръ « сфандры Т. д) улѣблѣ « убѣглѣ Т. Ц. Б. В. е) турдуви « тудруви Ц. ж) либіаръ « фастовъ «
либія рфастовъ Т. Ц. Б. Г. либіа(я) « фастовъ К. О. з) прастѣнъ « перастѣнъ О. и) кары тудковъ «
карѣстудковъ В. і) егріевлисковъ « егріе влисковъ *вездѣ кромѣ* К. О. к) воиствоиковъ « въистъвоиковъ К.
воистовоиковъ О. л) истръ аминдовъ « истроаминдовъ О. м) прастѣнъ « праспѣнъ Т. Ц. Б. Г. н) кокъкл. «
колысл. К. О. колысл. В. Г. о) алвадъ « алдадъ К. О. п) адунъ « атунъ К. О. р) адулобъ « адулбъ Ц. Б. Г.
адулвъ В. с) олѣбъ « олѣтъ Ц. Б. В. Г. т) емигъ « елигъ Ц. у) турдибъ « тебридъ В. ф) вруды «
бруды К. О. х) гун. « гѣн. Т. ц) фрастѣнъ « фарастѣнъ Ц. ч) игелдъ « игердъ В. ш) турбернъ « турбенъ(ь)
во всѣхъ сп. кромѣ К. О. ш) свѣнъ « гунань К. ъ) вузлѣбъ « узлѣбъ В. ы) послаша « ны *прибавл.* К. О.
ь) помыслить « послють *ошибк.* Т. ъ) крещеніе « преценіе *ошибк.* Б. В. Г. э) мечь « и мечь Т.
ю) ущитятся « ущитится (сущитится(на) Т. Б. В. Г. я) посѣч. « посѣщ. Т. Б. В. Г. ъ) вашъ « нашъ
такъ во всѣхъ сп., но должно чит. вашъ : см. т. I, стр. 20. в) грам. « пропушено въ Т. аа) нашему «
вашему *во всѣхъ сп.; см. т. I, стр. 20.*

945 грамоту, пишучи е сиче: яко послахъ корабль сеелико. И отъ тѣхъ увѣмы и мы, оже съ миромъ приходять. Аще ли безъ грамоты приидуть и предани будутъ намъ, да держимъ и хранимъ, дондеже възвѣстимъ князю вашему^а; аще ли руку не дадять^б и противятся, да убіени будутъ, да не^в изыщется смерть ихъ отъ князя вашего; аще ли убѣжавше приидуть въ Русь, и мы напишемъ ко князю вашему, яко имъ любо, тако сътворять. Аще приидуть Русь^г безъ купли, да не взимають^д мѣсячя. И да запретить князь словомъ^е своимъ приходящей Руси здѣ, да не творять въ селѣхъ, ни въ странѣ нашей ничтоже^ж. И приходящимъ имъ^з, да витають у святаго Мамы; да послеть царство наше, да испишуть имена ихъ, и тогда възмутъ мѣсячное свое, первое отъ града Кіева, и отъ Чернигова, и отъ Переяславля. Да входятъ въ градъ единѣми враты съ царевымъ мужемъ безъ оружія мужъ 50, и да творять куплю еже имъ надобѣ, и паки да исходятъ; и мужъ царства нашего да хранить^и я, да аще отъ Руси кто или отъ Грекъ учинить криво, да оправляеть. Входящи же Русь въ градъ, да не имѣють власти купити паволокъ лише по^к 50 златникъ; и отъ тѣхъ паволокъ аще кто купить, да показуеть цареву мужу, и тѣи^л е запечатаеть и дасть имъ. И отъходяще Руси отсюду взимають отъ насъ еже надобѣ брашно на путь, и еже надобѣ лодіямъ, яко уставлено есть первіе, и възвращаются съ спасеніемъ въ страну свою, и да не имѣють власти зимовати у святаго Мамы. Аще ускочить челядинъ отъ Руси, по не же приидоша въ страну^м царства нашего^н, и отъ святаго Мамы, и аще будетъ, да поимуть ѱ; аще ли не обрящется, да на роту идуть наши^о Крестіане Руси по вѣрѣ ихъ, а не^п Христіане по закону своему: ти тогда да взимають отъ насъ цѣну свою; якоже уставлено есть преже, двѣ паволоцѣ за челядина. Аще ли кто отъ людій царства нашего^п, или отъ града нашего, или отъ инѣхъ градъ, ускочить челядинъ нашъ къ вамъ, и принесеть что, да възспятъ ѱ опять; а еже^р что принеслъ будетъ, а все цѣло, и да возметь у него златника два. Аще ли покусятся отъ Руси взяти что отъ людей царства нашего^с, иже то сътворить, покажнень^т будетъ; аще ли взялъ будетъ, да заплатитъ. Аще сътворить то же Грекъ Русину, да приметъ ту же казнь, якоже онъ пріялъ есть. Аще ли ключится Русину украсти отъ Грекъ что, или Гречину отъ Руси, достойно есть възвратити е, неточію едино, но и цѣну его; аще украдено обрящется продаемо, да власть цѣну его, и той^у показнень будетъ по закону Гречьскому и по уставу Русьскому. И елико Христіанъ отъ власти нашея плѣнена^ф приведуть Русь, ту аще будетъ уноша, или дѣвица^х добра, да вдадять златникъ 10 и поимуть ѱ; аще ли средовѣчь, да власть златникъ 8 и поиметь; аще ли будетъ старъ, или дѣтищъ, да власть златникъ 5^ц. Аще ли обрящется Русь работаючи у Грекъ, аще ли суть плѣнници, да искупають по 10 златникъ; аще купилъ будетъ Гречинъ, подъ хрестомъ достоить^ч ему да возметь цѣну свою, елико же далъ будетъ на немъ. А о Корсуньстѣй странѣ, елико же есть градъ на той части, да не имать

а) вашему « нашему *вездѣ* неправильно; см. томъ I, стр. 20. б) не дадять « *воздадять* Ц. Б. В. Г. в) не « *пропущено* въ К. О. г) русь « въ русь *вездѣ* кромѣ Ц. д) да не взим.» да взимаются *ошибк.* К. е) словомъ « *словѣномъ* Т. Б. В. Г.; такъ было и въ Ц., но потомъ *поправлено* словомъ. ж) ничтоже « *зла прибавл.* Ц. з) имъ « *пропущено* въ Т. и) хравить « *хранити* Т. Ц. Б. Г. і) по « *нѣтъ* въ О. к) тѣи « *тѣ* Т. Б. К. Г. тое О. В. л) въ страну « *свою* (отъ) *прибавлено во всѣхъ сп.*; см. т. I, стр. 21. м) нашего « *вашего* К. н) наши « *такъ вездѣ, но кажется должно чит. ваши*». о) не « *пропущено* въ К. п) нашего « *вашего* К. О. р) а еже « *абіе же* Т. с) нашего « *вашего во всѣхъ сп.*; см. т. I, стр. 21. т) покажнень « *пож(ь)нень* Т. Б. Г. *пожжень* В. у) той « *тѣ* Т. то Ц. Б. Г. тѣи да К. той да О. ф) плѣнена « *ту племена такъ во всѣхъ сп.*; см. т. I, стр. 21. х) дѣвица « *вдовица* *ошибк.* Ц. ц) златникъ 5 « *такъ въ Ц. согласно съ Лавр. (т. I, стр. 21); въ прочихъ сп. златникъ 10.* ч) достоить « *постоить* К. О.

власти князь Русьскій^а, да воюеть, да дамы и ему елико ему будеть. И о томъ, аще обря- 945
 шуть Русь кубару Гречьскую вывержену на коемъждо^б мѣстѣ, да не преобидять ея; аще
 ли возьметъ кто что, или челоуѣка преобидить^в, или убіеть, да будеть повиненъ закону Русь-
 скому и Гречьскому. Аще обрящють въ устїѣ Днѣпра Русь Корсуныя рыбы ловячи, да не
 творять имъ зла никаковаго. Да не имѣють власти Русь зимовати въ устїи Днѣпра, Бѣлобе-
 резѣ, ни у святаго Елферія: но егда прїидеть осень, да идуць въ дома своя въ Русь. А о
 сихъ, иже то приходятъ Чернїи Болгарове, и воюють въ странѣ Корсуньстѣй^г, и велимъ^д
 князю Русьскому, да ихъ не пуцаеть пакостить странѣ той^е. И аще ключится проказа нѣкая
 отъ Грекъ, сущихъ подъ властію царства нашего, да не имать власти казнити ѿ, но пове-
 лѣніемъ царства нашего^ж да прїиметь, якоже будеть створилъ. Аще убіеть Крестіанинъ Ру-
 сина, или Русинъ Крестіана^з, да держимъ будеть сѣтворивый убійство отъ ближникъ убіе-
 наго, да убіють ѿ. Аще ли ускочить сѣтворивый убой, и аще будеть имовить, да възмутъ
 имѣніе его ближнїи убіенаго; аще ли есть неимовить ускочить, да ищуть его, дондеже обря-
 щется: аще ли обрящется, да убіенъ будеть. Ци аще ударить мечемъ, или копіемъ, или
 любо кацѣмъ оружіемъ Русинъ Гречина, да того ради грѣха заплатитъ сребра литръ 5^н, по
 закону Русьскому; аще ли есть и неимовить, да како можетъ, въ толико же и проданъ бу-
 деть, да и порты, въ нихъже ходитъ, и то съ него сняти; а прочъ на роту ходитъ по своей
 вѣрѣ, яко не имѣя ничтоже: и тако пущенъ будеть. Аще ли хотѣти начнеть наше царство
 отъ васъ^і вой на противящаяся намъ, да пишють^к къ великому князю вашему, и послеть къ
 намъ, елико хочеть: и оттолѣ увѣдятъ инья страны, каку любовь имѣють Греци съ Русію.
 Мы же свѣщаніемъ все написахомъ на двою хартію, едина харатія есть царства^л нашего, на
 ней же есть крестъ и имена наша написана, а на друзѣй послѣ ваши и гостіе. Отъходяще съ
 посломъ царства нашего, да допроводятъ къ великому князю Русьскому Игореву, и къ лю-
 демъ его; и ти прїимающе^м харатію^н, на роту идуць хранити истинну, якоже мы свѣща-
 хомъ^о и написахомъ харатію сію, на ней же суть имена наша написана. — Мы же, елико
 насъ крестилися есмы, кляхомся церковію святаго Иліи въ сборной церкви, и подлежащимъ
 крестомъ честнымъ, и харатією сею, хранити все, еже есть написано въ ней, и не престу-
 пати отъ него ничтоже. И ли преступитъ се отъ страны нашей, или князь; или инъ кто,
 или крещенъ, или некрещенъ, да не имать помощи отъ Бога, да будеть рабъ въ сїи вѣкъ и
 въ будущїи, и да заколенъ будеть своимъ оружіемъ^п. А на ротѣ некрещенїи^р Русь полагають
 щиты свои, и мечи нагы, и прочее оружіе, и клянутъ о всемъ, яже суть написана на ха-
 ратїи сей, хранити отъ Игоря и отъ всѣхъ людей отъ страны Русьскыя, въ прочая лѣта
 воину^с. Аще ли кто отъ князь или отъ людей Русьскыхъ, или хрестіанинъ, или не хре-
 стіанинъ, да преступитъ клятву сію, и да будеть проклятъ^т отъ Бога и отъ Перуна.»

а) да не имать. . . русьскій» да имуть власть князи русїи К. да не имуть власти кн. русїи О. б) на
 коемъждо» на коемъ любо К. О. в) преобидить» поработить К. О. г) корс.» корсуньстїи Т. Ц. Б. Г.
 д) и велимъ» и великому В. е) пакостить. . . той» см. т. I, стр. 22; во всѣхъ сп. и пакостятъ странѣ
 его. ж) да не имать. . . нашего» пропущено въ О. з) крестіана» хрестіанина Ц. Б. хрестіа(я)нина О. В. Г.
 и) литръ 5» такъ въ Ц. и Лавр. (т. I, стр. 22); въ прочихъ сп. литръ 10. і) отъ васъ» исправлено по
 Лавр.; во всѣхъ сп. отъ насъ. к) да пишють» да пишу вездѣ кромѣ Ц. л) царства» у царства К. О.
 м) прїимающе» прїимше К. О. н) хар.» на харатїи Т. о) свѣщаномъ» сказахомъ Ц. Б. В. Г. п) оружіемъ»
 своимъ опять повторятъ Т р) некрещенїи» см. Лавр. (т. I, стр. 22); въ К. О. вмѣсто а на ротѣ
 некрещенїи написано а накрещенїи, въ прочихъ же сп. сего слова недостаетъ. с) воину» и выну К. О.
 т) проклятъ» пропущено въ В. клятъ въ прочихъ сп. кромѣ Т. Ц.

945 Послании же послы Игоревы приидоша съ послы Гречьскими къ Игорю, и повѣдаша вся рѣчи царя Романа. Игорь же призва послы Гречьскыя: «глаголите, что вы слово цареве?» И рѣша послы царевы: «се посла ны царь, радуется миру, хоцетъ миръ имѣти со княземъ^а съ великимъ Русьскимъ и любовь; и твои послы водили нашихъ царей къ ротѣ^б, и насъ послаша ротѣ водити тебе и мужъ твоихъ.» И обѣщася Игорь се сътворити. И наутрѣ призва Игорь послы, прииде^в на холмъ, гдѣ стоя Перунъ, и покладоша оружія и щиты и злато, и ходи Игорь ротѣ, и людие^г его, и елико поганыхъ Руси^д; а християнскую Русь водиша ротѣ^е въ церкви святаго Ильи, иже есть надъ ручаемъ, конецъ Пасыпча бесѣды и Козары: се бо бѣ сборная церковь, много бо бѣ Варягъ крестіаныхъ^ж. Игорь же утвердивъ миръ съ Греки, отпусти послы ко цареву, со скорою и челядью и воскомъ, и отпусти я; послы же исповѣдаша цареву и Грекомъ вся рѣчи Игоревы, миръ и любовь. Игорь же нача княжити въ Киевѣ, миръ имѣя ко всѣмъ странамъ. И приспѣ осень, и нача слати на Древляны, хотя примыслити болюшую дань. — Въ се же лѣто рекоша бояре^з Игоревы: «отроци Свентелджи изодѣлися суть оружіемъ и порты, а мы нази; поиди, княже, въ дань, а мы съ тобою, да и ты добудеши, господине, и мы.» И послуша ихъ Игорь, и иде въ Дерева въ дань, и примышляше къ первой дани, и насиліе творяше имъ и бояре его; и вземъ дань, поиде въ градъ свой. Идуцю же ему вспять, размысливъ рече къ бояромъ своимъ: «идѣте съ данію въ градъ, а язъ възвращюся опять;» а бояре свои отпусти. И поиде Игорь на Древляны вмаѣ, желая болшаго имѣнія. И слышавше Древляне, яко опять идетъ Игорь, сдумавше со княземъ своимъ Маломъ: «аще въвадитея волкъ во овци, то выносить все стадо, аще не убиють его; тако и сей Игорь^и, аще не убиемъ его, то всѣхъ насъ погубить.» И послаша^і къ нему глаголюще: «почто идеши опять? поималъ еси дань свою.» И не послуша Игорь, и вышедше изъ града изъ Коростѣня Древляне^к, и убиша Игоря и кто бѣ съ нимъ: бѣ бо ихъ мало. И погребенъ бысть Игорь; и есть могила его у Коростѣня^л града въ Деревѣхъ и до сего дне.

Олгино княженіе. Олга же бяше въ Киевѣ съ сыномъ своимъ, съ великимъ княземъ съ Святославомъ; бѣ еще младъ, а дядька у него Асмудъ, и воевода бѣ у него Свентелдъ, тоже отецъ Мьстишинъ. Рѣша же Древляне: «се князя убихомъ Русьскаго; поимемъ княгиню его за свой князь Малъ, и сына его Святослава, и сътворимъ ему якоже хоцемъ.» И послаша Древляне лучшии мужи, числомъ 20, въ лодии къ Олзѣ, и присташа подъ Боричевомъ. Бѣ бо тогда вода текущи подлѣ^м горы Киевскія, и на Подолѣ не сѣдяху людие, но на горѣ; градъ же бѣ Киевъ, идѣже нынѣ дворъ есть Городятинъ и Никифоровъ, и дворъ княжъ бѣше въ городѣ, идѣже есть нынѣ дворъ Воротиславль и Чюдинъ, а перевѣсище бѣ внѣ града, и бѣ внѣ града другій дворъ, идѣже есть дворъ Доместиковъ^н, за святою Богородицею надъ горою дворъ теремный, бѣ^о бо ту теремъ камень. И повѣдаша Олзѣ, яко Древляне приидоша, и возва я Олга къ себѣ: «добрѣ гостіе приидоша;» Древляне же ей ркоша: «приидохомъ, княгини.» И рече имъ^п Олга: «да глаголите, что ради приидосте^р сѣмо?» Древляне же рѣша^с:

а) со княземъ» съ тобою княземъ Ц. б) къ ротѣ» такъ было и въ Ц., потомъ помарано и на поль вынесено къ кресту. в) прииде» исправлено по Лавр. (т. I, стр. 25); во всѣхъ сп (и) приидѣте. г) людие» мужи К. О. д) руси» людей въ руси Ц. е) ротѣ» къ кресту написано по чищеному въ Ц. ж) крестіаныхъ» христіаныхъ (хрестьяныхъ) вездъ кромъ Т. з) бояре» болгаре ошибк. К. и) игоръ» нѣтъ въ К. О. і) и послаша» и посла вездъ кромъ К. О. к) древяне» нѣтъ въ Т. л) у коростѣня» у користеня Т. у скостеля ошибк. В. м) подлѣ» възлѣ К. О. н) домест. демест. Ц. К. О. о) бѣ» и бѣ Т. п) имѣ» има вездъ кромъ К. О. р) приидосте» приидоста Ц. Б. В. Г. с) рѣша» рѣста во всѣхъ сп. кромъ К. О.

«посла ны Деревская земля, а ркучи сиче : мужа твоего убихомъ, бяше бо мужь твой акы волкъ въсхищая и грабя, а наши князи добри суть, иже раздѣлали^а землю Деревскую; да поиди за князь нашъ за Малъ;» бѣ бо ему имя Малъ, князю Деревскому. Рече же имъ^б Олга : «люба ми есть рѣчь ваша, уже мнѣ мужа своего не въскресити; но хошу вы почтити заутра предъ людьми своими, а нынѣ вы идѣте въ лодію свою, и ляжите въ лодіи величающеся, и азъ по вы послю, и вы же рцѣте : не идемъ ни на конѣхъ ни пѣши, но понесѣте въ лодіи;» и възнесутъ вы въ лодіи^в. И отпусти я въ лодію. Олга же повелѣ ископати яму велику и глубоку, на дворѣ теремскомъ, внѣ града. И заутра Олга, сѣдяци въ теремѣ, посла по гости; и придоша глаголюще : «зоветь вы Олга на честь великую.» Они же рѣша : «пѣши не идемъ, ни на конѣхъ, но понесѣте ны въ лодіи.» Ркоша Кіане : «намъ неволя; князь нашъ убіенъ, а княгини наша хоцеть за вашъ князь;» и понесоша ихъ въ лодіи. Они же сѣдяху гордящися въ перегбѣхъ въ великихъ сустугахъ^г; и принесоша ихъ на дворъ ко Олгѣ, и несше^д вринуша ихъ въ яму и съ лодію. Прицикши Олга рече имъ : «добра ли вы честь?» Они же рѣша : «пуще ны Игоревы смерти.» И повелѣ засыпати ихъ живыхъ, и посыпаша я. И посла Олга ко Древланомъ, и рече имъ : «да аще мя вы просите право, то прислѣте сѣмо мужи нарочиты, да въ велицѣ чти поиду за вашего князя, ци да^е не пустять мя людіе Кіевстїи.» Се слышавше Древлане, избраша нарочитыхъ мужь 50, иже держаху Деревскую землю, и послаша по Олгу. Древланомъ же пришедшимъ, повелѣ Олга мовь сѣтворити, ркучи сиче : «измывшися приидѣте ко мнѣ.» Они же сѣтвориша мовь, и влѣзоша Древлане, начаша мытися; и запроша съ ними мовь, и повелѣ зажещи, и ту изгорѣша вси. И посла къ Древланомъ, сиче ркуче : «се уже иду къ вамъ, да пристроите меды многи у града, идѣже убисте мужа моего, да плачюся надъ гробомъ его, и створю тризну князю своему.» Они же то слышавше, свезоша меды многи зѣло, и възвариша^ж. Олга же поимше бояръ мало, легко идуци прииде къ гробу своего князя, и плакася по немъ велимъ плачемъ; и повелѣ Олга надъ своимъ княземъ могилу съсыпати^з велику, и яко ссыпаша, повелѣ тризну творити. Посемъ сѣдоша пити Древлане, и повелѣ Олга отрокомъ своимъ служити предъ ними; и рѣша Древлане ко Олгѣ : «гдѣ суть дружина наша, иже послахомъ по тя?» Она же рече : «идуть по мнѣ съ бояры мужа моего.» Якоже упишася Древлане, повелѣ отрокомъ своимъ пити съ ними, а сама отъиде кромѣ, и повелѣ слугамъ сѣщи Древланы. И посѣкоша ихъ 5000; а Олга възвратися къ Кіеву, и пристрой вои на останокъ ихъ.

Начало княженія Святославля Игоревича. Въ лѣто 6454. Олга съ сыномъ своимъ, съ великимъ княземъ съ Святославомъ, созва вои многи и храбры, иде на Деревскую землю. Изидоша Древлане противу, и снемшися обѣма полкома на съступль, и суну копіемъ Святославъ на Древланы, и копіе летѣ сквозѣ уши коневи, и удари въ ноги коневи, бѣ бо дѣтескъ. И рече Свентелдъ и Асмудъ : «князь уже почаль; потягнемъ по князи.» И побѣгоша Древлане^и, и затворишася въ градѣхъ своихъ. Олга же устремися съ сыномъ своимъ съ Святославомъ на Коростѣнь градъ, «яко тѣ бяху убили князя моего;» и сѣде около града съ сыномъ своимъ, а Древлане затворишася въ градѣ, и бяхуся крѣпко изъ града, вѣдяху бо яко сами убили князя и на что ся предати. И стоя Олга лѣто у града, и не може взяти града, и умысли сиче : посла къ граду глаголюще : «что хоцете досѣдѣти^и ?

а) раздѣлали» раздѣляли Ц. Б. Г. раздѣлиша *ошибк.* В. б) имъ» има *въ прочихъ сп. кромѣ* К. О. в) и възнесутъ вы въ лодіи» *нытъ въ* К. О. г) сустугахъ» сусюгахъ К. О. В. д) несше» несоме Т. е) да» *нытъ въ* К. О. ж) и възвариша» и възваривше *вездѣ кромѣ* К. О. з) съсыпати» съсуги К. и) и побѣгоша древлане» и побѣдиша древланъ К. О. и) досѣдѣти» досѣдѣти Т. досидѣти О.

946 а вси гради^а предашася мнѣ, и ялися по дань, и дѣлають нивы земля своя; а вы хотите
 —55 изомрети гладомъ не имущеся по дань.» Древляне же ркоша: «ради ся быхомъ яли^б по дань, но хощеша ны мщати князя своего.» Рече же имъ Ольга: «яко азъ уже мстила князя своего», когда приидоша къ Киеву, второе и третіе, когда^г творихъ трызны^д князю своему; а уже не хощу мщати, но хощу дань имати по малу, и смирившеся съ вами прочь поиду.» Ркоша же Древляне: «что у насъ, ради даемъ медомъ и скорою.» Она же рече: «нынѣ у васъ нѣсть меду, ни скоры, но мало у васъ прошю: дайте ми отъ двора по три голуби и по 3 воробіи; азъ бо не хощу тяжкы дани възложити на вы, якоже князь мой; сего у васъ прошю мала, вы бо есте изнемогли въ осадѣ.» Древляне же ради быша, собраша по всему граду отъ двора по три голуби и по три воробіи, и послаша ко Ользѣ съ челобитіемъ. Ольга же рече имъ: «се уже ся есте покорили мнѣ и моему сыну, идѣте въ градъ, а язъ заутра отъступлю отъ града и поиду къ своему граду.» Древляне же ради бывше видоша въ градъ, повѣдаша людемъ, и обрадовашася вси людіе въ градѣ. Ольга же раздая по голуби комуждо своимъ, а инымъ по воробію, и повелѣ коемуждо голуби^е и къ воробіеви привязывати сѣру со огнемъ, вѣвиваючи нитію съ платомъ; и повелѣ Ольга, уже смерчеся, пустити голуби и воробіи воемъ своимъ. Голуби же и воробіи полетѣша въ гнѣзда своя, ови въ голубници, воробіи же подъ острѣхы^ж; и тако възгарахуся голубници, ово клѣти, и вежи, и одрины, и не бѣ двора идѣже не горяше, и не бѣ лѣзъ угасити, все загорѣся. И побѣгоша людіе изъ града, и повелѣ Ольга воемъ своимъ имати я; и пожже градъ, и старѣйшія града и прочая люди изымаша, а овѣхъ избиша, а иныя воемъ своимъ работѣ преда^з, а останокъ ихъ на дань остави. И възложи на нихъ дань тяжку, и двѣ части дани идета^н къ Киеву, а третія къ Вышегороду къ Ользѣ; бѣ бо Вышегородъ Ольгинъ. И иде Ольга по Деревской земли съ сыномъ своимъ и съ вой своими, уставляючи уставъ и уроки; и суть становища ея и ловища. И прииде въ градъ свой Киевъ съ своимъ сыномъ, съ великимъ княземъ Святославомъ, и пребывше лѣто едино,

Въ лѣто 6455, иде Ольга къ Новугороду, и устави по Мьстѣ погосты и дани, и по Лузѣ дани и оброки; и ловища ея суть по всей земли, знаменія и мѣсты и погосты, и сани ея стоятъ въ Псковѣ, и по Днѣпру перевѣсища и села и по Деснѣ, есть село Олзино и до сего дни. Изрядивши^и, възвратися къ сыну своему въ Киевъ и пребываше съ нимъ^к въ любви.

^а Въ лѣто 6463. Иде Ольга въ Греки, прииде къ Царюграду. Бѣ тогда царь именовъ Чемьскій Иванъ^м; и прииде къ нему Ольга, видѣвъ ю царь добру сущю лицемъ и смыслену, и удивися царь разуму ея, бесѣдова^н къ ней, и рекъ ей: «подобна еси царствовати въ градѣ семъ съ нами.» Она же разумѣвши рече ко царю: «азъ погана есмь^о, да аще мя хощеша крестити, то крести мя самъ; аще ли не крестиши мя, то не крещюся.» И крести ю царь съ патріархомъ. Просвѣщена же бывши, радовашеся душею и тѣломъ; и поучи ю патріархъ о вѣрѣ, рече ей: «благословена ты въ женахъ Русьскихъ, яко възлюби свѣтъ, а тму остави; благословити тя имуть сынове Русьстїи, въ послѣдній родъ внуку твоихъ.» И заповѣда ей о

а) гради» ваши *прибавл.* К. О. б) ся бых. яли» ся яли быхомъ Ц. Б. В. Г. быхомъ ся яли К. О. в) рече же. . . своего» *пропущено въ* Ц. Б. Г. г) когда» и тогда Т. О. д) трызны» трызну К. О. е) голуби» къ голуби О. К. ж) подъ острѣхы» подъ острѣшины В. з) преда» предаша Т. и) идета» иде Ц. і) изрядивши» изрядивше Т. изрядившися Ц. Б. В. Г. к) съ нимъ» *нѣтъ въ* Т. л) *Предъ симъ во всѣхъ сп. въ видѣ заглавія:* бысть крещеніе олгино въ царѣградѣ (крещеніе олгино отъ царяграда). м) иванъ» іоан(н)ъ К. О. н) бесѣдова» бесѣдовавъ Т. о) есмь» есми Т.

церковномъ чину, и о молитвѣ и о постѣ, и о милостыни и о въздержаніи тѣла чиста; она же поклонивши главу, стояше яко губа напаяема^а, внимаючи ученію; и поклонившися патриарху, глаголющи: «молитвами твоими, владыко, да съхранена буду отъ сѣти непріязнены.» Бѣ бо наречено имя ей въ святѣмъ крещеніи Елена, якоже и древняя царица, мати Константина великаго. И благослови ю патриархъ, и отъпусти ю. И по крещеніи возва ю царь и рече ей: «хощю ты поняти женѣ себѣ.» Она же рече ему^б: «како хощеши мя поняти, крестивъ мя самъ, и нарекъ мя дщерію? а во християнѣхъ того нѣсть закона, а ты самъ вѣси.» И рече ей царь: «преклюкала мя еси, Ольга.» И вда ей многы дары, злато и сребро, и паволокы и съсуды различныя^в, и отъпусти ю, нарекъ дщерію себѣ. Она же хотя^г въсвоися, и прииде къ патриарху, благословенія просящи у него на домъ, и рече ему: «людіе мои погани и сынъ мой, да бы мя Богъ съблюлъ отъ всякого зла.» И рече патриархъ: «чадо мое вѣрное! во Христа крестилася еси и въ Христа облечеса, Христось ты съхранити имать; якоже съхрани Еноха въ первыя дни^д, и потомъ Ноя въ ковчезѣ, Авраама отъ Авимелеха, Лота отъ Содомлянъ, Моисія отъ Фараона, Давыда отъ Саула, тріе отрокоы отъ пещи, Данила отъ звѣрій, тако и ты избавить отъ непріязни, и отъ звѣри^е, и отъ сѣти діволя.» И благослови ю патриархъ, иде съ миромъ въ свою землю, и прииде къ Києву. Се же бысть, яко при Соломонѣ прииде царица Евѳіопская къ Соломону, слышати хотячи премудрость Соломоню, и многу мудрость видѣ и знаменіе: якоже и си блаженная Ольга искааше добръ мудрости Божія, но она человѣчскыя, а сія Божія. Ищющей премудрости обрящють благодать; премудрость на исходищихъ поется, на путѣхъ же дерзновеніе водить, на краихъ же стѣнъ забралныхъ проповѣдается, во вратѣхъ же градныхъ дерзающе глаголетъ; елико бо лѣтъ незлобивіи держатся по правду, не постыдятся^ж. Отъ възраста бо си блаженная Ольга искаше мудрости всего въ свѣтѣ семъ, и налѣзе бисерь многоцѣнный, еже есть Христось. Рече бо Соломонъ: желаніе благовѣрныхъ наслаждаетъ душу^з; и приложи сердце твое въ разумъ^и; азъ любящая мя люблю, и ищющей мене обрящють мя. И Господь рече: приходящая ко мнѣ не иждену вонъ^и. Си же Ольга прииде къ Києву, присла къ ней царь Чемьскій, глаголя: «яко много дарихъ ты; ты бо глаголаше ко мнѣ, яко аще възвращуся въ Русь, многи дары прислю ти, челядь и воскъ и скору, и воя на помощь.» Отвѣщавши Ольга, рече къ нимъ царевымъ посломъ: «аще ты», рци, «такожде, царю, постоиши у мене въ Почайнѣ, якоже и азъ въ Суду^к, тогда ти дамъ;» и отпусти послы рекши. Живяше же Ольга съ сыномъ своимъ Святославомъ, и учаше ѿ мати креститися, и не брежаше того, ни въ уши внимааше; но аще кто хотяше волею креститися, не браняаху, но ругаахуся ему. Невѣрнымъ бо вѣра крестіяньска уродство есть^л; не смыслиша бо, ни разумѣша, во тьмѣ ходять и не вѣдятъ славы Господня, одобелѣша^м бо сердца ихъ, ушима тяжко слышати и очима видѣти. Рече бо Соломонъ: дѣлатели нечестивыхъ далече отъ разума^н; понеже звахъ вы, не послушасте мене, прострохъ словеса и не внимасте, но отметасте моя свѣты, моихъ же обличеній не внимасте; възненавидѣша бо премудрость, отъ страха Господня не изволиша, ни хотяху моихъ внимати словесъ^о, подражаху же моя обличенія^п. Якоже бо Ольга часто

а) напаяема « пропущено въ Т. б) она же рече ему » пропущено въ К. О. в) различныя « различныя(я) К. О. г) хотя » ити приписано между строкъ въ В. д) дни « роды К. О. е) тако и ты . . . и отъ звѣри » пропущено въ В. ж) не постыдятся « вездѣ пропущено. См. Притч. Солом. I, 20 — 22. з) Притч. Солом. XIII, 20. и) Тамже II, 2. і) Иоан. VI, 37. к) въ суду « всюду ошибк. К. О. В. л) 1 къ Коринт. I, 48. м) одобелѣша « одобелѣша Т. н) Притч. Солом. XIII, 20. о) слов. « свѣтъ К. О. п) Притч. Солом. I, 24, 25, 29, 30.

⁹⁵⁵ глаголаше : « азъ, сыну мой, Бога познахъ, радуюся^а; аще ты познаеши, радоватися начнеши. »

—⁶⁸ Онъ же не внимаше того, глаголя : « како азъ хоцю единъ инъ законъ пріяти? а дружина моя смѣяться начнуть. » Она же рече ему : « аще ты крестишися, вси имуть тоже творити. » Онъ же не послуша матери, и творяше нравы поганьскія, не вѣдый, аще кто не послушаетъ матери, въ бѣду впадаетъ; якоже рече : аще кто отца, или матери не послушаетъ, смерть приметъ. Се^б ктому гнѣвашеся на матеръ. Соломонъ бо рече : кажа злыя пріемлетъ себѣ досаженіе, обличай же нечестиваго поречеть себе; обличеніе бо нечестивымъ мозоль есть; не обличай злыхъ, да не възненавидятъ тебе^в. Но обаче любляше Олга Святослава, ркуше : « воля Божія да будетъ; аще Богъ помиловати възхоцетъ роду и^г земли Русьскія, да възложитъ имъ на сердце обратитися къ Богу, якоже и мнѣ Богъ дарова. » И рекши ей, моляшеся за сына и за люди по вся дни и ноци, кормящи сына своего до мужества его и до възраста его.

Въ лѣто 6472. Князю Святославу възрастшу и възмужавшу, нача вои^а совокупляти многи и храбры. Бѣ бо и самъ храборъ^е, и легокъ ходя яко пардуси, войны^ж многи творяше. Ходя^з возъ по себѣ не вожаше, ни котла, ни мяса варя, но потонку изрѣзавъ конину, или звѣрину, или говядину, на углехъ испекъ ядѣше, ни шатра имѣяше, но подкладъ постилаше и въ головы сѣдло^и; такоже и прочіи вои его вся^і бяху. И посылаше къ странамъ глаголя : « хоцю на вы ийти. » И иде на Оку рѣку и Волгу, и налѣзе Вятчи, рече : « кому дань даете? » Они же рѣша : « Козаромъ, по щлягу отъ рала даемъ. »

Въ лѣто 6473. Иде Святославъ на Козары. Слышавше Козари, изидоша противу со княземъ своимъ Каганомъ^к, и съступишася оубо; и одолѣ Святославъ Козаромъ, и градъ ихъ Бѣлувежу^л взя. И Ясы побѣди и Косагы.

Въ лѣто 6474. Побѣди Святославъ Вятчи, и дань на нихъ положи.

Въ лѣто 6475. Иде Святославъ на Дунай на Болгары. И бившимся оубоимъ, одолѣ Святославъ и взя городовъ 80 по Дунаеви; и сѣде княжа ту въ Переяславцѣ, емля дань на Грецѣхъ.

Въ лѣто 6476. Придоша Печенѣзи на Русьскую землю, а Святославъ бѣше^м въ Переяславцѣ; и затворися Олга со внуки своими, Ярополкомъ, Олгомъ и Володимеромъ, въ градѣ Кіевѣ. И оступиша Печенѣзи градъ въ силѣ велицѣ, безчисленное множество около града, и не бѣ лзѣ вылѣзти изъ града и вѣсти послати; изнемогаху людіе голодомъ и водою. И собравшеся людіе оной страны Днѣпра въ лодіяхъ, обѣ оную страну стояху, и не бѣ лзѣ внити въ Кіевъ ни одному ихъ, ни изъ града ко онѣмъ. И вѣстужиша людіе въ градѣ, и рѣша^н : « нѣсть ли кого, иже бы на оную страну шелъ^о, и рещи имъ : аще не приступите утрѣ подъ градъ, предатися имамы Печенѣгомъ? » И рече одинъ отрокъ : « азъ преиду; » и рѣша ему : « иди. » Онъ же изиде изъ града съ уздою, и ристаше сквозѣ Печенѣгы, глаголя : « не видѣлъ ли коня никтоже? » бѣ бо умѣя Печенѣжскій языкъ^п, и мнѣяхуть^р своего. И яко приближися къ рѣцѣ, свергъ порты, сунуся^с въ Днѣпръ и побреде; видѣвше Печенѣзи, устремишася

а) познахъ радуюся» познавъ рад. Ц. познахъ и радуюся К. О. б) се» сей К. О. в) *Притч. Солом. IX, 7. 8.*
 г) и « нѣтъ въ Ц. В. д) вои» и вои Т. е) храборъ» храберъ К. О. ж) бѣ бо. . . войны» *пропущено въ Г.*
 з) творяше ходя» ходяше твора К. О. и) и въ головы сѣдло» и сѣдло въ головахъ К. О. і) вся»
 нѣтъ въ В. вси К. Г. к) каганомъ» коганомъ Ц. къганомъ Б. Г. л) бѣлувежу» бѣлою (бѣлую) вежую
 (вежду) въ *прочихъ сп. кромъ Т.* м) бѣше» нѣтъ въ В. бѣше К. О. н) и рѣша» *только въ Ц.* о) на
 ону. . . шелъ» могъ на ону страну преити К. О. п) печен. языкъ» печенѣж(е)ски К. О. р) мнѣяхуть»
 и *прибавл. К. О.* с) сунуся» кинуся (кунуся) Ц. Б. Г.

на нь стрѣляти^а его, и не сътвориша ему ничтоже. Они же видѣвше со оной страны, при-⁹⁶⁸
 ѣхавъ^б въ лодіи противу ему, и взяша ѿ въ лодію и привезоша ѿ къ дружинѣ; и рече имъ: —⁶⁹
 «аще не приступите утрѣ подѣ градъ, предатися хотять людіе Печенѣгомъ.» Рече же воевода
 имъ, именовъ Претичю: «подступимъ завтра въ лодіяхъ; попадше^в княгиню и княжичи^г умчимъ
 на сю страну; аще ли сего не сътворимъ, погубити ны имать Святославъ.» И бысть завтра,
 сѣдше^д въ лодіяхъ противу свѣту, и вѣструбиша вельми трубами, и людіе въ градѣ кликоша^е;
 Печенѣзи мняще князя пришедша, побѣжаша разнѣ отъ града; изиде Ольга со внуки своими
 и съ людми къ лодіямъ. Видѣвши же се князь Печенѣжскій, вѣзвратися единъ къ воеводѣ
 Претичю и рече: «кто се прииде?» И рече ему: «людіе оной страны.» И рече ему князь
 Печенѣжскій: «а ты князь ли еси?» И рече ему: «азъ есмь мужъ его, и пришелъ есмь
 въ сторожѣхъ, и по мнѣ идуть вои мнози со княземъ, безчисленное множество;» се же рече
 грозя имъ. Рече же князь Печенѣжскій къ Претичю: «буди ми другъ.» Онъ же рече: «такѣ
 сътворю.» И подаста руку межи собою, и дасть Печенѣжскій князь Претичю конь, саблю,
 стрѣлы; онъ же дасть ему брони, щитъ, мечъ. И отъступиша Печенѣзи отъ града, и не бѣ
 лѣзъ коня напоити на Лыбеди Печенѣгы^ж. И послаша Кіяне ко Святославу, глаголюще: «ты
 княже, чюжіе^з земли ищещи и блюдеши, а своя си охавивъ, мало бо насъ не взяша Пече-
 нѣзи, и матеръ^и твою и дѣтей твоихъ; аще не поидеши и не обраниши^и, да паки ны воз-
 муть, аще ти не жалъ отчины своя, ни матере суци стары, ни дѣтей твоихъ?» И то слы-
 шавъ Святославъ, вборзѣ сѣде на коня^к съ боляры своими, и прииде къ Кіеву, и цѣлова
 матеръ свою и дѣти своя, и сжалиси^л о бывшемъ отъ Печенѣгы; и собра воя, прогна Пече-
 нѣгы въ поле, и бысть миръ.

Въ лѣто 6477. Рече Святославъ къ матери своей и къ боляромъ своимъ: «не любо ми
 есть въ Кіевѣ быти, хоцю жити въ Переяславцѣ на Дунаи, яко то есть среди^м земля моя,
 яко ту вся благая моя сходятся: отъ Грекъ паволокы, и злато, и вина, и оwoшь, изо Угръ
 сребро и кони, изъ Руси скоро, и медъ, и воскъ, и челядь.» И рече Ольга: «видиши мя больну
 суцю, гдѣ хоцещи отъ мене ити?» бѣ бо разболѣлася уже; рече же ему: «погребъ мя, иди
 аможе хоцещи.» И по трехъ днехъ умре Ольга, и плакася по ней сынъ ея и внуци ея, и
 людіе вси плакахуся велми; несоша ю и погребоша на мѣстѣ^н, идѣже бѣ заповѣдала Ольга,
 и не створити^о тризна надъ собою, бѣ бо прозвитера имущи втайнѣ, сей похорони блажен-
 ную Ольгу. Си бысть предтекущія христіянствѣи земли яко деньница предъ солнцемъ теку-
 щія, яко заря предъ свѣтомъ, си бо сіяше яко луна въ ноци, тако и сія въ невѣрныхъ чело-
 вѣцѣхъ свѣтяшеся яко бисеръ въ калѣ; кални бо бѣша, грѣси^п неомовени крещеніемъ свя-
 тымъ. Сія бо омыся купелію святою, и совлечеса грѣховныя одежа ветхаго челоувѣка Адама,
 и въ новыи Адамъ облечеса, еже есть Христосъ. Мы же рцемъ къ ней: радуйся, Русьское
 познаніе къ Богу; начатокъ примиренію^р быхомъ. Си первое вниде отъ Руси въ царство

а) стрѣляти « стрѣляюще *вездѣ кромѣ* Т. б) приѣхавъ « приѣха *вездѣ кромѣ* О. В. в) попадше « *такъ было*
 и въ Ц., *потомъ поправлено* подшедше. г) княжичи « княжну Т. княжичю Ц. княчи *вм.* княжичи Б. Г.
 княжици К. О. д) сѣдше « *пропущено въ* В. всѣдше Ц. сѣде (всѣде) Т. Б. Г. е) кликоша « *кликнуша* Ц.
 ж) на лыбеди печенѣгы « и на лыбеди печенѣгы (печенѣгы) Б. В. Г.; *такъ было и въ* Ц.,
потомъ переименовано и оступиша на лыбеди печенѣгы. з) чюжіе « чюжіи Т. и) матеръ « матери
 (матере) Т. Б. Г. і) обраниши « оборониши (и) Ц. К. О. В. к) на коня « на кони К. О. л) и сжалиси «
 и сжалися Ц. Г. м) среди « средѣ Ц. В. н) на мѣстѣ « *и нѣмъ прибавлено между строкъ въ* Ц. о) и не
 створ. « не творити К. О. п) грѣси « грѣх(ь)ми К. О. грѣхи В. р) примиренію « примиреніе Т.
 примиреніемъ « *неправильно во всѣхъ сп.*

969 небесное, сію бо хвалять Русьстїи сынове, яко началницю: ибо и по смерти за Русь Бога
 —71 моляше. Праведныхъ бо душа не умирають; якоже рече Соломонъ: похваляему праведному
 възвеселятся людїе^а, бесмертіе бо есть память его, яко отъ Бога познавается и отъ чело-
 вѣкъ. Се бо вси челоуѣци прославляють, видяще лежацю въ тѣлѣ за много лѣтъ; рече бо
 Пророкъ: прославляющаго мя прославию. О сяковыхъ бо и Давыдъ глаголетъ: въ память
 вѣчную будетъ праведникъ^б, отъ слуха зла не убоится; готово сердце его уповати на Господа,
 утвердися сердце его^в и не подвижется^г. Соломонъ бо рече: праведници вѣвѣки живутъ, отъ
 Господа мзда имъ и строеніе отъ Вышняго; сего ради прїимуть царствїе красотѣ и вѣнецъ
 добротѣ отъ руки Господня, яко десницею покрыеть я и мышцею защититъ я^д. Защитилъ
 бо есть Господь сію блаженную Ольгу отъ противника и супостата діавола^е.

Въ лѣто 6478. Святославъ посади Ярополка въ Кїевѣ, а Ольга въ Деревлянехъ^ж. Въ се
 же время прїидоша людїе Новгородстїи, просяще себѣ князя: «аще^з вы не поидете къ намъ,
 то мы найдемъ себѣ князя^и.» И рече къ нимъ Святославъ: «абы ны^і шелъ кто^к къ вамъ.»
 И отъпрѣся Ярополкъ и Олегъ; и рече Добрыня къ Новгородцемъ: «просите Володимера.»
 Володимеръ бо бѣ отъ Малуши, ключницѣ Ольгины; сестра же бѣ Добрынѣ, отецъ же бѣ
 има Малко Любчанинъ, и бѣ Добрыня уи Володимеру. И рѣша Новгородци Святославу: «вдай
 ны Володимера;» онъ же рече имъ: «ото вы есть^л.» И пояша Новгородци Володимера къ
 себѣ, и иде Володимеръ съ Добрынею уемъ своимъ къ Новугороду, а Святославъ къ Перея-
 славию.

Въ лѣто 6479. Царьствова Василей и Коньстантинъ въ Цариградѣ. И прїиде Святославъ
 въ Переяславецъ, и затворишася Болгаре въ градѣ. И излѣзоша Болгаре на сѣчю противу
 Святославу, и бысть сѣча велика, и одолѣваху Болгаре^м; и рече Святославъ во емъ своимъ:
 «уже намъ пасти сдѣ; потягнемъ мужескы, братїе^н!» И къ вечеру одолѣ Святославъ, и взятъ
 градъ копіемъ, и посла къ Грекомъ глаголя: «хоцю на вы ити и взяти градъ вашъ, яко и
 сїи.» И рѣша Греци: «мы не хотимъ противу васъ^о стати, но возми дань на насъ и на свои
 вои, и повѣжте намъ^п колко васъ, да вдамы по числу на главы.» Се же рѣша Греци лестяще
 подъ Русїю; суть Греци льстиви и до сего дни. И рече имъ Святославъ: «есть насъ 20 ты-
 сящъ», и прирече 10 тысящъ^р, бѣ бо Руси 10 тысящъ толко. И пристроиша Грекы 100 тысящъ
 на Святослава, и не даша дани; и поиде Святославъ на Грекы, и изидоша Греци противу
 Руси. Видѣша же Русь и убояшася за множество вой, и рече Святославъ: «уже намъ нѣкамо
 ся дѣти! волею и неволею стати противу: да не посраимъ земля Русьскыя, но ляжемъ
 костыми тудо, мертвый бо срама не имать^с, аще ли побѣгнемъ, то срамъ имамы, и не имамы
 убѣжати; но станемъ крѣпко, азъ же предъ вами поиду, аще ли глава моя ляжетъ, то про-
 мыслите^т о себѣ сами.» И рѣша вои: «идѣже глава твоя будетъ^у, ту и наши будутъ^ф.»
 Исполчишася Русь и Греци противу, и сразистася оубо, и оступиша Русь, и бѣ сѣча велика,

а) Притч. Солом. XXIX, 2. б) праведникъ» праведнику Т. К. О. в) уповати . . . его» за симъ тоже
 повторено въ Т. г) Псал. СХІ, 6—8. д) Премудр. Солом. V, 15, 16. е) Въ Ц. вынесено на поля: такоже
 и по смерти тѣло ея нетлѣнно соблюде. ж) посади . . . въ деревлянехъ» пропушено въ К. О., и въ
 послѣднемъ сп. оставленъ пробѣлг. з) аще» исправлено по Лавр.; во всѣхъ сп. и аще. и) аще вы . . .
 князя» пропушено въ В. і) ны» нынѣ исправлено другими чернилами въ Т. к) кто» нѣтъ въ К. О. л) есть»
 и есть Ц. Б. В. Г. м) болгаре» нѣтъ въ Т. болгарове Б. В. Г. н) и рече свят. . . . братїе» пропушено
 въ К. О. о) васъ» вамъ К. О. п) намъ» ны вездѣ кромѣ Т. р) 10 тыс.» 5 тыс. такъ и ниже ошибк. К. О.
 с) мертвый бо. . . не имать» мертвыи бо срама не имуть Ц. т) промыслите» мыслите вездѣ кромѣ К. О.
 у) будетъ» ляжетъ Ц. ф) ту. . . будутъ» тудо и наша будетъ К. О.

и одолѣ Святославъ, и бѣжаша Греци; и поиде Святославъ къ граду, воюя и грады разби- 971
вая, яже стоятъ пусты и до сего дни. И царь созва бояры своя въ полату, и рече имъ:
«что створимъ, яко^а не можемъ противу имъ стояти^б?» И рѣша ему бояре: «пошли къ нему
дары, искусимъ ѿ, любезнивъ^в ли есть злату или паволокамъ?» И послаша къ нему злато и
паволоки, и мужа мудра, и рѣша ему^г: «глядай^д взора^е его, и лица его, и смысла его;»
онъ же вземъ дары, и прииде къ Святославу. И повѣдаша Святославу, яко приидоша Греци
съ поклономъ; и рече: «введѣте я сѣмо.» И приидоша и поклонилися ему, и положиша
предъ нимъ злато и паволоки; и рече Святославъ кромѣ зря: «возмите и сохраните, отроци
мои!» И они же придоша ко царю, и царь созва бояре, и рѣша посланіи: «яко приидохомъ
къ нему и въздохомъ дары, и не зрѣ на ня, и повелѣ сохранить.» И рече единъ: «искуси^ж
еще, послѣ оружіе.» Они же послушаша его, и послаша ему мечъ и ино оружіе, и прине-
соша къ нему; онъ же приимъ, нача хвалити и любити, и цѣловати царя. Приидоша паки^з
ко царю, и повѣдаша ему вся бывшая, и рѣша бояре: «лють сей мужъ хочеть быти, имѣ-
нія не брежеть, а оружіе емлетъ; имися по дань.» И посла царь, глаголя сиче: «не ходи
къ граду, а возми дань на насъ, еже хочещи;» за малымъ^н не дошелъ Царяграда. И вдаша
ему дань; имашеть же у нихъ и за убіенія, глаголя: «яко родъ его возметь.» Взя же дары
многы, и възвратися въ Переяславецъ съ похвалою великою. Видѣвъ же мало дружины своя,
рече къ себѣ: «егда како прелестивше избѣютъ насъ», бѣша бо погibli мнози^и на полку;
и рече: «пойду^к въ Русь, и приведу болѣ дружины.» И посла къ царици, въ Дерестрѣ^л бѣ
бо^м царь, рка сиче: «хочю имѣти миръ съ тобою твердъ и любовь.» Се слышавъ царь^н,
радъ бысть и посла къ нему дары болѣ первыхъ. Святославъ же пріять дары, и поча думати
съ бояры своими, рка сиче: «аще не створимъ миру со царемъ, и увѣсть царь, яко мало
насъ есть, пришедше оступятъ ны въ градѣ; а Русьская земля далече, а Печенѣзи съ нами
ратни, а кто ны поможетъ? но сътворимъ миръ со царемъ, се бо ны ся по дань ялъ, и то
буди довольно намъ; аще ли почнетъ не управливати дани, изнова изъ Руси, совкупивше вои
многи^о, пойду на Царьградъ.» И любя бысть рѣчь воемъ, и послаша лучшіи мужи ко царици;
и придоша въ Дерестрѣ, и повѣдаша ихъ царици. Царь же наутрѣя призва ихъ, и рече царь:
«да глаголють послѣ Русьстїи.» Они же рѣша^п: «такъ глаголетъ князь нашъ, хочю любовь
имѣти со царемъ Гречьскимъ свершеную прочая вся лѣта.» Царь же радъ бысть, и повелѣ
писцю писати Святослави рѣчи всеѣ на харатию; и поча посолъ глаголати вся рѣчи:

«Равно другаго свѣщанія, бывшаго при Святославѣ великомъ князѣ Русьскомъ и при
Свентелдѣ, писано при Теофилѣ синкелѣ и ко Ивану, нарицаемому Чемьскому^р, царю Гречь-
скому, въ Дерестрѣ, мѣсяца іюля, индикта 14. Азъ Святославъ князь Русьскій, якоже
кляхся, и утвержаю на свѣщаніи семь роту свою. Хочю имѣти миръ и свершену любовь со
всякимъ Гречьскимъ царемъ, и съ Василиемъ и Костянтиномъ, съ богодухновенными^с цари,
и со всеми людми вашими, и иже суть подо мною Русь^т, бояре^у и прочіи, до конца вѣка.

а) яко — якоже Т. б) яко . . . стояти — якоже не можааху (не мождааху) противу ему стати К. О.
в) любезнивъ — любезень К. О. г) и рѣша ему — *приписано на поля только въ Ц.* д) глядай — глядая Т.
глядати В. е) взора — възраста К. О. ж) искусити — и *прибавл.* К. О. з) паки — опять Ц. К. О. и) за
малымъ — за малымъ бо К. О. і) погibli мнози — мнози побиты Ц. к) пойду — поиду Т. Б. Г. л) въ
дерестрѣ — въ редестрѣ *вездѣ ошибк. кромѣ Ц.* м) бѣ бо — бѣ Г. бо бѣ К. О. н) царь — *пропущено во
всѣхъ сп. кромѣ Ц.* о) совкупивше . . . многи — съвокуплешеся съ вои многими К. О. п) они же рѣша —
только въ Ц. р) чемьскому — чемесхию *поправлено сверху строки въ В.* с) съ богод. — и съ богод. *такъ
во всѣхъ сп.* т) русь — *пропущено въ Т.* у) бояре — боярь *такъ вездѣ.*

971 Яко николиже помышлю^а на страну вашу, и елико^б есть подь властію Гречьскою, ни на —77 власть Корсуньскую^в и елико есть градовъ ихъ, ни на страну Болгарьскую; да аще и инъ помыслить^г на страну вашу, да и азъ буду противенъ ему и борюся съ нимъ. Яко кляхся царемъ Гречьскимъ, и со мною боляре и Русь вся, да съхранимъ правая свѣщанія. Аще ли отъ тѣхъ прежереченная^д не схранимъ, азъ же и иже со мною и подо мною, да имѣемъ клятву отъ Бога, въ негоже вѣруемъ, въ Перуна и въ Волоса скотія бога; и да будемъ злати яко злато, и своимъ оружіемъ да изсѣчени будемъ. Се имѣйте воистинну, якоже пинехросу^е створимъ нынѣ къ вамъ, и написахомъ на харатіи сей и своими печатми запечатлѣхомъ.»

Створивъ же миръ Святославъ съ Греки, поиде въ лодіяхъ къ порогомъ, и рече ему воевода отечень Свентелдъ: «пойди, княже, около на конехъ, стоятъ бо Печенѣзи въ порозехъ.» И не послуша его, поиде въ лодіяхъ; и послаша Переяславци къ Печенѣгомъ, глаголюще сице: «идеть вы Святославъ въ Русь, возьмъ имѣніе многое отъ Грековъ, а дружины съ нимъ мало.» Слышавше же Печенѣзи се, заступиша пороги, и прииде Святославъ къ порогомъ, и не бѣ лзѣ проити пороговъ; и ста зимовати въ Бѣлобережїи, и не бѣ у нихъ брашна уже, и бѣ гладъ великъ, яко по полугривнѣ голова конячая, и зимова Святославъ ту. Веснѣ же приспѣвше,

Въ лѣто 6480, прииде Святославъ въ пороги, зимовавъ въ Бѣлобережїи, и нападе на нь^ж князь Печенѣжскій Куря, и убиша Святослава. И взяша главу его, во лѣбъ его сдѣлаша чашу, оковавше златомъ лобъ его, и піяху изъ него. Свентелдъ же прииде къ Кіеву къ Ярополку. И бѣ всѣхъ лѣтъ княженія Святославля 28.

Княженіе Ярополче. Въ лѣто 6481. Нача княжити Ярополкъ въ Кіевѣ; и воевода бѣ у него Блудъ.

Въ лѣто 6483. Ловы дѣюще Свентелдовичю, именемъ Лють, изшедъ изъ Кіева и гнася по звѣри въ лѣсъ; и узрѣ Олегъ и рече: «кто се есть?» И рѣша ему: «Свентелдичъ;» и заѣхавъ^з уби ѣ, бѣ бо ловы дѣя Олегъ^и. И о томъ^і бысть межи има ненависть Ярополку на Олга, и молвяше всегда Ярополку Свентелдъ: «пойди на брата своего и приими власть его», хотя отмстити сына своего.

Въ лѣто 6485. Поиде Ярополкъ на Олга, брата своего, на Деревьскую землю, и изиде противу ему Олегъ ополчився; и съступишася обои, и побѣди Ярополкъ Олга. Побѣгшу же Олгу въ свой градъ, рекомый Вручевъ^к, и бѣ мостъ чрезъ гроблю ко вратомъ граднымъ, и тѣснячи другъ друга спихаху въ гроблю; и Олга въ дебрь сопхнуша людей множество^л, и удавиша ѣ кони и челоуѣци. И вшедъ Ярополкъ въ градъ Олговъ, и прїя власть его, и посла искати брата своего; искавше не обрѣтоша его, и рече единъ Деревлянинъ: «азъ видѣхъ, вчера сопхнуша ѣ съ мосту.» И посла Ярополкъ искати брата своего, и влачиша трупія изъ гробли отъ утра и до полудни, и налѣзоша вѣсподу Олга подь трупіемъ, и вынесоша и положиша на коврѣ. Прииде Ярополкъ, надъ онъ^м плакася, и рече Свентелду: «яжь сего ты еси хотѣлъ.» И погребоша Олга на мѣстѣ у города Вручева, и есть могила его и до сего

а) помышлю» помысливше во всѣхъ сп. кромъ Ц. б) и елико» или К. О. в) ни на власть корсуньскую» пропушено въ К. О. г) помыслить» промыслить Т. Б. О. Г. д) преж.» ихъ прибавл. Ц. Б. В. Г. е) пинехросу» пинехросу Ц. ту инехросу В. пинехросу Г.; по мнѣнію Шлецера (Несторъ, перев. Языковымъ, III, 595) χρυσοφύλλου. а по Строеву (Соф. Врем. I, 51) πινα χρυσῆ. ж) на нь» на ня Г. з) заѣхавъ» заѣха вездѣ кромъ О. и) олегъ» и олегъ Т. і) и о томъ» но то (на то) въ прочихъ сп. кромъ Ц. к) вручевъ» вручай К. О. л) людей множество» людїе мнози К. О. м) надъ онъ» надъ Т.

дни у Вручого. И прія власть его Ярополкъ. У Ярополка же бѣ жена Грекыни, и бѣ была 977
преже черницею; бѣ бо привель отецъ его Святославъ, и вда ю за Ярополка красоты ради —80
лица ея. Слышавъ же Володимеръ въ Новѣгородѣ, яко Ярополкъ убилъ Олга, убоявся
бѣжа за море; а Ярополкъ посади въ Новѣгородѣ свои намѣстники^а, и бѣ владѣя единъ въ
Руси.

Начало княженія великаго князя Володимера Кіевскаго. Въ лѣто 6488.
Приде Володимеръ къ Новугороду съ Варягы, и рече намѣстникомъ Ярополчимъ: «идѣте къ
брату моему и рцѣте ему: Володимеръ грядеть на тя, и^б устрои вои свои битися.» И сѣде
въ Новѣгородѣ, и посла къ Рогволду Полотъскому, глаголя: «хочю поняти дщерь твою себѣ
жену.» Онъ же рече дщери своей: «хощени ли за Володимера?» Она же рече: «не хощу
розути робичича, но Ярополка хощю.» Бѣ бо Рогволдъ пришелъ изъ заморія, имѣя власть
свою Полтескъ, а Туръ въ Туровѣ^в, отъ негоже и Туровци^г прозвашася. И придоша отроци
Володимерови, и повѣдаша ему всю рѣчь Рогнѣдину, дщери Рогволождѣ князя Полотъского;
Володимеръ же собра воя многа, Варяги, и Словѣни, и Чюдъ, и Кривичи, и поиде на Рогво-
лода. Въ се же время хотяху вести Рогнѣдъ за Ярополка; и приде Володимеръ на Полтескъ,
и уби^д Рогволода и два сына его, а дщерь его Рогнѣдъ поя жену^е себѣ. И поиде Володи-
меръ къ Кіеву съ вои многими, и не може Ярополкъ стати противу, и затворися въ Кіевѣ
съ людми и съ Блудомъ; и стояше Володимеръ обрывся на Дорогожицѣ, межи Дорогожи-
цемъ и Капичемъ, и есть ровъ и до сего дни. Володимеръ же посла къ Блуду, воеводѣ Яро-
полчю, съ лестію глаголя: «попріай^ж ми; аще убію брата своего, имѣти тя начну во отца
мѣсто, и многу честь приимеши отъ мене; не язъ бо почаль бити братію, но онъ, азъ же
того убояхся, придохъ на нь.» И рече Блудъ къ посломъ Володимеримъ: «азъ буду тебѣ
въ сердце и въ пріятельство^з.» О злая лествъ чловѣчьская! Якоже Давыдъ глаголетъ: ядѣй
хлѣбъ мой възвеличилъ есть на мя лествъ^н. Сей бо лукавоваше на князя своего лествію. И
паки: языки своими лщяхуся; суди имъ, Боже, да отпадутъ отъ мыслей своихъ, по множе-
ству нечестія ихъ изрини я, яко прогнѣваша тя, Господи^и. И паки Давыдъ тойжде рече:
мужіи крови и лествивыи^к не преполовятъ^л дній своихъ^м. Сей есть совѣтъ золь, иже съвѣ-
щаютъ на кровопролитіе; то суть неистовіи^п, иже приимше отъ князя или отъ господина
своего честь и дары, ти мыслять о главѣ князя своего о погубленіи^о; горшіи суть бѣсовъ
таковіи: якоже и Блудъ преда князя своего, приимъ отъ него чести многи, сей бо быеть
повиненъ крови той. Се бо Блудъ затворися съ Ярополкомъ, лествя подъ нимъ, сляше къ
Володимеру часто, веля ему приступати къ граду бранію, а самъ мысля убити Ярополка;
граждане же не лѣзъ убити^п. Блудъ же не възмогъ, како бы погубити, замысли лествію, веля
ему не излазити на брань изъ града; рече же Блудъ къ Ярополку: «Кіяне слются къ Воло-
димеру, а ркучи: приступай къ граду, яко предамы^р ти Ярополка; побѣгни изъ града.» И

а) свои намѣстники» свои намѣстникъ *вездѣ кромѣ* К. О. посадники В. б) и «только въ Т. в) а туръ въ
туровѣ» а туры туровѣ *вездѣ кромѣ* Ц. г) туровци» *см. въ I томѣ сего изданія стр. 52; во всѣхъ сп.*
ошибк. туровица. д) уби» убиша Ц. Б. В. Г. е) жену» женѣ *вездѣ кромѣ* О. В. ж) попріай» попріайте
во всѣхъ сп. кромѣ Ц. з) и въ пріят.» и въ пріязньство К. О. и) Псал. XL, 10. і) Псал. V, 10, 11.
к) мужіи. . . лествивыи» мужіе (мужи) крови и лести Ц. К. О. В. л) не преполовятъ» не приплуютъ Т. Г.
не препловуть Б. не препловять К. м) Псал. LIV, 24. н) неистовіи» чловѣци *прибавл. между*
строкъ Ц. о) о погубл.» и о погубленіи Ц. на погубленіе К. О. п) граждане же. . . убити» граждане
же не бѣ лѣзъ убити его Ц. граждане же не лѣзъ убивати и Б. К. О. Г. гражданъ же не лѣзъ убивати
испорчено въ В. р) предамы» предадимъ К. О.

980 послуша его Ярополкъ, избѣгъ преди, и затворися въ градѣ Роднѣ на усть Роси^а, а Володимеръ иде къ Кіеву, и осѣдяху Ярополка въ Роднѣ; и бѣ гладъ въ немъ великъ, и есть притча си и до сего дни: бѣда яко въ Роднѣ. И рече Блудъ Ярополку: «видиши ли, колико у брата твоего вой? намъ ихъ не пребороти; твори миръ съ братомъ своимъ», деста подь нимъ си рече. И рече Ярополкъ: «такъ буди.» И посла Блудъ къ Володимеру, сиче глаголя: «яко сбытсья мысль твоя, приведу къ тебѣ Ярополка, и пристройся, и убій его.» Володимеръ же то слышавъ, вшедъ въ дворъ теремный отечень, о немъже преже сказахомъ, сѣде ту съ вой и съ дружиною своею; и рече Блудъ Ярополку: «пойди къ брату своему и рци ему: что ми ни вдаси, то азъ пріиму.» И поиде^б Ярополкъ, и рече ему Варяжко: «не ходи, княже, убіють тя; и побѣгни въ Печенѣги и приведеша вой»; и не послуша его. И прииде Ярополкъ къ Володимеру, и яко полѣзе въ двери, подъяста два Варяга мечи^в подь пазусѣ^г, Блудъ же затвори двери, не да по немъ внити своимъ; и тако убіенъ бысть Ярополкъ. Варяжко же видѣвъ, яко убіенъ бысть Ярополкъ, бѣжа съ двора въ Печенѣги, и много воева на Володимера съ Печенѣги, и едва приваби и^д, заходивъ къ нему ротѣ. Володимеръ же заляже братню жену Грекыню, и бѣ непрадна, отъ неяже родися Святополкъ. Отъ грѣховнаго корени золь плодъ бываетъ, понеже была бѣ мати его черницею, а Володимеръ второе заляже ю, но не по браку; прелюбодѣйчичъ убо бѣ, тѣмъже и отецъ его не любляше, бѣ бо отъ двою отцю отъ Ярополка и отъ Володимера. Посемъ рѣша Варязи Володимеру: «се градъ нашъ, мы пріяхомъ и, да хожемъ имати окупъ на нихъ, по двѣ гривны съ человекѣка.» И рече имъ Володимеръ: «пождите вы, дажь^е куны сберуть, за мѣсяць.» И ждаша за мѣсяць, и не да имъ, и рѣша Варязи: «сольстилъ еси нами, покажи ны путь въ Греки;» онъ же рече имъ: «идѣте.» И избра отъ нихъ мужи добры, смыслены и храбры^ж, и раздая имъ грады; прочіи же идоша ко Царюграду въ Греки. И посла предъ ними^з послы, глаголя сиче царю: «се идуть къ тебѣ Варязи, не мози ихъ держати въ градѣ, или то сътворять ти^и яко^и и здѣ, но расточи я разнѣ, а сѣмо не пушай ни единого.» И нача княжити Владимиръ въ Кіевѣ, и постави кумиры на холму виѣ двора^к теремнаго: Перуна древяна, а главу серебряну, а усь златъ, и Харса, и Дажба, и Стриба, и Сѣмаргла, и Мокошь. И жряху имъ, нарицающе ихъ богы, привожаху сыны своя^и и дщери, и жряху бѣсомъ и оскверняху землю свою требами многими, и оскверниша кровми землю Русьскую^м и холмъ отъ. Но благый Богъ не хотя смерти грѣшникомъ; на томъ холму нынѣ церкви стоить святого Василя, якоже послѣди^н скажемъ. Мы же на преднее възвратимся. Володимеръ же посади Добрыню уя своего въ Новѣгородѣ; и пришедъ Добрыня къ Новугороду, постави кумиръ Перунъ надъ рѣкою Волховомъ, и жряху ему людіе Новгородстїи акы Богу. И бѣ Володимеръ побѣженъ похотію женскою, и быша ему водимыя: Рогнѣдъ, юже посади на Лыбеди, идѣже есть нынѣ селце Предславино, отъ неяже роди 4 сыны, Изяслава, Мстислава, Ярослава, Всеволода, и двѣ дщери, а отъ Грекыни Святополка, а отъ Чехини Вышеслава, а отъ другыя Святослава, Станислава, а отъ Болгарыни Бориса и Глѣба, 11 сынъ Судиславъ, 12 Позвиздъ; а наложницъ бѣ у него 300 въ Вышегородѣ, а 300 въ Бѣлѣгородѣ, а 200 на

а) роси» руси В. б) и поиде» *поправлено по Лавр. (т. I, стр. 33); во всѣхъ сп. и привде.* в) мечи» меча *вездѣ кромѣ К. О.* г) подь пазусѣ» подь пазуху Т. д) приваби и» *володимеръ прибавлено на полѣ въ Ц.* е) дажь» *даже вездѣ кромѣ Т.* ж) храбры» *храборы Т.* з) предъ ними» *володимеръ прибавлено на полѣ въ Ц.* и) ти» *зло прибавл. К. О.* и) или. . . яко» *да не сотворять ти зла якоже Ц.* к) двора» *града Т. Б. В. Г.* л) сыны своя» *сыны я ошлбк. Т.* м) оскверниша. . . русьскую» *оскверниша (оскверниша) кровми земля русьская во всѣхъ сп. кромѣ Т.* н) послѣди» *послѣдъ(ъ) вездѣ кромѣ Ц.*

Берестовомъ въ селцѣ, еже зовуть нынѣ Берестовое. И бѣ несуть блуда, приводя къ себѣ ⁹⁸⁰ мужеския жены и дѣвицы растлѣя; бѣ бо женолюбець якоже и Соломонъ, бѣ бо у Соломона женъ 700, а наложницъ 300. Мудръ бѣ, а наконецъ погиге; сей же бѣ невѣглась, а наконецъ обрѣте спасеніе. Велий бо Господь нашъ, и велия крѣпость его, и разума его нѣсть числа^а! Зло бо есть женская прелесть, якоже рече Соломонъ, покаявся отъ женъ: не внимай злѣ женѣ; медь бо каплетъ отъ устъ ея, жены любодѣйци, во время наслажаеть твой гортань, послѣди же горчая желчи^б обрящещи; прилѣпляющеися ей смертію въ адъ; на пути бо животныя не находятъ, блудная же теченія ея, неблагоразумна^в. Се же рече Соломонъ о любодѣйцахъ^г, а о добрыхъ женахъ рече: дражайши есть каменія многоцѣннаго; радуется о ней мужъ ея, дѣеть бо мужеви своему благо^д житіе; и обрѣтше волну и лень, створить благопотребная рукама своими; и бысть яко корабль куплю дѣюща^е издалеча, събирающа себѣ^ж богатство; и вѣстаетъ отъ нощи, и даетъ брашно дому и дѣла рабынямъ; видѣвши тяженіе куповаше, отъ дѣла руку своею и насадить тяженіе^з; и препоясавше крѣпко чресла своя, и утверди мышцы свои на дѣло; и вкуси яко добро есть дѣлати, и не угасаетъ свѣтильникъ ея всю ноць; руцѣ свои простираеть на полезная, локти же свои устрабляетъ^и на вретено; руцѣ свои простираеть убогому, плодъ же простре нищему; не печется мужъ ея о дому своемъ, егда гдѣ будетъ, вси свои ея одѣни будутъ; сугуба одѣнія^л створить мужю своему, отъ червлена и багряна себѣ одѣнія створить; взорень бываетъ во вратѣхъ мужъ ея, внигда аще сядетъ на сонмищи съ старци и съ жители земля; и опоны створи и отдасть въ куплю; уста же своя отверже мысленѣ и законнѣ, и въ чинѣ молвить языкомъ своимъ; въ крѣпость и въ лѣпоту облечеса; милостыня же ея въздыгоша чада ея и обогатѣша^к, и мужъ ея похвали ю; жена бо разумива благословена есть, боязнь бо Господню та похвалить; дадите ей отъ плода устнѣ ея, да хвалится^л во вратѣхъ мужъ ея^м.

Въ лѣто 6489. Иде Володимеръ къ Ляхомъ и зая грады ихъ, Перемышль, и Червень и ины грады ихъ, иже суть и до сего дни подъ Русію. Того же лѣта и Вятичи побѣди. и възложи на нихъ дань отъ плуга, якоже и отецъ его имаше.

Въ лѣто 6490. Заратиса Вятичи, и иде на нь^н Володимеръ, и побѣди ихъ^о второе.

Въ лѣто 6491. Иде Володимеръ на Ятвягы, и побѣди я, и взя землю ихъ. И прииде къ Кіеву, и творяше требы кумиромъ съ людьми своими о побѣдѣ, съ боляры^п; и рѣша старци и боляре: «мечемъ жребія на сыны и на дщери наша, отъ отрока и отъ дѣвицы^р; на негоже падеть, того зарѣжемъ богомъ нашимъ.»

О Іоанѣ христіанинѣ и о отци его, Христа ради убита за вѣру^с. Бѣше нѣкто челоуѣкъ Божіи единъ Варягъ, и бѣ дворъ его идѣже есть церкви святая Богородица, юже сдѣла Володимеръ: бѣ бо Варягъ той^т пришелъ изъ Грекъ, изъ Царяграда, съ сыномъ своимъ съ Иваномъ, сѣдьяше въ Кіевѣ и держаше вѣтайнѣ вѣру христіанскую. Бѣ у него сынъ Иванъ, красенъ душею и тѣломъ, и на сего паде жребій по зависти діаволи. Не тер-

а) Псал. CXLVI, 5. б) желчи» золчи К. О. в) Притч. Солом. V, 5—6. г) о любод.» о прелюбодѣйцахъ К. О. д) благо» все прибавл. К. О. е) дѣюща» дѣюща К. дѣюще О. ж) издалеча . . . себѣ. пропуцено въ К. О. з) куповаше. . . тяженіе» итѣ въ Ц. и) устрабляетъ» устремляетъ К. і) одѣнія» одѣнія такъ и ниже Ц. Б. К. Г. к) и обогатѣша» и обогатиша Ц. Б. В. Г. и обогатиши К. О. л) да хвалится» да хвалить(ъ) Б. К. О. Г. да похваляетъ В. м) Притч. Солом. XXXI, 10 — 52. н) на нь» на ня К. О. на нихъ В. о) ихъ» я К. О. п) съ боляры» съ болгары ошибк. Т. р) отъ отр. и отъ дѣв.» о отрока и (о) дѣвицу Т. Ц. Б. К. Г. отрока и дѣвицу В. с) вѣру» хрестіанскую прибавл. Ц. т) той» тѣ Т. Б. К. О. отъ В.

983 —86 пшеть бо діяволъ, власть имѣя надо всѣми, сей бшеть ему яко тернъ въ сердци и тшашеся потребити окаанный, не могли ему что сѣтворити, и наустити на нь люди. И рѣша пришедше поганіи посланіи къ нему : «яко паде жребіи на сынъ твой, изволиша бо и възлюбиша ѥ бози наши собѣ^а; да его сѣтворимъ потребу богомъ.» И рече Варягъ : «не суть то боги, но древо сѣдѣлано бездушнѣ; днесъ есть, а помалѣ изгниеть; не ядятъ бо бози, ни пшютъ, ни молвятъ, но суть дѣлано руками въ дровѣ сѣкирою и ножемъ; а Богъ есть единъ на небесѣхъ, емуже служатъ Греци и кланяются, во имя Господа^б Исуса Христа Сына Божіа крещена есѣ, иже той сѣтворилъ небо, и землю, и солнце, и луну, и звѣзды, и человекъ, и далъ есть ему жити на земли; а ваши бози что сѣтворили? но сами вами дѣлани суть; и не дамъ сына своего бѣсомъ.» И ти же шедше повѣдаша людемъ; они же вземше оружіе, пріидоша на нь и разъяша^в дворъ^г около его, онъ же стояше на сѣнѣхъ съ сыномъ своимъ. И рѣша ему : «вдай сына своего, да вдамы ѥ на потребу^д богомъ.» Онъ же рече : «аще суть бози, то единого отъ себе пришлютъ бога, да поимуть сынъ мой; а вы чему перетребуетеся имъ?» И кликнуша Кіане, и подсѣкоша сѣни подъ ними, и тако побѣша я, исповѣдающася христіане, и пріѣста вѣчную жизнь за святую вѣру мучена, и не свѣсть никтоже, гдѣ положиша е^е. Бѣяху бо человекъ невѣгласи, поганіи; и діяволъ радовашеся сему, не вѣдый, яко близъ погибель ему хотяшеть быти. Тако бо преже тшашеся погубити родъ христіанскій, и прогонимъ бѣ крестомъ честнымъ въ иныхъ странахъ; сдѣ же мняшеся окаанный : яко сдѣ ми есть жилище, сдѣ бо не суть Апостоли учили^ж, ни Пророци прорицали. Не вѣдый Пророка глаголюща : нареку не люди моя людіе мои^з. О Апостолѣхъ бо рече : во вся земля изидоша вѣщанія ихъ, и въ конца вселенныа глаголи ихъ^и. Аще ли сдѣ тѣломъ Апостоли не суть были, но ученія ихъ яко трубы гласятъ по всей вселеннѣй въ церквахъ. Ихже вѣщаніемъ побѣждаемъ супротивнаго врага, и попираемъ^и подъ нозѣ; якоже попраста и сіа отѣника^к, пріемши вѣнецъ небесный съ святыми мученикы и съ праведникы.

Въ лѣто 6492. Иде Володимиръ на Радимичи. И бѣ у него воевода Волчей Хвостъ, и посла предъ собою Володимиръ Волчей Хвоста; и срѣте ѥ на рѣцѣ Пищанѣ, и побѣди Радимичи Волчей Хвостъ; тѣмже и Русь корятъ Радимичемъ, глаголюще : Пищанци волчіа хвоста бѣгають. Быша же Радимичи отъ рода Ляховъ; пришедше же ту ся вселиша, и платять дань Руси и повозъ везуть и до сего дни.

Въ лѣто 6493. Иде Володимиръ на Болгары съ Добрынею уемъ своимъ въ лодіяхъ, а Торкы^л берегомъ переведе на конѣхъ, и побѣди Болгары. И рече Добрыня ко Владимиру^м : «сѣглядахъ колодникъ, и суть вси въ сапозѣхъ; симъ дани намъ не дати, поидемъ^н искати лапотникъ.» И сѣтвори Володимиръ съ Болгары миръ, и ротѣ заходиша межи собою, и рѣша Болгаре : «толи^о не будетъ межи нами мира, оли^п камень по водѣ начнетъ плавати, а хмель грязнути.» И пріиде Володимиръ къ Кыеву.

Въ лѣто 6494. Пріидоша Болгаре вѣры Бохмичи, глаголюще : «яко ты князь еси мудръ и смысленъ, но не вѣси закона; да вѣруй въ законъ нашъ и поклонися Бохмиту.» И рече

а) изволиша . . . собѣ» изволиша и възлюбиша и (его) бози наши къ себѣ во всѣхъ сп. кромъ К. О.

б) господа» въ прочихъ сп. кромъ Ц. сего слова недостаетъ. в) разъяша» розіяша вездѣ кромъ К. О. разориша Ц. г) дворъ» его прибавл. Т. д) на потребу» на потребу Ц. В. е) е» я К. О. ж) учили» и учителя ошибк. Ц. Б. В. Г. з) Осн II, 23. и) Псал. XVIII, 3. и) попираемъ» попирающе вездѣ кромъ Ц. к) отѣника» отѣтѣника во всѣхъ сп. кромъ Т. К. л) торкы» туркы К. О. м) добрыня ко владимиру» володимиръ къ добрыни В. н) поидемъ» поидевѣ К. О. о) толи» тогда Ц. п) оли» егда Ц. р) Предъ симъ во всѣхъ сп. въ видѣ заглавія : о срациньской вѣрѣ.

Володимеръ : « како есть вѣра ваша ? » Они же рѣша : « вѣруемъ Богу, а Бохмитъ ны учить, глаголя : обрѣзати уды тайныя, а свинины не ясти, а вина не пити, а по смерти же, рече, съ женами похоть творити блудную ; дасть бо Бохмитъ комуждо по 70 женъ красныхъ , и избереть едину красну и възложить всѣхъ красоту на едину, и то будетъ ему жена ; сдѣ же, рече, достойтъ блудъ творити всякъ, на семь свѣтѣ ; аще кто будетъ богатъ здѣ, то и тамо богатъ , аще ли здѣ кто убогъ , то и тамо убогъ » ; и ина многа лествъ, еяже нелзѣ писати срама ради. Володимеръ же слушаше ихъ , бѣ бо самъ любяй жены и блуженіе многое , и послушаше сладко ; но се ему бѣ не любо, обрѣзаніе удовъ , и о неядіи^а мясъ свинныхъ , и о питіи^б отинудъ ; река : « Руси есть веселіе питье^в, не можемъ безъ того быти. » ^г Посемъ же придоша отъ Римлянъ Нѣмци, глаголюще : « придохомъ отъ папежа посланіи » ; и рѣша ему : « реклъ ти тако папезъ : земля твоя яко и земля наша, а вѣра ваша не яко вѣра наша ; вѣра бо наша яко свѣтъ есть , кланяемся Богу , иже сътвори небо и землю , звѣзды и мѣсяць , и всяко дыханіе , а бози ваши древо суть. » Володимеръ же рече : « какъ^д заповѣдь ваша ? » Они же рѣша^е : « пощеніе по силѣ ; аще ясть кто и пьетъ , то все въ славу Божию , рече учитель нашъ Павелъ^ж. » Рече же Володимеръ Нѣмцемъ : « идите опять , яко отци наши сего не пріяли суть. » ^з Се же слышавше Жидове Козарьстїи, придоша къ Володимеру и ркуще : « слышахомъ , яко приходили Болгаре и Крестїяне , учаще тя вѣрѣ своей кождо ; Христїяне бо вѣрують , егоже мы распахомъ , а мы вѣруемъ единому Богу Авраамову , Исакову и Яковлю. » И рече Володимеръ : « что есть законъ вашъ ? » они же рѣша : « обрѣзатися, свинины не ясти, ни заячины, субботу хранити. » Онъ же рече : « то гдѣ есть земля ваша ? » Они же рѣша : « въ Ерусалимѣ. » Онъ же рече : « то тамо ли есте^и ? » Они же рѣша : « разгнѣвася Богъ на отци наши, и расточи ны по странамъ грѣхъ ради нашихъ, и предана бысть земля наша Христїяномъ. » Онъ же рече : « то како вы ицѣхъ учите, а сами отвержени отъ Бога и расточени ? аще бы Богъ любилъ васъ^к, то не бы есте расточени по чужимъ землямъ ; егда и намъ мыслите то же зло прїяти ? » ^л Посемъ же прислаша Греци къ Володимеру философа Кирила, глаголюще сїце : « слышахомъ , яко приходили суть Болгаре , учаще тя прїяти вѣру свою , ихже вѣра оскверняетъ землю, иже суть прокляти паче всѣхъ чловѣкъ, уподоблешеся Содомлянѣмъ и Гомору, на нихъ же пусти Богъ каменіе горящее^м, и потопа я, и погрязоша ; яко и сихъ ожидаетъ день погібели ихъ, егда придетъ Богъ судити на землю, и погубитъ вся творящая безаконіе и скверны дѣлающе ; сїи бо омывають оходы^н своя, и въ ротъ вливають и по брадѣ мажутся, нарицающе Бохмита, такоже и жены ихъ творять ту же вѣру и скверну , и ино пуще , отъ совокупленїя мужьска и женьска вкушаютъ. » Се слышавъ Володимеръ, плюну на землю, рекъ : « нечисто есть дѣло. » Рече же философъ : « слышахомъ же и се , яко приходиша отъ Рима учить васъ вѣрѣ своей, ихже вѣра мало съ нами развращена, служатъ бо опрѣсноки, рекше оплатки , ихже^о Богъ не преда, но повелѣ хлѣбомъ служити ; и преда Апостоломъ и рекъ, прїимъ хлѣбъ : се есть тѣло мое, ломимое за вы, такоже и чашу прїимъ рекъ : се есть кровь моя новаго завѣта ; сїи же того не творять, и суть не исправили вѣры своея. » Рече же Вла-

а) и о неядіи и о неяденіи Ц. К. О. б) и о питіи вина прибавл. на поль Ц. в) питье взято изъ Лавр. т. I, стр. 36 ; сего слова во всѣхъ сп. недостаетъ. г) Предъ симъ словомъ въ видѣ заглавія : о нѣметьской вѣрѣ. д) какъ како Ц. Б. В. Г. какова К. О. е) они же рѣша пропушено въ К. О. ж) 1 къ Коринт. X, 31. з) Во всѣхъ сп. въ видѣ заглавія : о жидовьской вѣрѣ. и) есте есть К. О. Г. і) васъ и законъ вашъ прибавл. К. О. к) Предъ симъ въ видѣ заглавія : о вѣрѣ христїяньской. л) горящее горющее Т. Б. Г. м) оходы обходы К. О. ходы ошїбк. В. н) ихже такъ въ Лавр. (т. I, стр. 37) ; во всѣхъ сп. имже.

986 димеръ : «придоша ко мнѣ Жидове , глаголюще , яко Нѣмци и Греки вѣрують , егоже мы
 —87 распяхомъ.» Философъ же рече : «въистину мы въ того вѣруемъ , то бо^а Пророци прорицаху ,
 яко Богу родитися , а друзіи распяту быти и погребену , и въ третій день воскреснути и на
 небеса взити ; они же тыя Пророкы избѣша , другыя же претираху^б ; егда же събысться про-
 реченіе^в тѣхъ , сииде на землю , и распятіе пріять , и въскресъ и на небеса взиде : но отъ
 сихъ же Жидовъ ожидаше покаянiе 40 и 6 лѣтъ , и не покаяшася , и посла на ня Римляны ,
 и грады сихъ разбиша , а самихъ расточиша по странамъ , и работаютъ въ странахъ.» Рече
 же Володимеръ : «то что ради сииде Богъ на землю , и страсть такову пріять?» Отвѣщавъ
 же философъ рече : «аще хочещи послушати , да скажу ти изначала , что ради сииде Богъ
 на землю.» Онъ же рече : «послушаю радъ.» *Дальше см. Полное Собрание Лѣтописей , томъ I ,
 стр. 37—45. Слова :* и нача философъ глаголати сице . . . отпусти ѿ съ честию великою.

Въ лѣто 6495^г. Сзъва Володимеръ боляры своя и старци градскыя , и рече имъ : «се
 приходиша ко мнѣ Болгарове , ркуще : пріими законъ нашъ ; посемъ же приходиша и Нѣмци ,
 и ти хваляху законъ свой ; и по сихъ приходиша Жидове . Послѣже придоша Греци , хуляще
 всѣхъ законы , свой же хваляще законъ , и много глаголаша сказающе отъ начала міру , о
 бытіи всего міра ; суть же хитро сказающе , чюдно слышати ихъ , другыи свѣтъ повѣдають
 быти ; да аще кто , дѣеть , вѣруеть^д , въ нашу вѣру ступитъ , то паки , умеръ , встанеть^е и не
 умирати ему вѣвѣки ; аще ли во инъ законъ ступитъ , то на ономъ свѣтѣ въ огни^ж горѣти
 иметь . Да что ума придасте , и что отвѣщаете?» И рѣша боляре и старци : «яко своего ни-
 ктоже хулитъ , но хвалитъ ; аще хочещи испытати гораздо , то имаши у себе мужи : пославъ
 испытай^з кождо ихъ службу^и , и кто како служитъ Богу.» И бысть люба рѣчь князю и
 всѣмъ людемъ ; и избра мужи мудры и смыслены , числомъ 10 , и рѣша имъ : «идите первое
 въ Болгары , и испытайте первіе вѣру ихъ^к .» Они же идоша , и пришедше видѣша скверная^л
 дѣла ихъ и кланіи въ ропатѣ ; и придоша въ землю свою . И рече имъ Володимеръ : «идѣте
 паки въ Нѣмци , изоглядайте такоже , и оттуду идѣте въ Греки.» Они же идоша въ Нѣмци ,
 и изглядавшѣ церковную службу ихъ , придоша ко Царюграду , и внидоша ко царю ; царь
 же испыта , что ради придоша , они же повѣдаша ему вся бывшая . И се слышавъ царь , радъ
 бысть , и честь велику сѣтвори имъ въ той^м день . Наутрiя же посла къ патріарху , глаголя
 сице : «придоша Русь испытати вѣры нашея ; да пристрой церковь и клиросъ , и самъ учи-
 нися въ святительскыя ризы , да видятъ славу Бога нашего.» И се слышавъ патріархъ , по-
 велѣ созвати клиросъ , и по обычаю створше праздникъ , кандила вожгоша , и пѣнiя и лики
 съставиша . И иде царь съ ними въ церковь , и поставиша ѿ на пространнѣ мѣстѣ , показающе
 красоту церковную , и пѣнiя и службы архіерейскы , и предстоянiе діаконъ , и сказающе имъ
 служеніе Бога своего ; они же во изумлѣнiи бывше , и удивлешеся , похвалиша службу ихъ .
 И призваша ихъ царя Василій и Коньстантинъ , и рѣста имъ : «идѣта въ землю вашу» , и

а) то бо» см. Лавр. (т. I, стр. 57); въ Т. о тѣхъ бо, а въ прочихъ сп. тѣхъ бо. б) претираху» препи-
 раху В. в) прореченіе» прориченіе Т. прорицаніе Ц. г) въ л. 6495» такъ въ Лавр. и Ц.; въ прочихъ сп.
 въ лѣто 6496. Сличн ниже подѣ симъ же годомъ минувшу же лѣту иде володимеръ съ вои на корсунь,
 и Лавр. (I, 46), идѣ 6496-мъ годомъ начинается только послѣдняя статья. д) дѣеть, вѣруеть» см. Лавр.
 (т. I, стр. 45); во всѣхъ сп. кромѣ К. О. неправильно дѣеть и вѣруеть, въ Ц. эти слова зачеркнуты
 киноварью. е) встанеть» в(о)стаетъ вездѣ кромѣ К. О. ж) въ огни» мучитися и прибавл. В. з) испытай»
 испытавъ неправильно Т. Б. Г. и) службу» ихъ прибавл. Т. і) ихъ» имъ Т. Б. Г. к) скверная»
 скверная Т. л) Предѣ симъ словомъ въ видѣ заглавія : о испытанiи вѣры христiанскія. м) въ той»
 во тѣ Т. Б. Г.

отпусти я съ великою честію, съ дары^а. Они же придоша въ землю свою, и созва князь 987 боляры своя и старци. И рече Володимеръ: «се придоша посланіи нами мужи, да слышимъ отъ нихъ бывшее;» и рече: «скажите ми предъ боляры моими и людми моими нарочитыми.» Они же рѣша: «ходимъ въ Болгары, осмотрихомъ^б како ся кланяють въ храмѣ, ркучи въ ропати, стояще безъ пояса; и поклонився сядеть, глядять сѣмо и овамо яко бѣсенъ, и нѣсть веселія въ нихъ, но печаль и смрадъ великъ, и нѣсть добръ законъ ихъ. И приходихомъ къ Нѣмцемъ, и видѣхомъ въ храмѣ ихъ службы творяще, и красоты не видѣхомъ никоея. Придохомъ въ Греки, и ведоша ны, идѣже служатъ Богу своему, и не свѣмы, на небесѣхъ есмы были, или на земли: нѣсть на земли таковаго вида, или красоты таковыя, недоумѣемъ бо сказати; токмо то вѣмы^в, яко ту отинудъ Богъ съ человекы пребываетъ, и есть служба ихъ паче всѣхъ странъ. Мы убо не можемъ забыть^г тоя красоты; всякъ бо человекъ еще вкусить сладко, послѣди же горести не пріимаетъ, тако и мы не можемъ сдѣ быти.» Отвѣщавше боляре ркоша: «аще бы лихъ законъ Гречскій, то не бы баба твоя пріяла Олга, яже бѣ мудрѣйши всѣхъ человекъ.» Отвѣщавъ же Володимеръ и рече: «гдѣ крещеніе пріимемъ?» Они же ркоша: «гдѣ^д, господине, любо.» Минувшу же лѣту^е, иде^ж Володимеръ съ вои на Корсунь, градъ Гречскій, и затворишася Корсуняне въ градъ; и ста Володимеръ объ онъ полъ града въ лимени, далѣ града стрѣлища единого, и боряхуся крѣпко гражане, Володимеръ же объстоя градъ. И изнемогаху людіе въ градъ, и рече Володимеръ къ гражаномъ: «аще ся не вдасте, стояти имамъ сдѣ за 3 лѣта.» Они же не послушаша того, Володимеръ же изрядивъ вои свои, и повелѣ приступати къ граду и персть сыпати. Симъ же сыплющимъ^з, Корсуняне же подкопавъ стѣну градную, и крадуще сыплемую персть, и пошаху къ себѣ въ градъ, сыплюще посреди града; и вои присыпаху болѣ, Володимеръ же^и стояше. И се мужъ Корсунянинъ стрѣли, имянемъ Анастасъ, написавъ сице^и на стрѣлѣ: «кладязи суть за тобою отъ вѣстока, изъ того вода идетъ по трубѣ; окопавше переими.» Володимеръ же слышавъ се, възрѣвъ на небо, и рече: «аще ся събудеть, и самъ ся крещю.» И ту абіе повелѣ копати въпреки трубамъ, и переяша^к воду; и людіе изнемогаху нужею жажды водныя, и предахуся. И вниде Володимеръ въ градъ и вси вои его, и посла Володимеръ ко царема Василию и Костянтину, глаголя сице: «се градъ вашъ^л силній взяхъ; слысахъ же и се, яко сестру имате^м дѣвою, аще ея не вдаста за мя, сътворю граду вашему, якоже и сему сътворихъ.» Се слышаста царя, и быста печална, и въздаста вѣсть, сице глаголюща^н: «не достоинъ крестіаномъ за поганья даяти; аще ся крестиши, то и се получиши, и царство небесное получиши^о пріяти, и съ нами единовѣренъ^п будеши; аще ли сего не створиши, не можемъ за тя дати сестры своея.» Се слышавъ Володимеръ, рече посланнымъ отъ царю: «глаголите царема тако: яко азъ крещюся; яко испытахъ преже сихъ дній законъ вашъ, и есть ми любовь, и вѣра ваша и служеніе, еже бо ми повѣдаша посланіи нами мужи.» И се слышавша царя, рада^р быста и умолиста сестру свою, именемъ Анну, и посласта

а) съ дары» сдравы(и) *вездѣ кромѣ Ц.* б) осмотрихомъ» *пропущено во всѣхъ сп. кромѣ Ц.; въ Лавр. смотрихомъ.* в) то вѣмы» *такъ поправлено въ Ц.; во всѣхъ сп. ошибк. не вѣмы.* г) забыть» того забыть Т. д) гдѣ» гдѣ ти К. О. е) лѣту» въ лѣто 6496 *прибавл. Ц.* ж) Предъ симъ словомъ *въ видѣ заглавія киноарью:* о взятіи корсуньстѣмъ и о крещеніи (великаго) князя владимира. з) сыплющимъ» спущемъ К. О. и) же» *только въ В., а въ Ц. и володимеръ.* і) сице» *сицево въ прочихъ сп. кромѣ К. О. В.* к) переяша» пріяша (преяша) *вездѣ кромѣ К. В.* л) вашъ» ваю К. О. м) имате» имѣета К. О. н) глаголюща» глаголюще *во всѣхъ сп. кромѣ К. О.* о) получиши» обрящещи В. п) единовѣренъ» единовѣрникъ К. О. р) слышавша царя рада» слышавше царя ради *вездѣ кромѣ К. О.*

987 къ Володимеру, глаголюще: «крестися, и тогда послевѣ къ тебѣ сестру свою.» Рече же Володимеръ: «да пришедше и съ сестрою вашею крестите мя.» И послушаста царя, и посласта сестру свою, и сановники нѣкія и прозвитеры; она же не хотяше ити: «яко въ поганья», рече, «иду; луче бы ми сдѣ урети.» И рѣста ей братія: «егда како обратитъ Богъ тобою Русьскую землю въ покаяніе, а Гречьскую землю избавиши отъ лютыя рати^а; видиши ли колико зла сѣтворили Русь Грекомъ? и нынѣ, аще не идеши, тоже^б имуть створити намъ»; и одва ю принудиша^в. Она же сѣдши въ корабль^г, цѣловавши ужики своя, съ плачемъ поиде чрезъ море; и яко приде къ Корсуню, изидоша Корсуняне противу съ поклономъ^д, и ведоша ю въ градъ, и посадиша ю въ полатѣ. По Божію же строенію, въ се время разболѣся Володимеръ очима, и не видяше ничтоже, и тужаше велми и не домысляшеться что сѣтворити; и посла къ нему царица, ркуще: «аще хочещи избыти болѣзни сѣя, то вскорѣ крестися, аще ли не крестишися^е, то не имаше избыти сего.» Си слышавъ Володимеръ, рече: «да аще се истинна будетъ, то по истиннѣ великѣ Богъ христіанскъ^ж»; и повелѣ крестити ся. Епискупъ же Корсуньскій съ попы царицины, огласивъ, крести Володимера; и яко възложи руку на нь, абіе прозрѣ. Видѣвъ Володимеръ напрасное исцѣленіе, и прослави Бога, рекъ: «топерво^з увѣдахъ Бога истиннаго.» Се же увидѣвше боляре его, мнози крестиса. Крести же ся въ церкви святаго Іакова, и есть церковь та стоящи среди града въ Корсуні, идѣже торгъ дѣють Корсуняне; полата же Володимерова въ край церкви стоитъ и до сего дни, а парицина полата за олтаремъ. По крещеніи же приведе царицю на браченіе. Се же не свѣдуще право глаголють, яко крестился есть въ Кіевѣ, иніи же рѣша въ Василевѣ; друзіи же инако скажутъ. Крещену же Владимеру, предаша ему вѣру христіанскую, ркуще сиче: «да не прелестятъ тебе нѣщии отъ еретикъ, но вѣруй, сиче глаголя. *За симъ см. Полное Собрание Лѣтописей, т. I, стр. 48—50. Слова: Вѣрую во единого Бога Отца. . . Богъ да схранитъ тя отъ сего. — Володимеръ же посемъ поемъ царицю, и Настаса^и, и попы Корсуньскія, съ мощми святаго Климента и Фива, ученика его, и пойма съсуды церковныя и иконы на благословеніе себѣ. И постави церковь въ Корсуні на горѣ, иже ссыпаша среди града, крадучи приспу, яже церкви стоитъ и до сего дни. Взя же и чѣтыри кони мѣдяны, иже и нынѣ стоятъ за святою Богородицею, якоже не вѣдуще мнѣть и^і мраморяны суца. Вдасть же за вѣно Грекомъ опять Корсунъ парици дѣля, а самъ приде къ Кіеву. И повелѣ кумиры избити, овьи изсѣщи, а другыя огневи предаша; Перуна же повелѣ коневы привязати къ хвосту, и влечи съ горы по Боричеву на Ручай^к, 12 мужей пристави^л бити жезліемъ. И се же не яко древу чюющю^м, но на поруганіе бѣсу, иже прелщааше симъ образомъ челоувѣкы, да възмездіе пріиметь отъ челоувѣкъ. Велий еси, Господи, и чудна суть дѣла твоя! вчера чтимъ отъ челоувѣкъ, а днесъ поругаемъ. И влекому же ему по Ручаю къ Днѣпру, плакахуся его невѣрніи людіе, еще бо не бяху пріяли святаго крещенія; и привлекше и вринуша въ Днѣпръ. И пристави Володимеръ, рекъ^н: «аще гдѣ принесеть вода, вы^о отрѣвайте его отъ берега, дондеже пороги преидеть, тогда^п охавитесь^р его;» они же повелѣнное сѣтвориша. И яко пустиша и*

а) рати» работы К. О. б) аще. . . тоже» *пропущено во всѣхъ сп. кромѣ К. О.* в) прин.» ити *прибавл. К. О.* г) въ корабль» въ кубару Б. В. Г. д) съ поклономъ» съ полкомъ Б. В. Г. е) не крестишися» *только Ц. В.* ж) христ.» христіанскъ Т. з) топерво» топере К. О. и) настаса» анастаса О. і) не вѣдуще мнѣть и» не вѣдуще мнѣти (и) Т. Б. Г. не вѣдущимъ мнѣти В. к) по боричеву на ручай» по боричеву мосту на ручею *поправлено другимъ почеркомъ въ Ц.* л) пристави» приставити В. приставиша *въ прочихъ сп.; см. сего изданія т. I, стр. 50.* м) чюющю» чююще *вездѣ ошибк. кромѣ К. О. В.* н) рекъ» *только въ К. О.* о) принесеть вода вы» пріиметь и К. О. п) тогда» ти тогда *вездѣ кромѣ Ц., въ которомъ однакожъ ти зачеркнуто.* р) охавитесь» оставите К. О.

проиде пороги сквозѣ, изверже ѿ вѣтрѣ на рѣнь, и оттолѣ прослу Перуня рѣнь, якоже и 987 до сего дни словеть^а. Посемъ же Володимеръ посла по всему граду, глаголя: «аще кто не обрящется на рѣцѣ, богатъ, или убогъ, или нищъ, или работникъ, противенъ мнѣ да будетъ.» Се слышавше людие, съ радостію идяху, радующеся и глаголюще: «аще бы се не добро было, не бы сего князь и боляре пріяли.» Наутрѣ же Володимеръ изиде съ попы парицины и съ Корсуньскими на Днѣпръ, и спидеся безъ числа^б людій, и влѣзоша въ воду и стояху овѣи до шіи, а друзіи до персей, младенци же отъ брега, а друзіи младенци на рукахъ держаше, съвершеніи же бродяху; попове^в же молитву творяще стояху. И бяше видѣти радость на небеси и на земли, толико душъ спасаемыхъ, а діаволь стенише глаголя: увы мнѣ, яко отсюду прогонимъ есмь! сдѣ бо мнѣхъ жилище себѣ имѣти, яко сдѣ не суть ученія апостольска, ни суть вѣдуще Бога, но веселяхся о службѣ ихъ, еже служаху мнѣ; и се уже побѣженъ есмь отъ невѣгласа^г, а не отъ Апостоль, ни отъ мученикъ^д, не имамъ уже царствовати въ странахъ сихъ. Крестившимся людемъ, и идоша кождо въ дома своя. Володимеръ же радъ бысть, яко позна Бога самъ и людие его, възрѣвъ на небо и рече: «Боже, сътворивый небо и землю! призри на новыя люди сія, и дай же имъ, Господи, увѣдѣти тебе истиннаго Бога, якоже увѣдѣша страны христіаньскыя; и утверди вѣру въ нихъ праву и несовратну, и мнѣ помози, Господи, на супротивнаго врага, да надѣся на тя и на твою державу^е, побѣжу козни его.» И се рекъ, повелѣ рубити церкви и поставляти по мѣстомъ, идѣже стояху кумиры; и постави^ж церковь святаго Василия на холмѣ, идѣже стояше кумиръ Перунъ и прочіи, идѣже творяху требы князь^з и людие; и нача ставити по градомъ церкви и попы, и люди на крещеніе^и приводити по всѣмъ градомъ и селомъ. И пославъ нача имати нарочитой чади дѣти, и даяти нача на ученіе книжное; матери же чадъ сихъ плакахуся по нихъ, еще бо не бяху ся утвердили вѣрою, но яко по мертвецѣхъ плакахуся. Симъ же раздаянымъ на ученіе книгамъ, събысться пророчество на Русьской земли, глаголющее: во оны дни услышатъ глушіи словеса книжная, яснѣ будетъ языкъ гугнивыхъ^і. Си бо не быша преди слышали словесъ книжныхъ, но по Божію строенію, и по своей милости помилова Богъ, якоже рече Пророкъ: помилую, его же аще помилую^к. Помилова бо ны паки банею бытія и обновленіемъ Духа^л, по изволенію Божію, а не по нашимъ дѣломъ. Благословенъ Господь Богъ Ісусъ Христосъ, иже възлюби новыя люди, Русьскую землю, и просвѣти ю крещеніемъ святымъ. Тѣмже и мы припадаемъ къ нему, глаголюще: Господи Ісусе Христе! что ти въздамы^м о всѣхъ, яже ты въздасть намъ, грѣшникомъ сущимъ? недоумѣемъ противу даромъ твоимъ въздаянія въздати; велий бо еси, Господи, и чюдна дѣла твоя, и величію твоему нѣсть конца, въ родъ и родъ въсхвалимъ дѣла твоя^н. Ркуще съ Давыдомъ: приидѣте, възрадуемъ Господеви, възкликнемъ Богу Спасу нашему, варимъ лице его въ исповѣданіи^о; исповѣдающеся ему, яко благъ и яко въ вѣки милость его, яко избавилъ ны есть отъ врагъ нашихъ^п, рекше отъ идолъ суетныхъ. И паки рчемъ со Давыдомъ: воспойте Господеви пѣснь нову, въспойте Господеви вся земля; въспойте Господеви, благословите имя его, благовѣстите

а) и оттолѣ . . . словеть» якоже и до сего дни словеть перуня рѣнь К. О. б) безъ числа» безчислено Ц.

в) попове» попы К. О. попови *въ прочихъ сп.* г) отъ невѣгласа» отъ невѣгласъ К. д) ни отъ мученикъ» ни отъ ученикъ К. ни отъ чловѣкъ *ошибк.* О. е) державу» силу и державу Ц. ж) церкви . . . постави» *пропущено въ Ц.* з) идѣже твор. тр. князь» *исправлено по Лавр.; во всѣхъ сп.* же творяху требы князіе (князье). и) на крещеніе» на освященіе К. О. і) *Исаи XXIX, 18.* к) *Исход. XXXIII, 19.* л) духа» святаго *прибавл. Ц. См. къ Титу III, 5.* м) въздамы» въздамъ *вездѣ кромѣ К. О.* н) *Псал. CXLIV, 3, 4.* о) въ исповѣданіи» исповѣданіемъ *во всѣхъ сп. кромѣ Ц.* п) *Псал. XCIV, 1, 2, и CXXXV, 1, 24.*

987 день отъ дне спасеніе Бога нашего, възвѣстите въ языцѣхъ славу его, во всѣхъ людехъ чудеса его; яко велий Господь и хваленъ зѣло, и величію его нѣсть конца^а. Колика ти радость! ни единъ, ни два спасаетася^б. Рече бо Господь: яко радость бываетъ на небеси о единомъ грѣшницѣ кающемся^в; се же ни единъ, ни два, но безчисленное множество къ Богу приступиша, святымъ крещеніемъ просвѣщени. Якоже рече Пророкъ: възкроплю на вы воду чисту, и очиститесь отъ идолъ вашихъ и отъ грѣхъ вашихъ^г. И паки другой Пророкъ рече: кто яко Богъ отъемля грѣхы и преступая неправды? яко хотя и милостивъ есть; той^д обратитъ и ущедритъ ны, и погрузитъ грѣхы наша въ глубинѣ^е. Ибо Павелъ глаголетъ: братіе! елико насъ крестися^ж во Христа Ісуса, въ смерть его крестихомся и погребехомся убо съ нимъ крещеніемъ въ смерть; да якоже вѣста Христось отъ мертвыхъ съ славою отчею, такоже и мы въ обновленіе житія поидемъ^з. И паки: ветхая мимоидоша, а се быша новая^и; нынѣ приближися намъ спасеніе, нощь успе, а день приближися^и; имъ же приведеніе обрѣтохомъ вѣрою въ благодать сію, имъ же хвалимся и стоимъ^н; нынѣ же свободившеся отъ грѣха, поработившеся Господеви, имате плодъ вашъ въ освященіе^н. Тѣмже должны есмы работати Господеви, радующеся ему; рече бо Давыдъ: работайте Господеви со страхомъ и радуйтеся ему съ трепетомъ^н. Мы же^н взошѣмъ ко Господу Богу нашему, глаголюще: благословенъ Богъ^о, иже не дасть насъ въ ловитву зубомъ ихъ; сѣтъ скрушися, и мы избавлени быхомъ^п отъ прелести діаволя. И погыбе память его^р съ шумомъ, Господь вѣвѣки пребываетъ^с, хвалимъ отъ Русьскихъ сыновъ, пѣваемъ въ Троици; а демони проклинаеми отъ вѣрныхъ мужъ и отъ благовѣрныхъ женъ, иже пріяли суть крещеніе и покаяніе въ отпущеніе грѣхомъ, новые люди християнствіи, избранни Богомъ. — Володимеръ просвѣщенъ самъ, и сынове его, и земля его. Бѣ бо у него сыновъ 12: Вышеславъ, Изяславъ, Святополкъ, Ярославъ, Всеволодъ, Святославъ, Мьстиславъ, Борисъ, Глѣбъ, Станиславъ, Позвиздъ, Судиславъ^т. И посади Вышеслава въ Новѣгородъ, а Изяслава въ Пологьскѣ, Святополка въ Туровѣ, Ярослава въ Ростовѣ; умершю же старѣйшему Вышеславу въ Новѣгородѣ, и посади Ярослава въ Новѣгородъ, а Бориса въ Ростовѣ, а Глѣба въ Муромѣ, Святослава въ Деревѣхъ, Всеволода въ Володимери, Мьстислава Тмуторокани, Станислава въ Смоленську, Судислава въ Плесковѣ. И рече Володимеръ: «се не добро, еже мало городовъ^у около Кіева.» И нача ставити грады^ф по Деснѣ, и по Остри, и по Трубежеви, по Сулѣ, и по Вѣстугнѣ; нача нарубати^х мужи лучшіе^н отъ Словѣнъ, и отъ Кривичъ, отъ Чюди, и отъ Вятчъ, и отъ сихъ насели грады; бѣ бо рать отъ Печенѣгъ, и бѣ воюяся съ ними и одолѣвая ихъ. Того же лѣта постави князь Володимеръ, въ Кіевѣ, первую церковь святаго Георгія ноября въ 26. И пришедъ изъ Кіева въ Смоленскую^ч землю, постави градъ въ свое имя Володимеръ, и спомъ осыпа, и церковь святую Богородицю сборную древяну постави, и вси люди крестивъ Русьскыя и намѣстницы^ш.

а) Псал. ХСV, 1—4. б) спасаетася* спасаются К. О. в) Луки XV, 7. г) Іезек. XXXVI, 25. д) той* то во всѣхъ сп. кромъ Ц. К. е) Мих. VII, 18, 19. ж) крестися* крестинася К. О. з) Къ Римл. VI, 3, 4. и) 2 къ Кориню. V, 17. і) Къ Римл. XIII, 11, 12. к) Тамъ же V, 2. л) Тамъ же VI, 22. м) Псал. II, 11. н) мы же* мы бо въ прочихъ сп. кромъ Ц. К. О. о) богъ* нашъ прибавл. Ц. п) Псал. СХХIII, 6, 7. р) его* ихъ вездѣ кромъ В. с) Псал. IX, 7, 8. т) судисл.* пропушено въ В. у) мало гор.* малъ городъ еже К. О. ф) грады* пропушено въ Т. х) наруб. порубати Ц. ц) лучшіе* лучшими К. О. ч) въ смоленскую* такъ было и въ Ц., но потомъ другимъ современнымъ же почеркомъ поправлено въ суздольскую. Въ томъ же спискѣ противъ сего мѣста отмѣчено на поляхъ: въ лѣто 6498. ш) намѣстницы* по всей земли прибавлено на поляхъ въ Ц.: здѣсь, кажется, недостаетъ слова постави.

Въ лѣто 6499. Крестився Володимеръ, и взя у Фотія патріарха у Царьградскаго перваго^а 991 митрополита Кіеву Леона, а Новугороду архіепискупа Якіма^б Корсунянина, а по инѣмъ градомъ епискупы и попы и діяконы, иже крестиша всю землю Русьскую; и бысть радость всюду. И прииде къ Новугороду архіепискупъ Якимъ, и требища разори, и Перуна посѣче и повелѣ въврещи^в въ Волховъ. И повязавше^г ўжи, влечухуть ѿ по калу, біюще жезліемъ и пихающе, и въ то время вшелъ бѣ въ Перуна бѣсъ, и нача кричати^д: о горе, охъ мнѣ! достася немилостивымъ симъ рукамъ; и вринуша его въ Волховъ. Онъ же пловя сквозѣ великій мостъ, верже палицю свою и рече: на семъ мя поминають Новгородскія дѣти^е, еюже и нынѣ безумніи убивающеса, утѣху творять бѣсомъ. И заповѣда никомуже нигдѣже переняти его; иде Пидьблянинъ^ж рано^з на рѣку, хотя горнеци^и везти въ городъ, оли Перунъ приплы къ берви, и отрину ѿ шестомъ: «ты, рече, Перунице^і, до сыти еси ѣлъ и пилъ, а нынча поплови прочъ;» плы изъ свѣта некощное^к. — Посемъ же Володимеръ живяше въ законѣ христіаньствѣмъ, помысли создати церковь святыя Богородица, и пославъ приведе мастера отъ Грекъ. Наченшо же здати, яко и^л сконча зижда, украси ю честными иконами, и поручи ю Анастасу іерею Корсунянину, и попы Корсунскія пристави служити ей, и дасть ту все еже бѣ взялъ въ Корсуни, иконы, и сѣсуды, и кресты.

Въ лѣто 6500^м. Володимеръ заложилъ Бѣлгородъ, и наруби въ онъ отъ иныхъ городовъ, и много людій свеле въ онъ; бѣ бо любя градъ сей^н.

Въ лѣто 6501. Иде Володимеръ на Хорваты. Пришедшо же ему съ войны Хорватскія, и се Печенѣзи придоша по оной сторонѣ отъ Сулы; Володимеръ же поиде противу имъ, и срѣте я на Трубежи на броду, гдѣ нынѣ Переяславль. И ста Володимеръ на сей странѣ, а Печенѣзи на оной странѣ, и не смѣяху си на ону сторону, ни они на сю сторону. И приѣха князь Печенѣжскій къ рѣцѣ, и возва Володимера, рече ему: «выпусти свой мужъ, а язъ свой, да ся борета; да аще твой мужъ ударить моимъ, да не воюемъ за 3 лѣта, аще ли нашъ мужъ ударить твоимъ, да воюемъ за 3 лѣта;» и разидошася разно. Володимеръ же прииде въ товары, и посла биричи^о по товаромъ, глаголя: «нѣту ли таковаго мужа, иже бы ся нялъ съ Печенѣжиномъ?» и не обрѣтеса никтоже. И заутра приѣхаша Печенѣзи и свой мужъ приведоша, а въ нашихъ не бысть. Поча тужити Володимеръ, посылая по вѣсѣмъ воемъ, и прииде единъ старъ мужъ ко князю и рече ему: «княже! есть у мене единъ сынъ дома меншій, а съ четырьми есмь вышелъ, а онъ дома; отъ дѣтства бо его нѣсть кто имъ ударивалъ: единою бо ми ся сварящю на нь, оному же мнущю кожою, разгнѣався на мя, расторже^п кожою надвое рукама.» Князь же се слышавъ^р радъ бысть, посла по нь, и приведоша ѿ ко князю, и князь повѣда ему все; онъ же рече: «могу ли и самъ не вѣдаю, да искусите мя: нѣту ли вола велика и силна?» И налѣзоша волъ великъ и силенъ^с, и повелѣ раздражити вола; и възложиша^т на нь желѣза горяща, и пустиша вола, и побѣже волъ мимо

а) перваго «единого К. О. б) якіма «іакима (акіма) различно во всѣхъ сп. в) въврещи «влещи и К. О. г) и повязавше «см. сего изданія т. III, стр. 207; во всѣхъ сп. и поверзавше. д) и нача кричати «пропущено во всѣхъ сп.; прибавлено изъ Новг. третьей Лѣт., помѣщенной въ семъ изданіи. е) верже. . . дѣти «нынѣ въ Т. К. О. В. ж) пидьбл. «видьбл. вездѣ кромѣ К. О. з) рано «порану Ц. Б. п) горнеци «горницы Б. О. горници К. і) перунице «см. т. I, стр. 207; во всѣхъ сп. перунице. к) изъ свѣта некощное «и со свѣта вокошній (вокошьные) Б. В. Г. (со) свѣта окошное К. О.; вездѣ испорчено. л) яко и «и яко К. О. В. м) въ л. 6500 «нынѣ въ К. О. н) сей «ось вездѣ кромѣ В. о) биричи «исправлено по Лавр. (т. I, стр. 52); во всѣхъ сп. берендичи (бернедичи). п) расторже «преторже К. О. р) се слышавъ «пропущено въ Т. с) и налѣзоша. . . силенъ «пропущено въ К. О. т) възложиша «възложити В. възложи въ прочихъ сп.

993 его, и похвати вола рукою за бокъ, и вырва кожу съ мясы^а, елико ему рука зая; и рече
 —⁹⁶ ему Володимеръ : «можеш^б ся съ нимъ бороти.» И наутрѣя прѣидоша Печенѣзи и почаша
 звати : «нѣсть ли мужа? се нашъ готовъ стоить.» Володимеръ же повелѣ тое нощи облещися
 въ оружїе; и приступиша къ рѣцѣ обон. И выпустиша Печенѣзи мужъ свой, бѣ бо великъ
 зѣло и страшень; выпусти же Володимеръ и свой мужъ, и узрѣ ѿ Печенѣжанинъ и посмѣся,
 бѣ бо средній тѣломъ. И размѣривше межи обѣма полкома, и пустиша я къ себѣ, и ястася
 и почаста ся крѣпко брати, и удави Печенѣжанина въ руку до смерти и удари имъ о землю;
 и кликнуша, и Печенѣзи побѣгоша^в, а Русь погнаша по нихъ, сѣкуще ѿ^г. Володимеръ же
 радъ бысть, и заложилъ городъ на броду томъ и нарече имя ему Переяславль, зане прея славу
 отрокъ той^д. Володимеръ же великъмъ мужемъ сътвори его и отца его; и възвратися въ
 Кіевъ съ побѣдою и славою великою.

Въ лѣто 6504^е. Володимеръ видѣвъ церковь свершену и вшедъ въ ню, помолися Богу,
 глаголя : «Господи Боже! призри съ небеси и вижь, посѣти винограда своего, и сверши яже
 насади десница твоя^ж, новыя люди сія, имъ же^з обратилъ еси сердце въ разумъ, познати
 тебе истиннаго Бога; призри на церковь твою сію, юже создахъ недостойный рабъ твой, во
 имя рождшая тя Матере и Приснодѣвныя Богородица; да аще кто помолится въ церкви сей,
 то услыши, Господи, молитву его и отпусти грѣхы его, молитвы ради пречистыя Богоро-
 дица.» Помолившюся ему, рекъ сиче : «даю церкви Божїей и всевятѣй Богородици отъ имѣ-
 нїя моего и отъ градовъ моихъ десятую часть.» И положи написавъ клятву въ церкви сей,
 рекъ : «аще кто^н сего посудить, да будетъ проклятъ.» И власть десятину Анастасу Корсу-
 нянину; сътвори же праздникъ великъ въ той^и день бояромъ и старцемъ людскимъ, и убо-
 гимъ раздая имѣніе много. По сихъ же прѣидоша Печенѣзи къ Василеву, и Володимеръ съ
 малыми людьми изиде противу, и не могъ Володимеръ стати противу имъ, подбѣгъ ста^к подъ
 мостомъ, одва укрыся отъ противныхъ; и тогда обѣщася Володимеръ поставити церковь въ
 Василевѣ святаго Спаса Преображеніе, бѣ бо въ той день Преображеніе Господне, егда си
 бысть сѣча. Избывъ же^л сего, и постави церковь, и сътвори праздникъ великъ, варя 300
 берковескихъ меду, съзва боляры своя, и посадники, и старѣйшины по всеѣмъ градомъ, люди
 многи, и раздая убогимъ 300 гривенъ. И празднова князь днѣй 8, и възвратися къ Кіеву на
 Успеніе святаго Богородици, и ту сътвори праздникъ великъ, съзывая безчисленное множество
 народа. Видѣвъ же^м людїе христїяны суща, радовашеся душею и тѣломъ, и тако по вся
 лѣта творяше. Бѣ бо любя словеса книжная Володимеръ, слыша бо Евангелїе чтомо : бла-
 жени милостивїи, яко ти помиловани будутъ^н; и паки : продайте имѣнїя ваша и дайте^о ни-
 щимъ^п; и паки : не скривайте себѣ скровища на земли, идѣже тля тлїть и татїе подкопы-
 вають^р, но скривайте себѣ скровища на небесѣхъ, идѣже ни тля тлїть, ни татїе не подко-
 пываютъ, ни крадутъ^с. И Давыда глаголюща : «блаженъ мужъ милуя и дая. Соломона же

а) съ мясы» съ мясомъ К. О. б) можеш» можеш бо *вездѣ кроль* К. О. в) и кликнуша. . . побѣгоша»
 и кликнуша печенѣзи и побѣгоша Ц. г) и» я К. О. д) д) прея. . . той» прея славу отрокъ отъ Т. Б. Г.
 имя отрока тому переяславъ Ц. е) въ л. 6504» *итѣзъ въ* О. ж) *Псал. LXXIX, 15, 16.* з) имъ же»
 образомъ *прибавлено неправильно въ* Т. Б. В. Г. и) кто» *пропущено во всѣхъ сп. кроль* К. О. і) въ той»
 въ тѣ такъ и ниже Т. въ тотъ Б. В. Г. к) подбѣгъ ста» подбѣгоста *ошибк.* Т. л) избывъ же»
 избывше Т. Ц. Б. Г. избывъ же владимеръ К. О. м) видѣвъ же» видѣвше *въ прочихъ сп. кроль* К. О. В.
 н) *Матѣ. V, 7.* о) дайте» дадите К. О. п) *Луки XII, 55.* р) подкопывають» подкопають Т. Ц. подко-
 пываютъ ни крадутъ В. на земли. . . подкопывають» *пропущено въ* Б. Г. с) *Матѣ. VI, 19, 20.*

слыша глаголюща^а: въздавая^б нищему, Богу възвѣсть^в дасть^г. Си слышавъ, повелѣ всякому ⁹⁹⁶ нищему и убогому приходити на княжъ дворъ и взимати всяку потребу, питіе и яденіе, и отъ скотникъ кунами. Устрои же се, рекъ: «яко немощни и болніи^д не могутъ дойти двора моего.» Повелѣ пристроити кола; и възскладше хлѣбы, и мяса, и рыбы и овошіе различное^е, медъ въ бочкахъ, а въ другихъ квасъ, возити повелѣ по граду и възпросити^ж: «гдѣ болни и нищии, не могій^з ходити?» и тѣмъ раздавахуть на потребу. Се же ему творящую^и людемъ своимъ по вся недѣля, устави на дворѣ въ гридницѣ пиръ творити боляромъ, и гридемъ, и сотьскимъ, и десятъскимъ^и, нарочитымъ людемъ, при князи и безъ князя: бываше на обѣдѣ томъ множество отъ мясъ, отъ скота^к и отъ звѣрины, и бѣ по изобилію всего. Егда же подпѣяхуться^л, начинаху^м роптати на князя^н, глаголюще: «зло есть нашимъ главамъ, ясти дрѣвяными лжицами, а не сребряными.» И се слышавъ Володимерь, повелѣ исковати лжици сребряны, и повелѣ ясти людемъ, рекъ сице: «яко сребромъ и златомъ не имамъ налѣзти людей, а съ людьми добуду злато и сребро, якоже дѣдъ мой и отецъ мой доискахуся людьми злата и сребра.» Бѣ бо Володимерь любя люди, и думая съ ними о устроеніи земномъ, и о ратѣхъ, и о сѣставѣ земнѣмъ^о; и бѣ живя со князи околними его миромъ, съ Болеславомъ Ляцьскимъ, и Стефаномъ Угорскимъ, и съ Андрихомъ Чесьскимъ, и бѣ миръ межи ими и любовь. И живяше Володимерь въ страсъ Божіи, и умножишася разбоеве, и рѣша епискупи Володимеру: «се умножишася разбойници; почто не казниши ихъ?» Онъ же рече имъ: «боюся грѣха.» Они же рѣша ему: «ты поставленъ еси отъ Бога на казнь злымъ, а добрымъ на милованіе; достоить ти казнити разбойници, но съ испытаніемъ.» Володимерь же отвергъ виры, нача казнити разбойники, и рѣша епискупи и старци: «ратъ многа; оже вира, то на оружїи и на конѣхъ буди.» И живяше Владимиръ по устроенію отечню^п и дѣдню.

Въ лѣто 6505. Володимеру же шедшу къ Новугороду по верховнѣи вои на Печенѣги, бѣ бо ратъ велика зѣло, въ се время увѣдавшѣ Печенѣзи, яко князя нѣтъ, придоша и сташа около Бѣлагорода. И не дадаху вылѣзти изъ града, и бѣ^р гладъ великъ въ градѣ, и не бѣ лѣзъ Володимеру помощі, не бѣ бо вой у него, Печенѣгъ же множество. И удолжися остоя въ градѣ, и бѣ гладъ великъ, и сѣтвориша вѣчь въ градѣ^с, рекоша: «се уже хоцѣмъ помрети отъ глада, а отъ князя помощи нѣтъ; да луче ли ны помрети? владимся Печенѣгомъ, кто живъ будетъ, или мертвъ; уже бо помираемъ отъ глада;» и тако сѣвѣтъ^т сѣтвориша. Бѣ бо единъ старецъ не былъ на вѣчь томъ, и впроеи: «что ради вѣчь было?» и людіе повѣдаша ему, яко утрѣ хотять предатися Печенѣгомъ. Се же слышавъ, посла по старѣйшины по градскыя, и рече имъ: «слысахъ, яко хоцете ся предати Печенѣгомъ;» они же рѣша^у: «не стерпятъ людіе глада.» И рече имъ: «послушайте мене и не предайтеся за 3 дни, а язъ

а) блаженъ . . . глаголюща» пропущено въ Т. См. Псал. СХІ, 5. б) въздавая» даей В. въздай (воздай) въ прочихъ сп. кромъ К. О. в) възвѣсть» възвѣсти О. г) За симъ находящїяся выше слова избытъ же владимерь сего въ К. О. написаны здѣсь не на своемъ мѣстѣ. См. Притч. Солом. ХІХ, 17. д) болніи» иже прибавлено безъ нужды во всѣхъ сп. кромъ К. О. е) овошіе разл.» овошь различный К. О. ж) возити. . . възпросити» возити по граду възпрашающимъ К. О. з) болни . . . не могій» гдѣ боли и нищи, не могій Ц. Б. Г. гдѣ болны и нищи и не могій К. О. и) ему творящую» пакы твора(а)ше К. О. ему творяше неправильно въ прочихъ сп. кромъ Ц. и) дес.» пропущено въ К. О. к) отъ ск.» и отъ скота Т. л) подпѣяхуться» подопѣяхут(ь)ся Ц. Б. В. Г. м) начинаху» начинахуть Ц. Б. В. Г. начяху К. О. н) на князя» на князь Б. К. В. Г. о) и о ратѣхъ. . . земнѣмъ» пропущено въ К. О. п) отечню» отчю Б. Г. р) бѣ» недостаетъ въ Т. с) и не бѣ лѣзъ. . . въ градѣ» пропущено въ В. и бѣ гладъ. . . въ градѣ тоже въ Б. Г. т) и тако сѣвѣтъ» и бѣ тако Т. у) они же рѣша» пропущено во всѣхъ сп.; см. Лавр. (т. I, стр. 55).

997 что вы велю, творите.» Они же ради обѣщашася сътворити, и рече имъ^а: «сберѣте ктоже
 1015 отъ себе^б по горсти овса, или пшеницы, или отрубъ;» они же шедше ради снискаша^в. И
 повелѣ женамъ створити цѣжь, въ немъ же варять кисель, и повелѣ ископати кладязь, и
 въставить въ кладязь кадъ и наліати цѣжа, и повелѣ ископати другій кладязь, и въставить
 тамо другую кадъ. И повелѣ искати меду, они же шедше принесоша лукно меду^г, бѣ бо
 погребено въ земли въ княжей медуши; и повелѣ насытити велми и воліати въ кладязь.
 Утро же послаша по Печенѣги; и граждана рѣша Печенѣгомъ: «поймѣте къ себѣ таль нашу,
 а вы пойдѣте до десяти мужъ въ градъ нашъ, да видите, что ся дѣеть въ градѣ нашемъ?»
 Печенѣзи же ради бывше, мняще яко предатися хотять, пояша у нихъ тали, и сами избраша
 лучшіи мужи въ родѣхъ, и послаша въ градъ, да розглядають, что ся дѣеть въ градѣ. И
 придоша въ градъ, и ркоша имъ людіе: «почто губите себе? коли можете перестояти насъ?
 аще стоите за 10 лѣтъ, что можете сътворити намъ? имѣемъ бо кормлю отъ земли; аще ли
 вѣры не имете, да се узрите своима очима.» И привелоша ихъ ко кладязю, идѣже цѣжь, и
 почерпоша ведромъ и ліяху въ ладкы^д: и яко съвариша кисель, и поемше ихъ привелоша^е къ
 другому кладязю, и почерпоша сыты, и начаша ясти перво сами, потомъ же^ж и Печенѣзи.
 И удившася, и ркоша: «не имуть вѣры сему наши князи, аще не ядятъ сами.» Людіе же
 наліаша корчагу цѣжа и сыты отъ кладязя, и вдаша Печенѣгомъ; они же шедше исповѣ-
 даша вся бывшая. И варивше и ядоша князи Печенѣжскыя, и подившася, и поимше тали
 своя, а онѣхъ пустивше, идоша отъ града въсвои.

Въ лѣто 6506. Въ лѣто 6507. Въ лѣто 6508. Въ лѣто 6509. Преставися Изяславъ князь
 Володимировичъ^з.

Въ лѣто 6510. Въ лѣто 6511. Въ лѣто 6512. Въ лѣто 6513. Въ лѣто 6514. Въ лѣто 6515.
 Въ лѣто 6516. Въ лѣто 6517. Въ лѣто 6518. Въ лѣто 6519. Преставися Анна царица.

Въ лѣто 6520. Въ лѣто 6521. Въ лѣто 6522. Ярославу сущю въ Новѣгородѣ, и урокомъ
 дающе къ Кіеву 2000 гривень отъ года и до года, 1000 Новугороду гриденемъ^и раздавааху:
 тако даяху вси посадници, а Ярославъ сего не даяше^і отцю своему. И рече Володимеръ:
 «требите путь и мосты мостите», хотяшеть бо ити на Ярослава, сына своего, но раз-
 болѣся.

Въ лѣто 6523. Хотящю ити Володимеру на Ярослава, Ярославъ же посла за море и
 приведе Варяги, бояся отца своего: но Богъ не дастъ дьяволу радости. Володимеръ же раз-
 болѣся, въ то же время бѣ у него Борисъ; Печенѣгомъ же идущимъ на Русь, посла противу
 имъ Бориса, самъ бо боляше велми^к, въ нейже болѣзни и скончася въ Берестовѣ, мѣсяца
 іюля въ 15 день. И потаиша ѱ, бѣ бо Святополкъ въ Кіевѣ; въ ноцъ же межи клѣтми
 проимаша помость, въ коверъ опряташа, и ужи съвѣсиша на землю, и възложиша ѱ на сани,
 везше ѱ поставиша въ святѣй Богородици. Се же увѣдавше людіе, безчислено^л снидошася; и
 вложиша ѱ въ гробъ мраморенъ, и съхраниша тѣло его съ плачемъ блаженнаго великаго
 князя Владимира. Сей есть новій Коньстантинъ великаго Рима, иже крестився самъ и люди
 своя крести: тако и сей сътвори подобно ему. Аще бо бѣ и преже въ поганьствѣ на скверную

а) и рече имъ «*нѣтъ въ К. О.* б) отъ себе» отъ васъ К. О. в) ради сиск.» снискаша ради Т. г) варять
 кисель... меду; «*вмѣсто сего въ К. О. только слѣдующія слова:* и наліати цѣжа кадъ, и повелѣ искати
 меду, и постави другую кадъ; они же шедше взяша меду лукно. д) въ ладкы» въ кадкы Ц. е) привелоша
 придоша Ц. Б. В. Г. ж) потомъ же» сами *прибавл.* Т. з) въ л. 6506... володимировичъ» *нѣтъ въ К. О.*
 и) гриденемъ» гридемъ К. О. і) не даяше» кіеву *прибавлено вездѣ кромѣ* Т. к) велми» добръ О.
 л) безчислено» безъ числа К. О.

похоть желая, но послѣже прилежааше къ покаянію, якоже Апостоль вѣщаетъ: идѣже умно-¹⁰¹⁵ жися грѣхъ, ту изобилуется благодать^а. Аще бо въ невѣжествѣ етера согрѣшенія быша, послѣже разсыпашася покаяніемъ и милостынями^б, яже глаголетъ: въ немъ же ты застану, въ томъ ти сужу. Якоже Пророкъ глаголетъ: живу азъ, глаголетъ Аданаи Господь, яко не хоцю смерти грѣшникомъ, но обратитися имъ отъ пути своего^в злаго^г. Мнози бо праведніи творяще по правдѣ и^д живуще, погибають^е. Дивно же се есть, колико сътвори добра Русьской земли, крестивъ ю. Мы же, хрестіане суще, не въздаемъ почестія противу оному възданію. Аще бо онъ не крестилъ бы насъ, то и нынѣ быхомъ были въ прелести діаволи, якоже и прародители наши погибнуша. Да аще быхомъ имѣли потщаніе и молбу приносили Богу за нь, въ день преставленія его, видя бы Богъ тщаніе наше къ нему, прославилъ бы и^ж: намъ бо достойтъ молити Бога за нь, понеже тѣмъ Бога познахомъ. Но дай же, Господи, по сердцю твоему, вся прошенія твоя исполни, иже^з желаше царствія небеснаго: дасть же ти Господь^н вѣнецъ съ праведными, въ пищи райстѣй веселіе и ликостояніе со Авраамомъ и съ прочими патріархы; якоже Соломонъ рече: умершю мужю праведну, не погибаетъ упованіе^и. Сего бо^к въ память держать Русьстіи людіе, поминающе святое крещеніе, и прославляютъ Бога въ молитвахъ и пѣснѣхъ и^л въ псалмѣхъ, поюще Господеву новіи людіе, просвѣщени святымъ крещеніемъ и^м святымъ Духомъ, чающе надежи великаго Бога Спаса нашего Ісуса Христа, въздати комуждо противу трудомъ неизреченную милость^п, юже буди улучити всѣмъ хрестіаномъ.

Увѣненіе Бориса князя. Святополкъ сѣде въ Кіевѣ по отцѣ, и призва Кіянны, и многи дары имъ раздая, и отъпусти я. Посла^о же къ Борису, глаголя: «брате! хоцю съ тобою любовь имѣти, и ко отню ти придамъ;» лестно, а не истинно глаголаше. И пришедъ къ Вышегороду въ ночь отай, призва Путшу и Вышегородскыя бояре, и рече имъ: «повѣйте ми по истиннѣ, пріязнство имѣете ли ко мнѣ?» Путша рече: «все мы можемъ головы своя положить за тя.» Видѣвъ же діаволь, искони ненавидяй добра челоуѣку, яко всю надежу свою на Господа положилъ есть святой Борисъ, начатъ подвижнѣ^п бывати и обрѣтъ, якоже и Каина на братоубійство горяща, такоже и Святополка, по истиннѣ втораго Каина, улови мысль его, яко да избіетъ наслѣдники вся отца своего, и самъ пріиметь всю власть единъ. Тогда призва къ себѣ окаанный, проклятый Святополкъ свѣтники своя всему злу и началники вся неправды, и отверзъ прескверная^р уста, и испусти злый свой гласъ, рече Путшинѣ чади: «аще убо обѣщастеся главы своя положить за мя, шедше, братіе моя, да гдѣ обрящете брата моего Бориса, исмотривше времени убійте его;» и обѣщашася^с ему тако сътворити. О таковыхъ Пророкъ рече: скоріи суть проліяти кровь безъ правды; сіи бо обѣщаются^т крови, и собирають себѣ злая; сихъ путіе суть собирають^у безаконіе, нечестіемъ бо свою душу объемлють^ф. Блаженный же Борисъ, якоже ся бяхе воротилъ, и сталъ на

а) Къ Римл. V, 20. б) милост. «многими прибавл. В. в) своего» во всѣхъ сп. вашего; см. Лавр. (т. I, стр. 56). г) Іезек. XXXIII, 11. д) и «только въ Ц. е) мнози бо . . . погибають;» сіе мѣсто полнѣе читается въ Лавр. (т. I, стр. 56). ж) прославилъ бы и «прославилъ ны и Ц. прославилъ бы въ прочихъ сп. кромѣ Б. Г. з) иже» только и вездѣ кромѣ Т. и) дасть же ти господь» дай же ти господи К. О. В. і) Притч. Солом. XI, 7. к) сего бо» се бо вездѣ кромѣ Т. К. О. л) и «только въ В. м) св. крещеніемъ и «нытъ въ Б. Г. н) милость» радость К. О. о) посла» пославъ вездѣ кромѣ К. О. В. п) подвижнѣ» подвижніе Т. Б. Г. подвиженіе Ц. р) прескверная» прескверная Т. с) обѣщашася» обѣщася во всѣхъ сп. ошибк. кромѣ Ц. т) обѣщаются поправлено по Лавр. (т. I, стр. 57); во всѣхъ сп. обѣщаваются. у) собирають» собирающе К. О. ф) Притч. Солом. I, 16—19.

1015 Алтѣ^а шатры; и рѣша ему дружина: «пойди и сяди въ Кіевѣ на столѣ отца своего, се бо вои вси въ руку твою суть.» Онъ же къ нимъ отвѣщаваше рече: «не буди ми то^б взяти руки на брата своего, еще же на старѣйшаго, егоже быхъ имѣлъ яко и отца.» Се слышавше вои, и разидошася отъ него, а самъ оста токмо со отроки своими. Бяше въ день суботный^в въ тузѣ и печали^г, съкрушенымъ сердцемъ^д, а душою радостною, жалостно гласъ свой испущаше: «слезъ моихъ не презри, Владыко! да якоже уповаю на тя, тако да съ твоими рабы пріиму часть и жребій съ всѣми святыми твоими, яко ты еси Богъ милостивъ и тебѣ славу высылаемъ, Отцю и Сыну и святому Духу вѣвѣки, аминь.» Помышляше же мученіе и страсть святаго Никиты и святаго Вячеслава, подобно же сему убіену сущю, и како святѣй Варварѣ свой отецъ убійца бысть; и помышляше слово премудраго Соломона: праведници вѣвѣки живутъ, отъ Господа мзда имъ и строеніе отъ Вышняго^е. О семъ словеси токмо утѣшашеся. Таче бысть вечеръ, и повелѣ пѣти вечернюю, а самъ влѣзъ въ шатеръ, нача творити молитву вечерною, слезами горькими и частымъ въздыханіемъ и стенаніемъ многимъ. По сихъ же леже спати, и бяше сонъ его въ мнзѣй мысли и въ печали крѣпцѣй, страшнѣй, како предатися на страсть и како пострадати, и теченіе скончати, и вѣру съблюсти, яко да неищадимый^ж вѣнецъ пріиметь отъ руки Вседержителя. И възбнувъ рано, и видѣ, яко годъ утрени есть, бѣ же въ святую недѣлю, и рече къ презвитеру своему: «въстани, начни утренюю;» самъ же обувъ нозѣ свои и умывъ лице свое, начатъ молитися къ Господу Богу. Посланіи же пріидоша отъ Святополка на Алто^з въ ноцъ, и подступиша близъ шатра, и слышаша блаженнаго гласъ страстотерпца, поюща псалмѣ заутреніи. Бяше же ему вѣсть о убіеніи его^н, и начатъ пѣти: Господи! что ся умножиша^и стужающей ми? мнози всташа на мя^н; и прочая псалма того. И нача пѣти^к Псалтырь, глаголя: яко обыдоша мя пси мнози и унци тучніи одержаша мя^м; и паки: Господи Боже мой! на тя уповахъ, спаси мя^н; таче посемъ канонъ. И кончавшю ему утренюю, начатъ молитися, зря ко иконѣ Господни: «Господи Ісусе Христе! иже симъ образомъ явися на земли, изволивый своею волею пригвоздитися на крестѣ, и пріимъ страсть грѣхъ ради нашихъ, и сподоби мя тако пріяти страсть.» И яко услышаше топотъ золь около шатра, и трепетенъ бывъ, нача слезы испущати отъ очію своею, и глаголаше: «слава ти, Господи, яко о всемъ томъ сподобилъ мя еси, зависти ради, пріяти горкую смерть, и все пострадати любви ради словесе твоего; не въсхотѣхъ бо себе самъ взискати, ничтоже себе изволихъ по Апостолу: любви терпѣть, всему вѣру емлетъ, не ищетъ своихъ си^о, и паки: въ боязни любви нѣсть, но свершенная любовь^п вонъ измещетъ страхъ^р; тѣмже, Владыко, душа моя въ руку твою воину^с, яко закона твоего не забыхъ: яко Господу годѣ, тако и бысть.» И яко узрѣ прозвитеръ его и отрокъ, еже служаше предъ нимъ, господина своего дряхла и печалію оболіяна суща зѣло, расплакастася и глаголаста: «мильїи наю господине драгый! коликой благости сподобленъ бысть, яко не въсхотѣ противитися брату своему, любви ради Христовы, колико воя держа въ руку своею!» И си рекша умилистася, и абіе узрѣста текущихъ къ шатру, блистанія оружія, мечное

а) на алтѣ» на лтѣ О. на тлѣ *ошибк.* К. б) то» того К. О. в) суб.» (и) бляше *прибавл.* К. О. г) печали» и скорби *прибавл.* Ц. д) сердцемъ» влѣзъ въ шатеръ свой и плакашеся съкрушенымъ сердцемъ *прибавл.* К. О. е) *Прем. Солом. V, 15.* ж) неищадимый» ищадимый *вездѣ кромѣ* Т. з) на алто» на лто Т. К. О. и) поюща... его» *недостаетъ въ* О. і) умножиша» умножишася Т. Ц. К. О. к) *Псал. III, 2.* л) господи что ся... пѣти» *пропущено въ* Б. Г. м) *Псал. XXI, 15, 17.* н) *Псал. VII, 2.* о) 1 къ *Коринт. XIII, 5, 7.* п) любовь» любви К. О. р) 1 *Іоани. IV, 18.* с) воину» выну К. О. В.

оцѣщеніе^а. Безъ милости прободено^б бысть честное и многомилостивное тѣло святаго бла- 1015
женнаго страстотерпца Христова Бориса: насунуша копіи Путша, и Талець, и Оловичь,
Ляшко. Видѣвъ же отрокъ его се, вержеся на тѣло его, рекуый: «да не остану тебе, госпо-
дине мой драгый; да идѣже красота тѣла твоего увядаетъ, ту и азъ сподобленъ буду жи-
вотъ свой скончати.» Бяше же сей бѣ родомъ Угринь, именованъ Георгій, бяше бо възложилъ
на нь гривну злату, и бѣ любимъ Борисомъ паче мѣры; ту же и того прободоша. Святый же
Борисъ яко бысть ураненъ, искочи изъ шатра въ оторопѣ, и начаша глаголати стоящій^в округъ
его: «что стоите зряще? приступлше скончаемъ^г повелѣнное намъ.» Си же слышавъ бла-
женный, нача молитися имъ и милъ ся дѣяти, глагола имъ: «братіе моя милая! мало ми
время пождите, и да помолюся Богу моему.» И възрѣвъ на небо съ слезами и горцѣ въздох-
нувъ, нача молитися сичевыми глаголы: «Господи Ісусе Христе, Боже милостивый, и пре-
многомилостивый Владыко! слава ти яко сподобилъ мя еси отъ прелести житія сего лестви-
чнаго отъйти; слава ти, прещедрый Живодавче, яко сподоби мя труда святыхъ ти мученикъ;
слава ти, Владыко челоуѣколюбче, сподобивый мя скончати хотѣніе сердца моего; слава ти^д,
Христе, многому милосердію, иже направивый на правый путь мирныя^е ноги моя^ж, текуща^з
къ тебѣ безъ соблазна; призри съ высоты святыя твоя и вижь болѣзнь сердца моего, еже
пріяхъ отъ сродника моего, яко тебе ради умерщвляемы есмы весь день, вмѣниша мя яко
овца въ свѣдѣ^и. Всѣи бо, Господи мой, всѣи, яко не противлюся, ни впрекы глаголю^и;
имый въ руку моею вся воя отца моего и вся любимая отцемъ моимъ, ничтоже умыслихъ
противу брату моему, онъ же елико възможе и въздвиже на мя; да аще бы ми врагъ поно-
силъ, претерпѣлъ убо быхъ отъ него, и аще бы ненавидѣя мене на мя велерѣчевалъ, укрылся
убо быхъ^к. Но ты, Господи, вижь и суди межи мною и межи братомъ моимъ, и не постави
имъ грѣха сего, но пріими въ миръ душу мою, аминь.» И таче възрѣвъ къ нимъ умиленыма
очима, испадшимъ^л лицемъ, весь слезами обліявся, рече: «братіе! приступлше скончайте
службу вашу, и буди миръ брату моему и вамъ, братіе.» Да елико слышаху словеса его,
отъ слезъ не можаху ни словеси рещи, отъ страха же и печали горкыя и отъ многихъ
слезъ, но съ въздыханіемъ горкымъ жалостно глаголаху, плачуще каждо въ души своей
глаголаше: «увы мнѣ^м, княже нашъ милый и драгый, блаженный, водителю слѣпымъ, одежда^н
нагимъ, старости жезле, ненаказаннымъ казателю! кто уже исправить вся? како не възхотѣ
славы міра сего? како не възхотѣ веселитися съ честными велможами? како не възхотѣ
величія, иже^о въ семъ житіи? и кто бо не почюдится великому смиренію его? кто ли не
сѣмирится оно смиреніе видя и слыша?» И абіе успе, предавъ душу въ руцѣ Бога живаго,
мѣсяца іюля^п въ 24 день. И избиша отроки многи; съ Егоргія^р же не могуще сняти гривны,
отсѣкше главу его отвергоша кромѣ, да тѣмъ и послѣди не могоша познати тѣла его. Бла-
женнаго же Бориса обертѣша въ шатерь, и възложиша на кола и повезоша ѿ, и яко быша
на бору, и нача възскланяти^с святую главу свою; и се увѣдавъ Святополкъ, и пославъ два
Варяга, и прободоста ѿ мечемъ въ сердце. И тако скончася блаженный Борисъ, възпріимъ

а) оцѣщеніе^а оцищеніе О. извлеченіе Ц. Б. В. Г. б) прободено^б прободенъ во встѣхъ сп. в) стоящій^в
стоящимъ Б. В. Г. г) скончаемъ^г скончайте Ц. д) ти^д нѣтъ въ Г. е) мирныя^е мирный Б. ж) моя^ж
наша Ц. з) текуща^з текуще Т. Ц. Б. Г.; въ К. О. сіе мѣсто испорчено. и) въ свѣдѣ^и (въ) свѣди Т. К. О.
См. Псал. XLIII, 25. і) Псалм L, 5. к) убо быхъ^к быхъ отъ него К. О. См. Псал. LIV, 13.
л) испадш. и испадшимъ Ц. Б. В. Г. м) мнѣ^м намъ К. О. н) одежда^н одеже Т. о) иже нѣтъ въ К. О.
п) іюля^п іюня ошлбк. В. р) съ егоргія^р съ георья (георія) К. О. съ егорія В. с) възскланяти^с
въсклабляти Г.

1015 неувядаемый вѣнецъ отъ Христа Бога, съ праведными причтеса, съ Пророкы и съ Апостолы и съ лики мученичскими водворяся, Аврааму на лонѣ почиваяй, видя неизреченную радость, въспѣвая съ Ангелы и веселяся въ лицѣхъ^а святыхъ. И положиша тѣло его, принесше тай въ Вышегородъ, у церкви святаго Василія въ земли погребоша ѿ. Сіи благовѣрный князь Борисъ, благаго корени сый, послушливъ бѣ, отцю покаяряся при всемъ; тѣломъ бяше красенъ и высокъ, лицемъ круголь, плечи высокоу, въ^б чреслѣхъ тонокъ, очима добръ и весель, брада мала и усъ, младъ бо бѣ еще, свѣтятся царскы, крѣпокъ тѣломъ, всячьскы украшенъ акы цвѣты въ уности своей, на рати храборъ, въ свѣтѣхъ мудръ и разумень, при всемъ благодать Божія цвѣтяше на немъ. Оканній же си убійци приидоша къ Святополку, акы хвалу имуще, безаконници. Си бо слугы бѣси^в бывають; бѣси бо на злое посылаемы бывають, Ангелы бо на благое слемы бывають^г. Ангель бо челоуку зла не сътворяеть, но благое мыслить ему всегда, паче же християномъ помагаеть и заступаеть отъ супротивнаго дѣвола; а бѣси всегда на злое ловять^д, завидяще ему, понеже видятъ челоука почтена Богомъ, и завидяще ему, на злое слемы скоры^е суть. Рече бо Богъ: кто идетъ прелестити Ахаву^ж? и рече бѣсъ; се азъ иду. Злый же челоукъ тщится на злое, но хуждыши^з есть бѣса; бѣси бо Бога боятса и челоукъ стыдятся, а золь челоукъ ни Бога боится, ни челоукъ стыдится^и; бѣси бо и креста Господня боятса, а золь челоукъ ни креста Господня боится. Тѣмже и Давыдъ глаголаше: аще въистинну правая глаголете, правду судите, сынове челоучестіи? ибо въ сердци безаконіе дѣлаете на земли, неправду руки ваша сплетаютъ; отуждени^к быша грѣшници отъ ложеснѣ^л, заблудиша отъ чрева, глаголаша лжу и ярость по образу змиину^м.

Убіеніе Глѣбово^н. И ни доселѣ годѣ устави убійства окаанный Святополкъ, но на большая неистовся^п начатъ простиратися, яко видѣ^о, желаніе сердца своего улучи, абіе не вспомяну злаго своего^п убійства и многого соблажненія, и ни поне мало^р на покаяніе преклонися; но ту абіе вниде въ сердце его сотона, и начатъ подстрѣкати вящша и горша съдѣяти, и множайшая убійства. Глаголаше бо въ души своей окаанный: «что сътворю? аще бо доселѣ оставлю^с дѣло убійства моего, то двою иму чаяти: яко аще слышатъ мя братія моя, иже варивше въздадутъ ми горша сихъ; аще ли не сице, то ижденуть мя, и буду чюжь престола отца моего, и жалость земля моя снѣсть мя, и поношенія поносящихъ нападутъ на мя^т, и княженіе мое приметь инъ, и въ дворѣхъ моихъ не будетъ живушаго; зане егоже Господь възлюби, а азъ погнахъ^у, и къ болѣзни язву приложихъ, приложю убо безаконіе къ безаконію, обаче грѣхъ матере моя не очиститъ ми ся^ф и съ праведными не напишуся, но да потреблюся отъ книгъ животныхъ.» Якоже и бысть, еже послѣди скажемъ; нынѣ же нѣсть время, но на предлагающее възвратимся. И сія на умѣ си положивъ злый свѣтникъ дѣволь, посла по блаженнаго Глѣба, рекъ: «прииди вборзѣ, отецъ ты зоветь и не здравить велми.» Онъ же вборзѣ и

а) въ лицѣхъ» въ лицѣ Т. б) въ» *вездѣ недостаетъ кромѣ* К. О. в) бѣси» и бѣси Ц. Б. В. г) бывають» *суть во всѣхъ сп. кромѣ* Т. д) ловять» *пуцають* В. е) скоры» *скоро во всѣхъ сп. кромѣ* О. ж) *ѿ Царст. XXII, 20, 21.* з) *но хуждыши» не хуждыши* Т. Б. В. Г. *не хуже* К. О. и) *стыдятся» не срамляется* К. О. і) *отужд.» утужд. во всѣхъ сп. кромѣ* Ц. к) *отъ ложеснѣ» пропушено вездѣ кромѣ* К. О. л) *глаголаша. . . змиину» лжу глаголаша, ярость ихъ по образу змиину* В. *См. Псал. LVII, 4—5.* м) *убіеніе глѣбово»:* *сею заглавія недостаетъ въ* Т. К. О. н) *неистовся» неистовства* Ц. Б. В. Г. о) *видѣ» ся прибавлено вездѣ кромѣ* Ц. п) *улучи. . . своего» пропушено въ* Ц. р) *мало» малы вездѣ кромѣ* К. О. с) *оставлю» уставляю въ прочихъ сп. кромѣ* К. О. т) *и буду чюжь. . . на мя» пропушено въ* К. О. у) *погнахъ» познавъ* Ц. Б. В. Г. ф) *Псал. CVIII, 14.*

вѣмалѣ боляръ вѣдѣ на конь поѣде, и пришедѣ на Волгу, на поли потчеса подѣ нимѣ конь 1015 во рѣѣ, и наломи ногу мало; и яко приде къ Смоленску, и поиде отъ Смоленска яко зрѣимо едино, и ста на Смядинѣ въ кораблеци. И въ се время пришла бѣ вѣсть отъ Предславы сестры къ Ярославу о отца его смерти, и присла Ярославъ къ Глѣбу, глаголя: «не ходи, брате, отецъ ти умре, а братъ ти убитъ отъ Святополка.» Си слышавъ блаженный, возпи плачемъ великимъ и горкымъ и печалію сердечною, и сице глаголаше: «увы мнѣ, Господи мой! о двою плачюся и стению, двою сѣтованію сѣтую и тужю; увы мнѣ, Господи мой^а! плачюся по отци, плачу же ся паче и зѣло отчаяхся по тебѣ, брате и господине Борисе; како прободенъ еси? како безъ милости прочее смерти предася? како не отъ врага, но отъ своего брата пагубу пріялъ еси? увы мнѣ! уне бы ми съ тобою умрети, неже уединену и усирену^б отъ тебе въ семъ житіи пожити. Азъ мняхъ въ житіи лице твое узрѣти ангельское, то селика туга постиже мя; уне бо^в ми, господине, съ тобою умрети: нынѣ же что сѣтворю, умиленъ и учюженъ^г отъ твоея доброты и отца моего многога разума? О милый мой господине брате^д! аще еси получилъ дерзновеніе у Господа, моли о моемъ унынїи^е, да быхъ и азъ сподобленъ былъ ту же страсть пріяти и съ тобою жити, неже ли въ свѣтѣ семъ прелестнѣмъ.» Сице ему стению и плачу, и слезами землю мочащю^ж, со въздыханіемъ часто Бога призывающю^з, приспѣша внезапно посланіи отъ Святополка злыя его слугы и немилостивїи кровопїици, братоненавидци^и лютии зѣло, сверѣпа звѣря душу имуще; святыи же поиде въ кораблецѣ, и усрѣтоша ѥ усть Смядины, и яко узрѣ ихъ, въздоровася душею; они же узрѣвше омрачавшася, и гребяху къ нему, сїи же цѣлованіе творяше пріяти отъ нихъ. И яко быша равно пловущи^и, начаша скакати злыи они въ лодію его, обнажены меча имуще въ рукахъ блестящася аки вода; и абіе вѣсмъ весла изъ рукъ испадоша, и вси отъ страха омертвѣша. И се видѣвъ блаженный, разумѣ яко хотять убити ѥ, и възрѣвъ къ нимъ умиленыма очима, и слезами лице свое омывая^к, скрушенымъ сердцемъ и смиреннымъ разумомъ и частымъ въздыханіемъ, весь слезами разливаяся, а тѣломъ утерная, жалостно гласъ испущааше: «не дѣйте мене, братія милая и драгая, не дѣйте, ничтоже вы зла сѣтворихъ^л, господье мои, не брезите мене; кую бо обиду сѣтворихъ брату моему и вамъ, братіе и господіе мои? аще ли кая обида, ведите мя ко князю вашему, а къ моему брату и господину; помилуйте уность мою, господіе мои; вы ми будите господье, а язъ вамъ рабъ; не пожните мене отъ житія несозрѣла, не пожните класа не уже созрѣвша, но млеко безлюбїя носяща^м, не порѣжите лозы не до конца възрастшїа^н, а плодъ имущая. Молю вы ся и милъ ся дѣю, убойтеся рекшаго усты апостольскы: не дѣти бывайте умы, незлюбїемъ же младенствуйте, а умы свершени бывайте^о; азъ, братіе, незлюбїемъ и възрастомъ младенствую; се нѣсть убїйство, но сырорѣзаніе. Что зло сѣдѣхъ, свидѣтельствуйте ми и не жалюси? аще ли крови моя насытитися хотите, то уже вы въ руку есмь, братіе, и брату моему вашему князю.» Они же ни по единого словеси не постыдѣшася, ни мыслию преклонившася, но якоже сверѣпїи звѣріе нападоша, и тако възхитиша ѥ. Онъ же видѣвъ, яко не внемлють словеси его,

а) о двою . . . мой» пропущено въ Б. Г. б) и усирену» и сирю В. в) уне бо» не убо въ прочихъ сп. кромѣ К. О. В. г) учюженъ» отчюж(д)енъ К. О. уничженъ ошибк. В. д) господ. брате» господине мой и брате вездѣ кромѣ К. О. В. е) унынїи» ученїи ошибк. Б. В. Г. ж) мочащю» мочаще (мочащи) въ прочихъ сп. кромѣ К. О. з) призывающю» призывающе (призывающи) вездѣ кромѣ О. и) братоненавидци» братоненавидници К. О. і) пловущи» пловуща вездѣ кромѣ К. О. к) омывая» омыя Т. умывая К. О. л) сѣтворихъ» сѣтворша К. О. м) носяща» только въ В.; въ прочихъ сп. носяще. н) възрастшїа» възрастшю ошибк. Т. о) 1 къ Коринѣ. XIV, 20.

1015 начатъ глаголати сице : «спасися милый мой отче, господине Василіе! спасися мати, госпоже моя! спасися брате Борисе мучениче, старѣйшино уности моя! спасися и ты брате поспѣшителю Ярославѣ! спасися и ты брате враже Святополче! спаситесь и вы братіе и дружино, и вси спаситесь! уже бо не имамъ васъ видѣти въ житіи семъ, зане разлучаемъ^а есмь отъ васъ нуждею.» И глаголаше плачася : «Василіе господине отче мой! приклони ухо твое и услыши гласъ мой, призри и виждь приключшееся чаду твоему, како безъ вины закалаемъ есмь; увы мнѣ! слыши небо, внуши земле^б; и ты Борисе брате, услыши гласъ мой; отца моего Василія призвахъ, и не послуша мене, то ни ты ли хоцещи послушати мене? виждь скорбь сердца моего и изву душа моя, виждь теченіе слезъ моихъ акы рѣку : и никтоже не внемлетъ ми; но ты убо помани и помолися о мнѣ ко общему всѣхъ Владыцѣ, яко имѣя дерзновеніе и предстоя у престола его.» И начатъ преклонъ колѣни^в молитися сице : «Боже щедрый, и премилостивый Боже! слезъ моихъ не премолчи, но умилися на мое уныніе и виждь скрушеніе сердца моего, се бо закалаемъ есмь не вѣмъ что ради, или за котору обиду не свѣмъ; ты вѣси, Господи мой! вѣмъ тя рекша къ своимъ Апостоломъ : яко за имя мое, мене ради възложить на вы руки и предани будете родомъ и другомъ, и братъ брата предасть на смерть, и умертвятъ вы имени моего ради^г; и паки : въ терпѣніи вашемъ стяжите душа ваша^д. Виждь Господи и суди; се готова душа моя предъ тобою, Господи, и тобѣ славу всылаемъ, Отцю и Сыну и святому Духу, и нынѣ и присно и въ вѣки вѣкомъ, аминь.» Таче^е възрѣвъ къ нимъ, умиленымъ и измолкшимъ^ж гласомъ рече : «то уже приступлеше скончайте, на нь же есте послани.» Тогда окаанный Горясѣръ повелѣ^з зарѣзати ѿ вборзѣ^и, поваръ же Глѣбовъ, именовъ Торчинъ, иземъ ножъ, и имъ блаженнаго закла ѿ акы агня незлобиво, мѣсяца септебря¹ въ 5 день, въ понедѣльникъ. И принесеса Господеви жертва чиста и благовонна^к; и взиде въ небесныя обители ко Господу, и узрѣ желаемого си брата, и въспряста вѣнца небесныя нетлѣнныя, егоже и вжеласта^л, и възрадовастася радостію неизреченною, юже улучиста братолюбіемъ своимъ. Се коль добро и коль красно, еже жити братіи вкупѣ^м! Окаанныи же они убійци възвратишася, и придоша къ пославшему я окаанному Святополку; якоже рече Давыдъ : да възвратятся грѣшници въ адъ, и вси языци забывающаи Бога^н; и паки : оружіе извлекоша грѣшници, и напягоша лукъ заклати правыя сердцемъ, и оружіе ихъ внидетъ^о въ сердца ихъ, и луци ихъ сокрушатся, яко грѣшници погибнуть и исчезающе яко дымъ исчезнуть^п. И яко сказаша Святополку : «яко сътворихомъ повелѣнное тобою,» и си слышавъ, възвеселися душею и възнесеса сердцемъ. И събысться реченое Пророкомъ Давыдомъ : что ся хвалиши о злобѣ, сильный^р? безаконіе весь день и неправду умысли языкъ твой; възлюбилъ еси злобу паче благостыня, и неправду неже^с глаголати правду; възлюбилъ еси вся глаголы потопныя и языкъ велерѣчивъ : сего ради Богъ разрушитъ тя до конца, и въстергнетъ^т тя и преселитъ тя отъ села^у твоего, и корень твой отъ земля живущихъ^ф. Якоже рече Соломонъ : азъ вашей погибели посмѣюся, яко радуюся,

а) разлучаемъ » разлучита (разлучаета) *вездь ошибк. кромь К. О.* б) *Исаи I, 2.* в) преклонъ колѣни » пропущено въ К. О. г) *Луки XXI, 16, 17.* д) *Тамъ же XXI, 19.* е) таче » таже К. О. ж) умил. и измолкшимъ » умилены (и) измолкшимъ (измокльшимъ) *вездь кромь Ц. К. О.* з) повелѣ » горясѣръ (горѣсѣръ) *опять прибавлено въ Т. Ц. Б. Г.* и) вборзѣ » въскорѣ К. О. і) септебря » септеврѣ Ц. Б. Г. к) благовонна » благоугодна К. О. л) вжеласта » вжелѣста *вездь кромь К. О.* м) *Псал. СXXXII, 1.* н) *Псал. IX, 18.* о) внидетъ » вниде *вездь кромь Ц. К.* п) *Псал. XXXVI, 14, 15, 19, 20.* р) сильный » силне К. О. с) неже » еже *вездь кромь К. О.* т) и въстергнетъ » и въсторгнетъ Ц. В. у) отъ села » отъ селенія Ц. ф) живущихъ » живыхъ Ц. См. *Псал. LI, 5 — 7.*

егда грядеть на вы пагуба; гѣмже сѣдять дому своего плоды, и своєю нечистоты насы- 1015
тятся^а. Убіену же бывшу Глѣбу и повержену на пустѣ межи двѣма колодома, и Господь не —16
оставляетъ своихъ рабъ; якоже рече Давыдъ: сохранить Господь вся кости ихъ, и ни едина
же отъ нихъ не скрушится^б. И сему убо святому лежащю долго время, и не остави въ не-
видѣнїи и въ небреженїи отинудъ пребывати; и показа Богъ, овогда убо видѣти столпъ огненъ,
овогда свѣща горяща^в, и паки пѣніе ангелско слышаху мимоходящїе гостїе, инии же яко
ловы дѣюще и скоты пасуще. Се же слышаша и видѣша^г, не бысть памяти ни единому ихъ
о взисканїи гѣлеси святаго^д, дондеже не терня Ярославъ сего злаго убїйства, движесе на
братоубїйца онога окааннаго Святополка; и брани многи съ нимъ съставивъ, и всегда посо-
біемъ Божиимъ и поспѣшенїемъ святою побѣдивъ: елико брани съставивъ съ нимъ, посрам-
ленъ и побѣженъ възвращашесе.

Святополкъ же окаанный нача княжити въ Кїевѣ. Ярославу же еще не вѣдущю о отца
своего смерти^е, Варязи бѣху мнози у Ярослава, и насилїе творяху Новгородцемъ и женамъ
ихъ. И вставше Новгородци, избїша Варяги^ж въ дворѣ Парамонѣ, и разгнѣвався Ярославъ,
и шедъ на Ракомо сѣде въ дворѣ; и посла къ Новгородцемъ и рече: «уже мнѣ сихъ не
вскресити^з.» И позва къ себѣ нарочитыя мужи^и, иже бяху сѣкли Варягы, и оболстивъ избѣче
1000 мужъ, а иныя бѣжаша изъ города. Въ ту же ночь прииде къ Ярославу вѣсть отъ сестры
его Предславы: «отець ти умерлъ, а Святополкъ сѣдитъ въ Кїевѣ, убилъ Бориса и Глѣба;
а ты блюди сего повелику^й.» И се слышавъ, печаленъ бысть о отци и о братїи; завтра
же собравъ избытокъ Новгородцевъ, Ярославъ створи вѣчь на поли, и рече къ нимъ: «о
любимая дружина, юже вчера избїхъ въ безумїи моемъ! но топерво^к ми ихъ золотомъ оку-
пати, а нынѣ надобны.» И утеръ слезъ, рече имъ на вѣчи: «братїе! отець мой умерлъ есть,
а Святополкъ сѣдитъ въ Кїевѣ, избивая братїю свою; хощю на нь поити, потягїте по мнѣ.»
И рѣша ему Новгородци: «аще, княже, братїя наша избита суть, а мы можемъ съ тобою
ити.» И собравъ вой Ярославъ, Варягъ 1000 и прочихъ вой 40.000^л, и поиде на Святополка,
нарекъ Бога, и рече: «не азъ почохъ избивати братїю, но онъ^м; да будетъ отместникъ Богъ
крови братїи моеї, зане безъ вины пролія кровь Борисову и Глѣбову праведную: егда мнѣ
сїце же сътворитъ? но суди ми, Господи, по правдѣ, да скончается злоба грѣшныхъ.» И
поиде на Святополка; слышавъ же Святополкъ идуща Ярослава, пристрои вой безъ числа,
Руси и Печенѣгъ, и изиде противу къ Любчю, объ онъ полъ Днѣпра, а Ярославъ объ сю^н
страну.

Въ лѣто 6524. Приде Ярославъ на Святополка, и сташа противу себѣ оба полъ Днѣпра,
и не смѣяху ни си онѣхъ, ни они сихъ начатъ, и стояша 3 мѣсяци противу себѣ, не смѣюще
ся съступити. И нача воевода Святополчъ, именовъ Волчїй Хвостъ, ѣздя возлѣ берегъ, ука-
ряти Новгородци, глаголя: «почто приидосте со хромцемъ симъ, а вы плотници суще? при-
ставимъ васъ хоромовъ рубити нашихъ.» Се слышавше Новгородци, рѣша Ярославу: «яко

а) *Притч. Солом. I, 26, 31.* б) *Псал. XXXIII, 21.* в) горяща» горяста *ошибк.* Т. Ц. Б. Г. г) се же. . .
и видѣша» се слышаше и видяше К. О. д) святаго» глѣба *прибавл.* К. О. е) смерти» се же бѣ еще
преже убїенїа глѣбова, ярославу же сущю въ новѣгородѣ *прибавлено на полъ въ Ц.* ж) варяги» варязи Т.
з) не воскресити» не кресити К. О. и) мужи» мужа *вездѣ кромѣ* К. О. В. і) повелику» и тогда же
посла вѣсть глѣбу ярославъ, якоже преже писахомъ *прибавлено на полъ въ Ц.* к) но топерво» не
топере К. О. не топерво *въ прочихъ сп. кромѣ* Т. л) 40.000» 10.000 В. 30.000 *въ прочихъ сп. кромѣ* К. О.
м) но онъ» окаанный святополкъ *прибавл.* Т. Ц. н) объ сю» такъ *въ* К. О. и *Лавр.*; *въ прочихъ сп.*
объ ону.

1016 заутра перевеземся на нь; аще кто ли не поидеть съ нами, то сами потнемъ ѿ.» Бѣ бо уже
 -18 заморозъ, а Святополкъ стояше межѣ двѣма озерома, и всю ночь пилъ бѣ съ бояры своими;
 и нача Диѣпръ мерзнути. И бяше Ярославу мужъ въ пріязнь у Святополка, и посла къ нему
 Ярославъ отрокъ свой ношю, рече къ нему: «онъ си^а, что ты тому велиши творити? меду
 мало варено, а дружины много.» И отрече ему мужъ той: «рци тако Ярославу, да аще меду
 мало, а дружины много^б, да къ вечеру дати.» И разумѣвъ Ярославъ, яко въ ночь велить
 сѣщися. Ярославъ же заутра исполчився воемъ^в, противу свѣту перевезеся на ону страну
 Диѣпра; и высѣде на брегъ, и отринуша лодіи отъ брега, и тое ноци поидоша противу себѣ
 на сѣчу. И рече Ярославъ своимъ воемъ: «знаменайтеся, повивайте главы своя убрусомъ.»
 И съступашася на мѣстѣ, и бысть сѣча зла, и не бѣ лзѣ озеромъ Печенѣгомъ помагати, и
 притиснуша Святополчи вои къ озеру, и выступиша на ледъ, и обломися подъ ними^г ледь,
 и одолѣти нача Ярославъ; видѣвъ же се Святополкъ и побѣже, и одолѣ Ярославъ^а. Свято-
 полкъ же въ Ляхы побѣже, а Ярославъ сѣде въ Кіевѣ на столѣ отечнѣ и дѣдиѣ; бѣ бо тогда
 Ярославъ 18 лѣтъ^е.

Въ лѣто 6525. Придоша Печенѣзи къ Кіеву, и сѣкошася у Кіева, и одва къ вечеру
 одолѣ Ярославъ Печенѣги^ж, и отбѣгоша посрамлени. И заложѣ Ярославъ великій градъ Кіевъ,
 и Златая врата постави, и церковь святую Софію заложѣ.

Въ лѣто 6526^з. Приде Болеславъ съ Святополкомъ на Ярослава съ Ляхы; Ярославъ же
 совкупи Русь, и Варягы, и Словѣны, противу поиде Болеславу и Святополку, и приде къ
 Вольню, и сташа оба полы рѣкы Буга. И бѣ у Ярослава дядька и воевода Блудъ; нача
 укаряти Болеслава, глаголя: «да то ти прободемъ тростию чрево твое толстое.» Бѣ бо Болес-
 лавъ великъ и тяжекъ, яко и на кони не могый сѣдѣти, но бяше смысленъ; и рече Болес-
 лавъ къ дружинѣ своей: «аще вы сего укора не жаль, азъ единъ погыбну.» И всѣдъ на
 конь, вбрѣде въ рѣку и по немъ вои его, Ярославъ же не утягнувъ^и исполчитися, и побѣди
 Болеславъ Ярослава, и ту убиша Блуда воеводу, и иныхъ побѣдиша множество, а еже ихъ^к
 руками яша, то расточи Болеславъ по Ляхомъ^л; а самъ вниде въ Кіевъ со Святополкомъ, и
 сѣде на столѣ Володимерѣ. И тогда Болеславъ^а положи себѣ на ложѣ Предславу, дщерь
 Володимерову, сестру Ярославлю^м. Ярославъ же убѣжа съ четырьми мужи къ Новугороду. И
 рече Болеславъ: «разведите дружину мою по градомъ на покормъ;» и бысть тако. Ярославъ
 же прибѣже къ Новугороду, и хотяше бѣжати за море, и посадникъ Коснятинъ^н, сынъ
 Добрынинъ, съ Новгородци^о разсѣкоша лодіи Ярославли, ркуще: «хочемъ ся еще^п бити по
 тебѣ съ Болеславомъ и Святополкомъ.» И начаша скотъ сбирати отъ мужа по четыре куны,
 а отъ старосты по десяти гривенъ, а отъ боляръ по 18 гривенъ; приведоша Варягъ, и вдаша
 имъ скотъ, и совкупи Ярославъ воя многи. Болеславъ же бѣ въ Кіевѣ сѣдя, безумный же
 Святополкъ рече: «елико же Ляховъ по градомъ, избивайте;» и избѣша ѿ. Болеславъ же
 побѣже изъ Кіева, поволочивъ Предславу, возма имѣніе и боляре Ярославли и сестры его, и
 Анастаса пристави Десятиннаго ко имѣнію, бѣ бо ся ему ввѣрилъ лестію, и людіи множество

а) онъ си « онси(и) такъ во всѣхъ сп. б) и отрече . . . много » пропущено въ В. в) исполчився воемъ «
 исполчився съ воемъ Г. исполчився воемъ своимъ К. О. ополчився воемъ В. г) подъ ними « съ ними К. О.
 д) видѣвъ же . . . ярославъ » пропущено въ К. О. е) 18 лѣтъ, 28 лѣтъ Ц. ж) печенѣги » печенѣгомъ Т.
 з) въ л. 6526 » въ лѣто 6525 Б. Г. и) не утягнувъ » не успѣвъ Ц. і) а еже ихъ » а ихже К. О. к) по
 ляхомъ » итъ въ Б. Г. л) а самъ . . . болеславъ пропущено въ Б. Г. м) ярославлю » ярославу вездѣ
 кромѣ К. О. н) коснятинъ » костянтинъ К. О. константинъ В. о) съ новгородци » прибавлено изъ Лавр.
 (т. I, стр. 62); во всѣхъ сп. сего слова недостаетъ. п) еще » и еще Б. К. О. Г.

веде съ собою, и грады Червеньскія зая себѣ; и приде^а въ свою землю. Святополкъ же 1018 нача княжити въ Кіевѣ, и поиде Ярославъ на Святополка, и бѣжа Святополкъ въ Печенѣгы. —¹⁹

Въ лѣто 6527. Прииде Святополкъ съ Печенѣгы въ силѣ тяжцѣ, а Ярославъ вой множество собра, и изиде противу его на Алто^б Ярославъ, и ста на мѣстѣ, идѣже убиша Бориса; и въздѣвъ руцѣ на небо, и рече: «кровь брата моего вопіеть къ тобѣ, Владыко! мсти отъ крове праведнаго, якоже мстилъ еси кровь Авелеву, положивъ на Каинѣ стенаніе и трясаніе; тако положи и на семъ.» Помолився рече: «братія моя! аще тѣломъ отшла еста отсюду, но молитвою помозита ми на противнаго сего и гордаго убійцю.» И се ему рекшю, поидоша противу себе, и покрыша поле Ляцьское^в обои отъ множества вой. И бѣ сѣча зла, ака же не бывала въ Руси, за руки емлюще сѣчахуся, и съступишася трижды, и по удоліемъ кровь течаше, и мнози вѣрнии видяху Ангелы, помогающе Ярославу; и къ вечеру одолѣ Ярославъ, а Святополкъ бѣжа. И бѣжащю ему, нападе на нихъ страхъ, и разслабишася кости его, и не можаше сѣдѣти, несяхуть ѿ на носилахъ; и принесоша ѿ къ Берестію, бѣгающе съ нимъ, онъ же имъ глаголаше: «побѣгните со мною, женуть по насъ.» Отроки же его всылахуть противу, егда кто женеть по немъ? и не бѣ никогоже гонящаго, и бѣжаху съ нимъ; онъ же лежа въ немощи, и възхавився глаголаше: «о се женуть; пожените^г и побѣгните.» И не можаше терпѣти на единомъ мѣстѣ, и пробѣже Ляцьскую землю, гонимъ Божиимъ гнѣвомъ, и прибѣже въ пустыню межѣ Чяхы^д и Ляхи, и ту испроверже злѣ животь свой. Егоже и по правдѣ, яко неправедна, суду нашедшю на нь, по отшествіи сего свѣта пріяша муки окааннаго: показавше явѣ посланая на нь пагубная рана, во смерть немилостивно вогна, и по смерти немилостивно мучимъ есть, связанъ во днѣ аду. Есть же могила его въ пустыни и до сего дни, исходить же изъ нея смрадъ золъ. Се же Богъ показа на наказаніе княземъ Русьскимъ, да аще сице створять, се слышавше, ту же казнь примуть; но и болши сія, понеже вѣдуще се бывшее, створять тако же злое братоубійство. Семь бо мстій пріять Каинъ, убивъ Авеля, а Ламехъ 70; понеже бо Каинъ не вѣдый мщенія отъ Бога пріяти, а Ламехъ вѣдый казнь, бывшую на прародители его, и створи убійство. Рече бо Ламехъ къ своимъ женама: мужа убихъ во вредъ мнѣ, а уношю въ язву мнѣ; тѣмже, рече, 70 мстій на мнѣ есть, понеже, рече, вѣдая створихъ^е. Сей Ламехъ уби два брата Енохова, и поя себѣ женѣ ею; сей же Святополкъ новыи Авимелехъ^ж, иже ся родилъ отъ прелюбодѣянія, иже^з избѣ братію свою, сыны Гедеоновы; тако и си бысть. — Ярославъ же сѣде въ Кіевѣ, утеръ поту съ дружиною своею, и оттолѣ крамола преста въ Русьской земли, а Ярославъ прія власть всю Русьскія земля. И нача впрашати о тѣлесѣхъ святою: «како или гдѣ положена еста^и?» И о святѣмъ Борисѣ повѣдаша ему, яко въ Вышегородѣ положенъ есть, и о святѣмъ^и Глѣбѣ не вси свѣдяху, яко въ Смоленьскѣ убиенъ есть; и тогда сказаша ему, яже слышаша^к отъ приходящихъ оттуду, како видѣша свѣтъ и свѣща въ пустѣ мѣстѣ. И то слышавъ Ярославъ, посла на взысканіе къ Смоленьску прозвитеры, рекъ: «яко то есть мой братъ.» И обрѣтоша ѿ, идѣже бѣша видѣли, и шедъ со кресты честно, и съ свѣщами многими и съ кандилы, и вложше въ корабль, привезше ѿ положиша въ Вышегородѣ, идѣже лежитъ тѣло преблаженнаго

а) и прииде и приведе во всѣхъ сп. кромь К. б) на алто на лто Т. К. О. на алту В в) ляцьское такъ во всѣхъ сп.: въ Лавр. (т. I, стр. 62) летьское. г) пожен. и пожен. такъ во всѣхъ сп. д) чяхы чехы Б. Г. е) См. Бытія IV, 25, 24. ж) авимелехъ такъ въ Лавр.; во всѣхъ сп. ошибкою ламехъ. з) иже такъ въ Лавр.; вездѣ неправильно ниже. и) еста быста В. і) борисѣ. . . о святѣмъ пропущено вездѣ кромь К. О. к) слышаша слышаста во всѣхъ сп. кромь К. О.

1019 Бориса; и раскопавше землю, и ту положиша ѿ, недоумѣюще якоже бѣ лѣпо и честно. Се
 —²² же пречюдно и дивно и памяти достойно, како и колико лѣтъ лежа тѣло святаго, то же
 неврежено пребысть ни отъ единого плотоядца, ни бѣше почернѣло, якоже бо имать обычай
 тѣлеса мертвыхъ, но свѣтло и красно, и цѣло, и благу воню имуще; тако Богу сохранишу
 своего страдалца тѣло. И не вѣдяху мнози ту лежащу^а святую стратотерпцю^б тѣлесѣ^в. Но
 якоже рече Господь: не можетъ градъ укрытися верху горы стоя, ни свѣщи вжегше спудомъ
 покрывають, но на свѣтилѣ поставляютъ, да свѣтитъ темныя; тако и сія святая: прослави
 я Богъ свѣтити въ мірѣ, и премногими чудесы сіяти въ Русьской великой странѣ, идѣже
 множество стражающихъ спасени бывають отъ святою раку всечестною Бориса и Глѣба.
 — И нача Ярославъ вое дѣлити, старостамъ своимъ по десяти гривенъ, а смердомъ по гривнѣ,
 а Новгородцемъ по десяти гривенъ, и отпусти я вся домовъ; и давъ имъ правду и уставъ,
 списавъ грамоту, рече: «по сему ходите и держите, якоже списахъ^г вамъ»^д. — Коснятинъ^е
 же бѣше тогда въ Новѣгородѣ, и разгнѣвася на нь великій князь Ярославъ, и поточи ѿ^ж въ
 Ростовъ; и на третіе лѣто повелѣ его убити въ Муромѣ, на рѣцѣ на Оцѣ^ж.

Въ лѣто 6528. Родися у великого князя Ярослава сынъ, и нареченъ бысть Владимиръ. Того же лѣта побѣди великій князь Ярославъ Брячислава.

Въ лѣто 6529. Поиде Брячиславъ князь, сынъ Изяславль, внукъ Володимеровъ, съ воемъ
 изъ Полотьска на Новѣгородъ, и взя Новѣгородъ^з; и поимъ Новгородци, и имѣніе ихъ, и
 весь полонъ и скоты, поиде къ Полотьску^и. И пришедшю ему къ Судимирѣ рѣцѣ, великій
 же князь Ярославъ слышавъ ту вѣсть, и совкупи вое многи, изъ Кіева въ седмый день по-
 стиже ту, и побѣди Брячислава, а Новгородци отпусти къ Новугороду, и полонъ отъ него
 отъя, елико бѣше Новгородскія волости; а Брячиславъ бѣжа къ Полотьску. И отъголѣ призва
 къ себѣ Брячислава, и давъ ему два города Въсвѣчъ и Видбескъ^и, и рече ему: «буди же со
 мною заодно.» И воеваше Брячиславъ съ великимъ княземъ Ярославомъ вся дни живота
 своего.

Въ лѣто 6530. Приде великій князь Ярославъ къ Берестію. Въ си же времена сущю
 Мьстиславу Тмуторокани, поиде на Касогы. Слышавъ же се князь Касожьскій Редедя, изиде
 противу ему, и ставшима обѣма полкома противу себѣ, и рече Редедя ко Мьстиславу: «что
 ради губивѣ люди межи собою? но снидевѣ ся сами бороти; да аще ты одолѣши, и ты
 возми имѣніе мое, и княгыню мою и дѣти мои; аще ли азъ одолѣю, то возму азъ все твое;»
 и рече Мьстиславъ: «тако буди.» И рече Редедя къ Мьстиславу: «не оружіемъ бо ся боревѣ,
 но борбою.» И снята ся бороти крѣпко, и борющимася има, начатъ изнемагати Мьстиславъ,
 бѣ бо великъ и силенъ Редедя; и рече Мьстиславъ^к: «о пречистая Богородице! помози ми;
 аще бо одолѣю сему, съзижду церковь во имя твое.» И се рекъ, удари имъ о землю, и
 вынзе^л ножъ и зарѣза Редедю; и шедъ въ землю его, взя все имѣніе его, и жену его и дѣти

а) тако. . . лежащу» *нѣтъ въ прочихъ сп. кромѣ К. О.* б) стратотерпцю» стратотерпца К. О. в) тѣлесѣ» тѣлеса *вездѣ кромѣ К. О.* г) списахъ» списахомъ В. д) коснят.» констант. Б. К. О. Г. констант. В. е) и» е *во всѣхъ сп. кромѣ О; въ К. сіе мѣстоименіе пропущено.* ж) коснятинъ же . . . на оцѣ;» *въ К. эти слова также были написаны, но потомъ похерены.* з) и взя новѣгородъ» *пропущено въ В.* и) къ полотьску» *опять прибавл. К. О.* і) и видбескъ» и дбескъ Г. к) бѣ бо. . . мьстиславъ *пропущено въ О.* л) вынзе» *выня К. О.*

* За симъ во всѣхъ спискахъ, кромѣ Цар. П., слѣдуютъ Русская Правда, Судебникъ Греческаго царя Константина и проч. См. Прибавленія къ Софійской первой Лѣтописи, въ VI томѣ сего изданія.

его, и дань положи на нихъ. И пришедъ Тмуторокани^а, и заложи церковь святую Богоро—1022
дицю, и созда ю, иже стоитъ и до сего дни. —26

Въ лѣто 6531. Поиде Мьстиславъ съ Козары и съ Косагы на великого князя Яро—
слава.

Въ лѣто 6532. Ярославу сущю въ Новѣгородѣ, прииде Мьстиславъ со Тмуторокани^б къ
Кіеву, и не пріяша его Кіане; онъ же шедъ сѣде на столѣ въ Черниговѣ. По семь же лѣтѣ
веташа волеви лживыя въ Суздаль, и избиваху старую чадь бабы, по діаволу ученію и бѣ—
сованію, глаголюще, яко си держать гобину и жито и голодъ пуцають. И бѣ мятежъ великъ
и гладъ по всей странѣ той, яко мужю своя жена даяти, да кормятъ^в себе, челядиномъ; и
идоша по Волзѣ вси людіе въ Болгары, и привезоша пшеница и жито, и тако отъ того
ожиха. И слышавъ князь великій Ярославъ волхвы, прииде къ Суздалью, изымавъ убійца
тыи расточи, иже бяху бабы избилы, и дома ихъ разграби, а другія показни; и устави ту
землю, рекъ сиче: «Богъ наводитъ по грѣхомъ нашимъ на куюждо землю голодомъ, или мо—
ромъ, или ведромъ, или иною казнію, а человекъ не вѣсть ничтоже, Христосъ Богъ единъ
вѣсть^г на небесѣхъ.» И възвратився великій князь Ярославъ, прииде къ Новгороду и посла
за море по Якуна, по Варяжскаго князя, и по Варягы; и прииде Якунъ съ Варягы къ ве—
ликому князю Ярославу, и бѣ Якунъ слѣпъ, и луда бѣ у него вся златомъ исткана^д. И поиде
великій князь Ярославъ съ Якуномъ на Мьстислава къ Чернигову; Мьстиславъ же слышавъ,
изиде противу има на сѣчю къ Листвену, и бяхе осень, и ту ся срътоша. Мьстиславъ же
съ вечера исполчивъ дружину свою, и постави Сѣверу въ чело Варягомъ противу, а самъ ста
съ дружиною своею по крылома. И бывши ноци рябиной^е, бысть тма и громъ шибаше, и
молнія и дождь; и рече Мьстиславъ своимъ: «поидемъ на нихъ, то ны есть корысть.» И
поиде Мьстиславъ и велики князь Ярославъ противу себе, и съступишася^ж въ чело Сѣвера
съ Варягы, и трудишася Варягы сѣкуще Сѣверу, и посемъ наступи Мьстиславъ съ своими, и
нача сѣчи Варягы, и бысть сѣча зла и страшна; яко посвѣтяше^з молнія, тако блещашеся^и
оружіе, елико же молнія освѣтяше, толко^і мечи видяху, и тако другъ друга убиваху^к, и бѣ
гроза велика и сѣча силна. Видѣвъ же ся великій князь Ярославъ, яко побѣждаемъ есть,
побѣже съ Якуномъ княземъ Варяжскимъ, и Якунъ же ту отбѣжа луды своя златыя, и
такo побѣди Мьстиславъ великого князя Ярослава и Якуна; Ярославъ же прииде къ Нову—
городу, а Якунъ иде за море, и тамо умре. Мьстиславъ же о свѣтъ заутра видѣ лежащихъ
изсѣчены отъ своихъ Сѣверъ и Варягъ великого князя Ярослава, и рече: «кто сему не радъ?
се лежитъ Сѣверянинъ, а се Варягъ, а люди мои цѣлы.» И посла Мьстиславъ по великого
князя Ярослава, глаголя: «сяди на своемъ столѣ въ Кіевѣ, занеже ты еси болшей братъ; а
мнѣ буди си сторона.» И не смѣяше князь велики поити^л, дондеже смирилася; бѣша же
сѣдяще въ Кіевѣ мужи Ярославли. [Того же лѣта родися Ярославу вторый сынъ Изя—
славъ. Ц.].

Въ лѣто 6533. Въ лѣто 6534. Великій князь Ярославъ собравъ воя многы, и прииде

а) тмут. « тмутороканю К. О. б) со тмуторокани » съ тмутороканъ (ь) Т. Ц. Б. Г. изъ тмутороканя К. О.
в) мужю. . . кормятъ » такъ въ К. О.; мужу своя жены даяти, да прекормятъ *неисправно во всѣхъ сп.* г) вѣсть «
такъ, кажется, должно читать; во всѣхъ сп. есть. д) и възвратився . . . исткана » *лѣтъ въ К. О.*
е) рябиной » рабиной Ц. Б. Г. рабино и В. рабиной К. О. ж) съступишася » ступися Ц. Б. Г. сосу—
пися В. з) посвѣтяше » просвѣтяше К. посвѣтящи въ прочихъ сп. кромъ О. и) блещашеся » блеща—
щися Т. свѣтящеса (свѣщащеса) Ц. Б. В. Г. і) толко » тако К. О. к) убиваху » усѣкаше К. О.
убиваше въ прочихъ сп. кромъ В. л) поити » ити К. О.

1026 кѣ Кіеву, и сѣтвори миръ съ братомъ своимъ со Мьстиславомъ у Городца. И раздѣли Русь-
-36 скую землю по Днѣпру: великій князь Ярославъ пріятъ сю страну, а Мьстиславъ ону; и начаста княжити миромъ въ братолюбіи, и преста усобица и мятежь, и бысть тишина^а въ земли.

Въ лѣто 6535^б. Родися третій сынъ Ярославу, и нарече имя ему Святославъ. Того же лѣта знаменіе явися на небеси змѣиво, яко видѣти всей земли.

Въ лѣто 6536. Въ лѣто 6537. Въ лѣто 6538. Великій князь Ярославъ Бѣлзы взялъ. Того же лѣта родися Ярославу четвертый сынъ, и нарече имя ему Всеволодъ. [Того же лѣта иде великій князь Ярославъ на Чюдь, и побѣди я, и постави градъ Юрьевъ; и пріиде къ Новугороду, собра отъ старость и поповыхъ дѣтей^в 300 учити книгамъ. Того же лѣта преставися архіепискупъ Ноугородскій Акимъ; бѣше ученикъ его Ефремъ, же ны учааше. Въ се же время умре князь великій Болеславъ въ Лясѣхъ, и бысть мятежь въ земли Лятской; и вѣставше людіе, избѣша епискупы, и попове, и боляре своя. К. О.]

Въ лѣто 6539. Великій князь Ярославъ и Мьстиславъ соброста вои многи, и идоста на Ляхы, и взяста^г грады Червеньскія опять, и повоеваста Лятскую землю, и многи Ляхы приведоста, и раздѣлиша я; великій князь Ярославъ посади по Рси^д, и суть и до сего дни.

Въ лѣто 6540. Великій князь Ярославъ поча города ставити по Рси^е. И тогда же Улѣбъ изиде изъ Новгорода на Желѣзная врата, и опять мало ихъ пріиде.

Въ лѣто 6541. Мьстиславичъ Евстафіе умре.

Въ лѣто 6542. Великій князь Мьстиславъ, братъ Ярославъ, изиде на ловы и тамо разболѣся, и умре, и положиша ѣ въ Черниговѣ въ святомъ Спасѣ, иже бѣ зачалъ самъ; бѣ бо вѣсдѣлано при немъ възвыше яко на кони досячѣ стоя. Бѣ же убо Мьстиславъ дебелъ тѣломъ, а лицемъ черменъ, великыма очима^ж, на рати храборъ и милостивъ, а бояре любя повелику, имѣнія не щадяше, питія и яденія не браняше. По семъ же прія власть его всю великій князь Ярославъ, и бысть самовластець въ Русьской земли. Великій князь Ярославъ иде въ Новгородъ, и посади сына своего Володимера въ Новгородѣ, и епискупа постави Жиряту; и людемъ написа грамоту, рекъ: «по сей грамотѣ дадите дань.» Бѣше же хромоногъ, но умомъ свершенъ и храборъ на рати, и христіанъ^з, чтяше самъ книги.

Въ лѣто 6544^и. Великому князю Ярославу сущю въ Новгородѣ, пріиде вѣсть, яко Печенѣзи обѣстоятъ Кіевъ; великій же князь Ярославъ собра вои многи, Варяги и Словѣни, пріиде къ Кіеву веснѣ, и вниде въ градъ съ вои. И Печенѣгъ безъ числа видѣвъ, и выступи изъ града, исполчивъ воя своя, и постави Варяги посредѣ, а на правой странѣ Кіяне, а на лѣвой странѣ Новгородци, и стаха предъ градомъ. И Печенѣзи почаша приступати, и съступашася на мѣстѣ, идѣже есть нынѣ святая Софія, митрополія Русьская, бѣ то тогда половина града^і; и бысть сѣча злая, и едва къ вечеру одолѣ Ярославъ. И побѣгоша Печенѣзи

а) тишина — велика прибавл. К. О. б) въ л. 6535 — *итѣ въ К. О., а поставленъ сей годъ предъ словами: знаменіе явися на небеси змѣиво.* в) отъ старость . . . дѣтей — *такъ исправлено; въ обоихъ сп. отъ старосты и поповы(и) дѣтей. Статья, помпщенная въ скобкахъ, есть и въ Ц., гдѣ она вынесена на поле подъ 6540 годомъ.* г) взяста — *зааста К. О.* д) по рси — *по руси Ц. псари (псори, псары) испорчено въ прочихъ сп.* е) по рси — *такъ было и въ Ц., потомъ поправлено по руси.* ж) великыма очима — *велики имѣ очи К. О.* з) и христіанъ — *и христіанъ любя Ц.; но должно читать, какъ въ прочихъ сп. христіанъ, т. е. христіаннѣ.* и) въ л. 6544 — *итѣ въ К. О.* і) половина града — *половинѣ града К. О.; но это ошибка: въ Лавр. (т. I, стр. 65) читается: поле внѣ града.*

разно, и не вѣдяху камо бѣжаще *стєняху*^а: *овіи* топляхуся въ Сѣтомли, а иніи въ иныхъ ¹⁰³⁶ рѣкахъ, а прокъ ихъ пробѣгоша и до сего дни^б. Того же лѣта разгнѣвася великій князь Ярославъ на брата своего меншаго Судислава, и всади его въ порубѣ во Псковѣ до живота своего; оклеветанъ бо бѣ къ нему.

Въ лѣто 6545. Свершенъ бысть градъ Кіевъ, и церковь святая Софія свершена; а у града суть врата Златы. Того же лѣта великій князь Ярославъ митрополію устави и двѣ церкви постави, на Златѣхъ вратѣхъ Благовѣщеніе и святаго Георгія, и ины многы церкви постави, и монастыри устрои. Посемъ бо паче вѣра крестіянская нача разширяться и плодиться во всей земли Русьской.

Въ лѣто 6546. Иде великій князь Ярославъ веснѣ къ Кіеву; и на зиму ходи на Ятвягы, и не можаху ихъ взяти.

Въ лѣто 6547. Священа бысть церкви святая Богородица митрополитомъ Феопентомъ, юже созда князь великій Володимерь, отецъ великого князя Ярослава.

Въ лѣто 6548. Иде Ярославъ на Литву.

Въ лѣто 6549. Иде Ярославъ на Мазавшане^в въ лодіяхъ^г.

Въ лѣто 6550. Иде Володимерь, сынъ Ярославль, на Ъмы, и побѣди я, и плѣни множество Ъмы; и помроша кони у воевъ^д Володимеровыхъ, яко еще дышущимъ конемъ, сдираху кожи съ нихъ съ живыхъ, толикъ моръ бысть на кони^е.

Въ лѣто 6551. Паки на весну посла великій князь Ярославъ сына своего Володимера на Греки, давъ ему воя многи, Варягы, Русь, и воеводство поручи Вышатѣ, Яневу отцю. И поиде Володимерь на Царьградъ въ лодіяхъ, и прошедше пороги, и придоша къ Дунаю. Рекоша Русь Володимеру: «станемъ здѣ на поли»; а Варязи ркоша: «пойдемъ въ лодіяхъ подъ городъ.» И послуша Володимерь Варягъ, и отъ Дуная поиде Володимерь ко Царюграду съ вои въ лодіяхъ^ж. Греци же видѣвше, изидоша на море, и начаша погружати въ море пелены Христовы съ мощми святыхъ, и Божіимъ гнѣвомъ взмутися море, и громъ бысть великъ и силенъ, и бысть буря велика, и начаша ся лодіи разбивати, и разби корабли, и побѣгоша Варязи вспять; и князь корабль Володимерь разби вѣтръ, и одва Иванъ Творимиричъ князя Володимера всади^з въ свой корабль^и, и воеводу Ярославля. Прочіи же вои Володимеровы вывержени быша на брегъ, числомъ 6000, и сташа на брезѣ нази, и хотяще поити въ Русь, и не иде съ ними никтоже отъ дружины княжіе. Вышата же воевода видѣ дружину свою стоящую, и рече: «не иду къ Ярославу;» и высѣде изъ корабля къ воемъ, и рече Вышата: «азъ иду съ ними^к; аще живъ буду съ ними^к; аще ли погибну, то съ дружиною;» и поидоша хотяще въ Русь. И бысть вѣсть Грекомъ, яко избило море Русь, и посла царь^л, именемъ Монамахъ, по Руси въ слѣдъ олядїи 14; Володимерь же видѣвъ вои его, яко идуть по нихъ, вснятився изби оляди Гречьскыя, и вѣзвратися въ Русь. Вышату же яша съ извер-

а) бѣжаще стєняху» бѣжаща стєняху Ц. Б. Г. бѣжати а стєнюще К. О. бѣжаша стєняху В. Во всѣхъ сп. слово стєняху испорчено изъ тоняху: см. Лавр. (т. I, 65); то же что далье топляхуся. б) и до сего дни» помарано киноварью въ Ц. в) на мазавшане» на можавшане въ прочихъ сп. кромъ К. О. г) въ л. 6549 . . . въ лодіяхъ» нѣтъ въ В. д) у воевъ» у воеводъ В. е) въ л. 6550 . . . на кони»; въ К. О. сіа статья пропуцєна, а помѣцєна подѣ слѣдующимъ 6551 годомъ, послѣ словъ: вдасть сестру свою за изяслава, сына ярославля (см. ниже). ж) въ лодіяхъ» по морю К. О. з) всади» пропуцєно въ Т. высади К. О. и) корабль» насадъ Т. і) съ ними» р(е)кущи(е) (рка) прибавлено во всѣхъ сп. к) съ ними» съ нима вездѣ ошѣбк. кромъ В. л) царь» русь ошѣбк. О.

1043 жеными на брезѣ, и приведоша ко Царюграду, и ослѣпиша Руси много; по трехъ же лѣтехъ^а
 —⁵⁴ смиришася, пущень бысть въ Русь Вышата къ Ярославу. Тое же осени князь велики Яро-
 славъ дасть сестру свою за Казимира. И въ та лѣта обидяше Моиславъ Казимира, и ходи
 Ярославъ двжды^б на Мазавшане, и рече Казимиру: «ели^в отецъ твой Болеславъ побѣдивъ
 мене, и полони людій моихъ за ся, то дай ми за вѣно.» И собра Казимиръ людій его Руси
 полоненныхъ осмьсотъ, кромѣ женъ и дѣтей, и вда за вѣно Ярославу, шурина своему. Сей
 же Казимиръ дасть сестру свою за Изяслава, сына Ярославля.

Въ лѣто 6552. Выгребоша два князя, Ярополка и Ольга, сыны Святослави, и крестиша
 кости ею, и положиша въ церкви святыя Богородица въ Володимерѣ. Ходи Ярославъ на
 Литву; а на весну заложилъ Новѣгородъ, и съдѣла ѳ. Того же лѣта умре Брячиславъ князь,
 сынъ Изяславль, внукъ Володимеровъ, отецъ Всеславль; и Всеславъ сѣде на столѣ отца
 своего. Сего же мати роди отъ волхвованія; матери бо родивши его, бѣ ему на главѣ знамя^г
 язвено, яма на главѣ его; рекоша волсви матери его: «се^д язвено, навяжи на нь, да носить
 е до живота своего Всеславъ на себѣ»; сего ради немилостивъ есть на кровопролитіе.

Въ лѣто 6553. Заложилъ Володимеръ Ярославичъ церковь свяую Софію въ Новѣгородѣ.

Въ лѣто 6554. Въ лѣто 6555. Иде Ярославъ третіе^е на Мазавшаны, и побѣди я, и князя
 ихъ уби Моислава, и покори землю ту Казимиру.

Въ лѣто 6556. Въ лѣто 6557, мѣсяца марта въ 4 день суботный, сгорѣ церкви святая
 Софія; бѣше же честно устроена и украшена, 13 верхы имуши, а стояла конецъ Пискупли^ж
 улицы, надъ Волховомъ, идѣже нынѣ поставилъ Сотко церковь камену святого Бориса и
 Глѣба.

Въ лѣто 6558. Священа бысть святая Софія въ Новѣгородѣ, на Въздвиженіе честнаго
 креста, повелѣніемъ великого князя Ярослава. Того же лѣта преставился княгини Ярославля,
 февраля въ 10 день^з.

Въ лѣто 6559. Поставилъ Ярославъ Ларіона митрополитомъ Русина^и святѣи Софіи въ Кіевѣ,
 собравъ епискупы.

Въ лѣто 6560. Преставился князь великій Володимеръ Ярославичъ^к въ Новѣгородѣ, мѣ-
 сяца октября въ 4 день, въ недѣлю; и положенъ бысть въ святой Софѣи, юже создалъ.
 Того же лѣта начало Печерскому монастырю отъ Антонія; а въ Кіевѣ пришли триѣ пѣвци
 изъ Грекъ съ роды своими.

Въ лѣто 6561. У Всеволода родися сынъ Володимеръ^л, отъ царици Грекыни^м.

Въ лѣто 6562. Преставился князь великій Русьскій Ярославъ. Еще бо сущю ему живу,
 наряди сыны своя, рекъ имъ: «се азъ отхожу свѣта сего, сынове мои; имѣйте въ себѣ лю-
 бовь, понеже вы есте братія единого отца и матере. Да аще будете въ любви межи собою,
 Богъ будетъ въ васъ, и покорить вамъ противныя, и будете мирно живуще; аще ли будете
 ненавистно^н живуще въ распряхъ и которающеся, то погибнете сами и потеряете землю

а) лѣтехъ» минушу и миру бывшу прибавл. К. О. б) двжды» въ лодіяхъ прибавлено во всѣхъ сп.
 в) кромѣ Ц. в) ели» егда поправлено въ Ц. г) знамя» только въ Т. Ц. д) се» такъ въ Лавр. т. I, 67; во
 всѣхъ сп. все. е) третіе» въ третіе Ц. ж) пискупли» бискупы В. пискупы въ прочихъ сп. кромѣ К. О.
 з) февр. въ 10 день» февр. въ 14 день К. О.; за симъ и сына его князя владимера и архіепископа
 Т. новгородского лука, но это должно соединить съ словами (см. выше) повелѣніемъ великого князя
 Ярослава. и) русина» русинамъ Т. Ц. В. руси намъ ошлбк. Б. Г. і) ярославичъ» сынъ ярославль
 старѣишій К. О. к) володимеръ» монамахъ» прибавл. Ц. л) въ лѣто 6561. . . грекыни» пропушено въ О.
 м) ненавистно» въ ненависти К. О.

отець своихъ и дѣдъ своихъ^а, иже налѣзоша трудомъ своимъ великимъ. Но пребывайте мирно 1054
живуще, послушайте братъ брата. Се же поручаю въ себе мѣсто столъ свой старѣйшему —60
сыну своему, а брату вашему, Изяславу Кіевъ^б, сего же послушайте, якоже послушасте
мене, да тотъ вы будете въ мене мѣсто; Святославу даю Черниговъ, а Всеволоду Переяс-
славль, а Игореву Володимеръ, а Вячеславу Смоленскъ.» И тако раздѣли имъ грады, и за-
повѣдавъ имъ не преступати предѣла^в братня, ни изгонити, рече къ Изяславу: «аще кто
хочеть обидѣти брата своего, то ты помагай по немъ^г, егоже обидять;» и тако поучи сыны
своя пребывати въ любви. Самому же болну суцю, и пришедшю^д къ Вышегороду, разболѣся
велми, Изяславу суцю тогда въ Новѣгородѣ^е, а Святославу въ Володимерѣ, а Всеволодъ у
отца; бѣ бо любимъ отцемъ паче всея брати, егоже имяше присно у себе. Ярославу же
приспѣ конецъ житію, и предасть душу свою мѣсяца февраля въ 20 день, въ субботу 1 недѣли
поста, на память святаго великомученика Оеодора Тирона^ж. Всеволодъ же спрятавъ тѣло отца
своего, и везоша къ Кіеву, попове поюще обычныя пѣсни, и плакашася по немъ вси людіе;
Всеволодъ же принесе ѿ, положи въ рацѣ мраморяцѣ въ церкви святаго Софіи. Живъ же
Ярославъ всѣхъ лѣтъ 76. И посемъ раздѣлиша Смоленскъ на три части. И приде Изяславъ
къ Новугороду^з, и посади Остромира въ Новѣгородѣ; и иде Остромиръ съ Новогородци на
Чюдь, и убиша его Чюдь, и много паде съ нимъ Новгородцевъ. И паки Изяславъ иде на
Чюдь^и, и взя оскѣкъ Декипивъ^и, сирѣчь Солнца^к рука.

Начало княженія Изяславля. Въ лѣто 6563. Пришедъ Изяславъ сѣде на столѣ
въ Кіевѣ; а Святославъ въ Черниговѣ, Всеволодъ въ Переяславль, Игорь въ Володимерѣ,
Вячеславъ въ Смоленскѣ. [Того же лѣта иде Всеволодъ на Торки, и побѣди я. Ц.]. Того же
лѣта приходи Булушь^л съ Половци, и сътвори Всеволодъ миръ съ ними, и възвратишася
Половци вспять, отъкуду бѣша пришли. [Того же лѣта клевета бысть на архіепископа Луку
отъ своего холопа Дудики, и изыде изъ Новагорода, и иде къ Кіеву, и осуди ѿ митропо-
литъ Ефремъ; и пребысть тамо три лѣта. К. О.].

Въ лѣто 6565. Преставися Вячеславъ, сынъ Ярославль, въ Смоленскѣ, и посадиша
Игоря, выведъ изъ Володимеря. Тогда бысть игумень Оеодосій Печерскій въ Кіевѣ.

Въ лѣто 6566. Побѣди Изяславъ Голядь. [Того же лѣта архіепископъ Лука прія пре-
столъ свой въ Новѣгородѣ, и свою власть; Дудичъ же холопу устну и носъ срѣзаша, и обѣ-
руцѣ усѣкоша. К. О.].

Въ лѣто 6567. Изяславъ, Святославъ и Всеволодъ высадиша стрія своего^н изъ поруба,
сѣдѣвъ лѣтъ въ Псковѣ 24, зане водиша ѿ ротѣ; цѣловавъ крестъ, и бысть чернецъ, и
приведоша ѿ въ Кіевъ.

Въ лѣто 6568. Преставися Игорь, сынъ Ярославль^н. [Преставися архіепископъ Лука, идя
изъ Кіева, на Копысѣ, мѣсяца октября 15; того же мѣсяца преданъ бысть гробу своимъ
клизосомъ, бывшу ему епископомъ лѣтъ 23. К. О.]. Изяславъ, Святославъ и Всеволодъ, и
Всеславъ съвкупиша воя безъ числа, и поидоша на конѣхъ и въ лодіяхъ безчисленное мно-

а) и дѣдъ своихъ » *итѣ въ Т.* б) се же поручаю . . . кіевъ » *пропущено въ О.* в) предѣла » *повелѣнія*
ошибк. К. О. г) по немъ » *ему Ц.* д) пришедшю » *пришедше ошибк. Т.* е) въ новѣгородѣ » *пропущено*
въ К. О. ж) *Память св. Оеодора Тирона празднуется 17 февраля; но служба сему же святому отпра-*
вляется и въ субботу первой недѣли великаго поста. Сравни. Карамзина т. II, прим. 50. з) къ новугороду »
къ кіеву городу К. О. и) и убиша . . . на чюдь » *пропущено въ Т.* і) *декипивъ » кедибивъ К. О.*
к) *солнца » слонца Т. слѣнца Б. Г.* л) *булушь » болушь К. О.* м) *своего » судислава прибавлено на*
поль въ Ц. н) *яросл » въ смоленскѣ приписано тамъ же въ Ц.*

1060 жество на Торки^а. Се слышавше Торци, пробѣгоша и до сего дни, и помроша бѣгающе,
—⁶⁵ Божіимъ гнѣвомъ гоними, овии отъ глада и отъ зимы изомроша, судомъ Божіимъ; и тако
избави Богъ христіанъ отъ поганыхъ. Того же лѣта ходи Изяславъ на Сосолы^б, и дань даяти
заповѣда 2000 гривенъ; они же поручившеся дань дати, и изгнаша данники, на весну же
пришедше повоеваша села о Юрьевѣ^в, и градъ и хоромы пожгоша, и много зла сътвориша,
и до Пскова доидоша воююще; и идоша противу имъ Псковичи съ Новгородци на сѣчу,
и падоша Руси 1000, а Сосолъ безчислено.

Въ лѣто 6569. Придоша Половци первое на Русьскую землю воевати, Всеволодъ же
изиде противу имъ, мѣсяца февраля въ 2 день; и бившимся имъ, побѣдиша Всеволода, и
воевавши отъидоша. Се бысть первое зло отъ поганыхъ и безбожныхъ врагъ; бысть же
князь ихъ Соколъ. Того же лѣта поставленъ бысть Новгороду архіепискупъ Стефанъ.

Въ лѣто 6570. Въ лѣто 6571. Судиславъ преставися, братъ Ярославъ, и погребоша ѿ
въ церкви святаго Георгія.

Въ лѣто 6572. Бѣжа Ростиславъ Тмуторокани, сынъ Володимеръ, внукъ Ярославъ, и
съ нимъ бѣжа Порфій, Вышота, сынъ Остромиръ воеводы Новгородскаго; и пришедъ выгна
Глѣба изъ Тмуторокани, а самъ сѣде въ него мѣсто^г.

Въ лѣто 6573. Иде Святославъ на Ростислава, Ростиславъ же отступи кромѣ града, не
убояся его, но не хотя противу стриеви своему оружіе взяти. Святославъ же пришедъ
Тмуторокани, и посади сына своего Глѣба, и възвратися опять; Ростиславъ же пришедъ
паки, выгна Глѣба^д, а самъ сѣде Тмуторокани, и прииде Глѣбъ къ отцю своему. Въ се же
лѣто Всеславъ рать почаль. Въ си же времена бысть знаменіе на западѣ, звѣзда превелика,
луча имущи^е кровавы, възходящи съ вечера по заходѣ^ж солнечномъ, и пребысть за 7 дній;
се же проявляше не на добро, посемъ же быша усобици многы^з, и нашествіе поганыхъ на
землю Русьскую; си бо звѣзда бѣ аки кровава, проявляющи кровопролитіе. Въ си же вре-
мена бысть дѣтищъ въверженъ въ Сѣтомль, егоже дѣтища выволокоша^и рыболове въ неводѣ,
егоже смотрихомъ и до вечера, и паки ввергоша ѿ въ воду; бяше бо сицево: на лиці у
него срамніи удове, а иного не лѣзъ сказати срама ради. Предъ симъ же временемъ и солнце
премѣнися, и не бысть свѣтло, но яко мѣсяць бысть; егоже невѣгласи глаголють сиѣдаему
суццю. Сія же знаменія бывають не на добро; мы бо по сему разумѣемъ^и. Якоже древле, при
Антіохѣ, въ Іерусалимѣ, ключися внезапно по всему граду за 40 дній являтися на въздухъ на
конихъ рыщущимъ^к, въ оружїи, златы имуще одежда, и полкы обоямо^л являються, оружїемъ
двизающимся; се же проявляше нахоженіе Антіохово, нашествіе рати на Іерусалимъ. Посемъ
же при Неронѣ цари, въ томъ же Іерусалимѣ, въсія звѣзда въ образъ копейный надъ гра-
домъ; се же имѣше^м нахоженіе рати отъ Римлянъ. И паки бысть при Устиньянѣ^н цари,
звѣзда восія на западѣ, испущающи луча, юже прозывааху блистанницу, и бысть блистающи
20 дній, посемъ же бысть звѣздамъ теченіе съ вечера и до утрїа, и мнѣти всѣмъ, яко

а) торки — турки(и) такъ и ниже К. О. б) на сосолы — на съсолы Б. на соолы К. О. Г. на сосылъ В.;
такъ и ниже во всѣхъ сп. в) о юрьевѣ — о югорьевѣ Т. г) въ него мѣсто — въ новѣ мѣстѣ ошїбк. Ц.
д) и възвратися. . . глѣба — пропушено въ В. е) имущи — имуща К. О. ж) по заходѣ — по западѣ вездѣ
кромѣ К. О. з) усобици многы — усобица многа въ прочихъ сп. кромѣ К. О. и) выволокоша — вывлекоса
во всѣхъ сп. кромѣ К. О. і) по сему разумѣемъ — по всему (по сему) разумѣваемъ вездѣ кромѣ О.
к) рыщущимъ — рыщущихъ Т. рыщуще Ц. Б. В. Г. л) обоямо — обь(о)ямы вездѣ кромѣ Т. м) имѣше —
имаше (имяше) К. О. В.; въ Лавр. проявляше. н) при устиньянѣ — такъ въ Лавр.; во всѣхъ сп. ошїбкою
при устї(ь)янѣ.

падають звѣзды^а, и паки солнце безъ лучь сіяше; посемъ бо крамолы и умертвія быша чело-¹⁰⁶⁵
вѣкомъ. Паки же при Маврикіи цари бысть сице: жена дѣтищъ роди безъ очію и безъ рукъ,^{—68}
въ чреслѣхъ бѣ ему рыбей хвостъ прирослъ; и песь родися о шти ногъ; во Африкіи же
родистася два дѣтища, едино о четырехъ ногахъ, а другое о дву главъ. Посемъ же бысть
при Костянтиѣ иконоборцѣ, сына Леонова, теченіе звѣздное бысть на небеси; отторгаху бо
ся на землю, яко видящимъ имъ мнѣти кончину суцю; тогда же и въздухъ възліяся^б пове-
лику. Въ Суріи же бысть трусь великъ, земли разсѣдшися трею поприщъ, изиде дивно изъ
земли мьска, чловѣчимъ гласомъ глаголющи, проповѣдаючи нашествіе языкъ, еже и бысть:
наидоша бо Срацини на землю Палестиньску. Знаменія бо въ небеси и въ звѣздахъ, или въ
солнці, или птицами, или естеромъ чимъ, не на добро бывають^в: но сія знаменія бывають
на зло, или проявленіе рати, или гладу, или смерть проявляють.

Въ лѣто 6574^г. Ростиславу суцю Тмуторокани, и емлющю^д дань у Касогъ и у иныхъ
странъ, сего убояшася Грени, послаша съ лестію Котопана; оному же пришедшо къ Ростис-
славу и вѣвѣрившюся ему, и чтяше его Ростиславъ. Единою же піюцю Ростиславу съ бояры
своими, рече Котопанъ Ростиславу: «княже! здравъ буди; хоцю ти пити;» князь же рече:
«пій.» Онъ же испивъ половину, а половину дасть князю пити; дотиснувся палцемъ въ чашю,
бѣ бо имѣя подъ ноктемъ раствореніе смертное, и дасть князю, урекъ смерть до дне осмаго.
Князю же испившю чашю, Котопанъ же пришедъ въ Корсунъ повѣдаше, яко въ си день умреть
Ростиславъ, якоже и бысть; сего же Котопана побиха каменіемъ Корсуньстїи людіе. Бѣ бо
Ростиславъ мужъ добръ^е на рати, възрастомъ лѣпъ и лицемъ красенъ, и милостивъ убогимъ;
успе мѣсяца февраля въ 3 день, и тамо положенъ бысть въ церкви святыя Богородица.

Въ лѣто 6575. Заратися Всеславъ, сынъ Брячиславъ, Полотьскый, и зая Новгородъ
до Неревскаго конца и пожже; и поима все у святыя Софіи, и паникадила и колоколы, и
отъиде. Ярославичи же тріе, Изяславъ, Святославъ, Всеволодъ, совкупивше вои идоша на
Всеслава, зимѣ суци велицѣ, и придоша къ Меньску^ж, и Меньяне затворишася въ градъ;
сіи же князи взяша Менескъ градъ, и изсѣкоша мужи, а жены и дѣти даша на щитъ. И
поидоша къ Немизи, и Всеславъ поиде противу, и совкупившася обой на Немизи, марта въ 3
день, бѣ бо снѣгъ великъ, и противу поидоша себѣ; и бысть сѣча зла, мнози падоша, и
одолѣ Изяславъ, и Святославъ и Всеволодъ, а Всеславъ бѣжа. Посемъ же, мѣсяца іюля въ
10 день, Изяславъ, Святославъ, Всеволодъ цѣловавше крестъ ко Всеславу, ркуще ему: «прииди
къ намъ, яко не створимъ ти зла;» онъ же надѣяся о цѣлованіи креста, поѣха въ лодіи чрезь
Днѣпръ. Изяславу же въ шатеръ предъидуцю, а Всеславу по немъ идуцю, и яша Всеслава
на Рши^з у Смоленска, преступивше крестъ. Изяславъ же приведъ Всеслава къ Кіеву, всади
его въ порубъ съ двѣма сынома.

Въ лѣто 6576. Придоша иноплеменици на Русьскую землю, Половци мнози, Изяславъ
же, и Святославъ и Всеволодъ изидоша имъ противу на Алто; и бывши ноши, поидоша про-
тиву себѣ, грѣхъ ради нашихъ пусти Богъ на ны Половецъ поганыхъ, и побѣгоша Русьстїи
князи. Изяславу же со Всеволодомъ къ Кіеву прибѣгшю, а Святославу къ Чернигову, и
людіе Кіевстїи прибѣгоша къ Кіеву, и сѣтвориша вѣчь на торговици, и рѣша пославшеся ко

а) падають звѣзды» падаюци звѣздамъ во всѣхъ сп. кромъ К. О. б) възліяся» възніяся вездѣ кромъ К. О.
в) бывають и ниже проявляють» такъ въ Лавр.; во всѣхъ сп. бываетъ и проявляетъ. г) въ л. 6574»
нптъ въ К. О. д) емлющю» емлюще вездѣ ошїбк. кромъ К. О. е) добръ» дебелъ (добелъ) вездѣ кромъ К. О.;
въ Лавр. добль, ратень. ж) къ меньску» къ меньскому В. къ смоленску ошїбк. Г. з) на рши» на
ржи Т. В. (и поидоша) къ кіеву прибавлено въ Ц. Б. Г.

1068 князю : «а се Половци разсунулися^а по земли; дай, княже, оружіе и кони, и еще біемя съ
—69 ними.» Изяславъ же сего не послуша. И начаша людіе говорити на воеводу на Косняча; и
идоша на гору съ вѣча, и придоша на дворъ Коснячевъ, и не обрѣтоша его, стаха у двора
Брячиславлѣ и рѣша^б: «пойдемъ, высадимъ дружину свою изъ погреба.» И раздѣлишася на
двое: половина ихъ иде къ погребу, а половина ихъ иде по мосту; си же придоша на княжь
дворъ. Изяславъ же сѣдѣше на сѣнѣхъ съ бояры своими, и начаша прѣтися со княземъ.
Стояще долѣ, князю изъ оконца зрящю, а бояре стояще у князя, рече Туки, братъ Чю-
динъ, Изяславу: «видиши, княже, людіе възвысилися^в; послѣ, ать Всеслава блюдуть.» И се
ему глаголющю, другая половина людей пришли отъ погреба, отворотивше^г погребъ; и рѣша
бояре князю: «се зло есть; послѣ ко Всеславу, ать^д призвавше лестію ко оконцю, и про-
изуть ѿ мечемъ;» и не послуша сего князь. Людіе же кликнуша и idoша къ погребу Все-
славлю; Изяславъ же се видѣвъ, со Всеволодомъ побѣгоста съ двора, людіе же Всеслава
высѣкоша изъ погреба, въ 15 сентября, и поставиша посреди двора княжа, и дворъ княжь
разграбиша, безчисленное множество злата и сребра, и кунами и бѣлію. Изяславъ же бѣжа
въ Ляхы. Половцемъ же воюющимъ по земли Русьской, Святославу сущю въ Черниговѣ, и
Половцемъ воюющимъ около Чернигова, Святославъ же собравъ дружины нѣколько, изиде
на нь^е къ Сновску; и узрѣша и^ж Половци идуща, бой пристроиша противу. И видѣвъ Свя-
тославъ множество ихъ, рече къ дружинѣ своей: «потягнемъ, братіе; уже намъ не лѣзъ камо
ся дѣти;» и удариша въ кони. И одолѣ Святославъ въ трехъ тысящахъ, а Половцевъ бѣ 12
тысящъ, и тако біеми, а иніи потопоша въ Снови, а князя ихъ яша руками, въ 1 день
ноября; и възвратися съ побѣдою въ градъ свой Святославъ. Всеславъ же сѣде въ Кіевѣ.
Се же яви силу крестную Господь Богъ нашъ, зане Изяславъ цѣлова крестъ и изима^з его,
тѣмже наведе Богъ поганья; сего же явѣ избави крестъ честный; въ день Въздвиженія
Всеславъ въздохнувъ рече: «о кресте честный! въ тебе вѣровахъ, избави мя отъ рва сего.»
Богъ же показа силу крестную на показаніе^н земли Русьстѣй, да не преступаютъ честнаго
креста, цѣловавше его; аще преступитъ кто, то и здѣ приметъ казнь, и на предъидущемъ
вѣцѣ жизни вѣчныя да не приметъ^и: зане велика есть сила крестная. И сѣдѣ Всеславъ въ
Кіевѣ 7 мѣсяць^к. [И иде владыка Стефанъ въ Кіевъ, и тамо свои холопи удавиша его. К. О.]

Въ лѣто 6577. Поиде Изяславъ съ Болеславомъ на Всеслава, Всеславъ же поиде про-
тиву; и прииде къ Бѣлугороду Всеславъ, и бывши ноци, утаився Кіянъ и бѣжа изъ Бѣла-
города къ Полотьску. Заутра же видѣвши людіе бѣжавша князя, възвратишася къ Кіеву и
сѣтворивше вѣчь, послаша къ Святославу и ко Всеволоду, глаголюще: «мы уже зло сѣтво-
рили есмы, князя своего прогнавше, и се нынѣ Лятьскую землю ведеть на ны; и вы по-
идите^л въ градъ отца вашего, али^м не хотите, то намъ неволя: зажжемъ градъ свой, и
ступимъ въ землю Гречьскую.» И рече имъ Святославъ: «послевѣ къ брату своему, да аще
пойдетъ на вы съ Ляхи погубити васъ, то мы противу ему поидемъ ратію, да не дадивѣ^п ему
погубити града отца своего; аще ли хочеть пріити съ миромъ, то вмалѣ пріидеть^о силѣ;»

а) разсунулися» разсыпалися В. разсулися *въ прочихъ сп. кромѣ Т.* б) и рѣша» *только въ К. О.*
в) възвысилися» възвысилися Ц. Б. В. Г. възвысилися *ошибк. К. О.; въ Лавр. възвыли.* г) отворотивше»
отворивше К. О. д) ать» и тѣ (и то, и той) *ошибк. вездѣ кромѣ К. О.* е) на нь» на ня К. О. ж) и»
только въ К. О. з) и изима» и я К. О. и) на показаніе» на покаяніе Т. і) жизни. . . да не приметъ»
муку (казнь) вѣчную пріиметь Ц. К. О. В. жизнь вѣчную пріиметь *ошибк. Б. Г.* к) 7 мѣсяць»
только въ К. О. л) и вы поидите» а поидѣта К. О. м) али» аще ли *вездѣ кромѣ Т.* н) да не дадивѣ»
не дамы бо К. О. о) пріидеть» пріиди Ц. Б. В. Г.

и утѣшиста Кіянны. Святославъ же и Всеволодъ посласта къ Изяславу, глаголюще: «Всеславъ 1069
ти бѣжалъ, а не води Ляховъ къ Кіеву, противника ти нѣтъ; аще ли хочеша гнѣвъ имѣти, —71
погубити градъ, то вѣси, яко намъ жаль стола отца своего.» То слышавъ Изяславъ, остави
Ляхы, поиде съ Болеславомъ, мало Ляховъ поимъ; пославъ же предъ собою сына своего
Мѣстислава. И пришедъ въ Кіевъ^а изсѣче гѣхъ, иже высѣкоша Всеслава, числомъ 70 мужъ,
а другыя слѣни, а иныхъ погуби не испытывъ. Изяславу же идущю къ граду, изидоша лю-
діе съ поклономъ * противу, и посадиша князь свой въ Кіевъ; и сѣде^б на столѣ своемъ въ
Кіевѣ, мѣсяца мая въ 2 день. И распусти Ляхы на покормъ, и избиваху Ляхы отай, и
възвратися въ Ляхы Болеславъ, въ землю свою. Изяславъ же възгна торгъ на гору, и прогна
Всеслава изъ Полотьска, и посади сына своего Мѣстислава въ Полотьскѣ, иже скоро умре
ту; и посади^в въ него мѣсто брата его^г Святополка^д. Всеславъ же бѣжа. Побѣди Глѣбъ^е
князь съ Новгородци Всеслава князя на Кзени^ж, мѣсяца октября въ 23 день, въ пятокъ^з,
на память святаго апостола Іакова брата Господня; велика бѣ сѣча тогда Вожаномъ; а
заутра обрѣтесе крестъ князя Володимера въ святой Софѣи на полатахъ, егоже взялъ бѣ
князь Всеславъ ратию въ святѣй Софѣи.

Въ лѣто 6578 Родися у Всеволода^и сынъ, и нарекоша ѱ именемъ Ростиславъ. Того же
лѣта заложена бысть церкви святаго Михаила, въ монастыри Всеволожи на Выдобычи.

Въ лѣто 6579. Воеваша Половци у Ростовца и у Неятина^к. Въ се же лѣто выгна Все-
славъ^л Святополка изъ Полотьска. Въ се же лѣто побѣди Ярополкъ Всеслава у Голотичьска. Въ
си же времена приде волхвъ, прелщень бѣсомъ; пришедъ бо къ Кіеву, глаголаше: «яко явило
ми ся есть пять боговъ, глаголюще сице: повѣдай людемъ, яко на пятое лѣто потещи
Днѣпру вспять, а землямъ преступати на иная мѣста, яко стати Гречьской земли на Русь-
ской земли, а Русьской земли на Гречьской земли, и прочимъ землямъ измѣнитися.» Егоже
невѣгласи послушаху, вѣрніи же насмѣхавъ, глаголюще ему: «бѣсъ тобою играетъ на
пагубу тебѣ;» еже и бысть ему, въ едину бо ночь бысть безъ вѣсти. Бѣси бо потокше
вводятъ на зло, посемъ же насмѣхаются, вринуше ѱ въ пропасть смертнующую, научивше
глаголати^н; яко се каземъ^м бѣсовское наученіе и дѣйство. Бывши единою скудости въ
Ростовской области, вѣстаста два волхва отъ Ярослава, глаголюще: «яко мы вѣдаемъ,
кто обиліе держитъ;» и поидоста по Волзѣ, и гдѣ придоша въ погостъ, ту же нарицаху
лучшая жены, глаголюща^п, яко си жито держать, а си медъ, а си рыбы, а си скору. И
привожаху къ нима сестры своя, и матери и жены своя; они же въ мечтѣ прорѣзаста за
плечима, вынимаста любо жито, любо рыбы, или виверицю, и убивахуть жены тѣ многи,
а имѣнія^о ихъ взимахуть къ себѣ. И придоша на Бѣлоозеро; и бѣ у нихъ людій 300. Въ
се же время приключиса приити отъ Святослава дань емлюще Яневи, сыну Вышатину; и

а) и пришедъ въ кіевъ» только въ Ц. К. О. б) и сѣде» изяславъ прибавл. Ц. в) и посади» изяславъ
прибавл. Ц. г) его» своего ошибк. Т. д) свят.» другого своего сына прибавлено на полъ въ Ц. е) глѣбъ»
святославичъ прибавл. Ц. ж) на кзени» на кзени вездъ кромъ Т. з) въ пятокъ» въ часъ 6 дни прибавл. К. О.
и) у всеволода» такъ въ Лавр. (т. I, стр. 75); во всѣхъ сп. у всеслава. і) и у неят.» см. Лавр.; въ сп.
у неят. к) всеславъ» святославъ ошибк. вездъ кромъ К. О. л) глаголати» такъ въ Лавр.; во всѣхъ сп.
глаголаше (глаголюще). м) каземъ» только въ Ц. сказа имъ въ прочихъ сп.; въ Лавр. скажемъ.
н) глаголюща» только въ К. О.; въ прочихъ сп. глаголюще. о) а имѣнія» а иныя ошибк. Ц.

* Далѣ въ Вор. пропускъ до словъ: «въ монастыри Всеволожи на Выдобычи (подъ 6578
годомъ).

1071 повѣдаша ему Бѣлозерци, яко два кудесника избила уже множество женъ по Волзѣ, по Шехсиѣ^а, и пришла еста сѣмо. Янъ же испытъ, чія еста смерда, и увѣда, яко еста его^б князя: пославъ къ нимъ иже около ею суть, и рече къ нимъ: «выдайте волхва та сѣмо, яко смерда моего князя и мой;» они же сего не послушаша^в. Янъ же поиде самъ безъ оружія, и рѣша ему отроци его: «не ходи безъ оружія, изсоромятъ тя;» онъ же повелѣ възяти отрокомъ своимъ оружіе, и бѣ 12 отрокъ его съ нимъ, и поиде къ нимъ къ лѣсу. Они же сташа исполчившеся противу, а Яневи же идущю съ топоркомъ, и выпустиша отъ нихъ 3 мужи, глаголюще Яневи: «видя идеши на смерть, не ходи.» Яневи же повелѣвшю бити я, къ прочимъ поиде. Они же сунушася на Яна, и единъ грѣшися Яна топоромъ, а Янъ оборотивъ топоръ удари тыліемъ, и повелѣ отрокомъ сѣщи я: они же бѣжаша въ лѣсъ; и убиша ту попина Янева. Янъ же вшедъ въ градъ, Бѣлозерцемъ рече: «аще не имете волхву сію, не иду отъ васъ за лѣто.» Бѣлозерци же шедше яша ихъ^г, приведоша ихъ къ нему, и рече има: «что ради толико изгубиста человекъ?» Они же рѣша: «яко ти держать обиліе, да аще истребивѣ, изобіевѣ сихъ, и будетъ гобино; аще ли хоцещи, то предъ тобою вымевѣ жито, или рыбу, или ино что?» Янъ же рече: «по истинѣ лжета: створилъ бо есть Богъ человекъ отъ земля, съставленъ костми и жилами отъ крове, и нѣсть въ немъ ничтоже; а вы не вѣсте ничтоже^д, токмо единъ Богъ вѣсть.» Они же рекоста: «вѣдаемъ, како есть человекъ сътворенъ.» Онъ же рече: «како?» Они же рѣша: «Богъ мывся отресе ветхемъ, и сверже съ небеси на землю; и распрѣся сотона съ Богомъ, кому въ немъ створити человекъ? и створи діаволь человекъ, а Богъ душу вложи въ онъ; тѣмже аще умреть человекъ, въ землю идетъ тѣло, а душа къ Богу.» Рече има Янъ: «по истинѣ прелестилъ вы есть бѣсъ; коему Богу вѣруета?» И они же рекоста: «антихристу.» Онъ же има рече: «то гдѣ есть?» Она же рекоста: «сѣдять въ безднѣ.» Онъ же рече: «то кый то Богъ сѣдять въ безднѣ^е? то есть бѣсъ, а Богъ есть сѣдять на престолѣ на небеси, славимъ отъ Ангелъ, иже предстоятъ ему со страхомъ, не могуще на нь зрѣти; сихъ бо Ангелъ сверженъ бысть, егоже вы глаголетъ^ж антихриста, за величіе^з его сверженъ бысть съ небеси, и есть въ безднѣ, якоже вы глаголетъ, жда, егда^и Богъ сидеть съ небеси, сего емъ антихриста, свяжетъ узами и посадить его въ огни вѣчнѣмъ съ слугами его, иже къ нему вѣрують: вамъ же и здѣ мука пріяти отъ мене, и по смерти тамо.» Онѣма же рекшима: «нама бози повѣдають, не можещи нама створити ничтоже.» Онъ же рече има: «лжуть вамъ бози.» Она же рекоста: «намъ предъ Святославомъ стати, а ты не можещи намъ створити ничтоже.» Янъ же повелѣ бити я, и поторгаша^к брадѣ ею. Сима же біенома, и брады поторганы розщепомъ^л, рече има Янъ: «что вамъ бози молвять?» Онѣма же рекшима: «стати намъ предъ Святославомъ.» И повелѣ Янъ вложити има въ уста рубль, и привязати я къ упругомъ, и пусти предъ собою въ лодіи, и самъ по нихъ поиде. И сташа на усть Шехсны; и рече има Янъ: «что вамъ бози молвять? Они же рекоста: «сице намъ молвять^а, не быти намъ живымъ^м отъ тебе.» И рече има Янъ: «то право повѣдають.» Она же рекоста: «аще наю пустиши, то много ти добра будетъ; аще ли наю погубиши, то многу печаль пріимеши и зло.» Онъ же

а) по шехсиѣ по сокъшыѣ К. О. по шексиѣ В. б) его ему прибавлено вездѣ. в) не послушаша не послушаста *ошибк. вездѣ кромѣ* К. О. В. г) ихъ и Т. д) а вы не вѣсте ничтоже только въ К. О. е) онъ же рече. . . въ безднѣ *пропущено въ* Ц. Б. Г. ж) глаголетъ глаголете такъ и ниже въ прочихъ *сп. кромѣ* К. О. В. з) за величіе за величаніе К. О. и) егда якоже (яко) *вездѣ кромѣ* К. О. і) и поторгаша и поторгати К. О. к) поторг. розщ. поторганѣ проскепомъ К. О. л) они же. . . молвять *пропущено въ* Ц. Б. Г. м) живымъ живыма К. О.

рече: «аще ваю пуцю, то зло ми будеть отъ Бога; аще ли ваю погублю, то мзда ми отъ 1071
Бога будеть.» И рече Янъ къ извозникомъ: «ци кому вамъ кто родинъ будеть убиенъ отъ
сею?» Они же рѣша: «миѣ мати, а другому сестра.» Онъ же рече: «мьстите своихъ.» Они
же поимше убиша ихъ, и повѣсиша на дубѣ, отмьстіе пріимше отъ Бога по правдѣ; а Яневи
идущую домовъ^а, и въ другую ночь медвѣдъ възлѣзъ^б, угрызъ и снѣсть ихъ: и тако погиб-
нуста бѣсовскимъ наученіемъ, инѣмъ вѣдуща^в и гадающа, а своя пагубы не вѣдуще. Аще
быста вѣдала, то не быста пришла на мѣсто се, идѣже ятома има быти; аще ли ята еста,
то почто глаголаста: «не умрети нама,» оному мыслящю убити я? Но се есть бѣсовское
наущеніе; бѣси бо не вѣдятъ мысли человѣчскыя, но влагають помысль въ человѣка, тайны
не свѣдуще. Богъ единъ вѣсть помышленія человѣчская, бѣси бо не свѣдаютъ ничтоже:
суть бо немощни и худы взоромъ. Яко и се скажемъ о взорѣхъ ихъ и о мраченіи ихъ. Въ
си бо времена и въ лѣта си приключиса нѣкоему Новгородцю пріити въ Чюдь, и пріиде къ
кудеснику, хотя волхвованія отъ него; онъ же, по обычаю своему, нача призывати бѣсы въ
храмину свою. Новгородцю же сѣдящю на празѣ храмины тоя, кудесникъ же лежаше оцѣп-
нѣвъ, и шибе имъ бѣсъ; кудесникъ вѣставъ рече къ Новгородцю: «бози не смѣють пріити,
нѣчто имаша на себѣ, егоже боятся.» Онъ же помянувъ на себѣ крестъ, и отшедъ постави
кромѣ храмины тоя; онъ же начатъ изнова призывати бѣсы, бѣси же^г метавше имъ повѣ-
даша, что ради пришелъ естъ^д. Посемъ же нача прашати его: «что ради боятся его иже
носимъ на себѣ крестъ?» Онъ же рече: «то есть знаменіе небеснаго Бога, егоже носиши, и
наши бози^е боятся его.» Онъ же рече: «каковы суть ваши бози и гдѣ живутъ?» Онъ же
рече: «бози наши живутъ въ безднѣ; суть же образомъ черни и крилати, хвосты имуще,
въсходятъ же и подъ небо, слушающе вашихъ боговъ; ваши бо бози на небесѣхъ суть, и
аще кто умреть отъ вашихъ людей, то възносимъ естъ на небо; аще ли кто отъ нашихъ
людей умираетъ, то носимъ естъ нашимъ богомъ въ бездну.» Якоже и есть: грѣшници въ
адѣ суть, ждуще муки вѣчныя, а праведници въ небесномъ жилищи^ж вѣдваряются съ Ангелы.
Сица ти есть бѣсовская сила, и лѣпота^з, и немощь; тѣмже прелщаютъ человѣкы, веляще
имъ глаголати видѣнія, являющесе имъ несвершенымъ вѣрою, являющесе во снѣхъ, инѣмъ
въ мечтѣ, и тако волхвуютъ наученіемъ бѣсовскимъ. Паче же женами бѣсовская волшвенія
бываютъ: искони бо бѣсъ прельсти жену, си же мужа; тако въ си^и роди волхвуютъ жены
чародѣйствомъ, и отравою, и инѣми бѣсовскими кознями. Но и мужи прелщени бываютъ отъ
бѣсовъ невѣрніи; яко се въ первыя роды при Апостолѣхъ бысть Симонъ волхвъ, иже тво-
ряше волшествомъ псомъ глаголати человѣчскы, и самъ премѣняшеться, овогда старъ, овогда
младъ, овогда иногдо премѣняше во инъ образъ, въ мечтаніи сице творяше; Аній^и и Замбрій
волшвеніемъ чудеса противу Моисеови творяху; но и Кинопъ творяше мечтаніемъ бѣсов-
скимъ, яко и по водамъ ходити, и иная мечтанія творяше, бѣсомъ льстимъ, на пагубу себѣ
и инымъ. Сице же волхвъ вѣсталъ въ Новгородѣ при князи при Глѣбѣ; глаголашеть бо
людемъ, творяся яко Богъ, и многы прельсти, мало не весь градъ: глаголаше бо, яко про-
видя вся, и хуляшеть вѣру христіанскую, и глаголаше бо: «яко преиду по Волхову предъ
всѣми.» И бысть мятежъ въ градъ великъ, и вси яша ему вѣру, и хотяху побити^к епискупа

а) домовъ — домове Г. б) възлѣзъ — узрѣвъ К. О. в) вѣдуща — такъ въ Лавр.; во всѣхъ сп. видяща.
г) бѣси же — бѣсъ же и ниже повѣдаше О. д) естъ — такъ въ Лавр.; во всѣхъ сп. еси. е) бози —
только въ К. О. ж) жилищи — царствѣ В. з) лѣпота — слѣпота Г. и) въ си — такъ исправлено; во всѣхъ сп.
си. і) аній — ани Г; въ прочихъ сп. испорчено: см. Лавр. Лѣт. (т. I, стр. 77). к) побити — погубити Ц.

1071 ⁷² Θеодора; епискупъ же Θеодоръ вземъ крестъ, оболкъся въ ризы, ста рекъ: «иже хочеть вѣру няти волхву, то идетъ за нимъ; аще ли вѣруеть ко кресту, да идетъ по нь^а.» И раздѣлишася надвое: князь Глѣбъ и боляре его сташа у епискупа, а людѣ вси идоша за волхва; и бысть мятежь межи ими. Глѣбъ же вземъ топоръ подь skutъ^б, и прииде къ волхву и рече ему: «вѣси ли, что утро хочеть быти, или что вечеръ?» Онъ же рече: «вѣмъ все.» И рече Глѣбъ: «то вѣси ли, что ти хочеть днесь быти?» Онъ же рече: «чюдеса велика сѣтворю.» Глѣбъ же вынемъ топоръ, ростя ѿ, и паде мертвъ, и людѣ разидошася^в; онъ же окаанный погибе душею и тѣломъ, предався дѣволу.

О пренесеніи мощей святою мученику Бориса и Глѣба. Въ лѣто 6580. Бысть пренесенію время святыма мученикома Романа и Давыда: совокупившеся братія Ярославичи, Изяславъ, Святославъ, Всеволодъ, митрополитъ Георгій Кіевскій, и другіи, Неофитъ Черниговскій епискупъ, Петръ Переяславльскій, Никита Бѣлогородскій, Михайло Юріевскій, и игумень Θеодосій Печерьски, Софроній святаго Михаила, Германъ святаго Спаса, Никола Переяславскій, и прочіи вси игумени, и попы и дѣкони, пришедше со кресты и съ кадилы и свѣщами многими, идѣже лежать святою^г тѣлеса пречистая^д, и сѣтворивъ молитву повелѣ откопати персть, суцюю на гробѣ святою. Копаящимъ же имъ, исхожааше благоуханная воня отъ гробу святою^е, и откопавше изнесоша отъ земля; и приступивъ митрополитъ^ж съ прозвитеры, съ страхомъ и любовію открь гробъ святою, и видѣша чюдо преславно, тѣлеса святыхъ никакоже^з язвы не имуща^и, но все цѣло, и лица ихъ свѣтла бяста яко Ангела, яко дивитися архіепискупу^і зѣло, и всѣмъ исполненнымъ благоуханія многа. И створиша празньство свѣтло, и взяше святаго Бориса въ древяной рацѣ на рама своя, понесоша князи, предъидущимъ преподобнымъ черноризцемъ^к съ свѣщами, и по нихъ дѣякономъ съ кандилы, таче и прозвитеры, и по сихъ митрополитъ и епискупи, и по сихъ ношаху раку; принесше и поставиша въ новой церкви, юже сѣдѣла Изяславъ, яже стоить доннѣ. И отверзоша раку, и исполнися церковь благоуханія и воня пречудны: и си видѣвше, прославиша Бога. И митрополита обиде ужасъ, бяше бо не твердо вѣруя къ святыма^л, и падъ ниць просяше прощенія; и цѣловавше мощи его, вложиша въ раку^м камену. Посемъ же взяше Глѣба въ рацѣ каменѣ, вставивше на сани и емше ѹжи, повезоша ѿ; и яко быша въ дверехъ, и ста рака, не поступаючи отъ мѣста. И повелѣша народомъ звати: «Господи помилуй»; и моляхуся Господеви и святыма мученикома, и абіе подвижесе рака, и повезоша ѿ, и положиша ѿ мѣсяца мая въ 2 день. И цѣлова главу святаго^н Бориса, и святаго Глѣба руку вземъ^о Георгіе митрополитъ, благословяшеть князя Изяслава, и Святослава, и Всеволода; и пакы Святославъ вземъ^п за руку митрополита, держаща святаго руку, прилагаше къ вреду, чимъ боляше на шеи, потомъ къ очима и къ тѣмени, и пакы положи руку въ гробѣ; и начяша пѣти святою литургію. И рече Святославъ къ Бернови: «нѣчто мя на главѣ бодеть»; и сня клобукъ, и видѣ Бернъ ноготь святаго Глѣба, и снятъ^р съ главы и вдасть Святославу; онъ же прослави Бога о благодареніи святыхъ мученикъ Бориса и Глѣба. И по литургіи вся

а) по нь « по немъ К. О. б) подь skutъ « подь скудъ *вездѣ кромѣ* К. О. в) разидошася « разсыпашася Т. г) святою « святою *такъ и ниже* К. О. д) тѣлеса пречистая « тѣлесѣ пречистѣи К. О. е) святою « святою Ц. Б. В. Г. ж) митр. « *іоанъ прибавлено во всѣхъ сп., но въ Ц. помарано киноварью.* з) никакоже « никакая же *вездѣ кромѣ* Т. В. и) не имуща « не имуще *вездѣ кромѣ* К. О. і) архіеп. « епископу *ошибк.* К. О. к) черноризцемъ « чернцемъ К. О. л) къ святыма « къ нимъ Т. м) въ раку « *пропущено въ* Т. н) святаго « святою (святою) *вездѣ кромѣ* К. О. о) вземъ « и вземъ *во всѣхъ сп. кромѣ* К. О. п) вземъ « имъ К. О. р) снятъ « снятъ и « К. О.

братія идоша съ бояры^а съ своими койждо, и обѣдаша вкупѣ съ любовію съ великою, и 1072
 праздноваша празднество свѣтло, и много милостыни сѣтвориша убогымъ; и цѣловавшеся^{—76}
 мирно, и разошася въсвоеси кождо ихъ. И оттолѣ утвердися таковій праздникъ мѣсяца
 мая въ 2 день^б, въ славу святыхъ мученикъ Бориса и Глѣба, благодатію Господа нашего
 Ісуса Христа, аминь.

^а Въ 6581. Въздвиге діаволъ котору въ братіи си Ярославичехъ^г. Бывши распри межи ими^д,
 бывъ себѣ Святославъ со Всеволодомъ на Изяслава; изиде Изяславъ изъ Кіева^е, и Свято-
 славъ и Всеволодъ внидоша въ Кіевъ, мѣсяца марта въ 22 день^ж, и сѣдоша на Берестовомъ^з
 на столѣ, преступивше заповѣдь отню. Святославъ же бѣ начало^и выгнанію^і братню, же-
 лая болшая^к власти; Всеволода бо прельсти, глаголя: «яко Изяславъ свадится со Всесла-
 вомъ, мысля на наю^л; да аще его не попредимъ, имать наю прогнати;» и тако възостри
 Всеволода на Изяслава. Изяславъ же иде въ Ляхы съ имѣніемъ многимъ и съ женою, уповая
 богатствомъ многимъ^н, глаголя: «яко симъ налѣзу воя»; еже все взяша Ляхове у него, и
 показаша^о ему путь отъ себе. А Святославъ сѣде въ Кіевѣ, прогнавъ брата своего, престу-
 пивъ заповѣдь отню^о, паче же Божію. Великъ бо есть грѣхъ преступати^п заповѣди^р отца своего:
 ибо исперва преступиша сынове Хамови на землю Симову^с, по 400 лѣтъ^т отмщеніе пріяша
 отъ Бога; отъ племени бо Симова^у суть и Евреи^ф, иже избиша Хананѣйско племя, и воспріяша
 свои жребіи, свою землю. И паки преступи Исавъ заповѣдь отца своего, и прія убійство;
 не добро есть преступати въ предѣлѣ чюжаго.

Далье см. сего изданія томъ I, стр. 79 — 80. Слова: Въ лѣто 6582. Θεодосіи игумень
 Печерскій . . . и обѣщася пещися монастыремъ.

Въ лѣто 6583. Придоша послы изъ Нѣмецъ къ великому князю Святославу, Святославъ
 же величаяся, показа имъ богатство свое; они же видѣвше безчисленное множество злата,
 сребра и паволокы, и рѣша: «се нивчтоже есть, се бо лежитъ мертво и сметіе^х; мужи
 бо ся доишуть и болши^и сихъ.» Тако похвалися Іезекія царь Іудейскій къ посломъ царя
 Асурійска, егоже вся^ч взята быша въ Вавилонъ; тако и по сего смерти все имѣніе раз-
 сыпася разно. [Того же лѣта поча церковь ставити игумень Стефанъ, и конча ее на третіе
 лѣто, а основаніе положи Θεодосіи. Ц.]

Въ лѣто 6584. Преставися князя великаго сынъ Ярославль, Святъславъ^ш, и положень
 бысть въ церкви святаго Спаса^ш въ Черниговѣ; и сѣде по немъ въ Кіевѣ^ъ великимъ княземъ^л
 Всеволодъ Ярославичъ^ь.

а) съ бояры — такъ поправлено въ Т. Ц. сборы ошибк. Б. К. Г. соборы В. б) въ 2 день — въ 21 день
 ошибк. К. О. в) Въ Ц. написано на полѣ киноварью, въ видѣ заглавія: о брани межѣ братьи
 ярославичехъ. г) ярославичехъ — ярославичи Т. Б. Г. съ ерославичи В. д) ими — има вездѣ кромя К. О.
 е) изъ кіева — отъ кіева во всѣхъ сп. кромя К. О. ж) въ 22 д. — въ 23 день В. з) на берестовомъ —
 на березовѣ В. и) начало — началъ Т. і) выгнанію — выгнатию Г. въгнатию К. О. к) болшая —
 ить въ Ц. Б. Г. л) на наю — на ня К. О. м) и съ женою. . . многимъ — ить въ Ц. Б. Г. н) и показаша —
 показавше К. О. о) отню — отца своего Ц. отечню В. п) преступати — преступающимъ К. О. р) заповѣди —
 заповѣдь Ц. К. О. с) симову — такъ поправлено въ К.; въ прочихъ сп. сифову. т) лѣтъ — лѣта Т.
 у) симова — такъ поправлено въ К., а въ прочихъ сп. сифова. ф) и еврей — евреи К. О. х) сметіе;
 слич. въ семъ изданіи т. I, стр. 85. ц) и болши — болша К. О. ч) вся — прибавлено изъ Лавр. (т. I,
 стр. 85). ш) святъславъ — отъ рѣзанія жолвей приписано на полѣ въ Ц. щ) въ церкви св. спаса — въ
 святѣмъ спасѣ К. О. ъ) въ кіевѣ — братъ его прибавлено между строкъ въ Ц. ы) вел. княземъ — на столѣ
 прибавлено въ К. О. ь) ярославичъ — ить въ К. О.

1077
—87 Въ лѣто 6585. Поиде Изяславъ съ Ляхы^а на Всеволода. Того же лѣта преставися архіепискупъ Новгородскій Феодоръ^б.

Въ лѣто 6586. Бѣжа Олегъ Святославичъ^в. Того же лѣта поставленъ бысть архіепискупомъ Новгороду Германъ.

Въ лѣто 6587. Приде Романъ съ Половци къ Воиню^г, Всеволодъ же у Переяславля ста и сѣтвори миръ съ Половци; и възвратися Романъ съ Половци вспять^д, и убиша его ту^е Половци августа въ 2 день; и суть кости его и до сего дни, сына Святославля, а внука Ярославля. А Ольга емше поточиша за море, ко Царюграду; Всеволодъ же посади намѣстника своего Ратибора въ Тмуторокани. Того же лѣта убиенъ бысть Изяславъ Ярославичъ съ Борисомъ Вячеславичемъ^ж, бьяся по Всеволодѣ съ Ольгомъ Святославичемъ и съ Борисомъ Вячеславичемъ у града Чернигова; ту же^з и воеводы его побиа, привели бо бьяше Половцевъ на Русьскую землю. И положиша Изяслава въ святѣй Софїи въ Кїевѣ, и бысть княженія его 24 лѣта. Того же лѣта^и убиенъ бысть Глѣбъ Святославичъ въ Заволочїи, мая въ 30 день, и положенъ бысть въ Черниговѣ за святымъ Спасомъ. Сѣде Всеволодъ опять на столѣ въ Кїевѣ, и посади сына своего Володимера въ Черниговѣ, а Ярополка въ Володимерѣ; а Святополку Изяславичю сѣдящю въ Новѣгородѣ, а Ярополку въ Вышегородѣ, а Володимеру въ Смоленську.

Въ лѣто 6588. Заратишася Торки Переяславци^к на Русь; Всеволодъ же посла сына своего Володимера, Володимеръ же шедъ побѣди Торки.

Въ лѣто 6589^л. Въ лѣто 6590^м. Въ лѣто 6591. Приде изъ Грекъ Олегъ Тмуторокано, и ятъ Давыда и Володаря Ростиславича, и сѣде Тмуторокани; и изсѣче Козары, иже бѣша свѣтнїи^н на убиеніе брата его и на самого, а Давыда и Володаря пусти.

Въ лѣто 6592. Въ лѣто 6593. Въ лѣто 6594^п. Въ лѣто 6595. Приде Ярополкъ изъ Ляховъ, и сѣтвори миръ съ Володимеромъ; и иде Володимеръ вспять къ Чернигову, а Ярополкъ сѣде въ Володимерѣ. И пребысть мало, и изиде къ Звенигороду; и не дошедшю ему града, прободенъ бысть отъ проклятаго Нерадца^о, отъ діавола научена и отъ злыхъ чловѣкъ; лежащю ему на возѣ, саблюю съ коня прободе ѱ; тогда въздвигнувся Ярополкъ, выторгъ изъ себе мечъ, и рече велїимъ гласомъ: «охъ, тотъ мя вороже прободе!» И бѣжа Нерадца^п треклятый^р къ Перемышлю къ Рюрикови^с, а Ярополка вземши отроци на конь предъ ся, Радко и Воикинъ и инии, несоша къ Володимерю, оттуду къ Кїеву. И изиде противу ему благовѣрный князь Всеволодъ съ сынѣми^т, съ Володимеромъ и Ростиславомъ, и вси боляре, и митрополитъ Іоанъ и все священство съ нимъ; и положиша его въ рацѣ честно въ церкви святаго Петра^у. [Въ се же лѣто ходи Всеволодъ къ Перемышлю. Ц.]

а) съ ляхы — а писано въ кїевскомъ (т. е. лѣтописцѣ) прибавл. К. О. б) въ лѣто 6585 . . . феодоръ — итъ въ Ц. Б. Г. в) святославичъ — отъ всеволода тмуторокани прибавлено на полъ въ Ц. г) къ воиню — къ воинѣ К. О. д) вспять — и бывшу ему прибавлено во всѣхъ спискахъ. е) ту — недостаѣтъ во всѣхъ сп. кромѣ К. О. ж) вячеславичемъ — см. Лавр. (т. I, стр. 86); во всѣхъ сп. святославичемъ. з) ту же — также К. О. и) того же л —; предъ симъ въ К. О. убиеніе глѣбово, писано въ кїевскомъ (т. е. лѣтописцѣ) въ шестое (т. е. лѣто 6586). і) торки переяславци — торки и переяславци Ц. Б. турки и переяславци В. к) въ л. 6589 — писано въ кїевскомъ, ищи прибавл. К. О. л) въ л. 6590 — въ кїевскомъ ищи прибавл. К. О. м) свѣтнїи — свѣтнїи (свѣтнїи) Т. Ц. Б. Г. совѣтнїи К. О. н) въ л. 6592 — 6594 —; при сихъ годахъ въ К. находится замѣтка: ищи въ кїевскомъ. о) нерадца — нерятца Ц. недраца Г. п) нерадца — нерядца О. р) треклятый — проклятый Ц. с) къ рюрикови — рюриковичю неправильно въ Т. т) съ сынѣми — съ сынома К. О. у) петра — декабрь въ 5 день прибавлено въ Ц.

Въ лѣто 6596. Священа бысть церкви Михаила святаго^а. Того же лѣта взяша Болгаре¹⁰⁸⁸ Муромъ^б. Иде Янка въ Греки, дщи Всеволожа, и приведе митрополита Іоана скопца; и преbывъ до года и умре. Того же лѣта бысть знаменіе въ солнци, яко погибнути^в ему, и мало ся его оста, и акы мѣсяць бысть, въ 2 часъ дни, маія въ 21 день. Того же лѣта Всеволоду дѣюще ловы за Вышегородомъ, и меташа тенета на зайци^г, и кликнуша^д, и спаде великій змій отъ небеси, и ужасошася людіе; и ту земля стукну, яко мнози слышаша.

Въ лѣто 6597. Священа бысть церкви Печерская^е. Того же лѣта преставися Іоанъ митрополитъ Кіевскій.

Въ лѣто 6598^ж. Градъ Переяславль заложенъ бысть камень^з.

Въ лѣто 6599.^и Пренесенъ бысть Θεодосіи изъ пещеры въ монастырь, и положенъ бысть въ церкви своей ему, въ притворѣ на десной странѣ, идѣже и нынѣ лежитъ, августа въ 14 день; принесли^н его епискупи: Ефремъ Переяславскій, Стефанъ Володимерьскій, Іоанъ Черниговскій, Маринъ Юрьевскій¹, Онтонъ Порожскій. Того же лѣта успе Іоанъ митрополитъ скопецъ.

Въ лѣто 6600. Предивно бысть въ Полотьсѣхъ: въ мечтѣ бываше въ нощи тутенъ стонящъ по улицамъ^к, яко челоуѣци рыщуще бѣси; и аще кто вылазаше изъ храмины, хотя видѣти то, и абіе уязвенъ невидимо бываше отъ бѣсовъ язвою, и съ того умираху, и не смѣяху излазити изъ хоромовъ. Посемъ же почяша являтися въ день^л на конѣхъ, и не бѣ ихъ видѣти самѣхъ, но ихъ конь копытины видѣти^м; и тако уязвляху люди Полотьскыя и ихъ область. Се же знаменіе нача быти^н отъ Дрютьска^о.

Въ лѣто 6601. Преставися князь великій Всеволодъ мѣсяца априля въ 13 день, и положенъ бысть въ святой Софѣи въ Кіевѣ. Рече же Володимерь: «аще сяду на столѣ отца своего, то рать имамъ съ Святополкомъ», яко столъ преже отца его былъ. И посла по Святополка къ Турову, а самъ иде къ Чернигову. Того же лѣта сѣде Святополкъ Изяславичъ въ Кіевѣ^п на столѣ отца своего; си же много пострада за землю Русьскую съ погаными Печенѣгы. Придоша Половци на Русьскую землю, Святополкъ же и Володимерь Всеволодичъ Монамахъ бишася съ ними объ ону страну Стугны^р; и бысть брань велика зѣло, и побѣжени быша отъ Половцевъ грѣхъ ради нашихъ, овии отъ оружія и мечя изомроша, а друзіи истопоша. Тогда же князь Ростиславъ Всеволодичъ утопе, и мало Володимерь не утопе, хотя помощи брату своему; и многое множество паде за Русьскую землю. Святополкъ же приде къ Кіеву самъ третій, а Володимерь къ Чернигову; и бысть плачь великъ, а не радость. Половци же взяша градъ Торчскій^с.

а) Въ К. при сей статьѣ отмѣчено: ищи въ кіевскомъ, а се писано въ 7 (т. е. подъ 6597 г.) въ кіевскомъ о янкѣ (см. ниже). б) того же лѣта. . . муромъ» иттѣ въ К. О. в) погибнути» гыбнути К. О. г) на зайци» на заяца К. О. д) кликнуша» кликонуша Т. е) печерская»; при сей статьѣ въ К. О. отмѣчено: ищи въ кіевскомъ. ж) въ л. 6598» приведе янка митрополита іоана; ищи въ кіевскомъ прибавлено въ К. О. з) камень» каменемъ К. О. каменный В. и) принесли» а принесли (а пренесли) К. О. і) маринъ юрьев.» пропушено въ Ц. Б. Г. мринъ Т. К. О. к) стонящъ по улиц.» стонаше по улице К. О. стоящъ по улицамъ ошибк. В. л) въ день» весь день Ц. Б. Г. В. м) копытины видѣти» копотины вѣдѣти ошибк. Ц. топотины видѣти Т. н) быти» бывати В. о) Въ Ц. за симъ вторично (см. выше подъ 6595 г.): того же лѣта убьенъ бысть ярополкъ изяславичъ. п) въ кіевѣ» только въ К. О. р) стугны» стругны неправильно во всѣхъ сп. кромъ К. О. с) торчскій» торскій Ц. Б. торчевскій К. О. торскій В. Г.

¹⁰⁹⁴
—⁹⁷ Въ лѣто 6602. Прииде Олегъ съ Половци изъ Тмуторокани къ Чернигову, Володимерь же затворися въ градъ; Олегъ же прииде ко граду, и пожже около града посады^а и церкви. Володимерь же сътвори миръ со Олгомъ, и изиде изъ града на столъ отца своего въ Переяславль, а Олегъ вниде въ градъ отца своего^б. Половци же начаша воевати около Чернигова, Олгови не взбраняющу^в; бѣ бо самъ повелѣлъ имъ воевати. Се уже третье навеле поганья на землю Русьскую: егоже грѣха да бы Богъ простилъ, понеже християнъ много изгублено бысть, а нѣи полонени и по землямъ расточени. Того же лѣта придоша пружи на Русьскую землю, августа мѣсяца въ 26 день, и поядоша^г всяку траву и многа жита; и не бѣ сего слышано въ дни первыя въ земли Русьской, яже видѣста очи наши за грѣхы наша.

Въ лѣто 6603. Идоша Половци на Греки съ Девегеневичемъ, и воеваша Греки; царь же Гречьскій Девгеневича^д я^е и ослѣпи. Придоша Половци за Рось^ж, и Юріевъ зажгоша тощъ; а Юріевци съ епискупомъ Мариномъ прибѣгше, сѣдоша на Витичевѣ холму въ Святополчѣ градъ и за Саковцемъ. Иде Святополкъ и Володимерь на Давыда Святъславича къ Смоленску, и даша Новгородъ Давыду; и отъиде князь Давыдъ ко Смоленску, а Ноугородци привелоша изъ Ростова князя Мьстислава Володимеровича.

Въ лѣто 6604. Тое же зимы бой бысть князю Мьстиславу Володимеровичю и брату его Вячеславу, и Ноугородцемъ, и Ростовцемъ, и Бѣлозерцемъ на Колакшѣ, и побѣдиша Ольга Святославича. Олегъ же прибѣже къ Мурому, и затвори Ярослава въ Муромѣ; а самъ вниде въ Стародубъ, и оттуду иде къ Рязани.

^а Въ лѣто 6605. Придоша Святополкъ, и Володимерь, и Давыдъ Игоревичъ, и Василко Ростиславичъ, и Давыдъ Святославичъ^и, и братъ его Олегъ, и снѣшася у Любча на устроение мира, и глаголаша къ себѣ ркуще: «почто губимъ землю Русьскую, сами на ся котору дѣюще? а Половци землю нашу несутъ розно, и ради суть еже межѣ нами рать донинѣ^і; отселѣ имемся по единъ умъ и по едино сердце, и блюдемъ землю Русьскую, и койждо да держитъ отчину свою: Святополкъ Кіевъ Изяславию, Володимерь Всеволожю, Давыдъ и Олегъ и Ярославъ Святославию^к; а имъже раздавалъ Всеволодъ города, Давыду Володимерь, Ростиславичема Перемышль Володареви и Василкови Теробовль.» И на томъ цѣловаша крестъ, «да аще отселѣ кто на кого будетъ, то на того будемъ вси, и крестъ честный, и вся земля Русьская;» и цѣловавше поидоша въсвоеси. И прииде Святополкъ съ Давыдомъ къ Кіеву, и ради быша^л людѣ вси; но токмо дѣволъ печаленъ бѣ о любви сей^м, и влѣзе сотона въ сердце^н нѣкоторымъ мужемъ, и почяша глаголати Давыдови Игоревичю, ркуще тако: «яко Володимерь сложился есть съ Василькомъ на Святополка и на тя.» Давыдъ же вѣру я^о лжи-

а) посады « нѣтъ въ К. О. б) въ переяславль. . . своего » пропущено въ О. в) не взбраняющу » не взбраняющу *неправильно во всѣхъ сп.* г) поядоша » пояша *ошибк. К. О.* д) девген. » девгенича Т. Ц. К. Г. девгенича В. е) я » пропущено въ К. О. ж) за рось » за русь В. Г: *во всѣхъ другихъ сп.* за рсь. з) Въ Ц. на полъ *отмѣчено киноварью, въ видѣ заглавія:* о приходѣ святополка изяславича къ киеву и ослѣвленіи василковѣ. и) давидъ святосл. » пропущено во всѣхъ сп. *кромя К. О.; см. Лавр. Лѣт. стр. 109.* і) донинѣ » да нинѣ *во всѣхъ сп.* к) святополкъ. . . святославию » святополкъ кіевъ изяславль (изяславъ), володимерь всеволожъ, давидъ и олегъ и ярославъ святославль *такъ во всѣхъ сп.* л) быша » *во всѣхъ сп.* бывше. м) сей » ихъ К. О. н) въ сердце » пропущено во всѣхъ сп.; *см. Лавр. Лѣт. стр. 109.* о) вѣру я » *такъ въ К. О.; въ другихъ сп. вѣрова.*

вымъ словесемъ, нача глаголати на Василка, ркуще : «кто есть убилъ брата твоего Ярополка, 1097 а пынѣ мыслить на мя и на тя, и сложился есть^а съ Володимеромъ? да промыслий о своей головѣ.» Святополкъ же смятесе умомъ, рече : «егда есть се, право^б ли будетъ, или лжа?» И рече Святополкъ къ Давыдови^в : «да аще право глаголеши, Богъ ти будетъ послухъ; аще ли завистию глаголеши, да Богъ будетъ за тѣмъ.» И сжалився Святополкъ по братѣ своемъ и о себѣ, помышляти нача, егда се право будетъ, и ятъ вѣру Давыдови; прелести Давыдъ Святополка, и начяста думати о Василкѣ, а Василко сего не вѣдыше, ни Володимеръ. И нача Давыдъ глаголати : «аще не имевѣ Василка, то ни тебѣ княженія въ Кіевѣ, ни мнѣ въ Володимерѣ;» и послуша его Святополкъ. И прииде Василко, перевезеса на Выдобычъ, и иде поклонитися святому Михаилу въ монастырь, и ужина ту, а товары своя на Рудицѣ постави; вечеру же бывшю, прииде въ товары своя. Наутрїя же бывшю^г, присла Святополкъ и рече къ Василку : «не ходи отъ именинъ моихъ;» Василко же не хотѣ : «не могу ждати, рече^д, егда будетъ рать на дому.» И присла къ нему Давыдъ : «не ходи, брате, не ослушайся брата старѣйшаго;» и не хотѣ Василко ждати именинъ Святополчихъ. И рече Давыдъ Святополку : «видиши ли, не слушаешь тебе, а ходитъ^е подъ твоею рукою; аще ти отъидетъ во свою землю, и ты узриши, не займетъ ли^ж твоихъ градовъ, Турова или Пиньска, и прочихъ городовъ твоихъ^з? да помянеши мене; но призови его къ себѣ, и ими его, и дай же мнѣ.» И послуша его Святополкъ, и посла по Василька, глаголя : «аще^и не хоцещи ждати именинъ, да прииди ко мнѣ, цѣлуеши мя, и посѣдимъ вси съ Давыдомъ.» Василко же обѣщася прийти, не вѣдый на себе льсти^и. Василко же всѣдъ на конь поѣха, и устрѣте Василка дѣтескъ^к его, и повѣда ему глаголя : «не ходи, княже, хотять тя убити;» и рече Василко^л : «межи нами крестъ, не иму сему вѣры, а воля Господня да будетъ.» И прииде Василко на дворъ Святополчъ, и срѣте^м ѣ Давыдъ, потомъ Святополкъ, и сѣдоша; и начатъ Святополкъ^н глаголати : «буди, брате, до именинъ.» И рече Василко : «не лзѣ ми, брате, остати; уже есмь и товары отпустилъ прочь.» Давыдъ же сѣдыше, а жестоко сердце держа^о, и акы нѣмъ сѣдыше. И рече Святополкъ : «завтракай, брате.» Онъ же обѣщася : «воля твоя да будетъ.» И Святополкъ и Давыдъ идоста вонъ, и повелѣша Василка сковати въ двои желѣза, и устроиша сторожи. И заутра Святополкъ съзва бояры своя и Кыяны, и повѣда имъ, еже^п глаголаше Давыдъ на Василка : «брата ти убилъ, а на тя свѣщася съ Володимеромъ, хоцетъ тя убити и грады твоя зяяти.» И рѣша людіе : «тебѣ, княже, достоить блюсти своя глава; да аще право будетъ молвилъ Давыдъ, да прииметъ Василко казнь; аще ли неправо будетъ глаголаше Давыдъ, да прииметъ казнь^р отъ Бога и отвѣщаетъ предъ Богомъ.» И начяша глаголати игумени чьстнїи и попы Святополку : «не истинна се есть на Василка, но лжа.» Давыдъ же увѣдавъ, начатъ Святополка поуцати на ослѣпление : «аще сего пустиши, то ни тебѣ кня-

а) есть « на мя и на тя прибавл. В. б) право « правда К. О. в) и рече . . . давыдови » пропущено во всѣхъ сп. кромѣ К. О. г) прииде въ товары. . . бывшю » пропущено въ К. О.; въ прочихъ сп. неправильно бывше. д) рече « брате К. О. е) а ходитъ » такъ въ Ц; въ прочихъ сп. ходя (а ходя). ж) не займетъ ли « что ти не займетъ ли К. О. з) турова . . . твоихъ » пропущено въ О. и) аще « аще ли во всѣхъ сп. кромѣ К. О. і) василко же. . . льсти » пропущено въ Ц. к) дѣтескъ « дѣтескій Т. Б. Г. дѣцькы К. О. л) василко « въ себѣ прибавлено въ К. О. м) срѣте « срѣтоша К. О. н) и сѣдоша . . . святополкъ пропущено въ Ц. Б. Г. о) держа « имѣяше К. О. п) еже « ему прибавлено въ К. О. р) казнь « пропущено вездѣ кромѣ Т : въ Лавр. мѣсть.

1097 жити, ни мнѣ;» а Святополкъ хотяше пустити Василка, но Давыдъ не хотяше, блюдеся Василка. И ведоша Василка изъ Кіева къ Бѣлугороду, отъ Кіева далѣ^а 10 верстѣ, и ве- доша его въ гридницю окованаго. И узрѣ Василко Торчина ножъ остряца, и разумѣ, яко хотять его слѣпити, и възопи къ Богу съ плачемъ, глаголя: «Господи Іеусе Христе, Сыне Божій! ты вѣси, что есмь не измѣнилъ ничтоже своей братіи.» И се влѣзоша посланіи Святополкомъ и Давыдомъ, Сновидъ Изечевичъ конюхъ Святополчъ и Дмитръ конюхъ Да- выдовъ, и постласта^б коверъ, и яста Василка, и не можаста; и въскочиста ина два, и на- кинуста на Василка двѣ дѣски, и одва утолиста съ нужею Василка; и положиста възнакъ, и выняста у Василка очеса, и отъ тоя нужи бысть яко мертвъ. И везоша ѣ въ Володимерь, и бысть на мосту на Въздвиженьскомъ на торговищи, и сняша съ Василка срачицю кроваву, и даша ю мыти попадѣ; и нача плакати попадѣя велми, и очютися Василко, и рече: «гдѣ се есмь?» и нача просити воды, и даша ему пити; онъ же рече: «гдѣ есть моя со- рочка? да быхъ въ той сорочкѣ^в и смерть пріялъ.» И привезоша въ Володимерь Василка; и приде Давыдъ, акы нѣчто уловъ уловилъ и утѣшился, и повелѣ его стрещи 30 мужемъ. Володимерь же слышавъ, яко ятъ бысть Василко и ослѣпленъ, ужасеся и плакася горько: «сего не бывало есть въ Русьской земли, ни при дѣдѣхъ нашихъ, ни при отцѣхъ нашихъ, сего зла.» И ту абіе посла къ Давыду и Олгови Святославичема, глаголя: «пойдѣта къ Городцю, да исправимъ се зло въ Русьской земли, въ насъ братіи о Василкѣ; да сего что не исправимъ, да то большее зло въ насъ встанеть, и начнетъ братъ брата закалати, и погыбнетъ земля Русьская; а врази наши Половци тому радуются, что промежи насъ Русь- скихъ князей зло чинится, и землю Русьскую возмуть.» Се слышавъ Давыдъ и Олегъ, пе- чялни быста велми и плакастася зѣло, ркуще: «яко сего не бывало въ родѣ нашемъ.» Ту абіе собравше вой, придоша къ Володимеру, Володимеру стоящую въ бору съ вой. Володи- меръ же, и Давыдъ и Олегъ послаша къ Святополку мужи своя, глаголюще: «что се еси зло сѣтворилъ, въвергълъ еси ножъ въ ны, ослѣпивъ Василка? аще бы ти кая вина была на нь, обличилъ бы еси его предъ нами, и упрѣвъ то бы сѣтворилъ еси ему; а нынѣ кая его вина, яви намъ.» И рече Святополкъ: «яко повѣдалъ ми Давыдъ Игоревичъ, яко Василко брата ти убилъ Ярополка, и тебе хочеть убити и городы зяти и волости, и ротѣ заходили съ Володимеромъ, яко сѣсти Володимеру въ Кіевѣ, а Василкови въ Володимерь; а неволя ми своя головы блюсти^г, а не азъ его слѣпилъ, но Давыдъ, и вель къ себѣ.» И рѣша мужи Володимеровы, и Давыдовы, и Олговы: «извѣта о семъ не имѣй, яко Давыдъ есть слѣпилъ; не въ Давыдовѣ городѣ ятъ и ослѣпленъ;» и се имъ глаголющимъ, и рази- дошася разно. Наутрѣя же хотящимъ чрезъ Днѣпръ поити^д на Святополка, Святополкъ же хотя выбѣгнуги изъ Кіева, и не даша ему Кіяне, но послаша Всеволожу и митрополита Николу къ Володимеру, глаголюще ему: «молимся, княже, тебѣ и братома твоима, не можете промежи себе погубити земли Русьскыя, иже бѣша стяжали дѣди ваши и отци ваши трудомъ великимъ и храбростію, поборающе по Русьстѣй земли, и иные земли пріискываху; а вы хочете межи собою погубити землю Русьскую.» Всеволожа и митрополитъ придоша къ Во- лодимеру, и молиастася ему, и повѣдаста молбу Кіянъ, яко сѣтворити миръ, и блюсти земли Русьскыя, и брань имѣти съ погаными. Се слышавъ Володимерь, въсплакася и рече: «по-

а) далѣ» вдалѣ во всѣхъ сп. кромъ К. б) постласта» посласта во всѣхъ сп. в) сорочкѣ» кровавѣ прибавл. К. О. г) блюсти» не блюсти во всѣхъ сп. кромъ В. д) поити» преити К.

истиннѣ дѣди наши и отци наши блюли Русьскыя земли, а мы хоцемъ погубити.» И пре- 1097
 клонися^а на молбу княгинину, чтяшетъ бо акы матеръ и не ослушася ея ни въ чемъ же,
 тако бо^б и святительскій санъ чтяше велми и не ослушася его яко отца, и приимъ молбу
 ихъ. И прииде Всеволожа и митрополитъ къ Кіеву, и повѣда вся рѣчи Святополку и Кіаномъ,
 яко миръ будетъ; и умиришася на семъ, что Святополку Давыда няти^в, или проженути
 его, и крестъ цѣловаша^г. Василку сущю въ Володимери, и прииде великій постъ, и нача
 слыти, и идетъ Володимеръ и Святополкъ на Давыда Игоревича; и Давыдъ посла къ Ва-
 силкови: «пошли мужъ свой къ Володимеру и Святополку, чтобы на мя не ходили, а вдамъ
 ти которой городъ любъ, любо Всеволожъ, или Ополь^д, или Перемиль». И рече Василко:
 «азъ положю упованіе на Бога, а тебѣ ся не мщаю^е, но слышу, что хоцетъ мя Давыдъ вы-
 дати Ляхомъ; то се мало ли ся насытилъ моя крови? а се хоцетъ болѣ насытитися, оже
 мя дасть, азъ бо Ляхомъ много зла сѣтворихъ, и хотѣлъ есмь сѣтворити и мстити^ж Ляхомъ
 за Русьскую землю; но се повѣдаю ти по истиннѣ, яко дасть ми Богъ се, за мое възвышеніе
 низложи мя Богъ.» И посла Василко къ Володимеру и Святополку: «мене ради крови не
 проливайте;» и възвратишася вспять Володимеръ и Святополкъ. Посемъ же приходящю Ве-
 лику дни, и поиде Давыдъ Игоревичъ пріяти Василкову власть, и усрѣте ѿ Володаръ братъ
 Василковъ у Бужьска^з; и не смѣяше Давыдъ стати противу Володарю, и затворися въ
 Бужьсцѣ^и, и Володаръ остуни градъ. И нача Володаръ молвити: «почто зло сѣтворивъ не
 каешися? да уже помянися, колико еси зла сѣтворилъ.» Давыдъ же нача на Святополка
 извѣтъ имѣти^и, глаголя: «сиде сѣтворилося ци въ моемъ градѣ? язъ самъ ся боялъ, аще
 бы^н и мене яли и сѣтворили бы такоже; неволя ми было не пристати къ сѣвѣту Свято-
 полчю, ходя въ руку его.» И рече Володаръ: «нынѣ пусти брата моего, и сѣворю съ то-
 бою миръ.» И радъ бысть Давыдъ, посла по Василка, и приведъ Володареви его дасть, и
 сѣтвориша^л миръ, и разидошася. И прииде Василко и сѣде въ Теробовли, а Давыдъ въ Во-
 лодимерѣ. И наставши веснѣ, прииде Володаръ и Василко на Давыда, и затворися Давыдъ
 въ Володимерѣ; онѣма же ставшима около града Всеволожа, и взяста копіемъ градъ и за-
 жгоста, и выбѣгоша людіе отъ огня, и повелѣ Василко вся сѣщи^м, и сѣтвори мщеніе на лю-
 дехъ неповинныхъ. Посемъ же приидоста къ Володимерю, и Давыдъ затворися въ градѣ, и
 остуниша градъ, и посласта къ Володимерьцемъ глаголюще: «не придоховѣ на градъ вашъ,
 ни на васъ, но на врагы своя, Турыка, и Лазаря и Василя, ти бо суть намолвили Давыда,
 и тѣхъ естъ послушалъ Давыдъ и сѣтвори се зло; да аще хоцете за сихъ битися, да восе
 мы готови, аще ни^п, выдайте врагы наша.» И гражане се слышавше, рекоша Давыдови:
 «выдай мужи сія;» жаль бо бѣ Давыду мужей тѣхъ велми, и не по воли выдасть Турыка,
 Лазаря и Василя, и растрѣляша я^о Василковичи, и сѣтворивъ миръ отъидоша. Се же второе
 мщеніе сѣтвори, егоже не бѣаше лѣпо створити^п. Святополку же обѣщавшуся Давыда прого-
 нити, и поиде къ Берестію къ Ляхомъ; и се слышавъ Давыдъ, иде въ Ляхи къ Володи-

а) преклонися « преклонся (приклонся) во всѣхъ сп. кромъ К. О. б) тако бо « таче бо Ц. Б. В. Г. таче
 же К. О. в) няти « иняти *вездъ кромъ Ц.* г) цѣловаша « цѣловаше *во всѣхъ сп.* д) или ополь « любо шполь К.
 любо шпель О. е) не мщаю « не мщю К. О. ж) створити и мстити « мстити и створити *во всѣхъ сп.*
 кромъ К. О. з) у бужьска « у бужца *вездъ кромъ К. О.* и) въ бужьсцѣ « въ бужьскѣ К. О. i) имѣти «
 творити К. О. к) аще бы « быша *прибавл.* К. О. л) сѣтвориша « сѣтвори Ц. сѣтворися Т. В. Г. м) сѣщи «
 жеци К. О. н) аще ни « аще ли *во всѣхъ сп.* о) растрѣляша я « растрѣляше и *во всѣхъ сп. кромъ К. О.*
 п) створити « творити К. О.

1097 славу, ища помощи; Ляхове же обѣщашася ему помогати, и взяша у него злата 50 гри-
-104 вень, ркуще: «пойди съ нами на Святополка, и ту смиримъ тя со Святополкомъ.» И по-
слуша ихъ, и поиде къ Берестію съ Володиславомъ. И ста Святополкъ въ градѣ^а, а Ляхове
на Бугу, и сносия Святополкъ рѣчьми съ Ляхи, и дасть имъ дары^б на Давыда; и рече Во-
лодиславъ Давыдови: «не послушаетъ мене Святополкъ, да иди опять въспять». И иде Да-
выдъ къ Володимерю, а Святополкъ съвѣтъ створи съ Ляхи, и поиде къ Пиньску, посла по
воя и прииде къ Дорогобужу, и дожда ту вой своихъ, и поиде на Давыда къ граду, и Да-
выдъ затворися въ градѣ, чая помощи отъ нихъ, рекоша бо ему^в: «мы тебѣ поможемъ на
Святополка;» и солгаша ему, емлюще у Давыда злато. Святополкъ же остуни градъ, и стоя
7 недѣль, и почя Давыдъ молитися: «пусти мя изъ града;» Святополкъ же обѣщася ему, и
цѣловаша^г крестъ межи собою, и изиде изъ града. На другое же лѣто совкупишася князи,
Святополкъ и Володимеръ, Давыдъ и Олегъ, и призваша^д къ себѣ Давыда Игоревича, и по
съвѣту не даша^е ему Володимеря, но даша ему Дорогобужъ, въ немъ же и умре Давыдъ
Игоревичъ. [А Святополкъ прія Володимеръ, и посади въ немъ сына своего Ярослава.
К. О.]

Въ лѣто 6606. Прииде Мьстиславъ, сынъ Володимеровъ^ж, съ Новгородци: бѣ бо Свято-
полкъ съ Володимеромъ рядъ имѣлъ, яко Новугороду быти Святополчю и посадити^з сынъ
свой въ немъ, а Володимеру посадити сына своего въ Володимерѣ. И прииде Мьстиславъ къ
Кіеву, и рѣша мужи Володимери Святополку^и: «се прислалъ Володимеръ сына своего; да се
сидятъ Новгородци, да поимше^и сына твоего идутъ къ Новугороду, а Мьстиславъ атъ^к идетъ
къ Володимерю». И рѣша Новгородци Святополку: «се мы, княже, присланы къ тебѣ, и
рѣкли намъ тако: не хоцемъ Святополка, ни сына его^л; аще ли двѣ головы имѣетъ сынъ
твой, то послѣ и; а сего ны вдаль^м Всеволодъ, а въскормили есмя себѣ князя, а ты еси
шелъ отъ насъ.» Святополку же многу прю имущю съ Новгородци, и онѣмъ же не хотѣв-
шимъ, и поимше Мьстислава и придоша къ Новугороду.

Въ лѣто 6607. Заложи Мьстиславъ Володимеричъ церковь Благовѣщеніе на Городищи.
[Того же лѣта священа бысть церкви Успеніе святыя Богородици Печерская Іоаномъ митро-
политомъ, при великомъ князѣ Всеволодѣ Ярославичѣ. Ц.]

Въ лѣто 6608. Бысть княземъ Русьскимъ межи собою миръ и любовь братіи, Свято-
полку^н, Володимеру, Давыду и Олгу, не вступатися въ чюжей предѣлъ никомуже.

Въ лѣто 6609. Успе Всеславъ князь Полотський.

Въ лѣто 6610. Въ лѣто 6611. Въ лѣто 6612^о. Бысть знаменіе: стояше солнце въ кругу,
а посередѣ круга крестъ, а посреди креста солнце, а виѣ круга обаполы два солнца^п, а надъ
солнцемъ кромѣ круга дуга^р, рогама на сѣверь; тако же знаменіе и въ луиѣ тѣмъ же обра-
зомъ, февраля 4, 5, 6, по 3 дня и по три ноци^с.

а) ста святоп. въ градѣ» иде святополкъ во градъ В. б) дары» многы *прибавлено въ К. О.* в) рекоша бо
ему» *пропущено въ К. О.* г) цѣловаша» цѣлова Т. Ц. Б. Г. цѣловаше К. О. цѣлова же В. д) призваша»
призва *вездѣ кромѣ К. О.* е) и по съвѣту не даша» по свѣту и не даша Т. Б. Г. по совѣту и не
даша Ц. К. О. В. ж) сынъ володимеровъ» сынъ володимера великого *поправлено въ Ц.* володимеровичъ В.
з) посадити» посади *во всѣхъ сп.* и) святополку» мьстиславу *ошибк. К. О.* і) да се . . . поимше»
такъ въ К. О. : въ прочихъ сп. да се (сей) сядеть, новгородци же поимше. к) атъ» а той К. О. а
тотъ В. и тѣ Ц. Б. Г. л) его» твоего К. м) вдаль» есть *прибавлено въ Ц. Б.* н) святополку» изяславичю
прибавлено на полѣ въ Ц. о) въ л. 6612» того же лѣта К. О. п) два солнца» двѣ солнцѣ К. О. р) кромѣ
круга дуга» *такъ въ К. О.; въ друицхъ сп.* кромѣ другаго. с) ноци» въ луиѣ *прибавл. К. О.*

Въ лѣто 6613. Въ лѣто 6614. Воеваша Половци около Зарѣчьска, и посла по нихъ 1105 Святополкъ Яна Вышатича, и брата его Путятю, и Иванка Захарына и Козарина; и уго- —15 нивше^а Янъ полоуць отъяша, а поганыхъ изсѣче^б.

Въ лѣто 6615. Пострижесе Святоша, сынъ Давыдовъ, а внукъ Святославль, февраля въ 17 день.

Въ лѣто 6616. Преставися архіепискупъ Никита, мѣсяца генваря въ 15 день, и положенъ бысть въ святой Софій, въ Іакимѣ и Аннѣ.

Въ лѣто 6617. Въ лѣто 6618.¹⁰ Поставленъ бысть Новугороду архіепискупъ Іоанъ.

Въ лѣто 6619. Бысть знаменіе въ Печерскомъ монастырѣ, февраля въ 11 день, явися столпъ огнень отъ земля до небеси.

Въ лѣто 6620.¹² Поидоша на Половци Русьстїи князи, Святополкъ, Володимерь^в, Ярославъ Святополчичь^г, Давыдъ и Володимерь съ сынами^а, и придоша къ граду къ Шаруканю; и выидоша изъ града, и поклонихася княземъ Русьскимъ, вынесше рыбы и вино. И заутра пришедше^е къ Сугробу зажгоша ѿ, и Русь съступишася съ Половци битися на потоцѣ Дегѣя^ж, марта мѣсяца въ 24 день; и побѣдиша князи Половцевъ, и въздаша хвалу Богу. Наставшу же понедѣлнику страстныя недѣли, паки иноплеменици собрашася въ полкы своя, и выступиша яко боры великія^з и тмами темъ^и, и оступиша полкы Русьстїи; и посла помощь Богъ Русьскимъ княземъ ангела, и сразишася полци Половецьстїи перво съ полкомъ Русьскимъ, и треснуша аки громъ, и сразишася челома, и брань бысть люта межи има, и падаху обои. И поступи Володимерь съ полкы съ своими, а Давыдъ съ своими; и възрѣвше Половци, и вдаша плещи своя на побѣгъ, и падаху предъ полкомъ Володимеримъ, невидимо біеми ангеломъ^і, яко се видяху челоуѣци мнози, главы летяху невидимо стинаеми ангеломъ^к на землю; и побѣдиша ѿ на рѣцѣ Салницѣ, и взяша все богатство ихъ, а иныхъ самихъ поимаша. И възпросиша ихъ: «како васъ толика сила не могосте противитися, но вскорѣ побѣгосте?» они же рѣша: «како можемъ съ вами битися? а друзіи верху васъ ѣздяху^л въ оружіи свѣтлѣ и страшнѣ, иже помогахуть вамъ; токмо се суть ангели отъ Бога послани, и помогахуть вамъ христіаномъ^м.» Се бо ангель^н вложилъ въ сердце Володимеру Манамаху пустити братію свою на иноплеменики. Се бо видѣніе видѣша въ Печерскомъ монастыри, еже стояше столпъ огнень на тряпезницѣ каменнѣ, таже преступи на церковь, а оттуду къ Городцю: ту бо баше Володимерь въ Радосыни. Тогда погорѣ Подоліе Кіева, и въ Черниговѣ, и Смоленскѣ и Новгородѣ.

Въ лѣто 6621. Въ лѣто 6622.¹⁵ Бысть солнце акы мѣсяць. Преставися Михайло, зовомый князь Святополкъ Изяславичь, княживъ въ Кіевѣ лѣтъ 21. Того же мѣсяца въ 20 сѣде Володимерь Манамахъ на великомъ княженіи въ Кіевѣ, на столѣ отца своего^о Всеволода; и устрои мостъ чрезъ Днѣпръ.

Въ лѣто 6623¹⁶. Принесеніе мощемъ святою мученику Бориса и Глѣба въ каменую церковь. А на осень преставися князь Олегъ Святъславичь.

а) угопивше» ихъ прибавл. К. О. б) въ л. 6613. . . изсѣче» нѣтъ въ В. изсѣкоша К. О. в) володимерь» манамахъ прибавлено на поля въ Ц. г) святополчичь» святополчь К. О. д) съ сынами» съ сыномъ Ц. съ ними К. О. е) пришедше» ко граду прибавлено на поля въ Ц. ж) дегѣя» дегія К. з) боры великія» борове величїи К. О. и) темъ» тмы тамъ же. і) ангеломъ» божьимъ прибавл. Ц. Б. В. Г. к) ангеломъ» только въ Т. л) ѣздяху» ѣздятъ Т. м) послани. . . христіаномъ» послани помогати хри(кре)стьяномъ К. О. н) ангель» христовъ прибавл. Ц. Б. В. Г. о) своего» въ кіевѣ прибавл. Т. п) въ л. 6623» нѣтъ въ Г. того же лѣта Ц.

4116 Въ лѣто 6624. Иде Мьстиславъ Володимировичъ съ Новгородци на Чюдь, и взяша^а градъ
—33 Медвѣжю Голову. Того же лѣта заложи князь^б Мьстиславъ Новѣгородъ^в болѣ перваго^г. А
Ярополкъ Володимеричъ сруби градъ Желній^д Дрючаномъ. Того же году посадникъ Павелъ
заложи градъ камень^е Ладогу.

Въ лѣто 6625. Приведе Володимеръ сына своего Мьстислава изъ Новгорода въ Кіевъ;
а въ Новѣгородѣ сѣде Всеволодъ Мьстиславичъ.

Въ лѣто 6626. Въ лѣто 6627.¹⁾ Преставися царь Гречьскій Алексѣй, и по немъ прія
царство сынъ его Іоанъ.

Въ лѣто 6628. Въ лѣто 6629. Преставися митрополитъ Русьскій Никифоръ.

Въ лѣто 6630. Приде митрополитъ въ Русь изъ Царяграда Никита. Оженися князь Мьсти-
славъ Володимеричъ въ Кіевѣ, поя Дмитріевну въ Новѣгородѣ Завидовичя. Того же лѣта яша
Ляхове Володаря, Василкова брата^ж.

Въ лѣто 6631. Ходи князь Всеволодъ съ Новгородци на Ёмы^з, и побѣди ихъ. Оженися
князь Всеволодъ, сынъ Мьстиславъ, въ Новѣгородѣ.

Въ лѣто 6632. Предъ вечернею почя убивати солнца, и погибе все. О великъ страхъ!
и тма бысть, и звѣзды быша и мѣсяць; и паки начя прибывати вборзѣ, и наполнися, и
ради быша вси.

Въ лѣто 6633. Преставися князь великій Володимеръ Манамахъ Всеволодичъ, княживъ
въ Кіевѣ лѣтъ 13, а живе всѣхъ лѣтъ 73, украшенъ добрыми нравы и прослуживъ въ побѣ-
дахъ^н за Русьскую землю съ погаными Половци, егоже имени вся страны трепетаху; и
положенъ бысть въ церкви святыя Софїи въ Кіевѣ. И сѣде на столѣ въ Кіевѣ сынъ его
старѣйшій Мьстиславъ^і. Того же лѣта посадиша Новгородци Всеволода на столѣ.

Въ лѣто 6634. Преставися митрополитъ Русьскій Никита.

Въ лѣто 6635. Посла князь Мьстиславъ Володимеричъ братію свою на Кривичи, четырьми
пути: Вячеслава изъ Турова, Андрѣя изъ Володимеря, Всеволода изъ Городна, Вячеслава изъ
Клѣчьска, тѣмъ повелѣ ити къ Изяслави; а Всеволоду Олговичю повелѣ итти съ братією
своею на Стрѣжевъ къ Борисову, и сына своего^к Изяслава изъ Курьска^л посла на Логожскъ,
а Ростислава изъ Смоленска посла на Дрютскъ; и повоеваша ихъ.

Въ лѣто 6636. Преставися князь Борисъ Всеславичъ Полотьскій^м.

Въ лѣто 6637. Въ лѣто 6638. Заточи князь великій Мьстиславъ^п князи Полотьскія и
со княгинями ко Царюграду.

Въ лѣто 6639. Князь великій Мьстиславъ ходилъ съ Низовци на Литву, и плѣни ихъ.
Того же лѣта преставися князь великій Мьстиславъ Володимеричъ, апреля 14, княживъ въ
Кіевѣ 6 лѣтъ. По немъ сѣде на княженіи братъ его Ярополкъ^о.

Въ лѣто 6640. Въ лѣто 6641. Иде Всеволодъ съ Новгородци на Чюдь, и взя градъ
Юрьевъ февраля въ 9.

а) взяша» взя К. О. б) князь» только въ Т. К. О. в) новѣгородъ» городъ К. О. г) Во всѣхъ сп.
кромя Ц. помѣщено ошибкою слѣдующее извѣстіе: того же лѣта преставися володаръ и братъ его
василко ростиславичи; см. Лавр. Лѣт. подъ 6652 годомъ (т. I, стр. 129). д) желній» желный Ц.
желанны К. О. е) камень» итъ въ Б. Г. ж) того же лѣта яша. . . брата» итъ въ К. О. з) на ёмы»
Т. В., а въ прочихъ сп. на ёмъ. и) прослуживъ въ побѣдахъ» такъ въ К. О.; въ прочихъ сп. испорчено:
прослы въ бѣдахъ Т. Б. В. Г. промыслы и бихся Ц. і) мьстиславъ» еще сый дѣтескъ прибавлено
въ К. О. к) своего» его ошибок. Т. В. л) изъ курьска» такъ поправлено по Лавр. Лѣт. (см. т. I,
стр. 150); во всѣхъ сп. изъ туровска (изъ туреска). м) въ лѣто 6636. . . полотьскій пропущено въ К. О.
н) мьстиславъ» всеволодъ во всѣхъ сп.; см. Лавр. т. I, стр. 151. о) ярополкъ» святополкъ ошибок. Б. В. Г.

Въ лѣто 6642. Иде Всеволодъ на Суздаль ратью и вся Новгородская область, и бишася ¹¹³⁴ на Жданѣ горѣ, и много ся зла створи; и убиша посадника Иванка, мужъ храборъ зѣло, ^{—37} и Петрила Микулиничя, и иныхъ мужъ добрыхъ много побиша; а Суздальцевъ паде болѣ. И створиша миръ, и придоша вспять^а; и пустиша митрополита къ Кіеву мѣсяца февраля въ 10 день, въ мясопустную недѣлю, а на Суздаль идучи не пустиша митрополита, а онъ молвилъ: «не ходите на Суздаль, мене Богъ послушаетъ.»

Въ лѣто 6643. Князь Юрій Володимеричъ испроси у брата у Ярополка Переяславль, а ему вда Суздаль и Ростовъ и иную власть, но не всю. Половци со Олговичи взяша городокъ Нѣжатины и Баручь^б.

Въ лѣто 6644. Новгородци призваша Псковичъ и Ладожанъ, и сдумавше яко изгонити князя своего Всеволода, и всадиша ѿ въ епискупль дворъ со княгинею и съ бояры и съ тещею, мая въ 28, и сторожи стражаху день и ночь по 30 мужъ со оружіемъ; и сѣдѣвъ два мѣсяца, и пустиша ѿ изъ города^в, а Володимера сына его пріяша. А се вины его творяху: «1-е не блюдетъ смердовъ; 2-е чему хотѣлъ еси сѣсти въ Переяславль? 3-е фхалъ еси изъ полку напредъ всѣхъ, а отъ того много ны потяты^г; и велѣлъ ны ко Всеволодку приступити, а пакы отступити велить.» И не пустиша его, донелѣже инъ князь будетъ. И приде Новгороду князь Святославъ Олговичъ изъ Чернигова отъ брата Всеволодка; и Всеволода выгнаша Новгородци отъ себе, онъ же приде къ стрывеви своему Ярополку въ Кіевъ, и да^д ему Вышегородъ, и сѣдѣ ту лѣто едино. Того же лѣта бишася Олговичи съ Володимеричи: бѣша со Олговичи Половци, и побѣгоша Половци, и погнаша по нихъ Володимеричи, сѣкуще ѿ; въ то же время Олговичи переяша стягъ Ярополчъ, сїи же изсѣкоша поганья и възвратшася на полчище, и впадоша въ рупцѣ Олговичемъ; тогда же яша Олговичи бояръ много, и тысячьского Давыда Яруновичя, и Станислава доброго Дутковичя, а внуку Володимерь Василко^е Маріинъ убіенъ ту^ж. А Володимеричи придоша къ Кіеву, Ярополкъ, Юрій, Андрѣй, а Олговичи къ Чернигову, и послаша по Половци^з, и почяша воевати по Сулѣ, и бысть пагуба велика Посуляномъ. Ярополкъ совокупи воя многи: Ростовци, Полочаны, Смоленяны, Угра, Галичанъ, Берендѣевъ бѣ 1000^и, Кіяне, Переяславци, Туровци, и бысть множество вой, и поиде къ Чернигову; Черниговци же възопиша глаголюще ко Всеволоду: «мыслиши бѣжати въ Половци, да къ чему ся увернеши? лучше отстани своего високоумія и проси мира; вѣмы, яко не хошетъ Ярополкъ проліяти християньскыя крови, милосердъ есть и смиренъ^і Бога ради, той бо съблюдаетъ Русьскую землю.» Всеволодъ же то слышавъ, и^к вниде въ ся и посла^л съ покореніемъ и съ поклономъ; и пріять молбу его Ярополкъ и створи миръ, и дары взя многы, и възвратися и вой распусти^м вси; а Олговичи взяша Треполь и Халѣпъ^н. Того же году оженися Святославъ Олговичъ въ Новѣгородѣ, и вѣнчася у святаго Николы своими попы; а владыка Нифонтъ не вѣнчя, глаголя: «не достоить ея поняти.»

Въ лѣто 6645. Взаша Половци со Олговичи Прилукъ. Того же лѣта приде князь Всеволодъ Мьстиславичъ во Псковъ, хотя сѣсти въ Новѣгородѣ опять на столѣ своемъ, позванъ

а) вспять» опять К. О. б) баручь» варсучь К. О. в) изъ города» 15 прибавл. К. О. Здѣсь разумется 15 июля (см. Новг. перв. Лѣт. т. III, стр. 7). г) отъ того много ны потяты» такъ, кажется, слѣдуетъ читать; мѣсто это во всѣхъ сп. испорчено: того много напочаты (много напочатыи, много ны початы); см. Новг. перв. Лѣт., т. III, стр. 7. д) да» даша ошибк. Т. е) василко» и василко во всѣхъ сп. ж) ту» туту К. з) по половци» половци Ц. Б. В. Г. и) 1000» такъ въ К. О.; въ прочихъ спискахъ 30 тысящъ. і) смиренъ» сердцемъ прибавл. Ц. к) и» яко К. О. л) и посла» сла (т. е. посла) прибавлено на поляхъ въ К. м) распусти» отпусти К. О. н) халѣпъ» халяпъ Ц.

1137 отай Новгородскими мужи и Плесковичи, Жириятоу и пріатели его: «поиди, княже, опять
—39 тебе хотятъ.» Яко услышано бысть се, яко Всеволодъ во Псковѣ съ братомъ Святополкомъ,
и мятежъ бысть великъ въ Новѣгородѣ, не въсхотѣша людіе Всеволода; и побѣгоша друзіи^а
ко Всеволоду въ Псковъ, и взяша на разграбленіе дома ихъ, Коньстантиинъ, Нѣжатиинъ^б и
иныхъ много, и еще же ищюще и тѣхъ^в, кто Всеволоду пріаетъ^г боляръ, то имаша на нихъ
куны по полдоторѣ тысячѣ гривенъ, и даша купцемъ крутитися на войну: по сягоша^д и не-
виноватыхъ. Потомъ же Святославъ Олговичъ совокупи всю землю Новгородскую, и брата
своего Глѣба^е, Куряны съ Половци, и идоша на Псковъ прогонити Всеволода; и не покори-
шася Псковичи имъ, и не выгнаша^ж отъ себе князя, но бяхуть устерегли, засѣкли осѣкы
вси. И сдумавше князь и вси людіе его на пути, въспятишася^з на Дубровнѣ, и еще рекше:
«не проливайте крови съ своею братьею, негли Богъ како управитъ своимъ промысломъ^и.»
Тогда же преставися князь Всеволодъ Мьстиславичъ, внукъ Володимеръ, мѣсяца февраля въ
11 день, во Псковѣ, и положиша ѱ въ святѣй Троици, юже^і бѣ самъ создалъ; и яшася
Псковичи по брата его Святополка^к; и не бѣ мира съ ними, ни съ Суждалци, ни съ Смол-
няны, ни съ Полочаны^л, ни съ Кіяны. И стоя все лѣто^м.

Въ лѣто 6646. Выгнаша Святослава Олговича изъ Новагорода; сѣдѣ двѣ лѣтѣ безъ трехъ
мѣсяць. Того же лѣта вниде Ярославъ Юрьевичъ^н, внукъ Володимеръ, изъ Суздаля въ Нов-
городъ на столъ; и Псковичи смиришася. Того же лѣта^о преставися князь великій Яро-
полкъ Володимировичъ; и вниде братъ его Вячеславъ въ Кіевъ, и людіе съ митрополитомъ
срѣтше ѱ, и посадиша на столѣ прадѣда его Ярослава. И приде Олговичъ съ Вышегородци,
пристроився со братьею своею, и посылая къ Вячеславу: «иди добромъ изъ города»; онъ же
не хотя кровопролитія, не бися съ нимъ; и смири ѱ митрополитъ, и утверди^п крестомъ че-
стнымъ, и иде опять къ Турову, а Всеволодъ вниде въ Кіевъ, а въ Черниговѣ посади Воло-
димера Давыдовича.

Въ лѣто 6647. Приде князь Юрій изъ Суждаля къ Смоленську, и зваше Новгородцевъ
на Кіевъ, на Всеволода^р, и не послушаша его. И тогда бѣжа Ростиславъ къ Смоленську, къ
отцю своему изъ Новагорода, сѣдѣвъ лѣто и 4 мѣсяци. И разгнѣвався Юрьи, и иде опять къ
Суздалю, и взя Новый Торгъ. И послаша Новгородци къ Кіеву по Святослава^с Олговича,
заходивше ротѣ, и бѣ мятежъ въ Новѣгородѣ, а Святослава долго не баше; и вниде Свя-
тославъ Олговичъ въ Новгородъ, и сѣде на столѣ. И начя^т замышляти на Володимировичи,
хотя держати самъ съ своею братіею всю землю, и искаше подъ ними отчины ихъ; они же
молитвою родитель своихъ не дашася въ обиду, Кіяномъ же и митрополиту не любо бысть
се. И посла Всеволодъ^у къ Переяславлю, къ Ондрѣю Володимировичю, рекъ: «иди ко Курску
княжить.» Онъ же рече: «луче умрети со дружиною своею на отчинѣ, неже Курское
княженіе.» Всеволодъ же посла на него съ полкы брата своего Святослава, и усрѣтоша ѱ

а) друзіи» ови К. б) нежатиинъ» бѣжатиинъ К. О. в) тѣхъ» того К. О. В. г) пріаетъ» пріа(я)тъ Ц. Б. Г.
пріятенъ К. О. д) сягоша» досягоша Ц. е) глѣба» глѣбка К. О. ж) не выгнаша» выгнаша во всѣхъ сп.
ошибк. кромъ Ц. з) въспятишася» вспятившеся во всѣхъ сп. кромъ В. и) промысломъ» промышленіемъ К.
і) юже» иже во всѣхъ сп. кромъ К. О. к) и яшася. . . святополка» и яша во псковѣ брата его свято-
полка ошибк. В. л) съ полочаны» съ половци во всѣхъ сп. кромъ К. О. м) и стоя все лѣто»; см. Новг.
четв. Лѣт. т. IV, стр. 6. н) юрьевичъ» сынъ юрьевъ К. О. о) того же л.» тое же осени К. О.
п) утверди» и (я) прибавл. Б. О. р) на всеволода» на всеволодка во всѣхъ сп. кромъ Т. В. с) по свято-
слава» по святополка ошибк. К. т) и начя» т. е. Всеволодъ Олговичъ. у) всеволодъ» всеволода ошибк.
во всѣхъ сп.

Ондрѣва дружина, и биша полкы его; а Святославъ бѣжа, а они гонишася до Короня^а, а 1139 у Малотина миръ взяша. —48

Въ лѣто 6648. Въ лѣто 6649. Преставися благовѣрный великій князь Андрѣй Володимировичъ въ Переяславль, мѣсяца генваря въ 22 день. Егда же несуще его^б ко гробу, дивно бысть знаменіе на небеси: 3 солнца^в сіяючи межю собою на небеси, и столпи триѣ отъ земля до небеси, надо всѣми горѣ быше яко дуга, а мѣсяць о себѣ стояше; и стояша знаменія та дондеже и погребоша его у церкви святаго Михаила. И послаша Новгородци ко Всеволоду въ Кіевъ по сына по его^г, а Святославъ Ольговичъ убояся Новгородцевъ, и бѣжа отай въ ночи^д съ Якуномъ; и Новгородци сугнавъ^е Якуна на Плисѣ съ братомъ его Прокофіемъ, бивши ту ѣ не до смерти, и свергоша ѣ съ мосту, но Богъ избави ихъ, прибреде^ж къ берегу; и взяша у него 1000 гривенъ, а у брата у его 100 гривенъ, и заточиша ѣ въ Чюдь, и послѣ приведе ихъ^з князь Юрьи Володимиричъ и жены ихъ изъ Новагорода въ Суздаль, и у себе держа въ милости.

[Въ лѣто 6650. Приходиша Емь и воеваша область. . . избиша ихъ полутораста. К. О. См. въ Новг. перв. Лѣт. стр. 9.]

Въ лѣто 6651. Оженися князь Святополкъ Всеволожичъ въ Новѣгородѣ, а княгиню приведе изъ Моравы.

Въ лѣто 6652. Въ лѣто 6653. Ходиша вся Русьская земля на Галичь, а изъ Новагорода ходиша въ помочь Кіянѣмъ съ воеводою Неревинѣмъ, и много зла створиша^и области ихъ, а града ни единого не взяша.

Въ лѣто 6654. Преставися Всеволодъ Ольговичъ, іюля 30, а по немъ вниде братъ его князь Игорь въ Кіевъ; и годно не бысть Кіянѣмъ, и послаша къ Изяславу Мьстиславичу. И пришедъ изима Игоря, и всади ѣ въ порубъ, а самъ сѣде на столѣ, добраго корене отрасль; а Игорь княживъ двѣ недѣли.

Въ лѣто 6655. Убиша Кіяне Игоря Ольговича: снемшися вѣчемъ, и похитиша Кіяне князя Игоря въ церкви святаго Феодора, а онъ быше въ черньцѣхъ и въ скимѣ, и манатию издраша и изъ свиты извлекоша; и емше ѣ изведоша его изъ монастыря, и убиша ѣ мѣсяца сентября въ 19^і день; и везоша ѣ на Подоліе, на торговище, и повергоша ѣ нага. Володимеръ же посла тысячьского Лазоря, и онъ повелѣ взять князя Игоря людемъ; и они вземше и покрыша его одежами своими, и положиша ѣ въ церкви святаго Михаила. И на ту ночь прояви Богъ знаменіе велико: зажгошася надъ нимъ свѣци вся; и наутріе пріѣха игумень, и везе ѣ въ монастырь къ святому Симеону, и тамо положиша ѣ въ гробѣ. Того же лѣта Изяславъ князь постави митрополита калугера Русина Клима, особъ шестью епискупъ, іюля въ 26 день.

Въ лѣто 6656. Князь Изяславъ Мьстиславичъ иде зимѣ съ Новгородци на князя Юрія Володимировича ратию къ Ростову, и по Волзѣ взяша 6 градовъ, и до Ярославля попустишиша, а головъ поима 7000; а отъ Углеця Поля воротишася къ Новугороду. Тое же осени присла князь Изяславъ своего сына Ярослава съ Кіева въ Новгородъ, и пріяша его Новгородци; а Святополкъ выведе злобы его ради, и дастъ ему Володимеръ.

а) до корона» до корона Ц. Б. В. Г. до коряня К. О. б) несуще его» носяхуть и К. О. в) солнца» слонца Т. г) по сына по его» по сынъ К. О. д) въ ночи» ночи Т. Ц. Б. е) сугнавъ» угнавъ Т. ж) прибреде» прииде К. О. з) ихъ» къ себѣ прибавл. К. О. и) створиша» створи во всѣхъ сп. і) сент. въ 19» такъ согласно съ Ипат. Лѣт. (т. II, стр. 34). Т. К. О; въ прочихъ сп. сент. въ 9.

1149
—57 Въ лѣто 6657. Идоша данници на Суздаль Новгородстїи вѣмалѣ, и посла Юрій^а князя Берладьскаго съ вой; и бившися нѣгдѣ вѣмалѣ, и сташа Новгородци на островѣ, а они противу сташа, и начаша городъ чинити; въ лодіяхъ идоша^б Новгородци къ нимъ въ день третїй, и бишася, и много паде обоихъ^в. На ту же зиму придоша Ёмъ на Воль^г ратью, онѣхъ 1000; и услышавше Новгородци, съ пятію сотъ съ воеводою идоша на нихъ, и не упустиша ни единого мужа.

Въ лѣто 6658. Прииде архіепискупъ Нифонтъ изъ Кіева въ Новгородъ, пущенъ княземъ Юріемъ; и ради быша Новгородци.

Въ лѣто 6659. Побѣди князь Изяславъ^д князя Юрія у Переяславля, мѣсяца іуля въ 17 день^е. На ту же зиму преставися княгини Изяславля.

Въ лѣто 6660. [Юрьи Володимеричъ въ Суздальской земли много церкви създа, въ Суздаль церковь святаго Спаса^ж, а въ Володимери святаго Георгія, и градъ Юрьевъ^з и святаго Георгія, а въ Переяславли святаго Спаса. Ц. Б. В. Г.] Въ лѣто 6661. Въ лѣто 6662, мѣсяца марта, изгнаша князя Ярослава Новгородци, и посадиша Ростислава Мстиславича^н. Того же лѣта преставися князь Изяславъ^и въ Кіевѣ, мѣсяца ноября въ 14 день. Того же лѣта иде въ Кіевъ изъ Новагорода князь Ростиславъ, а въ Новгородѣ остави сына своего; и възнегодоваша Новгородци, зане не створи имъ наряда, но болѣ раздѣра^к; и показаша путь сынови его по немъ. Тогда же послаша владыку Нифонта съ предними мужи ко князю Юрью по сынъ, и ввелоша Новгородци Мстислава. Тое же зимы преставися князь Вячеславъ въ Кіевѣ. Тогда же иде Ростиславъ изъ Кіева, и сѣде въ Черниговѣ, и побиша ѿ прелестивше; и сѣде въ Кіевѣ^л Изяславъ Давыдовичъ.

Въ лѣто 6663. Вниде князь Юрій въ Кіевъ, въ вербную недѣлю^м, на столъ, а Изяславъ Давыдовичъ выбѣжа къ Чернигову; и прія князь Юрій сынъ его въ миръ съ любовію, и волости раздая достойнымъ, и бысть тишина въ Русьстѣй земли.

Въ лѣто 6664. [Того же лѣта преставися архіепискупъ Новогородскій Нифонтъ, апрѣля въ 21 день. К. О.] Въ лѣто 6665. Бысть котора въ людехъ и вѣсташа на князя Мстислава Юріевича Новгородци, и начаша ѿ изгонити изъ Новагорода; купци же послаша по немъ въ оружїи, и Зарѣчская сторона со другою стороною мало крови не проліяша межи собою. И тогда внидоста Ростиславичи Святославъ и Давыдъ, и на ту ночь бѣжа Мстиславъ изъ града; и по 3-хъ днехъ вниде Ростиславъ, и снидошася Новгородци, и не бысть зла ничтоже^н. Родися князю Юрью сынъ Дмитрей; бѣ бо тогда^о на рѣцѣ на Яхромѣ и со

а) юрій « недостаетъ во всѣхъ сп.: см. Новг. перв. Лѣт. (т III, стр. 11), гдѣ это мѣсто читается такъ: на то же лѣто идоша данници новгородстїи вѣмалѣ; и учювъ гюрги, оже вѣмалѣ шли, и посла князя берладьскаго съ вой; далье въ тѣхъ же сп. князь. б) въ лодіяхъ идоша « въ лодіяхъ и идоша во всѣхъ сп. в) обоихъ » но суздальцевъ болѣ прибавл. К. О. г) на воль » на володь ошїбк. К. О. д) изяславъ » и вечеславъ прибавл. К. О. е) іуля въ 17 д. » іуля въ 7 день В. ж) спаса » а въ кидевши бориса и глѣба прибавл. В. з) юрьевъ » въ полѣхъ прибавлено тамъ же. и) ростисл. мстиславича » такъ исправлено по Новг. перв. Лѣт. (стр. 11); во всѣхъ сп. ошїбкою: мстислава ростиславича. і) изяславъ » мстиславичъ, внукъ володимеря манамаха прибавлено на полъ въ Ц. к) раздѣра » см. Новг. перв. Лѣт. (стр. 11); во всѣхъ сп. раздраша. л) тогда же иде. . . въ кіевѣ » пропушено въ Ц. Б. м) въ верби. недѣлю » на вербницу К. О. н) За симъ во всѣхъ сп. тое же весны преставися великій князь юрій въ кіевѣ, и посадиша изяслава давыдовича въ кіевѣ на княженїи; см. то же вторично въ концѣ статьи. о) бѣ бо тогда » а онъ въ ту пору былъ Ц. Б. В. Г.

княгиню^а, и заложи градъ^б во имя сына своего и нарече ѿ Дмитровъ, а сына нарече¹¹⁵⁷ Всеволодомъ^в. Тогда же приде Ростиславъ Мъстиславичъ въ Кіевъ, и посадиша его на^{—59} столъ, ркуще ему: «якоже братъ твой чтилъ Вячеслава, такоже и ты чти его, а до твоего живота Кіевъ тебѣ.» Тогда же Глѣбъ Юрьевичъ приде съ Половци на Мъстислава Изяславича къ Переяславлю, и не успѣ ничтоже, и иде прочь. Ростиславъ же со Мъстиславомъ Изяславичемъ и съ Кіянны поиде къ Чернигову на Изяслава Давыдовича, рекъ: «да ны бы^г опередити до князя Юрія, а любо ѿ проженемъ, или примиримъ ѿ къ себѣ.» Изяславъ же то слышавъ, посла къ Глѣбу Юрьевичю, бѣ бо тогда Глѣбъ на Сулѣ, да пришелъ бы и помогъ ему; Глѣбъ же приде скоро, а Половци бѣша съ нимъ, и поидоста противу Ростиславу. И Мъстислава Изяславича стрѣльцемъ стрѣляющимся межи собою о рѣку, Ростиславъ же видѣвъ множество вой, и нача слати къ Изяславу мира прося, и поча даяти подъ собою Кіевъ, а подъ Мъстиславомъ Переяславль; Мъстиславъ же то слышавъ, и рече Ростиславу: «луче было не сѣдѣти на столѣ въ Кіевѣ, оже ни тебѣ Кіева, ни мнѣ Переяславля;» и повороти конемъ, и побѣгоша вси, Половци же погнаша сѣкуще я. Ростиславъ же бѣжа на Любечъ къ Смоленску, а Мъстиславъ къ Луцку^д. Тогда же печални быша Кіяне, зане у нихъ не бѣ никакова князя; и послаша епискупа Деміяна Каневскаго ко Изяславу Давыдовичю, ркуще: «поиди къ Кіеву, ать не возмуть^е насъ Половци». Изяславъ же вниде въ Кіевъ, а Глѣба посла къ Переяславлю; тогда же Половци много створиша зла Русьской земли. И князь Юрій Володимировичъ Манамаховъ съжалиси, иде изъ Суздаля въ Русь, и приде къ Кіеву; и высла^ж Изяславъ, рекъ: «не самъ есмь сѣлъ, но посадили мя Кіяне; не створи ми зла, а се твой городъ Кіевъ.» Князь же Юрій не радъ кровопролитію, но вси сродичи свои созва любовію^з и миръ створи съ ними; и сѣде на столѣ, благодаря Бога, и раздая грады сыномъ своимъ и сыновцемъ, Борису Туровъ, Василкови Поросье^и. Иде князь Андрѣй Юрьевичъ къ Суздалю и Ростову, и несе съ собою икону святую Богородицу, юже принесе изъ Царяграда; и вкова въ ню болѣ 30 гривенъ злата, кромѣ сребра и драгаго камени и жемчюга, и украсивъ ю постави въ церкви своей въ Володимерѣ. Того же лѣта преставися князь Юрій Володимировичъ Манамаха, мѣсяца маія въ 15 день, княживъ 3 лѣта; и положиша ѿ въ церкви святаго Спаса на Берестовѣ.

Въ лѣто 6666. Князь Андрѣй Юрьевичъ заложи церковь въ Володимери святую Богородицу Успеніе, априля въ 8 день, о единомъ версѣ; и вда ей многа имѣнія, свободы и села лучшая, и дани, и десятины во всемъ и въ стадѣхъ, и торгъ десятый; и градъ заложи Боголюбое. Тое же весны дасть Мъстиславъ Кіевъ подъ собою Ростиславу, стрію своему, а самъ иде въ Волынь.

Въ лѣто 6667. Приде Изяславъ Давыдовичъ^і съ Половци къ Чернигову; Святослава же оба, Олговичъ^к и Всеволодичъ, и Рюрикъ Ростиславичъ бишася съ ними о Десну. Иде Ростиславъ въ Кіевъ, и сѣде на столѣ. Того же лѣта преставися Конъстантинъ митрополитъ Русьскій въ Черниговѣ.

а) со княгиню» въ полюдіи прибавл. Ц. Б. В. Г. б) градъ» церковь и градъ тамъ же. в) родися . . . всеволодомъ» нѣтъ въ Г; въ Ц. Б. В. Г. эта статья помѣщена подъ 6662 г. г) да ны бы» да ны бы и Ц. Б. Г. да бы ны К. О. д) къ луцку» въ луческѣ К. О. къ любцю В. е) ать не возмуть» а то не возмуть во всѣхъ сп. кромѣ К. ж) высла» выславъ вездѣ кромѣ К. О. з) созва любовію» прія въ любовь тамъ же. и) поросье» порсье (порсіе) во всѣхъ сп. і) давыдовичъ» изъ кіева прибавл. Ц. к) олговичъ» только въ К. О; во всѣхъ сп. ошибкою олговичи (олговича); см. Лавр. стр. 149.

1160 —66 Въ лѣто 6668. Прислаша Новгородци ко князю Андрѣю Юрьевичю, просяще у него сына княжити; а Святослава Ростиславича выгнаша, зане бѣ Ростиславъ, отецъ его, изморилъ братью ихъ въ погребѣ и многихъ имѣнїя взялъ. Андрѣй же князь поча давати имъ брата своего Мьстислава, они же его не въсхотѣша; и пусти къ нимъ сыновца своего Мьстислава Ростиславича. Тое же зимы побѣди Ростиславъ Изяслава Давыдовича у Бѣлагограда, и самого убиша и множество Половецъ паде. Поиде Изяславъ Давыдовичъ изъ Чернигова съ братією на Ростислава къ Кіеву, Ростиславъ же бѣжа къ Новугороду, Изяславъ же иде по немъ; и приспѣ Мьстиславъ Изяславичъ къ Ростиславу, и бишася на рѣцѣ на Желанѣ, и ту убиша Изяслава Давыдовича. И еще ему живу^а лежащю, прїѣхавъ надъ онъ Ростиславъ и Мьстиславъ плакастася, рекъ: «брате Изяславе! се ли ти годѣ? мала ти была Черниговская волость, и Кіева къ Чернигову хотѣлъ еси; и то ти было не годѣ, и изъ Бѣлагограда хотѣлъ мя еси выгнати.» Мьстиславъ же посади Ростислава въ Кіевѣ, а самъ иде къ Волыню; а Изяслава несоща къ Чернигову. Свершена бысть церковь святая Богородица въ Володимери благовѣрнымъ княземъ Андрѣемъ, и верхъ ея позлати; по вѣрѣ же его и по потщанію къ святѣй Богородици, приведе ему Богъ изо всѣхъ земель мастера^б, и украси ю дивно паче инѣхъ церквей многоразличными иконами, и драгимъ каменіемъ безъ числа, и съсуды церковными. Погорѣ градъ Ростовъ и церкви великая^в святая Богородица, ака же не была, ни будетъ.

Въ лѣто 6669. Урядися Ростиславъ со княземъ Андрѣемъ о Новѣгородѣ, и выведоста Мьстислава, Юріева внука, сѣдѣвшу ему годъ; а Святослава введоша опять, на всей воли его.

Въ лѣто 6670. Въ лѣто 6671. [Преставися архіепискупъ Ноугородскій Аркадій, сентября 19, и положиша ѱ съ честью съ великою въ притворѣ святѣй Софіи. К. О.]

Въ лѣто 6672. [Прїидоша Свія подъ Ладогу въ полуштидесять шнекъ, и князь Ярославъ Всеволодичъ съ посадникомъ Захарьею и съ Новогородьци побѣдиша ѱ въ рѣцѣ Воронаи, маія 28, овы изсѣкоша, а 40 и 3 шнекъ изымаша. К. О.] Тогда Леонъ епискупъ не по правдѣ поставися, перехвативъ Нестеровъ столъ, и еще Нестеру сущю живу; и введе ересь, почя учти въ Суздаль не ясти мяса въ Господьскыя праздницы, въ среду и пяткы, на Рожество Христово и на Крещеніе. И бысть тяжа велика про то, и упрѣ его владыка Феодоръ предъ княземъ Андрѣемъ; онъ же иде ко Царюграду, и тамо упрѣ его предъ царемъ Мануиломъ Андрѣянь архіепискупъ Болгарьскій. Оному же молвящу и на царя, и удариша ѱ слугы царевы, сущимъ ту посломъ всѣмъ, Кіевскимъ и Черниговскимъ и Суздальскимъ^г. Того же лѣта ходи князь Андрѣй на Болгары, и побѣди ихъ.

Въ лѣто 6673. Преставися Ростиславъ Мьстиславичъ, а княживъ въ Кіевѣ 9 лѣтъ^д. [Того же лѣта поставленъ бысть архіепискупъ Новугороду Илья митрополитомъ Іоанномъ, при князѣ Ростиславѣ. К. О.]

Въ лѣто 6674. Выгна Мьстиславъ Володимера Мьстиславича изъ Кіева, а самъ сѣде въ Кіевѣ. Тое же зимы посла князь Андрѣй изъ Суздаля сына Мьстислава на Кіевскаго Мьстислава съ Ростовци и съ Суздальци, 11 князей посла: Глѣбъ Переяславльскій, Романъ Смо-

а) живу* сущю прибавлено во всѣхъ сп. кромъ К. О. б) мастера* монастыри ошїбк. тамъ же. в) великая* сборная прибавлено тамъ же. г) За симъ въ К. О. иде илья и далье не дописано: см. Новг. перв. Лѣт. стр. 15, и ниже подъ 6673 г. д) преставися. . . 9 лѣтъ*; въ Ц. эта статья зачеркнута, но помѣщена ниже подъ 6674 годомъ.

леньскій, Давыдъ Вышегородскій, Володимеръ Андрѣевичъ, Дмитрей Юрьевичъ^а, Мьстиславъ, 1166
 Рюрикъ съ братомъ съ Мьстиславомъ, Олегъ Святославичъ съ братомъ съ Игоремъ. Мьсти-^{—69}
 славъ же Изяславичъ затворися въ Кіевѣ, и бѣхуться крѣпко по три дни; и поможе Богъ
 Мьстиславу Андрѣевичю съ братією, и взяша Кіевъ, егоже не было никогдаже. Мьстиславъ
 утече съ братомъ къ Володимерю, а княгнью и сына его яша, и бояръ его, и весь Кіевъ
 повоеваша. И посади въ Кіевѣ стрья своего Глѣба Юрьевича на столѣ, а самъ иде ко
 отцю съ великою честію и похвалою. Того же лѣта преставися митрополитъ Іоанъ въ
 Кіевѣ.

Въ лѣто 6675. Преставися князь Мьстиславъ, сынъ Мьстиславль, идя изъ Смоленска къ
 Кіеву; а княживъ лѣтъ 9. Того же лѣта приде въ Русь митрополитъ Костянтинъ^б. Того же
 лѣта выиде князь Святославъ изъ Новгорода на Луку, и присла въ Новгородъ: «яко не
 хоцю у васъ княжити.» Новгородци же цѣловаша святую Богородицю, «яко не хоцемъ его»,
 и идоша прогнати его съ Лукы; онъ же увѣдавъ, иде къ Торопчю, а Новгородци послаша
 къ Мьстиславу по сынъ. Святославъ же иде на Волгу, и вда ему князь Андрѣй помощь, и
 пожеже Новый Торгъ, а Новоторжци отступиша къ Новгороду, и много пакости творяше
 домомъ ихъ и селомъ. А братъ его Романъ и Мьстиславъ пожегоша Луку, а Лучяне усту-
 пиша, иніи въ Новгородъ, а иніи въ Псковъ. И сложися^в на Новгородъ князь Андрѣй
 съ Смолняны и съ Полочяны, и пути заяша, и послы изнимаша Новгородскія всюды, вѣсти
 не дадучи къ Кіеву ко Мьстиславу, а Святослава силою лестяци^г въ Новгородъ, а то слово
 ркущи: «иѣту вамъ князя иного, развѣ Святослава;» Новгородци же того не брежаху, и
 убиша Захарію посадника, и Неревина, и Незду биричя, яко творяхуть ѝ перевѣты держаще
 ко Святославу; и налѣзона себѣ путь на Вячка и на Володаря, и иде Даньславъ Лазутичъ^д
 съ дружиною своею къ Кіеву, ко Мьстиславу по сынъ. А Святославъ приде съ Суздаля, и
 съ братама, и съ Смолняны, и съ Полочяны къ Русѣ, и идоша Новгородци съ Якуномъ про-
 тиву имъ; они же не дошедше воротишася, не успѣша бо ничтоже. Тогда же быша Нов-
 городци безо князя отъ Семеня дни до Велика дни. На ту же зиму ходи Мьстиславъ на По-
 ловци, и побѣди ѝ, и приведе полонъ въ Русьскую землю толь силно, яко и числа нѣтъ.

Въ лѣто 6676. Приде князь Романъ Мьстиславичъ, внукъ Изяславль, къ Новгороду на
 столъ, и ради быша Новгородци своему хотѣнію. [Того же лѣта ходиша Новгородци и Пско-
 вичи къ Полотьску, и пожегоша волости, и воротишася отъ града за 30 верстъ. Тому же
 лѣту исходящу, на весну, ходи князь Романъ съ Новгородци къ Торопчю, и пожегоша
 дома ихъ, и головъ множество поплѣниша. К. О.] Выгна Мьстиславъ Изяславичъ Володи-
 мера Мьстиславича изъ Кіева, и иде въ орду; а самъ сѣде въ Кіевѣ.

Володимерьское княженіе. Въ лѣто 6677. Отъселъ наста княженіе Суздальское
 княземъ Одрѣемъ Юрьевичемъ, а столъ великое княженіе^е Володимеръ. Пособи Богъ князю
 Михалку Юрьевичю, за домъ святыя Богородици бися съ Половци: послалъ бо его братъ
 князь Глѣбъ, Михалко же скоро иде, акы на ловъ, съ братомъ Всеволодомъ, а воевода у

а) дмитрей юрьевичъ: см. Лавр. подл 6676 (т. I, стр. 151) и Ипат. подл 6678 г. (т. II, стр. 99), гдѣ
 онъ названъ Всеволодомъ Гюрьевичемъ: слич. Карамз. II, 276 и роспись VІІІ, степ. 9, въ Строева Ключъ
 къ Ист. Гос. Рос.; во всѣхъ сп. ошибкою дмитрей, юрій. б) того же лѣта приде. . . костянтинъ» иѣтъ въ К.
 в) сложиши» такъ исправлено; во всѣхъ сп. сложиши (сложишася). г) лестяци»: въ Новг. перв. Лѣт.
 (т. III, стр. 14) мѣстѣ, а въ вариантахъ тамъ же по Акад. списку силою вмѣщающе въ новгородъ.
 д) иде даньсл. лазутичъ» иде на нь святославъ лязячися (иде даньславъ лязячися) испорчено въ К. О.
 е) княженіе» градъ прибавл. К. О.

1169 него Володиславъ^а, Яневъ братъ, и побѣди Половци. А Половци взяша Полоное и Семичь.
 —⁷⁵ Далѣ см. Лаврентіевскую Лѣтопись (т. I, стр. 154) отъ словъ: тое же зимы князь Андрѣй посла сына . . . рукою благовѣрнаго князя Андрѣя. *Вмѣсто сего находящуюся только въ Карамзинскомъ и Оболенскаго спискахъ статью: ходи изъ Новгорода Даньславъ . . . Якова Перьскаго см. въ Новг. четвертой Лѣт. т. IV, стр. 12.*

Въ лѣто 6678. Преставися князь Мьстиславъ Изяславичъ въ Володимери въ Вольнѣскомъ. Того же лѣта выгнаша Новгородци князя Романа^б, а ко князю Андрѣю послаша Новгородци: «на всей воли нашей дай намъ князя.» Того же лѣта вииде въ Новѣгородъ Рюрикъ Ростиславичъ.

Въ лѣто 6679. Преставися князь Володимеръ Юріевичъ Всеволожича^в, въ Кіевѣ; сѣдѣ на столѣ 3 мѣсяци.

Въ лѣто 6680. Выиде князь Романъ Ростиславичъ изъ Кіева волею, и сѣде въ Кіевѣ Михалко Юрьевичъ^г. Преставися князь Глѣбъ Юріевичъ въ Кіевѣ, сѣдѣвъ два года; Яро-славъ Изяславичъ сѣде въ Кіевѣ. Тое же зимы посла князь Андрѣй Юріевичъ князя Романа Ростиславича въ Кіевъ на столъ, а Ярополку далъ Смоленскъ.

Въ лѣто 6681. Преставися князь Мьстиславъ Андрѣевичъ^д.

Въ лѣто 6682. Сѣде въ Кіевѣ князь Романъ Ростиславичъ. Выбѣже Рюрикъ изъ Новгорода; потомъ же послаша Новгородци ко князю Андрѣю: «вдай намъ сына своего князя Юрія»; [и пріяша его съ честію. К. О.] Тогда Ростиславичи^е не хотяще въ волѣ быти въ княжѣ Андрѣевѣ, паче же Давыдъ Ростиславичъ Вышегородскій князь, съ братією своею пріѣха къ Киеву въ ночь, и я брата князя Андрѣя Всеволода^ж и Ярополка Ростиславича. И се слышавъ князь великій Андрѣй Юріевичъ, ята брата своя Давыдомъ Ростиславичемъ, посла на нь сына своего князя Юрія съ Новгородци, и Ростовци, и съ Суздальци, воеводство поручи Борису Жидославичю, и иѣхъ князей 20 съ полкы своими. Давыдъ же Вышегородскій иде по помочъ въ Галичъ, а брата Мьстислава посади^з въ Вышегородѣ; и тамо не даша ему помочи. Юрій же князь Андрѣевичъ^и съ вой своими стоя 9 недѣль у Вышегорода, не хотѣ пролити крови, и възвратися въсвои.

Въ лѣто 6683. Убиенъ бысть князь великій Андрѣй Боголюбьскій. Се же бысть въ пятницу на обѣдни, свѣтъ створиша окаанніи пагубоубійственіи: бѣ у него Якимъ слуга възлюбленный имъ Кучковитинъ, и слышаша отъ нѣкого, оже брата его ялъ и велѣлъ казнити, и устремися діаволимъ наученіемъ, и тече вопія къ братіи своей, ко злымъ свѣтникомъ окааннымъ, и почла молвити къ себѣ: «аще сего казнилъ днесъ, а и насъ завтра такоже казнитъ, а промыслимъ о князи о семъ;» и свѣщаша убійство на своего господина и на своего кормителя. И пришедши ноци, они же окаанніи уготовившесе и вземше оружія, и поидоша на своего кормителя и господина князя великого Андрѣя, яко звѣріе свѣрѣши; идущимъ имъ на ночь въ субботу, а того дни былъ праздникъ святыхъ Верховныхъ Апостолъ Петра и Павла. Свои милостивниці были, а нынѣча окаанніи убійци Кучковичи; а начальникъ имъ бысть Петръ Кучковъ зять, Анбалъ Ясинъ ключникъ, Якимъ, иже бѣ князь

а) володиславъ» володиславъ *неправильно вездѣ кромѣ В.* б) романа» таково бо бѣ обычай блядинымъ дѣтемъ *прибавлено во всѣхъ сп. кромѣ К. О., а въ Ц. зачеркнуто.* в) волод. юр. всевол.» володимеръ, сынъ князя юрья всеволожича К. О. г) изъ кіева. . . юрьевичъ *пропущено въ К. О.* д) въ л. 6681. . . андрѣевичъ» *нѣтъ въ К. О.* е) ростиславичи» ростиславичъ *вездѣ ошибк. кромѣ О.* ж) всеволода» *исправлено по Лавр. Лѣт. (стр. 155); во всѣхъ сп. и всеволода.* з) мьстисл. посади» *пропущено въ Ц. Б. Г.* мьст. затвори О. и) андрѣевичъ» съ вой своими *прибавл. О.*

его любилъ, и Офремъ Моизичъ, а всѣхъ окаанныхъ убійць 20. И придоша ко двору князю, 1175
избиша сторожи дворныя, а князю^а спящу, и бѣше съ нимъ кощій единъ малъ; и при-
шедше къ сѣнемъ, силою двери выломиша и придоша къ ложниці, идѣже князь Андрѣй
блаженный спитъ, и рече одинъ стоя у дверей: «господине князь великій!» И рече
князь: «кто еси ты?» И онъ рече: «Прокопій.» И рече князь паробку: «не Прокопій.»
Они же прискочивше къ дверемъ къ ложницѣ, слышали гласъ князь, и почяша бити
двери, и силою выломиша двери. Блаженный же въскочи, и хотѣ взять мечъ, и не бѣ меча:
бѣ бо того дни вынялъ мечъ Амбаль^б ключникъ его, той бо мечъ бѣ святаго и великаго
мученика Христова Бориса. И вскочивша два окаанная, яста князя, и князь единого по-
верже подъ ся; а въ то время всовавшеса окааннии и мнѣвше князя повержена, и узвиша
свой другъ^в, и посемъ познавше князя, и боряхуся съ нимъ, велми бо бѣше князь силенъ,
и сѣкоша его мечи и саблями, и копіи даша раны ему. И рече имъ: «горе вамъ, окааннии
и нечестивіи! почто уподобистеса Горясѣру? что вы учинихъ зло? аще кровь мою проліясте
на землю, да Богъ отомститъ вы^г и мой хлѣбъ.» Си^а же нечестивіи мнѣвше князя убита,
и взявше друга своего несоша вонъ, трепещуще отъидоша прочь; онъ же въ торопѣ вы-
скочи вонъ^е по нихъ, начятъ рыгати и глаголати въ болѣзни сердца, и иде подъ сѣни. Они
же услышавше гласъ воротилася опять на нь, онъ же побѣже подъ сѣни. И рече одинъ:
«видѣхъ яко князя идуща съ сѣней доловъ.» И ркоша: «смотрите его^ж гдѣ есмя убили.» И
посмотривше, и не обрѣтоша блаженнаго и ркоша: «тотъ погыбохомъ, вборзѣ ищите
его.» И тако вжегше свѣщу, наидоша по крови блаженнаго. Князь же узрѣ грядущихъ^з къ
себѣ, помолися Господеви, глаголя: «аще, Господи, въ семъ осуженіи конецъ приимаю, аще
и много сѣгрѣшихъ, но отъ тебе не отступихъ; заповѣди твоя не сохранихъ, но вѣдѣхъ^и,
яко милостивъ еси.» И въздохнувъ отъ глубины сердца, и прослезися глаголя: «да уповая
терплю о всѣхъ сихъ; благодарю тя, Господи, яко смирилъ еси душу мою, и во царствіи
твоемъ причастьника мя сѣтвори; и се нынѣ, Господи, аще кровь мою проліють, причти мя
въ лики святыхъ мученикъ твоихъ, Господи!» И то ему глаголавшу и молившюся о грѣ-
сѣхъ своихъ къ Богу, и сѣдящу ему за столпомъ въсходнымъ, и узрѣша сѣдяща блажен-
наго акы агня непорочно, и ту окааннии прикончаша его, Петръ же отъя ему руку десную,
а иніи избодоша ѳ; и ту блаженный конецъ пріятъ, мѣсяца іюня въ 29 день, на память
святыхъ Апостолъ Петра и Павла. И положиша честное тѣло его въ Володимери, въ церкви
чюдной и хвалы достойной^і святѣй Богородици Златоверхой, юже бѣ самъ создалъ. [Того
же лѣта выведоша изъ Новагорода князя Юрья Андрѣевича, а Мьстиславъ посади сына своего
Святослава въ Новѣгородѣ. К. О.] Того же лѣта, сѣдящу Ярославу Изяславичю въ Кіевѣ,
ѣха на нь изгономъ Черниговскій князь Святъславъ, и вѣха въ Кіевъ, а князь Ярославъ
утече, а бояръ его поимаша, и княгину его съ сыномъ; въ Кіевѣ же сѣдѣ Святъславъ 12 дній,
и възвратися къ Чернигову, поймавъ имѣніе Ярославле безъ числа. Ярославъ же слышавъ,
яко Кіевъ стоитъ безъ князя, пограбленъ Ростиславичи^к, пріѣха опять къ Кіеву, гнѣвъ
держа на Кіяны; и замысли положити на нихъ тяготу, и рече имъ: «вы есте подвели на

а) князю» ондрѣю прибавл. Ц. Б. б) амбаль» амболъ (амбонъ) *вездь кромь О.* в) другъ» мужъ Ц. г) вы»
и Ц. В. Г. д) си» *такъ поправлено; во всѣхъ сп. се.* е) трепещуще . . . вонъ *пропущено въ О.* ж) его»
итѣ въ Т. з) грядущихъ» идущихъ О. и) вѣдѣхъ» видѣхъ Т. В. і) чюдной и хвалы достойной» чюдно
и хвалы достойно *вездь кромь О.* к) пограбленъ ростиславичи»; *въ Ипат. Лѣт. (т. II, стр. 111)*
пограбленъ олговичи, *правильнѣе олговичемъ, т. е. Святославомъ Всеволодовичемъ, потомкомъ Олега*
Святославича Черниговскаго.

1175 мене Святъслава; промышляйте чимъ выкупити княгиню и сына^а.» Онѣмъ же не умѣющимъ
—77 что отвѣщати, попрода^б весь Кіевъ, и игумены и попы, и чернцы и черницы, и Латину, и
затворы, и гости^в, и вся Кіянны, и много зла створи Кіеву, и поиде къ Чернигову. Въ то же
время Черниговскому князю немирно живуцію^г со Олгомъ Святославичемъ, и воеваше Олегъ
Святославичъ Черниговскую волость; Святъславъ же умирися съ Ярославомъ, и иде на
Олга, и пожже волость его, и много зла створивше възвратися къ Чернигову. Въ то же время
прислашася ко князю Андрѣю Романъ съ братією своею, просячи княженія въ Кіевѣ Роману
Ростиславичю; и князю Андрѣю рекшу: «пождите мало, послалъ есмь къ братіи своей въ
Русь; какъ ми будетъ вѣсть отъ нихъ, и тогда вы дамъ отвѣтъ».

Въ лѣто 6684^д. Оженися князь Мъстиславъ въ Новѣгородѣ, поя у Якуна у Мирославича
дщерь. И потомъ позваша ѿ Ростовци къ себѣ, и иде къ Ростову съ дружиною своею, а
сына остави въ Новѣгородѣ; и пріиде къ Ростову. И въ то время умерлъ быше князь Ми-
халко. И поиде съ Ростовци и съ Суздальци къ Володимерю; и срѣте ѿ Всеволодъ съ Воло-
димерци и съ Переяславци, и постави противу имъ полкъ, и бишася, и паде обоихъ множе-
ство, и одолѣ Всеволодъ. И възвратися Мъстиславъ въ Новѣгородъ, и не пріяша его Новго-
родци, но путь ему показаша и съ сыномъ его Святославомъ; и пояша Новгородци у Всево-
лода князь себѣ Ярослава Мъстиславича. На ту же зиму иде Мъстиславъ съ зятемъ съ Глѣ-
бомъ и съ братомъ съ Ярополкомъ на Суздаль, и бишася за Колакшею; и ту побѣдиша Ря-
занци, и яша Глѣба съ сыномъ и Мъстислава съ братомъ Ярополкомъ, и порубиша я.

Въ лѣто 6685^е. Съде Всеволодъ, братъ Михалковъ, владѣя всею Русьскою землею. Того
же лѣта Ростовци приведоша Мъстислава Ростиславича изъ Новагорода; онъ же пріиде къ
Ростову и совокупи^ж вой, слушая Ростовцевъ, и поиде на Всеволода къ Володимерю. Воло-
димерци же рѣша: «княже, правъ еси, господине; поиди противу ему.» Всеволодъ же поиде
противу ему^з. И бывшу ему за Суздалемъ, и узрѣша святую и пречистую Матерь Божию цер-
ковь^и Володимерьскуюю, и весь градъ до основанія яко на въздусъ стоящъ; князю же позо-
рующю^і и всему полку его, яви Богъ новое чудо, заступленію и помощи^к хотящей быти
отъ Бога господину Всеволоду. Многажды же посылаше къ Мъстиславу, рекъ: «брате! аще^л
тебе привели Ростовци, а мене былъ Богъ привелъ съ братомъ съ Михалкомъ и Володимер-
стіи людіе; поиди къ Ростову, а язъ къ Володимерю, а Суздаль буди намъ обче, кого възхо-
тятъ, той имъ буди князь.» Онъ же не възхотѣ сего, слушая Ростовцевъ; рѣша бо ему:
«оже ты миръ даси ему, но мы не дамы ему^м», помыслиша високоуміемъ своимъ. Всеволодъ
же пріиде къ Юрьеву, сождася съ Переяславци, поидоста борзо противу Мъстиславу, и сня-
стася у Лилицъ, и покрыша поле Юріевское; и поможе Богъ Всеволоду, и ту убиша у Мъсти-
слава Добрыню Долгаго, и Иванка Степановича, и Михѣя Шибутовича^н и инѣхъ многихъ,
а инѣхъ много Ростовцевъ поимаша. И възвратихася съ побѣдою великою въ градъ Воло-
димерь, а Мъстиславъ бѣжа къ Ростову въмалѣ^о, а изъ Ростова къ Новугороду. И рѣша ему
Новгородци: «шелъ еси былъ на стрія своего на Михалка, повабленъ Ростовци, и Михалка

а) и сына» и князя К. О. б) попрода» попродавъ Т. в) затворы и гости» затвори гости *ошибк.* Г. В.
г) немирно живуцію» немирну К. О. д) въ лѣто 6684» тое зимы *прибавл.* К. О. е) *Подъ симъ годомъ*
повторяется пространство то же, что и подъ предыдущимъ: см. Лавр. Лѣт. (т. 1, стр. 161 — 163).
ж) совокупи» совкупивше Т. з) всеволодъ же. . . ему» *пропущено во К. О.* и) церковь» *только въ Т.*
і) позорующю» позорующе *неправильно въ Т. К. О.* к) заступленію и помощи» заступленіе и
помощь Т. Ц. Б. Г. заступленіемъ помощи В. л) аще» аже К. О. м) но мы . . . ему» *пропущено*
въ Ц. Б. Г. н) шибутовича» шубутовича Т. о) въмалѣ» дружинѣ *прибавл.* В.

Богъ поялъ, а со Всеволодомъ ты Богъ управилъ; а чему къ намъ идеши?» И не пріаша¹¹⁷⁷ его Новгородци, и рѣша ему: «поиди прочь, а мы себѣ князя добудемъ; ты у насъ будя, а^{—80} инья волости ищешь, а не право.» Мъстиславъ же иде къ Рязани, и подмолви зятя своего князя Глѣба Рязанского на Всеволода, и поиде Глѣбъ на Всеволода къ Володимерю; Всеволодъ же поиде противу Глѣба къ Рязани. И бывшу ему на Коломнѣ, прииде ему вѣсть, аже Глѣбъ шель пѣмъ путемъ, и воюеть съ Половци у Володимеря, Боголюбскую церковь пограбилъ, юже бѣ украсилъ князь Андрѣй паче мѣры. Всеволодъ поиде вборзѣ къ Володимерю, и обрѣте Глѣба стояща на Колакшѣ, и не бѣ лзѣ твердію ударити на нь^а, и стояша^б мѣсяць; и хотяше Глѣбъ мира, но Всеволодъ не хотяше, понеже Глѣбъ поганья наведе и много крови пролія, а слушаючи Ростиславичъ шюрину своею, а Всеволодъ не створи ему зла ничтоже. И начя Глѣбъ съ Ростиславичи и съ Половци^в полкы наряжати^г, Всеволодъ же поиде на нь съ Пруськовы горы: гнѣвомъ Божиимъ побѣжа Глѣбъ, а Всеволодъ погна по немъ, овы сѣкуще, а инья вяжуще; ту и самого Глѣба поимаша, и сына его Романа, и шюрину Мъстислава Ростиславичя^д, и думци его вси повязаша^е, и Бориса Жидиславича, и Ольстина, и Дѣдильча, а поганыхъ всѣхъ пересѣкоша^ж. И прииде въ градъ Володимеръ съ великою честію, и бысть радость по всей земли, Глѣба и полкы его приведе изнимавъ рукама въ Володимеръ, овы казни, овы же казнивъ пожалова и отпусти я; бѣ бо благосердъ и милостивъ, не радъ кровопролитію никакоже. Князи же всади въ порубѣ, гражане же розметавше порубѣ, и емше Мъстислава и Ярополка ослѣпиша; а Глѣбъ ту умре, а тѣхъ отпустиша въ Русь. Ведомыма же има^з и гнѣюцима очима, придоша къ Смоленску, и видоста въ церковь святую мученику Бориса и Глѣба на Смядинѣ, и ту прозрѣста сентября въ 5, на убіеніе Глѣбово; а на зиму придоша въ Новѣгородъ, и посадиша у себе князя Мъстислава, а брата его Ярополка въ Новѣмъ Торгу, а Ярослава на Ламьскомъ Волоцѣ.

Въ лѣто 6686. Преставися князь Мъстиславъ^и, внукъ Юріевъ, и положиша ѿ у святыя Софіи въ притворѣ въ Новѣгородѣ, въ гробницѣ Володимеровъ Ярославичя.

Въ лѣто 6687. Посадиша въ Новѣгородѣ на столъ Ярополка Ростиславичя, и зая Всеволодъ гость Новгородскій; и показаша Новгородци путь Ярополку. Тогда Всеволодъ изгони Новѣй Торгъ, и взя ѿ, и послаша Новгородци по князя по Романа къ Смоленску, и вииде на Сборъ.

Въ лѣто 6688. Послаша Новгородци въ Русь къ Святославу по сынъ, и дасть имъ сына своего Володимера. Тое же зимы иде князь Святославъ Всеволодичъ, Олговъ внукъ, съ Половци погаными и съ Черниговци изъ Руси¹ на Суздаль ратию, на Всеволода Юріевичя, а сынъ его Володимеръ изъ Новгорода съ Новгородци; и сняшася на Волзѣ, усть Тѣбри, и положиша всю Волгу пуну и города вси пожгоша. Всеволодъ же поиде противу ему, и устрѣте ѿ не дошедъ Переяславля за 40 верстъ на Вленѣ рѣцѣ, ту ся воротиша; ту бо бѣше вошли Суздали полкомъ и учинили около себе твердь. И стояша промежи себе двѣ недѣли; вон же Всеволожи хотяхуть крѣпко стати, и не смѣша дати полку, а князи^к съ Новгородци послалаху къ нимъ, просяще полку: но Богъ своею милостію болѣ не пролія християньскыя крове, и повадилися мало межи себе, и убиша Новгородци 300; Всеволодъ же благосердый,

а) на нь — на него К. О. б) стояша — стояше тамъ же. в) съ половци — погаными прибавл. К. О. г) наряжати — рядити К. д) мѣстисл. рост. — мѣстиславичя ошибк. К. е) повязаша — поимаша Ц. ж) пересѣкоша — такъ поправлено; во всѣхъ сп. пересѣче (посѣче). з) ведомыма же има — ведомымъ же имъ вездѣ кромѣ К. О. и) мѣстиславъ — ростиславичъ прибавлено на полъ въ Ц. ярославичъ ошибк. К. і) изъ руси — и съ русью К. О. к) князи — князь К. О.

1180 не хотя крове пролити, и не ѣха на нь. Опъ же стоя двѣ недѣли, и убоявся розводія пожже
 —87 городъ Дмитровъ, възвратися въ Русь, а князь Всеволодъ възвратися къ Володимерю; а Новгородци приидоша поздорову, и пояша князя Святъслава самого въ Новъгородъ.

Въ лѣто 6689. Новгородци же приведоша къ себѣ князя Володимера Святъславича, а Ярополку даша Торжекъ. Онъ же съѣхавъ съ Торжку, поча воевати Волгу, люди Всеволожи; и въ то же время прииде Всеволодъ изгономъ къ Торжку со всеѣмъ полкомъ своимъ, и съ Муромци и съ Рязанци, и затворися Ярополкъ съ Новоторжци въ градѣ; и стоя Всеволодъ у города 5 недѣль, и людіе изнемогоша въ градѣ, зане не бѣшеть имъ корму. И устрѣлиша князя Ярополка въ городѣ, и бысть имъ велика печаль, и предашася Новоторжци; и взяша градъ, а князя Ярополка яша и ведоша съ собою оковавше. И възвратися Всеволодъ^а въ Володимерь съ побѣдою, а люди Новоторжци приведе всеѣ съ женами и съ дѣтьми въ Володимерь, и пусти ихъ опять на Торжекъ; а Новгородци възвратишася отъ Дрютьска, пожегше градъ.

Въ лѣто 6690. Тогда же на зиму путь показаша Новгородци^б князю Володимеру Святославичю, и иде ко отцю въ Русь; а Новгородци послаша ко князю ко Всеволоду, и вда имъ свояка своего Ярослава Володимерича.

Въ лѣто 6691. Князь великій Всеволодъ ходи на Болгары со всею областію своею, и убиша у Всеволода князя Изяслава Глѣбовича; а Болгары посѣче и въ полонъ поведе. [И на ту же зиму бѣшася Плесковичи съ Литвою, и много паде Плесковичъ. К. О.]

Въ лѣто 6692. Посла Всеволодъ, выведе своякъ свой изъ Новагорода, Ярослава Володимерича; негодовахуть бо ему Новгородци, зане много пакости творяше волости Новгородской. И сдумавше Новгородци, послаша ко Смоленску ко князю Давыдови по сынъ; и вда^в имъ Мьстислава сына своего^г, и ведоша ѣ къ Новугороду, и посадиша ѣ на столѣ.

Въ лѣто 6693. Бысть знаменіе въ вечернюю годину въ солници: бысть морочно велми, яко и на болѣ часа, и звѣзды видѣти, и человекомъ въ очію акы зелено бѣше, и въ солници учинилося акы мѣсяць, изъ рогъ его акы огнь горящъ^д исхождааше, и страшно бѣ человекомъ видѣти знаменіе Божіе. Того же лѣта ходиша князи Русьстїи вси на Половци, Володимеръ Глѣбовичъ, Святъславъ Всеволодичъ, и иныхъ князїй 6, и пособи имъ Богъ, 7000 руками поймали^е, а князей единѣхъ^ж 400 и 17 изнимаша; и възвратишася съ побѣдою великою, и въздаша хвалу Богу, и бысть радость во всей земли Русьской.

Въ лѣто 6694. Князи Олговичи^з сдумавше на Половци, ркуще: «мы есмы ци не князи?» и поидоша, и поможе имъ Богъ, Половци побѣгоша, а князи Русьстїи сташа на вѣжахъ, ркуще: «братїя наши билися съ ними, а смотря на Переяславль, а они къ нимъ сами пришли; а мы въ земли ихъ есмы, и еще идемъ къ нимъ за Донъ, до конца плѣнимъ ихъ, идемъ и въ луку моря, идѣже отци наши не ходиша, добудемъ себѣ славы вѣвѣкы.» И поиде Игорь Святъславичъ съ двѣма сынома и братаничи его за Донъ, а не вѣдуще Божїа строенїя, и тамо побѣдиша ихъ безъ вѣсти; плѣкыи гости вѣсть принесоша на Русь. Приходи Гречьскый царь Алексїй^и Мануиловичъ въ Новъгородъ. [Того же лѣта преставися архїепископъ Илья, положенъ бысть въ притворѣ святѣй Софїи. К. О.]

Въ лѣто 6695. [Поставленъ бысть архїепискупъ Новгородскый Гаврило. К. О.] Того же

а) всеволодъ « пропущено въ К. О. б) новгородци « недостаетъ въ К. О. в) вда « давъ (вдавъ) вездѣ кромь О. г) сына своего « итъ въ К. О. д) горящъ « жарящъ К. О. е) руками поймали « рукама яша К. О. ж) единѣхъ « только въ К. О. з) князи олговичи « князю ольговичю О. князь олговичъ В. и) Алексїй « алекса во всѣхъ сп. кромь Т.

лѣта выгнаша Новгородци князя Мьстислава Давыдовича, и послаша ко Всеволоду въ Володимерь по Ярослава Володимерича; и вниде въ Новгородъ и сѣде на столѣ. 1187
—94

Въ лѣто 6696. Въ лѣто 6697. Избиша Псковичи Чюдь Поморскую, 7 шнекъ^а.

Въ лѣто 6698. Въ лѣто 6699^б. Ходи князь Ярославъ на Луки, позванъ Полотьскими князи и Полочяны, и поять съ собою Новгородци, и сняшася на рубежи, и положиша межю собою любовь, яко на зиму всѣмъ снятися любо на Литву, любо на Чюдь; и прииде князь Ярославъ въ Новгородъ. И бысть на зиму, иде князь Ярославъ съ Новгородци и со Псковичи и съ всею областію на Чюдь, и взя городъ Юрьевъ, и пожгоша землю ихъ, и полона безъ числа приведоша; а сами приидоша вси поздорову.

Въ лѣто 6700. Иде князь Ярославъ къ Пскову, на Петровъ день, и Новгородци въмалѣ, и самъ сѣде въ Псковѣ, а дружину свою^в посла съ Псковичи воевати; и шедше взяша градъ Медвѣжію Голову и пожгоша, и възрадовашася вси, что поздорову приидоша^г.

Въ лѣто 6701. [Преставися Варламъ игумень святаго Спаса на Хутинѣ, ноября 6 день. Того же лѣта преставися архіепискупъ Новгородскій Гаврило, и положенъ бысть въ притворѣ святыя Софіи, посторонь брата, нареченнаго въ чернечествѣ Григорья^д. Князь великій Ярославъ съ Новгородци и съ игумены и попы думаща, они хотяху Митрофана поставити, а инии Мартурія, а друзии Гречина, и бысть распря въ нихъ; и положиша на святѣй трапезѣ 3 жребія, и послаша съ вѣча слѣпца, да котораго Богъ дастъ; и вынесе Божією благодатію Мартирія, и послаша по нь и приведоша изъ Русы, и посадиша ѿ въ епискупьи. И послаша къ митрополиту, и присла по нь съ честью, и иде съ предними мужи; и прія ѿ съ любовію князь Святославъ и митрополитъ, и поставиша ѿ декабря въ 10 день, и прииде въ Новгородъ генваря въ 16 день. Того же лѣта идоша изъ Новагорода въ Югру ратью съ воеводою Ядрѣйкомъ, и приидоша въ Югру и взяша градъ; и приидоша къ другому граду, и затворишася въ градѣ. И стояша подъ градомъ 5 недѣль, и всылахуть къ нимъ съ рѣчію льстивою, глаголюще тако, «яко копимъ сребро и соболи и иная узорочія, а не губите своихъ смердовъ и своя дани», и льстячи имъ, а вои свои копячи; и яко скопиша вои, и выслашася изъ града къ воеводѣ: «пойди въ градъ, поими съ собою 12 мужъ». И иде въ градъ, поимъ съ собою попа Иванка Легена и инѣхъ болшихъ, и иссѣкоша ѿ въ канунъ святыя Варвары; и выслаша пакы, и пояша ихъ 30 мужъ лучшихъ, и тѣ всѣ иссѣкоша, и потомъ 50. И потомъ рече Савка князю Югорьскому: «оже и еще, княже, не убиеша Яковца Прошкинича, а жива пустиши въ Новгородъ, ино ти, княже, опять вои приведетъ сѣмо и землю твою пугу сътворитъ». И призвавъ же князь Яковца, и повелѣ убити; и рече Яковъ Савкѣ: «судитъ ти, брате, Богъ и святая Софія, оже еси подумалъ на кровь братіи своей, и станеша съ нами предъ Богомъ и отвѣщаеши за кровь нашу»; и то рекшу убиенъ бысть, той бо Савица перевѣтъ дрѣжааше отай съ княземъ Югорьскимъ. И потомъ яко изнемогоша гладомъ, стояли бо бяху 6 недѣль слушающе льсти ихъ, и на праздникъ святаго Николы вылѣзъше изъ града иссѣкоша вся, и бѣ туга и бѣда останку живыхъ, бѣ бо осталось 80 мужъ; и не бѣше вѣсти чрезъ всю зиму въ Новгородъ на нихъ, ни на живыхъ ни на мертвыхъ, и печаловахутся въ Новгородѣ князь, и владыка и весь Новгородъ. К. О.]

Въ лѣто 6702. [Приидоша избытокъ живыхъ изъ Югры, и убиша Збышкку Волосовичъ,

а) въ л. 6696. . . шнекъ» *пропущено въ К.* б) въ л. 6698, въ л. 6699 « въ лѣто 6696 К. в) а дружину свою» а дворъ свой К. О. г) възрадовашася. . . приидоша» *възвратышася вси поздорову тамъ же.* д) посторонь . . . григорья» *итѣ въ К.*

1194 и Завида^а Нѣговичъ, и Моислава Поповичъ, сами отбѣгоша^б, а инья кунами ся откупиша: —⁹⁷творяхуть бо я свѣтъ дрѣжаще съ Югрою на свою братью, а то Богъ вѣсть. К. О.] Того же лѣта погорѣ Ладога и Руса. А въ Новѣгородѣ отъ Всѣхъ Святыхъ^в загорашеться невидимо и до Оспожина дни, и Городище погорѣ; и люди не смѣяху жити въ домѣхъ^г, но по полю живяху.

Въ лѣто 6703. Позва Всеволодъ Новгородцевъ на Черниговъ, на князя Ярослава и на все Олгово княже племя, и Новгородци^д идоша со княземъ Ярославомъ, и огнищане, и гридьба, и купци; и быша на Новомъ Торжку, и присла Всеволодъ и възвратишася съ честью. И послаша Новгородци къ нему Мирошку посадника, и Бориса Жирославича, и Микифора сотьскаго, просяще сына, Ярослава негодующе; и възвратишася въ Новградъ^е. Того же лѣта поиде князь Мьстиславъ Мьстиславичъ съ Новгородци къ Кіеву, и повоеваша по Днѣпру города Черниговскія и Рѣчицю, и пришедъ подъ Вышегородъ и бившеся, и яша два князя, Ростислава Ярославича и брата его Ярополка, а Вышегородци отвориша врата граду^ж; а Всеволодъ Святславичъ выбѣжа изъ Кіева за Днѣпръ, княживъ лѣтъ 10. Князь Мьстиславъ съ Новгородци посади въ Кіевѣ князя Мьстислава Романовича, а самъ иде^з къ Чернигову и стояше 12 днѣй; и взяша миръ, и взяше дары придоша въ Новѣгородъ. Того же лѣта послаша Новгородци посадника Юрія Ивановича въ Володимеръ, по князя Ярослава^н Всеволодича. И приѣхавъ князь въ Новѣгородъ, изыма Якуна Зуболомича, и Оому Новоторжьскаго посадника, и поточи я на Тѣфръ; а самъ иде въ Торжекъ Ярославъ, а по княгиню по свою посла въ Новѣгородъ Ивора Чапоноса, и выведе княгиню свою къ себѣ; а гость Новгородскій весь прія, болѣ двою тысящъ, и посла ихъ сковавъ по своимъ градомъ, а товаръ ихъ розда и кони, и пословъ Новгородскихъ изыма, посадника Юрія Ивановича и его друзей. И то слышавъ князь Мьстиславъ Мьстиславичъ, вѣѣха въ Новѣгородъ и изыма намѣстника княжа Ярославля Хота Григорьевича, и вси и дворные люди покова; и цѣлова князь Мьстиславъ крестъ къ Новугороду, а Новѣгородъ ко князю цѣловаша крестъ, что быти заодинъ, а за Новгородскія волости голова сложити. И рече князь Мьстиславъ: «пойдемъ, поищемъ мужіи своихъ, а вашіе братіи, и волости своя; да не будетъ Новый Торгъ надъ Новымъ-городомъ, ни Новѣгородъ подъ Торжкомъ^и, но гдѣ святая Софія ту и Новгородъ, а во мнозѣ и въ малѣ Богъ и правда.»

Въ лѣто 6704. Новгородци выгнаша князя Ярослава, и иде Ярославъ на Новый Торгъ, и пріяша его Новоторжьци^к съ челобитіемъ; и жаляху по немъ въ Новѣгородѣ добрые люди, а зліи радовахуся. И послаша къ Чернигову ко князю Ярославу по сынъ, и не бѣ у нихъ князя въ Новѣгородѣ^л вся зима; а Ярославъ княжи^м въ Торжку въ своей волости, и дани поима, и по верху Меты и за Волокомъ взялъ дань на смердѣхъ по своей воли.

Въ лѣто 6705. Прииде князь Ярополкъ Ярославичъ въ Новѣгородъ изъ Чернигова, и сѣдѣвшу ему 6 мѣсяць, и выгнаша ѿ изъ Новагорода; и послаша опять по князя по Ярослава,

а) завида» такъ слѣдуетъ читать: см. *Новг. перв. Лѣт. (т. III, стр. 22)*; въ *обоихъ сп.* завидову. б) отбѣгоша» убѣжаша О. в) святыхъ» по вся дни *прибавл.* К. О. г) въ домѣхъ» во дворѣхъ К. О. д) новгородци» не отпрѣшася ему *прибавл.* К. О. е) въ новградъ» *исправлено по Новг. перв. Лѣт. (т. III, стр. 25)*; во *всѣхъ сп.* въ градъ. *Далѣе по ошибкѣ описываются событія 6722 и 6723 годовъ: см. Новг. перв. Лѣт. (т. III, стр. 52, 55) и Новг. четв. (т. IV, стр. 20)*; эта вставка оканчивается словами: во мнозѣ и въ малѣ богъ и правда (см. *ниже*). ж) граду» *пѣтъ въ К. О.* з) самъ иде» сами поидоша К. О. и) ярослава» юрія *ошибк.* во *всѣхъ сп.* кромь К. О.; см. *Новг. перв. Лѣт. подлѣ 6723 г. (т. III, стр. 52 — 55)*. і) подъ торжкомъ» надъ торжкомъ *ошибк.* К. О. к) новоторжьци» новгородци *ошибк.* К. О. л) въ новѣгородѣ» *пропущено въ Т. м)* княжи» княживъ (княжитъ) во *всѣхъ сп.* кромь К.

съ Нового Торгу въ Володимерь; позвани Всеволодомъ идоша изъ Новагорода предніи мужіе, ¹¹⁹⁷ и пояша Ярослава со всею правдою и честію. И приде князь Ярославъ въ Новѣгородъ и ⁻²⁰³ сѣде на своемъ столѣ, и обьяся великою любовію съ Новгородци, и бысть все добро, и бѣ радость велика Новугороду.

Въ лѣто 6706. Преставишася у князя у Ярослава два сына, Изяславъ и Ростиславъ; и положена быста въ монастыри у святаго Егоргія.

Въ лѣто 6707. Присла князь великій Всеволодъ, и выведе изъ Новагорода князя Ярослава къ себѣ; а изъ Новагорода позва владыку, и посадника Мирошку^а и болшіи мужи по сынѣ. И яко быша на озерѣ Серьгѣрѣ^б, преставишася рабъ Божій архіепискупъ Новгородскій Мартирій^в, августа 24, и привезше ѿ положиша въ притворѣ святаго Софіи; и идоша мужи съ посадникомъ съ Михалкомъ ко князю Всеволоду, и прія ихъ съ честію, и вда имъ сына своего Святослава. А Новѣгородъ сдумавъ съ посадникомъ, и введоша въ епискупію Митрофана, Богомъ избранна; и весь городъ шедше, посадиша ѿ съ честію великою. Приде же князь Святъславъ въ Новѣгородъ на столъ, сынъ Всеволодъ, внукъ Юріевъ, генваря 1^г, и посадиша ѿ на столѣ въ святѣй Софіи, и обрадовася весь Новѣгородъ. Того же лѣта градъ обложиша Русу.

Въ лѣто 6708. Ловоть взяша Литва, и Новгородци погнашася^д по нихъ и до Чернянъ, и бишася съ ними въ Клинѣ^е съ Литвою, и убиша у нихъ 80 мужъ, а Новогородецъ паде 15 мужъ; а полонъ весь отгяща, а избытокъ убѣжа.

Въ лѣто 6709. Поставленъ бысть Митрофанъ архіепискупъ Новугороду, мѣсяца іюля въ 3 день. Того же лѣта срубиса Русу городъ.

Въ лѣто 6710. Бысть знаменіе веліе^ж на небеси: учинися небо яко кроваво, и бысть въ едину ноць^з, въ 5 часъ ноци, потече небо все и бысть черно, по земли же снѣгъ и по хоромамъ; мнѣти же всѣмъ челоувѣкомъ зрящимъ яко кончину, и яко кровь проліяну по снѣгу.

Въ лѣто 6711. Побѣдиша князи Олговичи Литву, и избиша ихъ 700 и 1000 *.

О иконѣ пречистыя Одигитрія въ Цариградѣ. Одигитрія икона святѣй Богородици, сію же икону списа Лука Еуангелистъ, и износятъ ю во всякой вторникѣ на монастырь; чудеса стваряеть и до сего дни, и исцѣленія яже вѣрою приходящимъ. Нѣкто калогеръ много моляшеться святѣй Богородици: «Госпоже! яви ми ся, какова еси была въ плоти;» и бысть ему гласъ: «иди, рече, въ Апостольскую церковь, и обрящещи мя писану въ олтари при крестѣ; такова есмь была въ плоти.» Нѣкогда же бысть иконоборіе въ Царѣградѣ, и несоша и Одигитрію икону святаго Богородица въ монастырь Пандократоръ, и заградиша ю въ олтари въ стѣнѣ, зажегше кандило предъ нею; и держаша^и иконоборци 60 лѣтъ Царѣградъ, и потомъ бысть православіе, и взыскаша иконы святаго Богородица, и повелѣ патриархъ молитися по всѣмъ монастыремъ и затворникомъ; и явися единому затворнику соннымъ видѣніемъ: «ищи, рече, иконы святаго Богородица въ Пандократори;» и обрѣтоша ю, и кан-

а) мирошку « мирокшу Т. К. В. б) серьгѣрѣ « селгѣрѣ Т. в) мартирій « мантурій *во всѣхъ сп. кромъ К. О.* г) генваря 1 « генваря 2 К. О. д) погнашася « гнашася К. О. е) въ клинѣ « въ ислинѣ *вездѣ кромъ К. О.; см. Новг. перв. Лѣт. III, 25, въ вариантахъ.* ж) веліе « явися *прибавлено во всѣхъ сп. кромъ В.* з) ноць « *недостаетъ во всѣхъ сп. кромъ К. О.* и) и держаша « и держаше К. О. и держаше *въ прочихъ сп.*

* За смъ во всѣхъ сп. слѣдуетъ Повѣсть: «о взятіи Богомъ хранимаго Царяграда.» См. сего изданія т. III, стр. 26—29, отъ словъ: «въ лѣто 6712 царствующю Ольксѣ въ Цариградѣ . . . ея же обладаютъ Фрязи.»

1203 дило не загасло въ 60 лѣтъ, яко топерво^а зажжено, и бысть радость велика православнымъ
 —²⁴ о иконѣ святыя Богородица. Сей же иконѣ служить Луцино племя и до сего дни.

О ризѣ пречистыя Богородици. Влахернѣ риза святѣй Богородици и поясъ ко-
 мать. Придоша нѣкогда ратнии по суху и по морю, патриархъ же Сергій омочи ризу святѣй
 Богородици въ морѣ, и вскипѣ море, и потопоша ратнии, а инѣи ослѣпоша, и побѣгоша отъ
 страха. *Далье подѣ 6712 г. см. Новг. вторую Лѣт., стр. 128, отъ словъ: се паки иное
 знаменіе . . . отъ утра до полудни, и затъмъ Новг. четвертую Лѣт., стр. 19, отъ словъ:
 Того же лѣта Романъ. . . и поиде на Галичъ.*

*Годъ 6713 см. въ Полн. Собр. Лѣт. т. I, стр. 179. Слова: присла великій князь Все-
 володъ . . . Костянтинъ Всеволодичъ.*

*Годы 6714, 6715 и 6716 см. тамъ же, стр. 210. Слова: приде Лазарь . . . Іакова
 въ церкви.*

*Годъ 6717 см. тамъ же, стр. 210 — 211. Слова: Иде князь Костянтинъ. . . сребро
 поима.*

*Годъ 6718 см. тамъ же, стр. 211. Слова: Князь Володимеръ уғони . . . расточи по
 градомъ.*

*Годъ 6719 см. тамъ же, стр. 211. Слова: Исперва не хотя добра. . . во имя святого
 Антонія.*

*Годъ 6720 см. тамъ же, стр. 184 — 185. Слова: преставися великій князь Всево-
 лодъ. . . и украси братъ его Андрѣй^б. Затъмъ см. стр. 211. Ходи Мъстиславъ . . . много
 взяша.*

*Годы 6721 и 6722 см. тамъ же, стр. 211. Слова: Иде князь Мъстиславъ. . . въ Ру-
 ской земли.*

Годъ 6723 см. тамъ же, стр. 211. Слова: Князь Мъстиславъ поиде. . . князя Василія.

*Годъ 6724 см. тамъ же, стр. 211 — 215. Слова: Князь великій Метиславъ поиде . . .
 въ Рязани братью свою, учинивъ лествъ. См. то же самое въ Новг. четвертой Лѣт., т. IV,
 стр. 20 — 26.*

*Годъ 6726 см. въ Полн. Собр. Лѣт., т. I, стр. 215 — 216. Слова: Взяша Болгаре. . .
 и приде Святославъ.*

*Годъ 6727 см. тамъ же, стр. 216. Слова: Присла князь великій . . . Володимеричъ
 въ Кіевѣ.*

*Годъ 6728 см. тамъ же, стр. 216. Слова: приде въ Новъгородъ. . . архіепископью^в въ
 Перемышлѣ.*

Въ лѣто 6729. Выгнаша Новгородци князя Всеволода Мъстиславича изъ Новагорода.

*Годъ 6730 см. въ Полн. Собр. Лѣт. т. I, стр. 216. Слова: послаша архіепископа Митро-
 фана . . . брата своего князя Ярослава.*

*Годъ 6731 см. тамъ же, стр. 216. Слова: [Преставися . . . Софіи. К. О.] Затъмъ:
 Приде князь Ярославъ . . . и злата много взяша.*

*Годъ 6732 см. тамъ же, стр. 216 — 219. Слова: По грѣхомъ нашимъ придоша язъци. . .
 а изъ Смоленска на Зарубѣ^г 100 мужъ^д и инѣмъ странамъ. Тогда же князь Мъстиславъ
 Галичскій . . . за Днѣпръ на множествѣ лодей, а Галичане и Вольинци кыиждо съ своими*

а) топерво» и топере К. О. б) преставися . . . андрѣй»; эта статья находится только въ Т. в) архі-
 епископью» епископью во всѣхъ сп. кромъ К. О. г) на зарубѣ» на рубѣ К. О; въ прочіихъ сп. сего слова
 недостаетъ. д) 100 мужъ» 400 мужъ во всѣхъ сп.; см. сего изданія т. I, стр. 217.

князи, а Куряне, и Трубочане, и Путивлени кыждо съ своими князи, и придоша конми; а ¹²²⁴выгонцѣ Галичскыя приѣхаша въ лодяхъ по Днѣстру, и выидоша въ море. . . Оттуду же ³⁷идоша по нихъ 8 дній^а до рѣкы Калкы, и ту срътоша сторожеве Татарове, и удариша на полци^б Русьстии. . . Даниль же выѣха напредъ, и Семьюнъ Олюевичъ и Василко Гавриловичъ, и разишася^в въ полкы Татарскія. . . и обрати Татаръ отъ Днѣпра вспять на землю восточную, и повоеваша землю Таноготскую^г и ины страны. Тогда же и Чаногизъ^д канъ ихъ убіенъ бысть. Се же бысть намъ за грѣхи наша, Богъ вложи недоумѣніе въ насъ, и погыбе множество людій, и бысть вопль и въздыханіе и печаль по всемъ градомъ и по волоstemъ. Сихъ же злыхъ Татаръ Таурменъ не свѣдаемъ, откуда были пришли на насъ и гдѣ ся дѣли опять; но только Богъ вѣсть.

Годъ 6733 см. въ Полн. Собр. Лѣт. т. I, стр. 219. Слова: Прииде князь Михайль. . . меченошу княжа Ярославля.

Годъ 6734 см. тамъ же, стр. 219. Слова: Прииде князь. . . Литовскія.

Годъ 6735 см. тамъ же, стр. 219. Слова: Ходи. . . и повоева ихъ.

Годъ 6736 см. тамъ же, стр. 219. Слова: [Придоша Емь. . . Богъ вѣсть. К. О.] Поиде изъ Новагорода князь. . . и Якима тиуна.

Годъ 6737 см. тамъ же, стр. 219—220. Слова: Прииде князь Михайло. . . не изневолятъ Новагорода. [Рече князь Михайль. . . поиде въ Кіевъ ставитися. К. О.] Того же лѣта поиде князь Михайло. . . и держа послы все лѣто. [Того же лѣта поиде Спиридонъ. . . а полонъ весь отъяша. К. О.]

Годъ 6738 см. тамъ же, стр. 220. Слова: Трясеся земля. . . пренесены быша мощи святаго великаго святителя чудотворца Леонтія, епискупа Ростовскаго, изъ церкви святаго Іоана въ церковь сборную святаго Богородица въ Ростовѣ. [Того же лѣта прииде архіепископъ Спиридонъ въ Новъгородъ, а поставленъ отъ митрополита Кирила. К. О.] Того же лѣта^е поиде княжичъ Ростиславъ. . . Мстиславъ Давыдовичъ Смоленскій.

Годъ 6739 см. тамъ же, стр. 220. Слова: Откры Богъ. . . а города не взяша.

Годъ 6740 см. тамъ же, стр. 220. Слова: Преставися. . . въ притворѣ.

Годъ 6741 см. тамъ же, стр. 220. Слова: Преставися князь Феодоръ. . . Кирилъ.

Годъ 6742 см. тамъ же, стр. 220—221. Слова: Иде князь Ярославъ. . . и смиришеся отъидоша. [Того же лѣта изгониша. . . убиша 10 человекъ. К. О.]

Годъ 6743 см. тамъ же, стр. 221. Слова: Пришедъ князь Изяславъ. . . на столѣ въ Кіевѣ.

Годъ 6744 см. тамъ же, стр. 221. Слова: Сѣде на столѣ. . . въ полонъ взяша.

Годъ 6745 см. тамъ же, стр. 221—223. Слова: Бысть знаменіе. . . исполнися опять. [Того же лѣта придоша въ силѣ. . . въ домы своя. К. О.] Того же лѣта прииде митрополитъ Гречинъ изъ Никея въ Кіевъ, именовъ Іосифъ, и далье до словъ въ концъ статьи: а люди избывшіе^ж къ тебѣ идуть. Онъ же си слышавъ, възпи гласомъ велимъ съ плачемъ и съ слезами по правовѣрной вѣрѣ християнствѣй, паче же и о церкви и епискупа ради и людей, баше бо милостивъ, не жали^з себе, ни жены, ни дѣтей, и възклицаше изъ глубины сердца, со въздыханіемъ глаголаше. . . остахъ азъ единъ.

а) 8 дній» 50 дній *ошибк.* Т. Ц. б) на полци» на половци К. О. в) разишася» т. е. вразишася; *въ Плат. (т. II, стр. 164) поткоша*; *въ Ц. В. ошибк.* разидошася. г) таноготскую» таногутьскую Ц. Б. Г. таньготскую К. тагоньскую *ошибк.* О. д) чаногизъ» чагонизъ К. О. е) того же лѣта» на ту зиму К. О. ж) избывшіе» избывшая *во всѣхъ сп. кромь* К. О. з) не жали» нежели *вездь кромь* Ц.

1238 Годъ 6746 см. въ Полн. Собр. Лѣт. т. I, стр. 223 — 225. Слова: Князь же Юрь
—39 посла Дорожа . . . И пакы третіе помолися, глаголя: «благодарю тя Господи Боже мой! кую^а похвалную память^б вижю, яко благая моя память желемъ^в погыбаеть и тонко митѣло увядаеть.» И прочее въ мысли сердца своего^г тайно въздыхааше и моляшеся Богу: «Господи Ісусе Христе Вседержителю! приими духъ мой, да и азъ почию въ славу твою.» И се рекъ, и ту абіе^д убіенъ бысть. Си злоба ключися мѣсяца марта въ 4 день, въ четвергъ четвертыя недѣли поста. Блаженный же епискупъ Кирилъ иде съ Бѣлаозера, тамо избывъ ратныхъ, прииде на мѣсто, гдѣ великого князя Юрія убили, и обрѣте тѣло его; возьмъ же тѣло его, и принесе въ Ростовъ, и пѣвъ надъ нимъ обычная пѣнія съ игумены и съ попы и клирошаны, со многымъ плачемъ положиша ѿ въ гробъ въ церкви святаго Богородица. Василку же убіену и повержену на лѣсѣ, и видѣ етера жена вѣрна и повѣда мужю богобоязнову, и взяша тѣло его, и плащеницею обвитъ, и положиша ѿ въ скровеннѣмъ мѣстѣ; и увѣдавше же се епискупъ Кирилъ и княгыни Василкова, пославше взяша тѣло его: яко понесоша въ градъ Ростовъ, и многое множество народа изидоша противу ему, жалостныя слезы испущающе, оставше такового утѣшенія. Видяще же, възлюбленіи, сію суету житія челоуѣча, иже вчера славою украшенъ и гордяся въ боярехъ, а нынѣ персть и прахъ, вмалѣ является, а вскорѣ погыбаеть; но помянемъ своя грѣхы и покаемъся. Плачь же бысть много народа правовѣрныхъ, зряще отца сирымъ и кормителя отходящимъ и печальнымъ великое утѣшеніе, омрачнымъ звѣзду свѣтоносу зашедшу; на весь бо священскій^е чинъ отверсты имѣя^ж очи сердечнѣ, и ко всемъ церковникомъ, и къ нищимъ и печальнымъ яко възлюбленный быше отецъ, паче же и на милостыню прилѣжа^з, поминая слово Господне глаголющее: блажени милостиви, яко ти помиловани будутъ. Соломонъ глаголетъ: милостынею и вѣрою очищаются грѣси; тѣмже не погрѣши надежа, егоже просяше у Бога: Господи! спаси любящихъ тя. Сего бо блаженнаго Василка причте Богъ смерти Андрѣевѣ, кровію мученичскою омывъ своя сѣгрѣшенія, съ отцемъ своимъ Георгіемъ и съ братомъ своимъ; се бо чудно есть, и по смерти совкупилъ Богъ тѣлеса ихъ. И принесоша Василка, и положиша ѿ въ церкви святаго Богородица, идѣже мати его лежитъ; не бѣ же слышати пѣнія въ мнозѣ плачи. Бѣ же Василко лицомъ красенъ, очима свѣтелъ и грозенъ взоромъ, паче мѣры храборъ, на ловѣхъ вазнивъ, сердцемъ легокъ; а кто ему служилъ, а хлѣбъ его ѣлъ, а чашю его пилъ, той за его любовь никакоже не можаше быти у иного князя, ни служити; излише бо слуги своя любляше. Мужество и умъ въ немъ же живяше, правда же и истина съ нимъ хожаше^и; бѣ бо всему хитръ, и посѣде въ добрыхъ днехъ на отиѣ столѣ и дѣднѣ. И тогда же принесоша главу великого князя Юрія, и вложиша ю въ гробъ къ его тѣлу. *Далье см. стр. 224 — 225 отъ словъ:* но не предай же насъ до конца . . . и поиде въ землю Половецкую.

Въ лѣто 6747. Оженися князь Александръ Ярославичъ, внукъ Всеволожъ, въ Новѣгородѣ, поятъ въ Полотскѣ у Брячислава дщерь, и вѣнчася въ Торопцѣ. Того же лѣта князь Александръ Ярославичъ съ Новгородци сруби городъ въ Шелонѣ. Того же лѣта нача Батый посылати на грады Русскія, посланія же Батыеви пришедше въ Русь, взяша градъ Черееславль,

а) кую» ти прибавлено во всѣхъ сп. б) память» мою (твою) вездѣ прибавлено кромѣ Ц. в) желемъ» желѣзомъ Т. г) и прочее . . . своего» такъ въ К.; въ друиыхъ сп. и проче (въ) мысли сердца моего. д) абіе» немилостивно прибавл. К. О. е) священскій» священническій Ц. В. церковный К. О. ж) имѣя» имуще Т. з) прилѣжа» пропушено во всѣхъ сп.; см. Лавр. стр. 199. и) хожаше» ходиста вездѣ кромѣ О.

и церковь Архангела Михаила съкрушиша, и епискупа Семеона убиша, и люди вся суцая въ 1239 градѣ овыхъ избиша, а иныхъ плѣниша; а съсуды церковныя безчисленныя, златыя и серебряныя, и драгаго каменя^а взяша. А виную рать посла на Черниговъ, пришедше же посланіи оступиша градъ Черниговъ въ силѣ тяжцѣ; слышавъ же князь Мьстиславъ Глѣбовичъ нападеніе иноплеменныхъ на градъ, и приде на ня съ своими вои, и бившимся имъ крѣпко, лють бо бѣ бой^б у Чернигова, оже и тараны^в на нь поставиша, и меташа на нь каменіемъ въ полтора перестрѣла, а камень якоже можаху 4 мужи^г поднять. И побѣженъ бысть Мьстиславъ, и множество отъ вой его избіено бысть, и градъ взяша и запалиша огнемъ, а епискупа оставиша жива и ведоша въ Глуховъ; а отътолѣ придоша къ Кіеву съ миромъ, смирившися^д со Мьстиславомъ, и съ Володимеромъ^е и съ Даниломъ.

Въ лѣто 6748. Менгуканови^ж же пришедшю сглядати Кіева, и ставшу ему на оной странѣ рѣкы Днѣпра у градка Песочнаго, и видѣвъ градъ и удивися красотѣ его и величеству его, и присла послы своя къ Михаилу и къ горожаномъ, хотя прелестити ихъ; и не послушаша его. Потомъ Михаилъ бѣжа по сыну своемъ передъ Татары въ Угры; а Ростиславъ Мьстиславичъ Смоленскій^з сѣде въ Кіевѣ. Данилъ же ѣха на нь и ять его, и дастъ Кіевъ въ руцѣ Дмитрови обдержати противу иноплемянныхъ языкъ, безбожныхъ Татаръ. Въ то же лѣто приде Батый къ Кіеву въ силѣ тяжцѣ, и много множество силы его, и окружи градъ, и оступи сила Татарская, и бысть градъ въ обдержаніи велицѣ; и бѣ Батый у града и вся сила его безбожная объсѣдаху града, и не бѣ слышати въ градѣ глаголюща другъ къ другу въ скрипаніи телѣгъ его, и множество ревенія^и вельблудъ его, и рзанія^к отъ гласа коннаго стада его, и бѣ исполнена земля Русская ратныхъ. И яша отъ нихъ Татарина, именемъ Торвула, и той исповѣда всю силу безбожнаго Батыя; а се бяху его братія силніи воеводы: Урдюй^л, Баидаръ, Бирюй, Каидапъ, Бечякъ, и Менгуи, и Кююкъ, иже вратися о смерти^м увѣдавъ кановѣ и бысть канъ, не отъ роду его, но бѣ воевода его первый, Себѣляй, Богатуръ, и Бурундай, и Бастырь^н, иже взя^о Болгарскую землю и Суздальскую^п, и иныхъ воеводъ много, ихже не писахомъ здѣ. Постави же Батый пороки къ городу подлѣ врата Лятская, ту бо бѣяху^п дебри, порокомъ же біющимъ день и ноць безпрестани, и выбиша стѣны; и взидоша горожане на городъ на избитыя стѣны, и ту бѣ видѣти ломъ копейный, щитомъ скепаніе, и стрѣлы омрачиша свѣтъ. Побѣженнымъ бывшимъ горожаномъ и Дмитрови ранену бывшю, и взидоша Татарове на стѣны, и сѣдоша того дни и до ноци^р; гражане же создаша другый градъ около святыя Богородица. Наутрѣя же придоша на ня, и бѣ сѣча велика межи ими^с; людемъ же инымъ^т възбѣгшимъ на комары церковныя съ товары своими, и отъ тягости людей повалишася комары и стѣны церковныя съ ними, и пріятъ бысть градъ безбожными, на Николинъ день. Дмитра же изведоша язвена, и не убиша его мужества ради. Батыю же вземшю градъ Кіевъ, и слышавшю ему о Данилѣ яко въ Угрѣхъ

а) и драгаго каменя» такъ въ *Новг. четвертой Лѣт. стр. 54*; во *всѣхъ сп.* и драгокамен(ь)ныя. б) лють бо бѣ бой» лють бо бой имъ есть *вездѣ кромѣ К. О.* в) тараны» пороки *поправлено въ Ц.* г) мужи» силніи *прибавл. К. О.* д) смирившися» такъ въ *Новг. четв. Лѣт. стр. 54*; во *всѣхъ сп.* смирившимися. е) и съ володимеромъ *пропущено въ Ц. Б. Г.* ж) менгук.» менгуканови Т. з) смоленскій» смоленскаго *во всѣхъ сп.; см. Новг. четвертую Лѣт. стр. 56.* и) ревенія» *исправлено по Ипат. стр. 177; во всѣхъ сп. рвенія.* і) и рзанія» и ржанія Ц. К. О. к) урдюй» уредъ (урьль) К. О. урдюй В. л) о смерти» и о смерти Ц. Б. Г. В. и еже о смерти К. О. м) бастырь» батырь К. О. н) взя» взяша Т. о) и суздаль.» *ильтъ въ Ц.* п) бѣяху» пришли *прибавл. К. О.* р) и до ноци» и ноци К. О. с) ими» има Т. т) инымъ» *ильтъ въ К. О.*

1240 есть, и поиде самъ къ Володимерю, и прииде къ городу Колодяжну, и поставивъ пороковъ дванадесять, и не може проразити^а стѣнъ городныхъ, и нача перемолвливати люди; они же, послушавше злаго свѣта его, предашася и сами избіени быша. Отътолѣ же прииде къ Каменцю граду Изяславию, и взя его; и видѣвъ же Кременецъ градъ Даниловъ, и не възможе взяти его, бѣ бо крѣпокъ велми, и отъиде отъ него. И прииде къ Володимерю и взя его копіемъ, избіи вся, не пощадѣ ни единого же; такоже и градъ Галичъ взя Вольтыньскій^б и иныхъ градовъ Русьскихъ много взя, имже и числа нѣсть. Дмитрови же, Кіевскому тысячьскому Данилову, рекшию Батыеви: «не мози^в стряпати^г въ земли сей долго, время ти уже итти на Угры; аще ли стряпаеши, земля ти есть силна, сберутся на тя и не въпустять тя въ землю свою,» про то же рече ему, видѣ^д землю гибнущу Русьскую отъ нечестиваго; Батый же послуша свѣта Дмитрова, и иде въ Угры. Король же Бѣла^е и Коломанъ срътоша Батия у Солоные рѣки, и бившимся обоимъ полкомъ, и бысть сѣча велика, и побѣгоша Угрове, Татарове же гнашася по нихъ до Дуная рѣкы; и стояша по побѣдѣ 3 лѣта, и воеваша до Володавы и по озеромъ, възвратишася^ж въ землю свою, много зла сътвориша християномъ.

О велицѣмъ князѣ Александрѣ^з. О велицѣмъ князи нашемъ Александрѣ Ярославичѣ, о умномъ и кроткомъ и смысленомъ, о храбромъ, тезоименитомъ^и царя Александра Макидоньскаго, подобникъ царю Алевхысу^и крѣпкому и храброму, сице бысть повѣсть о немъ; ему же бѣше Богъ лѣта приложилъ по его правдѣ, и угобзи ему Богъ дни и чѣсти въ славу его.

^кО Господѣ Бозѣ нашемъ, азъ худый и грѣшный и малосмысленый покушаюся написати житіе святаго и великаго князя Александра Ярославича, внука великаго князя Всеволода. Понеже слышахомъ отъ отецъ своихъ, и самовидецъ есмь възраста его, и радъ быхъ исповѣдалъ святое и честное житіе его славное; но якоже Приточникъ рече: въ злохитру душу не видеть мудрость; на высокихъ бо краѣхъ есть, посреди же стезь стояще^л, при вратѣхъ сильныхъ присѣдять. Аще грубъ есмь умомъ, но молитвою святаго Богородица и поспѣшеніемъ святаго великаго князя Александра начатокъ положю. Сей бѣ князь великій Александръ Богомъ роженъ отъ отца боголюбива и мужелюбца, паче же и кротка, великаго князя Ярослава Всеволодича и отъ матери святаго великіе княгини Θεодосіи. Якоже рече Исаія Пророкъ: тако глаголетъ Господь: князи азъ учиняю, священни бо суть, азъ вожу я въистину; безъ Божія повелѣнія не бѣ княженіе^м его. И възрастъ его паче инѣхъ чловѣкъ, гласъ его яко труба въ народѣ, лице же его бѣ яко Іосифа прекраснаго, еже бѣ поставилъ его Египетскій^н царь втораго царя въ Египтѣ, сила же его бѣ вторая часть отъ силъ Самсоня; и далъ ему бѣ Богъ премудрость Соломону, храбрость же яко царя Римскаго Еуспасяна, еже бѣ плѣнилъ всю землю Іудейску. Иногда же исполчився къ граду Антупату^о приступити, и вышедше гражане побѣдиша полкы его, онъ же вста единъ възврати^п силу

а) прораз. «разбити О. б) вольтыньскій» *итѣ въ К. О.* в) не мози» царю *прибавлено въ Ц. Б. Г. В.* г) стряпати» *страдати К.* д) видѣ» *видѣ бо К. О.* е) бѣла» *вѣла во всѣхъ сп. кромѣ К. О.* ж) възвратишася» *възвратися вездѣ кромѣ К. О.* з) о велицѣмъ князѣ Александрѣ» *только въ К. О. За симъ въ К. прибавлено въ лѣто 6748, а въ прочіхъ сп. въ лѣто 6749.* и) тезоименитомъ» *такъ поправлено; во всѣхъ сп. тезоименитного и ниже подобникъ.* і) алевхысу» *алехвысу Ц. К. О. алевхику В.* к) *Преог симъ въ видѣ заглавія во всѣхъ сп. кромѣ К. О.* л) стояще» *стояще О. стояща В.* м) княженіе» *княженія Т.* н) египетскій» *егитьскій ошибк. Т.* о) антупату» *антипату В.* п) възврати» *и вразити (вразить) К. О.*

ихъ ко вратомъ граднымъ, и посмѣяся дружинѣ своей, рече: «остависте мя единого;» тако же и сій великій князь Александръ Ярославичъ бѣ побѣжая вездѣ, а не побѣдимъ николиже. ^аСего ради прииде нѣкто отъ Западныя страны, еже нарицаются Слуги Божія, оттолѣ прииде, хотя видѣти дивный възрастъ. Якоже древле царица Южская приходи ко царю Соломону, хотя слышати премудрость его; такоже и сій, именемъ Андрѣяшъ, видѣвъ великого князя Александра Ярославича, възвратися къ своимъ и рече: «проходихъ многы страны и языки, не видѣхъ такова ни въ царихъ царя, ни въ князихъ князя.» Се же слышавъ король части Римскія, отъ полунощныя страны, таковое мужество великаго князя Александра Ярославича, и помысли въ себѣ побѣдити его, или руками яти, а Великій Новгородъ плѣнити и вся грады ихъ и люди Словѣнскія къ себѣ въ работу створити, и рече^б: «пойду и плѣню землю великаго князя Александра Ярославича.» И собра силу велику, местери и бискупы свои, и Свѣя, и Мурмане, и Сумь, и Емь, и наполни корабля многи зѣло полковъ своихъ, и подвижесе въ силѣ велицѣ, пыхая духомъ ратнымъ, и прииде въ рѣку Неву, и стаха усть Ижеры^в, шатаея безуміемъ своимъ, хотя въспрїяти Ладогу, прочее же рку и Новгородъ и всю Новгородскую область; но еще преблагій, премилостивый челоуѣколюбецъ Богъ ублюде ны и зашити отъ иноплеменникъ, и всеу^г трудишася безъ Божія повелѣнія. Прииде бо вѣсть тогда, яко Свѣи идуть къ Ладозѣ, и въ то время присла король послы, загордѣвся, къ великому князю Александру Ярославичю въ Новгородъ, а рка тако: «аще можеша противити ми ся, то се есмь здѣ уже и плѣню землю твою.» Великій же князь Александръ Ярославичъ слышавъ словеса ихъ, и разгорѣся сердцемъ, и вниде въ церковь святыя Софіи, паде на колѣну предъ олтаремъ, и нача молитися со слезами святѣй Софіи, поминая исправленія родитель^д своихъ и глаголя: «Боже хвалный, Боже праведный, Боже великий и крѣпкій, Боже превѣчный, створивый небо и землю, и постави предѣлы языкомъ, и жити повелѣвый не преступая^е въ чужая части;» и въспрїимъ Псаломскую пѣснь рече: «суди, Господи, обидящимъ мя и възбрани борющимся со мною, прїими оружїе и щитъ, встани въ помощь мнѣ.» И кончавъ молитву вставъ и поклонися архїепискупу, архїепискупъ же Спиридонъ Новгородскій благослови его и отпусти съ миромъ, и Новгородцевъ. Великій князь Александръ ида изъ церкви, и нача крѣпити воя своя и рече: «не въ силахъ Богъ, но въ правдѣ; помянемъ Пѣснописца^ж Давыда, глаголюща: сїи въ оружїи, а сїи на конѣхъ, мы же имя Господа Бога нашего призовемъ, и ти въспяти быша и падоша.» И поиде на нихъ въ ярости мужества своего, въ малѣ вой своихъ, и не дожда многа вой своихъ^з съ великою^и силою; но уповая на святую Троицю. Жалостно и слышати, яко отецъ его честный князь Ярославъ Всеволодичъ не бѣ вѣдалъ таковаго встанїя на сына своего милаго великаго князя Александра, ни оному бѣ вѣсти когда послати ко отцю, уже бо приближишася ратнїи; тѣмже и мнози Новгородци не совокуплешеся^и, понеже ускори великій князь Александръ Ярославичъ поити противу ратныхъ. И прииде на ня въ недѣлю на Съборъ Святыхъ Отець 630, иже въ Халкидонѣ, на память святою мученику Кирика и Улиты и святаго великаго князя Владимира, крестившаго Русьскую землю и нареченаго^к въ святомъ крещенїи Василїя. Имѣяше велику

а) *Предъ силѣ въ видѣ заглавія вездѣ* кромль О. нев(ъ)ское побоище. б) и рече» *пропущено во всѣхъ сп.* кромль Б. Г. в) ижеры» ожеры Т. Б. Г. ожеря В. г) и всеу» яко всеу К. О. д) родитель» отецъ О. е) не преступая» не преступати *во всѣхъ сп.* кромль О. ж) пѣснописца» пѣснословца К. О. з) и не дожда . . . своихъ» *пропущено въ В.* и) съ великою» не съ великою В. і) не совокуплешеся» и не совокупишася К. О. к) и нареченаго» ему имя (имени) *прибавлено во всѣхъ сп.* л) *Въ видѣ заглавія, киноварью:* о пелгусїи ижерянинѣ.

1240 вѣру и надежу къ святыма мученикома Борису и Глѣбу, бѣ нѣкто мужь старѣйшина въ земли Ижерьской, именовъ Пелгусій, поручена же бысть ему стража морьская; и въспрїятъ святое крещеніе, и живяше посредѣ рода своего погана суца, наречено бысть ему имя въ святомъ крещеніи Филипъ, живяше же богоугодно, въ среду и въ пятокъ пребывая въ алчбѣ, тѣмже сподоби его Богъ видѣнію страшну, скажемъ въкратцѣ. И увидѣвъ силу ратныхъ Пелгусій, иде противу великаго князя Александра Ярославича, да скажетъ ему силу Варяжскую и станы ихъ; обрѣте бо я. Стоящу же ему при край моря, стрегущю ему обои^а пути, и пребывъ всю ночь въ бдѣніи^б, и якоже нача въсходити солнце^в, и услыша шумъ страшень по морю, и видѣвъ насадъ единъ гребущъ, посредѣ же насада стояща святая мученика Борисъ и Глѣбъ въ одеждахъ червленыхъ, и бѣста руки держаща на рамѣхъ, гребци же сѣдяху въ насадѣ^г яко мъглою одѣни; и рече Борисъ: «brate Глѣбе! вели грести, да поможемъ сроднику своему великому князю Александру Ярославичю.» Видѣвъ же се Пелгусіи таковая видѣнія, и гласъ слыша таковій отъ святыхъ мученикъ Бориса и Глѣба, стояше трепетенъ въ ужасѣ, дондеже насадъ отъиде отъ очю его; потомъ же поѣха^д скоро, и срѣте ѿ великій князь Александръ Ярославичъ^е, онъ же видѣ его радостныма очима, исповѣда ему единому все якоже видѣ и слыша; великы же князь отвѣща ему: «сего не рци никомуже, о друже!» Отътолѣ же потщася наѣхати на нихъ, въ 6 часъ дне, и бысть сѣча велика надъ Римляны, и избѣ множество безчисленое Римлянъ, и самому королю възложи печать на лице острымъ своимъ мечемъ^ж. Здѣ же явишася въ полку великаго князя Александра Ярославича 6 мужь храбрыхъ, иже съ нимъ крѣпко мужествоваху. Первый именовъ Гаврило Олексичъ: сей бо наѣха на шнеку, и видѣ королевича мчаща^з подъ руки, и извѣха за ними^и по досцѣ до самого корабля, по ней же схожаху^и; и текоша^к въ корабль предъ нимъ, и паки обратшася и свергоша его съ доски и съ конемъ въ море, Божіею же волею оттолѣ изиде невреженъ; и паки наѣха, бися крѣпко съ самимъ воеводою посредѣ полку ихъ, и ту убиенъ бысть воевода ихъ Спиридонъ, и бискупъ ихъ убиенъ бысть ту же. Второй же Новгородецъ именовъ Сбыславъ Якуновичъ: сей же наѣхавъ многожды біяшется единѣмъ топоромъ, не имѣя страху въ сердци, нѣколко отъ руки его паде, и подившася силѣ его и храбрости. Третій же Яковъ Полочанинъ, ловчей бѣ у князя: си наѣхавъ на полкъ съ мечемъ, и мужествовавъ крѣпко, и похвали его князь^л. Четвертый же Новгородецъ именовъ Миша: си же пѣшь съ дружиною своею натече, и погуби Римлянъ 3 корабли. Пятый же отъ молодыхъ его нѣкто именовъ Сава: сій же наѣхавъ великій шатеръ златоверхій^м, подсѣче столць ему, шатеръ же падеся, полци же великаго князя Александра Ярославича видѣвше паденіе шатра възрадовашася. Шестый же отъ слугъ его именовъ Ратмиръ: си бися пѣшь, и оступиша его мнози Римляне, и паде отъ многихъ ранъ, и тако скончася. Си же вся слысахъ отъ господина своего князя Александра Ярославича и отъ иныхъ, иже обрѣтошася въ то время въ той сѣчи. Бысть же въ то время чюдо дивно, яко въ древняя дни при Езекии пари, егда прииде Сенахиримъ царь Асурійскій на Ерусалимъ, хотя плѣнити святыи градъ, и внезапно прииде Ангелъ

а) обои «обою» *въ прочихъ сп. кромъ К. О. В.* б) въ бдѣніи «въ бдѣніихъ *вездъ кромъ К. О. В.* в) солнце «солнцю *во всѣхъ сп. кромъ К. О.* г) въ насадѣ «только *въ К. О.; въ прочихъ сп. въ насадѣхъ.* д) поѣха «прїѣха К. е) и срѣте. . . ярославичъ» и срѣте великаго князя александра ярославича К. ж) мечемъ «копіемъ К. О. *Далье во всѣхъ сп. въ видѣ заглавія: о шести мужь храбрыхъ.* з) мчаща «мычаща *ошибк. Т. и) за ними «иытъ въ К. О. и) схожаху «схожда(а)ше во всѣхъ сп. кромъ К. О.; см. Лавр. Лѣт. (т. I, стр. 206).* к) «и текоша» и втекоша и *ниже обратившеся вездъ кромъ К. О. л) князь «великій прибавл. К. О. м) златоверхій «король прибавлено на полъ въ Ц.*

Господень и изби отъ полка Асурійска 100 и 80 и 5 тысящъ, и вѣставше утро и обрѣтоша ¹²⁴⁰—⁴¹ вся трупія мертвыхъ; такоже и при побѣдѣ великого князя Александра Ярославича, егда побѣди короля^а обѣ онъ полъ рѣкы Ижеры, идѣже и не бѣ проходно полку великого князя Александра Ярославича, и тамо обрѣтошася много множество избіенныхъ отъ Ангель Божіихъ, обрѣтохомъ много трупія избіенныхъ мертвыхъ лежаща^б. Остатокъ же ихъ побѣже посрамлени, а трупія же мертвыхъ своихъ наметаша 3 корабли великихъ воеводъ, и потопишася вси^в на мори, а прочимъ ископаша ямы и вметаша въ ня безчислено, а иніи мнози язвени быша, и тое ноци побѣгоша; Новгородцевъ же ту паде: Костянтинъ Луготиничъ, Юрята Пиняциничъ, Намѣсть, Дрочило Нѣздиловъ сынъ, кожевниковъ^г, а всѣхъ 20 мужъ паде и съ Ладожаны, или менши, то Богъ вѣсть. Великий же князь Александръ Ярославичъ съ Новгородци вѣзратися съ великою побѣдою, и прииде въ Новѣгородъ, сохранени вси Богомъ и святою Софіею, хваля и славя свягую Троицю, Отца и Сына и свягата Духа, аминь. Того же лѣта взяша Нѣмци, Медвѣжане, Юріевци, Велеядци, со княземъ съ Ярославомъ Володимеричемъ городъ Изборескъ. И прииде вѣсть во Псковъ, яко взяша Нѣмци Изборескъ, и выиде противу имъ весь градъ, и сѣтвориша съ ними брань, и бишася съ ними крѣпко, и бѣ сѣча межи ими велика; ту же убиша Гаврила Гориславлича воеводу и погониша Псковичи, и много ихъ гонячи били, а иныхъ руками яша. И пригонивше подъ городъ, посадъ зажгоша весь, и много зла бысть, погорѣша и церкви и честныя иконы, и всю ругу церковную, многы же и села пусты сѣтвориша около Пскова; стояше же подъ городомъ недѣлю, но города не взяша, но много дѣтей у добрыхъ мужъ поимаша и отвелоша^д въ полонъ, и отъидоша прочь опять, и тако бѣша безъ мира. Бяху бо перевѣтъ держаще съ Нѣмци Псковичи, подвелъ ихъ Твердило Иванковичъ со инѣми, а самъ поча владѣти Псковомъ съ Нѣмци, воюя села Новгородская; а иніи Псковичи вѣбгоша въ Новѣгородъ съ женами и съ дѣтми. Въ то же лѣто по вѣзвращеніи и побѣдѣ великого князя Александра, тое же зимы, пакы придоша отъ Западныя страны Нѣмци и Чюдь на Водь^е, и повоеваша все и дань на нихъ вѣзложиша, и срубиша городъ въ Копоріи въ погостѣ, въ отечествѣ великого князя Александра; но не то бысть зло, но и Тесово взяша, гонишася за 30 верстъ до Новагорода, гостъ біючи, а сѣмо и до Лугу и до Савля^ж. А великий князь Александръ отѣха въ землю Суздадскую въ Переяславль градъ, съ матерію и со княгынею и со вѣмъ дворомъ своимъ, распрѣвсѣ съ Новгородци; Новгородци же съ челобитіемъ послаша къ великому князю Ярославу Всеволодичу, просяще у него сына къ себѣ, и дасть имъ сына своего князя Андрѣя. Тогда же сдумавше Новгородци, послаша владыку Спиридона съ бояры опять къ великому князю Ярославу Всеволодичу, съ челобитіемъ, просяще себѣ великого князя Александра Ярославича; а на волость на Новгородскую въ то время наидоша Литва, Нѣмци, Чюдь, и поимаша по Лугу кони вси и скотъ, не на чемъ и орати по селомъ; великий же князь Ярославъ дасть^з имъ сына своего Александра князя опять.

Въ лѣто 6749. Приѣха князь великий Александръ Ярославичъ въ Новѣгородъ, и изиде^и вскорѣ съ Новгородци, и съ Ладожаны, и съ Корѣлою, и съ Ижеряны на градъ Копорію^і, и изверже градъ изъ основанія, а самихъ Нѣмецъ избиша, а ови съ собою приведе въ Новѣ-

а) короля» корабля *вездъ кроль* К. О; см. *Лавр. Лѣт.* (т. I, стр. 206). б) лежаща» лежаще *во всѣхъ сп. кроль* К. О. в) вси» съ ними К. О. г) кожевниковъ» кожевничъ К. О. д) и отвелоша» *нѣтъ въ* К. О. е) на водь» *пропущено въ* К. ж) до савля» до сабля К. О. з) дасть» *вда* К. О. и) и изиде» на нихъ (т. е. на *Шведовъ*) *прибавлено во всѣхъ сп.* і) на гр. копорію» на градъ коропію *ошибк.* Т. и на градъ копорію К. О.

1241 городъ , а иныхъ пожаловалъ отпустилъ , бѣ бо милостивъ паче мѣры ; а Вожапъ и Чюдцю
 —⁴²перевѣтниковъ извѣша^а , и отѣха въ Русь . По побѣдѣ же великого князя Александра Яро-
 славича , яко побѣди короля , въ третіе лѣто , въ зимнее время бѣ : собрашася Нѣмци съ сея^б
 стороны и придоша на Псковъ , и Псковскыя полкы побѣдиша^в , и намѣстниковъ своихъ
 посадиша на Псковѣ . Се же слышавъ князь великы Александръ , велми оскорбѣ за кровь
 християнскую , и не умедливъ нимало , но разгорѣвся духомъ и своею ревностію по святѣй
 Троици и по святѣй Софіи , и поимъ съ собою брата своего и вся воя своя , и приде къ
 Новгороду и поклонися святѣй Софіи съ молбою и съ плачемъ .

^гВъ лѣто 6750 . Поиде великій князь Александръ съ братомъ своимъ Андрѣемъ , и съ
 Новгородци и съ Низовци , на Нѣмецкую землю въ силѣ величій , да не хвалятся ркуще :
 «укоримъ Словѣнскій языкъ , нежели себе ;» уже бо бяшетъ взять градъ Псковъ , и тѣни
 ихъ посажени въ градѣ . Великій же князь Александръ зая все пути до Пскова и изгони
 градъ , и изымавъ Нѣмци и Чюдъ , и намѣстники Нѣмецкыя исковавъ поточи въ Новгородъ ,
 а градъ Псковъ свободи отъ плѣна ; а землю ихъ пожже и повоева^д , и полона много взя , а
 иныхъ изсѣче . Они же гордіи совкупившеся , и рѣша : «поидемъ , погубимъ^е великого князя
 Александра и имемъ его руками ;» и егда же приближишася , и почудишася стражіе великого
 князя Александра силѣ Нѣмецкой , самъ же великій князь Александръ Ярославичъ поклонися
 святѣй Троици , и поиде на землю Нѣмецкую , хотя мстити кровь християнскую . Бѣ бо зима
 въ то время , якоже бысть на земли ихъ , пусти вся полкы своя въ зажитія , а Домашъ Твер-
 диславичъ и Кербетъ быша въ розгонѣ ; и убиша ту Домаша брата посаднича , мужа добра ,
 и иныхъ много избиша съ нимъ , а иныхъ руками яша , а иные прибѣгоша къ великому князю
 въ полкы . Се же слышавъ местеръ , изиде противу имъ со всеми бискупы своими и со всемъ
 множествомъ языка ихъ и власти ихъ , что ни есть на сей сторонѣ , и съ помощію королевою ,
 и сидоша на озеро глаголемо Чюдское . Велики же князь Александръ Ярославичъ вспятися
 на озеро , Нѣмци же и Чюдъ поидоша по нихъ , князь же великы постави полкы на озерѣ
 Чюдскомъ , на Узмени , у Воронія камени , и укрѣпився силою крестною , ополчився поиде
 на нихъ ; наступиша же озеро Чюдское , бысть же обоихъ множество велми . Отецъ же его
 великій князь Ярославъ Всеволодичъ прислалъ бѣ ему на помощь брата его меньшого князя
 Андрѣя , со множествомъ вой своихъ . Тако бо бяше у князя великого Александра множество
 храбрыхъ , якоже древле у Давыда царя силній и крѣпцій ; такоже воя великого князя Але-
 ксандра исполнишася духа ратна , бяху бо сердца ихъ^ж акы лвомъ , и ркоша : «о княже
 нашъ честный и драгій ! нынѣ приспѣ время положити главы своя за тя .» Великы же князь
 Александръ въздѣвъ руцѣ на небо , и рече : «суди , Боже , и разсуди прю мою отъ языка
 велерѣчива^з ; помози ми , Господи , яко же древле Моисѣви на Амалика и прадѣду моему
 великому князю Ярославу на окааннаго Святополка .» Бѣ бо тогда день суботный , солнцю
 всходящую , и съступишася обои полци ; Нѣмци же и Чюдъ пробишася свиією сквозѣ полкы ,
 и бысть ту сѣча зла и велика Нѣмцамъ и Чюди , и трускъ отъ копей ломленія и звукъ отъ
 мечнаго сѣченія , якоже морю померзшю двигнутися , и не бѣ видѣти леду , покрыло бо есть
 все кровію . Се же слысахъ отъ самовидца^и , рече ми : яко видѣхъ полкы Божія на въздусѣ ,
 пришедше на помощь великому князю Александру Ярославичю . И побѣдивъ силою Божією ,

а) извѣша^а — извѣшавъ *вездѣ кромѣ* К. О. б) съ сея^б — со всея К. О. в) побѣдиша^в — побиха К. О. г) *Въ на-
 чалѣ сей статьи, въ видѣ заглавія, во вѣсѣхъ сп. кромѣ* К. О. побоище ледовое. д) пожже и повоева^д
 повоева и пожже К. О. е) погубимъ^е — побѣдимъ К. О. ж) ихъ^ж — *пропущено въ* Т. з) велерѣчива^з — неправа К.
 и) отъ самовидца^и — отъ самоговидца Т. Ц. Б. Г.

и святѣя Софїи, и святою мученику^а Бориса и Глѣба, еюже ради кровь свою проліяша: и ¹²⁴² даша ратнїи плещи своя^б, и сѣчахуть я гоняще акы по аеру, и не бѣ имъ камо утещи, и ^{—43} биша ихъ на семи верстахъ по леду до Суболичьскаго берега^в; и паде Нѣмецъ 500, а Чюди безчисленное множество, а руками няша Нѣмецъ пятьдесятъ мужъ^г нарочитыхъ^д воеводъ, и приведоша я въ Новѣгородъ, а иныхъ вода потопа, а инїи злѣ язвени отбѣгоша. Бысть же бой сїи априля въ 5, на Похвалу святѣя Богородица, на память святаго мученика Клавдія^е; злѣ же прослави Богъ великаго князя Александра предъ всѣми полкы, яко Исуса Навгина у Ерихона. Се же рѣкли Нѣмци: «имемъ великаго князя Александра руками;» и сихъ ему предасть Богъ въ руцѣ его, и не обрѣтесе противникъ ему въ брани никогдаже. Възвратившю же ся великому князю Александру съ славною побѣдою, бяше же полоня много въ полку его, ведяхуть бо я подлѣ конь иже именуется риторы; и якоже приближися великій князь Александръ къ граду Пскову, и срѣтоша его со кресты игумени и попове въ ризахъ и народъ много предъ градомъ, поюще славу Господеву и великому князю Александру Ярославичю: «пособивый, Господи, кроткому Давыду побѣдити иноплеменники и вѣрному князю нашему оружіемъ крестнымъ, свободи^ж градъ Псковъ отъ иноязычныхъ и отъ иноплеменникъ рукою великаго князя Александра Ярославича.» О невѣгласи Псковичи! аще забудете се^з и до правнучатъ^и великаго князя Александра Ярославича, уподобитесь^і Жидомъ, ихже препита Господь въ пустыни крастелми печеными, и сихъ всѣхъ забыша благъ^к Бога своего, изведшаго ихъ изъ работы Египетскїя Моисїомъ; се же вамъ глаголю: аще кто приидеть и напоследокъ^л рода его великихъ князей, или въ печали приѣдетъ къ вамъ жити въ Псковъ, а не приметъ его, или не почтете его, наречетеся вторая Жидова. И нача имя слыти великаго князя Александра Ярославича по всѣмъ странамъ, отъ моря Варяжьскаго и до моря Понтъскаго, и до моря Хупожьскаго, и до страны Тиверїйскїя, и до горъ Араратскихъ, обѣ ону страну моря Варяжьскаго и горъ Аравитскихъ даже и до Рима великаго; распро- страни бо ся имя его предъ тмы тмами и предъ тысящи тысящами. И тако прииде къ Новгороду съ великою побѣдою. Того же лѣта прислаша Нѣмци съ поклономъ безъ князя въ Новѣгородъ, а ркучи: «что есмя зашли мечемъ Псковъ, Водъ, Лугу, Латыголу^м, и мы ся того всего отступаемъ; а что есмя изымали въ полонъ мужей вашихъ, а тѣми ся розмѣнимъ, мы вашихъ пустимъ, а вы нашихъ пустите, и Псковскїи полонъ пустимъ»; и умиришася, а полонъ весь отпустиша обоихъ. Въ то же время умножишася языка Литовскаго, и начаша пакостити въ области великаго князя Александра; онъ же выѣздя нача ихъ избивати. Единою же ему ключися выѣхати, и побѣди семь ратей, и множество воеводъ изби, а иныхъ руками изымаша; слугы же его ругающесе имъ, начаша ихъ вязати конемъ къ хвосту, и ведоша съ собою безбожныхъ Литву. Начаша же потомъ блюстися имени его. Того же лѣта великій князь Ярославъ Всеволодичъ поиде въ орду, позванъ бысть посломъ Татарскимъ къ царю Батью.

Годъ 6751 см. въ Новг. перв. Лѣт. т. III, стр. 54. Слова: [Преставися рабъ Божїи. . . при

а) мученику» мученика *вездѣ кромѣ* О. б) свол» на раны *прибавл.* К. О. в) берега» озера *ошибк.* Г; см. *Новг. первую Лѣт. (т. III, стр. 54).* г) мужъ» *пять* въ К. О. д) нарочитыхъ» мужей сильныхъ *прибавлено* въ Ц. Б. Г. В. е) клавдія» клавдіана Ц. ж) свободи» свободити *вездѣ кромѣ* Ц. з) се» *только* въ К. О. и) и до правнучатъ» *такъ было и въ Ц. но потомъ помарано и посль словъ* вел. кн. алекс. ярославича *приписано на полъ или отступите* отъ него, или отъ дѣтей его, или отъ всего роду его. і) уподобитесь» *уподобитесь неправильно во всѣхъ сп.* к) благъ» *благодѣ* О. л) напоследокъ» *напоследъ* К. О. м) латыголу» *ладогу* *ошибк.* К.

1243 князи Александръ^а. К. О.] Того же лѣта, мѣсяца маія въ 18 день, на память святаго муче-
 —45— ника Александра, явился знаменіе въ Псковѣ у святаго Іоана въ монастыри отъ иконы свя-
 таго Спаса, надъ гробомъ великіе княгини Ярославли Володимировича, юже уби свой пасы-
 нокъ въ городѣ Медвѣжій Головъ: иде миро отъ иконы по 12 дній и наиде 4 воцаници,
 яко въ стекляницу, и привезоша двѣ въ Новѣгородъ на благословеніе, а во Псковѣ оста-
 виша себѣ двѣ. Но Господи слава тебѣ, давший намъ недостойнымъ рабомъ своимъ такое
 благословеніе; и на тя уповаемъ, Господи Вседержителю, яко призираеши на насъ убогихъ
 своею^б милостію, чловѣколюбче.

Въ лѣто 6752. Преставися княгини великая Феодосія Ярославля, постригшися у святаго
 Георгія въ монастыри, ту же и положена бысть посторонъ сына своего князя Феодора, мѣ-
 сяца маія въ 4, на память святыхъ Ирины; наречено же бысть ей имя Евфросинія.

Въ лѣто 6753. Воеваша Литва около Торжъку и Бѣжичи; гони же ся по нихъ князь
 Ярославъ Володимеричъ съ Новоторжци, и бишася съ ними, и отъяша у Новоторжцевъ кони,
 а самихъ биша, и поидоша прочь съ полономъ. И погони по нихъ Яведъ и Кербетъ со Тѣ-
 ричи и Дмитровци, а князь Ярославъ Володимеричъ съ Новоторжци, и бишася подъ Тороп-
 чемъ, а князи вбѣгоша въ Торопечъ; и заутра приспѣ къ городу великій князь Александръ^в
 съ Новогородци, и отъяша у нихъ полонъ^г весь, а князей изсѣче 8^д. Отътолѣ же Новогоро-
 дци^е вспятишася, а князь великій Александръ погони по нихъ своимъ дворомъ, и би я
 подъ Жыжычемъ^ж, и не упусти ихъ ни единого; ту избивъ останокъ ихъ, и сына своего
 пойма изъ Витепска, поиде къ Новугороду въ малѣ дружинѣ, и срѣте иную рать, и бися
 съ ними, и ту ему Богъ поможе, изби ихъ, а самъ прииде здоровъ и вся воя его.

Убіеніе князя Михаила Черниговского и его боярина Феодора отъ царя
 Батыя въ ордѣ^з. Сій блаженный великій князь Михайло отъ уныя версты Бога възлюбил и
 пречистую его Матерь, и умъ свой къ нему вперивъ кротостію и милостынею къ убогимъ и
 вся пустошная міра сего отвергъ, богатство и славу суетную, иже есть хужше паучины.
 Бысть нахоженіе безбожныхъ Татаръ на землю Русьскую, гнѣвомъ Божиимъ, за умноженіе
 грѣховъ нашихъ; якоже при Нои и яко при Лотѣ казнь Божія на землю нахождааше, та-
 коже и въ послѣдняя времена сія наведе Богъ рукою своею на землю христіанскую^и, по
 пророчеству древнихъ Пророкъ, якоже рече: аще ли хотите, послушаете мене, благая зем-
 ная сиѣте; аще ли не хотите, ни послушаете мене, оружіе вы поястѣ^и; и сѣмъ всѣмъ ми-
 нувшимъ, взиде гнѣвъ Божій на вся живущая на земли, якоже рече: аще хотите, да пожи-
 вете въ правдѣ, аще ли не хотите^к, то единъ васъ поженеть 1000, а два двигнута тму. Се
 же грядущю гнѣву Божию, бысть языкъ посланъ незнаемъ отъ Бога, скруши грады, побѣ-
 жая брани, овни убо затворяхуся въ градѣхъ, великому же князю Михаилу держащю Кіевъ
 тогда, и приѣхаша послы отъ царя Батыя, онъ же слышавъ словеса льсти ихъ, и повелѣ
 ихъ избити, а самъ побѣжа въ Угры и съ домашними^л своими; иніи же бѣжаша въ далнія
 страны, иныя же крыяхуся въ пещерахъ земныхъ, а иніи затворишася въ градѣ: то тѣ

а) при кн. Александрѣ» при велицѣмъ князѣ Александрѣ Ярославичѣ К. О. б) своею» многою прибавл. К. О.

в) Александръ» Ярославъ *ошибк. во всѣхъ сп.*; см. *Новг. первую Лѣт. (т. III, стр. 54)*. г) полонъ»
 пропущено въ Т. Б. Г. д) изсѣче 8» изсѣче 50 Т. К. О.; см. *Новг. перв. Лѣт. стр. 54*. е) и отъяша. . .

новгородци» пропущено въ В. ж) подъ жыжычемъ» подъ жижычемъ В. з) отъ царя Батыя въ ордѣ»

въ ордѣ отъ царя Батыя за Христа Т.; затѣмъ въ П. прибавлено въ лѣто 6754. и) христ.» русьскую К.

і) *Исаи I, 19, 20*. к) да поживете . . . не хотите» пропущено въ О. не послушаете прибавл. П.

л) и съ домашними» и съ домашними О.

со слезами и покаяніемъ Богу молящеся^а, ти тако отъ поганыхъ немилостивно избіени быша, 1245 а иже крѣяхуся въ горахъ, и въ пещерахъ и въ лѣсѣхъ, мало тѣхъ остася, тѣхъ же непоколицѣхъ временехъ оставиша въ градѣ, и сочташа ѿ въ число, и начаша на нихъ дань имати. Се же слышавъ великій князь Михайло, възвратися къ Кіеву и вси людіе съ нимъ, и еже бѣху разбѣглися на чужіе земли прїидоша на свою землю. Татарове же начаша звати нужею къ канови и Батыеви, глаголюще имъ: «не подобаетъ вамъ жити на земли Батыевѣ и кановѣ не поклонившеся има;» мнози же ѣхавше поклонишася ему. Обычай бо имѣя канъ и Батый, аще кто прїидеть поклонитися има, не повелѣваша первіе привести предъ ся^б, но приказано бяше волхвомъ вести ѿ сквозѣ огнь и поклонитися кусту, и огневи, и идоломъ ихъ; а иже что приношахуть съ собою дары^в цареви, и отъ всего того взимающе волсви, и метахуть въ огнь, тоже предъ царя пуцають самѣхъ съ дары^г. Мнози же князи съ бояры своими идяху сквозѣ огнь, и кланяхуся кусту^д и идоломъ, славы ради свѣта сего, и прашаху койждо себѣ власти; они же безъ възбраненія даяхуть имъ, да прелестять ѿ славою свѣта сего. Преподобному же великому князю Михайлу пребывающу въ Черниговѣ, и видѣ мнози прелщающася славою свѣта сего, и посла Богъ благодать и даръ святаго Духа на нь, и вложи ему въ сердце ѣхати предъ царя Батыя и обличити прелесть его, еюже лестить хрестіянны. И прїѣха ко отцю своему духовному и повѣда ему, глаголя: «хощю ѣхати предъ царя Батыя.» И отвѣща ему отецъ его Иванъ^е: «мнози ѣздивше створиша волю поганого, прелестишася славою свѣта сего, идоша сквозѣ огнь, и поклонишася кусту и солнцю, и погубиша душа и тѣлеса своя; и ты, сыну княже Михайле, аще^ж хощеши ѣхати, не створи тако якоже прочіи, не иди сквозѣ огнь, ни поклонися кусту ни идоломъ ихъ, ни брашна ихъ яжь, ни питія ихъ пій, и не прїймай ничтоже скверна во уста своя^з; но исповѣжь вѣру хрестіянскую, яко не достойтъ^и хрестіянномъ ничемуже^і кланятися твари, но токмо единому Господу нашему Іесу Христу.» Великій же князь Михайло и Феодоръ бояринъ его глаголаста ему: «молитвою твоею, отче, якоже Богъ възхощетъ, тако да будетъ; азъ бы того хотѣлъ, что за Христа моего кровь свою проліяти и за вѣру хрестіянскую;» такоже и бояринъ его Феодоръ глаголаше. И глагола имъ отецъ ихъ духовный: «вы будете въ нынѣшній вѣкъ новоявленна мученика Христова на утверженіе вѣрнымъ чловѣкомъ, аще тако створита чловѣчскы.» Великій же князь Михайло и бояринъ его Феодоръ обѣщастася тако створити, и благословишася у отца своего духовнаго; и тако отецъ ихъ духовный дастъ имъ причастіе на путь, рекше прежесвященное, и благослови ѿ и отпусти, глаголя има: «Господь Богъ да укрѣпитъ ваю и послетъ вамъ помощь святаго Духа, за негоже тщитася пострадати, за Христа кровь свою проліяти и за правовѣрную вѣру.» Тогда же великій князь Михайлъ и бояринъ его Феодоръ ѣхаста въ дома своя, и взяша отъ имѣнія своего, еже есть имъ на потребу на путь; мнози же земля проѣхавшима^к, и доѣхаша^л до царя Батыя. И повѣдаша Батыеви о немъ: «князь великій Русьскый Михайлъ прїѣха поклонитися тебѣ;» царь же повелѣ привести волхвы своя, волхвомъ же пришедшимъ предъ царя Батыя^м и рече имъ царь: «еже есть по обычаю вашему створите Михайлу князю великому Русьскому, и потомъ

а) молящеся» моляхуся К. О. б) не повелѣваше . . . предъ ся» не повелѣваетъ предъ ся вести во всѣхъ сп. кромѣ Т. в) дары» только въ Т. Ц. г) съ дары» и дары Т. д) кусту» и огню приписано на полъ въ Ц. е) иванъ» іоанъ К. В. ж) аще» оже К. О. з) скверна . . . своя» въ уста своя скверны вездѣ кромѣ К. и) яко не достойтъ» якоже достойтъ Т. і) ничемуже» никому же Б. Г. В. к) проѣхавшима» проѣхавше (проѣхавша) има и ниже и доѣхавше (доѣхавша) царя во всѣхъ сп. кромѣ К. л) и доѣхаша» такъ въ В; въ прочіихъ сп. какъ сказано выше доѣхавше (доѣхавша). м) батыя» только въ Т.

1245 приведите его ко мнѣ. «Волсви же пришедше ко князю Михаилу, глаголаша ему: «Батый царь зоветъ ты;» онъ же поимъ съ собою Θεодора боярина своего и идяше съ нимъ. И дошедше мѣста, идѣже бяше огонь накладенъ по обѣ стороны, и мнози погани идяху сквозѣ огонь и поклоняхуся солнцю, и огню и кусту^а и идоломъ ихъ, волсви же хотѣша великого князя Михаила и Θεодора боярина его вести сквозѣ огонь; великій же князь Михайлъ глагола имъ: «не достоинъ христіаномъ ходити сквозѣ огонь, ни кланятися имже си кланяются; така есть вѣра христіанская, не кланятися твари, ни идоломъ, но кланятися святѣй Троици, Отцю и Сыну и святому Духу.» Великій же князь Михайлъ глагола боярину своему Θεодору: «луче ны есть^б не кланятися, емуже ся сии кланяются.» Они же оставеше ихъ на мѣстѣ, идѣже бяху приведени, идоша же повѣдати цареви^в: «великій князь Михайло Русскій повелѣнія твоего не послушаетъ, сквозѣ огонь не идетъ, а богомъ твоимъ не поклоняется, а глаголетъ тако: не достоинъ христіаномъ ходити сквозѣ огонь, ни поклонятися твари, ни солнцю, ни идоломъ, но кланятися створшему вся Отцю и Сыну и святому Духу.» Царь же възъярився велми, и посла единого отъ вельможъ своихъ, столника именемъ Елдегу, и рече^г: «почто повелѣніе мое преобидилъ еси, богомъ моимъ не поклонился еси? но отселъ едино отъ двою^д избери себѣ, животъ или смерть: аще повелѣніе мое створиши, живъ будиши и великое княженіе свое все приимиши; аще ли не проидеши сквозѣ огонь, и не поклонишися кусту, ни солнцю, ни идоломъ, то злою смертію умреши.» Тогда отвѣща великій князь Михайлъ: «тебѣ царю кланяюся, понеже ти поручилъ Богъ царствіе и славу свѣта сего; а емуже си кланяются, то азъ не кланяюся.» И рече ему Елдега: «Михаиле! вѣдомо^е буди мертвъ еси^ж.» Великій же князь Михайло рече ему: «азъ того и хоцю еже за Христа пострадади, и за правовѣрную вѣру кровь свою проліяти.» Тогда же глагола ему^з князь Борисъ^п Ростовскій съ плачемъ: «господине отче! поклонися, створи волю цареви.» Бояре же Борисовы глаголаша: «всѣ за тя опитемію приимемъ, княже, со всею областію своею.» Рече же имъ великій князь Михайлъ: «не хоцю азъ именемъ токмо зватися христіанъ^и, а дѣла творити поганыхъ.» Егда же си глаголаше къ нимъ князь Михайлъ, бояринъ же его Θεодоръ помышляше въ себѣ глаголя: «егда како ослабѣетъ великій князь^к Михайлъ моленіемъ сихъ, помянувъ женскую любовь и дѣтій ласканіе, и послушаетъ сихъ моленія;» тогда помянувъ Θεодоръ бояринъ его слово отца своего духовнаго, и рече^л великому князю Михаилу: «помниши ли, господине, слово отца своего духовнаго, еже учаше наю отъ святаго Евангелія? рече бо Господь: иже хоцетъ душу свою спасти, погубитъ ю, а иже погубитъ душу свою мене ради и Евангелія^м, то спасетъ ю^н; паки же рече: кая полза чловѣку, аще всего міра прииметь царство, а душу свою погубитъ? то что дастъ чловѣкъ измѣну на души своей? иже бо постыдится мене и моихъ словесъ въ родѣ семъ прелюбодѣиѣмъ и грѣшиѣмъ, и Сынъ чловѣческій постыдится его^о; аще кто^п исповѣсть мя предъ чловѣкы, и азъ исповѣмъ его предъ Отцемъ моимъ иже есть на небесѣхъ; аще ли мене кто отвержется предъ чловѣкы, отвергуся

а) и кусту» только въ Т. б) ны есть» есть нама Т. в) цареви» и глаголаша царю прибавл. К. О. г) и рече» такъ было и въ Ц, но потомъ помарано и на поляхъ написано: и глагола ему: иди, рци. д) едино отъ двою» только въ Т. е) вѣдомо» вѣдая вездѣ крѣмъ О. ж) вел. кн. михайло русскій повелѣнія. . . мертвъ еси» пропущено въ В. з) ему» внукъ его написано на поляхъ въ Ц. и) борисъ» васьковичъ прибавлено на поляхъ тамъ же. і) христіанъ» хре(и)стіанинъ (крестьянинъ) во всѣхъ сп. кромъ Т. к) вел. князь» пропущено въ Т. л) и рече» ему прибавл. Т. м) и евангелія» пропущено во всѣхъ сп. кромъ Т. н) Марк. VIII, 35. о) Марк. VIII, 36 — 38. п) прелюбодѣиѣмъ . . . кто» пропущено во всѣхъ сп. кромъ В., въ которомъ также словъ и грѣшиѣмъ. . . постыдится его недостаетъ.

его и азъ предъ Отцемъ моимъ, иже есть на небесѣхъ^а.» Сія же глаголющу Θεодору къ¹²⁴⁵ великому князю Михаилу, они же начаша молити, да послушаетъ ихъ; великій же князь Михайло глаголаше къ нимъ: «не послушаю васъ, ни душа своя погублю;» тогда съима съ себе кочь^б свой и верже къ нимъ, глаголя: «пріимите славу свѣта сего, а азъ не хощю.» Слышавъ се Елдега, яко си не увѣщаша его, тогда ѣха ко царю повѣдати еже глаголаше ему великій князь Михайлъ. Стоящима же^в на мѣстѣ томъ, множество крестіяннхъ^г и поганнхъ слышаху^д словеса сіи, яже отвѣща великій князь Михайлъ царю. Тогда блаженный сій великій князь Михайлъ и бояринъ его Θεодоръ начаста пѣти себѣ; по отпѣтїи же взяста себѣ причастіе, еже бѣ даль имъ отецъ ихъ^е духовный, и благословивъ ѿ на то иже пострадати за Христа. И глаголаху предстоящи: «княже Михаиле! идуть отъ царя убивать^ж ваю; поклонитася, жива будета.» Великій же князь Михайлъ и бояринъ его Θεодоръ яко единѣми усты отвѣщаста: «не кланяемся, ни слушаемъ^з васъ; славы свѣта сего не хощемъ.» И начаста себѣ пѣти^и: «мученици твои, Господи, не отвергошася тебе, ни отступиша отъ заповѣдїи твоихъ;» и пакы: «страдавше тебе ради, Христе, многы муки претерпѣша;» и прочая мученична¹. Сія же блаженная, укрѣплшася надежею Христовою и молитвами святыхъ мученикъ, стаѣта яко столпа непоколеблема и неподвижима. Тогда же убїици ти окаанныи приспѣша, и скочиша съ конь, и яша святаго великаго князя Михаила преподобнаго, растягоша за руцѣ и за нозѣ, и начаша его бити рукама по сердцю, и посемъ повергоша его ниць на земли, и бїяхуть его пятами; и сему же бывшую надолзѣ, нѣкто же бывъ преже хрестіянинъ, послѣди же бысть поганъ и законопреступникъ, отвергся вѣры хрестіянскыя, именовъ Доманъ, Сѣверянинъ родомъ, и огорчися, отрѣза ножемъ главу святому мученику великому князю Михаилу, и отверже ю прочь. Потомъ же глаголаша^к боярину его Θεодору: «ты поклонися богомъ нашимъ, живъ будеши и пріимеши княженіе князя твоего.» Глагола же имъ Θεодоръ: «не хощю княженія господина своего великаго князя Михаила, а богомъ вашимъ не кланяюся; но хощю пострадати за Христа, якоже и князь мой.» Тогда же Θεодора начаша мучити, якоже преже великаго князя Михаила, послѣди же честную его главу отрѣзаша. Ти тако пострадаѣа благодаряще Христа, предаѣа святѣи свои души въ руцѣ Господеви, новосвятая мученика; святая же тѣлеса ихъ^л поверженѣ быѣста псомъ на снѣдѣніе. На многы же дни лежащима има, Божїею благодатїю съхранены быѣста неврежены^м тѣлеси ею; но чловѣколюбець Богъ милосердый Господь нашъ, прославляя святыя своя угодники, пострадавша его ради за правовѣрную вѣру хрестіянскую, столпъ огнень явися надъ тѣлесѣхъ ею, сіяющъ пресвѣтлыми зарями, и свѣща многы горяща, и пѣнїя ангелская слышаху на утверженіе хрестіаномъ и на обличеніе тѣмъ, еже оставивше Бога истиннаго и поклоняхуся твари, и на устрашеніе поганымъ. Святѣи же и честнѣи^н тѣлесѣ ею нѣкими хрестіянны богобоязливыми мужи сохранены быша^о. Бысть же убїеніе ею мѣсяца септября

а) еще ли мене . . . на небесѣхъ» пропущено въ О. См. Матв. X, 52, 53. б) кочь» такъ было и въ В, но потомъ неврно поправлено мечъ. в) стоящима же» има прибавл. Ц. стояще же К. О. г) крестіяннхъ» крестннннхъ ошїбк. Т. хрестіанъ (хрестіанъ, крестыанъ) въ прочихъ сп. д) слышаху» слышахомъ Ц. е) имъ. . . ихъ» има отецъ ею К. ж) убивать» убити (убивати) во всѣхъ сп. кромъ Т. з) ни слушаемъ» не слушаемъ Ц. К. и) по отпѣтїи же взяста . . . пѣти» пропущено въ О. і) мученична» мученича въ прочихъ сп. кромъ Т. к) глаголаша» глаголаше вездѣ кромъ Т. л) святая же тѣл. ихъ» святѣи же тѣлесѣ ею К. О. м) съхранены. . . неврежены» сохранена быѣста невреженѣ К. О. н) и честнѣи» и честныя вездѣ кромъ К. О. о) быша» быѣста К. О.

1245 въ 20 день^а; ею же молитвами и моленіемъ достойни будемъ обрѣсти милость и отпущеніе
 —⁵¹ грѣхомъ отъ Господа нашего Ісуса Христа, въ нынѣшній вѣкъ и въ будущій.

Въ лѣто 6754. Якоже бо по первомъ взятіи Батыевѣ, великій князь Ярославъ Всеволодичъ обнови землю Суздальскую, церкви очистивъ отъ трупія мертвыхъ и кости ихъ сохранивъ, многы пришелца утѣшивъ, и множество людій собра^б. Поганымъ же силу дѣющимъ надъ крестіянѣ^в, того ради себе не пощадѣ и иде въ орду, великую пагубную землю Татарскую, и много пострада за землю Русьскую^г; обаженъ же бысть Феодоромъ Яруновичемъ царю и многы дни претерпѣвъ. Тое же осени, мѣсяца сентября въ 30 день, преставился великій князь Ярославъ Всеволодичъ въ ордѣ нужною смертію. Якоже Святое Писаніе глаголетъ: да кто положитъ душу свою за други своя^д; сій же великій князь положи душу свою за вся люди земли Русьскія, и причте его Господь ко избранному своему стаду, занеже быше милостивъ ко всякому, требующимъ невѣзбранно даяше^е. Также великій князь Александръ, сынъ его, не остави пути отца своего, посылая ко царю въ орду за люди своя, иже плѣнени быша отъ безбожныхъ Татаръ, и много злата и сребра издава^ж на плѣнникѣхъ, искупая отъ безбожныхъ Татаръ^з, избавляя ихъ отъ бѣдъ и напастій^и. Въ то же время нѣкто царь со восточныя страны силенъ присла послы своя къ великому князю Александру, а ркучи тако: «мнѣ покоришь Богъ многи языки, ты ли единъ не хочещи покоритися державѣ моей? но аще хочещи соблюсти нынѣ землю свою, прииди ко мнѣ, узриши честь и славу царства моего.» По умертвіи же отца своего, великій князь Александръ прииде въ Володимерь въ силѣ тяжцѣ, и бысть грозенъ приѣздъ его; проиде же вѣсть и до устья Волги, и начаша жены Моавитскія полошати дѣти своя, а ркучи: «молчи^и, великій князь Александръ ѣдетъ.» И поиде великій князь Александръ въ орду ко царю, и благослови его епископъ Кирилъ, и прииде ко царю; видѣ же его царь Батый, и подивися, и рече велможамъ своимъ: «воистину повѣдаша, яко нѣсть подобна сему князю;» и почти его царь многими дары, и отпусти съ великою честію на Русь.

Въ лѣто 6755. Въ лѣто 6756. Въ лѣто 6757. [Князи Рустіи Литву побили; тогда убьенъ бысть князь великій Михайло Ярославичъ, на Поротвѣ. Ц. Преставился архіепископъ Новгородскій Спиридонъ, и положенъ бысть честно у святѣй Софії. К. О.] Въ лѣто 6758. Приѣха великій князь Александръ изъ орды^к.

Въ лѣто 6759. Приѣха въ Новгородъ митрополитъ Кіевскій и всея Руси Кирилъ и епискупъ Ростовскій Кирилъ же именовъ, и поставиша архіепискупа Великому Новгороду именовъ Далмата^л. Того же лѣта прииде Неврюй, и Котія, и Олабуга храбры^м на землю Суздальскую, со многими вои^н и силою Татарскою, на великого князя Андрѣя Ярославича. По преставленіи бо великого князя Ярослава, великое княженіе Володимерьское даша сынови его князю Андрѣю. Бысть въ канунъ Боришу дни, безбожнии Татарове подъ Володимеремъ бро-

а) въ 20 день» въ 23 день *во всѣхъ сп. кромъ В; см. Лавр. Лѣт. (т. I, стр. 201).* б) собра» собравъ *вездѣ кромъ К. О.* в) дѣющимъ надъ крестіянѣ» дѣюще(а) на крестіянѣ *во всѣхъ сп. кромъ К. О.* г) русьскую» вотчины своя К. О. д) *Іоан. XV, 13.* е) даяше» слава богу нашему, аминь *прибавл. К. О.* ж) издава» издава О. з) и много злата . . . татаръ» *пропущено въ В.* и) *Въ Ц. приписано на поля:* въ лѣто 6755, сѣде въ володимери на столѣ по ярославѣ братъ его святославъ, и сидѣ лѣто едино, и прогна и князь михайло ярославичъ; *та же статья была записана въ текстъ ниже, подъ 6756 г., но потомъ тамъ помарана.* і) молчи» *нѣтъ въ К. О.* к) изъ орды» и бысть радость велика въ руси *прибавл. К. О.* л) *Въ Ц. прибавлено въ л. 6760, иде князь александръ ярославичъ въ орду къ царю сартаку.* м) храбры» храбрый *во всѣхъ сп. кромъ Т.* н) вои» воеводами К. О.

диша Клязму, и поидоша^а къ граду Переяславлю таящеся; наутріе же, на Боришь день, срѣте 1251 ихъ великій князь Андрѣй съ своими полкы, и сразишася обои полци, и бысть съча велика, гнѣвомъ же Божиимъ за умноженіе грѣховъ нашихъ, погаными побѣдени быша. Великій же князь Андрѣй едва убѣжа и пріѣха въ Великій Новгородъ, Новгородци же его не пріяша, онъ же ѣха ко Пскову и тамо бысть немного, ожидая^б бо бѣ своее княгини; пріѣха же къ нему его княгини, великій же князь Андрѣй пріѣха въ Нѣмецкій городъ Колывань и съ княгинею. Остави же ту княгиню, а самъ ступи за море въ Свѣйскую землю, местеръ же Свѣйскій срѣте его и прія его съ честію, онъ же посла по княгиню въ Колывань, и пріѣде къ нему его княгини; бысть время нѣколько въ Свѣйской земли, послѣди же на рати убиенъ бысть отъ Нѣмец^в. Безбожніи же Татарове плѣниша градъ Переяславль, и оттолѣ же възвратишася въ страны своя^г. По плѣненіи же Неврюевъ, великій князь Александръ перкви въздвигнувъ и градъ людій исполнивъ, разбѣгшася люди собра въ дома своя. Добрѣ бо рече о таковыхъ Давыдъ Пророкъ: во отецъ своихъ мѣсто быша сынове ихъ. Исаія бо рече: князь благъ въ странахъ не собирая богатства, и не презря кровь праведничю, сиротѣ и вдовицѣ въ правду судя, милостилюбець, а не златолюбець, благъ домочадцемъ своимъ, а виѣшнимъ своимъ отъ страны приходящимъ^д кормитель, на таковыя Богъ призираетъ. И распространи Богъ землю его, и богатство и славу, и удовжи Богъ лѣта ему. Нѣкогда же присла^е къ нему послы папа изъ великого Рима, послы же рѣша великому князю Александру: «такъ молвить папа нашъ: слышахомъ тя, княже, честна и дивна, и велика земля твоя; сего ради прислахомъ ти отъ двоюнадесять кардиналу два хитрѣйшая, Галда и Гемонта, да послушаеши ученія нашего.» Великій же князь Александръ сдумавъ съ мудреци своими, и списавъ къ нему^ж отъ Адама и до потопа, а отъ потопа и до раздѣленія языкъ, а отъ раздѣленія языкъ до начала Авраамля, а отъ Авраама до проитія Израилева сквозъ Чермное море, а отъ исхода сыновъ Израилевъ до умертвія Давыда царя, а отъ начала царства Соломона до Августа царя, а отъ начала Августа до рожества Христова^з и до страсти и до воскресенія его, а отъ воскресенія его и на небеса вшествіе и до царствія великаго Константина и до перваго Събора, и до седмаго Събора^и; «си вся свѣдаемъ добрѣ, а отъ васъ ученія не пріимаемъ;» они же възвратишася въ своя. Умножи же Богъ живота великому князю Александру; бѣ бо любя чинъ церковный, священники^і, митрополиты, епискупы чтише яко самого Христа, и вся христіяны любяше^к. [Того же лѣта пустиша Татарове Рязанского князя Олга Ингваровича, внука Игорева, на свою землю. Того же лѣта преставися князь велики Володимирски Святославъ Всеволодичъ, февраля 3. Ц.]

а) и поидоша « и поида К. О. б) ожидая « ожидалъ К. О. в) послѣди же. . . отъ нѣмецъ « такъ было и въ Ц., но потомъ подчищено и написано другимъ почеркомъ потомъ же пріиде въ свою вотчину. г) въ страны своя « въ землю свою К. О. д) отъ страны приходящимъ « отъ страны и приходящимъ отъ страны *вездѣ* *кромѣ* К. О. е) присла « прислаша *во всѣхъ* *сп.* ж) и списавъ къ нему « и списа къ нему, рече К. О. з) христ. « а отъ рожества христова *прибавл.* К. О. и) и до седмаго събора « *пропущено* въ В. і) церковный священники « священскій К. О. к) Въ Ц. за тѣмъ было написано и потомъ помарано ратью на русь, и прогна князя андрѣя суздаль; въ *другихъ Лѣтописяхъ* пріиде ратью наврусъ. и прогна кн. андрѣя суздальскаго. Въ К. О. *вмѣсто* *того* *находится* *слѣдующая* *вставка* *того* *же* *лѣта* *преставися* *великій* *кн.* *александръ* *ярославичъ* *(того* *же* *лѣта* *преставленіе* *вел.* *кн.* *александра):* *напередъ* *(наперед)* *чти* *преставленіе* *вел.* *кн.* *александра.* *о* *горе* *тебѣ* *бѣднѣй* *человѣче.* . . *и* *за* *правовѣрную* *вѣру.* См. эту статью ниже, подъ 6770 годомъ.

1252 Въ лѣто 6760. Въ лѣто 6761. Прибѣже князь Ярославъ Ярославичъ съ Низовскіе земли,
—56 и посадиша его въ Псковѣ^а.

Въ лѣто 6762. Добро бѣяше христیانомъ.

Въ лѣто 6763. Выведоша Новгородци изъ Пскова князя Ярослава Ярославича, и посадиша его въ Новѣгородѣ на столѣ, а князя Василя вонъ выгнаша; и то слышавъ великій князь Александръ^б, поиде ратию къ Новгороду. Идуцю же князю Александру со многими полкы и съ Новоторжци, и срѣте ѿ Ратишко^в съ перевѣтомъ: «поиди, княже, борзѣе; братъ твой князь Ярославъ побѣгль.» Поставиша же Новгородци полкы въ концѣ за Рожествомъ Христовымъ, а что пѣшихъ людей, а тѣ сташа у святаго Ильи, противу Городища. И речекоша меншии у святаго Николы на вѣчѣ: «ци како рчетъ князь великій Александръ: выдайте мои ворогы?» и цѣловаша свягую Богородицю меншии, како всѣмъ стати заодинъ, любо животъ, любо смерть, за правду Новгородскую. Бысть же въ вятшихъ свѣтъ благъ^г, како побѣдити меншия, а великого князя ввести на всей его воли. И побѣжа Михалко изъ города къ святому Георгию, како было ему своимъ полкомъ ударити на сию сторону, измясти люди; и увѣдавъ Ананія, хотя ему добра, посла по немъ втайнѣ Якуна, и увѣдавше черныи люди погониша по немъ, и хотѣша на дворъ его ударити, и не да имъ Ананія: «братіе! аже того убіете, убейте же мене преже;» не вѣдяше бо, еже о немъ мысль злу свѣщаша, самого яти, а посадничество дати Михалку. Присла же князь великій Бориса на вѣче: «выдайте ми Ананію посадника, а не выдадите, и язъ вашъ не князь великій, и да иду на городъ ратию.» И послаша Новгородци съ челобитіемъ къ великому князю владыку и Клима тысячьского: «поѣди, княже, на свой столъ, а злодѣевъ не слушай, а Онаніи нелюбія отдай и всѣмъ мужемъ Новгородцемъ.» И не послуша великій князь молбы владычни, ни Климова челобитія ни Новгородскаго; и речекоша Новгородци: «аже, братія, князь великій нашъ такъ сдумалъ съ нашими крестопреступници, оно имъ^д Богъ и святая Софія; а великій князь нашъ безъ грѣха.» И стояше весь полкъ за свою правду по три дни, и бысть въ четвертый день, присла великій князь, а ркучи тако: «оже Онанія посадничества лишится, и азъ вамъ нелюбія отдамъ;» и взяша миръ. Поѣде же великій князь Александръ въ городъ, и срѣте его архіепискупъ Новгородскій Далматъ съ чиномъ церковнымъ со кресты у Прикуповичя двора, и весь миръ радости исполнися, а злодѣи омрачахуся, занеже христیانомъ радость, а дьяволу пагуба, зане не бысть кровопролитія христیانомъ; и сѣде великій князь Александръ Ярославичъ на своемъ столѣ. Тое же зимы пріѣхаша численици изъ Татаръ, и сочтоша всю землю Русьскую, и поставиша десятники, и сотники, тысячники, толко не чтоша игуменовъ, поповъ и черныцевъ, и кто служитъ святымъ церквамъ. Се все бысть на Русьской земли грѣхъ ради нашихъ; [и не наведи, Господи, гнѣва твоего на ны противу дѣломъ нашимъ, но по милости твоей спаси ны, человеклюбче Господи. К. О.]

Въ лѣто 6764. [Пріидоша Свѣи, и Емь, и Сумь, и Дидманъ, и Чюдъ, со всею властью и множествомъ рати, и начаша чинити городъ на Неровѣ; тогда же не сущю князю въ Новѣгородѣ, Новгородци же послаша въ Низъ къ великому князю по полкы, а сами розослаша по своимъ волостемъ копячи рать; они же окааніи услышавъ, и побѣгоша за море. К. О.]

а) въ лѣто 6760 . . . въ псковѣ; « въ К. О. вмѣсто сихъ словъ находится статья изъ Новг. перв. Лѣт. (т. III, стр. 55) воеваша литва волость . . . и посадиша его въ пльсковѣ (псковѣ). б) александръ «отецъ василіевъ прибавл. К. О. в) ратишко» ратекша во всѣхъ сп. кромъ О. рать рекше ошибк. В. г) благъ» золь К. О; см. Новг. перв. Лѣт. III, 55. д) оно имъ» и оно имъ Т. воно имъ О. и обонимъ (овонимъ, воинномъ) ошибкъ въ прочихъ сп.

Въ то же лѣто, на зиму^а, пріѣха великій князь Александръ въ Новгородъ, и митрополитъ¹²⁵⁶ съ нимъ, и поиде великій князь со всею силою своею и съ Новгородци на Свѣйскую землю^{—59} и на Чюль; и бысть золь путь, якоже не видѣли ни дни ни ноци, и проидоша горы непроходимыя, и воеваша^б Поморіе все, овыхъ избиша, а иныхъ въ полонъ взяша, и паки възвратиса въ землю свою со множествомъ полона; славна же бысть земля страхомъ и грозою его. Тогда же князь великій Александръ поиде въ Низъ, поимъ послы Новгородскыя Олферія и Михаила Пинячинича, а сына своего князя Василя посади на столъ въ Новѣгородѣ.

Въ лѣто 6765. Приде вѣсть изъ Руси зла, яко хотять Татарове на Новѣгородѣ десятины и тамгы, и смягошася людіе чрезъ все лѣто въ городѣ. Тое же зимы пріѣхаша послы Татарскія въ Новѣгородъ съ великимъ княземъ Александромъ, а сынъ его князь Василей бѣжа въ Псковъ, и почаша послы просити десятины и тамгы, и не яшася по то Новгородци; и дары даша царю и отпустиша я съ миромъ. А великій князь Александръ выгна сына своего изъ Пскова и посла въ Низъ, а Александра и дружину его казни, овому носу срѣза, а иному очи выима, кто князя Василя на зло повелъ; всякъ бо золь^в злѣ погыбаеть.

Въ лѣто 6766. Придоша Литва съ Полочаны къ Смоленску, и взяша Воищину на щитъ. Тое же осени приходиша Литва къ Торжку, и выидоша Новоторжци противу имъ; и по грѣхомъ нашимъ подведоша Литва подсаду, овыхъ избиша, а иныхъ руками поимаша, а иные едва убѣжаша, и много зла бысть Торжку. Того же лѣта взяша Татарове всю землю Литовскую, а самихъ избиша.

Въ лѣто 6767. Бысть знаменіе въ лунѣ, яко ни знаменія^г не бысть. Тое же осени пріѣха Михайло Пинячиничъ изъ Низу лживымъ посолствомъ, ркучи тако: «оже не иметеса по число, то уже идетъ рать на Низовскую землю;» Новгородци^д же яшася по число. Тое же зимы пріѣхаша окааніи сыродци, внуци Агарины рабы Авраамли, Беркай и Касачикъ, и съ женами своими, и иныхъ много множество, и бысть мятежъ великъ въ Новѣгородѣ, и по волости много зла учиниша, беручи туску окааннымъ Татаромъ. И начаша окааніи бояться смерти, они же безбожніи ркоша великому князю Александру: «дай намъ сторожи, ать^е насъ не избіютъ;» и повелѣ великій князь стеречи ихъ сынови посадничю и всѣмъ дѣтемъ боярскимъ, по почемъ. И рекоша Татарове: «дайте намъ число, или да ѣдемъ прочъ;» чернь же не хотѣша дати числа: «по умремъ честно за святую Софію и за дома церковныя.» Тогда же раздвоишася людіе, кто доброй, тотъ за святую Софію и за правую вѣру, и сътвориша супоръ; болшіе же велятъ нятися за число меншимъ. И хотѣша окааніи бѣжати гоними святымъ Духомъ, и умыслиша свѣтъ золь, како ударити имъ на городъ, на ону сторону, а друзіи озеромъ на сю сторону; и възбрани имъ невидимая сила Христова, и не смѣша убоявшеся, и почаша возитися люди на ону страну ко святой Софіи, ркуче: «положимъ головы у святыя Софіи.» И бысть заутра, съѣха князь великій Александръ съ Городища, и окааніи Татарове съ нимъ, и злыхъ свѣтомъ яшася по число, творяху бо себѣ бояре легко, а меншимъ зло; и начаша окааніи ѣздити по улицамъ пишуще дома христіанскыя, зане наведе Богъ, по грѣхомъ нашимъ, изъ пустыни звѣри дивіи ясти сильныхъ плоти. И отѣхаша

а) въ то же лѣто на зиму — только въ К. О. б) и воеваша — и воева во всяхъ сп. в) всякъ бо золь — всяко бо зло К. О. г) ни знаменія — и знаменія К. ни знаменія ея О. д) новгородци — новоторжци *ошибк.* О. е) ать — ато (а ожь) во всяхъ сп. *кромя* О.

1259 окаанніи вземше число, а великій князь Александръ поѣха послѣ, посадивъ сына своего въ
 -62 Новѣгородѣ князя Дмитрія на столѣ.

Въ лѣто 6768. Бысть тишина велика христیانомъ.

Въ лѣто 6769. Въ лѣто 6770. Избави Богъ отъ лютаго томленія бесерменскаго люди Ростовскія земля, молитвами святыя Богородица, и вложи ярость христیانомъ въ сердце, не терпящимъ насилія отъ поганыхъ; и созвониша вѣчь, и выгнаша^а изъ городовъ, изъ Ростова, изъ Володимеря, изъ Суздаля, изъ Ярославля и изъ Переяславля. Откупаху бо ти окаанніи бесермена дани у Татаръ, и отъ того велику пагубу людемъ творяху^б, работающе люди христیانьскыя въ рѣзѣхъ, и мнози души разведени быша^в; видѣвъ же се благый челоуѣколюбець Богъ нашъ, и моленія Материя послушавъ, и избави люди своя отъ великыя бѣды милосердіемъ своимъ. ГТого же лѣта убиша Зосима преступника; той бѣ мнихъ образомъ точію, сотонѣ же съсудъ, бѣ бо пїяница, и студословець, и празнословець, кощонникъ, конечиѣ же отвержеся Христа и бысть бесерменинъ, вступивъ въ прелесть лжаго пророка Махмета^д. Бѣ бо того лѣта приѣхалъ^е посломъ на Русь отъ царя Татарьскаго именемъ Кутлубѣя^ж, золь сы бесерменинъ; того поспѣхомъ^з окаанный лишеникъ вѣры творя христیانомъ велику досаду, и кресту и святымъ церквамъ ругаяся. И егда людіе по градомъ на враги своя гнѣвахуся, и подвигошася^и на бесермень, и изгнаша я вонъ изъ градовъ, а иныхъ избиша, тогда и того безаконнаго и сквернаго, и законопреступника, и еретика Зосиму убиша въ городѣ Ярославлѣ. Бѣ бо тѣло его ядь псомъ и враномъ, а ноги его тѣ на злое бѣху быстры, тѣ же влачими бяху отъ псовъ по граду, всемъ людемъ на удивленіе; отъ Божія суда на преступницѣ тако бысть конецъ лише^к нечестивому его тѣлу, а о души^л нечестиваго глаголетъ: червь ихъ не умреть, а огонь ихъ не угаснетъ^м; и индѣ глаголетъ: оскудѣ незаконный, и погибе нечестивый, и потребишася безаконнующи въ злобѣ^н. И полкомъ посланнымъ бывшимъ^п поплѣнити христіяны, и бѣше тогда велика нужда отъ поганыхъ, и гоняхуть люди, веляхуть съ собою воинствовати. Князь же великій Александръ хотѣ поити ко цареви въ орду, дабы отмолилъ люди отъ бѣдъ; а брата своего младшаго князя Ярослава, и сына своего князя Дмитрія съ Новгородци на западныя страны посла, и все полкы своя съ ними. И поиде князь Ярославъ и князь Дмитрей Александровичъ, со княземъ съ Костянтиномъ съ зятемъ Александровымъ, и со княземъ съ Полотьскимъ съ Товтивиломъ^о, а съ нимъ Полочанъ и Литвы 500, а княжихъ полковъ и^п Новгородцевъ безчисленное множество; и придоша къ городу къ Нѣмецкому Юріеву, и сташа^р подъ градомъ. Бѣ бо велми крѣпокъ, о три стѣны каменные, и множество людей въ немъ^с всякихъ бяху пристроили велику брань на городѣ, но честнаго креста сила всегда низлагаеть неправду дѣющихъ; такоже и си градъ, ни во чтоже бысть^т крѣпость его, но помощію Божіею единѣмъ приступленіемъ взятъ бысть великій градъ

а) и выгнаша « я прибавл. К. О. б) творяху « творяше (творяще) *вездѣ кромѣ Ц. К. О.* в) и мнози... быша « многы душа разведени бяху К. О. г) *Въ видѣ заглавія киноарью въ Ц. Б. Г. В.* о (и)зосимѣ проклятомъ. д) махмета « бахмета Ц. е) приѣхалъ « титямъ *прибавлено во всѣхъ сп.*; о семъ словѣ см. *сеіо изданія т. I, стр. 204.* ж) кутлубѣя « кутаубѣя *ошибк.* Т. котлубѣя Б. Г. В.; *въ Лавр. кутлубіи.* з) поспѣхомъ « посмѣхомъ Ц. Б. Г. В. и) подвигошася « подвиза(а)шеся *вездѣ кромѣ К. О. В.* і) лише « такъ, кажется, должно читать; *во всѣхъ сп.* лишеному (лишену). к) а о души « а души *вездѣ ошибк. кромѣ О.* л) *Марк. IX, 44.* м) въ злобѣ « и нечистотѣ *прибавл. Ц. Б. Г. В. См. Исaiи XXIХ, 20.* н) бывшимъ « быша *вездѣ кромѣ К. О.* о) съ товтивиломъ « со втивиломъ *ошибк. во всѣхъ сп. кромѣ К. О.* п) и « иптъ *въ Т.* р) и сташа « и ста Т. и стаца К. О. с) людей въ немъ « люди въ нихъ бѣ К. О. т) бысть « вмѣнися К. О.

Юріевъ Нѣмецскій, и люди многы града того, овыхъ избиха, а иныхъ изымаша живыхъ, а иные огнемъ пожжени быша. И придоша въ землю свою вси здрави, со множествомъ полна и съ честію великою. Тогда же поиде великій князь Александръ въ орду ко царю Беркаю, и удержа ѿ царь, не пусти его въ Русь, и зимова въ ордѣ, тамо и разболѣся; и доиде Новагорода Нижняго, и пребывъ ту мало и приде на Городецъ, и въ болши недугъ впаде, и пострижеса въ черници мѣсяца ноября въ 14 день, тое же ноци и преставися; положенъ бысть въ Володимери, въ церкви святыя Богородица.

Преставленіе великого князя Александра Ярославича, внука великого князя Всеволода^а. Горе тебѣ, бѣднѣйшій человѣче! како можеша написати кончину господина своего великого князя Александра Ярославича? како не испадета зѣнниці твои вкупѣ со слезами? како ли не разсѣдеса сердце твое отъ многыя тугы? отца бо человѣкъ можетъ забыти, а добра господина, аще бы съ нимъ и въ гробъ влѣзлъ^б. Пострада Богови крѣпко. Митрополитъ же Кирилъ глагола людемъ: «чада моя милая! разумѣйте, яко заиде солнце земли Русьской;» іерея, и діаконы, и черноризца, нищїи, богатїи, и вси людїе мнози вопїяху, глаголюще: «уже погибаемъ.» Святое же тѣло его несомаша къ граду Володимерю, митрополитъ же Кирилъ съ чиномъ церковнымъ, вкупѣ же князи и бояре, и весь народъ^в, мали и велиции, срѣтоша его у Боголюбова съ свѣщами и кандилы; отъ множества народа изыгнѣтахуся людїе, хотяще прикоснутися честнѣмъ тѣлѣ его, бысть же плачь велїи и кричаніе и туга, якоже нѣсть такова бывала, токмо и земли трястися. Положиша же его въ Володимери, въ церкви въ Рожествѣ святыя Богородица, мѣсяца ноября въ 23 день, на память святаго Анфилофія. Бысть тогда чюдо дивно, памяти достойно: егда же вложиша тѣло святое его въ раку, икономъ же Савастїянъ митрополита Кирила приступль и хотѣ разнати руку его, да вложить митрополитъ грамоту душевную, онъ же самъ яко живъ суци, распростеръ руку свою и взя грамоту отъ руки митрополита; прїять же я всихъ ужасъ великъ, егда отъ раки отступиша. Се же бысть проповѣдано веѣмъ отъ Кирила митрополита и отъ иконома его Савастїяна. Се же слышавше, братїе, кто не дивится о семъ, яко тѣлу бездушну суццю, привезену отъ далнихъ мѣстъ во время зимы? тако прослави Богъ угодника своего, иже много тружшеса за землю Русьскую, и за Новѣгородъ и за Псковъ, и за все великое княженіе животь свой отдавая, и за правовѣрную вѣру.

Въ лѣто 6771. Бысть мятежь въ Литвѣ; Богу поущешу на нихъ гнѣвъ свой, и вѣсташа сами на ся, и убиша князя великого Миньдовга свои сродници, съвѣщавшеса отай всѣхъ. Того же лѣта распрѣвшеса убійца Миндовгови о товаръ его, и убиша князя Полотьского Товтовила, а бояръ^г его сковаша; испросивше^д у Полочанъ сына Товтовилова убити, онъ же бѣжа въ Новѣгородъ съ дворомъ своимъ, а Литва посадиша въ Полотьску своего князя^е, а Полочанъ^ж пустиша, которые быша изымани^з со княземъ ихъ, и миръ взяша.

Годъ 6772 см. въ Новг. первой Лѣт. т. III, стр. 58. Слова: Выгнаша Новгородци. . . и лучшии бояры.

а) преставленіе вел. кн. . . всеволода» въ лѣто 6771 преставленіе бысть великого князя Александра К. О. и далѣ въ этихъ сп. пропускъ до словъ (см. ниже): въ л. 6771 бысть мятежь въ литвѣ. б) влѣзлъ» вселился В. отца бо человѣкъ. . . влѣзлъ»; сїи слова въ Псковской второй Лѣт. (т. V, стр. 5) читаются такъ: отца бо оставити человѣкъ можетъ, а добра господина не мощно оставити, аще бы лзѣ и въ гробъ бы лѣзлъ съ нимъ. в) народъ» родъ вездѣ кроль П. г) а бояръ» а бояре во всѣхъ сп. кроль К. д) испросивше» и просиша К. О. е) а литва. . . князя» пропущено въ О. ж) а положанъ» а полоть О. з) быша изымани» бяху изымали К. О.

1265 Въ лѣто 6773. Посадиша въ Новѣгородѣ на столѣ великого князя Ярослава Ярославича, —66 мѣсяца генваря въ 27 день. [Того же лѣта преставися князь Одрѣй Ярославичъ, и положень бысть въ своей отчинѣ въ Суздали. Ц.] Того же лѣта побихася Литва промежи себе нѣкоя ради вины, Божіимъ попущеніемъ на нихъ; не терпяше бо Господь Богъ зрѣти на нечестивыя и поганыя, видяще проливающа кровь христіанскую акы воду; иніи же расточени отъ нихъ по чужимъ землямъ^а. Тогда бо въздасть комуждо по дѣломъ ихъ. Бяше у Миндовга князя Литовского сынъ, емуже имя Вошелегъ^б; того же избра Господь поборника по правой вѣрѣ, и шедъ на гору Синайскую отъ отца своего и отъ рода своего и отъ поганья вѣры своея, и позна истинную вѣру христіанскую, и крестися во имя Отца и Сына и святаго Духа, и научися святымъ книгамъ, и пострижесе во мнишскій чинъ въ Святой горѣ, и пребывъ тамо 3 лѣта и поиде въ землю свою, и приде ко отцю своему: отецъ его поганъ сый, и ласкаше его оставити вѣру христіанскую и чернечество, и пріяти царство свое; онъ же въоруженъ силою Христовою, не хотѣ слышати ласкы отца своего, ни прещенія его не убояся, но шедъ отъ отца своего, и созда себѣ монастырь въ христіанехъ, и ту пребывааше славя святую Троицу, Отца и Сына и святаго Духа. По убіеніи же отца своего не хотящю ему сего створити, но Богу поущьшо на нихъ на поганую Литву за христіанскую кровь^в, и соима съ себе ризу свою^г, а устава мнишскаго не отступися, и совкупивъ около себе воя многы и отца своего пріятеля, и помолися Христу, и шедъ на поганую Литву и побѣди я, и стоя на земли ихъ все лѣто. Тогда же окааннымъ въздасть Господь по дѣломъ ихъ; всю бо землю оружіемъ плѣни, а по христіанской земли по всей веселіе бысть на многа лѣта. Того же лѣта въбѣгоша въ Псковъ Литва съ триста мужъ^д, и съ женами и съ дѣтми, и крести ихъ князь Святославъ съ попы Псковскими и со Псковичи; а Новгородци хотѣша ихъ изсѣчи, но не да имъ князь великій Ярославъ Ярославичъ, и не избиша ихъ.

Въ лѣто 6774. Блаженный князь Домонтъ съ дружиною своею и со всеѣмъ родомъ^е своимъ оставивши отечество свое, землю Литовскую, и приѣха въ Псковъ и крестися^ж. Сій князь Домонтъ отъ рода Литовского бысть, первое имѣя ко идоломъ служеніе, по отню преданію; егда же въсхотѣ Богъ избрати себѣ люди новы, и въдохну во нь^з благодать святаго Духа, и възбнувъ яко отъ сна отъ идолослуженія, и помысливъ съ своими бояры, и крестися^и во имя Отца и Сына и святаго Духа. Крещенъ бысть въ сборной церкви въ святой Троици, наречено же бысть ему имя въ святомъ крещеніи Тимоѣей; и бысть радость велика въ Псковѣ. и посадиша его Псковичи на княженіи въ Псковѣ. По нѣколицѣхъ же днехъ положи ему Богъ въ сердце благодать свою, побарати по святой Софіи и по святѣй Троици и отмстити кровь христіанскую, и помысли ѣхати съ Псковичи воевати землю Литовскую; и поспѣшеніемъ святаго Духа и святыхъ Троици, ѣхавъ съ трема девяносты, и плѣни землю Литовскую и отечество свое повоева все, и княгиню Герденеву^и полони и дѣти ея два княжича, и все княженіе его повоева, и възвратихася со множествомъ полона къ граду Пскову. И перебродися Двину, и отѣхавшио ему за пять верстъ, и сташа шатры на бору чистѣ, и стража постави^к на рѣцѣ Двинѣ Давыда Якуновича, внука Лаврова, съ Лукою съ Литвиномъ; два же

а) землямъ « странамъ и землямъ Т. б) вошелегъ « вошлегъ Ц. в(ъ)шелегъ К. О; *вз Новг. перв. Лѣт. вошелгъ.* в) кровь « вѣру Ц. г) свою « и на 3 лѣта общася богу, како пріяти ризу свою *прибавл. К. О; см. Новг. перв. Лѣт. т. III, стр. 58.* д) литва. . . мужъ « литвы съ триста *вездѣ кромѣ Т.* е) родомъ « домомъ Т. ж) и крестися « штъ въ К. О. з) во нь « въ нь Б. Г. Ц. и) и крестися « креститися К. О. і) герденеву « гердеву *ошибк. К. О. герненеву въ прочихъ сп.; см. Новг. перв. Лѣт. III, 59.* к) постави « постависта Т.

девяноста мужь отпусти^а съ полономъ въ Псковъ, а въ одномъ девяностѣ самъ ся оста, жда¹²⁶⁶ по себѣ погони. Князю же Герденю съ своими князи не бывшию дома, приѣхаша^б въ дома^{—68} своя, оже дома ихъ и земля плѣнена вся; ополчи же ся князь Гердены, и Готортъ, и Люмбей^в, и Люгаило и прочіи князи Литовскіи, въ семи сотѣ погнашася въ слѣдъ^г князя Домонта, хотяще его руками яти и лютой смерти предати, а мужи Псковичи мечемъ изсѣщи. И перебродившеся рѣку Двину, и стаха на брезѣ; стражіе же видѣвше рать велику, пригнавше повѣдаша князю Домонту великую силу Литовскую пребродившуюся рѣку Двину. Князь же Домонтъ рече Давыду и Лукѣ: «помози вы Богъ и святая Троица, оже есте устерегли рать Литовську; поидите съ коней доловъ.» И рече Давыдъ и Лука: «не идемъ съ коней доловъ; хотимъ животъ свой дати на славѣ, и кровь свою проліяти съ мужи Псковичи за святую Троицу и за вся святыя церкви; а ты, господине княже, поѣди^д съ мужи своими съ Псковичи на поганую Литву.» Князь же Домонтъ рече Псковичемъ: «слышалъ есмь ваше мужество во всѣхъ странахъ; се же намъ^е предлежитъ животъ и смерть; братіе, потягнемъ за святую Троицу, и за святыя церкви, и за свое отечество.» Тогда же приспѣ день великаго и славнаго воеводы, мученика Христова Леонта; рече князь Домонтъ: «святая Троице, Отецъ и Сынъ и святой Духъ, и святой великій воевода Леонте, и благовѣрный князь великій^ж Всеволодъ! помозите намъ въ часъ сій, да не предани будемъ въ руцѣ безбожныхъ, да не плѣнять земли христіянскыя, да не будемъ въ расхищеніе имъ; помозите^з намъ на противныя врагы наша.» И наѣха на нихъ съ единымъ девяностомъ, и силою Божіею и святаго мученика Леонта побѣди си противныя 700. Тогда же убіенъ бысть великій князь Литовскій Готортъ^н, и инѣхъ же князей многихъ избиша, а иніи Литва въ Двинѣ истопоша, а иныхъ Двина изверже 70 на островъ Гаидовъ, а иніи на прочіи острова извержены быша, а иніи внизъ по рѣцѣ уплыша^и; а князь Гердены убѣжа въ малѣ дружинѣ. Тогда же убили единого Псковитина Онтоня Лочкова сына, а иніи вси сохранени быша безъ вреда, молитвою святаго Леонта; възвратшася съ радостію великою къ граду Пскову со многою корыстію, и бысть радость велика въ градѣ Псковѣ о пособіи святыя Троица и святаго мученика Леонтия и благовѣрнаго^к великого князя Всеволода. Того же лѣта приде князь Ярославъ Ярославичъ въ Новгородъ со многою силою Низовскою, хотя итти на Псковъ, на князя Домонта; Новгородци же възбраниша ему, глаголюще: «оли, княже, тебѣ съ нами увѣдався, тоже ѣхати на Псковъ;» князь же отосла полкы назадъ.

Въ лѣто 6775. [Ходиша Новгородци съ княземъ Домантомъ, и со Олферіемъ Сбыславичемъ, и со Псковичи на Литву, и много ихъ повоеваша, а сами пришли всѣ добры здорови кождо въсвоеси. К. О.] Въ лѣто 6776. Съдумавше Новгородци со княземъ Юріемъ, и хотѣша ити на Литву; и яко быша на Дубровиѣ, и бысть въ нихъ распря, иніи хотѣша на Литву, а иніи на Полтескъ, а иніи за Нерову^л. И въспятишася и поидоша за Нерову къ Раковору, и много земли ихъ повоеваша, а города не взяша; и застрѣлиша съ города мужа добра Θεодора Събыславича и иныхъ 6 человекъ, и приѣхаша вси здрави. ^мТого же лѣта великій князь Дмитрій Александровичъ съдумавъ съ Новгородци, и посла по князя по Ярослава, дабы былъ

а) отпусти» отпровади К. О. б) приѣхаша» приѣха (же) во всѣхъ сп. в) люмбей» люмбій К. люмбъ О. лютбей В. г) въ семи сотѣ . . . въ слѣдъ» въ семи сотѣ погнаша и погнашася въ слѣдъ послѣ вездѣ кроль К. О. д) поѣди» борзо прибавл. К. О. е) намъ» вамъ Т. ж) великій» пропущено въ Т. з) помозите» помозита во всѣхъ сп. и) готортъ» и готортъ во всѣхъ сп. і) уплыша» поплыша Т. к) благовѣрнаго» благороднаго вездѣ кроль В. л) за нерову» на нерову такъ и ниже К. м) Во всѣхъ сп. въ видѣ заглавія (к)раковорьское.

1268 въ Новгородѣ съ полкы^а; и князь Ярославъ присла въ себе мѣсто Святослава со множествомъ вой. И изискаша^б мастера порочныя, мастера же начаша чинити пороки, и начаша князи совкуплятися со многою силою; бѣше бо много князій: князь Домонтъ со Псковичи, великій князь Дмитрій и Святъславъ Ярославичъ^в, князь Михайло братъ Святославль, князь Костянтинъ, князь Юрій, князь Ярополкъ, и совкупишася вся княженія Русьская въ Новгородѣ со множествомъ вой своихъ. Слышаху же Нѣмци: Рижане, Вельяжане, Юріевци, Медвѣжане, прислаша послы своя къ великому князю Дмитрію Александровичю, съ лестію глаголюще: «намъ, господине, съ тобою миръ и со всѣмъ Великимъ Новымъгородомъ; а перемагайся съ Кольванци да съ Раковорци, а мы къ нимъ не приставаемъ и крестъ цѣлуемъ,» и цѣловаша послы ихъ крестъ; а тамо ѣздилъ Лазарь Моисѣвичъ, водилъ ко кресту бискуповъ ихъ и Божіихъ дворянъ, яко не помагати имъ Кольванцемъ, ни Раковорцемъ; и пояша изъ Новгорода мужа добра Семьюна на свои руки, и цѣловавши крестъ всѣ Нѣмци, яко не помагати имъ ни Кольванцемъ, ни Раковорцемъ. Тогда же совкупишася вси князи: князь великій Дмитрій Александровичъ, князь Святъславъ, братъ его Михайлъ, князь Костянтинъ, князь Юрьи, князь Ярополкъ, Домонтъ Псковскій и иныхъ князей нѣколико, и поидоша къ Раковору мѣсяца генваря въ 23 день. И яко внидоша въ землю ихъ, и раздѣлишася на 3 пути, и много множество воеваша; и ту наѣхаша пещеру глубоку непроходну, въ нейже много бяху Чюди, и бѣше не лѣзъ ихъ взяти, стояша ту 3 дни; мастеръ же порочной хитростию пусти на нихъ воду, Чюдъ же побѣгоша сами вонъ, и изсѣкоша ихъ, а товаръ великій князь Дмитрей весь взя. И оттолѣ поступиша къ Раковору, и яко быша на рѣцѣ Коголѣ, и ту уерѣтоша полкы Нѣмецкія; бѣ бо видѣти яко лѣсъ, совкупи бо ся вся земля Нѣмецкая. Великій же князь Дмитрей не умедлячи нимало, поиде къ нимъ за рѣку, и начаша ставити полкы: князь великій Дмитрей, и Святославъ Ярославичъ, князь Михайло братъ Святославль сташа съ Новгородци противу желѣзнаго полку великіе свиніи въ лице, а князь Домонтъ съ Псковичи съ правую сторону, а князь Юрій, князь Костянтинъ, князь Ярополкъ сташа полѣву. И поидоша полци противу себе, и тако съступишася, и бысть бой великъ^г; и ту убиша много посадниковъ и бояръ Новгородскихъ, посадника Михаила, Твердислава Чермнаго, Микифора Рядитина^д, Твердислава Моисѣева, Михаила Кривцева, Ивача, Бориса Илдятина, брата его Лазаря, Ратшу, Василия Воиборзова, Есипа, Жирослава Дорогомиллова, Парамона подвойского и Полюда, а иные безъ вѣсти бысть: тысячьского Кондрата, Ратислава, Данила, а иныхъ Богъ вѣсть; а черныхъ людей много избіено бысть, а Псковичъ и Ладожанъ много паде. Тоже, братіе, за грѣхы наша казнить насъ Богъ, да быхомъ покаяться; якоже глаголетъ Писаніе: дивно оружіе молитва и постъ, тако милостыня съ постомъ и молитвою совкупися, отъ смерти^е избавляетъ. И паки помянемъ Исаію Пророка, глаголюща: аще хотите послушати мене, благая земная сиѣсте; аще ли не хотите, ни послушаете мене, оружіе вы поясть, уста бо Господня глаголаша сія^ж; и поженеть единъ 100 васъ, а отъ ста побѣгнетъ тма васъ^з. Мы же ту страсть видѣвше, ни мало покаяхомся грѣховъ своихъ, но на горшая възвращаемся. Бывшю же великому тому снятію, добрые же люди начаша

а) въ новгородѣ съ полкы» съ полкы въ новгородѣ съ новгородци К. О. б) изискаша» изиска вездѣ кромѣ К. О. в) ярославичъ» александровичъ *ошибк. во всѣхъ сп.*; см. ниже повтореніе имени сего князя, также Карамз. IV, прим. 125, и Строева въ Ключъ къ Ист. Гос. Росс. роспись XIII, степень 12. г) и бысть бой великъ» и тако бысть велико побоище К. О. д) твердислава. . . рядитина» пропущено въ К. е) совкупися отъ смерти» съвокупится, отъ смерти челоуѣка О. ж) Исаіи I, 19, 20. з) Левит. XXVI, 8.

молитися, глаголюще: «Боже! призри на ны милосерднымъ си окомъ, послѣ^а на насъ ми-¹²⁶⁸лостъ свою, покажи насъ милуя, отъврати ярость свою отъ насъ, да не злѣ умремъ, якоже реклъ еси: не хоцю смерти грѣшникомъ^б; отъврати отъ насъ праведный си гнѣвъ свой.» Силою креста честнаго, и помощію святыхъ Троица и святыхъ Софіи, и молитвами пресвятыхъ Владычица нашея Богородица Приснодѣвы Марія и всѣхъ святыхъ, пособи Богъ князю великому Дмитрею и князю Доманту, и Новгородцемъ и Псковичемъ надъ Нѣмци, мѣсяца февраля въ 18 день, на память святаго отца Лва, въ субботу сыропустную; Нѣмецкыя полкы побѣгоша^в, и гониша Нѣмецъ до города до Раковора, на три пути гонили ихъ, а на семи верстѣ били Нѣмецъ, яко не мочи ни коневѣ^г трупіемъ^д скочити. И тако въспятишася отъ града и узрѣша ины полкъ великъ, который бѣше проразился^е въ возники въ Новгородскія; великій же князь Дмитрій хотѣ на нихъ ударити, князи же рекоша ему: «уже есть, господине, къ ночи; егда како смятемя и побиемя сами,» и тако сташа близъ противу себе, ожидающе свѣта; и тако окааннїи преступницы крестнаго цѣлованія^ж, не дождавше свѣта и побѣгоша. Великій же князь Дмитрей со всѣми князи стоя 3 дни на костѣхъ, и тако поидоша къ Великому Новгороду веѣ князи здравы; князь же Домонтъ проиде землю непроходимую, и иде на Вируяны и плѣни землю ихъ и до моря, и Поморіе повоева, и паки възвратися со множествомъ полона въ землю свою. И славна бысть земля ихъ во всѣхъ странахъ, страхомъ и грозюю и храборствомъ великого князя Дмитрія, и зятя его князя Домонта и всѣхъ князей Русьскихъ.

Въ лѣто 6777. Придоша Нѣмци въ силѣ велицѣ подъ Псковъ, въ недѣлю на Всѣхъ Святыхъ, и приступиша къ городу и не успѣша ничтоже, но большую рану въсприша; и стояша у города 10 днѣй. Съ Новгородци же князь Юрій погонися по нихъ, инии на конѣхъ, а инии въ насадѣхъ, и поѣхаша вборзѣ по нихъ; они же услышавше великого князя Юрія со множествомъ вой его, и побѣгоша за рѣку. Князь же великій пріѣха съ Новгородци подъ Псковъ, и взя миръ чрезъ рѣку на своей^з воли. Того же лѣта пріѣха князь Ярославъ въ Новгородъ, и нача имъ говорити: «мужи мои, а ваши братія побиты, а вы разратилися съ Нѣмци» на Жирослава Давыдовича, да на Михаила на Мишинича, да на Олферія Сбыславича, держа на нихъ нелюбіе, хотя ихъ лишити волостей. Новгородци же сташа за нихъ, князь же хотяше ѣхати съ города, Новгородци же биша челомъ князю Ярославу: «княже! тѣмъ гнѣва отдай, а отъ насъ не ѣзди», еще бо бяху недобрѣ умирилися съ Нѣмци; князь же того не послуша и поѣха^и прочь, Новгородци же послаша за княземъ владыку^и съ болшими бояры съ челобитіемъ, и вортиша князя Ярослава съ Броннича. Тогда же даша тысячское Ратибору Клюковичю^к, по княжей воли. Того же лѣта, на зиму, князь Ярославъ съдумавъ съ Новгородци, и посла князя Святъслава на Низовскую землю полковъ сбирати. Онъ же совкупи силу многу, и пріѣде съ ними въ Новгородъ, бяхе бо съ ними баскакъ великій Володимерьскій, именовъ Амраганъ, и хотѣ ити на городъ Нѣмецскій Колывань; и увѣдавше Нѣмци, прислаша послы своя съ челобитіемъ, глаголюще: «челомъ біемъ, господине, на всей твоей воли, а Неровы всее отступаемся», и тако взя миръ съ Нѣмци. Князь же хотѣ ити на Корѣлу, и биша челомъ Новгородци князю Ярославу, и едва умолиша его

а) послѣ « съсли (сосли) вездѣ кромѣ К. В. б) Лезек. XXXIII, 11. в) нѣм. полкы побѣгоша « только въ К. О. г) ни коневѣ « на коневѣ Т. Ц. Б. Г. д) ни коневѣ трупіемъ « како въ трупіе испорчено въ В. е) проразился « проразилъ Т. ж) преступницы крест. цѣлованія « крестопреступницы во всѣхъ сп. кромѣ Т. з) на своей « на всей вездѣ кромѣ Т. и) и поѣха « изъ города прибавл. К. О. и) владыку « только въ К. О; см. Новг. перв. Лѣт. III, 61. к) клюковичю « клю(у)ковичю вездѣ кромѣ Т. клюковичю В.

1269 не ити на Корѣлу; князь же отсла полкы назадъ. Того же лѣта преставися князь Дмитрей,
—70 сынъ Святъславль, постригся въ чернцы и въ скиму отъ епискупа Ростовскаго. Ту же сущю князю Глѣбу и матери его княгыни Маріи, сѣдящимъ у него, оному же уже языкъ связался, и възрѣвъ на епискупа Игнатія и рече: «господине отче владыко! исполни Богъ трудъ твой въ царствіи небеснѣмъ; и се мя еси^а подкрутилъ^б на долгій путь и на вѣчная лѣта;» и по семъ предасть душу свою Господеви, и погребоша его въ Юріевѣ, въ^в монастырѣ у святаго Михаила.

Въ лѣто 6778. Бысть мятежь въ Новѣгородѣ, хотяще князя Ярослава сгонити съ Новгорода, и созвониша вѣче^г на Ярославлѣ дворѣ, и убиша Иванка, а иніи вбѣжаша въ Николу святаго; и заутра побѣгоша ко князю на Городище тысячскій Ратиборъ и Гаврило Кіаниновъ, и иніи пріятели его съ ними^д бѣгоша, а дворы ихъ разграбиша и хоромы разнесоша. А ко князю на Городище послаша, исписавъ на грамоту всю вину его: «княже! чему еси отнялъ Волховъ гоголными ловци, и поле еси отъялъ заячьими ловци? чему еси взялъ Олексинъ дворъ Мордѣкина? чему еси поималъ серебро на Микифорѣ на Манущинѣ, и на Романѣ Болдыжовѣ, и на Варфоломѣи? чему отъ насъ выводилъ иноземци, кои у насъ живутъ?» а того много вины его; «а нынѣ, княже, не можемъ терпѣти твоего насилія, поѣди отъ насъ прочь, а мы себѣ князя добудемъ.» Князь же присла на вѣче князя Святъслава, а Ондрѣя Воротиславича съ поклономъ: «того всего лишаюся, а крестъ цѣлую на всей воли вашей.» Новгородци же даша отвѣтъ: «княже! поѣди прочь, а тебя не хотимъ, или идемъ весь Новѣгородъ, да прогонимъ тебе;» князь же поѣха изъ города. Новгородци же послаша по князя по Дмитрія Александровича, князь же Дмитрей отречеса, рекъ тако: «не хоцю взяти стола подъ стрьемъ^е своимъ.» И быша Новгородци печальни, а князь Ярославъ нача полкы копити на Великій Новѣгородъ, и бѣ послалъ ко царю въ орду Ратибора, просячи помочи. Се услыша князь Василей Ярославичъ, и присла послы своя въ Новѣгородъ, рекъ тако: «кланяюся Богу и святѣй Софіи, и мужемъ Новгородцемъ; слышалъ есмь, яко князь Ярославъ идеть ратію на Новѣгородъ со всею силою своею, и князь Дмитрей съ Переяславци, а князь Глѣбъ съ Смоленяны; но жаль ми своее вотчины.» И поѣха въ орду ко царю князь Василей, поима съ собою Петрила Рычага да Михаила Пиняцинича, и възврати рать Татарскую, рекъ тако цареви: «Новгородци прави, а князь Ярославъ виноватъ;» уже бо бяше отпустилъ царь рать на Новѣгородъ, по Ратиборову лживому посольству, реклъ бо Ратиборъ царю: «Новгородци тебе не слушаютъ, а князь Ярославъ тебѣ^ж дани просилъ, и они насъ выгнали, а иныхъ избили, а князя Ярослава безчествовали.» Новгородци же слышавше, яко идеть на нихъ князь Ярославъ ратію, они же учиниша около города острогъ по обѣ стороны, а товаръ ввозиша въ городъ^з; и пригониша сторожи Ярославли безъ мала^и до Городища, и выидоша Новгородци въ оружїи отъ мала и до велика къ Городищу, и стояша два дни пѣши за Жилотугомъ, а конники за Городищемъ. И то увѣдавъ князь Ярославъ, поиде на ону сторону озера^к къ Русѣ, и сѣде въ Русѣ; а въ Новѣгородъ присла творити мира^л: «что вашего нелюбія того всего лишуся, а князи вси за мене поручаются.» Новгородци же къ нему послаша Лазаря Моисѣевича: «княже! сдумалъ еси на святую Софію; поѣди ратію сѣмо, али изомремъ^л за

а) еси • господине *прибавл.* Ц. Б. Г. б) подкрутилъ • покрутилъ *вездѣ кромѣ* Т. Ц. в) въ • *пропущено* въ Ц. К. О. В. г) вѣче • вѣчь Т. В. д) съ ними • съ нимъ *во всѣхъ сп. кромѣ* К. О. е) подъ стрьемъ • передъ стрьемъ К. О. ж) тебѣ • у нихъ *прибавл.* Ц. з) въ городъ • весь въ новгородъ К. весь въ городъ О. и) безъ мала • безъ дѣла К. О. і) озера • *иьтъ въ* К. к) творити мира • *такъ во всѣхъ сп.; въ Новг. перв. Лѣт. (т. III, стр. 62) творимира.* л) изомремъ • *честно прибавл.* К. О.

святую Софію; а у насъ^а князя нѣтъ, но Богъ и правда и святая Софія, а тебе не хотимъ.»¹²⁷⁰
 И съвкупишася въ Новѣгородъ вся власть Новгородская, и Псковичи, и Ладожани, и Ко-^{—72}
 рѣла, и Ижера, и Вожане, и идоша въ Голино отъ мала и до велика, и стояша недѣлю на
 броду, а Ярославля рать объ ону сторону рѣкы. И присла митрополитъ грамоту въ Новѣго-
 родъ, рекъ тако: «мнѣ поручилъ Богъ архіепискупію въ Русьской земли, и вамъ послушати
 Бога и мене митрополита; и вы крови не проливайте; а князь Ярославъ всего лишается, а
 язъ за то поручаюся; аже будете и крестъ цѣловали, а азъ за то приму опитимію и отвѣ-
 щаю предъ Богомъ.» И не вда Богъ пролитія крови христіаномъ, и присла князь Ярославъ
 съ поклономъ въ Новгородскія полкы^б, и взяша миръ на всей воли Новгородской; и поса-
 диша князя Ярослава на столѣ. Того же лѣта, на зиму, иде князь Ярославъ въ Володимерь,
 и отътолѣ иде въ орду, а въ Новѣгородѣ остави Андрѣя Воротиславича, а Псковичемъ далъ
 князя Айгуста. Того же лѣта убіенъ бысть князь Романъ Ольговичъ Рязанскій отъ поганыхъ
 Татаръ; и бысть сиче убіеніе его: заткоша уста его убрусомъ, и начаша рѣзати его по су-
 ставамъ и метати разнo, и яко разоимаша, и остася трупъ единъ, они же одраша главу его
 и на копіе взоткоша. Сей новыи мученикъ есть, подобенъ страстію Якову Перьскому^в. О
 возлюбленіи князи Русьстии! не прелщайтесь пустошною славою свѣта сего, еже хуждше
 паучины есть, яко сѣнь мимоидеть; не принесосте^г бо ничтоже на свѣтъ сей, ни отнести
 что можете^д; да не обидите меньшихъ сихъ сродниковъ своихъ, ангели бо ихъ воину^е видять
 лице Отца вашего, иже есть на небесехъ; възлюбите чистоту и правду^ж, да радости святыхъ
 сподобитесь, якоже сій князь блаженный Романъ купи страстію царство небесное и вѣнецъ
 пріятъ отъ руки Господня, съ сродникомъ своимъ княземъ Михаиломъ Черниговскимъ. Убіенъ
 же бысть мѣсяца іюля въ 19 день.

Въ лѣто 6779. Померче солнце, пятая недѣли поста^з въ среду^и, и паки наполнися и
 ради быхомъ. Останокъ же собрашася поганая Латына, и пришедше тайно, взяша съ украины
 нѣколько Псковскихъ сель, и възвратшася вскорѣ. Боголюбивый же князь Домонтъ не
 терпя обидимъ быти отъ нападанія безбожныхъ Латинъ, и выѣха въ погоню не со многими
 людми, въ пяти насадѣхъ, съ шестіюдесять мужъ Псковичъ; Божією помощію, святыя Троица,
 и святого великого побѣдоносца и славнаго¹ мученика Христова Георгія, и молитвою право-
 вѣрнаго великаго князя Всеволода, побѣди Нѣмецъ 8 сотъ, на рѣцѣ на Мироповнѣ, а два
 насада побѣгоша на иныя острова. Князь же Домонтъ ѣхавъ, зажже островъ, и пожже подъ-
 травою ихъ, а иніи побѣгоша, а власи^к имъ горять^л, а инѣхъ изсѣкоша, а иніи истопоша въ
 водѣ. Князь же Домонтъ възвратися въспять, въ градъ Псковъ прииде, и вси съ нимъ здрави
 придоша, и бысть радость велика въ градѣ. Бысть же се мѣсяца априля въ 23 день, на
 память святаго славнаго побѣдоносца великаго мученика Христова Георгія.

Въ лѣто 6780. Преставися великій князь Ярославъ Ярославичъ Новгородскій въ ордѣ,
 и привезоша его въ Русьскую землю, и положиша его во Тѣбри у святыхъ чудотворецъ^м

а) а у насъ» а нынѣ у насъ Ц. б) съ поклономъ . . . полкы» въ новгородъ новгородскыя полкы К.
 съ поклономъ въ новгородъ новгородскыя полкы *ошибк.* О. в) перьскому» нересескому Т. г) не
 принесосте» не принесеть Т. д) можете» можеть Т. е) воину» выину (выну) *во всѣхъ сп. кромѣ* Т. О.
 ж) чистоту и правду» чисту правду Т. К. з) поста» святаго *прибавл.* Т. и) въ среду» утрѣ (утра)
прибавл. К. О. *Въ Новг. перв. Лѣт. т. III, стр. 62, читается* померче солнце, въ 5-ю недѣлю поста,
 средѣ утра; *по другому сп. тамъ же (въ вариантахъ)* въ недѣлю 5 недѣли поста, въ полъутра. і) и
 славнаго» чудотворца *прибавл.* Б. Г. В. к) власи» главніи *прибавл.* Ц. Б. Г. В. л) горять» ижжени К.
 зажжени О. м) у святыхъ чудотворецъ» у святыю чудотворцу К. О.

1272 Козмы и Даміана. Преставися сынъ его, князь Михайло Ярославичъ. По великомъ князи
 —73 Ярославѣ сѣде на столѣ братъ его князь Василій^а Костромскій. Слышавъ местеръ земли
 Ризьскія^б таковое мужество князя Доманта, и совкупи множество вой своихъ, и ополчися въ
 силѣ тяжцѣ, безъ Божія повелѣнія; и приде къ Пскову граду въ кораблѣхъ и въ лодіяхъ,
 и на конѣхъ съ пороки, хотя плѣнити домъ^в святыя Троица, а князя Доманта руками по-
 имати, а мужей Псковичъ^г изсѣщи, а иныя люди Псковскія непротивящаяся, жены и дѣти,
 въ полонъ свести^д. Слышавъ же се князь Домонтъ ополчающаяся люди безъ ума во множе-
 ствѣ силы, и вниде въ церковь святыя Троица и положи мечъ свой предъ олтаремъ Господ-
 нимъ, падъ моляшеся много съ плачемъ, сице глаголя: «Господи Боже силъ! мы людіе твои,
 овца пажити твоя, имя твое призываемъ; призри на кроткыя люди своя и смиренныя възвы-
 си, а гордыя, высокія низложи мысли ихъ, да не опустѣетъ пажить овецъ твоихъ.» Вземше^е
 игумень Сидоръ его мечъ, и весь ерейскій чинъ, и препоясавше князя мечемъ, и благосло-
 виша его и отпустиша. Князь же Домонтъ въ множествѣ ярости мужества своего не дождавъ
 полковъ Новгородскихъ, съ малою дружиною, съ мужи Псковичи выѣха, Божіею помо-
 щію и святыя Троица побѣди Нѣмецъ^ж, избилъ вся полкы ихъ, самага же местеря мечемъ
 своимъ рани по лицу; они же много мертвыхъ своихъ болшихъ воеводъ накладоша многы
 корабля, и везоша въ землю свою, а останокъ ихъ възвратишася на побѣгъ^з. Бысть же се
 мѣсяца іюня^и въ 8 день, на память святаго великомученика Θεодора Стратилата. Князь же
 Домонтъ со Псковичи приде въ градъ Псковъ, вси сохранени Богомъ и святою Троицею.
 По временѣхъ же нѣколицѣхъ княженія его, начаша поганая Латыша насиліе дѣяти надъ
 Псковичи, нападеніемъ и работою ихъ; боголюбивый же князь Домонтъ, не терпя обидимымъ
 быти отъ поганыя Латыны, ѣха со Псковичи, плѣнилъ землю ихъ и села Чюдская пожже, и
 полоня много привеле въ землю свою. Того же лѣта посла князь великій Дмитрей послы
 своя въ Новгородъ съ поклономъ^і, хотя сѣсти на столѣ въ Новгородѣ, а князь Василей
 Ярославичъ такоже присла, хотя сѣсти въ Новгородѣ на столѣ, и сташа оубо послы на
 дворѣ на Ярославлѣ; Новгородци же съ посадникомъ Павшею яшася за князя Дмитрея, и
 послаша по него послы своя.

Въ лѣто 6781. Приѣха князь Дмитрей Александровичъ въ Новгородъ, и сѣде на столѣ
 мѣсяца октября въ 9 день. Того же лѣта приходи князь Василей Ярославичъ Костромскій
 къ Торжку, и пожже хоромы, и посади своего намѣстника, а самъ поиде назадъ на Костро-
 му; а князь Святославъ Тѣрскій^к нача воевати волости Новгородскыя, Волокъ, Бѣжичи,
 Вологду, и много повоева. Тое же зимы великій князь Дмитрій Александровичъ съ Нового-
 родци и со всею областію Новгородскою поиде ко Тѣри, а ко князю Василію Ярославичю
 посла Семена Михайловича, Лазаря Моисѣевича, Степана Душилова^л: «что еси поималъ во-
 лости Новгородскія, и ты то отдай назадъ, а со мною миръ возми.» Князь же Василей послы
 отпусти съ честію, а мира не да; и яко быша Новгородци въ Торжку, и възмятошася лю-
 діе, и възхотѣша князя Василія Ярославича, великій же князь Дмитрей Александровичъ
 съступися волею стола, и поиде прочь съ любовію. Тогда же отъяша посадничество отъ

а) василій» ярославичъ *прибавл.* К. О. б) ризьскія» римскі(ы)я *вездь кромь* К. в) домъ» дома *ошибк.* Г.
 г) псковичъ» мечемъ *прибавл.* О. д) въ полонъ свести» въ работу вести К. О. е) *вземше»* *взять*
 же К. О. *вземши* В. ж) нѣмецъ» рязанци *ошибк.* К. О. з) възвр. на побѣгъ» *обратишася* на лѣсъ О.
обратишася на побѣгъ К. и) іюня» іюля *ошибк.* К. і) съ поклономъ» *путь въ* Ц. к) тѣрскій» съ
 тѣричи К. О. л) душилова» а ркучи *прибавл.* Ц. Б. Г. В.

Павши, онъ же съ Романомъ бѣжа къ великому князю Дмитрію Александровичу; Нового-1273
родци же посадиша въ Новѣгородѣ на столѣ великого князя Василя Ярославича. —82

Въ лѣто 6782. Преставися архіепископъ Новгородскій Далматъ, мѣсяца октября 21, въ субботу 1 часа^а ноци; погребенъ бысть утрѣ, въ недѣлю, у святыя Софіи. [А въ себя мѣсто благослови имъ отца своего духовнаго Климента; Новгородци же послаша его въ Кіевъ ставитися. К. О.]

Въ лѣто 6783. Въ лѣто 6784. Поставленъ бысть архіепископъ Климентъ Новугороду; приѣха съ Кіева мѣсяца августа въ 2 день^б въ свою епископію, и введоша его въ святую Софію честно весь Новѣгородъ со кресты и съ пѣніемъ; [онъ же сверши святую литургію у богодарованнаго ему престола. К. О.] Того же лѣта, на зиму, преставися князь великій Василій Ярославичъ, и положенъ бысть у святаго Феодора на Костромѣ. Новгородци же послаша послы своя по великого князя Дмитрія Александровича съ челобитіемъ, зовучи его въ Новгородъ на столѣ.

Въ лѣто 6785. Приѣха великій князь Дмитрей Александровичъ Переяславскій въ Новѣгородъ, и посадиша его на столѣ, въ недѣлю Всѣхъ Святыхъ. А князи поидоша въ Татары на Ясы. Того же лѣта преставися князь Борисъ Васильевичъ въ ордѣ; князь же Дмитрей съ матерію^в принесе тѣло отца своего въ Ростовъ.

Въ лѣто 6786. Князь великій Дмитрій Александровичъ, съ Новгородци и съ Низовци, казни Корѣлу и всю землю ихъ взя на щитъ. Того же лѣта великій князь Дмитрій Александровичъ взя Тетяковъ. Того же лѣта преставися князь Глѣбъ Василковичъ; по немъ съдоста въ Ростовѣ два князя, Дмитрей да Костянтинъ.

Въ лѣто 6787. Великій князь Дмитрій Александровичъ сруби городъ Копорію^г. Того же лѣта преставися великій князь Юрій Александровичъ Суздальскій.

Въ лѣто 6788. Великій князь Дмитрій Александровичъ, съ посадникомъ съ Михаиломъ и съ болшими людьми^д, обложи городъ Копорію камень^е.

Въ лѣто 6789. Заратися князь Дмитрей Александровичъ съ Новгородци, Новгородци^ж же послаша къ нему съ челобитіемъ владыку Климента, и не послуша его. Того же лѣта, на зиму, приходи великій князь Дмитрій Александровичъ къ Новугороду ратію, и много повоева волостей Новгородскихъ; и ста на Шелонѣ и сътвори миръ съ Новгородци, и отъиде. Тое же зимы преставися митрополитъ Кирилъ Кіевскій и всея Руси въ городѣ въ Переяславлѣ, мѣсяца декабря въ 6 день; везено же бысть тѣло его въ Кіевъ, и положено въ святой Софіи. Того же лѣта бысть на великого князя Дмитрія Александровича рать Татарская: Кавадый^з и Алчедай пришедъ къ Переяславлю, князя великого не обрѣтоша въ городѣ, градъ и церкви пожгоша, и села Переяславская и Ростовская пограбиша.

Въ лѣто 6790^и. Другая рать бысть на великого князя Дмитрія Александровича, Тура-темеръ и Алынъ; сю же рать приведе князь Андрѣй, братъ великого князя Дмитрія, а съ нимъ въ воеводахъ^и Семень Тониліевичъ^к. Того же лѣта иде въ орду князь Дмитрей Александровичъ ко царю Ногою. Того же лѣта князь Андрѣй Александровичъ съ Семеномъ

а) 1 часа « въ первый часъ К. О. б) день « въ недѣлю *прибавл.* К. О. в) съ матерію « смертію *ошибк.* Б. Г; такъ написано и въ Ц, но потомъ помарано. г) копорію « коронію такъ и ниже *ошибк.* Т. д) людьми « ѣха (ѣхавъ) *прибавл.* К. О. е) камень « каменень К. В. ж) новгородци « *пропущено* въ Б. Г. з) кавадый « кавгадый О. и) въ л. 6790 « въ лѣто 6789 Т. і) въ воеводахъ « воевода ихъ *ошибк.* Т. к) тониліевичъ « такъ въ *Повг. четв. Лѣт. (т. IV, стр. 45); во всѣхъ сп. даниліевичъ (давиліевичъ); см. ниже въ текстъ толгнѣвичемъ.*

1282 Толигнѣвичемъ цареви билъ челомъ на брата своего великого князя Дмитрія Александровича^а, и въздвигну^б рать Татарскуюю. Великий же князь Дмитрей възѣха въ Новгородъ и съ дворомъ своимъ, и поѣха мимо Новгородъ, хотя въ Копорію^в; Новгородци же изидоша вси полкомъ противу ему на озеро великое Илмерь. Великий же князь Дмитрій Александровичъ Копоріи отступися, а Новгородци великому князю путь показаша, а самого не яша, а двѣ дщери его и бояръ его, и съ женами и съ дѣтми, привелоша въ Новгородъ въ таль: «оли^г мужи твои выѣдутъ изъ Копоріи, тоже пустимъ ѱ;» и поѣхаша разнѣ мѣсяца генваря въ 1 день. Того же дни^д князь Домонтъ изгони Ладогу, и изъ Копоріи пойма всю казну князя Дмитрея Александровича, и задраша и Ладожьского^е, и везоша въ Копорію на Василіевъ день. Новгородци же послаша по князя Андрѣя Александровича, а сами идоша въ Копорію; а намѣстници великого князя възѣхаша изъ города, и показаша имъ Новгородци путь, а городъ разрушиша и гору раскопаша. Тое же зимы пріѣха въ Новгородъ великий князь Андрѣй Александровичъ, и посадиша его на столѣ. Тогда же великий князь Андрѣй Александровичъ поиде изъ Новгорода, пойма съ собою Новгородцевъ Семена Михайловича и иныхъ старѣйшихъ бояръ, и иде въ Володимерь, изъ Володимеря же Новгородцевъ пусти назадъ, а самъ иде на Городецъ. И пріѣха Семень Михайловичъ въ Торжекъ, и сѣде въ Торжку засадою, не дадеше внити въ городъ намѣстникомъ великого князя Дмитрія Александровича; а обиліе все провадиша^ж въ Новгородъ въ лодіяхъ.

Въ лѣто 6791. Поидоша Новгородци на великого князя Дмитрія Александровича къ Переяславлю, а великий князь Тѣѣрьскій Святославъ со Тѣѣричи, а великий князь Данило Александровичъ съ Москвичи; великий же князь Дмитрей Александровичъ изиде противу со всею силою своею, и ста въ Дмитровѣ. Князи же и Новгородци не дошедъ Дмитрова за пять верстъ, и стояша ту 5 днѣй близъ себе, ссылающесе послы; и створиша миръ и отъидоша. [Того же лѣта възѣздиша Нѣмци ратию Невою рѣкою въ озеро Ладожьское, и избиха Новгородцевъ Обонискихъ купцевъ; и идоша Ладожане въ Неву рѣку, и бишася съ ними. К. О.] Того же лѣта поставленъ бысть на Русь митрополитъ Гречинъ, именемъ Максимъ. Того же лѣта пріиде изъ орды великий князь Дмитрей Александровичъ отъ царя Ногоя^з, и смирился съ братомъ своимъ княземъ Андрѣемъ Александровичемъ, а Семена убиша.

Въ лѣто 6792. Пріѣха великий князь Андрѣй Александровичъ въ Торжекъ, и позва къ себѣ Новгородскаго посадника Семена со всеми старѣйшими людми, и докончаша миръ, и крестъ цѣлова великий князь Андрѣй къ Новгородцемъ, а Новгородци къ нему, како великому князю Андрѣю Александровичу не съступатися Новгорода, а Новгородцемъ не искати иного князя, животъ или смерть великому князю Андрѣю съ Новгородци, а Новгородцемъ съ нимъ;» и отпусти Новгородци назадъ, а самъ поиде на Низъ^и, и тамо ѣхавъ съступился брату своему стола Великого Новгорода князю Дмитрею Александровичу. *Дальше см. Повг. перв. Лпт., стр. 64, отъ словъ:* того же лѣта воевода Нѣмецкіи Трунда . . . Юкыма и Анны; *сіе мѣсто находится только въ К. О.* Того же лѣта, на зиму, пріиде великий князь Дмитрей Александровичъ съ братомъ своимъ со княземъ Андрѣемъ ратию къ Новгороду, и

а) алексе.; затѣмъ ошибк. въ Ц. Б. Г. прибавлено и задраша и ладожанъ (ладожь); см. сіи слова ниже.

б) и въздвигну» и въздвигнувъ Т. въздыну К. О. в) въ копорію» въ корорію такъ въ нѣкоторыхъ мѣстахъ и ниже Т. г) оли» оже ли Ц. д) дни» лѣта Ц. е) пойма . . . ладожьского»; въ Повг. перв.

Лпт. (т. III, стр. 64) это мѣсто читается такъ изгони домонтъ ладогу изъ копоріа, и поимаша весь товаръ дмитреевъ, и задроша и ладоского. ж) провадиша» провади К. О. з) ногоя» ногая К.

и) поиде на низъ» поиде на нихъ рати копити О.

съ Тотары и со всею Русьскою^а землею, и много зла учиниша и волости пожгоша; и при-¹²⁸⁴
шедше сташа на Корицьскѣ, и сътвориша миръ, и сѣде великій князь Дмитрій Александровичъ въ Новѣгородѣ на столѣ своемъ. —⁹³

Въ лѣто 6793. Приѣха въ Новѣгородъ митрополитъ Кіевскій и всея Руси Максимъ, владыка же и Новгородци сътвориша ему честь велику. [Тое же зимы Литва воеваша волость Новгородскую^б, и много зла учиниша, и отъидоша. К. О.] Того же лѣта преставися князь Романъ Володимеричъ Угличскій. Князь же великій Андрѣй Александровичъ приведе царевича изъ орды, и много зла сътвори христیانомъ; великій же князь Дмитрей Александровичъ сочтався съ братією своею^в, царевича прогна, а боярь княжихъ Андрѣевыхъ изнима.

Въ лѣто 6794. Князь Дмитрій и князь Костянтинъ раздѣлиста себѣ отчину свою, князю Дмитрію Угличе поле, а князю Костянтину Ростовъ. Того же лѣта родися князю Костянтину сынъ Александръ, а князю Дмитрею родися сынъ Михайло.

Въ лѣто 6795. [Бысть мятежъ великъ въ Новѣгородѣ. К. О.]. Въ лѣто 6796. Преставися Игнатей епискупъ Ростовскій, великій чудотворецъ.

Въ лѣто 6797. Ходи великій князь Дмитрей Александровичъ ко Тѣбри ратию, позва съ собою Новгородцевъ, и идоша Новгородци съ посадникомъ Андрѣемъ; ратнии же пожгоша волости ихъ, и миръ взя князь великій и отъиде. А князь Дмитрей Ростовскій нача вѣдати всю свою отчину, и ходи къ Кашину ратию. Тое же зимы преставися Семеонъ епискупъ Тѣбрьскій^г.

Въ лѣто 6798. Бысть знаменіе въ луиѣ: явися акы кровава, и потомъ преложиися во тму. Того же лѣта заратшася Татарове, царь Токта съ царемъ Телебугою и съ Ялгуемъ, и поможе Богъ Тохтѣ. Того же лѣта поставленъ бысть Андрѣй епискупъ Тѣбрьскій.

Въ лѣто 6799. Въ лѣто 6800. Преставися у великого князя у Дмитрея сынъ князь Александръ въ ордѣ. [Того же лѣта ходиша Новгородци съ воеводами великого князя Дмитрія Александровича воевати на Нѣмецкую землю, и повоеваша много, и приидоша всѣ здорови. Того же лѣта приходиша Нѣмци Свѣйскые, 800 ихъ, воевати Новгородскихъ волостей, а 400 ихъ идоша на Корѣлу, а 400 идоша на Ижеру; Корѣляне же избиша своихъ, а Ижеряне своихъ, а иныхъ руками яша. К. О.]

Въ лѣто 6801. [Приѣхаша^д Свѣи и поставиша городъ на Корѣльской земли. К. О.] Билъ челомъ князь Андрѣй Александровичъ цареви, со ииѣми князи Русьскими, на брата своего великого князя Дмитрія Александровича съ жалобами; царь отъпусти брата своего Дюдены^е со множествомъ рати на великого князя Дмитрія Александровича. Они же много пакости учиниша христیانомъ, и много городовъ поимаша, Володимерь, Москву, Дмитровъ, Волокъ, Переяславль, а иныхъ всѣхъ 14 градовъ взяша и всю землю пусту сътвориша; а великій князь Дмитрій Александровичъ съѣха въ Псковъ. Новгородци же послаша Семена Климовича^ж ко царевичю Дюдению^з съ дары на Волокъ, Дюдень же вспяти рать свою съ Волока, а ко князю Андрѣю Александровичу Новгородци послаша же съ челобитіемъ, зовучи его на столъ; и князь Андрѣй Александровичъ свою^и рать въспяти, а самъ приѣха въ Новѣгородъ

а) русьскою « пизовскою К. О. б) вол. новгородскую « волости новгородскыя К. в) своею « *пропущено въ Т.* г) тѣбрьскій « ростовскій *во всѣхъ сп. кромѣ К. О.*; см. *Новг. четв. Лѣт. т. IV, стр. 44.* д) приѣхаша « приѣха *ошибк.* К. О. е) дюдены « дедюня *вездѣ кромѣ К. О.* ж) климовича « климентьевича К. з) дюдению « дедюню *такъ и ниже В.* и) свою « и свою К. О.

1293 и сѣде на столѣ, въ недѣлю сыропустную. [Того же говѣня великій князь Андрѣй Александровичъ посла князя Романа Глѣбовича съ Новгородци, съ малыми вои, къ городу Свѣйскому, и приступиша къ нему въ вторникъ на Похвалной недѣли, и бишася крѣпко; но города не взяша, а сами^а язвени мнози быша, и придоша въсвоеси. К. О.] Того же великого^б говѣня^в, князь великій Андрѣй Александровичъ, съ посадникомъ Андрѣемъ и съ большими людьми, иде въ Торжекъ переимати великого князя Дмитрія Александровича, брата своего; а великій князь Дмитрей Александровичъ бѣжа изъ Пскова во Тѣбрь, и присла въ Торжекъ владыку Тѣбрьскаго и князя Святослава съ поклономъ ко князю Андрѣю, брату своему, и къ Новгородцемъ, съсылаючися послы, и взяша миръ, а Волокъ опять Новгороду.

Въ лѣто 6802. Князь великій Андрѣй Александровичъ посла посадника изъ Торжку въ Новѣгородъ, а самъ поиде на Низовскую землю. Того же лѣта князь Дмитрій Александровичъ, на Волоцѣ, постригся въ чернцы и преставися, и везоша его въ Переяславль, и положиша его въ святомъ Спасѣ, а княживъ лѣтъ 20 безъ дву; и по немъ сѣде братъ его князь Андрѣй Александровичъ. Того же лѣта преставися князь Дмитрей Ростовскій, а по немъ сѣде князь Костянтинъ Борисовичъ, братъ его. Въ Ярославлѣ на княженіи сѣде князь Ѳеодоръ^г, а князь Александръ Костянтиновичъ на Угличѣ полѣ. [Того же лѣта постави Титъ Мановичъ^д городокъ отій, на сей сторонѣ Неревы рѣкы; Новгородци же шедше городокъ пожгоша, и село великое Титово пожгоша, а товаръ его поимаша весь и отъидоша. К. О.]

Въ лѣто 6803. Великій князь Андрѣй Александровичъ иде въ орду со княгынею. [Того же лѣта поставиша Свѣйскыя Нѣмци городъ въ Корѣлѣ, съ воеводою своимъ Сигомъ; Новгородци же шедше городъ раскопаша, а Сига убиша, и не упустиша ниодного ихъ. К. О.]

Въ лѣто 6804. Бысть нелюбіе межѣ князей Русьскыхъ, княземъ великимъ Андрѣемъ, и братомъ его княземъ Даниломъ Александровичемъ Московскимъ, и княземъ Иваномъ Переяславскимъ, и великимъ княземъ Михаиломъ Тѣбрьскимъ. Прииде посолъ изъ орды отъ царя^е Иврюй^ж; а тогда^з бысть сѣздъ всѣмъ княземъ великимъ въ Володимери, великому князю Андрѣю Александровичю, и князю Ивану Переяславскому, и Ѳеодору Ярославскому, и князю Костянтину Борисовичу Ростовскому, а противусташа великій князь Данило Александровичъ Московскій и братъ его князь Михайло съ Переяславци, и подѣлишася великимъ княженіемъ. Владыко же Семеонъ и владыка Измайло сведоша ихъ въ любовь, и за малымъ Богъ упаслъ кровопролитія, и разѣхашася каждо въсвоеси по здраву.

Въ лѣто 6805. Князь Александръ Глѣбовичъ взя лестію подъ отцемъ княженіе Смоленское^и. Того же лѣта Новгородци поставиша градъ Копорію камень.

Въ лѣто 6806. Великій князь Андрѣй Александровичъ поѣха въ Переяславль, великій же князь Данило Московскій и¹ братъ его князь Михайло не съступишася Переяславля ему; онъ же ѣха въ Новѣгородъ. Того же лѣта князь Ѳеодоръ Ярославскій^к собра воя многи, и иде ратию къ Смоленску на сыновца своего князя Александра^л; и бися по многи дни у града и не взя его, бѣ бо крѣпокъ велми, и възвратися къ Ярославлю.

а) а сами « а сими (а съ ними) *ошибк.* К. О. б) великого « *нѣтъ въ* К. О. в) говѣня « говѣйна В. г) Ѳеодоръ « ростиславичъ *прибавлено на полѣ въ* Ц. д) О Титмановичъ *см. Новг. перв. Лѣт. III, 66, въ примѣчаніи.* е) отъ царя « олекса (олекрса) *прибавлено во всѣхъ сп., а въ Т сіе слово подмѣщено.* ж) иврюй « и неврюй К. О. з) а тогда « а то Т. и) взя. . . смоленское « иде въ орду съ княгынею Ц. Б. Г. і) и « *нѣтъ въ* К. О.; *должно читать* князь данило московскій, братъ его, и князь Михайло. к) ярославскій « переславскій В. л) Александра « глѣбовича *приписано на полѣ въ* Ц.

Въ лѣто 6807. Преставися архіепискупъ Новгородскій Климентъ, и положенъ бысть въ 1299 притворѣ у святыя Софіи; [по преставленьи же его Новгородци възлюбиша мужа назнамена³⁰² Богомъ, именемъ Θεоктиста, и введоша его въ владыченъ дворъ, дондеже увѣдають гдѣ митрополитъ. К. О.] Того же лѣта изгониша Нѣмци посадь у Пскова, мѣсяца марта въ 4 день, и многихъ избиша, а инии въ градъ вбѣгоша, монастыри же пожгоша. Въ утрѣи же день оступиша Нѣмци градъ Псковъ, Домонтъ же съ Иваномъ съ Дорогомиловымъ выѣха на нихъ и побѣди я у святого Петра и Павла на брезѣ^а; и бысть сѣча зла, яко николи же така не бывала у Пскова, овыхъ избиша, а иныхъ раниша, и кумендера раниша по главѣ, а иные метяхуся въ брегъ, а Вельневичъ изъима и посла къ великому князю Андрѣю Александровичу на Русь, а прочіи вскорѣ повергше^б оружія побѣгоша^в, страхомъ и грозою мужества его. Того же лѣта приѣха Максимъ митрополитъ и сѣде въ Володимери^г. Того же лѣта преставися князь Домонтъ Псковскій, маія въ 20, и положиша его у святыя Троицы, иже много тружався за домъ святыя Троица и за домъ святыя Софіи, за Великій Новѣгородъ и за Псковъ. Того же лѣта преставися князь Θεодоръ Ярославскій, сентября въ 19 день.

Въ лѣто 6808. Приѣха Максимъ митрополитъ въ Новѣгородъ, а съ нимъ приѣха епискупъ Ростовскій Семеонъ и епискупъ Тѣфрскій Андрѣй, и поставиша архіепискупа Великому Новугороду Θεоктиста; знаменаша его въ церкви святого Бориса и Глѣба митрополитъ съ епискупы и съ игумены, мѣсяца іюня въ 29, на память святою апостолу Петра и Павла, поставиша его въ святой Софіи, [и святою литургию свершиша, и праздникъ свѣтелъ свершиша. К. О.] Того же лѣта придоша изъ заморія Нѣмци Свѣйскыя въ силѣ велицѣ въ рѣку въ Неву, и приведоша съ собою мастера хитрыя, изъ великого Рима и отъ папы^д мастера приведоша нарочиты, и поставиша городъ надъ Невою на усть Охть рѣкы, и утвердиша его твердостію несказанною, и поставиша въ немъ пороки, и похвалившеся окаанніи нарекоша его Вѣнецъ земли; бѣ бо съ ними намѣстникъ королевъ, именемъ Ламаскалка^е, и посадиша въ немъ мужа нарочитыя съ воеводою ихъ Стенемъ, а сами отъидоша въ свою землю, князю же великому Андрѣю Александровичу не сущу тогда въ Новѣгородѣ.

Въ лѣто 6809. Приде великій князь Андрѣй Александровичъ въ Новѣгородъ со всею силою своею, и иде съ Новгородци къ городу тому, и приступиша къ нему мѣсяца маія въ 18 день, на память святого Патрикѣя^ж, и начаша битися крѣпко; помощію же Божіею, и святыя Софіи, и святою мученику Бориса и Глѣба, твердость та бысть ни вочто же за високоуміе ихъ, зане всеу трудишася безъ Божія повелѣнія; градъ ихъ взятъ бысть, овыхъ избиша, а иныхъ изсѣкоша, а иныхъ связавше ведоша изъ града, а градъ запалиша огнемъ, а гору раскопаша. [Но покой, Господи, душа ихъ въ царствіи въ небесномъ, иже у града того головы своя положиша за святою Софію; а великому князю Андрѣю Александровичю умножи, Боже, лѣтъ. К. О.] Того же лѣта бысть буря велика въ Ростовѣ, 4 церкви изъ основанія выверже, а съ иныхъ верхи срывало; бысть же се іюля въ 6.

Въ лѣто 6810. Преставися князь Иванъ^з Переяславскій, мѣсяца маія въ 15, а Переяславль

а) на брезѣ» на березѣ *вездѣ кромѣ* Г. б) повергше» повергоша Г. в) побѣгоша» и устремишася на побѣгъ К. О. г) въ волод.» мѣсяца апріля въ 18 день *прибавлено во всѣхъ сп.; но это число относится къ другому событію, а не къ пріѣзду митрополита Максима въ Володимерь. См. подг 6807 годомъ Новг. перв. и четв. Лѣт. т. III, 66 и IV, 46).* д) изъ великого рима и отъ папы» изъ рима изъ великаго отъ папы К. е) ламаскалка» ламъмаскал(ъ)ка (ламамъскалка) *въ прочихъ сп. кромѣ В; о семъ словѣ см. Новг. перв. Лѣт. т. III, стр. 67, въ примѣчаніи.* ж) патрикѣя» въ пятокъ, предъ шествіемъ святого духа *прибавл. К. О. з) иванъ» дмитріевичъ прибавлено на полѣ въ Ц.*

1302
-308 взя за себе великій князь Данило Александровичъ Московскій^а, и намѣстници свои посла на Переяславль, а княжи Андрѣвы намѣстници сбѣжали съ города. Того же лѣта заложивша городъ камень Новугороду. [Того же лѣта Новгородци послаша послы своя за море въ Доньскую^б землю, и миръ докончаша на всей воли. К. О.] Того же лѣта великій князь Андрѣй Александровичъ въ орду поиде ко царю.

Въ лѣто 6811. Преставися князь Борисъ Ондрѣевичъ, февраля въ 26. Того же лѣта преставися князь Данило Александровичъ^в великій Московскій, марта 4.

Въ лѣто 6812. Преставися великій князь Андрѣй Александровичъ, внукъ великого князя Ярослава Всеволодича, мѣсяца іюля въ 27^г; пострижесе въ черньци и въ скиму, положенъ бысть на Городцѣ, а бояре его ѣхаша во Тѣбрь. И съпростася два князя о великомъ княженіи, князь великій Михайло Ярославичъ Тѣбрьскій и великій князь Юрій Даниловичъ Московскій, и поидоша въ орду въ спорѣ; и много бысть замятни въ Суздальской земли и во всѣхъ градѣхъ. А въ Новѣгородъ выслаша^д Тѣбричи намѣстници великого князя Михайловы силою, Новгородци же ихъ не пріяша, но идоша въ Торжекъ Новгородци города блюсти; и съвокупиша всю землю^е, събылающеся послы, и разѣхашася, докончаша миръ до пріѣзда князей. Того же лѣта великій князь Иванъ Даниловичъ пріѣде въ Переяславль, и сѣде на великомъ княженіи. *Далѣе подѣ тѣмъ же годомъ см. Новг. четв. Лѣт., стр. 46, отъ словъ:* Бой бысть князю Ивану . . . ратью въ Тѣбрь.

Въ лѣто 6813. Великій князь Михайло Ярославичъ Тѣбрьскій пріиде изъ орды, и сѣде на великое княженіе, и ходи къ Москвѣ, и взя съ великими князи съ Даниловичи миръ. Тое же зимы преставися Максимъ митрополитъ Кіевскій и всея Руси, декабря въ 16. Того же лѣта преставися князь Александръ Даниловичъ. А отъ Михаила великого князя княженія до Таитемеревы рати 10 лѣтъ. А въ Новѣгородѣ въ Нижнемъ черныи люди побилы бояръ; князь Михайло Андрѣевичъ^ж, изъ орды пріѣхавъ въ Новѣгородъ Нижній, изби вѣчниковъ.

Въ лѣто 6814. Въ лѣто 6815. Сѣде великій князь Михайло Ярославичъ въ Новѣгородѣ на столѣ, въ недѣлю на Сборъ святыхъ Отець 600 и 30 иже въ Халкидонѣ. Того же лѣта преставися князь Костянтинъ Борисовичъ Ростовскій въ ордѣ. [И на зиму архіепископъ Новгородскій Θεоктистъ выйде изъ владычня двора, по своей воли, своего дѣля нездравія; благослови Новгородъ, иде въ монастырь святыя Богородица Благовѣщенія, изволивъ молчалиное житіе, въ немощи будя. Новгородци же възлюбиша Богомъ избранна именемъ Давыда, съ поклономъ и съ честію посадиша его въ владычнѣ дворѣ; и благослови его архіепископъ Θεоктистъ въ свое мѣсто, и послаша его къ митрополиту ставитися. К. О.]

Въ лѣто 6816. Поставленъ бысть пресвященный Петръ митрополитъ Кіеву и всея Руси. Того же лѣта поставленъ бысть архіепископъ Новугороду Великому Давыдъ, въ Володимери, митрополитомъ Петромъ Кіевскимъ и всея Руси, мѣсяца іюня^з въ 5^и; и пріиде въ Новѣгородъ іюля^и мѣсяца 20^к.

а) взя. . . московскій» приказа дядѣ своему князю данилю (данилу); великій же князь данило александровичъ московскій Ц. Б. Г. В. б) въ доньскую» въ дольную *ошибк.* К; см. *Новг. перв. Лѣт. т. III, стр. 68.* в) александровичъ» ярославичъ *ошибк.* К. О. г) іюля въ 27» на память святаго мученика павтелеймона *прибавл.* К. О. д) выслаша» всылаше В; *въ Новг. перв. Лѣт., стр. 68; правильно* вослаша. е) землю» противу *прибавл.* К. О. ж) андрѣевичъ» ярославичъ *по чищеному написано въ Ц.* з) іюня» іюля *ошибк.* К. и) въ 5» на память святаго мученика никаандра *прибавл.* К. О. і) іюля» іюня *ошибк.* Г. В. к) 20» на память святаго пророка иліи *прибавл.* К. О. *Въ Ц. приписано слѣдующее:* 817 (т. е. въ лѣто) петръ митрополитъ пріиде на русь. того же лѣта казнь была отъ бога на люди, мыши поѣли жито, и бысть гладъ великъ.

Въ лѣто 6817. Въ лѣто 6818. [См. *Новг. перв. Лѣт.*, т. III, стр. 69, отъ словъ: ¹³⁰⁷—14 Ходиша Новгородци . . . ветхый сметавше. К. О.] Родися князю^а Василию Костянтиновичу сынъ Ѳеодоръ Галичскому. Въ ту же зиму, по Крещеніи, Петръ митрополитъ Кіевскій и всея Руси приѣха въ Брянскъ^б, а князь Василей приде ратию Татарьскою ко Брянску на князя Святослава; митрополитъ же Петръ рече Святъславу: «подѣлися, сыну, княженіемъ со княземъ съ Василюемъ, или бѣжи изъ города.» Святъславъ же, надѣяся на мужество свое, рече: «Брянци мя, господине^в, не пустять, хотять за меня головы своя покласти;» и не послуша^г отца своего митрополита, и бився много своимъ дворомъ, и ту убиенъ бысть. Тое же зимы преставися блаженный архіепископъ Новгородскій Ѳеоктистъ, много пострада Богови въ болѣзни, просвѣти же ся лице его акы солнце, яко всѣмъ видящимъ его дивитися и славити Бога; положено же бысть честное его тѣло въ монастыри святаго Благовѣщенія пречистые Богоматере^д.

Въ лѣто 6819. Ходи князь Дмитрей Романовичъ съ Новгородци на Нѣмецкую землю, за море, на Емъ: и переѣхавше море первое взяша Купецкую рѣку, и села пожгоша и въ полонъ поимаша многихъ, и скоты посѣкоша, [и ту убиенъ бысть Костянтинъ Ильинъ сынъ Станимиrowa въ заговѣ. К. О.]; и потомъ взяша Черную рѣку и вси села по Черной рѣцѣ повоеваша, и придоша къ городу Ваная, и городъ взяша и пожгоша, а Нѣмци вбѣгоша въ дѣтинецъ; бѣ градъ той^е крѣпокъ велми, на камени висоцѣ, не имѣя приступа никуды же; и прислаша Нѣмци съ поклономъ къ Новгородцемъ, просячи мира у нихъ, Новгородци же миру имъ не даша, и стояша у града того 3 дни и 3 ноци, волости ихъ воююще, и села великая ихъ пожгоша, и обиліе все потравиша, а скота не оставиша ничтоже; и потомъ взяша, идуши назадъ, рѣку Кавгалу и Перну рѣку, и выидоша на море, и придоша въ Новъгородъ вси поздорову. Князь Дмитрій Михайловичъ Тѣбрьскій собравъ вой многи, и приде ратию на Новъгородъ Нижній на князя Юрія; и не благослови его митрополитъ столъ въ Володимери, онъ же стоявъ 3 недѣли, възвратися въ землю свою.

Въ лѣто 6820. Заратися князь Михайло Ярославичъ съ Новымъгородомъ, и намѣстники своя сведе, а въ Новъгородъ обилія не пусти, а Торжекъ зая и Бѣжичи и всю волость; и ѣде^ж владыка Давыдъ во Тѣбрь, веснѣ^з, и dokonча миръ на полторы тысячи гривенъ се-ребра, и князь ворота отвори, и намѣстники своя присла въ Новъгородъ.

Въ лѣто 6821. [Царь Тохта умре, а Озбѣкъ сѣде на царствѣ. Ц. См. *Новг. перв. Лѣт.*, т. III, стр. 70, отъ словъ: выѣха посадникъ Ладожьскыи . . . и пожгоша. К. О.] Въ лѣто 6822. [См. *Новг. перв. Лѣт.*, т. III, стр. 70, отъ словъ: избиша Корѣла городчанъ. . . перевѣтниковъ. К. О.] Приѣха съ Москвы отъ великаго князя Юрія Даниловича въ Новъгородъ князь Ѳеодоръ Ржевскій, изнима намѣстники княжи Михайловы Тѣбрьскаго, и держа ихъ во владычнѣ дворѣ; а Новгородци со княземъ Ѳеодоромъ поидоша на Волгу. Князь же Дмитрей Михайловичъ со Тѣфричи выиде противу имъ, и стоя объ ону сторону Волги, и ту стояша 6 недѣль, олпи и до замороза, а князь Михайло Тѣбрьскій^и въ ордѣ; и dokonчаша миръ со княземъ Дмитриемъ на всей воли Новгородьской, и оттолѣ послаша на Москву по князя Юрія Даниловича. Того же лѣта, на зиму^и, приѣха великый князь Юрій Даниловичъ въ Новъгородъ на столъ, и съ братомъ своимъ княземъ Аѳонасіемъ.

а) князю « великому прибавл. Т. б) въ брянскъ » въ дебрянскъ К. О. в) господине « ить въ Т. г) и не послуша » слова прибавл. К. О. В. д) богоматере « а душа взиде на небо прибавл. К. О. е) градъ той » град-отъ Ц. Б. Г. О. градъ тѣи Т. ж) и ѣде « (и) сѣде ошибк. Б. Г. В. з) веснѣ » въ роспутіе прибавл. К. О. и) тѣбрьскій « баше прибавл. К. О. и) на зиму » предъ великимъ заговѣиномъ прибавл. К. О.

1215
—17 Въ лѣто 6823. Поиде великій князь Юрій Даниловичъ изъ Новгорода съ Новгородци, позванъ въ орду отъ царя, а въ Новгородѣ остави брата своего князя Аѳонасія; и прииде въ Ростовъ, и оттолѣ поиде въ орду мѣсяца марта въ 15, въ субботу Лазареву. Того же лѣта прииде изъ орды князь Михайло^а Тѣрьскій, ведый съ собою окааннаго Таитемира, и Мархожу, и Индыи; услышавше же Новгородци, со княземъ Аѳонасіемъ изидоша къ Торжку и пребыша ту 6 недѣль, вѣсти переимаючи. Тогда же поиде князь Михайло Тѣрьскій къ Торжку^б, со всею силою^в Низовскою землею и съ Татари; князь же Аѳонасій съ Новгородци и съ Новоторжци изиде противу имъ на поле. Бысть же за умноженіе грѣховъ нашихъ, Божіимъ попущеніемъ, немало зла сѣтворися, и сѣступившимся обѣма полкомъ, и бысть сѣча зла, яко не мощи исповѣдати; и ту убиша много добрыхъ мужъ [и бояръ Новгородскихъ. . . Богъ вѣсть. К. О; см. *Новг. перв. Лѣт.*, т. III, стр. 71], а иные вѣгоша въ городъ и затворишася въ городѣ со княземъ Аѳонасіемъ. И присла князь Михайло въ городъ Торжекъ къ Новгородцемъ, глаголя: «выдайте ми князя Аѳонасія и князя Θεодора Ржевскаго, и язъ съ вами миръ докончаю;» и рекоша Новгородци: «не выдадимъ князя Аѳонасія, но изомремъ честно за свягую Софію.» И присла опять князь Михайло, глаголя: «выдайте ми князя Θεодора Ржевскаго,» и не хотѣша выдати, и по неволѣ выдаша его; на себѣ же докончаша 5 темъ гривень серебра, и докончаша миръ, и крестъ цѣловаша. И по миру призва къ себѣ князь Михайло князя Аѳонасія и бояръ Новгородскихъ, и поймавъ ихъ посла во Тѣрь въ таль, а останокъ людей въ городѣ нача продаяти, сколко кого станеть, и доспѣхи вся и оружія отъ нихъ отъя. Бысть же се зло февраля въ 10^г. И посла князь Михайло въ Новгородъ намѣстники своя.

Въ лѣто 6824. Выидоша намѣстници княжи Михайловы изъ Новгорода, и поиде князь Михайло къ Новгороду ратию со всею землею Низовскою, а Новгородци учиниша по обѣ сторонѣ острогъ, и сѣхася вся земля власти Новгородскія: Псковичи, и Ладожане, и Рушане, и Корѣла, Ижера, Вожане; князь же Михайло, не дошедъ города, ста въ Устіяньхъ. И тако мира не возма поиде прочь, не успѣвъ ничтоже, но болшую рану въспримъ, възвратися въспять; и заблудиша въ озерѣхъ и въ болотѣхъ и начаша мерети голодомъ, и ядоша кони свои, а инии съ щитовъ кожи сдирающе ядаху, и доспѣхъ свой и оружія все пожгоша, и пришедше пѣши въ дома своя, приемше болшую рану, якоже древле Іерусалимяне, внигда предасть ѿ Богъ въ руцѣ Титу царю Римскому. [Того же лѣта не дошедшю^д великому князю Михаилу до города Тѣри, Новгородци же яша Игната Бѣска, и сѣзвониша вѣче на Ярославлѣ дворѣ^е, и свергоша его съ мосту въ Волховъ; творяху бо его перевѣтъ державша къ великому князю Михаилу Тѣрьскому, а то Богъ вѣсть. Тогда же убиень бысть Данилко Писцевъ отъ своего холопа, обадилъ бо его бѣше къ горожаномъ, рекъ тако: «посылалъ мя есть^ж съ грамотами на Тѣрь ко князю.» К. О.] Того же лѣта прииде изъ орды князь Василей Костянтиновичъ, а съ нимъ Татарскіе послы Сабанчей и Казанчій, и много зла сѣтвориша Ростову.

Въ лѣто 6825. Посылалаша Новгородци владыку Давыда ко князю Михаилу на Тѣрь съ молбою, просящи на окупъ братіи своей, которые у него въ тали; и не послуша его^з князь. [Того же лѣта приходиша Нѣмци въ озеро Ладожское, и побиша много Обонихскихъ купецъ. К. О.]

а) михайло • ярославичъ *прибавл.* К. О. б) и пребыша . . . къ торжку» *пропущено въ В.* в) силою *ильтъ въ К. О.* г) февр. въ 10» на память святаго мученика харлампія *прибавл.* К. О. д) не дошедшю» не дошедше К. О; см. *Новг. перв. Лѣт.* стр. 71. е) дворѣ» *пропущено въ О.* ж) есть» еси О. з) его» ихъ Т.

Въ лѣто 6826. [Ходиша Новгородци войною за море въ Полную рѣку, и много повое-¹³¹⁸
ваша, и взяша городъ Люdereвъ Сумьского местеря и бискупль, и придоша всѣ здорови. К. О.]¹⁹
Приде изъ орды великій князь Юрій Даниловичъ на великое княженіе, и приведе съ собою
Татары, Кавадыя и Астрыбала, и со всею Низовскою землею; и поиде ко Тѣбри на князя
Михаила, а въ Новѣгородъ посла^а Телебугу, и призва Новгородцевъ. Новгородци же при-
ѣхаша въ Торжекъ, и докончаша со княземъ съ Михаиломъ Тѣбрьскымъ, како не вступат-
тися имъ^б ни по комъ, понеже не^в вѣдяху великого князя Юрія Даниловича гдѣ есть, и
възвратишася въ Новѣгородъ. Великому же князю Юрію Даниловичю пришедшу съ полкы
близъ Тѣбри за 40 верстъ, и ту князь Михайло выиде на нь съ Тѣбричи, и съступишася
обои полци и бысть сѣча зла, много головъ паде около великого князя Юрія Даниловича^г;
а брата его князя Бориса и княгину его руками яша и приведоша во Тѣбрь, и тамо умо-
риша князя Бориса, а княгину Юріеву не убиша^д. Великій же князь Юрій приѣжа въ Новѣ-
городъ, и позва съ собою Новгородцевъ и Псковичъ, они же поидоша съ нимъ, и владыка
Новгородскій поиде съ ними, и придоша на Волгу; и докончавъ великій князь Юріе Да-
ниловичъ со княземъ Михаиломъ миръ, како ити въ орду обѣма, а брата великого князя Юрія
Даниловича князя Бориса и княгину великую княжу Юріеву пустити. И поидоша Нового-
родци въ Новѣгородъ, уже бо веснѣ суши^е, а князь великій Юрій Даниловичъ иде на
Москву, и оттолѣ иде въ орду. Того же лѣта приде на Русь Конча^ж, и уби у Костромы 100
человѣкъ и 20, и оттолѣ пришедъ взя Ростовъ городъ и церковь святую Богородицю погра-
би, и монастыри пожже^з, и села и люди плѣни.

Убиеніе князя великого Михаила Ярославича Тѣбрьскаго, въ ордѣ отъ
царя Озбьяка. Въ лѣто 6827. Сій блаженный, приснопамятный, боголюбивый князь Ми-
хайло Ярославичъ, внукъ великого князя Всеволода Юріевича, скончавшюся ему нужною
смертію въ ордѣ за христіяны; роди же ся воистину отъ блаженныя и преподобныя матери
великыя княгини Оксиніи^и, егоже святая та и премудрая мати вспита въ страсъ Господни
и научи святымъ книгамъ и всякой премудрости. Княжашу ему въ отчинѣ своей во Тѣбри,
преставися великій князь Андрѣй, и благослови его на свой столъ на великое княженіе сего
христоролюбиваго князя Михаила, емуже по старѣйшинству дошелъ бяше степень княженія
великого; и поиде въ орду ко цареву, якоже и преже его князи бывшіи имяху обычай тамо
взимати великое княженіе. Въ то же время сыновець его князь Юрій великій Даниловичъ
поиде въ орду же; егда же ему бывшю въ Володимери, блаженный же и приснопамятный
митрополитъ Кіевскій и всея Руси Максимъ^і съ многою молбою браняшеть итти въ орду,
глаголя: «азъ имаюся тебѣ съ великою княгинею Оксиніею матерію великого князя Михаила,
чего въсхочешь изъ отчины вашей, то ти дасть.» Онъ же обѣщася, рекъ: «хотя, отче, иду
въ орду, но не хочу великого княженія.» И бывшю ему въ ордѣ, не хотя роду человѣчу
добра всепагубный врагъ дьяволъ, вложи въ сердце княземъ Татарскимъ, свадиса братію,
ркуще великому князю Юрію Даниловичу: «оже ты даси выходъ болши князя Михаила
Тѣбрьскаго, мы тебѣ великое княженіе дадимъ;» и тако превратиша сердце его, и нача

а) посла» присла(въ) Т. К. О. б) имъ» ильтъ въ Т. в) не» пропушено въ К. О. г) около. . . даниловича»
о князи юрьи такъ въ Новг. перв. Лѣт. д) а княгину. . . не убиша» а княгину юріеву и кончака не
убиша во всѣхъ сп. кромъ В., гдѣ сказано а княгину юріеву и кончака убиша; см. Новг. перв. Лѣт.
т. III, стр. 72. е) веснѣ суши» бѣ весна Ц. Б. Г. В. ж) конча» кочка (кочка) во всѣхъ сп. кромъ Г;
см. Троицк. Лѣт. т. I, стр. 229, и Новг. четв. Лѣт. т. IV, стр. 49. з) пожже» пограби К. О.
и) оксиніи» ксеніи В. і) максимъ» петръ во всѣхъ сп. кромъ К. О.

искати великого княженія. Обычай бо поганыхъ и до сихъ мѣсть вмещуще вражду межю братіи князей Русьскихъ, и себѣ болшая дары взимаху. И бывши прѣ велицѣ межю ими, и бысть тягота велика въ Русьской земли за наша согрѣшенія. **О** томъ рече Господь Пророкомъ: аще обратитесь ко миѣ и останетесь отъ всѣхъ злобъ вашихъ, то вложу любовь въ сердце княземъ вашимъ и миръ въ земли вашей; аще ли не останетесь отъ злыхъ обычай вашихъ, и не покаетесь отъ многихъ безаконій вашихъ, всякою казнію не пощажу васъ. Но милостию пресвятая Богородица и всѣхъ святыхъ, прииде благовѣрный князь Михайло въ Русь, и посаженъ бысть на столѣ великого княженія въ Володимери блаженнымъ и при-спомятнымъ митрополитомъ Кіевскимъ и всея Руси **Максимомъ**^а. Княжившу же ему 8 лѣтъ на великомъ княженіи, а въ ордѣ сѣде иный царь, именованъ **Озбьякъ**, **войде**^б въ богомерзскую вѣру Срачиньскую, и оттолѣ наипаче не пощадѣти нача роду христіаньского. Якоже бо о таковыхъ рекоша царьскія дѣти, иже плѣнени въ Вавилонъ, сице глаголааху: предасть ны въ руцѣ царю нечестивому, и законопреступному, и лукавѣйшю паче всея земля; егда бо Господь градъ Ерусалимъ казня, предасть въ руцѣ царю Титу Римьскому; и паки егда **Фонѣ** Царьградъ предасть въ руцѣ^в, такоже не **Фоку** любя, но Царьградъ казня за людская согрѣшенія; еже и се бысть за наша согрѣшенія. Но мы бывшее възглаголемъ. И оттолѣ нача быти вражда промежи князей сихъ^г; аще и творяста^д миръ межю себе, но врагъ нашъ всепагубный дьяволъ паки рать вздвизааше. **И** паки бывшимъ великимъ княземъ^е въ ордѣ, и бывши прѣ велицѣ межю има, и оставиша великого князя Юрія Даниловича у себе въ ордѣ, а князя Михаила отпустиша на Русь; минувшу же единому лѣту, и паки безаконіи **Измаилтяне** не съити суще мздоимства, егоже желааху, взяли много сребра, и даша великое княженіе великому князю Юрію Даниловичю, и отпустиша съ нимъ на Русь единого отъ князей своихъ, безаконнаго и треклятаго **Кавгадыя**. Блаженный же великий князь Михайло срѣте его съ полки своими, и посла къ великому князю Юрію Даниловичю, рекъ тако: **«брате!** аже далъ царь тебѣ великое княженіе, то и азъ отступаюся тебѣ, князи на великомъ княженіи, а въ мою опришнину не вступайся;» и роспусти вся вой своя, и поиде въ свою отчину съ домочадци своими. И паки дьяволъ не престаяше^ж желая кровопролитія, **еже** и створися за грѣхы наша. Прииде бо великий князь Юрій ратию ко **Тѣфри**, совокупивъ всю землю Низовскую и съ кровопивцемъ **Кавгадыемъ**, и множество **Татаръ** и **Бесерменъ** и **Мордвы**, начаша городъ жечи и многа села; и бысть туга не мала, имающе мужи и мучащи^з различными муками и смерти предаяху, а жены ихъ оскверниша поганіи; и пожгоша всю власть **Тѣфрекую** и до Волги, и поидоша на другую страну Волги, и на той странѣ тоже хотяху творити. Блаженный же князь Михайло призва епископа своего и князей и бояръ, и рече къ нимъ: **«братіе!** видите ли, княженія великого отступилъ есмь брату моему и выходъ^и давалъ^и есми, и се надъ тѣмъ колико зла сътвориша въ вотчинѣ моей? азъ же терпяхъ имъ и чаяхъ, уже престанеть злоба си, но и паче вижю еже головы моя ловять; нынѣ же не творюся въ чемъ виноватъ, буду ли въ чемъ виноватъ, скажите ми.» Они же яко единѣми усты со слезами рекоша: **«правъ еси, господине, во всемъ; предъ своимъ сыновцемъ** такое смиреніе сътворилъ еси, и се взяша всю власть твою, а другую страну такоже хотять пусту сътворити; а нынѣ, господине, поиди противу имъ, а мы, господине,

а) максимомъ» петромъ во всѣхъ сп. кроль К. О. б) войде» поиде О. в) въ руцѣ» его *прибавл.* Б. Г. В. г) промежи... сихъ» межю князема сима К. О. д) творяста» многожды *прибавл.* К. О. е) бывшимъ... княземъ» бывшими великими князема К. О. ж) не престаяше» не престающе Т. К. О. з) мучащи» мучаща во всѣхъ сп. кроль В. и) выходъ» царю *прибавл.* Ц. і) давалъ» (в)далъ Ц. В.

за * тебя хотимъ животомъ своимъ потягнути.» Блаженный же князь Михайло такоже съ 1319 многимъ смиреніемъ рече: «братіе! слышите что глаголетъ Господь въ Евангеліи: иже аще кто положить душу свою за други своя, той^а великъ наречется въ царствѣ небеснѣмъ^б; намъ же нынѣ не за единъ другъ, ни за два голова положити и душа своя^в, но за толико народа въ полону суца, а инии избіени суть, а жены ихъ и дщери осквернены суть отъ поганыхъ, и нынѣ аже за толико народа положимъ душа своя, да вмѣнитъ намъ слово Господне въ спасеніе.» И утвердившися честнымъ крестомъ и поиде противу ратнымъ, и яко быша близъ себе, и бысть видѣти ратныхъ безчисленное множество, и яко съступишася полци и бысть сѣча велика^г, не могуще брани носити, вдаша противнии плещи свои^д; милостию Великого Спаса, и пречистыя его Матери, и помощію великаго Архангела Михаила побѣди благовѣрный князь Михайло, и бысть видѣти безчисленное множество ратныхъ падающе подъ кони язвени, яко снопы въ жатву на нивѣ. Великій же князь Юрій Даниловичъ видѣ многы падающа воя его язвени, и отѣха въ Торжекъ въ малѣ ратныхъ, и отътолѣ ѣха въ Великій Новгородъ; а окааннаго же Кавгадыя съ други его не повелѣ князь^е избивати, въ немъже послѣдняя болши погыбель. Си же побѣда сътворися мѣсяца декабря 22. Самому же князю Михайлу видѣти доспѣхъ свой весь язвень, на тѣлеси же его не бысть никоеяже раны^ж; рече бо блаженный Давыдъ: падеть отъ страны твоея тысяща и тма одесную, къ тебѣ не приступитъ^з, и не приидеть къ тебѣ зло, и рана не приблизится къ тѣлеси твоему; яко ангеломъ своимъ заповѣсть о тебѣ, съхранити тя во веѣхъ путѣхъ твоихъ^и. Якоже и бысть тогда съхраненъ великимъ Архангеломъ Михаиломъ, и избави изъ плѣна множество душа, бывшая въ скверныхъ рукахъ поганьскихъ, и възвратися^л въ свое отечество съ великою радостию, и приведе окааннаго Кавгадыя въ градъ свой, и много честивъ и одаривъ его, и отпусти его; онъ же много съ лестію ротяшеса не вадити на нь ко царю, глаголя: «за неже воевали еси власть твою безъ царева слова и повелѣнія.» Великій же князь Юрій Даниловичъ совкупивъ множество Новгородцевъ и Псковичъ, и поиде ко Тѣбри, и срѣте его князь Михайло противу Синѣевского, и пакы не хотя видѣти другаго кровопролитія за толь малы дни, умирившися и крестъ цѣловаша^н; ** и рече князь Михайло: «пойдевъ^к, брате, оба въ орду, жалуемся вмѣстѣ царю, абы ны чимъ помочи христیانомъ.» Великій же князь Юрій Даниловичъ пакы съимася въ Кавгадыемъ, и поидоша^м напередъ въ орду, поимши князи все Низовскіе съ собою, и бояре съ городовъ и отъ Новагорода, по повелѣнію окааннаго Кавгадыя; [и написаша многа лжесвѣдѣтельства на блаженаго великаго князя Михаила. К. О.] Князь же Михайло посла сына своего князя Костянтина; а самъ послѣ въ орду же поиде, благословяся у епископа своего Варсонофія, и отъ игуменовъ и отъ поповъ, и отъ отца своего духовнаго игумена Ивана. И послѣднее исповѣданіе сътвори на рѣцѣ на Нерли, на многъ часъ очищая душу свою, глаголаше: «азъ, отче, аще много мыслихъ, како бы ны^п помочи^о христیانомъ симъ, но моихъ ради грѣховъ многа тягота стваряется въ наю

а) той» тѣи Т. то К. О. б) *Иоан. XV, 13*: в) ни за два. . . своя» или за два положити душа своя К. О. г) велика» на мѣстѣ нарицаемѣмъ бортенева *приписано на поля въ Ц.* д) свои» на побѣгъ *прибавл. К.* е) князь» великій князь Михайло К. О. ж) раны» язвы Ц. з) одесную къ тебѣ не приступитъ» одесную тебе В. и) *Псал. XC, 7, 10, 11.* и) и възвратися» възврати Т. Ц. В. к) цѣловаша» цѣловаста К. О. л) поидевъ» поидева Ц. Б. Г. О. поидемъ К. м) поидоша» поидоста К. О. н) ны» ми Ц. о) помочи» пособити К. О.

* Далѣе въ Бал. недостасть листа, а въ Гор. находится пропускъ.

** Продолжаются Бал. и Гор.

1319 разности; нынѣ, отче, благословите мя, аще ми^а случится пролію кровь свою за нихъ, да негли бы ми Господь отдалъ грѣховъ, аще сіи^б христіяне нѣсколко^в почіють,» еже и бысть молитвою его. До того же мѣста проводи его благородная его княгини Анна и сынъ его князь Василей, и възвратистася со многымъ рыданіемъ, не могуще разлучитися отъ възлюбленнаго князя; онъ же поиде къ Володимерю, а съ нимъ сына его князь Дмитрій да князь Александръ. И бывшу ему въ Володимери, и се пріѣха посолъ отъ царя изъ орды, именовъ Ахмыль, глаголя: «зоветь тя царь, поиди вборзѣ, буди за мѣсяць; аще ли не будеши, то уже воимянова на тебе рать и на твои города; обадилъ ты есть ко царю Кавгадый, глаголя: не бывати ему въ ордѣ.» Думаша же бояре его ркуще: «се сынъ твой въ ордѣ, а еще другаго послѣ;» такоже и сынове его глаголаста ему: «господине драгый отче! не ѣзди въ орду самъ, наю котораго послѣ, аще всхощеши; занеже обаженъ еси ко царю, дондеже минеть гнѣвъ его.» Крѣпкымъ же умоу, исполненъ смиренія, глаголаше: «видите, чада моя, яко не требуетъ васъ царь дѣтей моихъ, ни иног^г котораго, развѣ мене, но моя главы хошетъ: аще бо азъ гдѣ уклонюся, то вотчина моя вся въ полону будетъ и множество христіянь избіени будутъ; аще ли послѣ того умрети же ми есть, то лучши ми есть нынѣ положить душу свою за многы душа.» Помянувъ бо бяше блаженнаго отечестволюбца великаго Христова мученика Дмитрія, рекша про отчину свою градъ Селунь: Господи! аще погубиши градъ сій, то и азъ съ ними погибну, аще ли спасеши, то и азъ спасенъ буду; сій убо такоже умысли створити, и положить душу свою за свое отчество^д. И паки много учивъ сына своего всякой добродѣтели, веляше убо ему послѣдовати благымъ своимъ правомъ, не могуще разлучитися на мнзѣ слезъ ихъ, и едва разлучистася; отпусти ихъ въ свое отчество, давъ имъ рядъ, написа грамоту, раздѣливъ имъ отчину свою, ти тако отпусти я. Дошедшу же ему въ орду, мѣсяца септября въ 6, на усть рѣкы Дону, идѣже течеть въ море Сурожское, и ту срѣте его сынъ его князь Костянтинъ. Царь же дасть ему пристава, не дадуца никому же его обидѣти; се бо умякнуша исперва словеса ихъ паче елея, и та бо^е нынѣ быша стрѣлы. И егда же одари всеѣ князи ординскіе и царици, послѣди же самого царя, бывшу же ему въ ордѣ полтора мѣсяца, и рече царь княземъ своимъ: «что ми есте молвили на князя Михаила, створите^ж има судъ съ великимъ княземъ Московскимъ Юріемъ Даниловичемъ; да котораго правду скажете мнѣ, того хонцю жаловати, а виноватого казни предати,» а не вѣси, окаанне, уже еси своею казнію сплель ему вѣнецъ пресвѣтель. Въ единъ убо день собраша вси князи ординскыя въ едину вежу за царевъ дворъ^з, и покладаху многы грамоты со многымъ замышленіемъ на князя Михаила, глаголюще: «многы дани поималъ еси на городѣхъ нашихъ, царю же не далъ еси.» Истинный же Христовъ страдалецъ Михайло любяй правду, глаголя истинну, со всякою правдою^и обличаше лжи ихъ свидѣтельства. О таковыхъ судіяхъ речено бысть: поставлю властеля ругателя ихъ, и судію не милующи ихъ^и; си бо бяше Кавгадый нечестивый самъ судія, той же и сутягай, той же и лжи послухъ бываше, покрываше лжею своею истинная словеса князя Михаила. Изрече много замышленія вины на неперочнаго Христова война, а свою страну оправдая. И паки минувшей единой недѣли по судѣ томъ, въ день суботный, отъ нечестивыхъ изиде

а) аще ми^а аще ли Ц. В. О. б) сіи^б сии Т. Б. Г. О. в) нѣсколко^в сѣсколко Ц. Б. Г. О. сколько К. В. г) ни иног^г *иытъ въ* К. О. д) отчество^д и избави насъ множество своею кровію отъ мпогоразличныхъ бѣдъ *прибавл.* К. О. е) та бо^е тамо Ц. Б. Г. В. ж) створите^ж створита *вездѣ кромѣ* К. О. з) вежу. . . дворъ^з вежу цареву (въ) дворъ К. О. и) правдою^и неправдою *во всѣхъ сп. кромѣ* В. і) не милующи ихъ^и не милующихъ Т. К. О. В. не милующи Ц. См. *Исаиі III, 4.*

повелѣніе незаконно, поставиша его на другомъ судѣ связана блаженнаго князя Михаила, 1319
 износяще ему неправедное осужденіе: «царевы дани не давалъ еси, противу посла бился еси,
 а княгнью великаго князя Юрія уморилъ еси.» Благовѣрный же князь Михайло со многымъ
 свидѣтельствомъ глаголаше: «колико скровищъ издавалъ есмь цареви и княземъ», все бо
 написано имѣяше^а; «и посла паки избавихъ^б на брани и со многою честію отпустихъ его;»
 а про княгнью Бога послуша призывааше, «яко ни на мысли ми того створити.» Они же
 незаконни, по глаголющему Пророку, уши имуть, не слышать правды, уста имуть, не гла-
 голють истинны, очи имуть и не видятъ^в; ослѣпи бо я злоба ихъ и не вмѣниша себѣ нимало
 словеси преподобнаго, но рѣша въ себѣ: поносы и узами стяжемъ его и смертію неспот-
 ною осудимъ его, яко неключимъ есть намъ и не послѣдуетъ правомъ нашимъ; якоже бо
 въсхотѣша, то и створиша. Въ настоящую убо нощь приставиша 7 сторожовъ отъ 7 князей
 и иныхъ немало, и покладаху предъ блаженнымъ многа ужа желѣзныя, хотяще отягчати
 нози его, и взявши отъ портъ его и подѣлишася; въ ту нощь мало отпустиша ему отъ узъ
 желѣзныхъ, но связанъ тако пребысть всю нощь. Тое же нощи отгнаша отъ него вся бояре
 его и слуги сильно, бѣюще, и отца его духовнаго игумена Александра, и оста единъ въ руку
 ихъ; глаголаше бо къ себѣ: «удалиша отъ мене дружину мою и знаемыя отъ страсти.» На-
 утрѣ же, въ недѣлю, повелѣніемъ незаконныхъ възложиша колоду велику отъ тяжка древа
 на выю святому, прообразующе ему поносную муку, юже примъ благодаряше Господа Бога,
 съ радостію и со слезами глаголя: «слава тебѣ, Владыко челоуѣколюбче, яко сподобилъ мя
 еси начатокъ пріяти мученія моего, сподоби мя и кончати подвигъ сей; да не прелестятъ
 мене словеса лукавыхъ, ни да устрашать мя прещенія нечестивыхъ.» И повелѣша незакон-
 ни вести святаго послѣ царя, бѣше бо пошелъ на ловы, преподобный же и благовѣрный
 князь Михайло яко измлада имяше и никако же измѣняше правила своего, въ нощи пояше
 псалмы Давыдовы; а како поиде изъ Володимеря, то отъ недѣли до недѣли пощашеся и
 причащашеся^г пречистаго тѣла и крови Господни, а отнелъ же ятъ бысть, наипаче безпре-
 стани вся нощи не дадыше сна очима своимъ, да не въздремлетъ ни уснетъ храня его Ангель.
 Но паки славяше Бога, съ многими слезами и глубокымъ въздыханіемъ исповѣдаяся ему,
 глаголаше: «Господи! услыши молитву мою и вопль мой къ тебѣ да пріидеть; и не отврати
 лица твоего отъ мене, Владыко, но въ онъ же день тужу, приклони^д ухо твое, въ онъ же
 часъ призову тя, Господи, скоро услыши мя Господи; се бо минуша ми дніе мои акы дымъ^е;»
 прочее: «спаси мя Боже, яко видоша воды до душа моя, пріидохъ бо съмо яко въ глубину
 морскую и яко буря потопи мя; се бо умножишася паче власъ главы моя ненавидящія мя
 безъ ума, а преже сего мой хлѣбъ ядоху и мою любовь видѣвши, а нынѣ укрѣпишася на мя,
 и врази ми быша досажаящи ми безъ правды^ж.» И егда незаконни стражи они въ нощи
 забивааху въ той же колодѣ святѣи руцѣ его, но ни тако озлобляемъ пояше^з Псалтирь не-
 престанно, а единъ отъ отрокъ его сѣдыше предъ нимъ прекладывая листы, онъ же при-
 лѣжно глаголаше: «Господи! не отврати лица твоего, яко скорблю, скоро услыши мя, воими
 души моею, избави ю отъ врагъ сихъ; ты бо единъ вѣси помышленіе мое, и студъ мой и
 срамоту мою; се бо предъ тобою всегда^н суть стужающія ми безъ правды, и жду еже бы
 кто со мною поскорбѣлъ, и не бѣ утѣшающаго мя и не обрѣтохъ развѣ тебе, Господи!

а) имѣяше» имѣши Ц. б) избавихъ» избивахъ *ошибк.* Б. Г. В. в) *Псал. СХІІІ, 13, 14.* г) пощашеся
 и причащашеся» постышася и причащаяся *во всѣхъ сп. кромѣ К. О.* д) приклони» ко мнѣ *прибавл.*
 Б. Г. К. О. е) *Псал. СХ, 1 — 4.* ж) *Псал. LХVІІІ, 1 — 3, 5.* з) пояше» не престаяше (не prestaюще)
 поя К. О. и) всегда» воину К. О.

1319 въздають бо ми злая въздобрая^а, пролей на ня гнѣвъ твой и ярость гнѣва твоего да иметь я^б; но что ся хвалиши о злобѣ своей, незаконный Кавгадыю? злая мыслиши на мя по вся дни, языкъ твой яко бритва изошрена, створилъ еси леть, възлюбилъ еси злобу паче добра, забылъ еси многихъ моихъ даровъ и глаголаше еси на мя неправду ко цареви, сего ради Богъ разрушитъ тя, и въстергнетъ тя, и преселитъ тя отъ села твоего и корень твой отъ земля живущихъ^в; но терплю имени твоего ради, Господи, да благо ми будетъ съ преподобными твоими, да явно сего ждахъ, дабы ми пострадати Христа ради; и се видя себе озлобляема сице, радуяся о спасеніи твоёмъ и во имя Господа Бога нашего възвеличимъ^г; но въскую прискорбна есть душа моя, въскую смущаеши мя, уповай на Бога, яко исповѣмся ему, спасеніе лицу моему Богъ мой^д.» И тако на всякъ часъ моляся Богови^е и глаголя; во дне же всегда бѣше видѣти его свѣтлымъ лицомъ и весела взоромъ, и словеса сладкими и веселыми тѣшаше бояръ и слугъ своихъ, и бѣше видѣти его яко никоегоже озлобленія приемолюща, и глаголаше: «се ли вы едино было любо, дружино моя, егда преже сего яко въ зеркало зряще спотѣшастесь, нынѣ же видяще на мѣ древо се, печалуете и скорбите? помяните како пріяхомъ благая въ житіи нашемъ, то сѣхъ ли не хотимъ претерпѣти? что бо ми есть си мука противу моимъ дѣломъ? но и болша сихъ достоинъ ми пріяти, да негли^ж быхъ прощеніе получилъ.» И приложи слово праведнаго Іова: «яко Господеви годѣ, тако будетъ, буди имя Господне благословено отъ нынѣ и до вѣка^з; да не печалуйте про древо се, по малѣ бо узрите е^н прочее выя моя.» Минувшимъ же днемъ 20 и 4-мъ, святому бывшу въ неизреченномъ томъ терпѣніи, нечестивый же Кавгадый имѣя ядъ аспиденъ подъ устнами своими, и паки досажая души терпѣливаго князя Михаила, повелѣ его привести въ торгъ въ таковой укоризнѣ, созва вся заимодавца, повелѣ святаго поставити предъ собою на колѣну; величаашеся незаконный яко власть имый на праведнымъ, и много словеса изорче досадна праведному. И посемъ рече: «вѣдая буди, Михаиле, такъ царевъ обычай: аже будетъ ему на кого гнѣвъ, хотя и на своего племянника^і, ти такоже древо възкладають на него, егда же гнѣвъ его минеть, и паки въ первую честь вводить его; утро бо или въ предъидущій день тягота си отидеть отъ тебе, и въ болшей чести будеши.» И възрѣвъ рече сторожемъ его: «почто не облегчите ему древа сего?» они же рекоша^к: «заутра или на другій день тако створимъ по глаголу твоему.» И рече окаанный: «поддержите ему древа сего, да не отягчаютъ ему плеча^л,» и тако единъ отъ предстоящихъ за нимъ подымъ держаше древо. Многу же часу минувшу, о впросѣхъ праведному отвѣты дающе, и посемъ повелѣ вонъ вести блаженнаго; и вышедшу ему вонъ, и рече слугамъ своимъ: «дайте ми стулець, да почию и прииму покой ногама своимъ,» бѣста бо отягчали отъ многого труда. Въ то же время сѣхалоса бѣше множество отъ всѣхъ языкъ, шедшеся зряще святаго; рече же единъ отъ своихъ, предстоящихъ ему: «господине княже! видиши ли селико народа множество стоящихъ^м, видяще тя въ таковой укоризнѣ, а преже^н ты слышаща царствующа въ своей земли; абы, господине, еси пошелъ въ свою вежю.» Блаженный же рече съ слезами: «яко позору быхомъ Ангеломъ и человекомъ, вси видящеи мя покивааху главами своимъ^о;» и паки: «уповаю на

а) въздобрая» възблагая братія В. б) *Псал. LXVIII, 18—22, 25.* в) *Псал. LI, 5—7.* г) възвеличимъ» возвеличимся В. д) *Псал. XLI, 6, 12 и XLII, 5.* е) моляся богови» со слезами моляся господеви (богови) Б. Г. В. со слезами моляше бога К. О. ж) негли» некли (неколи) во всѣхъ сп. кромь Ц. з) *Иова I, 21.* и) е» пропущено въ Т. В. О. і) на своего племянника» отъ своего племени К. О. к) они же рекоша» только въ К. О. л) плеча» плещу К. О. плещи В. м) селико . . . стоящихъ» се колько множество народа стоять К. О. н) а преже» аже во всѣхъ сп. кромь Ц. о) *Псал. CVIII, 25.*

Господа, да избавить мя и спасеть якоже хочеть, яко ты еси исторгый мя отъ чрева ма- 1319 тери моя^а;» и въставъ иде къ вежѣ своей, глаголя прочее псалма того. И оттолѣ быше видѣти очи его полны слезъ, чюяше бо въ сердци, яко уже скончатися доброму его^б теченію. Бывшу же блаженному въ неизрѣченномъ томъ томленіи и тяготѣ дній 26 за рѣкою Теркомъ, на рѣцѣ на Севенцѣ^в, подъ городомъ Тетяковымъ, минувшю^г веѣ горы^д высокія Ясыскыя и Черкасскыя, близъ Воротъ желѣзныхъ, въ среду рано повелѣ отпѣти заутреню и часы, самъ же съ плачемъ послушааше; и посемъ повелѣ правило причащенію, и рече попови: «да быхъ азъ самъ молвилъ псалмы си,» онъ же вла ему книгу. И примъ нача молвити тихо со умиленіемъ и глубокымъ въздыханіемъ, источающи^е слезы яко рѣку, и глаголаше: схрани мя Господи, яко на тя уповахъ^ж; и посемъ: Господь пасеть мя^з; таже: вѣровахъ, тѣмже и възглаголахъ^н, и прочая вся причащенію. И посемъ нача каятися ко отцемъ своимъ духовнымъ со многымъ смиреніемъ, очищая свою душу; быше бо съ нимъ игумень да два попа. Посемъ же присѣдацию у него сыну его князю Костянтину, онъ же приказываше ко княгынѣ и ко сынома своимъ про отчину свою, и про бояре, и про тѣхъ иже съ нимъ были и до меньшихъ, не веля презрѣти ихъ. И посемъ уже часу приближающюся, и рече: «дадите ми Псалтырь, вельми бо прискорбна душа моя,» чюяше бо при дверѣхъ пришедша отъ Бога святой зватаи по святую душу его. И разгнувъ Псалтырь, и обрѣте псаломъ: «внуши Боже молитву мою и вонми моленіе мое, въ скорбѣхъ печали моя смутихся отъ гласа вражя, яко въ гнѣвѣ враждовааху ми^и,» въ той бо часъ окаанный Кавгадый вхождааше ко царю и исхожаше съ отвѣты на убіеніе блаженнаго; сей же чюяше: «сердце мое смутися во миѣ и страхъ смертный прииде на мя^к.» И рече попомъ: «что молвить псаломъ сій, скажите ми?» они же ркоша не хотяще болши его смутити: «се, господице, знакоми ти псалмы^л въ послѣдней главизнѣ: възверзи на Господа печаль свою, и той тя препитаеть и не дасть въ вѣки смятенія праведнику^м.» Онъ же паки глаголаше: «кто дасть ми крилѣ, полечю и почю;» и паки: «се удалихся бѣгая и въдворихся въ пустыню, чаю^н Бога спасающаго мя^о.» Егда же бо вожаху блаженнаго въ ловѣхъ со царемъ, и глаголаху къ нему слуги его: «се, господине княже, проводници и кони готови; уклонися на горы, да животь получиши.» Онъ же рече: «не дай же ми Богъ сего створити, во дни своя николи же сего створихъ; аще бо азъ единъ уклонюся, а люди своя оставивъ въ таковой бѣдѣ, то кую похвалу приобрящю? но воля Господня да будетъ; аще бы ми былъ врагъ Кавгадый поносилъ, претерпѣлъ убо быхъ отъ него, и сей нынѣ ненавидяй мене велерѣчюеть о миѣ^п, ему же нѣсть измѣненія отъ Бога; азъ, Господи, уповаю на тя^р.» И тако скончавъ псалмы и согнувъ Псалтырь, и се въ той^с часъ отъ отрокъ его въскочи въ вежу, обледѣвшимъ лицемъ и измолкшимъ гласомъ: «господине княже! ѣдутъ уже отъ орды Кавгадый и великій князь Юрій Даниловичъ со множествомъ народа прямо къ твоей вежѣ.» Онъ же наборѣ въставъ и въздохнувъ рече: «въздаю на что ѣдутъ, на убіеніе мое,» и отсла вскорѣ сына своего Костянтина къ царици; и бѣ страшно въ той часъ, братіе, видѣти отъ многихъ странъ множество женущихъ къ вежѣ княжѣ Михайловѣ. Кавгадый же и великій

а) Псал. XXI, 9, 10. б) его «*итѣ въ Т.* в) на севенцѣ «*на сѣнцѣ О.* г) минувшю «*минувше(и) во всѣхъ сп. кромь К. О.* д) горы «*города во всѣхъ сп. кромь В.* е) источающи «*источаше К. О.* ж) Псал. XV, 1. з) Псал. XXII, 4. и) Псал. CXV, 4. і) Псал. LIV, 2 — 4. к) Псал. LIV, 5. л) знакоми ти псалмы «*знакомити псаломъ К.* м) Псал. LIV, 25. н) чаю «*чюя К. чаяхъ В.* о) Псал. LIV, 7 — 9. п) велерѣчюеть о миѣ «*велерѣчюють о миѣ въ прочихъ сп. кромь К. на мя велерѣчивалъ О.* р) Псал. LIV, 15, 20, 24. с) въ той «*въ тѣ (вотъ) во всѣхъ сп. кромь Ц.*

1319 князь Юрій послаша убійци, а сами сѣдше съ конь въ торгу, близь бо бяше торгу яко каменемъ веречи. Убійци же яко дивіи звѣріе, немилостиви кровопивци, разгнавше отъ^а блаженнаго всѣ людіе его, въскочиша въ вежу, обрѣтоша его стояща^б, и тако похватиша его за древо еже бѣ на выи его, и удариша имъ силно, и възломиша и на стѣну, и проломися вежа; онъ же^в въскочи, и тако мнози емше и повергоша его на земли, и біяхуть пятами нещадно. И се единъ отъ незаконныхъ, именованъ Романецъ, извлекъ великій ножъ и удари въ ребра святого въ десную страну, и обращая ножъ сѣмо и овамо, и отрѣза честное сердце его. И тако предасть святую и блаженную свою душу въ руцѣ Господеви, мѣсяца ноября въ 22, въ среду 7 часа дни; и причтеша съ лики святыхъ, и съ сродникама своима святымъ Борисомъ и Глѣбомъ и съ тезоименитникомъ своимъ великимъ княземъ Михаиломъ Черниговскимъ, и пріять вѣнецъ неувядаемый отъ руку Господня, егоже вжелѣ. Вежу же блаженнаго разграбиша Русь и Татарове, а честное тѣло его повергоша наго, никимъже небрегомо; единъ же отъ нихъ пріѣха въ торгъ, рече: «се уже повелѣное вами сѣтворихомъ.» Кавгадый же и великій князь Юрій пріѣхаша вскорѣ надъ тѣло его; Кавгадый же видѣ тѣло наго повержено, и глагола съ яростію великому^г князю Юрію, река: «не братъ ли ти старѣйши какъ отецъ^д, да чему тако лежитъ тѣло его наго повержено?» великій же князь Юрій повелѣ своимъ покрыти тѣло его; и се единъ прикры тѣло его^е своею котыгою, юже ношаше. И положиша его на велицѣй досцѣ, и възложиша на телѣгу, и увиша ужи^ж крѣпко, и превезоша за рѣку рекомую Адъжь, еже зовется горестъ; горестъ бо се нынѣ, братіе, и есть, въ той часъ таковую видѣвши нужную смерть господина своего князя Михаила. А бояре его и слуги немнози гоньзуша рукъ ихъ, и еже дерзнули убѣжати въ орду ко царици; а иныхъ изнимавше влечухуть нагихъ, терзающе нещадно акы нѣкыя злодѣя, и приведше въ станы своя утвердиша я въ оковахъ. Сами же князи и бояре въ единой вежѣ пияху вино, повѣстующе, кто какову вину изрече на святого. Створившесе чудо велико да скажемъ: въ настоящую бо ночь великій князь Юрій Даниловичъ двѣма отъ слугъ своихъ повелѣ стрещи тѣлесе святого, и якоже начаша стрещи, пріять ихъ страхъ и ужасъ велій, не могуще терпѣти отбѣгоша въ станы своя; и рано прідоша^з, не обрѣтоша тѣлеси его святого на дѣскѣ, но телѣга стояше и доска на ней одинако ужи^и привязана, тѣло же святого о себѣ^і на единомъ мѣстѣ лежаше раною къ земли, и кровь многу изшедшу изъ язвъ^к, десная же рука его бѣ подъ лицемъ его, а лѣвая у язвы его, а порты одинако одѣнѣ. Преславно бо Господь прослави вѣрнаго раба своего князя Михаила; тако бо удиви^л и въ ночь лежа тѣло его на земли, а не прикоснуся ему ничтоже отъ звѣрій, а множеству безчислену сущу: хранить бо Господь вся кости ихъ, ни едина же отъ нихъ не скрушится, смерть же грѣшникомъ люта^м; еже бысть незаконному и проклятому Кавгадыю, и не пробывъ убо ни единого лѣта и злѣ изверже окаанный животъ свой. Мнози же вѣрніи и отъ невѣрныхъ тое нощи видѣша чудо преславно: два облака свѣтла всю ночь осѣняета надъ тѣломъ святого, разступающесе и паки съступающесе вмѣсто и сіяюще акы солнце. Наутрѣя же глаголаху, яко святъ есть князь сій и убіенъ неповинно, облакомъ бо симъ являетъ просвѣщеніе ангелское надъ нимъ; еже

а) отъ « только въ Ц. б) его стояща » стоаще (стояща) святого на молитвѣ Ц. Б. Г. В. в) онъ же « паки прибавл. Т. К. О. В. г) великому » великою Т. д) ти . . . отецъ » той и старѣйшій како отецъ князь великій К. ти старѣйши и какъ отецъ князь великій О. е) и се . . . его » *пѣтъ въ* О. ж) ужи « и ужищемъ К. з) прідоша » пришедше и К. О. и) ужи » на досцѣ Т. Б. Г. В. і) о себѣ » особѣ К. О. к) и кровь . . . язвъ » и кровъ мнозѣ изшедши изъ язвы К. л) и « *пѣтъ въ* Т. К. О. м) *Псал. XXXIII, 21, 22.*

исповѣдаша намъ со слезами и со многими клятвами, яко истина есть бывшее. И оттолѣ¹³¹⁹ посла тѣло блаженнаго въ Мождьжчары съ своими бояры, и тамо слышавше гости знаемин^{—20} ему и хотѣша прикрыти плащаницами многоцѣнными тѣло его, съ честію и съ свѣщами славно въ церкви поставити; приставленіи же немилостивіи бояре не даша имъ ни видѣти блаженнаго, но со многою укоризною поставиша его въ единой хлѣвинѣ за сторожы. Но и ту прослави его Господь: мнози бо отъ различныхъ языкъ, живуще на мѣстѣ томъ, по вся нощи видяху столпъ огнень сіяющъ отъ земля до небеси, инии же яко дугу небесную при-
 кланяющуюся надъ хлѣвину святаго, идѣже лежитъ тѣло. И оттолѣ везоша его къ Бездѣжу, и яко приближившимся имъ ко граду, и мнози видѣвше изъ града около саней множество народа идяху съ свѣщами, а инии на конехъ^а съ фонари на въздусѣхъ ѣздяща; и тако привезоша ѣ въ градъ, и не сташа въ церкви, но въ дворѣ стрежахуть его. И се отъ стрегущихъ единъ въ ночь възлеже верху саней сущихъ съ тѣлесемъ святаго, и тако невидимо нѣкая сила сверже его далече съ саней святаго; онъ же великою болѣзнію одва вста, и еле живу ему сущю, пришедше исповѣда ту сущему іереови бывшая ему, отъ негоже слышахомъ и написахомъ. И оттолѣ повезоша его въ Русь, везущимъ же имъ по городѣмъ по Русьскимъ, и довезшимъ Москвы положиша ѣ въ церкви святаго Спаса въ монастыри; княгинѣ же и сыномъ его не вѣдущимъ ничтоже створшагося, далече бо бѣ земля и не бѣ кому вѣсти донести. На другое же лѣто приде въ Русь великій князь Юрій Даниловичъ на великое княженіе, приведе съ собою князя Костянтина Михайловича и бояръ и слугъ отца его. И се увѣдавше княгини его Анна, и епископъ Варсонофей, и сынове его^б, послаша увѣдывати на Москву; посланіи же пріѣхавше и повѣдаша, яко князь Михайло убіенъ есть, и плакахуся на многи дни неутѣшно. Бывшую же великому князю Юрію Даниловичу въ Володимерѣ, посла къ нему князь Дмитрей Михайловичъ брата своего князя Александра, и бояръ своихъ, и едва умолиша князя великаго Юрія Даниловича; онъ же повелѣ отпустить тѣло блаженнаго. Они же послаша на Москву бояръ своихъ съ игумены и попы, и привезоша тѣло святаго въ Тѣбрь со многою честію, и срѣтоша его сынове его, князь Дмитрей, князь Александръ, князь Василей, и княгини его Анна, по Волзѣ въ насадѣхъ, а епископъ Варсонофей со кресты съ игумены и попы, и безчисленное множество народа срѣтоша его у святаго Архангела Михаила на брезѣ; и отъ многого воцля не бѣше слышати поющихъ и не можаху донести раки^в къ церкви^г, и поставиша предъ враты церковными, и тако на многы часы плакаху, и едва внесоша въ церковь. И пѣвше надъ нимъ надгробное пѣніе, и положиша въ церкви святаго Спаса^д на десной странѣ, еже бѣ самъ создалъ, посторонь преподобнаго епископа Семеона, мѣсяца сентября въ 6 день, на Чюдо Архангела Михаила. И се чуднѣ створи Богъ своею неизреченною милостію: изъ толь далечіе^е земли везено тѣло святаго на телѣзѣ и^ж въ санѣхъ, и потомъ же тѣло святаго лежало на Москвѣ лѣто все, и обрѣтесе тѣло все цѣло, а не истлѣвше; како удиви Богъ святыя своя угодники, пострадавшая за нѣ^з. А Кончака и княгиню великую Юріеву^и привезоша въ Ростовъ. Великій князь Юрій Даниловичъ присла въ Новгородъ брата своего князя Аѳонасія, въ себе мѣсто на столѣ.

Въ лѣто 6828. Пріѣха изъ орды великій князь Юріе Даниловичъ въ Ростовъ, а оттолѣ

а) на конехъ » *пропущено въ Т.* б) и сынове его » *пропущено въ О.* в) раки » *блаженнаго прибавл. Ц. Б. Г. В.* г) къ церкви » *тѣсноты ради народа прибавл. К. О.* д) спаса » *въ гробѣ прибавлено въ К. О.* е) далечіе » *далечи Ц. Б. далече(и) О. В.* ж) на телѣзѣ и » *пѣтъ въ К.* з) за нѣ » *его же молитвами, христе боже нашъ, помилуй насъ, аминь прибавл. Ц. Б. Г. В.* и) а кончака . . . юріеву » *кончака (скончака) и юріеву княгиню К. О.*

1320 иде къ Новугороду. Того же лѣта преставися князь Юріе Александровичъ Ростовскій. Тогда
 —²⁴ же быша въ Ростовѣ Татарове злые; людіе же Ростовскіе собравшиися изгониша ихъ.

Въ лѣто 6829. Ходи великій князь Юрій Даниловичъ ратию ко Тѣбри на князя Дмитрія Михайловича, и прииде въ Переяславль съ полкы, и ту присла князь Дмитрій Михайловичъ владыку Тѣбрского Варсонофія, и доконча миръ на 2000 сребра, а княженія великого князю Дмитрію не подымати. Того же лѣта, мѣсяца іюня^а въ 26, въ 3 часъ дни, погибе солнце, и бысть акы мѣсяць двою дній, и по единомъ часѣ наполнися. Того же лѣта преставися князь Борисъ Даниловичъ, а на зиму преставися князь Давыдъ Ярославскій.

Въ лѣто 6830. Преставися князь Аѳонасей братъ великого князя Юрія Даниловича, постригся въ чернцы; и положиша его у святаго Спаса въ Нередицахъ. Того же лѣта ходи въ орду князь Дмитрей Михайловичъ, и подъя великое княженіе подъ великимъ княземъ Юріемъ Даниловичемъ. Того же лѣта приходи на Русь отъ орды посолъ силенъ, со княземъ Иваномъ Даниловичемъ, именемъ Ахмыль, и много пакости учини по Пизовской земли и христیانъ много посѣче, и поиде въ орду; а князь великій Юріе Даниловичъ тогда бяше въ Новѣгородѣ, и повелѣ пороки чинити. [Того же лѣта Нѣмци приходиша къ городу Корѣльскому, и отыдоша не взяше. К. О.] Того же лѣта поиде князь великій Юріе Даниловичъ съ Новгородци къ Выбору, городу Нѣмецкому, и биша шестію пороки, и избиша много Нѣмецъ въ городѣ, града же не взяша, бѣ бо крѣпокъ велми; а добрыхъ мужъ много паде. Князь же великій Юріе Даниловичъ прииде отъ Выбора и поиде на Низъ, и много глагола Новгородцемъ, да быша проводили его. Бывшу же ему на Урдомѣ, и ту князь Александръ Михайловичъ нападе на нь со Тѣбричи, князь же Юрій самъ убѣжа въ Псковъ, а казну его взяша, а во Псковѣ бяше тогда Литовскій князь Давыдко; и оттолѣ его призваша Новгородци къ себѣ, по крестному цѣлованію.

Въ лѣто 6831. Ходиша Новгородци съ княземъ Юріемъ Даниловичемъ въ Неву, и поставиша городъ на усть Невы, на Орѣховомъ островѣ; ту же къ нему приходиша послы отъ Свѣйскаго короля, и взяша миръ вѣчный съ Новымъгородомъ по старинѣ. [Того же лѣта приходиша Нѣмци ратию къ Пскову, въ кораблѣхъ и въ лодьяхъ и на копѣхъ; и стояша у города 18 дній, пороки бьющи, города своя придвигивающі^б, а бьючи стѣну^в. И князь Давыдко поспѣ изъ Литвы, съ мужи своими и съ Псковичи ополчився, и прогна ихъ за Великую рѣку, а пороки и города ихъ поима; и ту убиша посадника Псковьскаго Селилу Алексича; и бѣгоша Нѣмци съ многымъ студомъ и срамомъ отъ града Пскова. Того же лѣта воеваша по Ловоти^г Литва; Новгородци же угониша и биша ихъ. Того же лѣта заратишася Новгородци съ Устюжаны, и изымаша Новгородцевъ, кто ходилъ на Югру, и ограбиша ихъ. К. О.]

Въ лѣто 6832. Иде великій князь Юрій Даниловичъ съ Новгородци на Заволочіе, и взя Устюгъ на щитъ, и поидоша на Двину; и ту прислаша послы своя князи Устюжскыя^д къ великому князю, и докончаша миръ по старой пошлинѣ. Великій князь Юріе Даниловичъ поиде въ орду, изъ Заволочія, по Камѣ по рѣцѣ. Тое же зимы преставися архіепископъ Новгородскій Давыдъ, и положиша его въ притворѣ святыя Софіи, подлѣ архіепископа Климента. [Того же лѣта Новгородци възлюбиша всѣ Богомъ назнаменана Моисѣя, преже бывша архимандрита святаго Георгія, и потомъ по воли съшелъ на Колмово въ свой монастырь;

а) іюня — исправлено по Новг. перв. Лѣт.; во всѣхъ св. іюля. б) придвиг. — подвигаютъ К. в) стѣну — щитъ въ О, а въ К. ошибк. а бьючину: см. Новг. четв. Лѣт. т. IV, 50. г) по ловоти — по волоти ошибк. О. д) устюжскыя — устюжскыя Т.

Новгородци же възведоша его на сѣни, и посадиша въ владычнѣ дворѣ, дондеже позоветъ 1324
его митрополитъ. К. О.] —27

Въ лѣто 6833. Поиде въ орду князь Дмитрей Михайловичъ Тѣбрьскій. Того же лѣта уби князь Дмитрей великого князя Юрія Даниловича Московского въ ордѣ; и привезоша его на Москву. Того же лѣта пріѣха на Москву къ митрополиту Петру изъ Новгорода Моисей ставитися на владычество. И привезоша при немъ великого князя Юрія Даниловича изъ орды, внука великого князя Александра Ярославича, и положиша въ церкви святаго Архангела Михаила, на десной странѣ; пѣвше же надъ нимъ Петръ митрополитъ, и архіепискупъ Новгородскій Моисей, и Ростовскій владыка Прохоръ, и Тѣбрьскій владыка Варсонофей и Рязанскій владыка Григорей, въ субботу 1-ю поста великого, и плакася по немъ братъ его князь великій Иванъ Даниловичъ и вси людие. *Далѣ см. подѣ тѣмъ же годомъ Новг. перв. Лѣт., т. III, стр. 73, отъ словъ: убилъ бо и бяше. . . безъ труда спасется. Княженія великого Юрія Даниловича 3 лѣта^а.* Того же лѣта пріиде изъ орды князь Александръ Михайловичъ, а Татарове съ нимъ должници; и много тяготы бысть земли Тѣбрьской.

Въ лѣто 6834. Пріѣха въ Новгородъ архіепископъ Моисей, а поставленъ бысть на Москвѣ, на вербной недѣли во вторникъ. Того же лѣта пріѣхаша послы изъ Литвы: братъ великого князя Гедимена Воиній^б Полотскій князь, и князь^в Василей Мѣньскій^г, и князь Ѳеодоръ Святъславичъ, и докончаша миръ съ Новгородци и съ Нѣмци. Того же лѣта родися сынъ великому князю Ивану Даниловичу князь Иванъ^д. Того же лѣта уби царь въ ордѣ, за великого князя Юрія Даниловича, князя Дмитрія Михайловича Тѣбрьского, на Кондраклѣ. Того же лѣта заложена бысть церкви камена святая Богородица, на Москвѣ, митрополитомъ Петромъ^е. Тое же зимы преставися пресвященный Петръ митрополитъ Кіевски и всея Руси, великій чудотворецъ, мѣсяца декабря въ 21^ж, и положенъ бысть въ церкви у святаго Богородица, иже самъ поча здати; тогда простилъ три^з человекъ болящіе, подають же исцѣленія честныя его мощи и до сего дни приходящимъ^и къ нему съ вѣрою.

Въ лѣто 6835. Присла великій князь Иванъ Даниловичъ намѣстники своя въ Новгородъ, а самъ поиде въ орду. Того же лѣта родися князь Андрій Ивановичъ. Того же лѣта пріѣха изъ орды посолъ силенъ на Тѣбрь, именемъ Шолканъ . . . въ бесерменскую вѣру. *Отмѣченныя точками слова см. въ Новг. четв. Лѣт., стр. 50.* Силою Великого Спаса, и молитвою пречистые его Богоматере Владычица наша Богородица честнаго ея Успенія, и молитвою новоявленною святыхъ мученикъ князей^к Русьскихъ Бориса и Глѣба, созва князь Тѣбричъ и поиде на Шолкана, рекъ. . . побѣже на сѣни. *См. въ Новг. четв. Лѣт., стр. 50.* Князь же Александръ зажже сѣни отца своего и дворъ, и сгорѣ Шолканъ и съ прочими Татары, а гостей Хопыльскихъ изсѣче. Бысть же^л на Успеніе святаго Богородица сія сѣча^м, мѣсяца августа въ 15. Того же лѣта поиде князь великій Иванъ Даниловичъ въ орду. А на зиму пріидоша изъ орды на Русь 5 темниковъ великихъ князей ординскихъ, а съ ними князь великій Иванъ Даниловичъ, и поидоша ко Тѣбри, и взяша градъ Тѣбрь и Кашинъ, и

а) княженія . . . лѣта • княжи 3 лѣта великій князь юрьи даниловичъ К. О. б) воиній • воинъ В; въ Новг. перв. Лѣт. воини. в) и князь • и сынъ *ошибк.* Ц. г) мѣньскій • мѣстный *во всѣхъ сп. кромъ К. О.* д) иванъ • марта 30 *прибавл.* Ц. е) митрополитомъ петромъ • *пропущено въ К. О.* ж) дек. въ 21 • декабря въ 20 К. О. з) тогда . . . три • и тогда же простие *ошибк.* К. О. и) приходящимъ • приходящихъ Т. К. О. і) *Предѣ симъ во всѣхъ сп. кромъ О. въ видѣ заглавія: шолканова рать (шолкановщина).* к) князей • царей К. О. л) бысть же • се *прибавл.* Т. К. О. м) сія сѣча • *итѣ въ К. О.*

¹³²⁷
—³⁰ Новоторжекую волость пусту сътвориша, Новъ же городъ ублюде Богъ и святая Софія; а князь Александръ и братъ его князь Костянтинъ бѣгоша^а въ Псковъ. Въ Новъ же городъ послаша Татарове послы своя, Новгородци же даша имъ 2000 сребра, и своя послы съ ними послаша къ воеводамъ ихъ со множествомъ даровъ. Тогда же убиша Татарове князя Ивана Ярославича Рязаньскаго.

Княженіе великаго князя Ивана Даниловича Московскаго. Въ лѣто 6836. Съде на великомъ княженіи великій князь Иванъ Даниловичъ, и бысть тишина велика христіаномъ по всей Русьской земли на многа лѣта. Того же лѣта пріѣха митрополитъ на Русь Гречинъ, именовъ Оеогностъ. Того же лѣта погорѣ Юріевъ градъ Нѣмецкый весь и божници, и полаты каменя падоша; и сгорѣ Нѣмецъ въ полатахъ 2000 и 500 и 30, а Руси 4 чело- вѣки. Того же лѣта преставися князь Костянтинъ Ростовскій. Того же лѣта поиде князь великій Иванъ Даниловичъ и князь Костянтинъ Михайловичъ, а Новгородци послаша отъ себе Оедора Колесницу, и поидоша въ орду ко цареву; и отпусти ихъ царь Озбьякъ, и повелѣ искати князя Александра. И посла князь великій Иванъ Даниловичъ послы своя, а Новгородци отъ себе послаша владыку Моисея и Авраама тысяцскаго ко князю Александру въ Псковъ, веляще ему, дабы шель въ орду; онъ же не послуша ихъ.

Въ лѣто 6837. Пріѣха въ Новъгородъ на столъ князь великій Иванъ Даниловичъ, а внукъ великаго князя Александра Ярославича, мѣсяца марта въ 26, на Сборъ Архангела Гаврила, а съ нимъ князи Тѣбрьскіе, князь Костянтинъ и братъ его князь Василей Михайловичи, и князь Александръ Суздальскій, и иныхъ много князей Русьскихъ. Того же лѣта пріѣха въ Новъгородъ митрополитъ Оеогностъ Кіевскій и всея Руси. [Того же лѣта убиша въ Юрьевѣ Нѣмецкомъ Новгородскаго посла Ивана Сыпа, мужа честна. К. О.]

Въ лѣто 6838. Поставлена бысть, на Москвѣ, церкви каменная святый Спасъ. Того же лѣта вложися въ сердце княземъ Русьскимъ взискати князя Александра, повелѣніемъ окаянаго царя Озбьяка, и подъяша всю землю Русьскую; пріѣха великій князь Иванъ Даниловичъ въ Новъгородъ, бяху же съ нимъ князи Русьстїи и Тѣбрьстїи князи, князь Костянтинъ и Василей^б, и князь Александръ Суздальскій, и подъяша Новгородцевъ. И посла князь великій Иванъ Даниловичъ боярина своего Луку Протасіева, а Новгородци послаша владыку Моисея и Авраама тысяцскаго во Псковъ, рекши князю Александру: «поиди въ орду, а не погуби крестіанъ отъ поганыхъ.» Отвѣща имъ князь Александръ: «се ли имъ любо, поганїи Тѣбрь взяша, а людіи овыхъ плѣниша, а овыхъ мечи изсѣкоша^в?» и съжаливси въсхотѣ итти въ орду, рекъ: «единъ азъ да умру за всѣ христїяны.» И рекоша ему Псковичи: «не ѣзди въ орду; оже что будетъ на тебѣ^г, изомремъ съ тобою въ единомъ мѣстѣ.» И поиде князь великій Иванъ Даниловичъ со всѣми князи и съ Новгородци на Псковъ ратїю, и ставъ Опокахъ; увѣдавъ же^д не вынати, ни выгнати князя Александра изъ Пскова, и намолви митрополита Оеогноста, и посла митрополитъ проклятїе и отлученїе на князя Александра и на Псковичъ. Князь же Александръ рече Псковичемъ: «братїя и друзи! не буди на васъ^е проклятїя мене дѣля; ѣду изъ града вашего вонъ, не буди крестнаго цѣлованїя на мнѣ, ни моего на васъ,» и отѣха въ Литву. Псковичи же прислаша къ великому князю съ чело- битїемъ въ Опоку, и смиришася. Того же лѣта Псковичи поставиша городъ Изборескъ

а) бѣгоша « бѣжа во всѣхъ сп. кромѣ О. б) и василей « иванъ василей *ошибк.* О. в) изсѣкоша « а иныхъ ножи изрѣзаша *прибавл.* К. О. г) на тебѣ « намъ то и тобѣ О. д) увѣдавъ же « увѣдавше *въ прочихъ сп. кромѣ К. О.* ; *въ Новг. четв. Лѣт. (т. III, стр. 51)* увѣдавъ оже. е) на васъ « насъ *ошибк.* Т.

камень на Жаровѣ^а горѣ. Того же лѣта владыка Моисей^б соиде со владычества на Колмицю; 1330 [Новгородци же быша безъ владыкы 8 мѣсяць, и изведоша на сѣни Григорья Калику, попа —³¹ святого Кузмы и Демьяна съ Холопья улицы; и пострижеса въ черньци мѣсяца генваря въ 1, нареченъ бысть Василей. К. О.]

Въ лѣто 6839. Приѣхаша послы отъ митрополита изъ Вольньскыя земли въ Новѣгородъ, на страстной недѣли, и позваша Василя ставитися на владычество. Того же лѣта заложил владыка Василей городъ камень, отъ святого Володимера до святыхъ Бориса и Глѣба, по той сторонѣ отъ Волхова. Того же лѣта, мѣсяца іюня, на Рожество Іоана Предтеча, поѣхал Василей въ^в Вольньскую землю на владычество ставитися, а съ нимъ бояре Кузма Твердиславль, Олфромѣй^г Остафиевъ, сынъ тысячьского; и ѣхаша на Литовскую землю, и князь Гедименъ изъима ихъ на миру. И въ таковѣй тяготѣ слово право дали сыну его Наримонту, пригороды Новгородскія: Ладугу, Орѣховъ городокъ, Корѣльскій городокъ^д, Корѣльскую землю, половину Копоріи, въ вотчину и дѣдину и его дѣтемъ. И тако приѣхаша оттолѣ въ Володимеръ Вольньскій, и поставил митрополитъ Теогностъ владыку Василя Великому Новгороду архіепископа въ церкви святыхъ Богородица, мѣсяца августа, на память святого Апостола Тита; [а коли митрополитъ Теогностъ ставилъ Василя владыку, а съ нимъ были на ставленіи 5 владыкъ, Григорей Полотскій, Аѳанасей Володимерскій, Теодоръ Галичскій, Марко Перемышльскій, Иванъ Холмскій. К. О.] Въ то же время явилася звѣзда свѣтла надъ церковію, стояше весь день свѣтяся. Въ то же время приѣхаша послы изъ Пскова, отъ князя Александра, и отъ Гедимена, и отъ всѣхъ князей Литовскихъ, къ митрополиту Теогносту Кіевскому и всея Руси, и приведоша съ собою Арсенія, хотяще его поставити на владычество въ Псковъ, не потворивше Новагорода ни вочто же, възнесеша высокоуміемъ своимъ; но Богъ всегда низлагаетъ высокія мысли, зане Псковичи измѣнили крестное цѣлованіе къ Новгороду, посадили^е себѣ князя Александра на княженіе изъ Литовскіе^ж руки. Арсеній же поѣхалъ съ Псковичи, посрамленъ отъ митрополита, изъ Вольньскыя земли на Кіевъ; а владыка Василей поѣхал отъ митрополита^з мѣсяца сентября въ 1 день^и, и отгудѣ поѣхал на Кіевъ, бояся Литвы, и ѣхал вборзѣ, митрополитъ же Теогностъ посла слугу своего за владыкою съ грамотою къ нему и къ бояромъ: «отпустилъ на васъ князь 300 человекъ Литвы, велѣлъ изымати,» и они^и того убѣжали. И приѣхаша подъ Черниговъ, и ту наученіемъ діаволимъ пригнася князь Оедоръ Кіевскій съ баскаки въ 50 человекъ разбоемъ, Новгородци же остерегошася и сташа доспѣвъ противу себе, мало кровопролитія не учинилося промежи ими, полни наши окупъ съ себе даша; а Ратьслава протодіакона митрополита изымавъ^к въ Кіевъ повели, а чрезъ цѣлованіе; а князь въспрімъ срамъ отѣхал прочь, но отъ Бога казни не убѣжа, помроша кони у него. И оттолѣ поѣхал владыка на Брянскъ, и приѣхал въ Торжекъ мѣсяца ноября въ 3, а въ Новѣгородѣ печални быша, занеже вѣсти не бѣ про нихъ, но слышати^л яко владыку Литва няли, а бояръ иже съ нимъ быша побили^м. И приѣхал владыка и съ бояры въ Новѣгородъ^н, при великомъ князи Иванѣ Даниловичѣ. Того же

а) на жаровѣ » на жаравѣ *вездѣ кромѣ* Т. В. б) моисей » пострижеса въ скыму и *прибавл.* К. О. в) въ » на Т. г) олфромѣй » офремѣй К. офромей О. д) корѣльскій городокъ » *пропущено въ Ц.* е) посадили » послали *ошибк.* К. О. ж) литовскіе » земли *прибавл.* Ц. з) митрополита » изъ вольньской земли *прибавл.* К. О. и) въ 1 день » на память святого отца семеона столпника *прибавл.* К. О. і) и они » и инии К. ини *въ прочихъ сп.* к) изымавъ » има Т. имя Ц. Б. Г. О. имавъ В. л) но слышати » но слышали Ц. м) побили » а тѣхъ побили К. О. н) въ новѣгородъ » декабря въ 8, при вел. кн. иванѣ даниловичи. при посадниѣ офромѣи. при тысячьскомъ еустафьи. ради бѣхомъ *прибавл.* К. О.

1331 лѣта князь Иванъ Даниловичъ поиде въ орду, а съ нимъ князь Костянтинъ Михайловичъ
—³⁷ Тѣрьскій.

Въ лѣто 6840. Прииде изо орды великій князь Иванъ Даниловичъ и възверже гнѣвъ на Новгородъ, прося у нихъ серебра Закамьского, и въ томъ взя Торжекъ и Бѣжицьскій Верхъ. [Того же лѣта гладь бысть по всей земли великъ. Ц.] Того же лѣта преставися князь Александръ Василіевичъ Суздальскій.

Въ лѣто 6841. Ъздилъ владыка Василей въ Псковъ, и крестилъ у князя Александра сына князя Михаила. Того же лѣта приѣха князь Наримонтъ Гедименовичъ, нареченый въ крещеніи Глѣбъ; приѣха въ Новгородъ на пригороды, что ему ркли въ Литвѣ, и цѣлова крестъ къ Новугороду^а. Митрополитъ Феогностъ приѣха на Москву, а былъ во Царигородѣ и въ ордѣ. На ту же зиму великій князь Иванъ Даниловичъ прииде въ Торжекъ, со всеми князи Низовскими, и присла въ Новгородъ, намѣстники своя сведе, а самъ сѣдѣ въ Торжку отъ Крещенія полны до Сбора, волость воюючи Новгородскую; Новгородци же послаша послы своя къ великому князю съ челобитіемъ, архимандрита Лаврентія, и Феодора Твердиславича, и Луку Офромѣева, зовучи его на столъ въ Новгородъ; великій же князь Иванъ Даниловичъ челобитія ихъ не прія, а миру не да, и поѣха на Низъ. Того же лѣта взяша Новгородци миръ съ великимъ княземъ Иваномъ Даниловичемъ.

Въ лѣто 6842^б. Приѣха въ Новгородъ великій князь Иванъ Даниловичъ.

Въ лѣто 6843^в. Великій князь Иванъ Даниловичъ приѣха въ Торжекъ, и воеваша Литва на миру Новоторжскую волость; и посла князь Иванъ Даниловичъ рать свою, и поже городки Литовскіе, Осѣченъ, Рясну и иные городкы.

Въ лѣто 6844. Поиде въ орду великій князь Иванъ Даниловичъ. Того же лѣта выиде изо орды князь Феодоръ Александровичъ.

Въ лѣто 6845. [Придоша Нѣмци къ Корѣльскому городу съ многою силою; бяше въ городѣ тогда воевода Валитъ Корѣлянинъ, и dospѣ Валитъ перевѣтъ съ Нѣмци и предалъ городъ Нѣмцамъ; Нѣмци же начаша городомъ владѣти. Новгородци же увѣдавши, съ всею силою своею сташа подъ городомъ іюля въ 3 день, въ осмый же день приступиша къ городу; и Валитъ dospѣ перевѣтъ къ Новгородцемъ, и отвори городъ, Новгородци же взяша свой городъ іюля въ 8, въ полѣдни, а Нѣмецъ избиша, а иныхъ извѣшаша. К. О.]^г Въ той же мѣсяць, іюля въ 8, въполѣдни^д, явися знаменіе: въ церкви святыя Троицы, на Рядитинѣ улицы, стукну, и вниде сторожъ видѣти бывшее, и се икона святая Богородица, держаща^е Бога на руку, стояща^ж надъ дверми отъ сѣверныя страны на другомъ поясѣ, и тако^з въ той часъ въполѣдни^и сниде съ высоты и ста о себѣ, ничимъ же подержима, ни стѣною, и быша слезы изъ очію ея. О великое чудо, како изъ суха древа слезамъ быти! но се вѣдомо есть Богъ прославляетъ свою Матерь, и молитву ея приѣмлетъ, градъ спасаеть. И въ той^и часъ призваша владыку Василя, и сотвориша кивотъ и поставиша икону въ кивотѣ^к; и сътвориша праздникъ на память святаго мученика Прокопія. Того же лѣта князь Александръ Михайловичъ поиде въ орду изо Пскова; а былъ въ Псковѣ 10 лѣтъ. [Того же лѣта Корѣла подвѣдши Нѣмецъ, и побиша Русь, Новгородцевъ много и Ладожанъ гостей, и кто

а) къ новугороду « мѣсяца октобрія (октябрія) прибавл. К. О. б) въ л. 6842» 43 (т. е. въ лѣто) Ц. в) въ л. 6843» итьгъ въ Ц. г) За симъ въ К. О. въ видѣ заглавія: чудо св. богородица о иконѣ. д) въполѣдни « только въ К. О. е) держаща « держаше Т. ж) стояща « стояще(и) Т. В. стояше К. О. з) и тако « и та (и тако) икона Ц. В. и) въ той часъ въ полѣдни « о полдне К. О. і) въ той « воть вездѣ кромѣ В. к) и сотвориша. . . въ кивотѣ « пропушено въ Ц.

жилъ крестьянъ въ Корѣлѣ; а сами Нѣмци поѣхали въ Нѣмецскыя городки, и потомъ много 1337
побиша крестьянъ изъ Нѣмецскыхъ городковъ^а. К. О.] —39

Въ лѣто 6846. [Ѣздѣша Новгородци съ посадникомъ Ѳеодоромъ въ Неву, и стояша подъ Орѣховымъ, съсылаючися съ воеводою Нѣмецкимъ съ Стенемъ послы; и не бысть миру, и тако възвратишася Новгородци въ Новѣгородъ. И воеваша Нѣмци съ Корѣлою много по Овоуѣжью, послѣже и Ладогу пожгоша; пригонивше пожгоша посадъ, а Новагорода не взяша^б. Того же лѣта приходиша Нѣмци изъ городка на Толгоду воевати, и оттолѣ хотяху на Вольскую землю, и не взяша ничтоже, остерегли бо ся бѣше; но вышедше Копорьяне съ Ѳеодоромъ Васильевичемъ, и бѣша ѿ, и убиша ту Михѣя Копорьянина, челоуѣка добра, а подъ Ѳеодоромъ конь подколоша, но самому не бысть пакости, выѣхалъ бо бѣше въмалѣ. К. О.] Князь Наримонтъ бѣше въ Литвѣ, и много Новгородци посылаша по него, онъ же не поѣха, но и сына своего выведе изъ Орѣхова князя Александра, токмо намѣстники своя остави. Того же лѣта прииде князь Александръ Михайловичъ изъ орды, пожалованъ царемъ Озбюкомъ вотчиною своею Тѣфрѣю; и посла въ Псковъ, выведе княгыню свою и дѣти къ себѣ во Тѣфрѣ. *Далѣе см. Новг. перв. Лѣт., т. III, стр. 78 — 79, отъ словъ: тое же зимы послаша послы . . . послати къ Свѣйскому князю (къ Свѣйскому местерю за море); сѣи слова нахо- дятся только въ К. О.*

Въ лѣто 6847. Ходилъ князь великій Иванъ Даниловичъ въ орду, и его же думою присла царь послы на Русь^в, и позваша князя Александра Михайловича, и князя Василія Давыдовича Ярославскаго, и всѣхъ князей; князь же Александръ посла напередъ себе въ орду сына своего князя Ѳедора, чая отгуду вѣсти. И присла царь по него, князь же Александръ поиде, и князь Василей Давыдовичъ съ нимъ Ярославскій, на нь же^г посла великій князь Иванъ Даниловичъ, тесть его, въ пяти сотъ челоуѣкъ переимати, но отбѣся ихъ; уже бо бѣше великій князь Иванъ Даниловичъ вышелъ изъ орды, и послаша къ нему Новгородци отъ себе послы. Того же лѣта бысть знаменіе, мѣсяца августа въ 13, у святаго Лазаря: отъ иконы святаго Богородица, на вечерни, изъ обою очію яко слезы течаху; и подставиша двѣ вошаници, наутрѣ же увѣдавше весь городъ^д, игумены и попове со кресты и въ ризахъ ходиша видѣти бывшаго. [Того же лѣта послаша Новгородци Кузму Твердиславля и Александра Борисовича со инѣми бояры, а отъ владыкы сестричича его Матѣя, за море къ Свѣйскому местерю посольствомъ, и наѣхаша его въ Мурманской земли, въ городъ Людивлѣ, и докончаша миръ по старымъ грамотамъ; а про Корѣлу тако рекоша: «оже къ вамъ бѣжатъ наши, сѣките ихъ или вѣшайте, или ваши къ намъ, такоже сътворимъ имъ, да не льстятъ промежи нами; а сѣхъ не выдадимъ, крещени суть въ нашу вѣру, а и безъ того мало бѣ ихъ осталось, но то всѣ помроша гнѣвомъ Божіимъ, занеже отверглися вѣры крестьянскыя.» К. О.] Къ великому князю Ивану Даниловичю послаша Новгородци Силверста Волошовича и Ѳедора Авраамовича съ выходомъ; великій же князь Иванъ Даниловичъ присла послы своя въ Новѣгородъ, прося другаго выхода: «аще^е дадите ми запросъ царевъ, чего у мене царь запрашалъ?» Новгородци же рѣша: «того не бывало отъ начала міру; а ты, господине, цѣловалъ крестъ къ Новугороду, по старой пошлинѣ Новгородской, по грамотамъ прадѣда своего великаго князя Ярослава Володимировича.» Того же лѣта, мѣсяца октября въ 29,

а) и потомъ. . . городковъ» *имѣтъ въ К.* б) а новагорода не взяша»; *въ Новг. перв. Лѣт., стр. 78, сказано нь города не взяша, т. е. Ладожскаго городка, или укрѣпленія.* в) на русь» татарскыя прибавл. К. О. г) на нь же» на него же К. О. д) весь городъ» вси гражане К. О. е) аще» а еще *такъ въ Новг. перв. Лѣт. стр. 79.*

1339 убиша въ ордѣ окаанніи Татарове князя Александра Михайловича Тѣрського и сына его князя —⁴¹ Теодора, повелѣніемъ безбожнаго царя Озбяка; призвалъ бо бѣше его съ лестію, рекъ тако: «хочю тя жаловати;» оному же послушавшу поганаго лестивыхъ словесъ, и пришедша убіена быста, приѣмша^а горкую, нужную смерть за христіянскую вѣру. Тое же зимы великій князь Иванъ Даниловичъ сведе намѣстники своя изъ Новагорода, и не бѣ ему миру съ Новымъ-городомъ.

Годъ 6848 см. въ *Новг. четвертой Лѣт.*, т. IV, стр. 55. Слова: выиде изъ орды Товлу-бій . . . ничимъ же неврежена бысть. За тѣмъ: Того же лѣта, на зиму, мѣсяца декабря въ 6, на память святаго великого отца Николы архіепископа Мурьскаго, убиша Брянци князя Глѣба Святославича; въ то же время и митрополитъ былъ въ Бряньсцѣ^б, и не възможе унѣти ихъ, но выведше изъ церкви святаго Николы и убиша ѿ^в.

Въ лѣто 6849. Преставися великій князь Иванъ Даниловичъ, мѣсяца марта въ 31, княживъ на великомъ княженіи лѣтъ 18, и положенъ бысть въ церкви святаго Архангела Михаила^г на Москвѣ, а преставися въ чернцѣхъ и въ скимѣ. И поидоша всѣ князи Русьскыя въ орду: князь Семень Ивановичъ, сынъ великого князя Ивана Даниловича, князь Василей Давыдовичъ Ярославскій, князь Костянтинъ Тѣрський, князь Костянтинъ Василіевичъ Суздальскій и со иными князи Русьскими. Того же лѣта ходили Новгородци на Устюжну^д, и повоеваша, и градъ пожегше възвратишася; они же угонивше, у лодейниковъ полонъ отъѣша и товаръ свой. [Того же лѣта, мѣсяца сентябрія въ 9, убиша Нѣмци въ Латыголъ^е, на селѣ на Опочиѣ, пословъ Псковскихъ 5 мужъ, Михаила Любѣнова съ дружиною^ж, на миру, и Псковичи же ѣхавши съ княземъ Александромъ Всеволодичемъ, и повоеваша Латыголу; и князь Александръ учинивъ розмирье съ Нѣмци, и поѣха прочь. К. О.]

Княженіе великого князя Семена Ивановича Московскаго. Тое же осени выиде изъ орды на великое княженіе князь великій Семень Ивановичъ, а съ нимъ братья^з его князь Иванъ Ивановичъ да князь Андрѣй, и всѣ князи Русьскыя даны ему въ руцѣ, и сѣде на столѣ въ Володимери. Того же лѣта приходи рать къ Можайску Литовская, города не взяша, а посадъ пожгоша. А Нѣмци приходиша со всею силою своею, и поставиша Новый городокъ на рѣцѣ на Пижвѣ, на Псковской земли. Того же лѣта князь великій Семень Ивановичъ насла на Торжекѣ дани брати бояръ своихъ, и начаша силно дѣяти; Новоторжци же прислаша въ Новгородъ съ поклономъ, они же послаша къ нимъ Матѣя Олфромѣвича, Терентія Даниловича съ братомъ, Офромѣя посадника сына Остафіева, Теодора Авраамова; они же^и изгониша Торжекѣ безъ вѣсти, и намѣстниковъ изнимаша, князя Михаила Давыдовича^и, Ивана Рыпкина^к сына борцева^л, Бориса Семенова и жены ихъ и дѣти, и сковаша ихъ; и сѣдѣша въ Торжку мѣсяць, городъ утвердивше, а къ великому князю послаша напередъ того посла изъ Новагорода Кузьму Твердиславля съ жалобами: «еще, господине, на столѣ въ Новгородѣ не сѣлъ еси у насъ, а уже бояре твои силно дѣютъ.» Бояре же^м Новгородскіе изъ Торжку послаша въ Новгородъ помочи дѣля, чтобы ѣхали въ Торжекѣ; и не въсхотѣ чернь. Посемъ же видѣвше Новоторжци, яко изъ Новагорода не бысть рати болѣ того, и

а) приѣмша « приѣмши(е) во всѣхъ сп. кромѣ Ц. б) въ бряньсцѣ « въ брянцѣ вездѣ кромѣ К. О. в) и « тѣмъ въ Г. г) михаила « великаго прибавл. Г. К. О. д) устюжну « воевати прибавл. К. О. е) въ латыг. « въ латыколѣ О. ж) съ дружиною « съ другы О. з) братья « братъ вездѣ кромѣ К. О. и) они же « и приѣхавъ вборзѣ К. О. і) давыдовича « даниловича Б. Г. к) рыпкина « рыткина Ц. Б. Г. л) ивана рыпк. сына борцева; въ *Новг. перв. Лѣт.*, стр. 80, читается ивана рыбьина сына, и борцен; см. ниже слово борци. м) бояре же « твои прибавл. Ц. Б. Г.

всташа чернь на бояръ, а ркучи: «почто есте призвали Новгородцевъ, и они князей изни-¹³⁴¹ мали? а намъ въ томъ погибнути;» и скрутившеся въ броня, нашедше силою на дворы, и ^{—42} выимаша у воеводъ намѣстники великого князя, и борци и жены ихъ, а Новгородцевъ вы- проводиша изъ города; а бояре Новоторжскыя прибѣжаша въ Новъгородъ толко душею кто успѣлъ, а дома ихъ разграбиша и хоромы развозиша, а Семена Внука убиша на вѣчѣ, и села ихъ пусты учиниша. Тое же зимы великій князь Семень Ивановичъ прииде ратию въ Торжекъ, со всею Низовскою землею, Новгородци же почаша^а всю волость копнати Новогородскую въ городъ, а къ великому князю Семену Ивановичю послаша послы съ челобитіемъ, владыку Василя и Аврама тысячского съ иными бояры; и докончаша миръ по старымъ грамотамъ^б, и крестъ цѣлова къ нимъ, а великому князю Семену Ивановичю дали боръ^в по всѣмъ волостемъ Новгородскимъ, да 1000 рублевъ на Новоторжцѣхъ; бысть же ту и митрополитъ съ великимъ княземъ, и посла великій князь Семень Ивановичъ намѣстники своя въ Новъгородъ. Тое же зимы приѣха митрополитъ Феогностъ въ Новъгородъ съ многими людьми, и тяжко бысть владыцѣ и монастыремъ кормомъ и дары. Тое же зимы умре поганый царь Озбьякъ. Тое же зимы умре Гедименъ князь Литовскій^г. Тое же зимы приѣха въ Новъгородъ княжичъ Михайло Александровичъ ко владыцѣ, сынъ крестной, грамотѣ учиться.

Въ лѣто 6850. Псковичи отвергшеся Новагорода и великого князя Московскаго, и послаша послы своя въ Видьбескъ, къ великому князю Олгерду^а Гедименовичю Литовскому, помочи просити, а на Новъгородъ лжу вскладывая: «братія наша Новгородци не помогаютъ намъ; помози намъ, господине, въ се время, великій княже Олгерде. «Онъ же прія ихъ челобитіе, и посла къ нимъ напередъ себя воеводу своего князя Юрія Витовтовича, а самъ съ братомъ своимъ Кестутіемъ и съ Литвою приѣха въ помощь Псковичемъ; приведе съ собою и сына своего князя Андрѣя, тако бо бѣше ему имя молитвенное, но еше бѣше не крещенъ. Великій же князь Олгердъ посла князя Юрія Витовтовича къ Новому городку языка добывати,^е онъ же поима Псковичъ рѣзвыхъ людей и поѣха, срѣте великую рать Нѣмецкую, оже идуть къ Изборьску; и туто убиша Нѣмци Псковичъ и Изборянь 60 человекъ, на Мекужичьскомъ полѣ, у рѣки у Мекужици, а князь Юрій прибѣжа въ Изборескъ въ малѣ дружинѣ. Наутріе же придоша Нѣмци подъ городъ Изборескъ съ силою великою, съ порокомъ и со многымъ замышленіемъ, и оступиша градъ, хотя плѣнити домъ^ж святаго Николы; а Олгердъ и Кестутей повелѣша своей Литвѣ, и Видблянѣмъ, и Псковичемъ бродитися за Великую рѣку, а не вѣдаючи подъ Изборскомъ рати Нѣмецкыя. Они же перебродишася и сташа станомъ на Камлѣ,^з а великій князь Олгердъ посла свою Литву въ сторожѣхъ предъ полкы; они же ѣхавше, и яша языкъ Нѣмецкыя рати за Холохолномъ, и приведоша ко Олгерду, онъ же повѣда силу велику Нѣмецкыя рати подъ Изборьскомъ. Олгердъ же и Кестутей повелѣша своей Литвѣ бродитися за Великую рѣку опять въ Псковь, такоже и Псковичи перебродилися за Великую рѣку, блюдуци своихъ домовъ и женъ и дѣтей отъ Литвы. А Олгердъ и Кестутей остахася назади съ малою дружиною, со Псковичи и съ Литвою, и поѣхаша въ Грамьское^и болото, и начаша перепытывати Нѣмецкыя рати; и Любко князь Литовской, Воиневъ^і сынъ Полотьского князя, самъдругъ отѣха отъ

а) почаша «послаша Б. Г. В. б) съ иными . . . грамотамъ» *пропущено въ К.* в) боръ «поборъ К. О. г) тое же зимы умре гедименъ . . . литовскій» *пропущено въ К.* д) олгерду «олгорду такъ и ниже Т. е) добывати» не добывати *ошибк.* Б. Г. ж) домъ «градъ и домъ Ц. Б. Г. В. з) на камлѣ» на камнѣ К. О. на камлѣ В. и) въ грамьское «въ грамское Т. і) воиневъ» воиненъ *вездѣ кромѣ К. О.; см. Нови. четв. и Псковск. перв. Лѣт., стр. 56 и 188.*

¹³⁴²Олгерда, и вѣхаша въ сторожевыя полкы Нѣмецкыя не вѣдаючи, и ту его убиша, и бысть
^{—45}Олгерду и Кестутію и инымъ княземъ скорбь и печаль велика о немъ. А въ то время при-
 тужно бяше Избореску, и прислаша гонецъ въ Псковъ со многою тугою и печалію; Олгердъ
 же и Кестутей съ своею Литвою отрекошася поити противу Нѣмецкыя рати^а, а Псковичемъ
 однимъ не мощно бѣ пособити Изборяномъ. И стояша Нѣмцы подь Изборскомъ 10 дній,
 и воду отгъяша отъ Изборянь; и помощію святыя Троица и молитвою святаго Николы отгъ-
 доша Нѣмцы прочь, и пороки пожегше^б и весь запасъ свой, не вѣдающе, аже въ Изборецѣ
 воды нѣту; но Богъ храняше градъ и люди ту сущая въ немъ, а поганымъ вложи Богъ въ
 сердце страхъ и обрати я на побѣгъ. Тогда же Псковичи много молишася Олгерду, дабы
 крестился, и на княженіе его хотяще посадити^в въ Псковѣ, онъ же отречеся креститися и
 квяженія Псковского; и крестиша сына его князя Андрѣя, въ сборной церкви, и посадиша
 его Псковичи у себе на княженіи, а надѣяся помочи отъ Олгерда, а Олгердъ и братъ его
 Кестутей поѣхаша со всею силою Литовскою въ землю свою, а помочи никоеяже не учинивше
 Пскову, толко учиниша пусто по селомъ, около Пскова все потравиша^г. Видѣвше же Пско-
 вичи, что имъ помощи отъ Литвы нѣтъ, и положиша упованіе на Бога и на святую Богоро-
 дицю, и на молитву великого князя Всеволода и князя Домонта, нареченнаго Тимооея, и
 добиша челомъ Новугороду, и тако смиришася. [Того же лѣта биша Псковичи Нѣмецъ, уго-
 нивше подь Новымъ городкомъ подь ихъ, и убиша ихъ 300, а сами всѣ здоровы. К. О.]
 Того же лѣта князь Семень Ивановичъ ходи въ орду къ поганому царю Зянибѣку, еже бѣ
 сѣлъ на царствѣ, убивъ два брата свои; и прииде великій князь опять въ Русь.

Въ лѣто 6851. [Поидоша Псковичи съ Остафіемъ въ 5000 мужъ къ Нѣмецкому городу
 къ Медвѣжьи Головѣ, и воеваша Псковичи 8 день; и бысть на озерѣ на Осетренцѣ^а, на
 Сшествіе святаго Духа, нагониша Нѣмцы и поставиша полкы противу Псковичъ, и Пско-
 вичи стаха противу имъ, и сразишася полци, и бысть сѣча зла; и пособи Богъ князю Оста-
 фію и Псковичемъ, и убиша у нихъ местеря и Велневичъ много побиха; а Псковичъ убиша^е,
 посадника Кормана, Кира, Олферія, и иныхъ много бояръ, а посадникъ Данило, обрѣзавъ
 брони на себѣ, побѣжа. К. О.] Θεогность митрополитъ Кіевскій и всея Руси ходилъ въ орду,
 къ поганому царю Зянибѣку, за причетъ церковный, и обадиша его, а самого яша и мучиша
 его^ж, а ркучи тако; «давай дань полѣтнюю;» онъ же въ то не влася, и положи посула шесть
 сотъ рублевъ, и выиде на Русь здоровъ. Того же лѣта поставлена бысть церкви камена на
 Городищѣ святое Благовѣщеніе, повелѣніемъ великого князя Семена Ивановича, августа мѣ-
 сяца въ 8, а священа бысть того же мѣсяца въ 24 архіепископомъ Василиемъ.

Въ лѣто 6852. [Бысть мятежь въ Нѣмцѣхъ великъ: избиша Чюдь своихъ бояръ земь-
 скихъ, и въ Кольваньской земли и въ Ругодивьской земли 300 ихъ; и потомъ стаха на
 нихъ Велневичи и Юрьевци, и избиша Чюдь 14.000, а избытокъ ихъ убѣжа въ Островскую
 землю, и тамо по нихъ ходиша Велневичи въ Островскую землю и ихъ не взяша, но сами
 биты отгидоша. К. О.] Въ лѣто 6853. Олгердъ, великій князь Литовскій, и Кестутей братъ
 его изгониша городъ Вилну, а князь Евнутей перевержеся чрезъ стѣну городную и бѣжа на
 Москву, и крести его великій князь Семень Ивановичъ, и наречено бысть имя ему Иванъ;
 а Наримонтъ бѣжа въ орду. Того же лѣта преставися князь Василей Давыдовичъ Ярославскій.

а) рати» силы К. О. б) пожегше» пожгоша Ц. В. в) посадити» поставити К. О. В. г) потравиша»
 пограбиша В. д) на осетренцѣ» на острѣчѣ такъ въ *Новг. четв. Лѣт. (т. IV, стр. 57)*. е) а псковичъ
 убиша» пропушено въ К. О.; дополнено изъ *Новг. четв. Лѣт. стр. 57*. ж) мучиша его» умучиша К. О.

Тое же зимы^а преставися князь Василей Ярославичь Муромскій. Того же лѣта, мѣсяца сеп-¹³⁴⁵ тьября въ 6^б, вѣста угь вѣтръ съ снѣгомъ, и внесе ледъ изъ озера въ Волховъ, и выдра 7^{—47} городень великого мосту^в.

Въ лѣто 6854. Ъздилъ владыка Василей на Москву, звати великого князя Семена Ивановича въ Новѣгородъ на столъ. Того же лѣта казнь бысть отъ Бога подъ восточную страну на городъ Орначь, и на Хозторокань, и на Сарай: моръ бысть на бесермень силенъ, яко не мочи ихъ ни погребати; якоже преже казни Богъ Египтяны, тако и сихъ казни. Того же лѣта великій князь Олгердъ Литовскій и братъ его Кестутей придоша со всею Литовскою землею, и сташа на Шелонѣ, на усть Пшагы рѣкы, а позывая Новгородцевъ: «хочю съ вами битися и воевати городы и волости, занеже ми лаялъ посадникъ вашъ Остафей Дворянинцевъ, назвалъ мя псомъ;» и взя Шелону и до Голинъ и Лугу до Сабля, а съ Порховскаго городка взя окупъ 300 рублевъ. И Новгородци выѣхаша противу его до Луга^г и въспятишася въ городъ, и созвониша вѣче на Ярославлѣ дворѣ у святаго Николы, и убиша посадника Остафія Дворянинцева на вѣчѣ, а ркучи: «яко въ тебѣ волости наши поиманы отъ Литвы.» Тое же зимы приѣха въ Новгородъ князь великій Семень Ивановичь, и сѣде на столѣ на Сборъ; и побывъ въ Новѣгородѣ 3 недѣли, и поѣха на Низъ.

Въ лѣто 6855. Бысть бой Нѣмцемъ съ Литвою на Стравѣ^д рѣцѣ, и побиша Литвы 40 тысячъ. Того же лѣта присла Магнушь король Свѣйскій, въ Новѣгородъ, къ Новгородскому владыцѣ Василю и ко всеѣмъ Новгородцемъ послы своя черньци, а ркучи: «пошлите на съѣздъ свои философи, а язъ свои, ать поговорять про вѣру, и увѣдаемъ чія будетъ вѣра лучши: оже будетъ ваша вѣра лучши, и азъ въ вашу вѣру иду, а будетъ наша вѣра лучши, и вы поидите въ нашу вѣру, будемъ всеѣ заодинъ; или не поидете въ мою вѣру, или въ одиначество, хочю ити на васъ со всею силою своею.» Владыка же Василей отвѣща съ Новгородци королю Магнушу: «оже хочещи увѣдати, которая вѣра лучши, наша или ваша, пошли въ Царьгородъ къ патриарху, занеже мы пріяли отъ Грекъ православную вѣру, а съ тобою не спираемся про вѣру; а которая обида будетъ промежи насъ, и мы къ тебѣ пошлемъ о томъ^е на съѣздъ.» Послаша Новгородци на съѣздъ ко Свѣйскому королю Магнушу Авраама тысяцьскаго, и Кузму Твердиславля, и иныхъ бояръ; Авраамъ же приѣха съ своими други въ Орѣховець, и хотѣ ѣхати къ королю Магнушу, а Магнушь тогда былъ въ Березовѣ островѣ со всею силою своею, Орѣховци же биша челомъ Аврааму, чтобы не ѣхалъ отъ нихъ изъ городка, Кузма же поѣха къ королю. Король же Магнушь отвѣща Аврааму и Кузмѣ: «обиды ми съ вами нѣтъ некоторые, но поидите въ мою вѣру, а не поидете^ж, иду на васъ со всею силою моею,» и отпусти ихъ. Доѣхавшимъ же имъ Орѣховца и затворишася въ городкѣ всеѣ, Магнушь же приѣха къ Орѣховцю, и приступи ко граду со всею силою своею, и Ижеру^з почалъ крестити въ свою вѣру, а которые не крестятся, а на тѣхъ рать распустилъ и на Водь. Новгородци же слышавше, и послаша противу имъ на Водьскую землю Онцифора Лукиничя, Якова Хотова, Михаила Фефилатова, а съ ними четыре ста рати; они же наѣхавше Нѣмецъ и бишася съ ними^и, и убиша отъ Нѣмецъ 500, а иныхъ изнимаша, а перевѣтниковъ казниша, Новгородцевъ же убиша 3 человекы. Бысть же бой си на Жабчѣ

а) тое же зимы» того же лѣта К. О. б) въ 6» на чюдо святаго архангела михаила *прибавл.* К. О. в) мосту» о обѣдѣ *прибавл.* К. О. г) до луга» на лугу К. О. д) на стравѣ» на стравѣ Т. на стравѣ В. е) пошлемъ о томъ» отшлемъ Т. К. О. ж) а не поидете» въ мою вѣру *прибавл.* К. О. з) и ижеру» а ихже К. а ихжевѣру *ошибк.* О. и) съ ними» въ канунъ бориса и глѣба *прибавл.* К. О.

1347 полѣ. Магнушь же король взя Орѣховъ городокъ на Спасовъ день лестію, докончавъ окупъ
 —50 взять, а Авраама съ други поимаша въ таль, а съ нимъ 11 человекъ добрыхъ, и поведоша ихъ съ собою за море, а намѣстника Наримонта и всѣхъ городчанъ отпустиша изъ города, а въ городкѣ оставиша рать свою. Посадникъ же Феодоръ Даниловичъ, и намѣстници великого князя, и вси Новгородци, и Псковичъ немного, и Новоторжци и вся Новгородская волость поѣхаша въ Ладогу; а къ великому князю Семену Ивановичу послаша съ челобитіемъ послы своя, ркуще: «поѣди, господине, къ намъ боронити своя отчины Великого Новагорода, и деть на насъ король Свѣйскій, а чрезъ крестное цѣлованіе.» Великій же князь Семень Ивановичъ отвѣща Новгородцемъ: «радъ, ѣду, но зашли ми дѣла царева^а»; медливъ же князь великій немного, и поѣха въ Новѣгородъ, и отѣхавъ же отъ Торжку до Ситна^б, и възвратися на Москву, а въ Новѣгородъ посла брата своего князя Ивана. Слышавъ же князь Иванъ Ивановичъ, яко Нѣмци взяша городокъ Орѣховъ, онъ же възвратися назадъ, Новгородци же поѣхаша изъ Ладогы и стаха у Орѣховца, въ Оспожино говѣніе, и стояша до великого заговѣнья^в, и приступиша къ городу съ приметомъ, въ понедѣльникъ на Феодоровѣ недѣли; милостію Божіею и заступленіемъ святыя Софіи, и молитвою пресвятыя Владычица нашея Богородица и Приснодѣвы Маріи, и силою креста честнаго, на негоже уповахомъ, свитающю вторнику, и взяша городъ, на память святаго Обрѣтенія честныя главы Іоанна Предтечи, а Нѣмецъ изсѣкоша, а иныхъ руками яша, а въ Орѣховцѣ посадиша Якова Хотова и Александра Борисовича. Оле милосердіе Божіе! у толь твердаго города Новгородцевъ толко убиша 9 человекъ. Того же лѣта, коли идучи Новгородци къ Орѣховцю даша жалованіе городу Пскову: посадникомъ Новгородскимъ въ Псковѣ ни сѣдѣти, ни судити, а отъ владыки судити ихъ брату Псковитину, а изъ Новагорода ихъ не позывати ни дворяны, ни подвойскими, ни Софіяны, ни извѣтники, ни биричи; но назваша братомъ младшимъ Новгороду Псковъ*. Того же лѣта убіенъ бысть отъ великого князя Олгерда Литовскаго Круглецъ^г, нареченный въ святомъ крещеніи Еустафій, за правовѣрную вѣру христіанскую; и положенъ бысть у святаго Николы въ Вилнѣ, съ сродники своими въ гробѣ, съ великыма мученикома Антоніемъ и Іоаномъ, еже пострадаша за правовѣрную вѣру христіанскую и пріяша^д вѣнца небесныя отъ руки Господня^е.

Въ лѣто 6856. Въ лѣто 6857. См. *Новг. перв. Лѣт. т. III, стр. 84, отъ словъ*: пріиде король Краковскій. . . богумерзское служеніе. *Далѣе см. Новг. четв. Лѣт., т. IV, стр. 59, отъ словъ*: а князь Семень посла въ орду . . . Тотуемъ.

Въ лѣто 6858. [Бздиша Новгородци въ Юрьевъ Нѣмецскій, и размѣнишася Нѣмци Свѣйскими, что поимали въ Орѣховцѣ, на своихъ боярь Новгородскихъ, на Авраама, и на Кузму, и на Олександра, и на Ондрѣя и дружину ихъ, что были за моремъ у Свѣйскаго короля у Магнуша; и пріѣхаша всѣ здорово, мѣсяца іюня въ 9 день. К. О.] Великій князь Олгердъ присла послы на Москву, къ великому князю Семену Ивановичу, со многими дары и съ честію великою, прося мира и живота братіи своей княземъ Литовскимъ, которыхъ

а) царева» цареви К. О. б) до ситна» до синта *ошибк.* Т. в) заговѣнья» говѣнія Т. заговѣйна К. О. В. г) круглецъ» круглещъ В. д) пріяша» пріяста К. О. е) господня» ихъ ради пострадаста и христа ради *прибавл.* К. О.

* За симъ во всѣхъ сп. слѣдуетъ: «Посланіе архіепископа Новгородскаго Василя къ владыцѣ Тѣбрьскому Феодору.» См. Прибавленіе къ Софійской первой Лѣтописи, въ VI томѣ сего изданія.

привели изо орды вытягавъ; великій же князь Семень Ивановичь отпусти съ честію Корья-1350
лову чадь ко Олгерду^а. —52

Годъ 6859 см. въ Новг. четв. Лѣт., т. IV, стр. 60. Слова: Князь Семіонъ събра вои
многы, и поиде къ * Смоленську. . . послы отпусти съ миромъ, а самъ поиде ко Угрѣ къ
рѣцѣ; и срѣтоша его послы Смоленскыя, и стоя на Угрѣ 8 дній великій князь, и посла
своя послы въ Смоленскъ, а самъ възвратися къ Москвѣ.

Рукописаніе Магнуша короля Свѣйскаго. Въ лѣто 6860^б. Се азъ^в Магнушь
король Свѣйскій, нареченый въ святомъ крещеніи Григорій, отходя сего свѣта, пишу руко-
писаніе при своемъ животѣ, а приказываю своимъ дѣтемъ, и своей братіи, и всей земли
Свѣйской: не наступайте на Русь на крестномъ цѣлованіи, занеже намъ не пособляется.
Первіе сего подъялся мѣстеръ Белгеръ и вшелъ въ Неву, и срѣте его князь великій Але-
ксандръ Ярославичъ на Ижерѣ рѣцѣ, и самого прогна, а рать его побѣ. И потомъ братъ мой
Маскалка, вшедъ въ Неву, городъ постави на Охтѣ рѣцѣ и намѣстники своя посади со мно-
жествомъ Нѣмецъ, а самъ поиде за море; и пришедъ великій князь Андрѣй Александровичъ
городъ взя, а намѣстники и Нѣмецъ побѣ. И потомъ было намъ розмиріе съ Русію 40 лѣтъ;
и потомъ за 40 лѣтъ съ великимъ княземъ Юріемъ Даниловичемъ взяли есмы миръ вѣчный
на Невѣ, земли есмя и водѣ учинили роздѣлъ, кому чимъ владѣти, и грамоты есмя пописали
и попечатали. И потомъ за 30 лѣтъ язъ Магнушь король того не порядя, поднялся есмь со
всею землею Свѣйскою, и вшедъ въ Неву, взяхъ городъ Орѣховъ и намѣстники свои есмь
въ городъ посадилъ, а съ ними нѣколико силы моя оставихъ, а самъ есмь пошелъ за море;
и потомъ Новгородци пришедъ городъ свой взяли, а моихъ намѣстниковъ и Нѣмецъ побѣли,
которые были^г въ городѣ. И азъ того не порядя, за одинъ годъ, опять пошелъ къ Орѣхову
со всею Свѣйскою землею; и срѣте мя вѣсть, что Новгородци подъ Орѣховцемъ, и язъ опять
пошелъ подъ Копорію, и подъ Копорію есмь почевалъ^д. И прииде ко мнѣ вѣсть: Нового-
родци на укрѣ^е земли, и язъ то слышавъ побѣгль за море, ино въ валу парусовъ не знати,
вста буря силна, и потоци рати моее много на усть Неровы рѣкы; и пошелъ есмь въ землю
свою съ останкомъ рати. И отъ того времени наиде на нашу землю Свѣйскую погибель, по-
топъ, моръ, голодъ и сѣча межи собою. У самого у мене отъя Богъ умъ, и сѣдѣхъ въ по-
латѣ прикованъ, годъ, чепію желѣзною и задѣланъ есмь былъ въ полатѣ; и потомъ приѣха
сынъ мой Сакунъ изъ Мурманскіе земли, и выня мя изъ полаты, и везе въ свою землю
Мурманскую. И удари на мене опять потопъ, корабли мои и люди мои истопи вѣтръ, а
самъ створихся плавая^ж на днѣ корабленомъ, исторцнемъ пригвоздихся три дни и три ноци;
и по Божію повелѣнію, принесе мя вѣтръ подъ монастырь святаго Спаса въ Полную рѣку,
и сняху мя съ доски чернеци, и вѣнесоша мя въ монастырь и постригоша мя въ чернѣци и
въ скиму, и створи мя Господь жива 3 дни и 3 ноци; а все то мене Богъ казнилъ за мое
высокоуміе, что есмь наступалъ на Русь, а на крестномъ цѣлованіи. А нынѣ приказываю
своимъ дѣтемъ и своей братіи: не наступайте на Русь на крестномъ цѣлованіи; а кто на-
ступитъ, на того Богъ, и^з огнь и вода, имже мене казнилъ, а все ми створилъ то Богъ къ
моему спасенію.

а) Въ Ц. приписано внизу на полъ октября 12, родился князю ивану ивановичу сынъ дмитрей донской.
б) рукописаніе. . . въ лѣто 6860 « итъ въ В. в) азъ » князь прибавл. О. г) были » сидѣли О. д) почевалъ »
ночь почевалъ Б. Г. О. В. е) на укрѣ » такъ было и въ Ц., но потомъ по чищеному написано на
украинѣ; въ О. на крѣ. ж) плавая » итъ въ О. з) богъ и » пропушено въ О.

* Здѣсь въ Кар. IV. вырвано два листа.

1352 * Преставися архіепискупъ Новгородскій Василей^а, мѣсяца іюля въ 3; и пакы съ мол-
-60 бою введоша Моисея архіепискупа на свой ему столъ къ святѣй Софіи.

Въ лѣто 6861. Преставися великій князь Семень Ивановичь, а бысть на великомъ княженіи 13 лѣтъ^б. Исходя сорочины его^в, преставися братъ его князь Андрѣй Ивановичь; и по немъ на сорочины родися сынъ его князь Володимеръ. Тое же весны преставися Феогность митрополитъ Кіевскій и всея Руси, великій наставникъ, и положенъ бысть на Москвѣ въ церкви святыя Богородица. Того же лѣта пошли князи въ орду, сперся^г о великомъ княженіи, а Новгородци послаша свои послы въ орду ко царю, Семена Судокова, прося великого княженія князю Костянтину Василіевичу Суздальскому; и не послуша ихъ царь, а далъ великое княженіе князю Ивану Ивановичу. Новгородци же пребыша съ нимъ безъ миру полтора года; но зла не учинилося никакого же.

Княженіе великого князя Ивана Ивановича. Того же лѣта сѣде на великомъ княженіи князь Иванъ Ивановичь.

Въ лѣто 6862. Поставленъ бысть Алексѣй митрополитомъ Кіеву и всея Руси въ Цариградѣ. Того же лѣта жени князь Костянтинъ Василіевичъ Суздальскій сына своего князя Бориса у великого князя Олгерда Литовского.

Въ лѣто 6863. Преставися князь Костянтинъ Василіевичъ Суздальскій въ черниѣхъ и въ скимѣ, ноября въ 21, и положенъ бысть въ Новѣгородѣ въ Нижнемъ, въ церкви Великого Спаса. Тое же зимы поиде въ орду князь Андрѣй Костянтиновичъ ко царю Жданибѣку, и взя степень отца своего, Суздаль, и Новѣгородъ Нижній, и Городецъ.

Въ лѣто 6864. [Сѣздъ бысть въ Переславли великому князю Ивану Ивановичю съ княземъ Андрѣемъ Костянтиновичемъ; и дары многи и честь велику сотвори брату своему молодшему, и отпусти его съ миромъ. Ц.] Въ лѣто 6865. Взя царь Жанибѣкъ Тивиріжское^д царство. Тое же осени прииде на Русь посоль^е силенъ, именовъ Кошакъ^ж, и велика бысть истома княземъ Русьскимъ. На ту же зиму умре добрый царь Жанибѣкъ, и сѣде на царствѣ сынъ его Бердебѣкъ, убивъ братовъ своихъ 12 окааннымъ его предстателемъ Товлубіемъ. Тогда же бысть въ ордѣ Алексѣй митрополитъ, и многу истому приимъ отъ Татаръ, Божією помощію и пречистыя его Матери молитвою цѣлъ и здравъ отъ насилія поганыхъ прииде на Русь.

Въ лѣто 6866. Преставися князь Иванъ Андрѣевичь.

Въ лѣто 6867. Преставися великій князь Иванъ Ивановичь^з, княживъ лѣтъ 6. Того же лѣта ходиша всѣ князи въ орду. Того же лѣта соиде со владычества Моисей архіепискупъ Новгородскій; [и Новгородци възведоша на сѣни Алексѣя ключаря, сентября въ 15. К. О.]

Княженіе великого князя Дмитрія Костянтиновича Суздальского. Въ лѣто 6868. Ходырь царь великое княженіе далъ Дмитрею князю Костянтиновичю Суздальскому, а княземъ Русьскимъ комуждо свою отчину далъ. Того же лѣта прииде изъ орды на великое княженіе князь Дмитрей Костянтиновичъ, и сѣде въ Володимери; и ту при немъ поставленъ

а) василей» ѣдучи изъ пскова на пути, на рѣцѣ на узѣ *прибавл.* К. О. б) 13 лѣтъ» 10 лѣтъ *ошибк.* В. в) исходя сорочины его» и исходя съ сорочинъ его К. О.; *въ Новг. четв. Лѣт. (стр. 62) исходящимъ сорочинамъ.* г) сперся» сперлися В. д) тивиріжское» тивирьжское Б. Г. е) посоль» изъ орды *прибавл.* К. О. ж) кошакъ» комакъ О. з) ивановичъ» мѣсяца ноября 13, въ черниѣхъ *приписано на поля въ Ц.*

* Продолжается Кар. IV.

бысть Алексѣй архіепископъ Новугороду^а, митрополитомъ Алексѣемъ Кіевскимъ и всея Руси, 1360
[и пріѣха въ Новгородъ владыка Алексѣй, и ради быша Новгородци. Того же лѣта Новъ—^{—63}
городци взяша Жукотинъ, и много бесерменъ поѣкли мужей и женъ. К. О.] Того же лѣта
бысть въ ордѣ мятежъ силенъ: мнози царіе побіени быша, и царици, и царевичи, и рядци,
изсѣкошася сами промежи себе. Того же лѣта, въ Филипово говѣніе, бысть знаменіе въ мѣ-
сяцѣ, акы темною кровію покровенъ явися^б на чистѣ небѣ. Тое же весны, въ великое говѣ-
ніе, акы огнены зари явишася отъ вѣстока всходя чрезъ небо.

Въ лѣто 6869. Князи Русьскыя пошли въ орду, къ новому царю къ Ходырю: великій
князь Дмитрей Ивановичь, да князь Андрѣй Костянтиновичь и братъ его князь Дмитрей Ко-
стянтиновичь, князь Костянтинъ Ростовскій, князь Михайло Ярославскій. И при нихъ убіенъ
бысть царь Ходырь^в отъ своего сына Темиръхожина; а на четвертый день сѣде на царствѣ,
а на седмій день царства его темникъ его Мамай замыте всемъ царствомъ его, и бысть мя-
тежъ великъ въ ордѣ. А князь Андрѣй Костянтиновичь поиде изъ орды въ Русь, и на пути
удари на него князь Рятякозъ^г; и поможе Богъ князю Андрѣю Костянтиновичю цѣль и здравъ
проиде на Русь. А Темиръхожа побѣже за Волгу, и тамо убіенъ бысть; а князь Мамай преѣде
за Волгу на Горнюю сторону, и орда вся съ нимъ и царици. А иный царь вѣста, именемъ
Кильдибекъ, и той многихъ побі, послѣди же и самъ убіенъ бысть; а иные князи Сарай-
скыя затворишася въ Сарай, а царя у себе именующе Амурата, а Булатътемиръ князь
ординскій поима все города по Волзѣ и улусы. Тогда же въ ордѣ ограбиша князей Ро-
стовскихъ.

Въ лѣто 6870. Князь великій Дмитрей Ивановичь и князь Дмитрей Костянтиновичь
спершися межи себе о великомъ княженіи, и послаша килічевъ въ орду; и вынесоша ве-
λικое княженіе отъ царя Амурата великому князю Дмитрею Ивановичю. Князь же Дмитрей
Ивановичь съ своею братією, со княземъ Иваномъ Ивановичемъ и со княземъ Володимеромъ
Андрѣевичемъ, собравъ вой многи по своей вотчинѣ, и поиде къ городу Переяславию на
князя Дмитрія Костянтиновича Суздальскаго; онъ же ѣха въ Володимерь, и оттуда ѣхавъ въ
Суздаль, въ свою отчину, княживъ два лѣта^д.

Княженіе великаго князя Дмитрія Ивановича. Великій князь Дмитрій Ивановичь
сѣде на великомъ княженіи. Того же лѣта преставися архіепискупъ Новгородскій Моисей,
мѣсяца генваря въ 25, и положенъ бысть у святаго великаго Архангела Михаила на Сково-
родкѣ. [Того же лѣта, пріимаша Псковичи гости Нѣмецскыя и заморьскыя, а ркучи: «отъи-
мали у насъ Юрьевци и съ Велневичи земли и воды. К. О.]

Въ лѣто 6871. Великій князь Дмитрей Ивановичь сгони князя Дмитрія Костянтиновича
съ великаго княженія и^е съ Галича; а князь Андрѣй Оедоровичь пріѣха изъ Переяславля въ
Ростовъ, а съ нимъ князь Иванъ Ржевскій съ силою. [Пріѣздиша послове Нѣмецскыя и
Юрьевскыя и Велневскыя въ Новгородъ, на смолву со Псковичи; и пріѣхаша Псковичи
въ Новгородъ, и повѣстоваша много, и поѣхаша прочь, а миру не докончаша. И пріимша^ж
гости Новгородскыя въ Юрьевѣ. Того же лѣта ѣздиша послове Новгородскыя, изъ конца
по боярину, въ Юрьевъ Нѣмецскій, и смолвиша Псковичь съ Нѣмци въ любовь, и бысть
промежи ими мирно; и попускаше Псковичи Нѣмецскыя гости, а Нѣмецскыи^з Новгород-
скыхъ гостей попускаше. К. О.]

а) новугороду « мѣсяца іюля 12 прибавл. К. О. б) явися « створися К. О. в) ходырь « хыдырь Б. Г.
кыдырь К. О. г) рятякозъ « ретякозъ Т. рятюкозъ Ц. д) два лѣта « 12 лѣтъ ошибк. В. е) и « пропушено
63 К. О. В. ж) пріимша « пріимаша такъ въ Новг. перв. Лѣт., стр. 88. з) а нѣмецскыи « а нѣмци такъ же.

1364 Въ лѣто 6872. Преставися князь Иванъ Ивановичъ малой на Москвѣ. Того же лѣта морь
 —66 бысть въ Новѣгородѣ въ Нижнемъ, и на Костромѣ, и въ Ярославлѣ. На ту же весну морь
 бысть въ Переяславлѣ^а. Того же лѣта поѣха князь Костянтинъ Василювичъ на Устюгъ. [См.
Новг. четв. Лѣт., т. IV, стр. 64 — 65, отъ словъ: той зимы съ Югры. . . на Курьи. К. О.]

Въ лѣто 6873. Преставися князь Андрѣй Костянтинъвичъ въ Нижнемъ Новѣгородѣ, мѣ-
 сяца іюня^б 2. Того же лѣта меженина велика и морь въ Ростовѣ^в; а братъ князя Андрѣя
 князь Дмитрей Костянтинъвичъ пріѣха въ Новѣгородъ^г на княженіе, и не съступися ему кня-
 женія братъ его молодшій князь Борисъ. Того же лѣта, въ осень^д, пріиде Тягай изъ Наруча-
 чадѣ^е въ Рязань, и взя городъ Переяславль и пожже; князь же Рязаньскій Олегъ и Пронь-
 ский Владимиръ собраша вои и поидоша за нимъ въ погоню, и угониша его, и бысть имъ
 сѣча велика, и поможе Богъ князю Олгу и князю Володимеру, въмалѣ Тягай утече въ На-
 ручады. Тое же зимы пріиде посолъ отъ орды отъ царя Баирамъхозя и отъ царицы Асанъ, и
 посадиша на княженіи въ Новѣгородѣ Нижнемъ князя Бориса Костянтинъвича; а митропо-
 литъ Алексѣй отня епископію Новгородскую^ж отъ владыки Алексѣя. Тогда пріиде^з отъ
 великого князя Дмитрія Ивановича игумень Сергій, зовучи князя Бориса Костянтинъвича на
 Москву; онъ же не поѣха; игумень же Сергій затвори церкви. Великій же князь Дмитрей
 Ивановичъ Московскій далъ свою рать князю^и Дмитрію Костянтинъвичю, и поиде на Новѣ-
 городъ на Нижній на брата своего князя Бориса, князь же Борисъ срѣте его и доби ему
 челомъ; князь же Дмитрей Костянтинъвичъ^к сѣде на Новгородскомъ княженіи, а брату своему
 Борису далъ Городецъ, а воя роспусти къ Москвѣ къ великому князю Дмитрію Ивановичу^к.

Въ лѣто 6874. [Ходиша Новгородци въ вужкулѣхъ, и съ воеводами Великого Новаго-
 рода съ Есипомъ Офромѣвичемъ, и съ Василюемъ съ Ѳедоровичемъ, и съ Александромъ Аба-
 кумовичемъ на Нижній Новгородъ, и много бесермень посѣкоша подъ Нижнимъ Новымъ-
 городомъ; а Новагорода Великаго людій убиша, Филипа Утретькова и Бориса Квашенкина
 да два человекъ. К. О.] *За тѣмъ см. Новг. четв. Лѣт., т. IV, стр. 65, отъ словъ: князь*
 Кюпрскій плѣни . . . свѣта наполнися. На ту же зиму оженися князь великій Дмитрей
 Ивановичъ у князя Дмитрія Костянтинъвича Суздальскаго, поня дщерь его Евдокью^л. Ъздиша
 изъ Новагорода люди молодые на Волгу, безъ Новгородскаго слова, а воевода съ ними
 Есипъ Валфромѣвичъ, Василей Ѳедоровичъ, Александръ Абакумовичъ, и бесермень побили^м.
 И за то великій князь Дмитрей Ивановичъ разгнѣвася, и розверже миръ съ Новымъгоро-
 домъ, а ркучи тако: «почто есте ходили на Волгу, и гостей моихъ пограбили и бесермень
 побили?» Новгородци же послаша послы своя на Москву къ великому князю Дмитрею Ива-
 вичу, съ челобитіемъ миру дѣля, а ркучи такъ: «ходили, господине, люди молодые на Волгу
 безъ нашего слова, но твоихъ, господине, гостей не грабили, толко побили бесермень; а

а) того же л. морь. . . въ переяславлѣ» *штѣ въ К. О.* б) іюня» іюля Ц. в) того же л. меженина. . . въ
 ростовѣ» *штѣ въ К. О.* г) въ новѣгородъ» *нижній прибавл. К. О.* д) того же л. въ осень» того же лѣта
 веснѣ Т. тое же осени К. О. е) изъ наручади» къ варучади *во всѣхъ сп. кромѣ К.* ж) новгородскую»
 новоторжскую *ошибк. В.* и городецкую *прибавл. К. О.* з) пріиде» посолъ *прибавл. К. О.* и) князю»
пропущено въ Т. і) костянтинъвичъ» ивановичъ *ошибк. В.* к) *Во всѣхъ сп. кромѣ К. О. ошибкою подъ*
симъ годомъ помѣщено слѣдующее: того же лѣта пріиде олгердь къ москвѣ со всею силою литовскою
 и съ жемотію, и бой бысть на рѣцѣхъ тростивъ съ воеводами великого князя дмитрія и володимера, на
 веденіевъ день; тогда убиша дмитрія мичина, да окинфа шюбу и иныхъ множество; и стоявъ три
 дни у москвы и много зла створивъ отъиде. *См. ту же статью ниже подъ 6876 годомъ.* л) на ту же
 зиму. . . свдокью» *пропущено въ О.* м) Ъздиша. . . побили; *см. то же извѣстіе подъ симъ годомъ, отъ*
словъ ходиша новгородци. . . да два человекъ.

ты, господине, пожалуй нелюбіе отъ насъ отложи.» Великій же князь Дмитрей Ивановичъ 1366
нелюбіе отдалъ, а миръ взялъ съ Новымъгородомъ^а. —71

Въ лѣто 6875. Прииде Булакътемеръ и пограби уѣздъ весь^б. Того же лѣта Новгородци со Псковичи взяша миръ и одиначество. [И приходиша Нѣмци и воеваша около Пскова и около Изборьска, и много зла учиниша; Псковичи же ходиша воевати на Нѣмецкую землю, и много земли ихъ повоеваша, и убиша у Псковичъ Силу воеводу. К. О.]

Въ лѣто 6876. [Приходиша Нѣмци съ великою силою, и бискупы ихъ, и местеръ, и кумендери, подъ Изборескъ, Новгородци же поидоша на нихъ и доидоша Пскова; Нѣмци же слышавше, и побѣгоша отъ Изборьска и пороки посѣкли. К. О.] Явися звѣзда хвостата. Того же лѣта, на зиму, приѣха въ Новѣгородъ великого князя братъ князь Володимеръ Андрѣевичъ, по Сборѣ за недѣлю^в; и бывъ въ Новѣгородѣ до Петрова дни, и поѣха прочь. Тое же зимы великій князь Дмитрей Ивановичъ ходилъ ратию ко Тѣбри; а князь Михайло Александровичъ ѣде въ Литву. Тое же зимы прииде въдругые^г князь^д Олгердь со всею Литовскою силою къ городу Москвѣ, и уби князя Семена Кропиви на вѣстрѣчѣ^е, и доиде рѣкы Тростны^ж, и ту стрѣте его Окинѣ Шюба съ сторожевымъ полкомъ; Олгердь же сторожевый полкъ^з изби и Окинѣ уби, и стоялъ у Москвы 3 дни, града не взя, а посадъ^и поуже и волости воева.

Въ лѣто 6877. Въ Новѣгородѣ въ Нижнемъ, за святымъ Благовѣщеніемъ, уползе горы и много посыпа дворовъ и съ людьми. Того же лѣта заложи князь великій Дмитрій Ивановичъ Переяславль; того лѣта и кончаша^к.

Въ лѣто 6878. Митрополитъ Алексѣй былъ въ Новѣгородѣ въ Нижнемъ, и крестилъ у князя Бориса Костянтиновича сына князя Ивана. Того же лѣта князь Михайло Александровичъ Тѣбрьскій иде въ орду. [Ходиша Новгородци съ Псковичи къ Новому городку Нѣмецкому, и отыдоша не взявши его, занеже бѣ велми твердъ; и нѣколко людій истрѣляша съ города. К. О.]

Княженіе князя Михаила Тѣбрьскаго. Въ лѣто 6879. Выиде изъ орды на великое княженіе князь Михайло Александровичъ Тѣбрьскій, и не съступися ему великій князь Дмитрій Ивановичъ великого княженія; а самъ поиде въ орду. Того же лѣта^к князь Михайло Тѣбрьскій поиде ратию къ городу Костромѣ, и увернуса на Волзѣ^л, а Мологу поуже. Того же лѣта прииде великій князь Дмитрей Ивановичъ изъ орды на великое княженіе. Того же лѣта прииде изъ Царяграда митрополитъ Гречинъ, именемъ Германъ, на Русь. [Того же лѣта ѣздиша на съѣздъ Юрьи Ивановичъ Новгородскій посадникъ, Силеверстъ Леонтевичъ, Олексѣй тысячскій, Александръ Колывановъ, и докончаша съ Нѣмци миръ подъ Новымъ городкомъ, въ Филипово говѣніе, мѣсяца декабрия, предъ Рожествомъ Христовымъ. К. О.]
^м Великій князь Дмитрій Ивановичъ посла рать на Рязань, на князя Олга Рязаньскаго, и воеводу съ ними отпустилъ князя Дмитрія Михайловича Волинскаго. Князь же Олегъ собравъ многи и изиде ратию противу ихъ; тогда Рязанци, сурови челоуѣци, сверѣшии людие,

а) съ новымъгородомъ» а намѣстники своя присла прибавл. К. О. б) прииде . . . весь»; см. Новг. четв. Лѣт., стр. 66, въ примѣчаніяхъ. в) за недѣлю» въ недѣлю Т. Ц. г) въдругые» иль въ К. О. д) князь» великій князь Б. Г. В. е) на вѣстрѣчѣ» на вѣстрѣчѣ Б. Г. на стрѣчи К. О. ж) тростны» тростны К. О. з) сторожевый полкъ» сторожевые полки Ц. Б. Г. В. и) посадъ» посадки Ц. і) того же л. . . кончаша» иль въ К. О. к) того же лѣта» тое же весны К. О. л) на волзѣ» на молозѣ К. О. м) Предъ симъ во всѣхъ сп. кромѣ О. въ видѣ заглавія побоище иже на скорнищевѣ съ рязанци.

¹³⁷¹высокоумни суще^а . . . Василей, генваря 1. *Отмѣненное точками лѣто см. въ Новг. четв.*
^{—72}Лѣт., т. IV, стр. 67.

Въ лѣто 6880. Собравъ воя князь Олегъ Рязанскій и съгна со княженія князя Володимера Провьскаго, а самъ сѣде на княженіи^б. *Далѣе см. Новг. четв. Лѣт., т. IV, стр. 67—68, отъ словъ:* индикта 10, по Велицѣ дни . . . въ городѣ Торжку посажалъ свои намѣстники. Того же лѣта, о Петровѣ заговѣннѣ, Новгородци великого князя мужи и бояре Новгородскыя приѣхаша въ Торжекъ ставити города, и съединившия вси съ Новоторжци съодного и укрѣпишася крестнымъ цѣлованіемъ, еже быти всѣмъ заодинъ; и заратшася со княземъ Михайломъ Тѣѣрскимъ, и сослаша намѣстники его съ Торжку, а что гостей Тѣѣричь и торговцевъ, поимаша и побиха и пограбиша, и лодіи^в ихъ съ товаромъ отъимаша. И то слышавъ князь Михайло Тѣѣрскій, совкупивъ токмо Тѣѣрскую силу, и пришедъ ратию ста у города у Торжку, мѣсяца маія въ 31 день^г; нача смиреніемъ посылати послы свои къ Новгородцемъ и Новоторжцемъ^д: «выдайте ми тѣхъ, кто моихъ Тѣѣричь поималъ и билъ и пограбилъ, а намѣстника моего посадите опять, а иного у васъ не хочу ничего», и жда отъ нихъ мира и чистосердаго покоренія отъ утра и до полудне. И бысть межи има раздора^е и смятеша весь градъ, они же^ж нимала хотяху покоритися, и посылаху послы со отвѣты, а все съ высокоуміемъ, и ополчишася на бой сами бояре Новгородскіе, похвалившеся силою мужества своего, и въоружившеся выѣхаша изо града, купно же съ ними и гражане Новоторжци, битися со Тѣѣричи; и бысть имъ сѣча велика на полѣ, и одолѣ князь Михайло, побѣжени быша Новгородци отъ нихъ. Ту же на первомъ суймѣ убиенъ бысть воевода Новгородскій Александръ Абакумовичъ, Иванъ Тимоѣевичъ, Иванъ Шаховъ, Григорей Щебелковъ, а иныхъ прочихъ нѣколко ту мужъ паде; и то видѣвше Новгородци и смятошася зѣло, овии побѣгоша на поле, еже есть къ Великому Новгороду, но и тамо не убѣжаша, а друзии назадъ^з побѣгоша^и, а множайшіе на побоищи избіени быша, а иныхъ бояръ Новгородскихъ и Новоторжскихъ, и мужей и женъ, многое множество полона изымаша и поведоша на Тѣѣрь яко плѣнники. И тогда Тѣѣричи зажгоша съ поля посадъ, съ конца града, съ повѣтрія, и удари вѣтръ силенъ со огнемъ на весь градъ, вкупѣ и буря велика; и поиде огонь пламенный^к по всему граду, и тако вскорѣ погорѣ градъ весь, и церкви 3 каменныхъ и деревяные всѣ и монастыреве вси; а что людей которые въ городѣ были, или на площади, или по улицамъ, тѣ всѣ погорѣли. И бысть пагуба велика христیانомъ, овии огнемъ погорѣли надъ животомъ въ дворѣхъ, а инии вбѣгоша въ церковь святый Спасъ и тамо задхашася и огнемъ запаленія изомроша, а инии отъ огня бѣжачи въ рѣцѣ истопоша во Тѣѣрци, а добрые жены и дѣвици одираху и до послѣдніе наготы, рекше и до срачици, иже ни погани тако не творять, такоже и ти въ рѣцѣ истопишася срама ради, и чернци и черници все до наготы излуплено; а товара что ся остало отъ огня и иконные круты много поимаша, злата и сребра; а истоплыхъ^в и избіеныхъ мужей и женъ 5 скуделницъ наметаша, а инии погорѣли безъ останка, а инии истопли безъ вѣсти и поплыли внизъ по Тѣѣрцѣ. Посемъ князь великій Олгердъ Литовскій собра воя многи и въ силѣ тяжцѣ подвижеся, а въ думѣ

а) суще» пазаумные смерди прибавлено во всѣхъ сп. кромъ К. О, а въ Ц. эти слова помараны. б) За симъ во всѣхъ сп. въ видѣ заглавія о взятіи городовъ переяславля, дмитрова, торжку, любутьска и кашина. в) и лодіи» и людей (людіи) *ошибк.* Ц. Б. Г. В. г) день» (на память) святаго мученика еремѣя, въ понедѣльникъ порану *прибавл.* К. О. д) и новоторжцемъ» *пропущено* въ О. е) раздора» раздора Г. К. О. ж) они же» иже во всѣхъ сп. кромъ К. О. з) назадъ» на западъ *ошибк.* Г. и) на поле . . . побѣгоша *пропущено* въ В. і) пламенный» (и) пожаръ *прибавл.* К. О. к) истоплыхъ» истопленыхъ Т.

и по слову съдиного со княземъ Михаиломъ Тѣрскимъ, что хотять итти ратию къ Москвѣ; ¹³⁷² также и въ то время, мѣсяца іюля въ 12 день, князь Михайло со Тѣричи поиде ратию, и совкупишася рати Литовская и Тѣрская въ едино мѣсто подъ Любутьскомъ. Слышавъ же то великій князь Дмитрей Ивановичь, и поиде съ Москвы ратию противу ихъ, и срѣтошася близъ града Любутьска, и преже всѣхъ изгнаша Москвичи сторожевой^а полкъ Литовскій, и биша ихъ, а самъ князь Олгердъ избѣже; и сташа противу себе обѣ рати, и Литовская и Московская, въоружася, а промежи ими врагъ^б крутъ и глубокъ зѣло, не лзѣ бѣ полкома толь борзо снятися^в на бой, и бяше имъ врагъ той^г въ спасеніе. И тако стояша нѣколко дній, и укрѣпшася крестіане вѣрою и силою крестною и въздохнуша къ Богу отъ сердца чиста, абы не створилося кровопролитіа; Господь нашъ Ісусъ Христосъ услыша молитву ихъ, и дасть имъ миръ и избавленіе отъ напрасныя смерти. И возма миръ Олгердъ съ великимъ княземъ Дмитріемъ Ивановичемъ, и поидоша въсвои, а князь Михайло поиде во Тѣрь, въ томъ же миру и его вои здрави быша.

Въ лѣто 6881^а. Въ лѣто 6882. Въ лѣто 6883, индикта въ 13^е, о великомъ заговѣнн, съ Москвы пріѣхаль во Тѣрь, ко князю Михаилу, Иванъ Василіевъ сынъ тысяцкаго да Нѣкоматъ Сурожанинъ на христіанскую напасть, «се же писахъ того ради, понеже отътолѣ възгорѣся огонь;» а на Ѳеодоровѣ недѣлѣ князь Михайло послалъ ихъ^ж въ орду, а самъ опослѣ^з ихъ о середохрестіа поѣха въ Литву, и тамо пребывъ мало время и пріѣха во Тѣрь. Мѣсяца іюля въ 13^и день, пріѣха Нѣкоматъ изъ орды съ бесерменскою лестию отъ безбожнаго Мамайа, съ посломъ со Ачихожею, во Тѣрь, ко князю Михаилу съ ярлыкы на великое княженіе и на великую погибель христіанскую; и князь Михайло има вѣры бесерменской лести, нимала не пождавъ, но того дни и посла на Москву къ великому князю Дмитрею Ивановичю, и цѣлованіе крестное сложилъ, а намѣстники своя посла въ Торжекъ, а на Углече поле рать. И того же мѣсяца іюля въ 27, на Тѣри, въ перкви святаго Покрова Богородици предъ иконою сама свѣча загорѣлася; а 29 бысть знаменіе въ солнци. Того же лѣта поиде князь великій Дмитрій Ивановичь ратию ко Тѣри на князя Михаила Александровича, а съ нимъ тестъ его князь Дмитрій Костянтиновичъ Суздальскій, князь Володимерь Андрѣевичъ, князь Борисъ Костянтиновичъ, князь Семенъ Дмитревичъ, князь Андрѣй Ѳеодоровичъ Ростовскій, князь Василей Костянтиновичъ, братъ его князь Александръ Костянтиновичъ, князь Иванъ Васильевичъ Смоленскій, князь Василей Васильевичъ Ярославскій^и, князь Романъ Васильевичъ, князь Ѳеодоръ Романовичъ Бѣлозерскій, и князь Василій Михайловичъ Кашиньскій, князь Ѳеодоръ Михайловичъ Моложьскій, князь Андрѣй Ѳеодоровичъ Стародубскій, князь Романъ Михайловичъ Дѣбряньскій^к, князь Романъ Семеновичъ Новосильскій^л, князь Семенъ Костянтиновичъ Оболенскій, братъ его князь Иванъ Костянтиновичъ Торусьскій и вси князи Русьстїи, койждо изъ своихъ городовъ съ своими полкы, служачи великому князю Дмитрею Ивановичю. Мѣсяца іюля въ 29 поиде съ Волока

а) сторожевой» сторожевыи Т. Б. Г. б) врагъ» брегъ Ц. в) снятися» свитися К. О. г) той» тѣ (отъ) вездѣ кромѣ В. д) За симъ ошибкою въ Ц. князь великій дмитрей ивановичъ посла въ новгородъ въ великій, чтобы пошли къ твери съ силами. е) индикта въ 13» пропущено въ Ц. Далѣе во встѣхъ сп. въ видѣ заглавія о брани великого князя дмитрія ивановича подъ тѣрїю. ж) огонь. . . ихъ» пропущено въ В. з) а на Ѳеодоровѣ . . . опослѣ» на Ѳеодоровѣ недѣлѣ, а князь михайло посла испорчено въ Б. Г. и) мѣс. іюля въ 13» въ лѣто 6884, мѣсяца іюля въ 14 во встѣхъ сп. кромѣ К. О; см. Новг. четв. Лѣт. т. IV, стр. 69. і) князь вас. васильевичъ ярославскій» пропущено въ В. к) дѣбряньскій» дѣбряньскій К. О. дѣбряньски В. л) новосильскій» новосельскій К. О.

1375 великій князь Дмитрій Ивановичъ^а, съвкупяся со всеѣми прежеречеными князи Русьскими и со всею силою^б Русьскою, въ той же день нача воевати волости Тѣѣрьскыя; такоже и со всеѣхъ порубежныхъ мѣстъ со всеѣхъ сторонъ, кто же отъ себе, Кашинци и Новоторжци яко и пѣши ополчишася на грабежъ^в, и округня мѣста со всеѣхъ порубежей тяжко плѣниша. Мѣсяца же августа въ 1 взяша городокъ Микулинъ, а людей изъ города въ полонъ поведоша; а въ 5 день, въ недѣлю порану^г, въ канонъ Спасову дни, прииде вся сила Русьская ко Тѣѣри, и стаха всеѣ рати около всего града въкругъ, посадъ же и церкви и монастыри пожгоша, а около всего града острогомъ оградиха. А преже того князь великій Дмитрій Ивановичъ по Новгородцевъ^д послалъ въ Новгородъ Великій, Новгородци же вскорѣ приидоша ратию великою, и пристаха подъ городъ Тѣѣрь^е, скрежчюще^ж зубы на Тѣѣричъ за свою обиду, еже бѣ на нихъ; и на Волзѣ два моста учиниша^з великые чрезъ всю Волгу. Князь же Михайло Александровичъ бѣше затворился въ своемъ градѣ во Тѣѣри. Стоящимъ ратемъ 3 дни у града, на четвертый же день, еже есть мѣсяца августа въ 8, въ среду порану приступи^и князь великій Дмитрей Ивановичъ со всеѣми князи и со всею силою Русьскою къ городу, и туры прикатиша и приметъ приметаша около всего града^и, и тако пошли бычюся ко Тмачьскимъ воротомъ, мостъ и стрѣлищу зажгоша. И бысть тогда скорбь въ градѣ велика княземъ и християномъ сущимъ въ градѣ, и сътвориша молитву и постъ со слезами въ церкви святаго Великаго * Спаса; и молитвою святыя Богородица помилова Богъ, святы Великы Спасъ посла помощь свою: и убиша ту Семена Ивановича Добрыньского, а огнь угасиша и туры посѣкоша, ратни же вспятишася; бѣшася чрезъ весь день и едва къ вечеру отступиша отъ града, а на другой день такоже оступили градъ со всеѣ стороны и по Заволожию, и тако по многы дни бѣющася. Великій же князь Дмитрей Ивановичъ стоя у города мѣсяць со всеѣми ратми, и учиниша ратни вси волости пусты Тѣѣрскаго княженія и села пожгоша, а городки поимаша: Зубцевъ, Бѣльгородокъ, городокъ Старицу^к; а люди въ полонъ разведоша, а имѣнїя разграбиша, а жита^л потравиша, и мнози Тѣѣричи язвени быша отъ нахоженія ратныхъ и мнози оружіемъ падоша. Князь же Михайло Александровичъ видѣ изнеможеніе граду своему и озлобленіе людемъ своимъ, и видѣ трудъ челоуѣкомъ и скотомъ отъ глада бывающій, и присла^м владыку Евѣимію Тѣѣрскаго и старѣйшихъ бояръ своихъ къ великому князю Дмитрею Ивановичу съ покореніемъ и челобитіемъ, прося миру и дася во всю волю великаго князя. Великій же князь Дмитрей Ивановичъ^н не хотя видѣти разоренія граду, и погыбели людскія, и кровопролитія християномъ, и взя миръ со княземъ Михайломъ Александровичемъ^о на всей своей воли, и грамоты пописаша; и отступи отъ града и поиде прочь великій князь Дмитрей Ивановичъ. А князь Михайло Александровичъ ждалъ къ себѣ рати, отъ Литвы помочи^п; а Литовская сила приидоша близъ ко Тѣѣри, и услы-

а) великій . . . ивановичъ» пропущено въ К. О. б) силою» ить въ Т. в) на грабежъ» на грабежахъ Ц. Б. Г. В. г) а въ 5 день . . . порану» пропущено въ В. д) по новгородцевъ» по новоторжцевъ *ошибк.* К. е) и пристаха . . . тѣѣрь» и предсташа подъ городомъ подъ тѣѣрию (подъ городъ тѣѣрь) К. О. ж) скрежчюще» скрегчюще Ц. К. О. з) учиниша» доспѣша К. О. и) приступи» приступиша ко граду *во всѣхъ сп. кромѣ* К. О. і) и приметъ . . . града» пропущено въ К. к) городокъ старицу» ить въ К. л) а жита» а живота К. В. м) присла» послы своя *прибавл.* К. н) съ покореніемъ . . . ивановичъ» пропущено въ К. о) михайломъ александровичемъ» александромъ михайловичемъ *ошибк.* К. п) рати . . . помочи» помочи отъ литвы К.

* Далѣе въ Озол. I. недостаетъ листовъ.

шавше великого князя Дмитрія Ивановича подъ Тѣфрию со многими князи Русьскими и со мноюю силою пришедша, и убоявшеся Литва побѣгоша назадъ. Добро есть намъ надѣяться на Бога, якоже Пророкъ Давыдъ глаголетъ^а: добро есть намъ надѣяться на Господа, нежели надѣяться на челоуѣка. — ^бКоли былъ подъ Тѣфрию великій князь Дмитрій Ивановичь, а тогда Новгородци, Великого Новгорода разбойници 70 ушкуевъ^в, а воевода у нихъ Прокофъ, а другій Смолнянинъ, и пришедше взяша Кострому градъ розбоемъ, а было всѣхъ разбойниковъ 2000; намѣстникъ же великого князя Плещій изъ города сбѣжа, они же люди изсѣкоша, а иныхъ въ полонъ ведоша, и жены ихъ и дѣти, а товаръ весь пограбиша. И поидоша на Низъ къ Новугороду Нижнему, и въ Новѣгородѣ много же зла учиниша, бесермень посѣкоша, а християнъ въ полонъ поведоша, а иныхъ изсѣкоша^г, а жены ихъ и дѣти въ полонъ поведоша, а товары ихъ пограбиша. И дошедше въ Болгары, и тамо полонъ християнскій попродаша бесерменомъ, и Костромскій и Новгородскій, и жены и дѣти и дѣвици^д, и тѣхъ попродаша, а сами поидоша въ насадѣхъ по Волзѣ на низъ, а гостей бесермень бѣючи и грабячи християнъ. И дошедше до устия Волжьскаго, до моря и града Хазьтороканя, и тамо лестію избѣихъ князь^е Хазьтороканскій, именемъ Салчій; и тако вси безъ милости избѣени быша, ни единъ отъ нихъ не избысть, а имѣніе ихъ все бесермена взяша, и тако погыбоша злиа ти разбойници, якоже рече Христосъ: въ ню же мѣру мѣрите, възмѣрится вамъ^ж. [Того же лѣта поставиша Корѣла Семидесятская Новый городокъ. К.] Того же лѣта побѣдиша стриголниковъ еретиковъ, дякона Микиту и Карпа простца, и третіею челоуѣка съ ними; свергоша ихъ съ мосту, развратниковъ святыя вѣры.

Въ лѣто 6884. Присла митрополитъ Кипріянь въ Новгородъ изъ Литвы послове свои и патриарши грамоты^з ко владыцѣ и къ Новугороду, а повѣстуетъ тако: «благословиъ мя вселенскій патриархъ Филооей митрополитомъ на Кіевъ и на всю Русьскую землю.» Владыка же Новгородскій и Новгородци слышавше и отвѣтъ даша: «шли^и къ великому князю на Москву; аже ты прииметь великій князь Московскій митрополитомъ на Русь, то и намъ еси митрополитъ^и.» Митрополитъ же слышавъ отвѣтъ Новгородскій, и не посла^к къ великому князю на Москву.

Въ лѣто 6885. [Ходиша изъ Новгорода люди молоды на Окіанъ море на Тивролу ратию, а воевода у нихъ Иванъ Валитъ, Василій Синецъ, Михайло Бука, Максимъ Онаничъ, и стояше на Овлѣ рѣцѣ подъ Новымъ городкомъ, а посадъ пожгоша и волости повоеваша; а сами придоша въ Новгородъ со множествомъ полона Нѣмецкаго. К.] Тое же зимы^л преставися Алексѣй митрополитъ Кіевскій и всея Руси въ градѣ на Москвѣ, и положенъ бысть въ церкви у Чюда въ придѣлѣ Благовѣщенія^м святыя Богородица. Того же лѣта взяша Татарове Новгородъ Нижній. — «Умре въ Литвѣ великій князь Олгердъ, и по немъ сѣде на великомъ княженіи сынъ его князь Ягайло^о. Сій бо Олгердъ не единъ сынъ баше у отца своего Гедимена, но мнози братія быша ему; бяху сынове великого князя Гедимена: Наримонтъ, Олгердъ^п, Евнутей, Кестютей^р, Корядъ, Любортъ, Монтовитъ. Во всей же братіи

а) добро. . . глаголетъ» пропущено въ Ц. В. б) Предъ симъ во всѣхъ сп. въ видѣ заглавія о прокофовѣ (о прокофѣевѣ) кончинѣ. в) ушкуевъ» ушкуновъ К. ушкоевъ В. г) а християнъ. . . изсѣкоша» пропущено въ В. д) и дѣвици» и дѣвки Т. и красныя дѣвици К. е) князь» михайло прибавл. В. ж) Матѣ. VII, 2. з) грамоты» привезоша прибавл. К. и) шли» посылай Ц. Б. Г. В. і) митрополитъ» пропущено въ Ц. Б. Г. к) и не посла» и посла В; въ Новг. перв. Лит. (стр. 91) и не сла. л) тое же зимы» только въ К. м) у чюда въ придѣлѣ благовѣщенія» пропущено въ Т. К. н) Предъ симъ во всѣхъ сп. въ видѣ заглавія о смерти олгердовѣ (олгордовѣ). о) ягайло» обладая всею землею литовскою прибавл. К. п) олгердъ» пропущено въ В. р) кестютей» нѣтъ въ К.

1377 своей Олгердъ превзиде властію и саномъ, понеже меду, ни вина, ни пива, ни квасу кисла,
 —78 ничтоже не пїяшеть, и великоумствомъ своимъ въздержаніе прїобрѣте и крѣпку думу отъ
 сего, и многъ промыслъ прїять^а таковымъ коварствомъ, и многи страны и земли повоева,
 и многи города и княженія поималъ за себе, и удержа себѣ власть велику; тѣмъ и умно-
 жишася княженія его, якоже ни единъ отъ братья его створилъ, ни отецъ ни дѣдъ его тако
 прослылъ. Имѣяше у себе 12 сыновъ, отъ первыя жены 5, а отъ другыя отъ Тѣфрянкы 7;
 бяху сынове Олгердовы: Андрѣй, Дмитрей, Костянтинъ, Володимеръ, Оедоръ, Кербутъ^б,
 Скиригайло, Ягайло, Коригайло, Лугвени, Швитригайло, Минигайло. Всѣмъ же симъ города
 и княженія раздавалъ естъ, и умирая приказалъ сыну своему старѣйшынство Ягайлу; того
 бо възлюбилъ паче всѣхъ сыновъ своихъ, того бо избра изо всея братіи его, емуже и кня-
 женіе поручилъ Литовскіе земли^в.

^гВъ лѣто 6886^д. Перебѣже изъ Синіе орды за Волгу нѣкоторый царевичъ, именовъ
 Арапша, и възхотѣ итти ратию на Новъгородъ на Нижній. Князь же великій Дмитрій Ко-
 стянтиневичъ посла вѣсть зятю своему великому князю Дмитрію Ивановичю; великій же
 князь Дмитрій Ивановичъ^е прїиде къ Новугороду^ж въ силѣ велицѣ, и не бысть вѣсти про
 царевича Арапшу, и възвратися на Москву. И посла на нихъ воеводы своя, а съ ними рати:
 Володимерскую, Переяславскую, Юріевскую, Муромъскую, Ярославскую, а князь великій
 Дмитрей Костянтиневичъ Суздальскій посла сына своего князя Ивана, да князя Семена Ми-
 хаиловича, а съ ними рати свои. И бысть множество ратныхъ, и поидоша за рѣку за Пїяну.
 И прїиде вѣсть къ нимъ, повѣдаша имъ рать Татаръскую и царевича Арапшу на Волчьей
 водѣ, они же оплошишася и въ небреженіи хождааху, доспѣхи своя възскладываху на телѣги,
 а иные въ сумы, а у иныхъ еще и сулицы не насажены бѣху, а щиты и копія не приго-
 товлены, а ѣздятъ порты съ плечъ спущавъ, а медъ испиваху и допьяна, и ловы дѣяху,
 утѣху творяще. А въ то время поганіи князи Мордовскія подведоша втай рать Татаръскую,
 отъ Мамаевы орды, на князей нашихъ, а княземъ нашимъ не вѣдущимъ, про то имъ^з вѣсти
 не было. И доидоша на Шипару, и абіе поганіи^з раздѣлишася на 5 полковъ, и внезапно
 изневѣсти удариша на нихъ въ тылъ, бьючи, сѣкучи^и; они же не успѣша ничтоже, чтобы
 имъ створити, и побѣгоша къ рѣцѣ Пїанѣ, Татарове же послѣ бїюще, и ту убиша князя
 Семена Михаиловича; князь же Иванъ Дмитріевичъ прибѣжа второпѣ къ рѣцѣ, гонимъ на-
 прасно, и ввержесе на конѣ въ рѣку и утопе, и съ нимъ истопоша множество бояръ и слугъ
 и народа безъ числа, а иніи побіени быша. Си же злоба сдѣяся мѣсяца августа въ 2 день,
 въ недѣлю, въ 6 часъ о полднѣхъ. Татарове же одолѣша христїаномъ, и сташа на костѣхъ,
 и полонъ весь и грабежъ ту оставиша, а сами поидоша къ Нижнему Новугороду изгономъ
 безъ вѣсти; князю же Новогородскому не бысть силы стати противу ихъ на бой, но побѣжа
 въ Суздаль, а люди горожане разбѣгошася въ судѣхъ по Волзѣ, а иніи^и къ Городцю. Тата-
 рове же пригониша къ городу августа въ 5, въ среду, останочныхъ людей горожанъ избиша,
 а градъ и церкви и монастыри пожгоша, и отыдоша оканіи отъ града въ пятокъ, много

а) прїять — прїтяжавъ Г. К. б) кербутъ — корибутъ К. в) литовскіе земли — великое литовское К. О.
 г) *Предъ симъ во всѣхъ сп. въ видѣ заглавія* побоище (иже) на пїанѣ д) въ л. 6886 — *итѣ* въ Б. Г. В.
 е) великій же. . . ивановичъ — *пропущено* въ В. ж) къ новугороду — *нижнему прибавл.* К. О. з) поганіи —
 борзо *прибавл.* К. и) сѣкучи — и колючи и сѣкущи К. і) а иніи — *итѣ* въ К.

* Продолжается Обол. I.

** Далѣе въ Обол. I. пропускъ.

зла учиниша. Того же лѣта Татарове взяша градъ Переяславль Рязаньскій, а самъ князь Олегъ изъ рукъ убѣжа истрѣлянъ. На ту же зиму прибѣжа въ Псковъ князь Андрѣй^а Литовской, и побывъ въ Псковѣ немного, и поѣха на Москву къ великому князю Дмитрею Ивановичу; великій же князь пріять его съ любовію.

^б Въ лѣто 6887. Ординьскій князь, поганый Мамай, посла Бѣгича ратию на великого князя Дмитрія Ивановича, рати всѣ совокупя ординьскія. Великій же князь Дмитрій Ивановичъ совокупя своя рати и поиде противу ихъ, и переѣха за рѣку за Оку, и иде въ землю Рязаньскую; и срѣте ихъ у рѣкы у Вожи, и стояху промежи себе о рѣку о Вожою, и стояху не многы дни. Потомъ же Татарове переидоша на сю сторону рѣкы Вожи, и скочиша вборзѣ и удариша на нихъ, а съ сю сторону великій князь Дмитрій Ивановичъ удари на нихъ^в въ лице, а съ сторону другую^г удари князь Данило Проньскій, а съ сторону^д Тимошеи Васильевичъ околничей; Татарове же повернуша копіи своими, въ томъ часѣ и побѣгоша за рѣку за Вожу. Великій же князь Дмитрей погони по нихъ, бьючи и колючи ихъ, и убиша ихъ множество, а иніи въ рѣцѣ истопоша. А се имена избитыхъ князей ординьскихъ: Хазибей, Коверта, Карабулукъ^е, Костырокъ, Бегичка. По сихъ же приспѣ вечеръ, и заиде солнце и смерчеса свѣтъ, и бысть ночь, не лзѣ быше за ними погонитися за рѣку; а назавтрее бысть мъгла велика велми, а Татарове такъ и побѣгоша съ вечера и чрезъ всю ночь бѣжааху. Великій же князь Дмитрей Ивановичъ назавтрее уже предъ обѣдомъ поиде за ними слѣдомъ ихъ, и позна яко уже далече убѣжаша, и нача скоро жеути по нихъ, и обрѣте въ полѣ повержены дворы ихъ, и вежи, и шатры, и алачюги и телѣги, а въ нихъ товару безчисленное множество все пометано, а самихъ не обрѣтоша; бяху бо побѣжали къ ордѣ. Изнимаша же на той войнѣ попа нѣкотораго отъ орды пришедша, Иванова попа Васильевича, и обрѣтоша у него злыхъ и лютыхъ зелей мѣшокъ; и изтыавше его много и разсудиша, и послаша его на заточеніе на Лаче озеро, идѣже бѣ Данило заточеникъ. Великій же князь Дмитрей Ивановичъ отътолѣ възвратися на Москву съ побѣдою великою, и рати распусти со многою корыстію. Тогда же убиенъ бысть на томъ бою Дмитрей Монастыревъ да Назарей Даниловъ Кусакова. Се же побоище случися мѣсяца августа въ 11 день, въ среду, при вечерѣ. И поможетъ Богъ великому князю Дмитрею Ивановичу, одолѣ ратнымъ и побѣди враги своя, и прогна поганыхъ Татаръ. Посрамлени быша оканніи Половци, и възвратишася съ студомъ безъ успѣха нечестивіи Измаилтяне, побѣгоша гониміи гнѣвомъ Божиимъ, и прибѣгоша въ орду къ своему царю, паче же къ пославшему ихъ Мамаю, понеже царя имяху у себе въ ордѣ ни владѣюща ни чимъ же предъ Мамаемъ, но всяко старѣйшинство сдержаше Мамай и всѣми владѣяше^ж въ ордѣ. И видѣ окаанный Мамай изнеможеніе посланныхъ его и прибѣгшихъ къ нему посрамлени, а иніи князи и велможи ординьскія избіени быша, и много вой его погыбоша, и възъярися злобою великою Мамай^з; тое же осени Мамай собравъ останочную силу, и поиде изгономъ ратию на Рязаньскую землю. Князь же Олегъ Рязаньскій не собравъ силы вборзѣ, и не ста противу ихъ на бой, и выбѣжа изъ своее земли, а градъ свой поверже, и пребѣжа на сю сторону рѣкы Оки; Татарове же пришедъ, взяша градъ

а) андрѣй» олгирдовичъ прибавл. К. б) Предъ симъ во всѣхъ сп. въ видѣ заглавія побоище иже бысть на вожѣ. в) а съ сю. . . на нихъ» пропуцено во всѣхъ сп. кромъ К. г) другую» только въ К. д) а съ сторону» а съ другую сторону вездѣ кромъ К. е) карабулукъ» барабулукъ Т. ж) владѣяше» владя(а)ше вездѣ кромъ К. О. з) мамай» итѣ въ Т. К. О.

1379 Переяславль Рязаньскій и огнемъ пожгоша, волости и села повоеваша, а люди многи поѣ-
—83 коша, а иныя въ полонъ поведоша, и възвратишася въ страну свою, а много зла сътвориша. Ходилъ князь Володимерь Ондрѣвичъ и князь Ондрѣй Олгердовичъ на Литву.

Въ лѣто 6888^а. [Бзди владыка Алексѣй на Москву, въ великое говѣино, посольствомъ къ великому князю Дмитрію Ивановичю, а со владыкою посадникъ Юрьи, посадникъ Михайло и бояре изъ концевъ; и пріѣхаша съ миромъ. К. О.] Благовѣщеніе бысть въ Великъ день, а перво сего было за 80 лѣтъ и за 4 лѣта, а потомъ будетъ^б за 80 лѣтъ безъ лѣта, а потомъ будетъ за 11 лѣтъ^в. Въ то же лѣто поставленъ бысть на Русь Пуминъ^г митрополитъ. *Далѣ см. Новг. четв. Лѣт., т. IV, стр. 83, отъ словъ: бысть мятежь въ Литвѣ. . . подь Ягайломъ Кестутей.*

Въ лѣто 6889. Оженися великій князь Ягайло Олгердовичъ, поя нѣкоторую королицю, не имущю ни отца, ни матери, еяже ради достася ему королевство въ Лядской земли. Тое же осени стоялъ князь Литовскій подь Полотьскомъ Скиригайло, со всею силою своею; бысть же съ нимъ и Нѣмецкая сила, и бысть много тягости горожаномъ, и отъидоша города не вземше **.

Въ лѣто 6891. Посла великій князь Дмитрей Ивановичъ въ орду сына своего князя Василія, въ свое мѣсто, тягатися о великомъ княженіи со княземъ Михайломъ Тѣрскимъ. Тое же осени князь Михайло Тѣрскій поиде въ орду, ища великого княженія. Того же лѣта выиде изъ орды князь Михайло Тѣрскій безъ великого княженія^а; а князя Василія Дмитріевича царь остави у себе въ ордѣ; а князь Михайло остави сына своего въ ордѣ князя Александра.

Въ лѣто 6891. Тоя же осени съѣха Киріанъ митрополитъ съ Москвы на Кіевъ, разгнѣвася бо на его князь великій Дмитрей того ради, яко не сидѣлъ въ осадѣ на Москвѣ, но съѣхалъ въ Тверь боащеся Татарскаго нахоженія; и послѣ его послалъ князь великій по Пумина митрополита, и приведе его изъ заточенья на Москву, и пріатъ его съ великою честію и любовію на митрополию. Тое же зимы Пуминъ митрополитъ постави Саву епископомъ Сараю. Тоя же весны князь великій Дмитрей Ивановичъ посла въ орду сына своего князя Василья, въ свое мѣсто,

тягатися со княземъ Михайломъ Тверьскимъ о великомъ княженіи. Того же лѣта преставися князь великій Дмитрей Костянтиновичъ Суздальскій, тесть великого князя Дмитрея Ивановичя. Тоя же осени князь Михайло Олександровичъ Тверьскій выиде изъ орды безъ великого княженія; а сынъ его князь Олександръ оста въ ордѣ, а князя Василья Дмитреевича царь у себя же оставилъ въ ордѣ. Ц.

а) въ л. 6888 *ишь въ Ц.* б) за 80. . . будетъ *пропущено въ В.* в) а потомъ будетъ за 11 лѣтъ: *см. о семъ примѣчаніе въ IV томѣ, стр. 75.* г) пуминъ *пимень В.* д) того же лѣта выиде. . . княженія *пропущено въ О.*

* За симъ во всѣхъ сп. слѣдуетъ «Повѣсть о битвѣ в. к. Дмитрія Донскаго съ Мамаемъ.» См. Прибавленія къ Софійской первой Лѣтописи, въ VI томѣ сего изданія; слич. также Новгородскую четвертую Лѣтопись, т. IV, стр. 75 — 83.

** Далѣ во всѣхъ сп. слѣдуетъ «Сказаніе о Московскомъ взятіи отъ царя Тактамышя.» См. Прибавленія къ Софійской первой Лѣтописи, въ VI томѣ сего изданія; слич. также Новг. четв. Лѣт., т. IV, стр. 84 — 90.

Въ лѣто 6892. Преставися князь великій Дмитрей Костянтиновичъ Суздальскій. [Того же лѣта Новгородци поставиша городокъ камененъ, на рѣцѣ на Лугѣ Яму, милостью Божіею и поспѣшеніемъ святыхъ Софьи, толко въ 30 дни и въ З. К. О.]

ченьѣ и до смерти, и преставися и положенъ бысть въ печерѣ Онтоньевѣ. Тоя же осени выиде изъ Царяграда Ѳедоръ игумень Симоновскій, емуже патріархъ дасть архимандритію, и лишшую честь поручи ему на Руси паче инѣхъ архимандритъ. Ц.

Въ лѣто 6893. Пуминъ митрополитъ поиде въ Царьградъ.

Въ лѣто 6892. Пуминъ митрополитъ по¹³⁸⁴стави два епискупа, Михаила въ Смоленскѣ, а Стефана въ Пермь. Того же лѣта приде изъ Царяграда на Кіевъ Діонисей епискупъ Суздальскій въ митрополитехъ, хотя сѣсти митрополитомъ на всей Руси. князь же Володимерь Олгордовичъ Кіевскій изнима его и посла въ заточенье; онъ же пребысть въ заточеньѣ и до смерти, и преставися и положенъ бысть въ печерѣ Онтоньевѣ. Тоя же осени выиде изъ Царяграда Ѳедоръ игумень Симоновскій, емуже патріархъ дасть архимандритію, и лишшую честь поручи ему на Руси паче инѣхъ архимандритъ. Ц.

Въ лѣто 6893. Князь Василей Дмитреевичъ ходи къ ордѣ; и Пиминъ митрополитъ поиде ко Царюграду на Новгородъ, и Новгородци митрополиту не дали мѣсяца судити въ Новгородѣ. Того же лѣта поиде Пиминъ митрополитъ въ Царьградъ. Того же лѣта родися великому князю Дмитрею Ивановичу сынъ Петръ. Того же лѣта преставися епискупъ Ростовскій Матѳеи Гречинъ. Ц.

Въ лѣто 6894. Приде на Русь митрополитъ Кипріанъ. Того же лѣта, въ великое говѣніе о средохрестіи, мѣсяца марта въ 22 день, великій князь Святославъ Ивановичъ Смоленскій, а съ нимъ братаничъ его князь Иванъ Васильевичъ, и князь Глѣбъ Святославичъ, да братъ его князь Юріе Святославичъ^а, совкупивъ силу многу и поидоша ратию къ городу къ Мьстиславлю, занеже Мьстиславль преже того былъ городъ Смоленской, но Литва отъяла за себе, онъ же хотѣ отъ Литвы отъяти; идуцю же ему и воююще землю Литовскую, а кого гдѣ изнимавше мучаху нещадно различными муками^б, мужей и женъ и дѣтей, и иныхъ въ избахъ насажавше и запирающе зажигаху. И приде великій князь Святославъ Ивановичъ ко Мьстиславлю, на страстной недѣли въ среду, мѣсяца априля въ 18, гражане же Мьстиславци затворишася въ

Въ лѣто 6894. Приде на митрополию Кипріанъ митрополитъ на Рускую землю. Того же лѣта прибѣже изъ орды князь Василей, сынъ великого князя Дмитрея Ивановича. Того же лѣта князь Святославъ Ивановичъ Смоленскій своими князьми съвокупи воя многи, и поиде къ Мьстиславлю граду, а Мьстиславци затворишася въ градѣ, а воевода у нихъ Киригаило^а князь; и стоя у града 11 дній. И поавишася полкы Литовскыя, а въ полкѣхъ князь великій Скиригаило Олгердовичъ, братъ его Корбатъ да Лугвень, Витовтъ Кестютъевичъ; съступишася полци Литовскыя съ Смоленскыми, и Смолняне побѣгоша, а князей Смоленскыхъ Ляхове угнаша въ дубровѣ, и посѣкоша ихъ и пошли въ погоню до Смоленска; и ту убіенъ бысть великій князь Святославъ Ивановичъ Смоленскій, а на Смоленсцѣ окупъ взяли, и на княженіи на Смо-

а) да братъ . . . святославичъ. *итѣ въ В.* б) нещадно . . . муками. *неправедно различными казнми К. нещадно различными казнми О.*

а) киригаило. *или коригаило въ другихъ сп.; въ Ц. ошибк. скиригаило.*

1386 градѣ, а намѣстникъ у нихъ бѣше князь Кори-гайло; и стояху Смолняне подъ градомъ Мьстиславлемъ 11 днй, но не успѣша ничтоже. Въ первый же на десять день прихоженія ихъ, еже въ Оомину недѣлю на Антипасху^а, въ полъбѣда, възрѣвше Смолняне и увидѣша въ полѣ^б стягы рати Литовскыя, въ нейже бѣ великій князь Скиригайло Олгердовичъ, замало подлѣ^в другой полкъ, въ немъ же бѣ братъ его Кербутъ^г Олгердовичъ, а третій полкъ, въ немъ же бѣ братъ ихъ князь Семень Лугвенея, съ ними же вкупѣ князь великій Витовтъ Кестутіевичъ, и сила та Литовская вся вборзѣ идуща на полѣ. Смолняне же видѣвше смутишася, и почаша вскорѣ браняти, и поидоша къ бою обои полци противу себе, и съступишася полци на полѣ подъ Мьстиславлемъ, на рѣцѣ на Вехрѣ, а людіе гражане стояще зряху на заборолехъ градскихъ; и бысть имъ бой надолзѣ, и посемъ князи Литовскіе Олгердовичи одолѣша, а Смолняне побіени быша, а иніи побѣгоша. И ту убіенъ бысть великій князь Святославъ Смоленскій, сынъ великого князя Ивана, а внукъ великого князя Александра, а правнукъ великого князя Глѣба^д, отъ нѣкоего Ляха въ дубровѣ; наѣхаша на него уже ему лежащю, ту же и скончася. Такоже убіенъ бысть ту и братаничъ его князь Иванъ Васильевичъ; а великого князя Святославихъ дѣтей поимаша, князя Глѣба да князя Юрія, и поведоша въ Литву, а прочихъ Смолнян^е бояръ и слугъ побіша, а иныхъ поимаша, а иніи бѣжачи назадъ въ Вехрѣ^ж рѣцѣ истопоша. Князи же Литовскія погониша по нихъ въ погоню и къ Смоленску городу изгономъ, и пригониша подъ городъ, гражане же затворишася, они же стоявше у града немного и

леньскомъ князя Юрья Святославичя изъ своей руки посадили, а брата его Глѣба съ собою повели. Тоя же зимы князь великій Дмитрей Ивановичъ съ братомъ своимъ Володимеромъ и съ всѣми князьми събра воа многы, и поиде къ Великому Новгороду воюючи, держа гнѣвъ великъ, что Ноугородци ходили Волгою, взяли розбоемъ городъ Кострому и Новгородъ Нижній, и много зла учиниша. И не доиде Новагорода за 30 верстѣ, и срѣтоша его отъ Новагорода послы о миру бити челомъ, и князь великій челобитья не пріялъ; и потомъ срѣте его владыка Алексѣй о миру добивати челомъ, и князь великій владыкы не послушалъ, и владыка отѣхалъ безъ миру. А во градѣ у нихъ въ ту пору князь Патрекѣй Нарименовичъ да князь Романъ Юрьевичъ; а въ то время Ноугородци посады пожгли и монастыри 24. И прииде посолъ къ великому князю въ Ямна^а, посадникъ^б Григорей Якуновичъ, и добиша челомъ великому князю Дмитрею Ивановичю на всей старинѣ и на всей его воли за Великій Новгородъ, а за винныхъ 8000 сребра взялъ. И поиде князь великій къ Москвѣ, а намѣстники свои посажалъ на Новѣгородѣ, а черноборци оставивъ и приставовъ въ Заволочье^в послалъ. Того же лѣта Ягайло Олгирдовичъ женися въ Угорьской земли, и крестися въ Нѣмецкую вѣру; а князь Скиригайло взялъ Полтескъ, а брата своего князя Андрѣя ялъ, а сына его убилъ; а князь Олегъ Рязанскій взялъ городъ Коломну. Прииде князь великій отъ Новагорода и поиде въ землю Рязанскую, и повоева ю; а иную рать послалъ въ Муромъ на князя бесчестья. Ц.

а) на антипасху - на пасху *ошибк.* К. О. б) въ полѣ - *нѣтъ въ Т.* в) замало подлѣ - а мало подлѣ К. О. г) кербутъ - корбутъ Б. Г. В. корибутъ К. О. д) а правнукъ. . . глѣба - *пропущено въ К. О.* е) смолнянъ - *нѣтъ въ Т.* ж) въ вехрѣ - въ верхѣ Б. Г. К. О.

а) въ ямна - *см. Новг. четв. Лѣт. стр. 94; въ Ц. вьамна.* б) посады - и посадникъ Ц. в) въ заволочье - *такъ исправлено: въ Ц. ошибк. въ завочье.*

взяша окупъ съ города, а тѣлеса избіеныхъ князей имъ даша и взяша волю всю свою, вся елика въсхотѣша и створиша; а на княженіи на Смоленскомъ посадиша изъ своее руки князя Юрія Святославича, а брата его князя Глѣба поведоша съ собою въ Литву, и оттолѣ възвратиса въсвоеи съ великою побѣдою. Се же бысть побоище мѣсяца априля въ 29 день. — ^аТое же зимы, въ Филипово говѣніе, предъ Рожествомъ Христовымъ, великій князь Дмитрій Ивановичъ собравъ вой многи, со всеми князи Русьскими и съ братомъ своимъ княземъ Володимеромъ Андрѣевичемъ, а съ ними были рати: Московская, Коломенская, Звенигородская, Можайская, Вологьская, Ржевская, Серпоховская, Боровская, Дмитровская, Переяславская, Володимерская, Юрѣвская, Муромская, Мещерская, Стародубская, Суздальская, Городецкая, Нижняго Новагорода, Костромская, Углицкая, Ростовская, Ярославская, Моложская, Галичская, Бѣжицкая, Бѣлозерская, Вологодская, Устюжская, Новоторжская; и поиде ратию къ Великому Новгороду, волости Новгородскія воюючи и села жгучи, держа гнѣвъ на Великій Новгородъ и нелюбіе велико про Волжанъ, что взяли разбоемъ городъ Кострому и Новгородъ Нижній и много зла учиниша тогда, и про княжцины. Новгородци же послаша послы своя противу великого князя, Іева Абакумовича, Ивана Александровича, съ челобитіемъ о миру. Великій же князь миру не далъ, и послы Новгородскія отпусти безъ миру, а самъ не дошедъ Новагорода за 15 верстъ и ста ту на полѣ; бяше бо уже о Крещеніи. Новгородци же послаша къ великому князю Дмитрею Ивановичу съ челобитіемъ владыку Алексѣя, онъ же пріѣха къ великому князю и рече: «господине князь великій! азъ благословляю тебе, а Великій Новгородъ весь челомъ бьетъ, чтобы еси учинилъ миръ, а кровопролитія бы, господине, не было; а за винныя люди Великій Новгородъ доканчиваетъ и челомъ бьетъ тебѣ 8000 рублевъ.» Великій же князь велми держа нелюбіе на Великій Новгородъ, владыка не послуша и хотѣ ити къ Новгороду; владыка же посла напередъ себе въ Новгородъ Климентія Василевича, посадника сына, а ркучи: «великій князь миру не далъ, а хочетъ къ Новгороду ити, и вы держите опась.» И тогда Новгородци поставиша острогъ, по спу хоромы, а князь Патрекѣй Наримонтовичъ да князь Романъ Юрѣвичъ и съ Копорьскими князи бѣше въ городѣ, и выѣхаша изъ града съ Новгородци въ доспѣсѣ полны къ Жилотугу, въ недѣлю до обѣда, и стояша у Жилотуга и опять вспятишася въ городъ; а владыка пріѣха отъ великого князя безъ миру^б. Потомъ же бысть переполохъ великъ Новгороду, на четвертый день по Крещеніи^в промчеса вѣсть въ городъ, что стоить князь великій Дмитрей Ивановичъ со всею силою своею у Жилотуга, Новгородци же се слышавше и начаша боятися велми, и послаша на вѣсти испытывати, они же ѣздивше не обрѣтоша нигдѣже рати; переполошиша бо ся^г и устрашишася слышавше великого князя стояща у города, и страшни быша того ради. И послаша къ великому князю Дмитрію Ивановичю Новгородци архимандрита Давыда, а съ нимъ 7 поповъ да 5 человекъ житіихъ, съ конца по человекъ. Въ то же время Новгородци около города пожгоша монастыревъ великихъ 24, [на Перунѣ, Юрѣевъ монастырь, Рожественый, Пантелѣевъ, Въскресеньскый, Благовѣщенскый, Оркажъ, Духовъ, Борисоглѣбскый, Богородицинъ, Николинъ, Лазаревъ, а на Торговой сторонѣ Онтоніевъ, Богородицинъ, Іоановъ, на Волотовѣ, на Ковалевѣ, Рожественый, Кириловъ, на Ситьскѣ, на Латкѣ, въ Передичахъ, на Сквородкѣ, Щиловъ К. О.], а церквей деревяныхъ 6 сожгли, [Рожество Христово въ Юрѣевѣ монастырѣ,

а) *Предъ симъ во всѣхъ сп. кромъ Ц. въ видѣ заглавія како приходилъ князь великій дмитрей ивановичъ къ новугороду великому ратию.* б) *безъ миру» нѣтъ въ К. О.* в) *по крещеніи» въ понедѣльникъ по обѣдѣхъ прибавл. К. О.* г) *переполошиша бо ся» переполошилися бо бѣ К. О.*

1386 Иоанъ Милостивый у Воскресенія въ монастыри, Семень святыи въ Оркажѣ монастыри, Ми-
 —⁸⁷хайло святыи на Колмовѣ, а на Городищѣ святую Козму Демьяна да святого Юрья К. О.] ;
 а Плотничьскій конецъ и Людинъ конецъ и Неревскій конецъ^а, у всякіе улицы внѣ
 города за копаницею всѣ хоромы пожгли ; и бысть Новгородцемъ и мнишьскому чину
 много убытка. А монастырь святаго Николы на Понедѣльи^б ратнии пожгли, но церкви
 не сожгли, и много волостей повоеваша ; а у купцевъ у Новгородскихъ много товару
 пограбиша, а мужей и женъ и дѣтей много въ полонъ поведоша, а иныхъ многихъ
 на Москву попроводиша. А Новоторжци болшии люди^в въ Новъгородъ вѣгли^г, а изъ
 иныхъ волостей много бѣглянъ вѣжаша въ городъ^д, а иные не бѣгали ; тогда бо христия-
 номъ не баше пути, но голъ ледъ безъ снѣгу. Тогда же прежереченныя послы Новгород-
 скія, наѣхавъ на Понедѣліе, и добили челомъ великому князю Дмитрею Ивановичу за Вели-
 кій Новъгородъ и миръ взяли по старинѣ, по владычню благословенію и по Новгородскому
 челобитію ; а за винныя люди докончали, за Волжанъ и кто въ путь съ ними ходилъ и за
 тѣ, за кѣмъ княжчина залегла. И Новгородци взяли съ полаты^е у святыя Софіи 3000 руб-
 левъ, и послаша къ великому князю Дмитрею Ивановичю, съ посадникомъ Григоріемъ Яку-
 новичемъ и съ посадникомъ Василиемъ Ѳедоровичемъ ; они же привезши то серебро даша ве-
 ликому князю Дмитрію Ивановичю, а 5000 рублевъ докончаша великому князю на Заволочь-
 ской земли, занеже Заволочане были же на Волзѣ, и приставове послаша за Волокъ. Тое же
 зимы^ж Новгородци послаша за Волокъ приставовъ своихъ, Ѳедора Тимоѳеевича, Тимоѳея
 Юріевича, Юрія^з Дмитреевича, и иныхъ молодыхъ дѣтей боярскихъ и людей молодыхъ,
 брати то серебро на Заволочанѣхъ. Великій же князь изъ Ямень воротися и поиде къ Мо-
 сквѣ, миръ возьмъ съ Новымъгородомъ ; а намѣстники своя и черноборци присла въ Новъ-
 городъ. Того же году великій князь Ягайло Олгердовичъ Литовскій ѣха женитися въ
 Угорьскую землю къ королю, и тамо женися и крестися въ Нѣмецкую вѣру ; и пришедъ
 изъ Угорьскыя земли въ свою отчину въ Литовскую землю, и крести Литву въ Нѣмецкую
 же вѣру^и, половину своего города Вилны ; и два Литвина у него^і болшии его, а тѣ крести-
 шася въ християнскую вѣру, онъ же хотѣ ихъ крестити въ свою же вѣру Латинскую, они
 же не послушавше, король же Ягайло казни ихъ многими муками и смерти повелѣ предати.
 Того же году взя князь Олегъ Рязанскій Коломну. Великій князь Дмитрей Ивановичъ хо-
 дилъ ратию на Рязанскую землю, а иную рать посылалъ на Муромъ, на князя *безчестіа*^к.

Въ лѣто 6895. Придоша князи Василей Въ лѣто 6895. Князь Василей да князь
 Дмитреевичъ Суздальскій да братъ его Семень Семень Дмитреевичи Суздальскыя ходили
 ратию на Новъгородъ на Нижній, на дядю ратию къ Новугороду Нижнему, на дядю свое-
 своего князя Бориса Костянтиновича. [Того го на князя Бориса Костентиновича. Тоя же
 же лѣта поставиша Новгородци городъ камень зимы въ городѣ въ Смоленцѣ моръ бысть
 Порховъ. К. О.] Того же лѣта въ Смоленсцѣ силенъ, и по волостемъ, а въ городѣ остало-
 городѣ бысть моръ великъ и около города по ся десять человекъ, и градъ затвориша. Того
 волости, только выидоша изъ города 5 чело- же лѣта князь Василей Дмитреевичъ приде

а) и неревскій конецъ » *пропущено въ К. О.* б) на понедѣльи » въ понедѣліи Т. в) болшии люди » болшии бояре К. О. болшии люди бояре Б. Г. В. г) вѣгли » выбѣжали К. О. д) бѣглянъ вѣжаша въ городъ » бѣглецевъ выбѣгоша К. О. е) съ полаты » съ полатей К. О. ж) тое же зимы » въ великое говѣино (говѣніе) *прибавл. К. О.* з) юрія » посаднича юрія (*пропущено сына*) К. О ; см. *Новг. четв. Лѣт., стр. 94.* и) и пришедъ . . . вѣру » *пропущено въ Б. Г.* і) у него » были *прибавл. К. О.* к) безчестіа ; о семъ словъ см. *Новг. четв. Лѣт. стр. 95 въ примѣчаніяхъ.*

вѣкъ, а городъ затвориша. Того же лѣта князь Василей Дмитріевичъ прииде изъ орды отъ царя Тахтамыша, мѣсяца генваря въ 19.

Въ лѣто 6896. Соиде со владычества владыка Алексѣй Новгородскій, нездравія своего ради; а Пуминъ митрополитъ прииде изъ Царяграда въдругійрядъ. Тое же зимы, мѣсяца генваря въ 17, Пуминъ митрополитъ постави Ивана Великому Новугороду на владычество, въ преименитой церкви святаго великаго Архангела Михаила. Того же лѣта князь Лугвеней Литовскій, нареченный въ святомъ крещеніи Семеонъ, присла послы своя въ Великій Новъгородъ, Овгимонта и Братошу, хотя быти у нихъ въ Новъгородѣ и сѣсти на городкѣхъ, чимъ владѣлъ Наримонтъ. Того же году Татарове взяша Переяславль.

10. Промысломъ же Божіимъ и поспѣшеніемъ святаго Духа поставленъ бысть Иванъ архіепископомъ Новугороду, въ преименитой церкви святаго великаго Архангела Михаила, мѣсяца генваря 17, на память великаго отца Антонія, пресвященнымъ митрополитомъ Пуминомъ Кіевскимъ и всея Руси; и знаменанъ бысть въ церкви святаго Богородица Пуминомъ митрополитомъ съ прочими епископы, съ Смоленскимъ Даниломъ, и съ епископомъ Михаиломъ, и епископомъ Оеогностомъ Резаньскимъ, и преподобными игумены, и створиша праздникъ свѣтелъ; поставленъ бысть при благовѣрномъ великомъ князи Дмитріи Ивановичѣ, и приѣха въ Новъгородъ мѣсяца февраля 8, въ Фарисѣйскую недѣлю, и ради быхомъ. — Князь Лугвеней Литовскій, нареченый въ крещеніи Семенъ, присла послы своя въ Великій Новъгородъ Овгимонта и Братошу, хотя быти у нихъ въ Новъгородѣ и сѣсти на городкѣхъ, чѣмъ владѣлъ князь Наримантъ. К. О.]

Въ лѣто 6897 *. Митрополитъ^б Пиминъ соиде съ митрополіи своя тайно, безъ вѣсти, въ Царьградъ^в. Того же лѣта въ Новъгородъ приѣха князь Семенъ Олгердовичъ, на пригороды, на Успленіе святаго Богородица. Тогда преставися Діонисій митрополитъ въ Кіевѣ; лежитъ въ пещерѣ Оеодосіевѣ^г. Князь Василей Дмитреевичъ уѣха отъ царя Тактамыша за Яикъ^д. Преставися^е архіепискупъ Новгородскій Алексѣй, и положенъ бысть въ церкви святаго Воскресенія Христова, въ монастырѣ на Деревяницѣ.

а) съ хутина» стухина *ошибк.* К. О; см. *Новг. перв. Лѣт. т. III, стр. 94.* б) митроп.» того же лѣта митроп. Т. в) въ царьгр.» тамо и преставися, а имѣніе его разъяша ивнїи *приписано на полъ въ Ц.* г) лежитъ . . . оеодосіевѣ» *пѣтъ въ* К. О. д) кн. василей . . . за яикъ» *такъ было и въ Ц, по потомъ помарано.* е) преставися» мѣсяца февраля въ 3 *прибавл.* К. О.

* За симъ во всѣхъ сп. кромѣ В. слѣдуетъ «Слово о житіи и о преставленіи великаго князя Дмитрія Ивановича, царя Русьскаго.» См. Прибавленія къ IV тому (стр. 349 — 357) и къ Софійской первой Лѣтописи, въ VI томѣ сего изданія. Въ В. о кончинѣ в. к. Дмитрія упомянута сокращенно.

изо орды отъ царя Тахтамыша, и ста на Мо-1387
сквѣ мѣсяца генваря 19. Ц.] —89

Въ лѣто 6896. Соиде со владычества владыка Алексѣй въ монастырѣ къ святому Въскресенію на Деревяницу, по своей волѣ, нездравія ради своего; сѣдѣ на владычествѣ 30 лѣтъ безъ лѣта и безъ 5 мѣсяць; и возведоша на сѣни Новгородци игумена Ивана съ Хутина^а отъ Великаго Спаса въ владыченъ дворъ, на Възнесеніе Господне, мѣсяца маія 7. А Пуминъ митрополитъ прииде изъ Царяграда въдругійрядъ на митрополію въ Русь; тогда же приѣхаша поклонщики съ Москвы отъ митрополита Пумина, и позваша Ивана ставитися на владычество. Тое же зимы, мѣсяца декабрия въ 8, Иванъ поѣха на Москву къ митрополиту Пумину ставитися на владычество, а съ нимъ бояре Новгородскые и посадники; и приѣхаша на Москву генваря въ

1390
—91 Въ лѣто 6898. Преставися Пуминъ митрополитъ въ Кіевѣ; а Кипріянь митрополитъ приде изо Царяграда митрополитомъ на Русь. Того же лѣта сѣде на великомъ княженіи князь Василей Дмитреевичъ; а съ нимъ приде изъ орды посолъ силенъ, именованъ Уланъ царевичъ, той его посадилъ на великомъ княженіи.

Княженіе великого князя Василя Дмитреевича и всея Руси. Новгородци послаша къ великому князю Василю Дмитреевичю послы своя, Юрія Семеновича, Авраама Внука, Кирила Андріановича^а; и докончаша миръ по старинѣ, и князь великій присла въ Новгородъ намѣстника своего Остафія Сыту. Того же лѣта ходиша Новгородци со княземъ Семеномъ Олгердовичемъ на Псковичь ратию, и стаха въ Солци; и ту Псковскіе послы приѣхаша и кончаша миръ, а за должникъ, и за холопъ, и за робу, кто въ путь ходилъ на Волгу, не стояти Псковичемъ, но выдавати ихъ. Великого князя бояре Василя Дмитреевича, Александръ Поле, и Александръ Белеуть и Селиванъ, приѣхаша въ Новгородъ изъ Нѣмецъ со княжною Софією съ Витовтовою дочерію, а съ нею князь Иванъ Олгимонтовичъ; и стоявъ на Городищѣ, поѣхаша на Москву.

Въ лѣто 6899. Приѣха въ Новгородъ Кипріянь митрополитъ Кіевскій и всея Руси, а съ нимъ владыка Рязанскій. [Того же лѣта приѣхаша послы Нѣмецкыя изъ заморія, изъ Любка, изъ Гочьского берега, изъ Ригы, изъ Колывана, и миръ взяша съ Новымъгородомъ по старинѣ, и дворы свои поставиша и товаръ поимаша; а было розмирье 7 лѣтъ съ Нѣмци Новугороду. К. О.]

а) андріановича • андрѣевича К. О. В.

Въ лѣто 6898. Преставися Пиминъ митрополитъ въ Кіевѣ^а. Приде Кипріянь митрополитъ на Русь, а съ нимъ два митрополита Гречина. Того же лѣта на Тахтамышя царя приде инъ царь силенъ, изъ Шамахейскыя земли, и бысть сѣча велика. Того же лѣта приде грамота отъ патріарха къ Новугороду Великому, по митрополичю слову, о судѣ, подписью патріаршею рукою Антоніевою Новаго Рима; имѣеть же и самая грамота и митрополичы руки: Никомидійскій митрополитъ, Никейскій, Моневасискій и Андрѣянопольскій, Сербьскій, Ганьскій, Драмьскій. Того же лѣта князь Василей Дмитреевичъ утече за Яикъ, и приде на свою отчину на Москву; и послѣ изъ орды приде посолъ Уланъ царевичъ, и посади князя Василя Дмитреевича на великое княженье. Того же лѣта били челомъ великому князю въ службу три Татарины, царевы постелники, хотя хрестыаньскыя вѣры, а се имена ихъ: Бахтыхозя, Кидырьхозя, Мамахозя; и приведоша ихъ ко Кипріяну митрополиту, и митрополитъ самъ крести ихъ и нарече имъ имена въ святомъ крещеніи, Ананія, Азарія, Мисаилъ; и бысть радость велика и прославиша Бога. Того же лѣта князь великій Василей Дмитреевичъ женися, у великого князя у Витовта у Кестютъевича поа княжну Софію. Ц.

Въ лѣто 6899. Царь Тахтамышъ послалъ царевича, именованъ Бехтута на Вятку ратию; онъ же шедъ взя Вятку, а люди посѣче, а иныхъ въ полонъ поведе. Того же лѣта Кипріянь митрополитъ поѣде въ Новгородъ въ Великій, а съ нимъ владыка Резанскій^б; и срѣте его владыка Ноугородцкой Іоаннь со всѣмъ съборомъ и съ всѣмъ Новымъгородомъ, съ кресты, у святаго Спаса въ Передичахъ, и пріяша его въ честь, и пиры

а) въ лѣто 6898 . . . въ кіевѣ» эти слова зачеркнуты въ Ц. б) владыка резанскій» въ Ц. прибавлено іоаннь; но Рязанскимъ епископомъ въ это время былъ Грекъ Іеремія: см. Карамз. V, прим. 252.

многы сотвориша, и дары многы влаша. И нача митрополитъ просити у Новагорода суда, ¹³⁹¹своего мѣсяца; и Ноугородци отвѣщаша единѣми усты: «цѣловали есмя крестъ съодного, —⁹³ а грамоты пописали и попечатали, и душу запечатали.» И рече имъ митрополитъ: «цѣлованье съ васъ снимаю, у грамотъ печати порву, а васъ благословляю и прощаю; а мнѣ судъ дайте, какъ было при иныхъ митрополитѣхъ.» И Новгородци того не сотвориша, и митрополитъ поиде изъ Новагорода, на владыку и на весь Новѣгородъ держа нелюбье велико. Ц.

Въ лѣто 6900. Оженися великій князь Василей Дмитриевичъ, поя за себе дщерь у великого князя у Витовта Софію^а. Того же лѣта преставися святой Сергѣй игумень^б. Того же лѣта на Тактамыша приходи царевичъ изъ Шамахиньскыя^в земли, и бысть имъ бой силенъ. Ходи князь великій Василей Дмитриевичъ въ орду, ко царю Тактамышу, и выиде изъ орды на великое княженіе; и ходи подъ Нижній Новѣгородъ ратию, и взя городъ за себе, а князи и княгини поима въ полонъ, а князь Семень Дмитриевичъ убѣжа въ орду. [Того же лѣта вышедше изъ заморья Нѣмци розбойники въ Неву, и взяша села по обѣ стороны рѣкы, и до городка до Орѣшка за 15 верстъ; и князь Семень Олгирдовичъ съ городчаны угнавъ ихъ, иныхъ избивша, а иныхъ въ Новѣгородъ приведоша, а иные разбѣгошася. К. О.] Того же лѣта поѣха^г князь Семень Олгердовичъ въ Литву, къ братіи своей.

Въ лѣто 6901. Ходи великій князь Василей Дмитриевичъ другые^д въ орду ко царю; и далъ ему царь Новгородское княженіе, Нижній Новѣгородъ, и Муромъ, и Мещеру, и Торусу^е. Того же лѣта Махмутъ^ж царевичъ взялъ ратию Вятку. Тогда же преставися князь Борисъ Костянтиновичъ. Великій же князь Василей Дмитриевичъ^з и со княгынею своею ѣзди въ Смоленскъ, ко тестю своему Витовту на повиданіе. Князь Олегъ ходилъ ратию къ Любутьску; а Литва воевала Рязанскую землю. Король Ягайло далъ Витовту Литовское княженіе великое^и. Приѣха въ Новѣгородъ князь Костянтинъ Бѣлозерскій, и пріяша его. Великій князь Василей Дмитриевичъ присла въ Новѣгородъ Ивана Всеволожича и Данила Тимоѣевича о черномъ бору и о грамотѣ, что цѣловали Новгородци, что къ митрополиту не зватися на Москву о судѣхъ, а судити было владыцѣ: «и вы къ митрополиту ту грамоту отъшлите^и, а цѣлованіе митрополитъ съ васъ соиметь.» Новгородци же того не послушаша, и въ томъ ся учинило розмиріе. Великій же князь Василей Дмитриевичъ посла дядю своего князя Володимера Андрѣевича и брата своего^к князя Юрія Дмитриевича ратию на Торжекъ, и много повоеваша Новгородскихъ волостей, а сами сѣдоша въ Торжку. Новгородци же совкупишася ратию, а съ ними князь Романъ Литовскій, да князь Костянтинъ Бѣлозерскій и воеводы Новгородскыя, [посадникъ Тимоѣй Юрьевичъ^л, Юрьи Онцифоровичъ, Василей Синецъ^м, Тимоѣй Ивановичъ, Иванъ Александровичъ К. О.], и взяша городъ Кличень и Устюжну, а изъ Заволочія Двиняне взяша городъ Устюгъ, и много зла учиниша; въ то время съ обѣ стороны много зла учинилося. Новгородци же послаша къ великому князю съ чело-

а) оженися . . . софію» такъ было и въ Ц., но потомъ помарано. б) того же лѣта. . . игумень» итъ въ Т. К. О. в) изъ шамахиньскыя» изъ шамарханьской К. О. г) поѣха» приѣха Б. Г. В. д) другые» въдругійрядъ К. О. е) Въ Ц. приписано на поль и честь и дары велики отъ царя прія, якоже ниодинъ князь велики ни отъ которого царя не прія такія чести. ж) того же л. махмутъ» а бектуть К. О. з) дмитріевичъ» константиновичъ *ошибк.* В. и) король . . . великое» *пропущено* въ К. і) отъшлите» отдайте Ц. Б. Г. В. к) своего» его *ошибк.* Т. л) юрьевичъ» иванъ alexандровичъ» *прибавлено* *ошибк.* въ К; см. *Новг. четв. Лѣт. т. IV, стр. 100.* м) тимоѣй . . . синецъ» *пропущено* въ О.

1393 битіемъ о старинѣ^а, а къ митрополиту грамоту послаша цѣловалную, и послы ѣздивше миръ
 —95 докончаша по старинѣ; а митрополиту грамоту дали, митрополитъ же грамоту вземъ, рече: «не буди на васъ сего грѣха, что есте на сей грамотѣ цѣловали; а архіепискупа Ивана и весь Великій Новгородъ благословляю и прощаю.» А отъ великого князя пріѣхали послы, Ѳеодоръ Кошка, Иванъ Уда, Селиванъ, и покрѣпиша миръ съ Новгородци; Новгородци же даша великому князю черной боръ по всѣмъ Новгородскимъ волостемъ, митрополичю же послу дали Дмитрею^б полъчетвертаста^в рублевъ, что митрополитъ благословилъ владыку Ивана и весь Новгородъ.

Въ лѣто 6902. Пріѣздилъ въ Новгородъ князь Андрѣй Олгердовичъ. Ходиша Новгородци со княземъ Романомъ и со княземъ Костянтиномъ и стояша подъ Псковомъ недѣлю, а въ городѣ во Псковѣ бѣше тогда князь Андрѣй Олгердовичъ и сынъ его князь Иванъ; и ту убиенъ бысть въ заѣздѣ князь Иванъ Копорскій и Василей Ѳеодоровичъ, и иныхъ много паде; и отъидоша Новгородци миру не взявше, ни города Пскова. [Того же лѣта даша княжну Марью, дщерь великого князя Дмитрея, за князя Семена Олгердовича Литовского, нарицаемаго Лугвеня. Ц.]

Въ лѣто 6903. Бой бысть царю Темирькутлюю съ Тахтамышомъ, и прогна Тактамышъ въ Литву, а самъ сѣде на царствѣ. Приходилъ царь Калочанъ, Андрониковъ сынъ, съ Туркы ко Царюграду; и выѣха царь Мануилъ съ Грекы и съ Фрязы, и прогони Туркы. Тое же осени великій князь Витовтъ Литовскій собра силу Литовскую и поиде ратию, творяся на Темирькутлюя, а не на Смоленскъ, и промчеса слово то всюду, да ся бы Смоленяне оплошили; а въ то время князи въ Смоленску быша въ разности, враждующеса про отчину. И бывшу Витовту подъ Смоленскомъ, и выѣха къ нему князь Глѣбъ Святославичъ не во мнозѣ; онъ же чѣстивъ и одаривъ его и съ любовію отпусти съ миромъ, ркуще: «абы есте выѣхали всѣ князи братеникы ко мнѣ съ любовію, по опасу; слышелъ есмь, что есть промежи вами неодиначство и недружба велика, и каково будетъ межѣ вами слово, или какова прѣя, и вы на мене сошлитеся акы на третій, и азъ васъ право сужю;» и тако створи надъ ними лествъ, и вызва ихъ изъ города лествю, акы право хотя судити и раздѣлити имъ вотчину по жребію. Они же вѣру яша словесемъ его лукавымъ, и выѣхаша къ нему съ дары всѣ братеники Свято-

Въ лѣто 6903. Бысть бой царю Темирю Кутлюю съ паремъ Тахтамышомъ и сѣча велика, и одолѣ царь Темирь Кутлуй и сѣде на царствѣ, а Тахтамышъ бѣже въ Литовскую землю. Того же лѣта приходилъ Колачанъ царь Турьскій, Андрониковъ сынъ, со многими силами ко Царюграду, и выиде изъ Царяграда царь Мануилъ Греческій, съ Грекы и съ Фрягы срѣти Турковъ и прогони ихъ въ Турьскую землю. Того же лѣта князь великій Витовтъ Кестутьевичъ събра вой многи и поиде лествю творяся на Темирьаксака, а не на Смоленскъ, и доиде Смоленска; а во Смоленцѣ межѣ князей прѣя бысть, не хотя братъ брату служити. И ѣде изъ града князь Глѣбъ Святославичъ къ Витовту, и Витовтъ чѣстивъ и даривъ отпусти Глѣба въ градъ. И рече Витовтъ то слово: «по опасу выѣдите вси братеникы, и азъ васъ смирю, а о княженѣ васъ управлю; или какова межѣ вами распрѣя, и вы на меня шлитеся акы на третей, и азъ васъ по праву розсужю;» они же не узнаша Витовты лести и козней, чаяху что не на нихъ пришолъ, и вси князи Смоленстїи рекоша: «пойдемъ изъ града къ Витовту, управитъ насъ о княженѣ.» И собрашася вси князи изъ града, и принесоша дары многы; Витовтъ же дары

а) о старинѣ» о смиреніи В. б) дмитрею» дмитроку К. О. в) полъчетвертаста» полтораста К. О.

славичи и всѣ князи Смоленскыя, дондеже не оста ниединъ ихъ въ градѣ, но и съ бояры своими; онъ же поима ихъ всѣхъ князей Смоленскыихъ, и посла въ свою землю Литовскую, а самъ посады поуже, а люди многы полони, и тако все княженіе Смоленское взя за себе, и намѣстника своего посади князя Ямонта да Василя Борѣйкова. Се первое взятіе Смоленску отъ Витовта, мѣсяца сентября въ 28^а. А князь Юрій^б въ то время бысть на Рязани, у тѣтя своего у князя Олга Ивановича. — ^вТое же осени князь Семень Дмитріевичъ Суздальскій поиде ратию къ Новугороду Нижнему, а съ нимъ царевичъ Ентякъ^г да Татаръ 1000; людіе же затворишася въ городѣ, а воеводы у нихъ бѣху, Володимеръ Даниловичъ, Григорей Володимеровичъ, Иванъ Лихоръ. И бысть имъ бой, и отъступиша отъ города Татарове, и паки приступиша, и тако по три дни бѣхуся и много людей отъ стрѣлъ паде; и посемъ миръ взяша, крестіане крестъ цѣловали, а Татарове по своей вѣрѣ даша правду, что имъ крестіанъ не грабити, ни заимати. И потомъ Татарове сътвориша лѣсть, и роту свою измѣниша, и пограбиша всѣхъ крестіанъ, нагихъ пуцаху^д; а князь Семень глаголаше: «не азъ творихъ лѣсть, но Татарове; а язъ въ нихъ не воленъ, а съ нихъ не могу.» И тако взяша градъ, октября въ 25, и быша ту двѣ недѣли, дондеже слышаху великого князя, что на нихъ хочеть ити ратию; они же побѣгоша къ ордѣ. И се слышавъ князь великій Василей Дмитріевичъ, и собравъ рать многу, посла брата своего князя Юрія Дмитріевича и съ нимъ воеводъ и старѣйшихъ бояръ и силу многу; онъ же шедъ взя городъ Болгары великыя, и градъ Жукотинъ, и градъ Казань, и градъ Кермен-

прія, а князей всѣхъ поималъ и посла къ Литвѣ, а самъ приде ко граду, посады поуже и градъ взя, а люди изсѣче, а иныхъ въ полонъ поведоша, а намѣстники своя посади на Смоленскѣ, князя Ямонта да Василя Борѣйкова. Се же бысть мѣсяца сентеврія 28 первое взятіе Витовтово Смоленска; а князь Юрьи Святославичъ въ то время бысть на Рязани, у тѣтя своего у Олга князя. Тоя же осени князь Семень Дмитріевичъ Суздальскій собравъ, а съ нимъ царевичъ Ентякъ съ Татары, и приде къ Новугороду Нижнему и стоя у града долго, а града не взялъ, а во градѣ три воеводы великого князя Василя Дмитріевича, Володимеръ Даниловичъ, Григорей Володимеровичъ, Иванъ Лихоръ, взяша миръ и цѣлованье крестное, а Татарове роту пили; и послѣ того цѣлованья Татарове пограбиша весь Новгородъ, октября 25. То же слышавъ князь великій Василей Дмитріевичъ измѣну Татарскую, посла брата своего князя Юрья Дмитріевича, а съ нимъ вси князи Рускыя съ силою мноюю; они же шедше плѣниша землю Татарскую и взяша градъ Болгары, Жукотинъ, Казань и Кременчюкъ, и иныхъ много градовъ, и пребыша тамо три мѣсяцы, воюючи землю поганьскую, а супротивленье нигдѣ не бывало, и возвратишася на Русь со многымъ богатствомъ. Тоя же зимы посылалъ Витовтъ Рязани воевати. Того же лѣта вста нѣкій безбожнѣй царь именовъ Темиръаксакъ съ восточныя страны, отъ Синяя орды, отъ Шамахѣйскыя земли, и велику брань створи и многъ мятежъ въздвиже въ ордѣ и на Руси приходомъ своимъ. Сей бо царь Темиръаксакъ много брани въздвиже, многи сѣчи показа и многы побѣды учини, многимъ полкомъ съпротив-

а) въ 28^а въ вторникъ *прибавл.* К. О. б) Юрій^б святославичъ *прибавл.* К. О. в) *Предъ симъ во всѣхъ сп. въ видѣ заглавія* взятіе новагорода нижняго. г) ентякъ^г тетякъ Б. Г. д) людіе же затворишася въ городѣ . . . пуцаху» и воеводы великаго князя московскаго, володимеръ даниловичъ, да григорей володимеровичъ холопищевъ, да иванъ лихоръ, не возмогоша стати противу ихъ, но затворишася съ гражаны въ градѣ; и бысть имъ бой по 3 дни подъ градомъ, и отъ стрѣлъ мнози язвени падаху; и паки миръ взяша, крестіане крестъ цѣловаша, а татарове по своей вѣрѣ правду даша на томъ, что имъ крестіанъ не заимати, и вскорѣ роту свою измѣниша, и пограбиша всѣхъ крестіанъ *перечислено въ* К. О.

1395 чюкъ и всю землю ихъ повоева, и много берменъ и Тотарь перебиша, и всю Татарскую землю плѣни, воеваша три мѣсяци и възвратишася со многою корыстію въ землю Русскую. Тое же зимы посылалъ великій князь Витовтъ Литовскій рать на землю Рязанскую; Литва же повоеваша землю Рязанскую^а и отъидоша. [Приходиша Нѣмци Свѣйскыя къ новому городку къ Ямѣ ратью, и не взяша, прочь поидоша; и князь Костянтинъ Ивановичъ Бѣлозерскій съ городчаны наѣхавъ ихъ избиша, а иные побѣгоша. К. О.]

нымъ одолѣ и многи грады раскопа, много люди погуби и многы страны и земли повоева, многи области и языки плѣни, многи царства и княженья покори подъ себе, и въсхотѣ ити на Русскую землю хрестьянъ воевати; и проиде всю землю Татарскую и прииде близъ предѣлъ Рязанскыя земли, и взя градъ Елечъ и князя Елечьскаго изнима, и много люди помучи. Се же слышавъ князь великій Василей Дмитриевичъ, собра воя многы, поиде съ Москвы къ Коломнѣ, хотя ити противу его, и пришедъ ста на брезѣ у рѣкы Оки. А Темиряксаку стоящу на единомъ мѣстѣ 2 недѣли, не поступа ни сѣмо ни онамо, граду же Москвѣ пребывающу въ смущеніи и готовящуся

сидѣти въ осадѣ, и многу народу сушу въ немъ, отвсюду собирашася. По вся же дни приходящимъ частымъ вѣстемъ на Москву, възвѣщаюци прещеніе и грозы Темиряксаковы, како готовится воевати Рускую землю и како похваляется ити къ Москвѣ, хотя взяти ю и люди Рускыя поплѣнити и мѣста святая разорити, а вѣроу хрестьянскую искоренити, а хрестіанъ гонити и томити и мучити, и пещи и жещи, и мечи сѣчи; бяше бо сій Темиряксакъ велми нежалостивъ и зѣло немилостивъ, и лють мучитель, и злогонитель и жестокъ томитель, въздвизая гоненія на хрестьяны; сія же страшныя и грозныя вѣсти слышаще, велми въ печали быша народи хрестіаньстїи, и съ въздыханіемъ и слезами моляхуся Богу, дабы избавилъ ихъ отъ таковыя бѣды и скорби. Кипріанъ же митрополитъ заповѣда тогда всѣмъ людемъ поститися и молитися и молебень пѣти; и вси народи хрестіанстїи съ радостію и съ тщаніемъ и съ усердіемъ многимъ и съ вѣрою сътвориша постъ и молитву, покаяніе и слезы и обѣты, ктоже по своей силѣ, отъ мала и до велика ихъ молящеся Богу и пречистѣй его Матери. Князь же великій Василей Дмитриевичъ, и митрополитъ Кипріанъ, и прочіи князи братіа великого князя умыслиша совѣтъ благъ, да принесутъ чудотворную икону пречистыа Богоматери изъ града Владимира въ градъ свой Москву, глаголюще сїце: «никтоже насъ можетъ избавити отъ нужда сея и печали, развѣ Владычице нашея Богородица и Приснодѣвныа Марїа, та бо преложитъ печаль нашу на радость, та бо есть заступница наша и града нашего; но точію съ вѣрою призовемъ имя ея на помощь и съ усердіемъ помолимся ей, и не погрѣшимъ прошенія нашего;» и якоже умыслиша сїце и сътвориша, и послаша по чудную ону икону пречистыа Богородица въ славный стольный градъ Владимиръ. Симъ же тако бываемомъ, пришедше же они посланіи, и повелѣша священникомъ церкви оноа Владимирскыя пѣніе молебнаа съвершати предо образомъ Богоматере, и намнозѣ молившися съ слезами, и посемъ приступльши священници и взяша изъ кывота пречюдную и чудотворную икону пресвятыа Богородица, и понесоша ю отъ града Владимира къ предъреченному и славному граду Москвѣ, страха ради окааныхъ Агарянъ и нахоженія ради безбожнаго Темиряксака; проводиша же Пречистыа икону изъ града Володимеря, въ самый праздникъ Успенъа ея, съ кресты и съ кандилы священници и весь народъ града

а) литва же . . . рязанскую» пропушено въ Б. Г. В.

того. Егда же придоша близъ града Москвы со пречюдною иконою пречистыа Богома-¹³⁹⁵тере, тогда изыде весь градъ въ срѣтеніе ея, митрополитъ Кипріанъ со кресты и ико-^{—96}нами и съ кандилы, и епископы съ нимъ и архимандриты съ нимъ, игумены, іереи и діакони, съ псалмы и съ пѣснями и съ молебными правилами, по нихъ же князи и боаре и княгини и боярыны, мужи и жены, уноша и дѣвы и старцы со унотами, отроци и младенци, сироты и вдовицы, нищии и убозии, все множество безчисленное народа хрестыаньска срѣтоша ю далече за градомъ на поли; и яко узрѣша чюдную икону пречистыа Богоматере, и тако вси падоша на земли съ многими слезами, молящесе и въздыхающе изъ глубины сердца, и тако намнозѣ благодаривше ея и въставше отъ земля, руцѣ въздѣвше на высоту, вопіюще и глаголюще: «о всепѣтая Владычице Богородица! избави насъ отъ нахоженія безбожныхъ Агарянь, хвалящихся достоаніе твое разорити, заступи князя и люди отъ всякого зла, заступи градъ сей и избави насъ отъ нахоженія иноплеменникъ, отъ поганыхъ плѣненія, отъ огня и меча ихъ и отъ напраснаго убіенія и отъ всякого зла.» И поидоша въ градъ съ иконою Богоматере, и принесше поставиша ю въ соборной церкви пречистыа Богородица честнаго ея Успенія, на деснѣи странѣ, идѣже и донынѣ стоитъ, заступающе градъ сей отъ всякіа напасти приходяща на насъ грѣхъ ради нашихъ. Бысть же тогда ново и преславно чудо и многое милосердіе Владычне и пречистыа ея Матере пресвятыа Владычица нашеа Богородица и Приснодѣвы Маріа на родѣ хрестіанствѣмъ: въ день бо той и часъ, въ онъ же принесена бысть чюдотворнаа Богородицы икона отъ града Владимеря къ славному сему граду нашему, повѣдаху же сиче бывшеи тогда у оного поганого царя, яко въ день той и часъ гордый онъ и суровый и безчеловѣчный ужасеся душею и смятесе умомъ, и вскорѣ възвратися въсвоеси, и вборзѣ къ мутному шестію устремися, и быстро идяше яко нѣкому гонящу по немъ; но по истинѣ гонимъ бѣше силою Божіею и помощію и заступленіемъ пресвятыа Владычице нашеа Богородицы и Приснодѣвы Маріа. Слышавъ же се благовѣрный и великій князь Василей Дмитреевичъ, и вси князи Русіи, и все православное ихъ воинство, якоже преже хваляйся безбожный Темиряксакъ потребити хрестыанство, и разорити святыа церкви, и положити всю землю Рускую пусту и огнемъ пожещи, се же невидимо побѣжденъ бысть и прогнанъ отъ вседръжителныа руки Всевидца Бога: и о семъ велико благодареніе въздаша Христу Богу и пречистѣи ея Матери о преславномъ ея чудеси, бывшемъ на насъ грѣшныхъ. Посемъ же Кипріанъ митрополитъ съ великимъ княземъ Васиіемъ Дмитреевичемъ совѣтъ сичевъ совѣщаютъ, и вскорѣ повелѣша на томъ мѣстѣ церковь поставити, идѣже срѣтоша чюдотворную икону святыа Богородица, на воспоминаніе бывшаго ея чудеси; и устроена же бысть церкви та во имя святыа Богородица честнаго ея Срѣтенья, и оттолѣ уставися таковы праздникъ празновати мѣсяца августа 26, въ честь и въ славу пресвятыа Владычицѣ нашеа Богородицы и Приснодѣвы Маря. П.

Въ лѣто 6904. Кипріанъ митрополитъ Кіевскій и всея Руси постави Григорія епискупомъ Ростову, и Ярославлю, и Бѣлуозеру, и Угличю Полю, и Устюгу и Молозѣ; а съ нимъ были на поставленіи 5 владыкъ. Ся же Григоріи 20 и 5 лѣтъ^а бысть епискупомъ

Въ лѣто 6904. Кипріанъ митрополитъ постави Григорья епискупомъ Ростову граду. Того же лѣта преставися Степанъ епискупъ Пермскій, мѣсяца апрѣля 26, въ Препло-венѣе праздника въ среду. Ся бо святыи святитель, новыа апостоль Пермскыа земля,

а) 20 и 5 лѣтъ. 30 и 5 лѣтъ К. О; но сіе число относится къ порядку епископовъ Ростовскихъ, по времени ихъ поставленія; см. Нов. четв. Лѣт., стр. 102.

1396 Ростову. [Пришедше Нѣмци въ Корѣльскую землю, взяша два погоста, Кирьевскыя и Ки-
—98 ломакскыя, и церковь сожгоша; князь же Костянтинъ Бѣлозерскій гнася по нихъ, и языкъ изыма и присла въ Новѣгородъ. К. О.]

учитель и просвѣтитель душамъ ихъ, преложи имъ грамоту съ Рускыя на Пермскую грамоту, и вѣру утверди, и грамотѣ ихъ изучи; се бо блаженный епископъ Степанъ, Божій чело- вѣкъ, живяше посреде невѣрныхъ чело- вѣкъ, ни Бога знающихъ, ни закона вѣдающихъ, мо- лящися идоломъ, огню и вѣдѣ и каменю, и Золотой бабѣ и кудесникомъ и вѣлѣхвомъ, и

древью. А се живущимъ около Перми имена мѣстомъ и странамъ и землямъ иноязыч- нымъ: Двиняне, Устюжане, Вельжане, Вычегжане, Пенежане^а, Южане, Сирнане^б, Га- личане, Вятчане, Лопь, Корѣла, Югра, Печера, Вогуличи, Самоедь, Пертасы, Пермь великая, Гамаль Чюсовая; рѣка же первая именемъ Вымь впаде въ Вычегду, другая рѣка Вычегда обходяще всю землю Пермскую потече къ сѣверной странѣ и паде въ Двину, ниже Устюга 40 верстѣ, рѣка же третья Вятка потече съ другую сторону Перми и вниде въ Каму рѣку, сіа же рѣка Кама обходяще всю землю Пермскую, по сей бо рѣцѣ мнози язъци сидятъ, и потече на угъ въ землю Татарскую и паде въ Волгу, ниже Казани 60 верстѣ. Преставленъ же бысть Степана Пермскаго при благовѣрномъ и хри- столюбивомъ великомъ князи Васильи Дмитреевичи и при архіепискупѣ Киприанѣ митро- политѣ Кіевскомъ и всеа Руси. Того же лѣта князь великій Витовтъ Рязань воевалъ со всею силою Литовскою, и много зла сѣтвори Рязанской земли. Ц.

а) пенежане въ Ц. ошлбк. понежане. б) сирнане или сирнане; въ другихъ Лѣтописяхъ серлане, т. е. зарлане.

Въ лѣто 6905. Князь Василей Ивановичъ Смоленскій и Патрекѣй Наримонтовичъ пріѣ- хаша въ Новѣгородъ; и пріяша ихъ Новгородци. Князь великій Василей Дмитриевичъ и князь великій Витовтъ прислаша свои послы съодиного къ Новугороду, повелѣша имъ раз- веречи^а миръ съ Нѣмци; Новгородци же того не послушали, но отвѣтъ даша: «намъ, го- сподине князь великій Василей Дмитриевичъ, съ тобою свой миръ, а съ великимъ княземъ Витовтомъ инъ, а съ Нѣмци иный.» Двиняне же далися великому князю Василю Дмитре- вичу, и князь великій разверже^б миръ съ Новгородци. Новгородци же послаша къ вели- кому князю Василю Дмитреевичу владыку Ивана и посадника Богдана^в и Курила; и князь великій не прія владычня благословенія, ни Новгородского челобитія. Новгородци же крестъ цѣловаша заодинъ.

Въ лѣто 6906. Ходиша Новгородци за Волокъ ратию, воевода посадникъ Тимофей Юрие- вичъ, Юріе Дмитреевичъ, Василей Синець, и вой^г съ ними 3000, и повоеваша Бѣлозерскіе волости и съ города взяша окупъ 60 рублевъ, и Кубеньскыя волости поимаша, и Галичскыя взяша на щитъ, и Устюгъ повоевавъ пожгоша; а подъ Орлецемъ стояша мѣсяць, бьючи по- рокы, Заволочане убиша съ городка Левашку, Новгородци же^д взяша Орлець и раскопаша. А на Двинянѣхъ взяша окупъ 2000 рублевъ да 3000 коневъ, а у намѣстника великого князя у князя^е Оедора Ростовскаго взяша присудъ и пошлины, а самого пустиша въ Русь, а у гостей у Низовскихъ взяша окупа 300 рублевъ; а воеводу Двиньского Ивана Микитина при- ведше въ Новѣгородъ скинуша съ мосту, а братъ его Анфалъ убѣжа на пути въ Устюгъ, и Герасима и Родіона постригоша въ чернцы. Того же лѣта ѣздиша на Москву къ великому

а) разверечи — роскинути Ц. Б. Г. б) разверже — роскину Ц. Б. Г. в) богдана — двана ошлбк. Ц. Б. Г. В. г) и вой — а рати К. О. д) новгородци же — наши же К. О. е) князи — пропушено въ Т.

князю Василю Дмитреевичу послы Новгородскія , посадникъ Есифъ Захаріиничъ , тысячъ—1398
скій Ананія Костянтиновичъ , съ челобитіемъ отъ Новгорода , и взяша миръ. Того же лѣта
пріѣха въ Новгородъ великого князя Василя Дмитреевича братъ князь Андрѣй. Того же
лѣта преставися благовѣрный князь Михайло Тѣрскій Александровичъ , въспрімъ мнишескій
чинъ ; и положенъ бысть въ святомъ Спасѣ. Того же лѣта князь великій Василей Дмитрее-
вичъ посылалъ брата князя Юрія въ Казань на князя Семена. [За симъ см. Новгородскую
четвертую Лѣтопись , стр. 103 , отъ словъ : того же лѣта Яковъ Прокофьевъ . . . а Яковли
все добри и здрави. К. О.] Того же лѣта убиенъ бысть князь Романъ Юріевичъ на Шелонѣ ,
и положено бысть тѣло его у святого Спаса въ Порховѣ^а.

Побоище великого князя Витовта со царемъ Темирькутлуемъ. Князь великій
Витовтъ Кестутіевичъ Литовскій собра воя многы , вкупѣ же съ нимъ и царь Тактамышъ
сѣдиного своимъ дворомъ , съ ними же Литва , Нѣмци , Ляхы , Жемоть , Татарове , Волохи ,
Подоляне , съ ними же бѣ князей числомъ 50 , и бысть ихъ ратныхъ сила велика зѣло ; и
со всѣми сими полкы вооружився и поиде на царя Темирькутлуя , со многими ратми опол-
чився , устремися на всю силу Татарскую . И похваляся на орду Витовтъ глаголаше : « пои-
демъ , плѣнимъ землю Татарскую , побѣдимъ царя Темирькутлуя , возьмемъ царство его и
раздѣлимъ корысть его ; посадимъ въ ордѣ на царствѣ его царя Тактамыша , а самъ сяду на
Москвѣ на великомъ княженіи , на всей Русьской земли . » Бѣ бо и преже^б того сѣвѣща Ви-
товтъ съ Тактамышомъ въ единой думѣ , глаголя : « азъ тя посажу въ ордѣ на царствѣ , а
ты мя посадишь на великомъ княженіи на Москвѣ и на всей Русьской земли ; » и на томъ
на всемъ поидоша Татаръ воевати . Въ то же время приспѣ Темирькутлуй царь со многими
полкы ратными , и со князи своими ординьскими , и со всею силою Татарскою , и срѣтоша-
ся съ Витовтомъ обои въ полѣ , на рѣцѣ на Ворсклѣ , и бысть имъ бой великъ , мѣсяца авгу-
ста въ 12 день^в ; надолзѣ же біющимъ имъ , и поможе Богъ Татаромъ , и одолѣ царь Темирь-
кутлуй и побѣди Витовта и всю силу Литовскую . И побѣже Витовтъ въ малѣ дружинѣ , и
погнаша Татарове въ слѣдъ бѣжащихъ , а Тактамышъ царь такоже бѣжачи оттолѣ много
пакости учинилъ Литовской земли . Поганіи же Татарове на великомъ томъ побоищи побиха
много князей Литовскихъ , и воеводъ и бояръ великихъ , и хрестіянъ много и Литвы , и Нѣ-
мецъ , и Ляховъ , и иныхъ людей многое множество безчисленное паде тогда , мало ихъ оста-
лося . Царь же Темирькутлуй пришедъ къ городу Киеву , и взялъ съ города окупъ 3000 руб-
левъ Литовскимъ серебромъ , и силу свою распусти всю воевати землю Литовскую ; и ходиша
рати Татарскія воюще даже и до Великого Лучьска , много городовъ поплѣниша и много
странъ повоеваша^г , многу изгибель^д царь сѣтвори земли Литовской и отъиде въ свою землю .
А се имена избитыхъ князей Литовскихъ : князь Андрѣй Полотьскій Олгердовичъ , братъ
его князь Дмитрей Брянскій^е , князь Иванъ Дмитреевичъ Киндырь , князь Андрѣй пасынокъ
Дмитреевъ , князь Иванъ Евлашковичъ , князь Иванъ Борисовичъ Кіевскій , князь Глѣбъ Свя-
тославичъ Смоленскій , князь Левъ Корядовичъ , князь Михайло Васиіевичъ , братъ его князь
Семень , князь Михайло Подберезьскій , братъ его князь Александръ , князь Михайло Да-
нильевичъ , братъ его Дмитрей , князь Феодоръ Патрекѣвичъ Вольньскій , князь Ямонтъ То-
лунтовичъ , князь Иванъ Юріевичъ Бѣльскій , князь Въспытко Краковскій . *Далше см. въ семъ
изданіи (т. IV , стр. 359—360) « Повѣсть о преставленіи князя Михаила Тѣрскаго , » отъ словъ :*

а) того же л. убиенъ . . . въ порховѣ » пропущено въ В. б) и преже » доголѣ и преже вездѣ кромѣ К. О.
в) день » въ вторникъ прибавл. К. О. г) и много странъ повоеваша » и многы страны пусты ство-
риша Ц. Б. Г. д) многу изгибель » и много зла К. О. е) брянскій » дбрянскій К. О.

1398 по Госпожинѣ дни князь великій Михайло Александровичъ . . . и раздѣлихъ комуждо ихъ
-404 часть отчины: сыну князю Ивану и его дѣтемъ Олександрю и Ивану Тѣбрь, Новый городокъ, Ржеву^а, Зубцевъ, Радиловъ, Вѣбрынъ, Опоки, Вертязинъ городокъ; а князю Василию^б и сыну его князю Ивану^в Кашинъ, Коснятинъ; а сыну Оедору два городка Микулина и съ волостями . . . Си же князь бѣше былъ тѣломъ великъ, бѣ бо крѣпокъ и сановитъ и смысленъ, взоръ имѣя грозенъ и преудивленъ. . . и вѣчная ему память^г.

Въ лѣто 6908. Сѣде на княженіи во Тѣри князь Иванъ Михайловичъ^д. Явился знаменіе на небеси, помраченіе въ солнци, и тма бысть и солнце погибе, и явился серпъ на небеси, и потомъ явился солнце, кровавы луча испущающи съ дымомъ, мѣсяца октября, на память святыхъ мученици Анастасіи.

Въ лѣто 6909. [Пріѣха владыка Иванъ Новгородскій на Москву къ великому князю и къ митрополиту, и князь великій Василей Дмитриевичъ владыку Ивана велѣлъ поимати. Ц.] Мѣсяца августа, князь Юрій Святославичъ да князь Олегъ Рязанскій придоша къ Смоленску; а въ городѣ Смоленску бысть мятежь и крамола, овѣи хотяху Витовта, а друзіи вотчича князя Юрія. Князь же Юрій сослася съ горожаны съ Смолняны, Смолняне же не могуще терпѣти насильства отъ иновѣрныхъ отъ Ляховъ, и пріяша князя Юрія, и предашася и градъ отвориша; а князь Романъ Михайловичъ Брянскій ту тогда сѣдѣлъ отъ Витовта, и убиенъ бысть жалостно нужною смертію, а княгиню его и дѣти отпустиша, а намѣстницы Витовтовы поимаша, а бояръ, которые отчича не хотѣли князя Юрія, или Брянскихъ, или Смоленскихъ, тѣхъ всехъ посѣкоша. И тако князь Юріе взя Смоленскъ, свою отчину, и сѣде на столѣ въ своей отчинѣ. Князь великій Витовтъ, тое же осени, приходилъ ратию къ Смоленску на князя Юрія, и стоя много дній подъ Смоленскомъ, и не возма города поиде въ свою землю, вземъ перемиріе; а въ Смоленсцѣ крамола бысть, людей много посѣкоша, и моръ бысть на люди.

Годъ 6910 см. въ Новг. четв. Лѣт., стр. 105. Слова: въ великое говѣніе, мѣсяца марта. . . видѣхомъ весь той мѣсяць. Далѣе см. тамъ же, стр. 106, отъ словъ: Того же лѣта князь Рославъ^е Олговичъ Рязанскій поиде на Брянскъ ратию, и срѣтоша его князи Литовскія, Лугвеній, Александръ Патрекѣвичъ Стародубскій; и бысть имъ бой у Любутьска, и поможе Богъ княземъ Литовскимъ. . . и отпусти его.

Въ лѣто 6911. Повелѣніемъ Витовтовымъ князь Лугвень прииде ратию къ Смоленску городу и къ Вязмѣ, и Вязму взя, а князя Ивана Святославича изнима и приведе въ Литву. Того же лѣта князь Иванъ Тѣбрьскій посла рать къ Кашину, на своего брата князя Василія; князь же Василей приѣжа на Москву, и смири ихъ князь великій Василей Дмитриевичъ Московскій.

Въ лѣто 6912. [Кипріанъ митрополитъ владыку Ивана отпусти въ Новгородъ; а сидѣлъ

а) ржеву — пропущено въ К. О. б) василію — борисовичю прибавлено ошибк. въ Б. Г.; см. слѣдующее примѣчаніе. в) а князю василію . . . ивану — а князю борису и василію и его сыну ивану К. О.: въ Прибавленіяхъ къ IV тому, стр. 360, читается а василію и борису и его сыну ивану. Князь Борисъ скончался прежде отца своего князя Михаила Александровича, въ 1593 году, и имѣлъ сына Ивана, который приходился князю Василію племянникомъ; сообразно этому должно исправить чтеніе текста. г) За симъ въ Ц. вынесено на поля того же лѣта князь великій василей посылаъ за княземъ семеномъ за дмитреевичемъ за суздальскимъ до каза . . . должно чит. до казаніи; конецъ слова отрѣзанъ при переплетѣ рукописи. См. то же извѣстіе подъ 6913 годомъ. д) иванъ михайловичъ — михайло ивановичъ ошибк. К. О. е) рославъ — ярославъ К. О. въ Новг. четв. Лѣт. (стр. 106) родославъ.

полчетверта года. Ц.]^а Князь великій Витовтъ съ Олгордовичи, съ Кербутомъ^б, съ Лугве-¹⁴⁰⁴ніемъ и съ Швитригайлломъ, и со всею силою приде ратию къ Смоленску; а князь Юрій⁻⁴⁰⁵ затворися въ градѣ со всѣми людми. Витовтъ же весну всю стоя, колико бився и тружався, не може его выстояти, и пушками бивъ градъ, бѣ бо Смоленскъ крѣпокъ велми, 7 недѣль стоявъ; и потомъ по Велицѣ дни отступи прочь, а по зажитіемъ и по волостемъ Смоленскимъ много зла сѣтвориша. Князь Юрій Святославичъ сослався съ великимъ княземъ Василиемъ Дмитреевичемъ Московскимъ, и выѣха изъ города не во мнозѣ бояръ, а княгиню свою съ бояры своими оставивъ въ Смоленску и приказа имъ ждати себе на первый срокъ, и на другой, и на третій; а самъ пріѣха на Москву, билъ челомъ великому князю Василию Дмитреевичю служити, даючися ему самъ и со всѣмъ своимъ княженіемъ. Князь же великій Василей не прія его, ни всего его княженія Смоленского, не хотя измѣнити Витовту. Егда же бысть князь Юрій на Москвѣ, а въ то время Витовтъ собравъ силу многу и ста у Смоленска; гражане же не могуще терѣти въ градѣ въ гладѣ пребывати, отъ изнеможенія и всякія истомы градъ Смоленскъ предаша Витовту. И се бысть послѣднее плѣненіе Смоленску отъ Витовта, въ Петрово говѣніе, мѣсяца іюня^в въ 26^г. И тако Витовтъ взя градъ и все Смоленское княженіе за ся, и княгиню Юріеву изнима и посла въ Литовскую землю, а князей Смоленскихъ поима, а бояръ, кои добра хотѣли своему князю Юрію, а тѣхъ разведе и расточи, а иныхъ премучи; а въ Смоленсцѣ своя намѣстники Ляхы посади, Ляхомъ предасть градъ предержати^д, а по князя по Юрія посла на взисканіе его. Князь же Юрій то слышавъ, съ своимъ сыномъ со княземъ съ Ѳедоромъ, съжалися въ горести душа и побѣжа съ Москвы въ Новгородъ въ Великій; и тамо Новгородци пріяша его съ миромъ. Того же лѣта преставися князь Василей Суздальскій.

Въ лѣто 6913^е. Князь великій Василей Дмитреевичъ посла рать въ Татарская мѣста, на взисканіе князя Семена Суздальскаго, дабы его гдѣ обрѣсти самого, или княгиню его, или дѣти его, или бояръ его, крыаше бо ся бѣгая въ Татарскихъ мѣстехъ; а у князя великого ратей восводы, Иванъ Уда Андрѣевичъ, Ѳедоръ Глѣбовичъ. И идоша на Мордву, и наѣхаша княгиню Семенову Александру въ Татарской земли, на мѣстѣ нарицаемѣмъ Чибирца, ту изнимаша ю у святаго Николы, церковь же ту поставилъ нѣкоторый бесерменинъ, именовъ Хазибаба; они же абіе имше и ограбиша ю, и привелоша на Москву съ дѣтми, и пребысть ту на дворѣ Белеутовѣ, дондеже князь Семень покорився помирися, занеже тогда бѣ въ ординскихъ мѣстехъ. Слышавъ же, что княгини его и съ дѣтми изнимани и казна его взята, и сослался съ великимъ княземъ, вниде въ покореніе, и пріѣха изъ орды на Москву князь Семень и добилъ челомъ князю великому и взя миръ; и поѣха съ Москвы князь Семень и со княгиною и съ дѣтми на Вятку, но боленъ сый, и пребывъ на Вяткѣ 5 мѣсяць. И пакы

а) Въ К. О. то же извѣстіе записано такъ пріѣха владыка иванъ благословенъ отъ митрополита кипріяна съ москвы въ новгородъ: и бысть на москвѣ полчетверта году. б) съ кербутомъ « съ корибутомъ К. О. в) іюня » іюля *ошибк.* Ц. г) въ 26 « въ четвергъ *прибавл.* К. О. д) ляхомъ. . . предержати « *пштъ въ* К. О. е) Въ Ц. Б. Г. слѣдуютъ извѣстія, помѣщенные въ прочихъ спискахъ подъ 6914 годомъ (см. ниже), отъ словъ князь вел. василей дмитреевичъ разверже . . . противу витовта на плаву; за тѣмъ въ Б. Г. мѣсяца сентября въ 16 преставися пресвященный митрополитъ кievскій и в. р. кипріянь (см. подъ 6914 г.), а въ Ц. на полъ сокращенно о смерти князя Симеона Суздальскаго, и потомъ слѣдующія извѣстія того же лѣта кипріянь митрополитъ поиде въ литву къ витовту. того же лѣта бысть знаменіе на москвѣ, въ дворѣ тютрюмовѣ, отъ иконы св. богородица и отъ св. николы иде миро; далье сходно съ Б. Г.

1405 разболѣся и преставися рабъ Божій князь Семень Дмитреевичъ Суздальскій, на память Пре-
 -406 ставленія новаго чудотворца и святителя пресвященнаго Петра митрополита; иже много претерпѣ истомы въ ордѣ и на Руси, добываяся вотчины своея, осмь лѣтъ служилъ по ряду въ ордѣ четыремъ царемъ, первому Тахтамышю, второму Аксаку, третіему Темирькутлюю, четвертому Шадибеку, а все то поднимая рать на Московского великого князя, како бы наити свою вотчину Новгородское княженіе; и того ради много труда подъя, не обрѣтая покоя ногама своима, и не успѣ ничтоже, но акы всеу тружаяся; суетно бо есть спасеніе человѣчское, или не вспомяну Писанія, глаголющаго: его же хоцеть Богъ поставляетъ князя, и властелина, и землидержца. Того же лѣта бысть на Москвѣ чудо: въ дому Тютрюмовѣ отъ иконы святыя Богородица и святаго чудотворца Николы иде муро. Того же лѣта князь великій Витовтъ взя войною на миру Псковскій городокъ Коложе, а Псковскую крестную грамоту присла въ Новгородъ, и стоя подъ Вороночемъ 2 дни^а и отъиде, волости ихъ повоева, а люди поѣкъ, а иные въ полонъ свелъ. И Псковичи жаловашася Новгороду на Витовта про Литовскую войну, Новгородци же не меча братіи своее молодшіе Псковичь, послаша къ нимъ въ помощь воеводы, Александра Костянтиновича, Аѳонасія Есифовича, Ѳому Трощѣйкина съ вой; они же пріѣхавше въ Псковъ, Псковичи же отъслали ихъ къ Новгороду, а сами ѣхавше на крестномъ цѣлованіи повоеваша села Новгородская, Луки и Ржеву.

Въ лѣто 6914. Князь великій Василей Дмитреевичъ разверже миръ съ великимъ княземъ Витовтомъ за Псковичь, и ходи противу Витовта; воевашася межю собою по три лѣта. Того же лѣта князь великій пошелъ впервые противу Витовта на Плаву^б. Мѣсяца сентября въ 16 преставися пресвященный митрополитъ Кіевскій и всея Руси Кипріанъ; а былъ въ митрополитѣхъ въ святительствѣ лѣтъ 30 безъ полутретія мѣсяца. Проводиша его честно весь градъ и епископи служиша надъ нимъ, Григорей епископъ Ростовскій, Иларіонъ епископъ Коломенскій, Митрофанъ епископъ Суздальскій, архимандрити и игумени и весь съборъ священскій, пѣвше надъ нимъ обычное надгробное пѣніе и положиша его въ сборной церкви святыя Богородица на Москвѣ, въ нейже есть гробъ Петра митрополита и Ѳеогноста, ту же и сего положиша на правой странѣ въ стѣнѣ^в, по его повелѣнію. Си же митрополитъ въ старости величѣ бывъ и разболѣся на Голенищевѣ, идѣже есть церковь его опришняя поставлена во имя святыхъ Трїи Святитель, идѣже и часто любяше бывати, яко бѣ мѣсто тихо и безмятежно * и покойно; тамо разболѣся и боленъ лежаше нѣколько днѣй, ту и преставися. Преже преставленія своего за 4 дни написа грамоту незнаему и страннолѣпну, акы прощальную и акы въ образъ прощенія, рекше всѣхъ прощая и благословляя и отъ всѣхъ прощенія и благословенія требуя, се же мню, яко конечнаго ради любомудрія и цѣломудрія; и сиче отходя сего свѣта заповѣдаше епискупомъ и сущимъ ту приставникомъ, глаголя: «егда мя въ гробъ вкладаючи, тогда сію грамоту надъ мною прочтите въ слухъ людемъ. Еже и бысть, еже и сътвори преподобный епископъ Григорей Ростовскій, прочте ю велегласно, да будетъ услышано въ ушю всему народу; и ввегда чтущю ему, тогда многихъ отъ предстоящихъ на слезы подвиже. Бяше та грамота писана тако:

Во имя Святыя и Живоначальныя Троица. Азъ грѣшный и смиренный Кипріанъ митро-

а) 2 дни = 2 недѣли Т; см. *Нов. перв. Лѣт.*, стр. 102. б) по три лѣта . . . на плаву *недостаетъ* въ К. О.

в) въ стѣнѣ = въ степени К. О.

* За симъ въ Бал. *недостаетъ* листа, а въ Гор. то же самое пропущено.

политъ смотрихъ, яко постиже мя старость, впадохъ бо въ частыя и различныя болѣзни, 1406
 имиже нынѣ сдержимъ есмь, челоуѣколюбивъ отъ Бога казимъ, грѣховъ моихъ ради; болѣз-
 немъ нынѣ умножившимся на мя, якоже иногда никогдаже, ничтоже ми възвѣщающе ино, развѣ
 смерть, достойно разсудихъ якоже въ завѣщаніи цѣлая потребная мнѣ отчасти писаніемъ симъ
 изъясити. Первое убо исповѣдаю святую богопреданую апостольскую вѣру и православія
 истинное благочестіе, въ святую Троицу и прочая священная апостольская повелѣнія, свя-
 тья Божія церкви преданія цѣла и неподвижима того благодатію соблюдать, якоже и испо-
 вѣданіемъ моимъ написано, то и предахъ, внигда вначалѣ святитель рукополагахся по обы-
 чаю. Святимъ и благославнымъ и правовѣрнымъ царемъ христіаньскимъ, и елици отъидоша
 сего житія по моемъ поставленіи^а и елици еще живутъ, всѣмъ вкупѣ подаю еже о святомъ
 Дусѣ чистое прощеніе. Къ симъ же и святѣйшимъ и вселеньскимъ сущимъ патриархомъ^б,
 такоже и священнѣйшимъ митрополитомъ всѣмъ, преставльшимся и живымъ, даю любовь
 обычную и послѣднее и конечное цѣлованіе и прощеніе, а самъ того прошю отъ нихъ полу-
 чити. Благородному и христіолюбивому, о святомъ Дусѣ възлюбленому сыну моему князю
 великому Василю Дмитреевичю всея Руси даю миръ и благословеніе и послѣднее цѣлованіе,
 и съ его матерію, и съ его братію, и съ его княгиню, и съ его дѣтми, и съ ихъ княги-
 нями и съ ихъ дѣтми, великимъ княземъ Русьскимъ даю миръ и благословеніе. Такоже и
 боголюбивымъ епископомъ, сущимъ подъ предѣломъ нашея церкви въ Русьской митрополи,
 преже преставльшимся и еще живымъ сущимъ, даю благословеніе и прощеніе^в, а отъ нихъ
 того же прошю и самъ получить. Священноинокомъ же и всему священьскому чину и елици
 у престола Господня служить, всѣмъ даю благословеніе и прощеніе и любовь. Благочести-
 вымъ княземъ, великимъ же и малымъ, преже преставльшимся въ лѣтахъ нашихъ, такоже
 даю благословеніе и прощеніе и молюся Господу Богу, да проститъ имъ вся согрѣшенія,
 елика и ти яко челоуѣци согрѣшиша. Бояромъ, великимъ же и малымъ, и съ женами и съ
 дѣтми и всему христіаньскому народу оставляю имъ миръ и благословеніе. Инокомъ же всѣмъ
 вкупѣ, елици въ разныхъ мѣстѣхъ живутъ, и всему причту церковному миръ оставляю и бла-
 гословеніе. Аще ли буду кого во опитемію вложилъ, или невниманіемъ или паки благослов-
 ною виною, а не будетъ поискалъ разрѣшенія^г, а въ томъ забытіи учинилася смерть, или
 буду кого училъ, а онъ будетъ ослушался, всѣхъ имѣю о святѣмъ Дусѣ разрѣшены и про-
 щены и благословены, и молюся челоуѣколюбцю Богу, да отпуститъ имъ грѣхы ихъ^д. А
 понеже сочтохъ лѣта своя, отнелѣ же поставленъ быхъ въ митрополиты, и обрѣтошася чи-
 сломъ яко 30-е лѣто течеть къ приходящему мѣсяцу декамврію въ 2 день, и голикимъ лѣ-
 томъ прошедшимъ, и аще ли будетъ на мя кто поропталъ или паки явно всталъ, отъ епи-
 скопскаго сану, или отъ иночьскаго, еще же и священьскаго, или кто мирскихъ совокупился
 будетъ съ ними, и елици отъ нихъ познашася, и пришедше ко мнѣ исповѣдашася и пріяша
 прощеніе и разрѣшеніе, прощени суть и разрѣшени отъ того часа и да не вмѣнятъ имъ Го-
 сподь грѣха, но да отпуститъ имъ; а елици или стыдятся мене, или въ забытіи приидоша,
 или въ небреженіи положиша, всякъ иже есть, священници, или иноци, или мирьстѣи, му-
 жескъ полъ и женскъ, да будутъ прощени и благословлены и да не вмѣнятся имъ, занеже
 то мое есть, и въ мене предтокнушася^е и моя области то разрѣшити; и елици иже възлю-
 биша насъ и помпловаша насъ, Господа ради, въ нуждахъ нашихъ и въ трудныхъ хоженіихъ

а) и елици. . . поставленіи» пропущено въ О. б) патриархомъ» пропущено въ Т. К. О. в) и прощеніе» и
 любовь прибавл. К. О. г) разрѣшенія» благословенія и разрѣшенія Т. д) грѣхы ихъ» пропущено
 въ Т. К. О. е) предтокнушася» претнушася К. О.

1406 нашихъ и въ путехъ въ различныхъ земляхъ, христойменитиіи людіе и велможіи, бояре, мужи
-407 и жены, да будутъ и ти прощени и благословени, и помиловани отъ Бога челоуѣколюбца, да въздасть имъ Господь по сердцю ихъ. А душу свою и домъ святыя Богородица приказываю о святѣмъ Дусѣ възлюбленному сыну своему, князю великому Василю Дмитреевичю всея Руси, какъ ся попечалуеть, такоже и бояръ и слугъ своихъ и молодыхъ людей отъ мала и до велика, какъ пожалуеть и поблюдетъ; а миръ и прощеніе и благодать отъ Господа нашего Исуса Христа со всеми вами и мое благословеніе. А писана грамота си у Трехъ Святителей, мѣсяца сентября въ 12 день, индикта 15; а не подписахъ немощи ради своея.

Тое же осени князь Юрій Смоленскій отѣха изъ Новагорода на Москву, и князь великій далъ ему Торжекъ, и пѣ^а ту убилъ неповинно служащаго ему князя Семена Мьстиславича Вяземскаго и его княгиню Уліяну, уязвився^б оканнымъ своимъ хотѣіемъ на его подружіе; она же, предобрая мужелюбица, мужескы спротивися^в ему, иземши ножъ удари его въ мышцу на ложи его; онъ же възъярився вскорѣ самъ князя ея уби, а самой руки и ноги повелѣ отсѣщи и воверечи въ рѣку; и бысть ему въ грѣхъ и въ студъ великъ, и съ того сбѣжа къ ордѣ, не терпя горкаго своего безвереманія и безчестія. Тое же зимы, промежи говѣнія^г, царь Шадибекъ убилъ царя Тактамыша, въ Сибирской^д земли. А Кортъ местерь Рискій^е съ Нѣмци пришедъ ко Пскову и отъиде, а зло учинивъ. Приѣха князь Петръ Дмитреевичъ въ Новѣгородъ, на пособъ на Литву, и бысть въ Новѣгородѣ 10 дній. [И Псковичи ходиша воевати Нѣмецъ со княземъ Даниломъ Александровичемъ, и срътоша Нѣмецъ за Новымъ городомъ, и ту бишася; и одолѣша Псковичи, и биша ихъ гоня на 15 верстѣ до Кирьяпивѣ, а иныхъ поймаша и приведоша въ Псковъ. К. О.]

Въ лѣто 6915. Бысть знаменіе на Похрѣ: иде кровь отъ иконы святыя Богородица. Того же лѣта князь Костянтинъ Дмитріевичъ иде ратю на Нѣмци со Псковичи, и много зла учинися Нѣмецкой земли, овыхъ посѣкоша, множество и полониша, и взяша Нѣмецскій градъ Порхъ. Новгородци же испросиша у великаго князя у Витовта князя Семена Лугвения, и дасть имъ; Новгородци же даша ему пригороды. [Нѣмци приходиша въ землю Псковскую ратю, и не дошедше города ста ша станы на Камѣ, и бишася Псковичи съ ними; и побѣдиша Нѣмци Псковичи, и убиша три посадники у Пскова, Ефрема Кортача, Елентія Губку, Панкрата. К. О.] Преставися князь Юрій Смоленскій, на Въздвиженіе честнаго креста, не въ своей отчинѣ, но на чужей сторонѣ во изгнаніи, а своего княженія лишень, и своея княгини и своихъ дѣтей,

Въ лѣто 6915. Бысть знаменіе на Похрѣ: иде кровь отъ иконы святыя Богородица. Тоя же весны княгини великая Евдокья Дмитреева заложы на Москвѣ церковъ камену Възнесеніе, внутри города; того же лѣта престася іюня въ 7, въ мнишескомъ чину наречена бысть Еуфросинія, и положена въ церкви Възнесенія, юже сама заложы. Того же лѣта князь Костентинъ Дмитреевичъ ходи со Псковичи на Нѣмцы ратю, и взя градъ Визну^а. Того же лѣта преставися князь Юръи Смоленскій, въ Резани, въ пустыни у игумена у Петра. Того же лѣта князь великій Василей Дмитреевичъ воевася съ Литвою, а Витовтъ взя Одоевъ, а Москвичи были^б подъ Вязмою; и смирился Витовтъ съ великимъ княземъ съ Московскимъ. А царь Булатъ

а) Въ Ц. явизну; б) были такъ кажется должно читать; въ Ц. били.

а) и пѣ и онъ такъ въ Новг. четв. Лѣт. стр. 109. б) уязвився уязвивъ ошибк. Т. К. О. в) спротивися исправися ошибк. Ц. г) говѣнія говѣній (говѣньи) К. О. д) въ сибирской въ сибирской ошибк. вездѣ кромѣ В. е) рискій римскій ошибк. Т. Ц. В.

но * въ Рязанской земли въ пустыни въ ма-
настырѣ у нѣкоего христіянина игумена Петра;
и ту нѣколько днѣй поболѣ и преставися, и
проводша его честно. Князь великій Васи-
лей Дмитреевичъ воевая съ великимъ княземъ Витовтомъ;
Литва взяли Одоевъ, а у Вязмы у
города стояша князя великого рати и не взяша^а, и миръ
взя князь великій съ Витовтомъ. Того же лѣта Булатъ
Солтанъ Шадыбѣка царя согна со царства, а самъ сѣде
на царствѣ его. [Того же лѣта, мѣсяца іюня въ 20
день, погорѣ градъ Ростовъ мало не весь, церкви камен-
ная сборная, паде верхъ ея и комары вси, развѣ
остася олтарь цѣль и стѣны по комары остася и не
падоша, юже назда и обнови владыка Ростовскій Григорій
единѣмъ лѣтомъ, въ третье лѣто по пожарѣ; того же
лѣта и разливашася колоколы переливъ, выше первыхъ
створи ѱ. К. О.]

Салтанъ съгна Жанибѣка съ царства, а самъ сѣде на царствѣ. Ц. 1407
-409

Въ лѣто 6916. Приде князь Костянтинъ
Дмитреевичъ въ Новгородъ, въ великого князя
мѣсто, на Городище. На ту же осень приде
Едегѣй ратию къ Москвѣ, мѣсяца ноября въ
23 день^б, въ пятницу, и стоя у Москвы 3 не-
дѣли, и поиде прочь возьмъ окупъ 3000 руб-
левъ^в; а городовъ взя, Переяславль, Ростовъ^г,
Юрѣвъ, Дмитровъ^д, и прочая волости повоева
и до Тѣмьскаго рубежа. Присла Едегѣй свою
грамоту къ великому князю на Москву^е.

Въ лѣто 6916, маія въ 25, начата бысть
подписывати великая и соборная церкви Пре-
чистая Володимерская, повелѣніемъ великаго
князя Василия Дмитреевича; а мастера Да-
нило иконникъ да Ондрѣй Рублевъ. Того же
лѣта приде къ великому князю изъ Дѣбрянска
князь Литовскій Швитригаило Олгердовичъ
служити, а съ нимъ владыка Брянскій, да
князь Патрикій Звенигородскій, да князь
Александръ изъ Путимля и князь Феодоръ
Александровичъ, князь Семень Перемышль-
скій, князь Михайло Хотѣтовскій, князь

Уруста Меньскій^а, и бояре Черниговскыи, и Дѣбрянскыи и Любутскыи; князь же ве-
ликій Василей Дмитреевичъ пріятъ его съ честію, и дасть ему столный градъ Влади-
меръ со всѣми пошлинами, и Переславль, и Юрѣвъ Польскій, и Волокъ Ламскій, и
Ржеву и половину Коломны. Того же лѣта моръ бысть на люди силенъ короткою. Ц.

а) уруста меньскій въ Ц. безъ разстановки. См. Карамз. V, стр. 188, такъ читавшаго эти слова по утраченной Троицкой харатейной
Лѣтописи, на которую онъ ссылается того же тома въ прим. 200: но едва ли слово уруста не описка.

Въ лѣто 6917. Ходи Анфалъ на Болгары, и тамо около его рать побиха Татарове, а
самого изнимаша^ж. Того же лѣта Псковичи взяша миръ, Новгородскимъ повелѣніемъ, съ
великимъ княземъ Витовтомъ и съ Нѣмци^з. Того же лѣта преставися князь Данило во
Псковѣ.

а) и не взяша и взяша *ошибк.* В. б) въ 23 день въ 30 день *во всѣхъ сп. кромѣ К. О; въ Ц. ноября 26: см. Повг. перв. Лѣт. стр. 105* в) и стоя . . . 3000 рублевъ и подъ москвою стоя мѣсяць, и возьмъ окупа триста рублевъ К. О. г) ростовъ *только въ К. О; см. Повг. четв. Лѣт. стр. 110.* д) дмитровъ и верю *прибавл. Ц. Это извѣстіе въ Ц. записано подѣ 6917 годомъ.* е) За симъ въ К. О. не въ своемъ мѣстѣ *прибавлено: того же лѣта князь швитригаило отѣха отъ великаго князя василія дмитреевича въ литву, служивъ великому князю василію.* ж) побиха . . . изнимаша *побиха, а самого яша и послаша его въ орду ко царю К. О. з) того же лѣта псковичи . . . съ нѣмци *пропущено въ К. О.**

* Продолжаются Бл. и Гор.

1410 Въ лѣто 6918. Прииде изо Царяграда Фотѣй митрополить, поставленъ Кіеву и всей Руси,
 —12 родомъ Гречинъ; поставленъ патріархомъ Матѣеомъ, при цари Мануилѣ, и прииде на Москву
 при великомъ князи Василии Дмитреевичѣ всея Руси^а. Преставися князь Володимеръ Андрѣе-
 вичъ, на Москвѣ, и положенъ бысть въ сборной церкви святаго Архангела Михаила. Того же
 лѣта бысть побоище королю Ягайлу Олгердовичу, нареченный Володиславъ, и князю вели-
 кому Литовскому Витовту Кестютіевичю съ Нѣмци, съ Прусы, въ ихъ земли Прусской,
 межи города Дубравны и Острода. И убиша местеря и маршалка и кундурь^б побиха, и всю
 силу ихъ Нѣмецкую побиха, и города Нѣмецкыя поимаша; но токмо 3 города не вда-
 шася королю и Витовту. И бысть тое осени ходиша на три побоища съ Нѣмци, Ляхомъ и
 Литвѣ; но Нѣмецъ избиха, а во всѣхъ тѣхъ побоищихъ много паде християнъ, и Литвы и
 Ляховъ отъ Нѣмецъ избіено бысть. Стояша подъ Маріинымъ городомъ 8 недѣль, взяша же
 Маріина города два охабня, а вышняго третяго города не взяша; ходиша же по Нѣмец-
 ской земли полъдругонадпаты недѣли. ^вТого же лѣта князь Данило Борисовичъ Нижняго
 Новгорода [приведе къ себѣ царевича Талчю, и посла съ нимъ изгономъ боярина своего къ
 Володимерю Семена Карамышева Ц.], взя столный городъ Володимеръ, поплѣнивъ и пожже;
 а въ церкви святаго Богородица чудотворную икону пречистыя Богоматере одра^г, злато обои-
 маша, и иныя многы иконы обоимаша, имже и нѣсть числа, отъ безбожныхъ Татаръ.

Въ лѣто 6919. Родися князю Лугвенію сынъ Ярославъ, на Копоріи, а во крещеніи на-
 реченъ Феодоръ. Того же лѣта князь великій Василей Дмитреевичъ далъ дщерь свою, княжну
 Анну, въ Царьградъ за царевича Ивана Мануиловича. Пришедъ Свѣя войною и взяша приго-
 родъ Новгородскій Тиверскій^д, и Новгородци то слышавъ скоро поидоша на Свѣю,
 толко за три дни по сей вѣсти, со княземъ Семеномъ Олгердовичемъ; и приѣхавше въ Свѣй-
 скую землю села ихъ повоевавъ и пожгоша, а Свѣи много изсѣкоша, а иныхъ поимаша, а у
 города у Выбора охабень взяша и пожгоша, на Сборъ Архангела Гавріила, и приѣхаша въ
 Новгородъ со множествомъ плѣна; [а воевода бѣ у нихъ Юрьи Онцифоровъ, Фома Есипличъ,
 Аѳонасій Есифовичъ, Михайло Ивановичъ, Александръ Фоминичъ, Иванъ Данильевичъ, Григо-
 рей Богдановичъ, Андрѣй Ивановичъ, Иванъ Феодоровичъ, Дмитрій Ивановичъ, Фома Тро-
 щѣйкинъ, Есипъ Филиповичъ, Аврамъ Степановичъ; а Нѣмци у Выбора толко одного Ново-
 городца убиша, Павла съ Нутной улицы. Новгородскимъ повелѣніемъ, ходиша Заволочане
 войною на Мурманы, а воевода у нихъ Яковъ Стефановичъ, и повоеваша Мурманъ. К. О.]

Въ лѣто 6920. Князь великій Василей Дмитреевичъ ходи въ орду ко царю Зеледисал-
 тану^е, Тактамышеву сыну; а князь Иванъ Тѣрскій былъ въ ордѣ у того же царя, при
 великомъ князи Василии Дмитреевичѣ. Король Ягайло, и Витовтъ, и Лугвеній вѣскинуша
 грамоты на Новгородъ розметныя, генваря въ 2; и рече король и Витовтъ: «что были есте
 намъ нялися, сложате ли Нѣмци намъ, и вамъ было Нѣмцемъ такоже сложити, а съ нами

а) прииде изо царяграда . . . руси»: это известіе въ К. О. изложено такъ: прииде изъ царяграда на
 москву, родомъ гречинъ, поставленъ патріархомъ матѣеомъ, при царѣ мануилѣ, митрополить фотѣй:
 великій же князь василій дмитріевичъ пріятъ его въ великую любовь; бысть же житія его въ святи-
 тельствѣ лѣтъ 22. За тѣмъ въ Ц. другою рукою приписано на поля: того же лѣта князь швитригайло
 олгердовичъ отѣха съ москвы въ литву, и ѣдучи взялъ градъ серпоховъ. того же лѣта анфазъ ходилъ
 на болгары камою и волгою, и тамо ихъ побилъ, анфазъ яли и въ орду повели. б) кундурь кун-
 дыры К. О; въ Нов. перв. Лѣт. (стр. 404) и кунтуры. в) Предъ симъ въ Б. Г. В. въ видѣ заглавія о
 взятіи города володимеря. г) одра — пропущено въ К. О. д) тиверскій — такъ было и въ Ц, но потомъ
 по чищеному написано корѣльскій. е) зеледисалтану — зеленисалтану К. О.

заодинъ стати; и мы о томъ посылали къ вамъ бояръ Немира и Зиновія Братошича о томъ, ¹⁴¹² что въ прежереченомъ словѣ стоите ли^а, и вы Немиру и Зиновію отвѣчали: не можетъ Новъ-^{—16}городъ того учинити, какъ есмы съ Литовскимъ мирни, такъ и съ Нѣмци мирни; мы князя Лугвеня вывели къ себѣ отъ васъ, а съ Нѣмци есмя миръ вѣчный взяли, и съ Угры, и со всѣми нашими граничники мирни есмы, а вы слова своего забывъ не сдержали, какъ были есте намъ нялися; еще ваши люди намъ лаяли, насъ безчествовали и погаными звали; еще же надъ тѣмъ что нашего врага у собе держите, княжа сына Юріева Святославича князя Ѳедора пріали есте.» А Лугвень молвить: «язъ съ королемъ Ягайломъ^б одинъ человекъ; толко имъ не любо, ино и мнѣ;» и сложи цѣлованіе къ Новгороду Лугвень. Князь Ѳедоръ рече Новгороду: «о мнѣ съ Витовтомъ не держите нелюбія,» и отъѣха въ Нѣмци.

Въ лѣто 6921. Створися знаменіе въ вотчинѣ князя Андрѣя Дмитриевича, отъ Можайска за 15 верстѣ: отъ иконы святыя Богородици явилося людямъ много прощенія, слѣпымъ, хромымъ, и разслабленнымъ, и глухимъ и инымъ многимъ исцѣленіе бысть, иже не можетъ умъ человекъ сказати, колико человеклоубіе Божіе и какова милость Божія на людехъ. Того же лѣта погорѣ городъ Тѣбрь весь.

Въ лѣто 6922. Ъздилъ отъ Навагорода посломъ къ великому князю Витовту Юріе Онцифоровичъ, и взя съ Витовтомъ миръ по старинѣ, а къ Нѣмцемъ не нялся *оттузь* сложити^в.

Въ лѣто 6923. Воеваша Татарове Елецкую землю. Того же лѣта погорѣ Москва городъ, и Смоленскъ такоже погорѣ городъ. Бысть знаменіе по всей земли въ солнци, мѣсяца іюня въ 7: бысть солнце все померкло ненамного, и видѣти было всѣ^г звѣзды акы въ ноци. См. Новгородскую первую Лѣтопись, стр. 105 и 106, отъ словъ: того же лѣта Новгородци съдумавъ. . . Еупла діакона; *сія статья находится только въ К. О.* На ту же осень, Богу попушьшу, князю великому Витовту тако изволшу, по своему хотѣнію собравъ епископы християнскыя, иже въ области его живущіи: Ѳеодосей Полотскый, Исакій Черниговскій, Діонисій Луцскый, Герасимъ Володимирскій, Харитонъ Холмскый, Евѡимей Туровскій, и тѣми епископы постави Кіеву митрополита Григорія Болгарина, мѣсяца ноября въ 15 день^д. [Тое же зимы поѣха Самсонъ на Москву, къ митрополиту Фотію, въ владыкы ставитися. К. О.]

Въ лѣто 6923. Князь великій Витовтъ по своей области събра епископы, Исакия Черниговского, Ѳеодосія Полотскаго, Деонисія Лучьского, Герасима Володимирьскаго, Харитона Холмскаго, Евѡимія Туровскаго, и рече имъ: «аще не поставите митрополита въ моеи земли, то злѣ умрете; они же неволею поставиша на Кыевѣ митрополита Григорія Болгарина Самблака, не шлючи къ Царюграду. Сій бо Витовтъ вѣрою Латинишъ, не вѣдуще закона Божія, створи се не по правиломъ Святыхъ Отець; мѣсяца ноября 15 поставленіе бысть. Того же лѣта Москва погорѣла градъ и Смоленскъ. Ц.

Въ лѣто 6924, мѣсяца марта въ 12, простилъ Богъ въ церкви святыя Богородици на Москвѣ у гроба Петра митрополита, человекъу нога прикорчена исцѣлѣ; а въ недѣлю 2-ю

а) стоите ли» стояти Т. б) ягайломъ» и витовтомъ *прибавл.* К. О. в) Въ Ц. другою рукою *вышесено на поле*: того же лѣта фотіи митрополитъ поиде къ царюграду и доиде литвы, и витовтъ его не пустилъ. а его обоималъ; възвратися фотіи на москву ограбленъ. г) всѣ» всѣмъ *въ прочихъ ст.* кромь Т. К. О. д) въ 15 день» въ 8 день *ошибк.* Б. Г.

1416 поста, марта въ 15 день, у челоуѣка рущѣ исцѣлѣша^а. Тое же весны, мѣсяца марта въ 22,
 —18 въ недѣлю средокрестную, Фотѣй митрополитъ Кіевскій и всея Руси постави Самсона архі-
 епископомъ Новугороду, въ церкви святаго Архангела Михаила, и нареченъ бысть отъ ми-
 трополита Семеономъ; а на поставленіи были съ митрополитомъ 5 владыкъ: Григорей Ро-
 стовскій, Митрофанъ Суздальскій, Антоней Тѣѣрскій, Тимоѣей Сарьскій, Исакій Пермь-
 скій, при великомъ князи Василии Дмитреевичи и при братіи его князи Юрьи и князѣ Ко-
 стянтинѣ. Того же лѣта повоеваша Татарове около Кіева, и монастырь Печерскій пограбиша
 и пожгоша.

Въ лѣто 6925. Преставися князя великого сынъ Василия Дмитреевича князь Иванъ, на
 Москвѣ, и положенъ бысть въ церкви святаго Архангела Михаила. Того же лѣта изъ вели-
 кого князя отчины Василия Дмитреевича ходи князь Юріевъ бояринъ Глѣбъ Семеновичъ съ
 Новгородскими бѣглеци, съ Семеномъ Жадовскимъ и съ Михайломъ Розсохинымъ, и съ
 Устюжаны и съ Вятчаны, ѣхаша въ насадѣхъ на Заволочьскую землю, и повоеваша^б волость
 Борокъ Ивановыхъ дѣтей Василіевича, Ъмцю и Колмогоры пожгли, и бояръ Новогородь-
 скіихъ изнимаша Юрія Ивановича и брата его Самсона. А Иванъ Θεодоровичъ и братъ его
 Аѳонасъ, Гаврило Куриловичъ, Исакъ Андрѣевичъ сугнавъ ихъ подъ Моржемъ на островѣ,
 братію свою Самсона и Юрія отгяша, и полонъ весь и съ животы, а ихъ отпустиша^в. По
 грѣхомъ по нашимъ бысть въ томъ лѣтѣ моръ великъ въ Новѣгородѣ железю, и въ Ладозѣ,
 и въ Русѣ, и въ Порховѣ, и во Псковѣ, и въ Торжку, и во Тѣѣри, и въ Дмитровѣ и по
 волостемъ. Тое же зимы рече Григорей митрополитъ, нарицаемый Цамблакъ, князю вели-
 кому Витовту: «что ради ты, княже, самъ въ вѣрѣ Ляцьской, а не въ православной вѣрѣ
 христіаньской?» И отвѣща ему Витовтъ: «аще хочещи нетокмо мене единого видѣти въ
 своей православной вѣрѣ, но и всѣхъ людей невѣрныхъ моя земля Литовскія, то иди въ
 Римъ и имѣй прю съ папою и съ его мудреци; аще ихъ препреши, то вси мы будемъ хри-
 стіане, и аще ли не препреши, то имамъ вся люди своя земля въ свою Нѣмецкую пре-
 вратити вѣру.» И посла его въ Римъ съ своими бояры. *Далѣе см. Новг. четв. Лѣт., т. IV,*
стр. 116 — 117, отъ словъ: о томъ Григоріи митрополитъ Фотій . . . да будетъ со всѣми
 православными крестьяны.

Въ лѣто 6926. Князь Дашко Θεодоровъ сынъ Острожьского такою кознію взялъ городъ
 Кременецъ, князя великого Витовтовъ: въ великій четвергъ, послалъ преже себе своихъ дву
 челоуѣкъ, Дмитрія да Илью, а съ ними ся сговоря: «предайтеся служити Кондрату Прусу,
 воеводѣ Кременьскому; егда же азъ пріиду ко граду, и вы възводъ отгъните, а мостъ поло-
 жите;» и они пріѣхавъ вѣѣрилися ему, и прія ихъ съ любовію, а того свѣта въ нихъ ни
 въ разумѣ не подержа. И Дашко пріѣхалъ къ городу ночи въ пятисотъ челоуѣкъ, и тѣ его
 свѣтници у города възводъ^г отгътяша, а мостъ положиша; Дашко же съ други своими вѣѣха
 въ городъ, Кондрата воеводу уби, а приставовъ королевыхъ и Витовтовыхъ посѣклъ, а князя
 Швитригайла изъ желѣзъ высѣклъ, сѣдѣвшаго полдевята года, и оттолѣ Швитригайло ѣде
 въ Угры, а взялъ Луческъ, да у Вольньскихъ бояръ полтораста конь отлучилъ. Того же
 лѣта бысть знаменіе отъ иконы святаго Богородица Покрова *, акы кровь течаше по обѣ

а) Слѣдующая статья о поставленіи Новгородскаго архіепископа Семеона изложена въ К. О. сходно съ
 Новг. перв. Лѣт., стр. 106; см. слова: а въ той день фотѣи . . . подарованнаго ему. б) повоеваша
 повоева вездѣ кромѣ К. в) гаврило куриловичъ . . . отпустиша»; *вмѣсто сихъ словъ въ К. О. только*
 самсона и юрія отгяша и съ животы ихъ, а самихъ пустиша. г) възводъ» отводъ К. О.

* Прекращается Тол. II.

стороны ризы ея, въ церкви святыя Анастасія, въ Новѣгородѣ въ Великомѣ. Того же лѣта 1418 убиенъ бысть Анфаль и сынъ его Нестеръ, на Вяткѣ, отъ Михаила Розсохина^а. [Бысть въ Новѣгородѣ усобица межи крестьянъ: человекъ нѣкоторый, именемъ Степанко, изыма боярина Данила Ивановича Божина, и держаще вопіаше: «о друзи! пособствуйте ми на злодѣя сего.» Людіе же видяще его вопль, влечаху его на вѣче, тепучи мало не до смерти, и съ вѣча пришедъ кинуша его съ мосту; и перяя рыболовъ, и бысть живъ, а того рыболова домъ пограбиша. И изыма бояринъ того Степанка, и хотя творити отмщеніе; и за то сташа чернь съ одной стороны, а съ другую бояре, и учинися пакости людемъ много мертвыхъ. И владыка Семеонъ, не хотя кровопролитія въ крестьянѣхъ, оболкъся въ ризы и весь сборъ иде со кресты со владыкою на мостъ; и нача благословляти на все стороны крестомъ, и плакатися нача, и весь народъ нача призывать: «Господи помилуй», начаста и сами плакати, видя святителево моленіе къ Господу нашему Ісусу Христу и пречистѣй Матери. И утишися отъ брани народъ, святителевымъ моленіемъ, и разидошася каждо въ дома своя, слава Бога. Мѣсяца іюля 11, преставися благовѣрная княгиня Анастасія княжа Юрьева Дмитріевича^б *, въ Звенигородѣ. Того же лѣта Москва городъ погорѣ, мѣсяца августа 18, въ полунощи загорѣся, а назаутріе о полудне преста горѣти **. К. О.]

Въ лѣто 6989, мѣсяца іюля 5 день, на память преподобного отца Аѳанасія Аѳоньскаго, въ четвергъ на четвертомъ часу дни, преставися благовѣрный князь Андрей Васильевичъ меншей, по своей отчинѣ въ градъ на Москвѣ, и погребенъ бысть того же дни 11 часъ въ церкви Архангела Михаила; а положенъ бысть възлѣ брата своего князя Юрья Васильевича.

Въ лѣто 7016. Преставися князь велики Дмитрий Ивановичъ, внукъ великаго князя Ивана Васильевича всея Русіи; а положенъ бысть на Москвѣ въ Архангилѣ подлѣ отца своего великаго князя Ивана Ивановича.

Лѣта 7014, мѣсяца октября 27 день, преставися князь велики Иванъ Васильевичъ, во вторникъ, на другомъ часу ночи. Того же лѣта женися князь велики Василь Ивановичъ, мѣсяца сентября 5 день, поя за себя великою княжною Соломаниду.^в

- а) того же л. убиенъ . . . розсохина»; это извѣстіе въ К. О. помѣщено ниже, за слѣдующею статью.
- б) Въ К., на трехъ послѣднихъ листахъ, приписано Западнорусскимъ почеркомъ нѣсколько лѣтописныхъ статей; подъ 6926 и 6927 г. находятся слѣдующія извѣстія: князь данило борисовичъ съ братомъ иваномъ, новгородские, бѣжаша съ москвы отъ великаго князя василья дмитреевича; (за тѣмъ повторено о князь Дашкѣ Острожскомъ, взявшемъ городъ Кременецъ). лѣта того же поставленъ бысть ростову епископъ діонисей, іюля 12. то же зимы князь великій василей отдасть дщерь свою василису за князя александра ивановича суздайскаго, въ недѣлю о фарисеи. а коломнѣ поставленъ бысть епископъ амвроси того же лѣта. въ лѣто 6927 князь велики василей дмитріевичъ восхотѣ подписати подъ сына своего василія брата своего меншаго косянтина, князь же косянтинъ не въсхотѣ створити воли его, и про то отня у него вотчину; онъ же иде въ новгородъ, и пріаша его новгородци съ честию и подаваша ему пригороды, которыи были за лугвенемъ. Далѣе въ К. содержится то же что и въ другихъ спискахъ, и рукопись оканчивается началомъ статьи о преставленіи в. к. Василія Дмитріевича.
- в) Статьи, напечатанныя мелкимъ шрифтомъ, находятся въ О; эти памятные записки прибавлены на послѣднемъ листѣ, по завершеніи рукописи, разными почерками. На оборотѣ предъидущаго листа написано: радъ заяць (у)тенета убѣжалъ, а радъ нилель (литорейнымъ письмомъ писецъ), кончавъ заднюю строку, аминь.

* Прекращается Кар. IV; о конечныхъ его листахъ см. на сей страницѣ въ примѣчаніяхъ.

** Прекращается Обол. I.

1419 Въ лѣто 6927. Въ лѣто 6928. Въ лѣто 6929. Въ лѣто 6928. Морь бысть силенъ на лю-
 —²⁴ Въ лѣто 6930, мѣсяца іюля 11, преставися ди, почялся на Успленіе святыя Богородица,
 благовѣрная княгини Анастасія княжа Юрьева на Костромѣ, и въ Ярославлѣ, и въ Галичи,
 Дмитреевича, во Звенигородѣ, а положена и на Плесѣ. Того же лѣта снѣгъ паде на Ни-
 бысть на Москвѣ въ монастыри святого Възне- китинъ день, иде три дни да три ноци и паде
 сенія. Того же лѣта Москва городъ погорѣ, его на 4 пяди, и потаялъ; а всякое жито подъ
 мѣсяца августа въ 18, въ полночь загорѣся, снѣгъ полегло, нѣкому жати, люди померли.
 а назавтріе о полудни преста горѣти. Того же Въ лѣто 6930. Гладь бысть силенъ по всей
 лѣта Баракъ царевичъ приходи ратию къ Одое- земли Руской, на Москвѣ оковъ ржи по руб-
 ву, и отыде прочь, города не взять, а зло лю, а на Костромѣ по два рубля, а въ Но-
 учинилъ. вѣгородѣ въ Нижнемъ по . . .^a алтынъ оковъ
 ржи; и морь бысть, съ голоду всякую мерт-
 вичину ѣли. Того же лѣта король Ягайло да
 Витовтъ ходили къ Марьину городу Нѣмецкыя земли воевати. Того же лѣта преста-
 вися благовѣрная княгини Анастасія княжа Юрья Дмитреевича, въ Звенигородѣ, а по-
 ложена бысть на Москвѣ въ монастыри святого Възнесенія. Того же лѣта Москва городъ
 погорѣ, мѣсяца августа въ 18, въ полночь загорѣлося, а назавтріе о полудни престо-
 ло горѣти. Ц.

Въ лѣто 6931. Гладь бысть великъ по всей Русьской земли, и мнози людие изомроша отъ глада, а ини въ Литовскую землю выидоша, а ини же по путехъ идуще изомроша отъ глада и студени, зима бо бѣ морозна; въ Ростовьской же области таковыя люди обрѣтошася, что люди ядуше, не могуше глада терпѣти, мнози же мертвыя мяса ядоша, и конину, и псину и кошки ядоша. Но Господи Царю въкомъ! призри съ небеси отъ святого жилища твоего, отъ престола славы твоея, на смиреніе наше милосерднымъ си окомъ.

Въ лѣто 6931. Царь Баракъ къ Одоеву приходилъ, града не взялъ, а полону много повелъ въ поле; и князь Юрьи Романовичъ Одоевскій да Григорей Протасьевичъ воевода Мценскій сугиго царя, въ полѣ били, а полонъ отымали. Того же лѣта преставися князь великій Иванъ Михайловичъ Тверскій, и сѣде на великомъ княженіи внукъ его князь Борисъ Александровичъ. Того же лѣта преставися князь Иванъ Васильевичъ Ярославскы. Того же лѣта морь бысть въ Тверьской земли, и потомъ на Москвѣ. Того же лѣта князь Борисъ поималъ князя Василья Кашицкаго.

Въ лѣто 6932. Царь Кудайдатъ поиде ратию къ Одоеву на князя на Юрья на Романовичя. И слышавъ то князь великій Витовтъ, и посла на Москву къ зятю своему къ великому князю Василію Дмитреевичю, чтобы послалъ помочь на царя; а самъ послалъ князя Андрѣя Всеволодичя, князя Ивана Бабу, брата его Путятю, Русьскыхъ князей, князя Митка Всеволодичя, Григорья Протасьевичя. Они же шедше съ княземъ Юрьемъ, царя Кудайдата били и силу его присѣкли, а самъ царь убѣжалъ, а царици поимали, одну послали въ Литву къ Витовту, а другую на Москву къ великому князю; а Московская сила не поспѣла; тогда убили Когчю богатыря, велика тѣломъ. Ц.

a) Въ ркп. нведено чернилами по какой-то прежней цифрѣ по 200 алтынъ

* Отсюда Вор. разнится съ прочими списками Софійской первой Лѣтописи.

Въ лѣто 6933, мѣсяца февраля въ 27 день, въ третій часъ нощи, преставися христоролюбивый князь великій Василей Дмитриевичъ; того же лѣта сынъ его князь Василей Васильевичъ сѣде на великомъ княженіи. Тое же весны князь Юрьи въ Галичь поиде, взя переміріе до Петрова дни съ великимъ княземъ. Того же лѣта преставися благовѣрный князь великій Иванъ Тферьскій, нареченый во мнишскомъ чину Іевъ; того же лѣта, мѣсяца мая въ 21 день, сѣде сынъ его князь Александръ на великомъ княженіи. Того же лѣта преставися благовѣрная княгини Феодорова Александровича Ростовского, мѣсяца августа 5 день, въ 6 часъ дни. Тое же осени бысть морь великъ во Псковѣ, и въ Великомъ Новгородѣ, и въ Торжку, и на Тфери, и на Волоцѣ на Ламьскомъ, и въ Дмитровѣ и во иныхъ Русьскихъ градѣхъ и селѣхъ.

Въ лѣто 6934. Опять бысть морь во всѣхъ градѣхъ Русьскихъ великъ зѣло.

Въ лѣто 6935. Преставися князь Петръ Дмитриевичъ, въ субботу мясопустную; мясопастія недѣль 8 и 5 дній.

Въ лѣто 6936. Князь великій Витовтъ съ всѣми силами ходилъ къ Новгороду Великому, и стоялъ у Порхова; и воеводы Порховьскыя добили челомъ 5000 рублевъ, и владыка съ бояры пріѣхавъ добилъ другую 5000 рублевъ, а шестую тысящу рублевъ владыка свою далъ за полонь.

Въ лѣто 6937. Пришли Татарове на Галичь безъ вѣсти на князя Юрья Дмитриевича, и стояли въ Галичи мѣсяць, а на Крещеніе пришедъ Кострому взяли, и Плесо, и Лукъ; и князь великій посылалъ за ними въ погоню князей и воеводъ много, они же не устигли. Единъ воевода, именемъ Феодоръ Костентиновичъ Добрыньскій, да князь Феодоръ Давыдовичъ Пестрой съвокупяся съ своими дворы, поидоша Волгою послѣ Татаръ и угониша ихъ за Новымъгородомъ за Нижнимъ, и Татаръ били, а иные убѣгли, а полонь отъбимали; тѣмъ воеводамъ при животѣ честь, а по смерти вѣчная память.

Въ лѣто 6933, мѣсяца февраля въ 27 день, въ 3 часъ нощи, преставися христоролюбивый великій князь Василей Дмитриевичъ всеа Руси, на второй недѣли святаго великаго поста, по Сборѣ въ вторникъ; а былъ на великомъ княженіи лѣтъ 36. Того же лѣта сынъ его князь Василей Васильевичъ сѣде на великомъ княженіи, Володимерьскомъ и Московскомъ и Новгородскомъ Нижнемъ. Того же лѣта князь Василей Васильевичъ посла Фотія митрополита въ Галичь къ князю Юрью дядѣ своему, о миру, и миру не взять, а князь Юрьи Дмитриевичъ поиде изъ Галичи къ Новгороду Нижнему; и князь великій послалъ князя Андрѣя Дмитриевича за нимъ, а съ нимъ силы полтретьядцать тысящъ, и князь Андрѣй брата князя Юрья не дошелъ да воротился. Того же лѣта преставися благовѣрный князь великій Иванъ Михаиловичъ Тферьскій, нареченый въ мнишскомъ чину Іевъ; того же лѣта, мѣсяца мая въ 21 день, сѣде сынъ его князь Александръ на великомъ княженіи. П.

Въ лѣто 6934. Князь великій Витовтъ ходилъ къ Пскову, и Псковичи добиша челомъ и даша ему тысящу рублевъ, и стоялъ у Вороначя 3 недѣли, земли испустошилъ много; а Псковичи подъ городкомъ подъ Котелномъ въ озерѣ Литвы да Татаръ побили много. П.

Въ лѣто 6935. Морь бысть силенъ на люди на Москвѣ, и въ всѣхъ градѣхъ Русьскихъ и волостехъ и селѣхъ, мало людей осталось, мерли прыщемъ. Того же лѣта преставися князь Петръ Дмитриевичъ, въ субботу мясопустную. Того же лѣта, іуня 9, преставися преподобный игумень Кырилъ Бѣлозерскій.

1430
—33

Въ лѣто 6938. Явися въ Смоленсцѣ волкъ голъ, шерсти не было на немъ, да люди ѣлъ; а въ городѣ Троицкѣ озеро стоало 7 день кроваво. Того же лѣта у великого князя у Витовта съѣздъ былъ всѣмъ людемъ, отъ всѣхъ земель: внукъ его князь великій Василей Васильевичъ Московскій, король Польскій Ягайло Олгердовичъ, Куныштеръ Нѣмецкій воевода, Фотій митрополитъ Киевскы и всея Руси, гардиналь отъ папы изъ Рима, князь великій Борисъ Тферьскій, воевода Ильяшъ Воложскій, и вси князи и воеводы, и владыкы, и паны и бояре съ всѣхъ земель были у него; князь же великій урядивъ всѣхъ, и отпусти съ миромъ и преставися, а княжилъ 38 лѣтъ, и сѣде на великомъ княженіи Швитригайло Олгердовичъ. Того же лѣта князь великій ординьскій Аидаръ воева Литовскую землю, и пришедъ подъ Мценескъ и стоя у города 3 недѣли, и воеводу Григорья Протасевича на ротѣ изнималъ, а города не взялъ, а волости повоевалъ, до Кыева не ходилъ за 15 миль. Ц.

Въ лѣто 6939. Преставися пресвященный митрополитъ Киевскій и всея Руси Фотій, мѣсяца іюля въ 1 день, и положенъ бысть во градѣ Москвѣ въ церкви Успенія святыя Богородица.

Того же лѣта было знаменіе на небеси: явишася три столпы огнены; тогда же засуха была, земля и болота горѣли; того же лѣта мъгла стоала 6 недѣль, солнца не видѣли, и рыбы въ водѣ мерли и птицы на землю падали, не видѣли летати. Того же лѣта, въ осени, князь великій Василей Васильевичъ да князь Юрьи Дмитреевичъ спряся о великомъ княженіи, да пошли въ орду къ Махметю; и царь пожаловалъ князя Василья Васильевича великимъ княженіемъ, а князю Юрью далъ городъ Дмитровъ. Ц.

Въ лѣто 6940. Преставися князь Андрѣй Дмитреевичъ, мѣсяца іюля 9. Князь Юрьи Дмитреевичъ сперся о великомъ княженіи своимъ братаничемъ, со княземъ великимъ Васильемъ Васильевичемъ, и поидоша въ орду ко царю Махметю; царь же предасть княженіе великое держати Василью Васильевичю.

Въ лѣто 6939. Преставися пресвященный митрополитъ Киевскы и всея Руси Фотій, мѣсяца іюля въ 1 день, и положенъ бысть въ градѣ Москвѣ въ церкви Успенія святыя Богородица. Того же лѣта отъ великого князя Василья Васильевича воевода князь Феодоръ Давыдовичъ Пестрой ходилъ на Болгары вое-

Въ лѣто 6940. Выиде изъ орды князь великій Василей Васильевичъ на великое княженіе, а съ нимъ посолъ Маньсырь Уланъ царевичъ, тотъ его посадилъ на великое княженіе мѣсяца октября въ 5, индикта въ 10, у Пречистые у Золотыхъ дверей. Того же лѣта преставися князь Андрѣй Дмитреевичъ Можайскій. Того же лѣта, во осени, князь великій обручалъ за себя княжну Марію, дочь Ярославлю, а внуку Марьи Голтяевы. Тогда же Иванъ Дмитреевичъ бѣжалъ къ Твери, а со Тфери въ Галичь къ князю Юрью. Того же лѣта князь великій намѣстниковъ Дмитровскихъ съслалъ княжыхъ Юрьевыхъ, а Дмитровъ взялъ за себя. Ц.

Въ лѣто 6941. Придоша изъ орды князь великій Василей Васильевичъ на великое княженіе, а съ нимъ князь Юрьи Дмитреевичъ; тогда же сѣде на Москвѣ на великомъ княженіи князь великій Василей Васильевичъ. Тое

Въ лѣто 6941. Князь великій Василей Васильевичъ женился на Москвѣ, по Крещеніи въ мясоѣдъ великій, понялъ дочь князя Ярослава Володимировича именемъ Марію; и на той свадбѣ Захарья Ивановичъ

же зимы женися князь великій Василей Васильевичъ, и поя дщерь князю Ярославлю Володимировича Литовьского князю именемъ Марью. Тое же весны князь Юрьи Дмитриевичъ възлюбився за то, что ему не далъ царь княженія великаго, поиде ратью къ Москвѣ на великаго князя Василья Васильевича; то же слышавъ князь великій Василей Васильевичъ, поиде противу его ратию, и срѣтошася на рѣцѣ на Клязмѣ и бысть имъ бой, и одолѣ князь Юрьи Дмитриевичъ князя великаго Василья; князь же великій Василей Васильевичъ побѣжа во Тверь со княгинею и съ бояры, а князь Юрьи Дмитриевичъ прииде на Москву и сѣде на великомъ княженіи. Того же лѣта князь Юрьи Дмитриевичъ оставя Москву, и поѣхалъ въ свою отчину.

Великимъ княземъ, искаша его на Костромѣ. И доби челомъ князь великій дядѣ своему князю Юрью, и дастъ ему городъ Коломну въ удѣль; а миръ свелъ Семень Морозовъ, любовникъ князь Юрьевъ. Князи же и боаре и воеводы, и дѣти боярьскыя, и вси дворяне не повиыкли Галичскимъ княземъ служити, и поѣхаша къ великому князю на Коломну отъ мала и до велика, и Иванъ Дмитриевичъ съ дѣтми; видѣвше же князь Василей Косой да князь Дмитрей Шемяка, яко не остася у отца ихъ Москвичъ никого, и убиша Семена Морозова въ набережныхъ сѣнехъ, рькуще: «ты учинилъ ту бѣду отцу нашему и намъ, издавна еси коромолникъ и нашъ лиходѣй,» и сами поидоша къ Костромѣ. Князь же Юрьи съступися великаго княженія, по своей воли, великому князю Василью, и поиде къ Звенигороду; и умиришася съ великимъ княземъ на томъ, что ему дѣтей не примати, ни помочи имъ не дати. Того же лѣта посла князь великій воеводу князя Юрья Патрекѣевича, и съ нимъ дворъ свой, на Кострому на Юрьевичевъ; они же съ Вятчаны и съ Галичяны поставиша бой, на рѣкѣ на Куси, и дворъ князя великаго били и воеводу князя Юрья яли, и придоша опять на Кострому, и какъ Волга стала, и ни^б ступили къ Турдѣвымъ врагомъ. Ц.

Въ лѣто 6942. Князь великій Василей Васильевичъ опять прииде на великое княженіе на Москву. Тое же зимы князь великій Василей Васильевичъ, собравъ воя многы, и поиде ратию на князя Юрья Дмитриевича ко граду Галичю; князь Юрьи Дмитриевичъ не бысть тогда во градѣ, князь великій Василей взялъ

Кошкынъ имался за поясъ у князя у Василья¹⁴³³ у Юрьевича у Косого, и съ тоя свадбы князи^{—34} и боаре разѣхашася въсвоеси, и съвокупися князь Василей да князь Дмитрей Шемяка, и поидоша къ отцу своему въ Галичъ. Тое же весны князь Юрьи Дмитриевичъ възлюбится за то, что ему не далъ царь княженія великаго, и поиде ратью на великаго князя Василья съ своими дѣтми, да Иванъ Дмитриевичъ съ ними же и съ своими дѣтми; и съвокуписася силы многы и поидоша къ Москвѣ на великаго князя, и придоша на рѣку на Клязму безъ вѣсти, за 20 поприщъ отъ Москвы, въ субботу канунъ Мирносицъ, апрѣля 25^а. Князь же великій Василей Васильевичъ не поспѣ събраться и выѣха въ малѣ дружинѣ, и побився мало и побѣже съ Москвы, и взявъ мать и княгиню, и побѣже въ Тверь и съ Твери побѣже къ Костромѣ; князь же Юрьи сѣлъ на великое княженіе и посла дѣтей своихъ за

Въ лѣто 6942. Князь великій Василей Васильевичъ опять прииде на великое княженіе, на Москву съ Коломны. Князь же великій слышавъ измѣну дяди своего князя Юрья Дмитриевича, что на бою были съ дѣтми воеводы его и многы дворяне, и поиде князь великій Галича воевати, и Галичъ повоевалъ и пожоглъ

а) апр. 25. апрѣля 5 такъ въ Ц; но суббота предъ недѣлею Мирносицъ, въ 6941 (1433) году, приходилась 25 апрѣля. б) и ни^б т. е. и они.

1434 градъ Галичь, и люди выведе съ собою, а градъ сожже. Тое же весны князь Юрьи Дмитреевичь собра воя многы, приде ратию къ Москвѣ на вербоной недѣли, а съ нимъ сила велика и Вятска рать; то же слышавъ князь великій Василей Васильевичь, выѣхалъ вонъ изъ града Москвы, а княгиню и матеръ посади во градъ, и не поиде противу ему; князь же Юрьи Дмитреевичь приде ко граду къ Москвѣ, граждане же отвориша ему градъ Москву, онъ же вниде въ градъ, и поималъ княгини великыя и посла ихъ въ заточеніе въ градъ зовомый Звенигородъ, а самъ сѣде на великомъ княженіи. Того же лѣта, мѣсяца іюня 5, преставися князь великій Юрьи Дмитреевичь, и положенъ бысть въ церкви Архангела Михаила на площади. Того же лѣта сѣде князь Василій Васильевичь на великомъ княженіи.

и полонъ повелъ; а князь Юрьи Дмитреевичь посла дѣтей по Вятчяны, и поиде на великого князя. Князь великій срѣте его въ Ростовские области у святаго Николы на горѣ, и бысть имъ бой въ Лазареву субботу, и преможе князь Юрьи и поиде къ Москвѣ; и приде къ Москвѣ на страстной недѣли, а у города стоялъ недѣлю, а въ среду на святой недѣли городъ взялъ, и княгини великыя поималъ и послалъ въ Рузу, а самъ сѣде на великомъ княженіи. Князь же великій убѣжа съ бою въ Новгородъ Великій, и оттолѣ иде на Мологу, и къ Костромѣ и къ Новугороду Нижнему; князь же Юрьи посла за нимъ дву князей Дмитреевъ съ силою. Того же лѣта преставися князь Юрьи Дмитреевичь на великомъ княженіи на Московскомъ, а сынъ его Василей послѣ отца сѣде на княженіи на Московскомъ, и сѣдѣ единъ мѣсяць; а князь Дмитрей смиришася съ великимъ княземъ и съгнаша князя Василья съ Москвы, а князь великій

Василей Васильевичь сѣде на своей отчинѣ на великомъ княженіи Московскомъ, а князь Василей поѣде къ Новугороду Великому и оттолѣ къ Костромѣ; а Шемякѣ далъ князь великій Угличь да Ржеву, а меньшему далъ князю Дмитрею Бѣжицкой верхъ; а князь Василей Юрьевичь Косой нача сбирати воя на Костромѣ на великого князя.

Въ лѣто 6943. Поиде князь Василей съ Костромы со многими силами къ Москвѣ, и срѣте его князь великій въ Ярославской отчинѣ у Кузмы Демьяна на Которосли, мѣсяца генваря въ 6; и бысть имъ бой и поможе Богъ великому князю; а князь Василей убѣглъ въ Кашинъ, а рати его побили много. И окопався въ Кашинѣ и приде къ Вологдѣ изгономъ на великого князя заставу, и воеводъ великого князя поималъ, Ѳедора Михайловичя Челядню, Андрѣя Ѳедоровичя Голтяева, Володимера Андрѣевичя Зворыкина, Михаила Чепечькина, и иныхъ много отъ дворянъ великого князя; и поиде къ Костромѣ и посла по Вятчянь, и Вятчяне придоша къ нему. И слышавъ князь великій то, и поиде на Кострому на князя Василья, и пришедъ ста на мысѣ у святаго Ипатія чудотворца, и не лѣзъ имъ на бой снятися о рѣцѣ Костромѣ, и взяша миръ, и дастъ князь великій князю Василью городъ Дмитровъ въ отчину; а весна была тогда велми студена. И приде князь Василей Юрьевичь въ Дмитровъ и пребылъ мѣсяць единъ.

Въ лѣто 6944. Князь Василей Юрьевичь поиде изъ Дмитрова опять на Кострому, а къ великому князю розметные послалъ, и на Костромѣ жилъ до пути до зимняго и поиде къ Галичю, изъ Галичя поиде на Устюгъ; и стоялъ подъ Устюгомъ 9 недѣль и городъ взялъ, а князя великого воеводу князя Глѣба Ивановичя убилъ Оболенского, а десятичника владычня Лева Булатова повѣсилъ, и многихъ Устюжанъ поѣклъ и повѣшалъ. Тое же зимы князю Дмитрею Юрьевичю женитися было на Угличи, и пояти дщерь князя Дмитрія Заозерского, и приѣха на Москву князя великого звати на свадьбу; и князь великій его поималъ и послалъ на Коломну, а приставъ у него Иванъ Старковъ, а Коломна за нимъ же. Тое же весны князь Василей Юрьевичь поиде съ Устюга на великого

князя, похваляся, а съ нимъ Вятчяне да князь Дмитріевъ брата его дворъ съ нимъ же; 1436 и срѣте его князь великій у святаго Покрова на Скорятинѣ, въ Ростовской области, а —45 съ нимъ князь Дмитрей Юрьевичъ меншіи, да въ ту же пору служилъ князю великому князь Иванъ Баба Дрютьскихъ князей. Изрядивъ копія и поидоша вмѣсто и бишася, и побѣже князь Василей, и угони его Борисъ Тоболинъ, и позна его и нача кликати, и пригна къ нимъ князь Иванъ Баба, и поимаша князя Василья Юрьевича и приведоша къ великому князю; князь же великій посла его на Москву, и ослѣпиша его.

Въ лѣто 6945. Приде Сидоръ митрополитъ изъ Царяграда на Москву, веснѣ, по Велицѣ дни; и бысть на Москвѣ немного, и тое же осени поиде въ Римъ на сборъ къ папѣ Еугенію. Тое же осени родися великому князю сынъ Юрьи Васильевичъ болшіи. Ц.

Въ лѣто 6945. Бысть бой на рѣцѣ Бѣлевѣ съ Татары князю великому Василью Васильевичю, со царемъ Махметемъ со сыномъ своимъ съ Маматякомъ; по разгнѣванію Господа Саваоа и по умноженію грѣховъ хрестьянскихъ, побиха рать Русьскую, тогда убиша бояръ и князей множество, князь великій отъиде въ малѣ дружинѣ.

Въ лѣто 6946, мѣсяца декабра 5, бой бысть великимъ княземъ Русьскимъ на Бѣлевѣ съ царемъ Махметемъ, и множество бысть вой Русьскихъ, а Татаръ велми мало; и подъ городъ придоша Русьстїи полци, и выгѣхаша Татарове и почяша ихъ сѣчи, а иныя побѣгоша, и убиша Руси много велми. Ц.

Въ лѣто 6947. Приде царь Махметъ изъ орды къ Москвѣ, мѣсяца іюля въ 3 день, и пожже около города посадъ, и стояли 10 днїи, а градъ сохраненъ бысть милостию пречистыя Богородици и молитвою чудотворца Петра митрополита Русьского. X

Въ лѣто 6949. Преставися князь Дмитрей Юрьевичъ, мѣсяца септября 22.

Въ лѣто 6949. Преставися князь Дмитрей Юрьевичъ Красной, мѣсяца септября 22. Тогда же митрополитъ Сидоръ убѣжалъ съ Москвы.

Тое же зимы князь великій ходилъ на Новгородъ, и Демянъ городъ взялъ, а мятля убили Порховского. Тогда же преставися князь Юрьи болшей, а другой князь Юрьи родися мѣсяца генваря 22, на Тимошеевъ день; а дотолѣ за годъ на тотъ же день родися князь великій Иванъ Васильевичъ, а крестилъ его игуменъ Зиновій Троецкїи.

Въ лѣто 6950. Князь великій роскынулъ съ Шемякою, и поиде на него къ Угличю, и онъ побѣже въ Бѣжицкой верхъ; и князь великій воротися на Кѣсовѣ. Тогда же и Колудара и Режьского кнутьемъ били. А князь Дмитрей, и съ нимъ князь Александръ Черторижскїи, часа того, пришли мало не къ Москвѣ; и помири ихъ игуменъ Троецкїи.

Въ лѣто 6951. Царевичя Мустафу убили на Резани, на рѣчкы на Листани; а зима была зла, а сѣно дорого. Тое же весны князь Иванъ Одрѣвичъ поималъ Андрѣя Дмитревичя, и жену его Марію сжегъ, на Мирносици, въ Можайсѣ, Ц.

Въ лѣто 6953. Приде Литовская рать на Русь, и взяли съ Колугы града окупъ, и стояли подъ Козельскомъ градомъ недѣлю; князь же Михайло Андрѣвичъ Можайскїи поиде противу ихъ въ малѣ дружинѣ, точю во тую сотъ, и удари на силу Литовскую яко на семи тысящъ, и обиха около его дружину; князь же Михайло побѣжа, а Литва поидоша восвоиса. Того же лѣта бысть знаменіе во градѣ Москвѣ: вѣста буря велія, и спадеся крестъ сборныя церкви, иже придѣлъ имать Лазарь святїи. Того же лѣта^a бысть бой князю вели-

a) приде литовская рать. . . лѣта такъ было и въ Ц. но потомъ киноварью захерено; см. ниже ту же статью въ примѣчанїяхъ.

1445 кому Василью Васильевичю со царевичемъ съ Маматякомъ^а у града у Суздаля, мѣсяца іюля
 —46 въ 7 день; и яко сразишася дважды, попущеніемъ Господа Саваооа, по умноженію хрестьян-
 ского согрѣшенія, и яко сразишася въ третій, и яша Татарове князя великаго Василья Ва-
 сильевича, съ нимъ князя Михаила Андрѣевича и бояръ множество. Мѣсяца того же въ 24^б
 погорѣ градъ Москва Кремль, и выгорѣ весь и не останася ни единого древеси, и каменіи
 церкви разсыпашася и мнози челоуѣци отъ огня^в скончашася, священници и черноризци, и
 сущіи^г незлобивіи младенци. Тое же осени выиде изъ орды князь великій Василей Василье-
 вичъ, и съ нимъ князь Михайло Андрѣевичъ^д. Тое же осени ино бысть знаменіе въ градѣ Мо-
 сквѣ: мѣсяца октября въ 1 день, на Покровъ святѣй Богородици, въ 6 часъ ноци, бысть
 тишина велія, многымъ челоуѣкомъ спящимъ, другимъ же никакоже сна приѣмшимъ, потря-
 сесе мѣсто и градъ на многъ часъ и храми поколебашася, не по всему же граду, но мѣсты;
 сему же суть мнози свѣдѣтеліе глаголющіи^е.

Въ лѣто 6954. Прииде князь Дмитрій Юрье-
 вичъ ратию, изгономъ, ко граду къ Москвѣ, со
 княземъ Иваномъ Андрѣевичемъ, предъ вели-
 кимъ заговѣніемъ въ день субботный на ночь,
 и волгалися въ градъ и взяша градъ Москву,
 и княини поимаша великіе обѣ и бояръ поима-
 ша; и князь же великій не бѣ тогда во градѣ,
 поѣхалъ бѣ въ монастырь въ Сергіевъ, князь
 же Дмитрій Юрьевичъ посла поимати князя
 великаго Василья Васильевича брата своего
 князя Ивана Андрѣевича, онъ же приведе его
 съ нужею на Москву, въ третій день и очи
 ему выимаша, и посла его въ заточеніе въ
 градъ на Углече поле и съ княгинею, а ма-
 терь его послаша въ городокъ на Чюхлому,
 а самъ сѣде на великомъ княженіи; а дѣти
 же князя великаго Васильева князь Иванъ да
 князь Юрьи убѣгли въ градъ Муромъ, и затво-
 ришася въ градѣ, князь великій Дмитрій Юрье-
 вичъ посла по нихъ въ Муромъ владыку Ря-
 заньскаго Іону, онъ же шедъ взя ихъ на свою душу, и князь великій Дмитрій Юрьевичъ по-
 сади ихъ съ отцемъ вмѣстѣ. Тое же зимы побѣжалъ князь Василей Ярославичъ въ Литву, не

Въ лѣто 6954. Прииде изъ орды князь ве-
 ликій Василей Васильевичъ, и съ нимъ князь
 Михайло Андрѣевичъ. Того же лѣта князь ве-
 ликій прииде отъ царевича изъ полону, на
 Дмитріевъ день, въ Переславль, и прииде на
 Москву; и сдумавше князь Дмитрей Юрьевичъ
 Шемяка да князь Иванъ Андрѣевичъ Можай-
 ский, а съ ними коромолилъ съ Москвы Иванъ
 Старковъ, да и отъ гостей, да и отъ Троецъ-
 скихъ чернцовъ, и пришли къ Москвѣ изго-
 номъ князь Дмитрей и князь Иванъ, а князь
 великій у Троици въ Сергіевѣ монастырѣ, и
 князь Дмитрей сѣлъ на Москвѣ, а князь Иванъ
 скочивъ и поималъ князя великаго у Троици,
 и пришедше на Москву ослѣпиша его, мѣся-
 ца февраля въ 13 день. Того же лѣта родися
 князь Андрѣй, на Углечи, августа 14. Ц.

а) съ маматякомъ» да съ егупомъ прибавлено на полъ въ Ц. б) въ 24»: въ 14 такъ у Карамз. V, 511; см. подъ симъ годомъ въ примѣчаніяхъ то же извѣстіе по списку Ц; упомянутый въ немъ день св. Архангела Гавріила приходится однакоже 15 іюля. в) отъ огня» туюю огня Б. Г. г) и сущіи» и сосущіи Б. Ц. д) тое же осени. . . андрѣевичъ» нтъ въ Ц. е) За симъ въ Ц. записаны еще слѣдующія извѣстія: тое же зимы царь махметъ приходилъ къ мурому, и князь великій былъ самъ въ муромѣ, и татаръ побили по селомъ: тогда застрѣлили александра иванова сына костентиновича, и на бою (ихъ?) руки знобили. а на колугу литва приходила 7000, а князь михайло андрѣевичъ съ четырьми сты биса съ ними, и убиша тогда князя андрѣя лугвицу суздальскаго, а судока въ литву повели. того же лѣта москва погорѣла, въ полночь, городъ, на сборъ архангела гавріила, а въ немъ осадѣ сущи и много людей погорѣло, а иные исподохлися.

хотя служити князю великому Дмитрію Юрьевичю. Того же лѣта родися князю великому 1446 сынъ Василью Васильевичю, мѣсяца августа въ 19 день, нареченъ бысть именемъ Андрѣй. —49
Тое же осени выпустиша князя великого Василья съ княгинею и съ дѣтьми, онъ же бѣжа во Тверь и собра воя многы; то же слышавъ князь великій Дмитрей, поиде на Волокъ ратию противу ему, и почаша войска съ бояры бѣгати отъ него, онъ же видѣвъ свое изнеможеніе и побѣжа въ Галичь и со княгинею, а князь Иванъ съ нимъ же побѣжалъ.

Въ лѣто 6955. Сѣде князь великій Василей Васильевичъ на великомъ княженіи на Москвѣ. Тое же осени, мѣсяца семтебря въ 1 день, родися сынъ^а князю великому Василью, и нареченъ бысть Семеонъ. Тое же осени, мѣсяца ноябрю въ 13, въ полночь, бысть громъ страшень и молнья велика зѣло.

Въ лѣто 6955. Князь Дмитрей Шемяка събравъ епископы всей земли, и честныя игумены, и прозвитеры, и пріѣхавъ на Угличъ и укрѣпивъ великого князя крестнымъ цѣлованіемъ и проклятыми грамотами, и выпусти его изъ поиманья и съ дѣтьми, сентября 15, и дасть ему Вологду въ удѣлъ. И пріиде князь великій на Вологду, и оттолѣ въ Кириловъ монастырь, игумень же Трифонъ и съ всею братією благослови великого князя Василья

Васильевича и съ его дѣтьми на великое княженіе, а ркучи такъ: «тотъ грѣхъ на мѣ и на моей братіи главахъ, что еси цѣловалъ и крѣпость давалъ князю Дмитрею; а поиди, государь, съ Богомъ и съ своею правдою на свою отчину на Москву на великое княженіе; а мы за тебя государя Бога молимъ и благословляемъ.» Князь же великій поиде къ Твери, и вся сила Московская съ всѣ страны къ Твери къ великому князю, изъ Литвы пріиде князь Василей Ярославичъ, князь Семень Оболенскій, князь Иванъ Ряполовскій, Феодоръ Басенокъ, и иныхъ бояръ много и князей и воеводъ много, дѣтей боярьскихъ множество, и царевича два Трегубъ-Каисымъ и Ягушъ, и наѣхаша великого князя на Угличи; а тогды князь великій сватался съ княземъ великимъ Борисомъ Александровичемъ за своего сына Ивана, и пріиде на Москву февраля 17, въ пятокъ сырній. Ц.

Въ лѣто 6956. Бысть Благовѣщеніе по Велицѣ дни на святой недѣли въ понедѣльникъ; того ради написахомъ, понеже не часто бываетъ. Того же лѣта, мѣсяца іюля, бысть моръ на кони, и на всяку животину и на люди. Того же лѣта преставися благовѣрный князь Василей Юрьевичъ, братъ князю Дмитрею.

Въ лѣто 6957. Князь великій Василей Васильевичъ постави себѣ митрополита на Москвѣ Іону владыку Рязанскаго, собравъ владыкы. Того же лѣта родися князю великому Василью сынъ, мѣсяца іюля 21, и нареченъ бысть Борисъ. Тое же зимы ходилъ князь великій Василей Васильевичъ ратью къ Галичю, на князя на Дмитрея Юрьевича, и бысть имъ бой подъ Галичемъ; и поможе Богъ князю великому Василью Васильевичю, и прогнаша его въ Новгородъ Великій, а градъ взялъ собѣ и всю его вотчину и посадилъ намѣстники, и возвратишася на Москву. [Тое же весны князь великій былъ на Рудинѣ селѣ, въ Ярославлѣ, и пріидоша на него князь Дмитрей Шемяка да князь Иванъ Можайскій съ многими людьми, и вмаѣлъ не бысть межи ими кровопролитія; князь же Иванъ Андрѣевичъ добилъ челомъ князю великому, и князь великій пожаловалъ его далъ ему Бѣжицкой верхъ къ его отчинѣ къ Можайску, а Шемяка поиде къ Галичю. Того же лѣта скорые Татарове были, догоняли до Похры; тогды полонили князь Васильеву Ивановича Оболенского княгиню Марию, съ снохою Стефанидою, да Григорьеву жену Козлову Морозова. Ц.]

а) сынъ * недостаетъ въ обоихъ сп. Б. Г.

1450 Въ лѣто 6958. Тое же зимы преставися
 —51 князь Василей Юрьевичъ Патрекѣва въ черн-
 цѣхъ и въ скимѣ, мѣсяца генваря. Тое же
 зимы привезоша на Москву колоколъ великъ
 съ Городка съ Низу. Того же лѣта заложена
 бысть церквы камена на Москвѣ во имя свя-
 таго Воздвиженія честнаго креста Господня,
 заложилъ ея гость Володимеръ Ховринъ и пове-
 лѣ заложити около кирпичемъ, а изнутри бѣ-
 лымъ каменемъ. Того же лѣта пресвященный
 митрополитъ Иона заложилъ полату камену, на
 Москвѣ, на своемъ дворѣ предъ дверми свя-
 тыя Богородица, и церковь въ полатѣ во имя
 пресвятыя Богородица Положеніе честныя ея
 ризы, еже празднуемъ мѣсяца іюля 2. Того
 же лѣта бысть чудо страшно во градѣ Мо-
 сквѣ: мѣсяца августа 5 день, канунъ дни Спа-
 сова, предъ вечернею за единъ часъ, внезапно
 приде туча со вѣстока на градъ, и бысть
 громъ страшень; по разгнѣванію Господа Са-
 ваоа, по умноженію грѣхъ хрестіянскихъ,
 престрѣли громъ верхъ у церкви у каменя
 святаго Михаила Архангела на площади, и
 поиде стрѣла въ церкви, и бысть чудо страшно
 яко не мощно сказати, како ходила по
 церкви. Того же мѣсяца августа 13 день, приде
 туча отъ западныхъ страны на градъ Москву
 и вѣтръ великъ зѣло, и сломило крестъ у
 церкви святаго Архангела Михаила на площади.
 Тое же осени придоша Татарове изъ поля на
 Рязань, и посла князь великій Василей Ва-
 сильевичъ рать свою на нихъ, и воеводу Кон-
 стантина Александровича Беззубцева; и бысть
 имъ бой, и поможе Богъ князю великому Ва-
 силью Васильевичю, и побиша Татаръ мно-
 жество.

Въ лѣто 6959. Преставися благовѣрная ве-
 ликая княгини Тферьская Анастасія. Тое же
 весны бысть въ великій пятокъ Юрьевъ день.
 Того же лѣта придоша Татарове Кичиах-
 мевы орды ко граду Москвѣ, мѣсяца іюля въ
 2 день, посадъ около града пожгоша, а градъ
 сохранень бысть милостию пречистыя Бого-
 родица и великого чудотворца Петра; а стоя-
 ли у града день единъ, а ноци побѣжа прочь
 отъ града, а приходилъ царевичъ Кичиах-
 мевъ сынъ именемъ Мазавша.

вѣтръ на городъ мѣсяца іюля 2, на Пречистыя ризы Положеніе; святой Иона митрополитъ
 нача пѣти молебены и молитися Богу, и вѣтръ утиши. И Татарове тое же ноци побѣ-
 гоша прочь, слышавше шумъ великъ въ градѣ, мняху князя великого пришедша. Ц.

Въ лѣто 6958. Князь великій Василей Ва-
 сильевичъ бия въ Галичи съ княземъ Дми-
 треемъ Юрьевичемъ съ Шемякою, мѣсяца ген-
 варя 27, и поможе Богъ князю великому, а
 Шемяка утече въ Новгородъ Великій; на
 томъ бою убили Григорья Семеновича Горсть-
 кына, и положень бысть у Спаса въ Яросла-
 вли. Того же лѣта Володимеръ Григорьевичъ
 Ховринъ, передъ своимъ дворомъ, поставилъ
 церковь кирпичну святое Въздвиженіе честна-
 го креста. Тогда же бой былъ на Бетюцѣ съ
 Татары, а бился Костянтинъ Александровичъ
 Беззубцовъ; и поможе Богъ великому князю,
 и побиша Татаръ множество, и ту Ромодана
 убили. Того же лѣта пресвященный митропо-
 литъ Иона заложилъ полату камену, на Москвѣ,
 на своемъ дворѣ, предъ дверми святыя Бого-
 родица, и церковь въ полатѣ во имя святыя
 Богородица Положеніе честныя ея ризы, еже
 празднуемъ мѣсяца іюля 2. Ц.

Въ лѣто 6959. Георгія было въ пятокъ
 великій. И того лѣта царевичъ, Сидюхма-
 товъ сынъ, Мазавша приходилъ изгономъ къ
 Москвѣ, а съ нимъ Гедигеръ князь ординь-
 ский. А князь великій не поспѣлъ събрати
 силы, и посла къ берегу князя Ивана Зве-
 нигородцкаго; онъ же узрѣвъ Татаръ за рѣкою,
 и покиня берегъ побѣже прочь. И князь ве-
 лическій самъ выѣде изъ града за рубежъ,
 а въ осадѣ остави мать свою великую княги-
 ню Софію, съ великою княгинею своею, да
 Іону митрополита. Татарове же пришедше по-
 сады зажгоша съ всѣ стороны, и понесе

Въ лѣто 6960. Ходилъ князь великій Иванъ воевати Ноугорода. Того же лѣта женися князь великій Иванъ Васильевичъ у великого князя у Бориса у Тферьскаго; а вѣнчалъ его архимандритъ Трифонъ Спасскій да протопопъ Киріакъ Богородицкій.

Въ лѣто 6961, мѣсяца априля 9 день, въ 1 часъ ноши, погорѣ градъ Москва нутрь города. Того же лѣта, мѣсяца іюля 13, преставися благовѣрная великая княгини Софья, нареченая во мнишьскомъ чину Сунклитикія. Того же лѣта преставися князь Дмитрій Юрьевичъ Шемяка въ Новѣгородѣ въ Великомъ, и положиша его у церкви святаго Георгія. Того же лѣта взяша Турци Царьградъ, мѣсяца маія 29, и много зла сотвориша и прольяха кровь хрестьянскую.

Въ лѣто 6962. Преставися архіепископъ Ефремъ Ростовскій и Ярославскій, мѣсяца марта 29; того же лѣта поставленъ бысть Ѳеодосій епископъ Ростову. Того же лѣта ходилъ князь великій Василей Васильевичъ ратью къ Можайску; князь же Иванъ Ондрѣвичъ бѣжа въ Литву, а градъ изнеможе и предашася князю великому. Того же лѣта, мѣсяца августа 31, бысть громъ страшень и проразилъ церковь каменую въ градѣ Москвѣ пречистыя Богородица, иже придѣлъ имать святы Лазарь.

Въ лѣто 6963. Воеваша оканніи безвѣрники Гоголичи Великую Пермь; тогда убиша епископа Питирима Пермскаго. Того же лѣта родися князю великому Василью Васильевичю, мѣсяца септября 30, сынъ князь Дмитрій; и крести его митрополитъ Іона. Того же лѣта послалъ князь великій Василей рать свою за рѣку Оку противу Татаръ, а воевода у нихъ князь Иванъ Юрьевичъ, и бысть имъ бой и поможе Богъ князю великому; тогда убиень бысть князь Семень Ивановичъ Бабичъ^а.

Въ лѣто 6964, мѣсяца генваря, ходилъ князь великій Василей Васильевичъ къ Нову-

Въ лѣто 6960. Князь великій жени сына ¹⁴⁵²
своего князя великого Ивана Васильевича, ^{—56}
іюня 4, у великого князя Бориса Александровича Тверьскаго, поятъ за него княжну Марью. Того же зимы князь великій Иванъ Васильевичъ ходилъ на Кокшегну. Того же лѣта родися князь Ондрѣй меншей, августа въ 8. Ц.

Въ лѣто 6961, мѣсяца апрѣля въ 9, выгорѣ Москва градъ отъ Беклемишева двора. Того же лѣта преставися великая княгини Софія, въ черницахъ, у Възнесенія, іюня 15. Того же лѣта князь Дмитрей Юрьевичъ Шемяка умре со отравы въ Великомъ Новѣгородѣ. Того же лѣта царь Турьскій Моаметъ взялъ Царьградъ, маія 29. Ц.

Въ лѣто 6962. Преставися Ефремъ архіепископъ Ростовскій и Ярославскій; того лѣта поставленъ бысть Ѳеодосій Бывалцевъ епископомъ Ростову. Того же лѣта князь великій Василей Васильевичъ Можаяскъ взялъ, а князь Иванъ Андрѣвичъ къ Литвѣ побѣже. Ц.

Въ лѣто 6964. Князь великій Василей Васильевичъ ходилъ на Великій Новгородъ

а) того же л. послалъ . . . бабичъ»; эти слова въ Ц. помараны, и вмѣсто ихъ написано: того же лѣта приходили татарове отъ сидяхметевы орды, и прелѣзъ рѣку оку грабили и полонъ имали, и прочь ушли; а иванъ васильевичъ ощеря стоалъ съ коломенскою силою, да ихъ упустилъ, не смѣлъ на нихъ ударитися; тогда же убили тѣ татарове князя семена бабича; и пришедъ Ѳеодоръ басенокъ съ великого князя дворомъ, татаръ били, а полонъ отънимали.

1457-60 городу Великому ратью, и не дошелъ Новаграда за полтора ста верстѣ, и ту срътилъ его владыка съ Новгородци, и добиша челомъ князю великому Василью Васильевичю 10-ю тысячь рублевъ; князь же великій пріять любовь ихъ и возвратися.

вися князь великій Иванъ Ѳеодоровичъ Рязаньскій. Того же лѣта князя Василья Ярославича поймали, іюля въ 3.

Въ лѣто 6966, сентября 29, сгорѣ городъ Муромъ. Тоя же осени, мѣсяца октября 22, треть Москвы сгорѣ. Тоя же зимы, мѣсяца февраля 15, родися великому князю Ивану Васильевичю сынъ Иванъ отъ Тверянки. Того же лѣта преставися Еуѡимій архіепископъ Новгородскій. Того же лѣта князь великій посылалъ на Вятку Ряполовскихъ, и Григорей Перфушковъ у Вятчанъ посулы поималъ да имъ поровиль, ни Вяткы не взялъ. Того же лѣта поставили церковь кирпичну святое Введеніе, на Симановскомъ дворѣ, въ городѣ.

Въ лѣто 6967. Поставили Іону архіепископомъ Новугороду Великому. Того же лѣта Іона митрополитъ поставилъ у Пречистые придѣлъ, церковь въ имя Похвалы святыя Богородица. Того же лѣта князь великій Василей Васильевичъ посылалъ князя Ивана Юрьевича воеводою на Вятку, да съ нимъ дворъ свой; онъ же шедше городкы поималъ Орловъ да Котелничъ, а подъ Хлыновымъ стоялъ долго, и Вятчане добили челомъ на всей его воли, какъ надобѣ государю великому князю. Ц.

Въ лѣто 6968, мѣсяца августа, царь Ахметъ Кичиахметевичъ стояли на Рязьскомъ полѣ, и подъ Рязанію бысть Теисуфуи да Темиръ многими ратьми, и стояли 6 дней да побѣжали; а князь великій Иванъ тогда стоялъ у берега со многими людьми. Того же лѣта бысть трусь съ небеси страшень, и громъ^а великъ и молнія со огнемъ, мнози храми падошася и лѣсу преломленіе бысть велие зѣло по многымъ мѣстомъ, мѣсяца іунія въ 14 день. Того же лѣта, мѣсяца іюля въ 3, былъ гибель мѣсяцю, а въ осмый^б день солнце гыбло, въ пятокъ 2 часъ дне; сіе же съ полчаса бысть. Въ 70 второе лѣто, априля 4, поставленъ бысть Іосифъ протосиггелъ митрополитомъ въ Кесарію Филипову, на Москвѣ, митрополитомъ Ѳеодосіемъ. Въ 70 пятое лѣто, априля 23, преставися благовѣрная великая княгини Марья Иванова Васильевича, и положена бысть въ церкви святого Вознесеня.

ратью, и Новгородци пошли противу великого князя ратью, и князя великого воеводы, князь Иванъ Васильевичъ Стрига съ братьею да Ѳеодоръ Васильевичъ Басенокъ, били ихъ подъ Русою февраля въ 9, а иныхъ поймали, а князь великій стоалъ въ Яжелобичахъ; и пріѣха владыка съ посадники и добили челомъ князю великому. Тое же весны преста-

вися князь великій Иванъ Ѳеодоровичъ Рязаньскій. Того же лѣта князя Василья Ярославича поймали, іюля въ 3.

Въ лѣто 6967. Поставили Іону архіепископомъ Новугороду Великому. Того же лѣта Іона митрополитъ поставилъ у Пречистые придѣлъ, церковь въ имя Похвалы святыя Богородица. Того же лѣта князь великій Василей Васильевичъ посылалъ князя Ивана Юрьевича воеводою на Вятку, да съ нимъ дворъ свой; онъ же шедше городкы поималъ Орловъ да Котелничъ, а подъ Хлыновымъ стоялъ долго, и Вятчане добили челомъ на всей его воли, какъ надобѣ государю великому князю. Ц.

Въ лѣто 6968. Князь великій Василей Васильевичъ былъ въ Новѣгородѣ въ Великомъ миромъ; и тогда же въ Новѣгородѣ Ѳеодора Басенка хотѣли убить шылники. Того же лѣта буря страшна была, лѣсъ ломило и хоромы рвало, іюля 14; а въ 18 солнце гыбло. Того же лѣта царь Ахмутъ Кичиахметевичъ Болшіе орды приходилъ подъ Резань, и стоалъ подъ городомъ, и Татаръ у него побили; а приводелъ его Казать Уланъ мурза, и поиде прочь съ великимъ срамомъ царь, а на Казата нелюбіе держа. Того же лѣта поставили церковь камену святое Богоявленіе, на монастырскомъ дворѣ Сергѣева монастыря на Троецкомъ; да тогда же заложиха церковь камену святаго Іоанна Предтечу, предъ княжимъ дворомъ Юрьевымъ Васильевича. Ц.

а) и громъ" и срамъ ошибок. Б. б) въ осмый"; должно чит. въ осмыинадцать, такъ какъ въ 6968 году это число действительно приходилось въ пятницу; см. также вторую колонну.

Въ лѣто 6969, мѣсяца марта въ 31, на память святого отца Ипатія, преставился пресвященный Иона митрополитъ Кіевскій и всея Руси, въ вторникъ страстныхъ недѣли, въ 2 часъ дни, пасъ церковь Божию 12 лѣтъ и четыре мѣсяци. Князю же великому Василью Васильевичю и сыновомъ его не сущимъ тогда въ градъ Москвѣ, но въ Володимери, за нѣкую нужу належащую тогда отъ Казани; но христолюбивая великая княгини Марія Васильева Васильевича, и другая великая княгини Марія Иванова Васильевича, и множество народа много. Бѣ же тогда зрѣти лице его не якоже бѣ обычай мертвымъ, но яко спящу показуся, за преславное и великое его житіе, якоже слышахомъ о немъ, еже отъ юности якоже древніи святіи отци. Того же лѣта поставленъ бысть архіепископъ Ѳеодосій Ростовски и Ярославски на святѣйшую митрополию Русьскую, повелѣніемъ благочестиваго и благовѣрнаго и христолюбиваго великаго князя Василья Васильевича и сына его великаго князя Ивана Васильевича, самодержцовъ Русьскія земля, и епископы тогда сущими, Филипа епископа Суждалского, и Геронтія епископа Коломенського, и Васіяна епископа Сарьского и Подонского, а прочыхъ епископъ обослаша и вси быша во единой мысли и хотѣніи; поставленъ же бысть мѣсяца маія въ 3, на память святого отца Ѳеодосія игумена обители Печерьскіе, иже бысть первый наставникъ общаго житія.

Въ лѣто 6970, мѣсяца марта въ 27^а, преставился благовѣрный и христолюбивый князь великій Василей Васильевичъ всея Руси, въ субботу четвертую великаго поста, въ 3 часъ ноци. Бысть же тогда^б въ градъ Москвѣ и рыданіе велико зѣло, плакаху жеся князи и вельможи, старіи и уніи, богати и убози, паче же реку и младенци, и все множество толика народа яко и другъ друга угнетаху; и въ колоколь звоненію бывшу тогда многу зѣло. Быша же тогда на погребеніи его: пресвященный Ѳеодосій митрополитъ всея Руси, Геронтій епископъ Коломенскій, Васіянь епископъ Сарьскій и Подонскій, и сынове его, благовѣрный и христолюбивый князь великій Иванъ Васильевичъ и едиnorodная его братія, Юрьи, Андрѣй, Борисъ, и иныхъ князей довольно и вельможей много, народа же много множество. Положенъ же бысть въ церкви великаго Архистратига Михаила, идѣже лежать

Въ лѣто 6969. Преставился князь великій¹⁴⁶¹ Борисъ Тверьскій, февраля 18. Тое же весны^{—62} преставился Иона митрополитъ Кіевскій всея Руси, марта 31; и поставиша на митрополию Ѳеодосія архіепископа Ростовского, маія 3. Ц.

бысть тогда въ градъ Москвѣ благовѣрная и христолюбивая великая княгини Марія Васильева Васильевича, и другая великая княгини Марія Иванова Васильевича, и множество народа много. Бѣ же тогда зрѣти лице его не якоже бѣ обычай мертвымъ, но яко спящу показуся, за преславное и великое его житіе, якоже слышахомъ о немъ, еже отъ юности якоже древніи святіи отци. Того же лѣта поставленъ бысть архіепископъ Ѳеодосій Ростовски и Ярославски на святѣйшую митрополию Русьскую, повелѣніемъ благочестиваго и благовѣрнаго и христолюбиваго великаго князя Василья Васильевича и сына его великаго князя Ивана Васильевича, самодержцовъ Русьскія земля, и епископы тогда сущими, Филипа епископа Суждалского, и Геронтія епископа Коломенського, и Васіяна епископа Сарьского и Подонского, а прочыхъ епископъ обослаша и вси быша во единой мысли и хотѣніи; поставленъ же бысть мѣсяца маія въ 3, на память святого отца Ѳеодосія игумена обители Печерьскіе, иже бысть первый наставникъ общаго житія.

Въ лѣто 6970, мѣсяца генваря 24, на Оксиньинъ день, въ недѣлю, у Михайлова Чюда въ монастырѣ, у гроба святого Алексія митрополита чудотворца, простило Наума черница Деревягу. Тое же зимы, февраля 1, митрополитъ Ѳеодосій постави на Рязань владыку Давыда казначѣя митрополичя. Тое же весны поймали княжыхъ дворянъ Ярославичя Володку Давыдова и иныхъ много въ измѣнѣ, что хотѣли вынати князя Василья съ Угличя; и князь великій повелѣ ихъ казнью^а казнити, въ великое говѣнье, на Ѳеодоровѣ недѣли. Князь же великій повелѣ жещи у себя трутъ на хребтѣ, болѣзни ради сухотныя, и сѣтѣхъ мѣсть разболѣся и преставися марта 27, на память святыя Матроны иже въ Селуни. Того же лѣта сѣде на великомъ княженіи сынъ его князь великій Иванъ Васильевичъ, на Володимерскомъ и на Московскомъ и на Новгородскомъ и на всей Руси; а брату его князю

а) марта въ 27^а марта въ 28 Б. Г. б) тогда *кажется* здѣсь пропущено слово плачь.

а) казнью^а *незнаемою прибавлено было въ Ц, по помарано; см. Новг. четв. Лѣт., стр. 148.*

1462 сродници его, великій князь Иванъ, сынъ Юрью Васильевичю достался Дмитровъ съ всѣми пошлинами, да Можасекъ, да Серпоховъ, да Хотунь; а князю Ондрѣю Васильевичю болшему Угличе поле, да Бѣжицкій верхъ, да Звенигородъ, да мати его великая княгини придала ему, послѣ великого князя, Романовъ

городокъ на Волзѣ; а князю Борису Васильевичю достался въ удѣлъ Волокъ Ламьскій, Ржева, Руза, да послѣ княжъ Юрьева живота князь великій придалъ Вышегородъ Поротовскій, да Марьины села Голтяевы ему же достались; а князю Ондрѣю Васильевичю досталось Вологда да Озерье, да князь великій пожаловалъ его придалъ ему Торусу да Городецъ у Серпухова. Ц.

Въ лѣто 6971. Въ градѣ Ярославли, при княженіи князя Александра Ѳеодоровича, явишася у Спаса въ монастыри чудотворци Ѳеодоръ Ростиславичъ Смоленскій и съ дѣтми, почяло отъ гроба ихъ людей прощати много. Ц.

Въ лѣто 6972. Князь великій Резанскій женился на Москвѣ, у великого князя Ивана сестру понялъ княжну Анну, генваря 28. Тое же зимы, на Москвѣ, поставили Осифа Грека архіепископомъ въ Кесарею Филипову, марта 4. Ц.

Въ лѣто 6974. Ѳеодосей Бывалцевъ митрополію оставилъ, сентябрѣ 13, и поставиша во его мѣсто Филипа владыку Суздальскаго въ митрополиты, ноябрѣ 13^а. Того же лѣта въ Псковѣ и въ Новѣгородѣ въ Великомъ морѣ бысть великъ на люди, Семеновской. Ц.

Въ лѣто 6975. Преставися великаго князя Ивана Васильевича княгини Марія Тверянка, апрѣля 22, въ 3 часъ ноци; а князь великій былъ на Коломнѣ. Того же лѣта Трифонъ Ростовскій остави архіепископію. Того же лѣта Възнесеніе обновлено, каменная церковь на Москвѣ. Ц.

Въ лѣто 6976. Князь великій Иванъ Васильевичъ посылалъ подъ Казань царевича Каисыма, да съ нимъ послалъ воеводъ своихъ князя Данила Дмитреевича да князя Ивана Васильевича Стригу, и дворъ князя великого, и стаха у Волги втаи; и Татарове были на нихъ вышли изъ судовъ, а наши хотѣли ихъ заскочити отъ берега, и нѣкто уноша именемъ Андаръ, постелникъ великого князя, наполнився духа ратна и не отпусти ихъ нимало отъ судна, и кликну на нихъ, они же устранившеся и вметашася въ суды и побѣгоша на Волгу^г. Тое же осени Филипъ митрополитъ Възнесенье свящалъ, въ городѣ, церковь^д камену. Тогда же и рать была на Черемису. Тое же осени поставили архимандрита Спасскаго Васьяна Рыла въ архіепископы на Ростовъ, декабрѣ 13. А князь великій, тое зимы, былъ въ Володимери и въ Переяславли. Ц.

Въ лѣто 6977. Князь Андрѣй болшей женися у Мезецкаго князя, маіа 27, въ недѣлю Слѣпаго^е, понялъ княжну Елену. На весну^ж князь великій послалъ рать судовую на Казань, а князь Юрьи, да князь Андрѣй болшій, да князь Василей Михайловичъ пошли берегомъ, да съ ними воеводы князя великого, князь Иванъ Юрьевичъ и вси князи служилые, и дворъ

а) алекс. и александра въ обоихъ сп. б) сент. генваря ошибк. Ц.; см. Новг. четв. Лѣт., стр. 149, и другія Лѣтописи. в) ноябрѣ 13^а ноябрѣ 11 такъ въ другихъ Лѣтописяхъ. г) За симъ въ Ц. написано и потомъ помарано въ той день съдѣся спасеніе велико татаромъ, здоровіемъ андаровымъ григорьевымъ григорьева сына карновича; см. Новг. четв. Лѣт., стр. 149. д) церковь прибавлено Издателемъ. е) Недѣля Слѣпаго приходилась 27 мая въ 6978 (1470) году. ж) Предъ симъ словомъ на полѣ написано лѣта 6978; но мая 21 въ недѣлю Пятдесятницы (см. ниже) было въ 6977 (1469) году.

князя великого, а въ передовомъ плѣку былъ князь Данило Дмитріевичъ Холмской да Ое-¹⁴⁶⁹
доръ Давыдовичъ; и судовая рать напередъ пришла, маіа 21, въ недѣлю 50, на ранней зарѣ,^{—71}
и взяти имъ было Казань, пришли безвѣстно, Иванъ Дмитреевичъ нарицаемый Руно отбилъ
ихъ прочь, а Татаромъ всемъ спящимъ. И послѣ того князь Оеодоръ Семеновичъ Хрипунъ
Ряполовскій билъ Татаръ на Волзѣ, іюня 4; а въ другіе тогды же бой бысть Татаромъ на
Волзѣ съ Устюжаны и съ великого князя дворяны, и Тотарове Устюжанъ били и дѣтей
боярьскыхъ переимали, и тогды же убили Никиту Костентиновичя и Юрла Плещѣва поло-
нили и его товарищевъ. Сентября 1 князь Юрьи Васильевичъ со всею силою Московскою
прииде подъ Казань, и судовые рати поидоша пѣши къ граду, Татарове же выѣхаша изъ
города и побившеся мало бѣжаша въ градъ, наши же погониша ихъ и стаха подъ городомъ,
и отняша у нихъ воду; царь же Обряимъ видя себе въ велицѣ бѣдѣ, и нача посылати къ
князю Юрью, и добиша челомъ на всей воли князя великого. Того же лѣта, августа 1^а,
погорѣ градъ Москва нутрь весь. Ц.

Въ лѣто 6979, ноября 5^б, преставися архіенископъ Іона Новгородскій. Тое же осени
былъ князь Михайло Олелковичъ Литовскій въ Новѣгородѣ въ Великомъ. Тое же осени по-
ставленъ бысть Прохоръ на епископью Сарьскую. Того же лѣта, на весну, женился князь
Борисъ Васильевичъ, у князя у Михаила у Холмского понялъ Ульяну, маіа 9. Того же лѣта,
іюня въ 20, князь великій съ братьею и съ всею силою поиде къ Новугороду Великому,
съ все стороны воюючи и плѣняючи. Ц. *

а) авг. 1^а августа 30 *ошибк.* Ц.; см. *Новг. четв. Лѣт.*, стр. 149. б) ноября 5^б ноября 8 *такъ въ* Ц.;
см. *Новг. четв. Лѣт.* стр. 150.

* Окончаніе Бал., Гор. и Цар. II, и Прибавленія къ Софійской первой Лѣтописи, см. въ VI томѣ.

ПОПРАВКИ.

Къ IV тому.

Стран. 109, строк. 45 (въ подстрочной выноскѣ): см. Прибавленія къ V тому сего изданія ;
чит. см. въ V томъ сего изданія стр. 254 — 256.

Къ стр. 165. Въ подстрочномъ примѣчаніи слова: см. продолженіе сего мѣста въ V томъ, подъ 7004 г. *слѣдуетъ читать:* см. въ Софійской третьей Лѣтописи, подъ 7004 г.

Къ стр. 268. Въ подстрочной выноскѣ слова: см. въ семъ изданіи Софійскую Лѣтопись, т. V, подъ 7001 г., *должно чит.* см. въ семъ изданіи Софійскую третью Лѣтопись, подъ 7001 годомъ.

Къ стран. 361. Слова въ послѣдней строкѣ: см. Прибавленія къ V тому сего изданія *должно уничтожить.*

Къ V тому.

Стран. 23, строк. 25. дворъ Артемьевъ, воротове ; *можетъ быть* дворъ Артемьевъ Воротова.

Стран. 28, строк. 34 и заморцовъ ; *слѣдовало напечатать* и Заморцовъ.

Стран. 103, строк. 7 «и възнесутъ вы въ лодіи *чит.* «и възнесутъ вы въ лодіи.»

Стран. 226, строк. 42 (въ выноскѣ) Прибавленіе *чит.* Прибавленія.

Стран. 254, строк. 43 (въ выноскѣ) недостаетъ листа *чит.* недостаетъ листовъ.

О Г Л А В Л Е Н І Е.

V. Псковскія Лѣтописи.

Предисловіе къ Псковской второй Лѣтописи.	V—VI
II. Псковская вторая Лѣтопись (<i>Табл. снимк. I</i>).	1—46
Прибавленія къ Псковскимъ Лѣтописямъ.	47—74

VI. Софійскія Лѣтописи.

Предисловіе къ Софійской первой Лѣтописи.	77—80
I. Софійская первая Лѣтопись. (<i>Табл. снимк. II</i>).	81—275
Поправки.	277

